

ACTA
ERUDITORUM
ANNO
M DC IC

publicata,

*Cum S. Cæsareæ & Regiæ Polonicæ Maje-
statum privilegiis.*

L I P S I Æ.

Prostant apud JOH. GROSSII Hæredes
& JOH. THOM. FRITSCHIUM.

Typis JOHANNIS GEORGII.
A. M DC IC.

N I.

A C T A ERUDITORUM

Publicata Lipsiæ

Calendis Januariis, Anno M DC XCIX.

*SS. PATRUM, QUI TEMPORIBUS APOSTOLICIS FLORUE-
runt, Opera genuina & suppositicia, a J. B. COTELERIO olim edita,
nunc denuo recensita & variis accessionibus notulisque nonnullis
aucta, ac in duo volumina digesta a JO.
CLERICO.*

Antverpiæ apud Huguetanos, 1698. in fol. Alph. 17.

Magna, dum viveret, J. B. Cotelarii fama fuit, individua e-
jus a teneris & inter ipsa crepundia comes, ad rogam us-
que eum secuta, imo ne post fata quidem illum destituens.
Natus ille fuerat anno hujus seculi XXVII apud Nemaus-
enses, patre viro docto Joanne Cotelario, matre Maria
Deyronia, quæ materno genere Grossorum familiæ innexa, Clemen-
tem IV, Pontificem quondam Romanum, inter stirpis suæ ornamen-
ta connumerabat. Septennium vix excesserat, cum carmine Lati-
no apud Nemausenses inter ludos schoiasticos recitato, oratione i-
tem qua Henricum Borbonium Condeum, & alia qua Carolum
Schombergium Ducem Halluini salutaverat, omnium oculos in se
converteret, præclarissimamque de indole sua expectationem excita-
ret. Sed quid alia ætatem superantis ingenii commemoremus spe-
cimina? cum anno 1638 testem illustrissimum, magnum illud Franciæ
columen, Armandum Richelium nactum id fuerit, qui brevi & ele-
ganti panegyrico a Cotelario puero laudatus, palam eum commen-
dare dignatus est, proximoque anno denuo sisti sibi voluit. Atque
tum quidem a P. Josepho Capucino, qui doctissimus eo tempore ha-

A

be

bebatur, multa interrogatus, ipso Josepho palam fatente, amplissime ei in omnibus satisfecit. Nolumus jam prolixè repetere, quæ ratione Illustrissimo Franciæ Cancellario Petro Seguierio, Jacobo Sirmondo, Dionysio Petavio aliisque publicæ & litterariæ rei proceribus ingenium summasque dotes suas approbaverit; at quæ in Comitibus generalibus Cleri Gallicani, anno 1641 Medontæ in diocesi Carnotensi celebratis, ab eo gesta fuerint, præteriri non possunt. In iis non indignum sua, quam sustinebat, persona arbitrabatur Leonorius Carnotensis Episcopus, de virtutibus Cotelieri pueri amplissimis verbis facere mentionem. Quæ in admirationem rapti auditorum animi, videre eum præsentem omnes quam maxime avebant. Quid ergo ille? Utriusque Fœderis libros coram illustri hoc confesso promte interpretabatur, objectis expeditè & suaviter respondebat, Euclidis definitiones nonnullas explicabat, utque ista omnia, tanquam monstri aliquid habentia, in commentarios Comitiorum, in æternam rei memoriam referrentur, consequebatur. Philosophico inde, qui dicitur, cursu in Collegio Grassinæ absoluto, propugnatis Græco sermone ex omnibus disciplinis thesibus, anno 1643 artium renunciatus est Magister, ad Regis Reginæque colloquium multo cum honore paulo post admissus. Primum in Theologia gradum anno 1647 consecutus, actum Theologicum, qui Robertina dicitur, sequenti anno sustinuit, anno 1649 Doctorem 88, qui in illo confessorum erant, unanimi suffragio in Sorbonam cooptatus. Integrum posthac lustrum Ebredunensis Archiepiscopi Georgii Albuçonii, qui eo carere nolebat, causa Ebreduni exegit, cujus temporis partem longe potissimam sibi periisse queri sæpe solebat, & libris & virorum doctorum commerciis penitus destitutus. Lutetiam vero redux, fixis ibi sedibus, anno 1660 ineditas quasdam Chrysostomi in Psalmos homilias, & interpretationem in Daniele Prophetam ex Bibliotheca Scorialensi nactus, Latine vertit & publici juris fecit. Ab eo autem tempore Patribus Apostolicis operam suam addixit, cui tamen moras quasdam injici auctoritate illustrissimi Colberti passus est. Hic enim cum recenseri atque in ordinem redigi manuscriptos Bibliothecæ Regiæ codices vellet, Cotelierium Græcis libris tractandis aptissimum judicabat, atque propterea has illi tutissime partes dari posse arbitrabatur. Nec sine insigni sive Cotelieri, sive litterariæ rei id factum fuit emolumento. Illi enim

nim codicum, quibus gaza vere regia superbit, usum liberiores, & Græcam in Academia Parisiensi Professionem, anno 1676 susceptam; huic vero tres Monumentorum Ecclesiæ Græcæ tomos utilissimus ille peperit labor. Jamque in eo Cotelierius erat, ut quartum tomum ceteris tribus adderet, cum morbo, quem inflammatorium pectoris affectum Medicorum appellant filii, gravissime impeteretur. Vena incisa malo erat occurrendum; sed istud medelæ genus, quod paulo ante familiari cuidam suo parum feliciter cessisse nosset, adeo reformidabat, ut occultandum potius morbum, quam illud admittendum esse censeret. Serius itaque adhibitum nihil ei profuit, proruenti ad mortem tum quam maxime, cum summo studio eam evitare contenderet. Vivis ergo excessit IV Idus Augusti anno Christi 1686, ætatis vero suæ 56, & pupillum quasi parente suo orbem reliquit quartum Monumentorum Ecclesiæ Græcæ tomum. Sed bene est, quod in doctissimi Baluzii, cujus epistolæ de vita Cotelierii ad Em. Bigotium scriptæ, omnia hætenus allata debemus, ille pervenerit manus, qui paterno affectu factum istum fovet, publicæ luci, ubi occasio tulerit, eum expositurus. Quod ut faustis tandem auspiciis fiat, tanto optandum est magis, quod præter cetera egregia monumenta, Asterii, Hesychii, Ephræmi, Chrysostomi, Antipatri Bostrensis, & Anastasii Sinaitæ homiliæ varix, Basilii Cæsariensis opuscula sex, Diadochi Episcopi Photices definitiones, Photii collectiones & demonstrationes e synodis & historicis scriptis de Episcopis & Metropolitibus, Constantini Porphyrogenetæ constitutio de iis qui ab intestato moriuntur, Ioannis Antiocheni demonstratio de eucharistia, Theodori Balsamonis epistola ad Metropolitam Philippopoleos, Marci Ephesini exegetis ecclesiasticorum dogmatum, vita S. Theodosii Archimandritæ scripta ab ejus discipulo Theodoro Episcopo Patrensi, & denique Eunomii hæretici apologeticus, in eo inveniuntur.

Verum quid Patribus Apostolicis, de quibus præcipue agendum erat, factum denique sit, cur diu adeo differimus memorare? Illi anno 1672, post varias moras, in lucem denique prodierunt, tanto doctorum hominum eos prosequente plausu, ut Soli lampadem accendere velle merito videremur, si nostris præconiis hic quicquam opus esse existimarem. Ast enim vero tanta subito, nescio unde, exemplarium orta est caritas, ut paucissimis thesaurum illum in scriniis suis

asservare datum fuerit. Quamobrem tanto majores clarissimis viris, qui novæ editionis curam susceperunt, gratiæ debentur, qui non copiam tantum ejus denuo facere, sed & cum augmento ad doctorum hominum manus illum pervenire voluerunt. Facturosque adeo nos operæ pretium existimavimus, si quid hæc editio, quo palmam priori præripiat, habeat, exposuerimus. Ad Barnabæ itaque epistolam illa non Cotelarii tantum, sed Menardi etiam, Is. Vossii atque editoris Oxoniensis notas exhibet, textui, uti in reliquis, ita hic quoque semper subjectas; quibus & accedunt Joh. Clerici observationes nonnullæ, quas reliquis quoque Patrum Apostolicorum scriptis passim adspersit, per pauca quidem illa, cum uberiores concinnari alia negotia, ut ipse fatetur, prohibuerint, non indoctæ tamen & ad textus emendationem plerumque spectantes. Hermæ Pastori accessere variæ lectiones & notæ editionis Oxoniensis. Clementis Epistolæ subjiciuntur, præter Cotelarianas, Patricii Junii, Joannis Felli, & Pauli Colomesii notæ: quid quod nonnulla addita sint, quæ manus Viri cujusdam docti oris editionis prioris alleverat? qui Clementis Romani litteris varias lacinias assutas fuisse, ex Clementis Alexandrini maxime allegationibus evincere conatus fuit. Sic v. g. totam istam *ἐπιστολήν*, quæ ad Paulum Apostolum spectans sub finem capitis V occurrit, a verbis *τὴν γενναίαν* usque ad *ὁποροχρημὶς*, a manu aliena insertum esse suspicatus est. Sic ad cap. XVII observavit, verba ista non longe ab initio capitis posita, *ὅτι τὴν ἐν δέσμασι* &c. Clementem Alexandrinum jungere cum cap. IX Epistolæ hujus, atque exinde colligit, omnia quæ in modernis editionibus media inter duo illa loca comparent, interpolatorum esse: quod Hieronymum tamen in Comm. ad Esaiam non observasse miratur. Sic ad capitis XXI verba illa *τὰς πενήτην ἐν ἡμέραις* &c. annotat, omnia apud Clementem Al. Str. IV p. 57 coherere egregie, cum in exemplaribus hodiernis plane fiat perturbata, & ex comiserere corrupta. Ex eodem restituenda esse censet omnia, quæ capite XXII habentur, & aduiterina esse concludit, quæ cap. XXIII usque ad XL leguntur, eademque in Constitutionibus Apostolicis etiam legi observat. Quæ toto cap. LI habentur, efficta esse ex Clemente Alexandr. p. 519 censet, atque intempestive prorsus inserta; ut alia quædam hujus generis taceamus. Constitutionibus Apostolicis in hac editione ad calcem adjectæ sunt Notæ Beveregianæ ex Synodi-

dico ejus descripta; Recognitionibus vero omnes in margine adscriptæ leguntur variæ lectiones, quæ hætenus observatæ fuerunt. Clementinis, quod opus autoris Ebionitæ, qui seculo post Christum natum secundo floruerit, esse doctissimus Clericus censet, & Epitomæ Clementinæ nihil, quod in priori editione non compareat, accessit. Ex duobus scriptis de martyrio Clementis & anniversario ad sepulcrum ejus miraculo varia menda, quibus antea laborabant, sublata sunt: nec quicquam restat de priori hujus operis tomo commemorandum, nisi quod nonnullæ doctorem Virorum epistolæ, quibus judicia sua de variis scriptis ævi Apostolici exposuere, eidem præmissæ legantur. Sunt illæ Gul. Laudi, Hieron. Bignonii & Is. Vossii, quibus & ea accedit, quam Steph. Baluzius ad Emericum Bigotium de vita Cotelarii scripsit. Jam in altero tomo Epistolæ Ignatii comparent ea facie, qua a Cotelario fuerunt editæ, quibus tamen integræ Jac. Usserii & Isaaci Vossii notæ accesserunt, omissis Vedelii & aliorum rhapsodiis. Martyrio Ignatii Usserianæ itidem notæ in hac editione adjiciuntur, ut & quas ille Ignatio suo subjunxerat, Tiberiani, Plinii & Trajani epistolæ a Cotelario prætermittæ cum ejusdem observationibus: eademque in Epistolam & Martyrium Polycarpi Cotelarianis junctæ in hac editione leguntur. Denique in ea, ut nihil magnopere in hac Apostolicorum Patrum Bibliotheca desideres, Beveregiana Codicis Canonum Apostolicorum Defensio, cum Prolegomenis Usserianis ad Ignatium, & Vindiciis Epistolarum Ignatii Pearsonianis comparent, quibus coronis nobilissimo operi imponitur.

Plura dicere de scriptis, quæ tantum non omnia in doctissimi cujusvis manibus versata fuerunt, supervacaneum forsân esset. Id tamen adhuc monere abs re haud forsân fuerit, textum scriptorum Apostolicorum ita semper repræsentari, ut exemplar Cotelarianum exacte, nisi ubi manifesti sunt præli vel amanuensis errores, exhibeat. Singulis vero scriptis testimonia non veterum tantum, sed recentiorum quoque, quorum illustris in rebus Ecclesiasticis opera fuit, judicia copiose præmissa conspici.

NOVUM TESTAMENTUM DOMINI NOSTRI JESU CHRISTI,
ex versione vulgata, cum paraphrasi & annotationibus HENRICI HAM-
MONDI. Ex Anglicæ linguae in Latinam transtulit, suisque An-
madversionibus illustravit, castigavit, auxit

JOANNES CLERICUS.

Ant-

Amstelodami, apud Georgium Galletum, 1698. fol.
Alphab. 9. cum dimid.

Linguae Anglicanae ignaros, at celeberrimi tamen Hammondi commentariis in Novum Testamentum frui cupientes, ad Matthæum Polum amplissima inde excerpta in Synopsi Criticorum exhibentem nos in Actis hisce nostris anno 1687. p. 127. ablegasse probe meminimus. Sed nunc ea nobis obtingit felicitas, ut de integris hisce Commentariis in Latinam linguam translatis certiores facere & illos queamus, qui sitim forte suam nondum penitus isthoc consilio levareprehenderunt. Votis namque nostris, quæ tunc publice fundebamus, cum in recensendis post vitam eruditissimi Hammondi operibus ejusdem junctim Anglice vulgatis prolixè versaremur, diligentia Johannis Clerici nunquam defatigata ea quidem in parte respondit, quod tertium istorum volumen, seu ipsam hanc paraphrasin & annotationes in Novum Testamentum habitu Latino elegantissime induit, & ita quidem, ut variis quoque augmentis opus a quamplurimis huc usque expetitur liberalissime ditaverit. Solum sane istum vertendi laborem in glorium nimis existimans, ea potius cura in hoc negotio versari voluit, ut partem observationum in his Commentariis occurrentium haud exiguam suo vindicare ingenio valeret. Nec munere etiam vulgaris in ipsa translatione interpretis ut fungeretur, sufficere jamtum est arbitratus. Stylum etenim Hammondi horridum & parum castigatum offendit, perpetuasque improprietates ac duras vocum pariter & rerum connexiones per parentheses integris sæpe paginis a se invicem divulsas, periodosque longissimas & intricatissimas obscuritatem valde molestanti parere cognovit, ac proin, ne vitiis iisdem Latinus quoque sermo coinquinaretur, sensu quidem ipso nusquam mutato, in meliorem cuncta ordinem solícite redegit, durissimumque Hammondi calamum ubivis fere emollire studuit. Quamvis difficultatem omnem tollere sibi penitus haud licuisse, ultro fateatur, præsertim in paraphrasi, in qua Apostolos prima persona loquentes introducens Hammondus ipse interim persona tertia usus sua non raro immisceat, quæ tamen vel characterum varietate distinguere conatus fuerit, nisi quod aliquibus in locis nec ista medela satis ex voto processerit, maxime in Apocalypsi, ubi Hammondus, non la prorsus decori ratione habita, Johannem sæpe non ut Prophetam futura

tura prædicentem, sed velut præterita, quæ vaticinatur, enarrantem inducat. Nihil de cætero refecuit, præter otiosa quædam synonyma orationis significatui dilucidando emolumentum nullum afferentia. Scripturæ vero loca ad verbum plerumque in observationibus ab Autore theses suas probaturo repetita decurtavit, & in nudam quandoque allegationem recensum istorum uberiorem convertit. Multa deinceps annotatis addidit, iisque distinctionis causa nomen suum sigillatim ubique subjecit. Varia autem in his interpretatus est, quæ minime attigerat Hammondus, sæpe etiam hunc confutavit, veterum Scriptorum loca propemodum omnia ex ipsis fontibus descripsit, & accuratiora ea passim exhibuit. Tria interim potissimum cum habeat Hammondus, quæ se invenire subinde autumet in dictis etiam ejusmodi, in quibus exponendis ad alia omnia Interpretes alii respiciunt, *Gnosticos* nempe, *obsidionem Hierosolymitanam* & *disciplinam Ecclesiasticam*; idcirco ad hæc delatus censoriam ille virgulam non semel strinxit, & his adeo ac aliis accessionibus quinta minimum parte auctius volumen præsens reddidit.

Ne tamen generatim modo operis hanc faciem adumbrare voluisse videamur, juyabit hætenus dicta exemplis quibusdam illustrare. Sed cum tanta sit additionum a Clerico profectarum multitudo, ut quo nos vertere primum, & quas præ cæteris seligere debeamus, judicatu prope difficillimum appareat; ideo vel solum Evangelium Matthæi perlustrasse, & e subjectis ei annotationibus nonnullas delibasse suffecerit. At simul tamen e tribus istis, ad quæ præter rem Hammondum toties respectum habuisse novus hic ejusdem Interpres monuit, *Gnosticos* eligemus, & quænam de his illius sit sententia, quæque hujus vicissim *ἐπιχειρηματίαις*, per allata in medium specimina potiora demonstrabimus.

Hammondo minime assentitur Clericus, quando is ad Matth. III, 11. observat, Diabolum baptismum Johannis per aquam, qui baptismi Christi per aquam & ignem quædam velut præparatio dicendus veniat, in gentilibus per aquam & ignem lustrationes suas instituere, solitis fuisse imitatum; has enim baptismo longe antiquiores facit Clericus, cumque igne & aqua sordes purgari constet, non mirum esse ait, si symbola purgationis animi apud gentes multas constituta fuerint. Dum ad Cap. XI, 28 Dæmones olim habitasse in sepulcris an-

notat

notat Hammondus, ut vanam illam in hominibus opinionem confirmarent, qua mentes humanas post mortem dæmones fieri crediderint, Platonici eum accenset Clericus, quos itidem, dæmones circa sepulcra errare firmiter, persuasum sibi tenuisse constet. Male porro eundem habet, quod in observatione ad Matth. X, 16. affirmavit Hammondus, Scriptores sacros isto passim idiomate uti, quo imperativos, quasi aiquid præciperent, adhibeant, cum tamen vel sola subfit prædictio, quidnam futurum sit, significans, vel permissio, qua, quid liceat, indicetur; unde exempla ab hoc adducta ille examinat, nulliusque ea esse roboris ostendit. Ibidem vocabulum ἀκέραιος minus congrue exponi ab Hammondo ait per eum, qui non lædat, cum talem potius, qui, cum prudens sit, in calliditatem tamen aut versutiam non incidat, sed candidus & ingenuus haberi queat, designet. Quam infames fuerint πλῆναι, docere Hammondum ad Cap. IX, 10 innuit. Sed Christi temporibus in Imperio Romano duo addit hominum fuisse genera, qui τελῶναι vocari potuerint. Fuisse enim Publicanos Equites Romanos honestissimos, qui vectigalia redemerint, quosque passim laudet Cicero. De his quod in Evangelio agatur, vero haudquaquam simile existimat, & satis liquere ait, Matthæum, qui τελῶνης dicatur, ex eo genere non fuisse. Etenim Romanos illos Equites per se portoria non exegisse, sed per libertos & servos, ac fortis humilioris provinciales, qui vectigalia vi sæpe extorserint, & plus quam iure debebatur, exegerint, famæ ita suæ notam maxime probrosam inurentes. Quod vocem ἄδης de statu mortuorum quam de inferno ad Matth. XI, 23 accipere maluerit, non leviter in eo reprehendit; nec satis exactum esse illius iudicium affirmat, quando ad Cap. XX, 15. statuatur, quod Christus parabolas suas sæpe ex veterum Rabbiorum ore attulerit. Non enim Θεοδιδάκτῃς Doctores esse censet, vulgatas parabolas quasi suas audientibus proponere; ac præterea ullum ante Christi tempora iisdem, quibus hic, parabolis fuisse usum, haud constare obtendit. Cap. eod. v. 16. per τὰς κλητὰς Hammondus intellexerat conversos ad Christianismum, licet hi non semper præceptorum Christi æquos se observatores gererent. Ast Clericus in ista locutione, *Multi vocati, pauci electi*, proverbialem quærit formulam, petitam a delectu militari, quo apti armis ferendis omnes adesse jubeantur ad certum diem, adeoque vocentur in locum quempiam, ubi tamen e plur-

plurimis strenuissimi duntaxat eligantur. Sensum igitur illius esse hunc: inter multos, qui idem aggrediantur, paucos esse eximios, & dignos, qui præferantur cæteris. Quem sensum optime convenire arbitratur cum scopo allatæ a Christo parabolæ, quæ doceat, per paucos esse ex credentibus, qui singulari mercede digni sint. Zachariam a Christo Matth. XXIII, 35. introductum de isto interpretatur Hammondus, quem Josephus a Judæis Zelotis in medio Templo paulo ante obsidionem Hierosolymitanam trucidatum perhibeat. Verum ei se opponit Noster, & Christum ad 2. Paral. XXIV. respicere vero magis dicit esse congruum. Singulare est, quod ad Cap. XXIV, 4. Vespasianum Christi velut imaginem fuisse judicat Hammondus, plurisque in partibus comparisonem inter utrumque instituit; unde haud præter rem fortassis ab Interprete castigatur. In effato Christi: τὸ ἐστὶ τὸ σῶμα μου, Cap. XXVI, 26. vocem τῶ ο non ad panem, sed ad τὸ λαβετε, φάγετε. referri debere indefinito sensu: Hoc, id est, accipere, manducare, designat corpus meum, Hammondus, Clerico parum approbante, contendit. Judam non ex suffocatione ob mœrorem orta obiisse, sed laqueo vitam finiisse, idem hic ad Cap. XXVII, 5. adversus istum innuit; prout & paulo post sepulera ab eo in monte Templi obvia statui, incongruum appellat. Quod latronum cum Christo crucifixorum uterque Dominum ab initio contumeliis prosciderit, Hammondo ad Capituli citati v. 44. ita sentienti non credit, magisque putat vero apparere simile, alterum cognito Jesu jam resipuisse & in eum credidisse, antequam in carcerem conjiceretur. Cum enim latrones non ob recentia duntaxat, sed ob vetera etiam latrocinia plectantur, & hunc post actam demum pœnitentiam a Romanis captum, latrociniique convictum & in crucem actum conjicit.

Sicut autem & ad loca quædam, quæ Hammondus aut penitus attingere aut latius deducere noluit, Clericum nonnulla protulisse superius monuimus; sic itidem istius generis exempla aliquot legenda heic apponere, libero tamen de plerisque judicio cuilibet, ac Theologis præcipue, (cui par est, relicto,) non inconsultum arbitramur. Ad Matth. II, 2. προσκύνησιν Magorum coram Christo non de cultu divino accipit, haud etenim novisse eos, Jesum esse Dei Filium, sed tantum fore maximum Regem, cui ideo honorem Regibus in Oriente reddi solitum exhibuerint. Tempore Christi varias apud Judæos

de sensu prophetiarum traditiones ab ipsismet Prophetis discipulis suis commissas, & ab his deductas superasse, ad capitis ejusdem verbum 15 innuit: alias namque nec Matthæum nec quenquam forsan alium fuisse judicaturum, quod in allegatis ibi verbis Hoseas de re præterita loquens, eventum tamen aliquot sæculis remotum & priori illo adumbratum in animo habuerit. Quæ Matth. IV, 1. sqq. de tentationibus Christi narrantur, huic facilius in visione seu seminio, quam reapse accidisse sibi persuadet, ac valde durum videri causatur, Salvatorem sanctissimum ita Cacodæmoni permissum, ut ab eo per aërem vectaretur; istamque regnorum totius orbis imaginem non magis potuisse e monte, quam ex planitie ostendi; quid enim in monte cernas præter sylvas, agros, fluvios, pagos, oppida, aliaque similia, & quidem e longinquo? hæc autem vix vocari in ulla lingua regna mundi & gloriam eorum. Κοιῶντες καὶ πεφορτισμένοι Matth. XI, 28. ipsi sunt soli Judæi, qui *fessi* dicantur ob frequentia itinera Hierosolymam ex lege facienda, & ab iis, ne Deum offenderent, non sine gravi molestia suscepta; *onusti* autem ob ritus legales & ea omnia, quæ Deo, Sacerdotibus & Levitis fuerint solvenda, quæque magis quam charitas et reliquæ virtutes urgeri sueverint. Christum igitur, cum *mitem* se appellet atque *humilem*, legis Doctoribus, præsertim ex Sacerdotali genere, se opponere, qui onera illa legis crudeliter exegerint, ac Judaicam plebem sibi vestigalem animadvertentes non parum superbierint. Effatum Christi de portis inferorum non prævalituris contra Ecclesiam, Matth. XVI, 18. de Petro potius exponit, & testimonium ei a Christo perhiberi ait, ipsum in prædicatione Evangelii ab imposito munere deterritum non iri præsentissimo etiam mortis periculo, quin ipsa morte, utpote quam per portas inferorum designari sibi persuadet. Cap. XXIX, 19 verba: *μαρτυρεῖτε, βαπτίζετε αὐτοὺς εἰς ὄνομα* &c. id continere tradit: *per baptismum facite, ut fiant & dici velint discipuli Patris, Filii & Spiritus Sancti*. Mentem vero suam ut uberius declaret, observat, Judæos potuisse vocari discipulos Patris, quia se tales professi fuerint; Apostolos, antequam accepissent Spiritum Sanctum, ceterosque Christi discipulos jure dictos fuisse discipulos Patris & Filii; sed baptizatos ab Apostolis discipulos fuisse Patris voluntatem suam in Veteri Testamento revelantis, Filii in Evangelio loquentis, & Spiritus Sancti per Apostolos præcepta Patris & Filii clarius exponentis.

Denique ut de locis, in quibus Gnosticos ab Hammondo frustra notatos animadvertit Clericus, gustum aliquem benevolo Lectori praebeamus, ad illustrem imprimis textum 2. Thesi. II, 3. seq. ipsum remittimus, ubi per ἀποστασίου intelligit ille defectionem Christianorum ad Gnosticos; per hominem peccati significari dicit genus hominum sceleratum; Anti Christum Simonem esse Magum una cum sectatoribus speculandum pronunciat; imo & sequentia omnia ad Gnosticos accommodat; tandemque exitium a Paulo praedictum tunc impletum refert, quando Petrus atque Paulus Romae cum Simone contententes infamiam ei & exitium crearint, ac Romanorum exercitus ultionem de Judaeis sumserit, quo tempore Gnostici simul perierint. Ast Clericus vicissim omnia ad rebelles Judaeos, & eximium praefertim eorum ducem Simonem, non magum, sed Giorae filium, trahit, inventaque Hammondiana passim a veritate historica aberrare contendit. Gnosticos, utut eorum plurimi nec Judaei fuerint, nec Judaici foederis profelyti, ut tamen Judaeorum vitarent vexationes, his eoque obsecundatos, ut contenderent, Gentiles Christianam religionem amplexos circumcidi oportere, ac proinde a Paulo in epistola ad Galatas refutatos, in praemonitione ad hanc epistolam perhibet Hammondus. Clericus autem sicut minime sibi perluadet, quod Christianis adeo timendi fuerint Judaei in Galatia, ut Gnostici simulare cogerentur se esse Judaeos, cum non essent: ita potius Judaeos Christianismum quidem amplexos, sed veterum rituum retinentes, a Paulo ista scriptione oppugnari asserit. Dum Paulus, castitatem diligentissime colendam suadens Timotheo, simul eundem monuit, ut ne forsan alienorum peccatorum se redderet participem, 1. Tim. V. 22, ad Gnosticos matrimonia prohibentes & vitae impurissimae ansam adeo praebentes illum respexisse, vini etiam usum modicum Timotheo v. 23 concedendo Gnosticos, abstinentiam a vino velut necessariam hominibus imponentes redarguisse dicit Hammondus. Verum Gnosticos, ut matrimonium, sic vini etiam usum prohibuisse, nullo, quod idoneum sit, testimonio probari posse, Clericus affirmat. Sub Jezabele Apoc. II, 20. nominata Gnosticorum haeresin describi credit i. le; verum hic mulierem sorte Thyatiris quasi Prophetissam se gerentem ita dictam conjicit. In Johanneis etiam Epistolis Gnosticos se invenisse autumat Hammondus, & capite statim primo versiculos 8. 9. occasione istorum (quippe qui perfectos se statuerint,) conscriptos existimat. Respondet

autem econtra Clericus, Gnosticos noluisse haberi discipulos Apostolorum, qui & eapropter iis sese haud adjunxerint; unde nec Johannem eos confutandos sumsisse concludit.

A LETTER TO THE BISHOP OF WORCESTER.

h. e.

LITTERÆ AD VIRUM MAX. REVER. EDUARDUM EPISCOPUM Vigorniensem, quibus loca quadam libri sui de mente humana ab illo examinata vindicat JO. LOCKE.

Londini apud A. & J. Churchill, 1697. 8. plag. 14.

THE BISHOP OF WORCESTER'S ANSWER.

i. e.

*EDUARDI VIGORNIENSIS RESPONSORIA
ad litteras LOCKII.*

Londini apud H. Mortlock, 1697. 8. plag. 10.

Quarum nuper exposuimus summam, pro S. S. Trinitate Vindiciæ, a Maxime Reverendo Stillingfleeto editæ, occasionem controversiæ dederunt cum acutissimo Viro, Joanne Lockio, cujus argumentum non ignotum esse potest iis, qui meminerint, quæ ex ultimo capite Vindiciarum istarum excerpta a nobis fuerunt. Jam itaque, quid ad defendendam causam suam Lockius attulerit videndum, qui non ingenio magis & acrimonia, quam modestia atque humanitate, quæ rarissimæ sunt in disputantibus virtutes, Summe Venerandum Adversarium suum oppugnavit; quem itidem graviter potius quam severe cum eo egisse, atque utrumque adeo egregie sustinere quam gerunt personam, non sine voluptate quadam observaveris. Sub initium itaque statim litterarum suarum modestissime Lockius monet, nunquam sibi in mentem venisse Socinianas controversias, cum librum suum de Mente Humana concinnaret, nec quicquam in eo juvandi illas animo a se dictum fuisse; quamobrem paulo immitius secum ab Adversario suo actum queritur, qui Lectoribus tale quid suspicandi occasionem dederit. Deinde agre fert, quod ab eodem dictum fuit, *Substantiam* penitus fere a se entium, quæ ratio cognoscit, numero

ex-

excludi, eam enim semper se supponere, nec uspiam ad non-entium limbum relegare, locis quibusdam ex libro suo productis manifestum reddit. Quod si vero isto loquendi genere Rev. Episcopus hoc sibi velit, destructa a se esse veram, quam habemus, substantiæ ideam; dum substratum, & suppositionem rei quam ignoramus, eam appellavit, aliisque hujusmodi nominibus eam suspectam reddidit; fatetur culpam Lockius, sed convinci cupit quod abjecte nimis de ea sentiat, cum nulla Logicorum definitio plus dicat, utpote qui substantiam doceant esse ens quod per se subsistit, hoc est, aliquid ipsis ignotum, & *substat accidentibus*. At illud dicere, non esse ait substantiam ex entium classe excludere; alias Deum quoque abnegare diceretur esse, qui imperfectam ejus in se esse ideam agnoscunt, quod nemo mortalium fateri cogatur. His ita respondet Reverendus Lockii Antagonista, ut ea quæstione causæ statum contineri non dicat, an substantiam dari admittat ille? sed ea, an salvis principiis suis certo persuaderi rationi de ejus existentia possit? non posse, ipsa a Lockio ex libro suo producta loca probare. Quod enim Lockius ait, concipere nos haud posse, quâ ratione qualitates sensibus obnoxie subsistere queant; nisi *supponamus* substantiam eas sustententem, hoc ipso cum prode causa suam existimat. *Suppositionem* enim nostram nullam parere certitudinem; cum multa sint quæ concipi a nobis nequeant, in quibus tamen nihil *suppositionibus* nostris relinquatur. Quantum vero ad clariorem substantiæ ideam, de qua edoceri Lockius cupit, eam vulgarem Logicorum definitionem omnino repræsentare defendit; *ens enim per se subsistens*, non simpliciter aliquid quod ignoramus notare, cum illud per se subsistere atque ab alio non sustineri, aliquid amplius dicat. Sed satis de velitationibus istis; ipsas commissas acies paulo propius intueamur. Miratur itaque Lockius quomodo in mentem venire potuerit Venerando Adversario suo suspicio, ac si nullas alias ipse ideas quam per *sensum* vel *reflexionem* natas admitteret, cum simplices tantum ideas gemina illa ratione gigni affirmaverit, illas vero fundamentum omnis cognitionis nostræ esse dixerit, utpote ex quibus, abstrahendo, extendendo; comparando & componendo omnes ideas complexas, relativas & generales mens nostra construere soleat. Ut adeo hac ex parte mirum in modum sibi cum doctissimo Episcopo convenire arbitretur, a quo nec in explicandis ideæ, quam

de substantia habemus, natalibus sese dissentire, comparatis utriusque verbis contendit. Duo tamen esse observat, quæ displicuerint illi in sua de substantia doctrina: primum, quod generalem ejus ideam non abstractione & intensione idearum simplicium, verum complicatione quadam earum gigni statuatur, dein, quod nullum aliud fundamentum substantiam habere dicat, quam ingenium & phantasiam humanam. At harum accusationum neutram ad se pertinere ait. Quantum enim ad primam, expressis verbis se docuisse ostendit, abstrahendo nos pervenire ad cognitionem substantiæ in genere spectatæ; ex complicatione vero diversarum idearum, substantiarum distinctarum ideas, qualis est idea elephanti, arboris &c. nasci docuisse. Quantum ad alteram, non substantiæ essentiam, sed ejus, quam habemus, ideam ingenio humano se superstruxisse ait, quod cum modos sine aliquo substrato concipere nequeat, substantiæ conceptum producat. Rei vero essentiam ejusque certitudinem non pendere a modo nostræ cognitionis, cum multæ res existant, quarum nulla omnino detur cognitio. Nec istud ideæ hujus fundamentum lubricum esse, cum eodem Reverendum Adversarium suum etiam uti, ex denuo productis verbis ejus manifestum evadat. Jam quid ad illa Adversarius? Ex eo quod omnium particularium substantiarum ideas ex combinatione idearum simplicium Lockius derivat, evidens esse censet, nullam ex ejus mente haberi posse substantiæ particularis ideam, nisi quæ ex complicatione idearum simplicium oriatur: & quamvis abstracta aliqua notio sive idea substantiæ generalis dari queat, nullam tamen realem particularis substantiæ ideam dari posse, quæ non sit mera simplicium idearum complicatio: quæ simplices ideæ cum nihil aliud sint, quam sensibiles quædam qualitates, nullam substantiæ ideam dari, sed suppositionem aliquam substrati accidentia sustententis. Quod vero ad alterum Lockii effugium, certitudinem essentiae alicujus rei non dependere a certitudine idearum, saltem respectu habito ad cognitionem nostram aliter se rem habere, Vir Reverendus existimat, cum rerum, quarum nullas habemus ideas nulla quoque nostra cognitio sit; atque id, quod potissimum hic queri putat, ad nullam scilicet certitudinem nos de substantiæ natura pervenire per nudam idearum simplicium contemplationem posse, ostendit. Non opus esse putamus, ut tum alia quæ istis succedunt, ad rem quæ agitur primario non spectan-

tia, tum ea imprimis repetamus, quibus neutiquam eum sibi fuisse animum, cum Lockii principia examinanda susciperet, Rev. Episcopus declarat, ut eorundem cum Autore Christianismi nihil mysterii habentis errorum & criminum reum illum perageret; quem illius principiiis abusum esse humanissime agnoscit, veniam tamen sibi dandam esse existimans, quod doctrinas expendendas esse duxerit, quibus ruinosa molem suam superstruxerat iste. Quin potius ad Lockii lib. ū redimus, ut videamus quid Reverendo Adversario reponat, qui nu lam substantiarum spiritualium in nobis existentium certitudinem dari dixerat, Lockii semel admissis principiis. Lockius enim spiritus ideam in nobis gigni ait per reflexionem, qua cogitationes nostras intuemur, quibus substratum aliquod non tribuere, substantiamque adeo spiritualement in nobis non agnoscere non possumus; idem tamen etiam fieri posse, ut systemati cuidam materiae vim cogitandi indat Deus, admittit. Quid ergo? nonne hac ratione existentiae spiritualis substantiae, quae in nobis sit, certitudo perit? Minime, si Lockium audimus. Cum enim generalis substantiae idea eadem sit ubique, ut spiritualis ea evadat, illa modificatio, ob quam cogitantem dicimus, facit, cum eadem juncta, nulla habita aliarum ejus modificationum ratione, soliditati v. g. & si quae aliae sunt eidem substantiae inhaerentes. Sic contra substantia, quae soliditatis modificatione gaudet, materia est, sive cogitandi eadem simul gaudeat facultate, sive minus. Si itaque per substantiam spiritualement ea intelligatur quae immaterialis sit, animae nostrae spiritualitatem solide a se demonstratam non esse, argumentis licet probabilibus, ab invicta demonstrata (L. IV Tr. de Mente hum. c. 10. §. 16.) immaterialitate Dei desumptis, evictam, Lockius fatetur, at nec ab alio quopiam talem demonstrationem expectandam ait. Vitio autem sibi vertendum non putat, quod spiritus vocem eo sensu, qui materiam omnimodam non excludit, accipiat, cum id Virgilium quoque atque Ciceronem, maximos linguae Romanae magistros imo & sacros scriptores fecisse constet. At omnia ista mera esse *πρὸς ὁμολογίαν* Maxime Venerandus Stillingfleet probare satagit, dum productis ex ipso Lockii libro locis ostendit, eum spiritum pro immateriali substantia habere, atque ex operationibus mentis nostrae claras & distinctas substantiarum immaterialium ideas gigni statuere. Accipi vero vocem spiritus eo quo Lockius cupit

cupit sensu a Cicerone & Virgilio negat. Atque interea utraque manu arripit, quod largitur Lockius, ex principiis suis immaterialitatem animæ certo demonstrari non posse; proindeque aliis superstructam fundamentis demonstrationem, aut potius ex principiis Lockii paulo aliter inter se combinatis elicitam, Lockii desideriis satisfactorius sup-
 peditat. Nimirum ex ideis materiæ & spiritus, a quarum illa cogitationem plane Lockius in locis quibusdam removet, impossibile esse, ut anima materialis sit, colligit. Quod autem omnipotentiam Dei efficere posse ille ait, ut systema aliquod materiæ cogitandi polleat facultate, Venerandus Episcopus respondet, nihil quidem se omnipotentiae divinæ velle derogatum, verum non solere Deum essentiales rerum, mutare proprietates, rebus ipsis propria earum natura integra relicta; id quod Pontificiis quoque responderi soleat, spirituales præsentiae modum corpori Christi in S. cœna tribuentibus. Sed ad aliud disputationis hujus caput progrediamur. Ne evidentem quidem demonstrationem existentiae Dei nudis simplicibus clarisque ideis superstructam dari posse, Max. Ven. Episcopus monuerat, ipsamque Lockii demonstrationem ratiocinationi ab ideis simplicibus clarisque distinctæ inniti ostenderat. Verum adversus quem ista disputet, ignorare se Lockius ait; nunquam enim sibi in mentem venisse, ut statueret, non posse nos convinci per rationem de aliqua veritate, nisi omnes ideæ, quarum aliqua in hujusmodi convictione sint partes, claræ sint atque distinctæ. In ea se nunquam non fuisse sententia, scientiam & certitudinem in perceptione convenientiæ & disconvenientiæ idearum, qualescunque illæ sint, non vero perfecte distinctarum & evidentium positam esse. Quid quod ne probet quidem, quod probare vult Ven. Adversarius? ex eo enim, quod modus probandi existentiam divinam a se propositus ideis simplicibus non innitatur, colligi non posse, quod nulla detur Dei demonstratio ideis simplicibus superstructa: cum pro unico Deum esse demonstrandi modo, suum nulpam venditaverit, nec rejecerit argumentum Cartesianum a clara & distincta idea desumptum, sed iis tantum obviam iverit, qui pro unice vero illud habent, qui nullum argumentum infirmum reddi velit, quod quorundam hominum fidem suffulciat. Dumque argumenti vim pro diversis hominum temperamentis istam rationem obtinere posse, pariter ac alia dixit, non de argumento ad pariendam scientiam, sed ad fidem gi-
 gnen-

gnendam idoneo se locutum ait, ut adeo hac quoque ex parte nihil contra se obtineri censeat. Quod vero exinde, quod pro minus certa habeat Lockius Deum ex idea Cartesiana demonstrandi rationem, Venerandus Episcopus colligit, plane ergo deferendam esse ad cognitionem tendenti clararum idearum viam, in eo rursus eum falli Lockius putat: quamvis enim illa idea Deum non probet, aliam tamen, quæ id efficiat, dari posse. Atque ipsam illam, quam in libro suo de *Mente humana* suppeditaverat, Dei demonstrationem claris hujusmodi ideis inniti ostendit, quamvis, quod male ab eo sibi imputatum dicit, certitudinem non in ipsa idea, sed, quod nemo non faciat Philosophorum, in perceptione convenientiæ & disconvenientiæ idearum, constituat. Collocasse itaque se existentiae Divinæ certitudinem in ea, quam de nobis ipsis habemus, idea, quatenus entia sumus cogitandi facultate instructa; nec esse quod objiciantur sibi verba sua, quibus dicit, per considerationem nostri rationem nostram ad evidentem Dei cognitionem nos deducere, cum consideratio ista ideas existentiae cogitationisque excludere nequeat supponi. Regerit ad ista nonnulla Max. Rev. Episcopus, ex quibus id maxime ad rem facere videtur, quod constanter defendere pergit, certitudinem, quam habemus de Deo, cognitioni nostrummet ipsorum superstructam, rationis esse, non idearum; in quo quidem non multum oblectantem Lockium habere videtur, modum & formam loquendi ei præscribere, neutiquam satagentem, id tamen sibi concedi postulantem, rationem sine ideis in nobis certitudinem illam non gignere, quemadmodum nec Sol sine oculis de diei præsentia certiore nos reddit. Sed *missum* faciamus istud controversiæ genus, & ad ea pergamus, quæ de *natura & persona* invicem disputant. Miratur Lockius, ad illam controversiam se pertrahi eo solummodo, quod principia ejus sufficere non credantur gignendo distincto naturæ & personæ conceptui, quem neque sensationem neque reflexionem in nobis producere Venerandus Episcopus ostendit. Si enim propterea impendendus sit, imposterum fore, ut nulla non tractetur fidei controversia, in cujus partes ipse non veniat, postulantibus semper litigantibus, ut ostendat v. g. quomodo per sensationem reflexionemve gratiæ & liberi arbitrii, prædestinationis, peccati originalis, justificationis &c. conceptus producantur. Deinde vero omnino naturæ & personæ notiones in nobis

produci per viam idearum ostendit, repetens id, quod antea dixit, ab ideis nunquam rationis exercitium se excludere, quemadmodum vice versa ratio ideis carere nequeat, omni alias objecto caritura. Ad hæc Venerandus Stillingfleetus breviter respondet: licet illa de natura & persona disputatio ad Lockium non pertineat, ad mysterii tamen Trinitatis explicationem pertinere; ideas vero & rationem perperam ab eo confundi; intelligi enim per rationem principia rationis communia, sine quibus ex simplicibus ideis nihil possit confici. Verum ea, quæ de natura & persona jam demum in Epistola sua Lockius tradidit, novam & uberiores disputandi materiam Episcopo nostro suppeditant. Ex iis itaque, quæ prolixissime Lockius discussit, ea tantum repetemus, quæ imprimis Vener. Adversarium ejus offenderunt. Naturam Lockius nil aliud esse censet, quam collectionem variarum idearum, ad constituendam unam complexam & abstractam ideam combinatorum: quæ si unitæ in individuo aliquo inveniuntur, quamvis in eo cum variis aliis ideis conjungantur, efficiant, ut vere illud dici possit, habere hanc quam constituunt naturam, v.g. hominis: dum nimirum omnes illæ ideæ simplices in eo inveniuntur unitæ, quæ respondent ideæ complexæ abstractæ, cui specificum nomen *humanitatis* vel naturæ humanæ tribuitur. Personæ vero vocem in se spectatam nihil significare ait, cumque adeo nulla ad eam pertineat idea, nihil proprie dici posse veram ejus ideam. Cum vero gens vel lingua aliqua vocem illam ideæ cuidam quasi propriam addicit, tum eam esse veram personæ ideam, similiterque cum natura rem sese habere. Personæ igitur & naturæ vocem signa esse duarum idearum, quibus dicta fuerunt: differentiam vero earum a se invicem evidentem mox fore, ubi omnes simplices ideas, e quibus composita est complexa, quam designant, accurate recensueris. Quid ad hæc Venerandus Stillingfleetus? Aut falsa hæc esse, aut nulla ratione Ecclesiæ de Trinitate doctrinam defendi posse ait. Si enim voces istæ in seipsis revera nihil significant, sed abstractæ tantum complexæque ideæ sint, quibus communis linguæ usus dedit, ut quarum idearum essent signa, tum evidens esse, quod nihil aliud illæ quam notiones mentis sint, quales omnes abstractas complexasque ideas esse pateat, atque adeo unam naturam & tres personas non amplius extituras. Quæstionem autem Rev. Episcopus non in eo versari ait, an in formanda idea communis naturæ

naturæ mens nostra a particularium rerum circumstantiis abstrahât? verum, an communis natura sive essentia rerum abstracta tantum sit, idea, sive nomen aliquod generale, cujus realis essentia in particularibus tantum entibus sit, a quibus illud per abstractionem sit derivatum, adeo ut nullum antecedens in natura rerum fundamentum habeat? Affirmare quæstionem, & quidem Hobbii ductum secutum est. Lockium Ven. Stillingfleetus ait, quem propterea magno cum apparatu impugnat, totique epistolæ suæ ista disputatione coronidem imponit. At cum ea ipsa hæc controversia finita non fuit; ecce enim ubi:

MR. LOCKE'S REPLY &c.

h. c.

JO. LOCKII RESPONSIONEM AD EPISTOLAM.

Max. Rev. Episcopi Vigorniensis.

Londin, 1697, in 4. plag. 14.

THE BISHOP OF WORCESTERS ANSWER &c.

i. c.

EPISCOPI VIGORNIENSIS AD SECUNDAS LOCKII

litteras responsoriam.

Londini, 1698, 8. plag. 12.

DE quorum scriptorum utroque plura dicendi nunc animus erat; at cum ita cum plerorumque ingeniis comparatum sit, ut in abstractis hujusmodi notionibus diu se detineri non nisi ægre patiantur, eorum omnino rationem habendam esse duximus. Imprimis meruissent, quæ de persona & natura uberius disputantur, paulo accuratius percereri, a quibus ita pendere fidei de Sacrosancta Trinitate certitudinem, ut actum de illa sit, si arbitrarie nomina ista rebus significatis imposita fuerint, quod Rev. Stillingfleetus existimet, Lockius plurimum miratur. Verum manum de tabula, ad quam parum abest quin novo aliquo impetu nos rapi patiamur. Id adhuc monendum, prioribus Reverendi Episcopi litteris brevem accessisse ad libellum

Socinianí cujusdam, qui Vindicias ejus pro S. Trinitate impetierat, responsionem, quam illis ut jungeret, tanto facilius sibi persuaderi passus est, quod ex abstracta naturæ notione Socinianus ille argumentatus fuerit: Lockii vero litteris posterioribus annexa esse ea, quibus Epistolæ cuidam, qua tractatus ejus de Mente humana notatus varie fuerat, satisfaciendum esse existimavit.

LETTRE D' UN THEOLOGIEN DE LOUVAIN
à un Docteur de Sorbonne &c.

i. e.

EPISTOLA THEOLOGI CUJUSDAM LOVANIENSIS AD QUENDAM DOCTOREM SORBONÆ, CONCERNENS EPISCOPI MELDENSENSIS SENTENTIAM DE CHARITATE.

Leodii, apud H. Hoyous, 1698. in 8. pl. 3.

UThostes multos adversariosque nactus est Cameracensium Archiepiscopus: ita illi quoque non desunt defensores, qui decreta ejus propugnanda suscipiunt. Hos inter nunc comparet Epistolæ hujus Auctor, qui pro Theologo Lovaniensi haberi cupit. Meldensium Episcopo is se opponit, & de charitate, seu amore puro, Cameracensem nihil, quod a recepta Ecclesiæ Romanæ Doctorumq; Scholasticorum sententia abhorreat, docuisse, probare annititur.

Miratum se valde ait, cum legisset, a Meldensium Præsule doceri, non posse exui a quoquam cupiditatem felicitatis in ulla actione, quæ prævia & prælucente ratione suscipiatur; itemque fieri non posse, ut charitas non ad felicitatem æternamque beatitudinem respiciat, similiaque. Magis tamen miratum se affirmat, cum simul intellexisset, hæc ita asseri, ut pro certis & indubitatis venditentur; ut virtutem omnem pietatemque hisce inniti assertis, contendatur; ut denique opinio secus sentientium ceu error gravissimus periculosissimusque rejiciatur. Profitetur, ab iis, a quibus Theologiam edoctus sit, semper ita se accepisse, Deum pure amandum esse, prout in se summum bonum est, sine ullo nostri commodi intuitu; idque rationibus quoque non contemnendis comprobari posse. Primo enim extradubium positum esse putat, posse intellectum hominis Deum pure con-

considerare, prout in se summum bonum est, nulla beatitudinis suæ aut cujusquam commodi a Deo ad homines promanantis habita ratione. Saltem fateri hoc ipsum Archi-Episcopum Parisiensem. At hoc si concedatur, causam nullam esse, cur non quis Deum eo modo consideratum amare quoque possit. Esse enim eum hoc modo spectatum objectum amore dignum, comprehensum utique sub sphaera objecti universalis, circa quod voluntas hominis occupatur, boni scilicet generatum accepti. Dein Deum ipsum sub hac idea semet amare amore infinito, in quantum seipsum considerat eum summum bonum, quod per se amabile sit. Sub hac enim formali ratione, ut in scholis loquuntur, Deum amare seipsum: ergo & hominem, saltem gratiæ viribus instructum, obligatum esse, ut eodem modo Deum amet. Thomæ de Aquino hoc comprobatur effato, asserentis hominis voluntatem debere esse conformem voluntati divinæ, non tantum quoad objectum materiale, sed etiam quoad objectum formale. Atque hunc ipsum illustrem Scholæ Doctorem multis rationibus eandem tueri sententiam, prolixè docet. Refert eum inter alia & hoc asseruisse, si hominis natura non fuisset corrupta & depravata, eum hoc modo spectatum Deum plus quam se ipsum amare potuisse: quin omnes creaturas tum animæ præditas, tum ea destitutas, implantatum insitumque sibi habere instinctum quendam, Deum hoc genere amoris amandi. Si autem hac ratione spectetur homo (ita porro docet) prout gratiæ viribus instructus est, nullum dubium esse, quin Deum ita amare & possit & debeat: idque qui abnuant, destruere naturam & indolem amoris puri, evertere distinctionem essentialem amoris & spei, abdicationemque commodi proprii ab amore puro separare, quæ tamen ita illi conveniat, ut sine ea esse nequeat. Ipsum Meldensium Præsulem hoc quodammodo confiteri ostendit, concedereque ex Scholasticis Doctoribus Scotum de puro amore hoc modo docuisse. Sed Noster Thomæ quoque de Aquino & Francisci Salesii, præter alios multos, hanc fuisse sententiam contendit. Idque ut porro evincat, rationes ita subducit: si Deus non aliter amari potest, quam prout in eo nostram beatitudinem & felicitatem quærimus, sequitur, eos qui supponunt, quod tamen fieri nequit, se Deum amando nullius felicitatis participes fieri posse, Deum puro amore non amare. Sed vero eos, qui supponunt id, quod tamen fieri nequit, se scilicet

Deum amare, etiamsi nullius inde participes fiant felicitatis, puro veroque amore Deum amare, in confesso esse apud omnes putat. Quin ipsum Meldensium Episcopum hoc docuisse, seduloque inculcasse, eoque ipso pugnantia secum statuuisse, contendit. Cæterum ad eludendum argumentum, quod a Scholasticorum Doctorum auctoritate & consensu petatum est, binas patere Meldensium Episcopo vias observat: unam quidem, ut illorum auctoritatem infirmet, primæque Ecclesiæ illis opponat Doctores; alteram, ut ostendat, Doctores Scholasticos in suis militare castris, refragari autem sententiæ Archi-Episcopi Cameracensis, A priori eum non procul abesse, quando asserat, doctrinam, quam Cameracensis Præsul defendit, undecimo demum seculo in lucem prodiiisse, antea autem nec cognitam, nec auditam fuisse in Ecclesia. Ast cum intellectus hominis semper potuerit Deum ut absolute bonum considerare (ut regerit Noster) quis credat, undecimo demum seculo extitisse, qui Deum ita quoque amandum docerent? Equidem si Meldensium Antistes hoc dixisset, vocem charitatis undecimo seculo pro amore hocce puro usurpari cœpisse, potuisse hoc admitti: ast dum de re ipsa hic contendat, plane eum falli. Prospexisse sibi satis hunc Præsulem autumat, dum porro contendat, suam sententiam eam esse, quam Scholastici Doctores communi suffragio approbent. Ita enim si uno modo effugere non liceat, aliam tamen adhuc superesse elabendi viam. Ast & hanc præcludere illi Noster annititur, & ex instituto hic demonstrare conatur, Scholasticos Doctores a Cameracensis, non autem Meldensis Episcopi stare partibus: quod dum operose exsequitur, varia Thomæ de Aquino & Augustini dicta explicat, eaque sententiæ Cameracensis Præsulis non adversari ostendit.

AUTRE LETTRE D' UN THEOLOGIEN DE LOUVAIN A
un Docteur de Sorbonne &c.

i. c.

*EPISTOLA ALIA THEOLOGI CUIJUSDAM LOVANIENSIS AD
Doctorem Sorbonæ, concernens Additamentum Archi-Episcopi Pa-
risiensis ad Instructionem suam Pastoralem contra illusio-
nes falsorum Mysticorum.*

Leo.

Leodii, apud St. Hoyous, 1698, 8. plag. 2.

Edidit Illustrissimus Parisiensium Archi-Episcopus Instructionem Pastoralem contra deceptiones falsorum Mysticorum, subjecitque additiones quasdam, in quibus Theologus noster Lovaniensis quædam deprehendit, quæ accuratiori discussione dignæ sunt. Fatetur, recte dictum ab Archi-Episcopo, caput causæ, de qua disceptetur, in eo positum esse, num amoris puri sit, Deum ita amare in se spectatum, ut nostræ felicitatis nulla habeatur ratio? Ast illud ægre fert, eos qui affirmant illud, a Præsule hocce pro falsis Mysticis falsisque Spirituallibus haberi. Perperam id fieri contendit, idque ut evincat, paucis repetit rationes, quibus illorum sententia innitatur. Deinde & illud male habet Nostrum, quod idem Præsul doceat, abdicationem commodi proprii in amore Dei efficere, ut perinde sit hominibus, consequantur æternam felicitatem, an non, quin ut damnationem suam & reprobationem ratam habeant. Quod quidem illis, qui ab amore puro commodi proprii intuitum abesse volunt, recte tribui, exerte. Noster negat. Equidem ut in ipso amoris puri actu simul adsint amor nostræ felicitatis & abdicationis commodi proprii, fieri posse negat, cum secum pugnent, seque mutuo tollant: sed tamen quo minus status amoris puri amorem felicitatis includat, vel quo minus illi, qui Deum amore purissimo amant, simul tamen & suam ament felicitatem, nihil omnino obstare dicit. Sed concedit quoque, inter ideam amoris, quo Deum ceu supremum bonum amamus, & inter ideam amoris, quo nostram felicitatem amamus, nexum quendam intercedere, ut uterque amor non tantum in uno eodemque subjecto esse possit, sed ut unus alteri succurrat etiam quodammodo & suppetias ferat. Atque hoc ipsum ipsius Archi-Episcopi Parisiensis argumento comprobari posse, quo hunc in modum rationes subduxerit: medium perveniendi ad finem vinculo arctissimo connexum est cum ipso fine: charitas autem a me exigit, ut Deum glorificem in seipso; jubet, ut Deo ceu ultimo meo fini adhæream: ast medium unicum Deum glorificandi est, ut eum cognoscamus, amemus, possideamus: ergo charitas hoc ipso, dum jubet glorificare Deum, jubet etiam appetere suam felicitatem. Recte ita probari subjicit Noster, desiderium felicitatis in homine perfecto, vinculo indissolubili colligatum esse cum amore puro, sicut

sicut medium necessarium perveniendi ad finem necessario connexum est cum intentione efficaci finem istum obtinendi. Ast si Illustrissimus Auctor eo probare voluerit, intuitum & desiderium nostræ felicitatis ad formalem rationem amoris puri requiri, eum magnopere falli. Quin contrarium ex allata ratione consequi. Intuitum enim & cognitionem mediorum, quantumvis necessaria sint ad finem obtinendum, non tamen pertinere ad formalem rationem amoris, quo finem prosequimur, & intentionis eum obtinendi: finem non a mediis habere hoc quod ametur, hominemque moveat: media autem contra omnia ea, quibus se commendunt, a fine accipere. Ad eandem rem confirmandam aliud argumentum ex eodem Præfatis Parisiensis libro profert, illudque diluit: quod prætermittimus, cum jam ex hætenus commemoratis constet, cujusmodi sint, quæ hic disceptentur. Ultimo loco ad auctoritates rursus descendit. Provocaverat scilicet Archi-Episcopus Parisiensis ad Thomam de Aquino, Bonaventuram, Franciscum Salesium, S. Theresiam aliosque: quos tamen omnes Cameracensi potius Archi-Episcopo quam Parisiensi favere, id quidem est, quod Noster ex instituto sibi demonstrandum, sumpsit.

LETTRE D'UN ECCLESIASTIQUE DE FLANDRE
à un de ses amis de Paris &c.

i. e.

*EPISTOLA CLERICI CUIJUSDAM FLANDRIÆ AD AMICUM
quendam Parisiensem, qua comprobatur, Archi-Episcopum Came-
racensem inique ab Episcopo Meldensi
accusari.*

Leodii, apud St. Hovous, 1698, 8. plag. 7.

Liber, quem Meldensium Episcopus luci publicæ exposuit sub titulo: *Scripta varia, seu commentarii super librum, Explicatio sententiarum &c.* quantopere eos, qui a partibus Cameracensis Archi-Episcopi stant, exacerbaverit, vel præsens, quem hic exhibemus, libellus satis superque testatur. Querelas enim acerbissimas contra memoratum Præfulem effundit, subinde contumeliosas voces, quibus

bus sententiam Cameracensis Præfulis infectari Bossueto placuerat, illi reddit, & in auctorem retorquet. Nos missis, quæ nostra non referunt, quæ ad rem ipsam pertinent, paucis prosequemur.

Quæ inter utrumque disceptantur, ad quatuor capita revocat Auctor. Litem enim præcipue esse de desperatione, & sacrificio salutis suæ absoluto: de amore nimis puro, ut a Meldensium Antistite appellitur, & qui excludat omne beatitudinis & felicitatis desiderium: de fanaticismo & instinctu particulari: & denique de contemplatione. Nimirum primo quidem Cameracensem Præsulem a Meldensi in eo erroris argui refert, quod docuerit, non esse nefas de salute sua desperare. Ast Noster, Viro huic unquam hoc in mentem venisse negat, verbaque ejus, ex quibus id elicere contendat Meldensium Præsul, mutilata ab eo proferri conqueritur. Dixisse videlicet Cameracensem Præsulem: *tunc potest esse anima invincibiliter persuasa persuasionem reflexa, quæ tamen ex intimo fundo conscientia non procedat, se juxta a Deo esse reprobata.* Ast Meldensium Episcopum hunc locum allegando omisisse verba: *quæ tamen ex intimo fundo conscientia non procedat;* ut eo facilius Lectoribus persuaderet, Cameracensi Archi-Episcopo hanc sententiam sedere, quam ipse illi tribuisset. Ejusdem commatis sunt cætera, quæ prolixè hic Auctor disputat, mutilata subinde esse Cameracensis Antistitis verba, aut in alienum prorsus detorta esse sensum, vocumque quarundam ambiguitatem in occasionem errorem huncce inde exculpendi arreptam, qua tamen sublata nubes omnes atque caligo a Meldensi Episcopo objectæ sua sponte evanescant.

Deinde & hoc Cameracensi Præsuli objici observat, quod docuerit, posse hominem & debere Deum sine omni suæ felicitatis & beatitudinis intuitu amare. Secus vero plane sentire Meldensem, qui nunquam non inculcet, errare eos qui autument, posse Deum sine felicitatis nostræ intuitu amari; eumque porro Cameracensi imputare alios errore hinc promanantes, quod nemo suam salutem possit desiderare, quod nostræ felicitatis amor a Deo nec per modum præcepti, nec per modum consilii sit injunctus, similiaque. Noster autem duo hic sedulo distinguenda esse monet. Aliud enim esse, si quis autumet, Deum a nobis citra felicitatis nostræ intuitum posse amari, desideriumque felicitatis ita evelli & extirpari posse ex corde nostro, ut

sine eo amari Deus ardentissimo amoris actu possit, vel quod perinde est, ut intuitus nostræ felicitatis non ingrediatur formalem rationem amoris puri: aliud autem esse, si quis doceat, non posse quenkumque suam beatitudinem desiderare, & hoc desiderium nec per modum præcepti, nec per modum consilii nobis esse injunctum; item desiderium istud felicitatis & beatitudinis per amorem purum ita extinguere & eradicari, ut homo suæ salutis plane obliviscatur. Prius docere Archiepiscopum Cameracensem, non inficiatur: ast posterius aut ab eo asseri, aut ex ejus sententia colligi posse, plane abnuat. Loca a Bossueto ex Archiepiscopi Cameracensis scriptis allata, ut iis evinceret, nihil a se illi perperam tribui, solerter Noster vindicat, dextreque explicat. Dixerat quoque Cameracensis inter alia, *inévitablement nous sommes obligés de nous unir à Dieu*: arripuit hoc Meldensis, & adeo non tantum errare Cameracensem, sed pugnantia secum statuere, inde collegit. Quem tamen nodum Noster ita solvit, ut ostendat, Cameracensem non de necessitate naturæ, sed de necessitate præcepti fuisse locutum: quæ necessitas ejus sententiæ neutiquam obstat. Rationum autem, quibus Bossuetus suam sententiam muniat, momenta huc redire docet: cum amore puro non posse non conjunctum esse desiderium se uniendi cum Deo, eumque supponere adeo necessario quandam convenientiam inter Deum & hominem, quod multi Sanctorum, interque eos Franciscus Salesius quoque, admiserint. Accedere & illud, quod Scriptura sacra & Patres quoque, ut nos ad Deum amore puro amandum excitent, eum subinde nobis repræsentent sub imagine patris, creatoris, liberatoris, redemptoris, item ut nostrum summum bonum, similique ratione. Quo ipso & desiderium felicitatis eos fovere, simulque docere, intuitum nostræ beatitudinis ab amore puro non esse separandum. Noster autem, quæ de amore, quod se cum objecto suo unire cupiat, deque Scriptura sacra Patribusque, quod Deum hoc modo exhibeant, dicta sunt, ambabus largitur manibus: ast nihil aliud inde consequi addit, quam quod possit quoque Deus ex intuitu nostræ felicitatis amari; ast hunc intuitum ad formalem rationem amoris puri pertinere, id vero strenue negat.

Quæ de fanaticismo & instinctu particulari Cameracensi Profuli objiciuntur, Noster ita diluit, ut in locis, ad illa evincenda a Bossueto prolatis, mentem Auctoris plane perverti conqueratur, illeque multis

multis exemplis comprobare nitatur. Juvabit vel unicum adduxisse. Inter alia & hæc verba tribuit Cameracensi Meldensis: *voluntas beneplacui se manifestat nobis per gratiam actualem*; & hinc colligit, cum favere Fanaticis. At vero Noster observat, non tantum ex iis quæ præcedunt, longe alium effati hujus emergere sensum, sed & quædam omissa ostendit, ex quibus constet, nihil iis, quod reprehendi possit, asseri. Ita enim Scripsisse Cameracensem: *hæc voluntas beneplacui, quæ nobis per gratiam actualem manifestatur, semper est conformis legi*. Atque hinc, cujusmodi cetera sint, intelligi quodammodo potest.

De contemplatione, autem quæ Cameracensi Archi-Episcopo a Præsule Meldensi objiciuntur, eo potissimum redire observat. Primo quidem, quod ille doceat, contemplationem puram ac directam voluntarie non nisi circa objectum indefinitum & illimitatum occupari, nullo modo autem circa aliud objectum, ne quidem circa attributa Divina, aut tres personas Divinitatis, aut circa mysteria Jesu Christi: ad hæc autem consideranda particulari & extraordinaria gratia impelli hominem; ipsum autem sua sponte, suoque consilio id facere non posse. Deinde, quod idem doceat, homines sanctos non nisi in certis intervallis, cessante scilicet contemplatione, Christum simplici & distincta intuitionem contemplari; unde sequatur, Christi intuitionem cum pura contemplatione co-sistere non posse, hanc autem per illam excitari saltem, si forte languescat. Denique quod doceat, duos esse status fidelium, in quibus simplici & distincta Christi intuitionem priventur: unum quidem cum primum contemplari incipiant; alterum autem cum in extremis constituti sint tentationibus. Hæc omnia ut diluat Noster, ita se gerit, ut rursus hosce errores a mente Archi-Episcopi alienissimos esse, nec ex verbis ejus elici posse, contendat. Sic quod ad primum attinet, monet Archi-Episcopum Cameracensem ita scripsisse: *contemplatio pura & directa negativa est, quando voluntarie non occupatur circa imaginem quandam sensibilem*; atque hoc esse verum; falsum contra, quod Meldensis perperam Cameracensi tribuat: *contemplatio pura & directa non occupatur voluntarie circa rem sensibilem*. Etenim Cameracensem negativam contemplationem habere pro specie contemplationis puræ. Neutiquam igitur eum de omni contemplatione pura asserere, quod circa rem sensibilem non oc-

cupetur, sed tantum de negativa. Atque hinc porro infert, nunquam venisse in mentem Archi-Episcopo Cameracensi, ut doceret, contemplationem puram non occupari voluntarie circa attributa Divina, aut circa personas Trinitatis &c. Nec magis concedit, quod secundo loco eidem objectum fuerat. Contrarium enim, quod contemplatio pura humanam Christi naturam non excludat, diserte docuisse Cameracensem, productis testimoniis luculentis demonstrat. Sed & in tertio fidem Meldensis Episcopi inculcat. Vocem *status* hic nunquam adhibitam a Cameracensi perhibet, sed vocem *status* ab eo usurpata; deinde & voces, *reflexa* & *sensibilis* (intuitio) a Meldensi omissas, unde non potuerit non alius inde resultare sensus, quam qui ex verbis emergit. Locutum scilicet fuisse Cameracensem hoc modo: *animæ, quæ contemplantur, privantur distincta, sensibili & reflexa intuitione duobus casibus.* Longe aliud hoc esse, quam cum Meldensis Cameracensem ita loquentem introducat: *animæ perfectæ in duobus statibus distincta intuitione Jesu Christi privantur &c.* Eam vero sententiam, quæ menti Cameracensis conformis est, a veritate non esse alienam, Noster porro probat, simulq; quo pacto contemplatio, quando homo incipit contemplari, imperfecta adhuc sit, prolixè edisserit. Ita postquam in præcipuis disceptationis hujus capitibus sententiam Cameracensis Archi-Episcopi strenue defendit, errores quosdam secundarios, qui itidem illi objiciantur, diluendos & ab eo amoliendos aggreditur. Namque & eo nomine illum hostibus suis vapulari ait, ac si docuerit, amorem Dei, qui est puræ concupiscentiæ, etsi impietas sit & sacrilegium, præparare tamen ad justitiam: itemque quod spem, virtutem Christianam, cum cupiditate, vitiorum omnium matre, permisceat: quodque Christo perturbationes non voluntarias tribuat. Sed quid ad hæc Noster regerat, quilibet conjectura sua facile assequi potest: & præterea jam alibi ex ipso Archi-Episcopo percepimus, quo pacto ab hisce erroribus se purget; ut adeo nobis prolixioribus esse nec liceat, nec necesse sit.

* * *

Caterum cum hæc literis jam consignassemus, ad manus nostras schedula pervenit, qua in recensu etiam nostro principalis *de vita interiore* operis, quod ab Archi-Episcopo editum tantas turbas dedit, in Actis anni superioris mense Junio pag. 268. sqq. facta, nonnulla

la

la desiderantur. Et ea quidem tanto magis grata nobis accidit, quod ipsi consili nunquam fuimus, in compendio exponi a nobis perspicue satis posse, quæ integro licet libro perlecto multi aut non capiunt, aut in alium sensum, quam quem Auctor Illustrissimus intenderat, deflexisse arguuntur, ut nunc etiam inter litigantes non magis de dogmatibus ipsis, quam de mente Auctoris videatur contendere. Neque nos adeo pudori ducimus, ipsam illam admonitoriam schedam huc transcribere, probe memores, nos jam in præmissa Actis anni 1690 ad Lectorem Benevolum præfatione, perquam officiose rogatos Lectores omnes voluisse, ut si quæ in his Eruditorum Actis errata, seu in aliorum, seu in suis-
met libris recensendis, admissa observaverint, de iis candide per litteras admonere nos nec vereantur nec graventer, paratissimos & emendare, quæ peccata forsitan fuerint, & clarius edisserere, quæ obscurius dicta videbuntur. Conferri cupimus, quæ in Præfatione ad Indices generales primi Actorum Eruditorum Decennii a nobis dicta fuere, neque nunc etiam, data hac occasione, has ad Lectorem Benevolum preces dubitamus repetere. Enitaque schedam, de qua diximus, integram!

I. Ubicumque passim occurrunt hæc voces, commodi desiderium, felicitatis spes, virtus, præmium, addendum continuo hoc temperamentum, commodi quatenus proprii, felicitatis quatenus propriæ, virtus quatenus propria, præmium quatenus proprium. Commodum enim &c. si nihil adjungas, Deum nos beantem apud theologos sonat. Quæ voces proprii leguntur pag. 277. 279 l. 4 & 29. Has pag. 269 l. 19 & ultima, & p. 273 l. 6 & 13, & p. 274 l. 6 & 10 adjici oportuisset.

II. Hæc a mente Auctoris alienissima sunt: Et tum quidem directorem recte facere, animam persuasioni justæ condemnationis & reprobationis tantisper acquiescere patiatur, nec rationibus ad aliam sententiam transducere laboret, donec tentatio cesset. Absit ut voluerit directorem sinere animam persuasioni reprobationis ullatenus acquiescere. propositionem contradictoriam eadem p. 91. & 92. expressime asseruit. Igitur assensus ille non spectat reprobationem, sive condemnationem irrevocabilem atque æternam, sed tantum hoc judicium, quo Deus justus & sanctus omnia quæ sanctitati suæ repugnant, arguit. Tum anima hæc duo simul præstat. primo sibi videtur digna, quæ a Deo æternum abjiciatur, & iustitiæ amore rapta pro Deo contra seipsam stat.

2°. etiam si misericordia se minime dignam existimet, tamen sibi ipsi nunquam deest. imo seipsam in Deo & propter Deum diligit; unde jam condemnationem sibi impendentem deleri postulat.

JO. SCHILTERI JURISPRUDENTIÆ TOTIUS TAM ROMANÆ quam Germanicæ privata legitima Elementa, duabus partibus absoluta.

Argentorati, sumptibus Joh. Reinholdi Dulsseckeri, 1698, in 8.
Alphab. 3. plag. 15.

Quo difficilius est, ob ambigua tot jurium, divini puta & humani, naturalis & positivi, gentium & civilis, generalis & particularis, provincialis & municipalis, similiumque nomina, nec non ancipitem legum extranearum & Germanicarum, antiquarum & novarum velut luctam, in studio Jurisprudentiæ privatæ Germanicæ rite progredi: eo melius non de hoc tantum, sed ipsa etiam Republica mereri existimandi sunt, qui planum iter discipulis pariter ac docentibus, seu generalius, scholæ ac foro addictis præmonstrant. Atque eo collimat præfens Illustris Auctoris nostri labor, cui adeo, nisi celebratissimum nomen doctrinæque soliditas id jam præstarent, vel sola intentionis publico commodo deditæ probitas, apud peritos rerum æstimatores maximum conciliatura esset pretium. Non eget laudabile hoc institutum nostra commendatione; ut tamen paulo explicatius illud demus, muneris ratio nunc exigit. Nimirum illud tanquam ratum firmumque primo admittendum est, quod in docenda discendaque Jurisprudentia privata, Jus Romanum, ac speciatim Institutiones Justinianæ fundamenti loco supponendæ sint. Nam licet hoc indoli juris subsidiarii (quale est Romanum) convenire non videatur, imo licet iste docendi modus, a veteribus Jurisperitis securius usurpatus, auctoritati legum Germanicarum multum fortassis obfuerit: attamen præsupposito isti sua constat ratio, si Jurisprudentiæ statum, qui nunc est, recte expendas, legumque Romanarum opulentiam ac æquitatem cum rudi legum antiquarum Germanicarum sterilitate conferas. Quia tamen Institutionibus laudatis non tantum, compilerum socordia, quædam juris Romani capita defunt, sed & illæ, utpote in alius Republicæ usum concinnatæ, jure Germanico penitus carent: ideo non minus

minus secundo certum est, quod eadem variis indigeant supplementis, siquidem nominis sui mensuram implere debeant. Hæc cum ita sint, a scopo utique abluunt, qui retenta titulorum Institutionum insufficientia, usum fori textui solum subjiciunt, quale institutum *Schneidewinus, Schulzius, Philippi*, ex sententia Nostri tenuerunt; quæ admodum nec ex asse eundem feriunt, qui ea, quæ Institutionibus desunt, omisso harum textu, supplent, quod *Strauchio Struvioque* placuerat; cum hac ratione a textu Institutionum tyrones abducantur, vel minimum iis non nisi geminato labore duplicique temporis sumtumque impendio, eundem legere liceat. Meliori igitur consilio Noster eam inivit rationem, ut & textus authenticus fundamenti loco substerneretur, & ea quæ desunt, debito modo supplerentur. Hoc autem institutum ita exsecutus est, ut in parte priori, velut per indicem, summa Jurisprudentiæ capita, juxta seriem titulorum Institutionum recenseret, quæ pars etiam anno 1696 seorsim sub *Epitomes Juris privati*, sive *totius legitime scientiæ primorum elementorum* nomine excusa est. In posteriori vero, retento itidem titulorum laudatorum ordine, singulas juris privati materias proprio Marte ex generalibus juris naturalis & gentium principiis, jure Romano, & Teutonico contexeret, ac textum Institutionum brevi paraphrasi hinc inde auctum, apta connexionem, locis congruis, nec variata paragraphorum serie, infereret. Uti autem quoad ipsam doctrinam nomen *Schiltnerianum* nihil nisi egregia promittit: ita nobis id solum nunc observasse liceat, quod Idem jus Romanum pro *subsidiario* habeat, cui in dubio jus Germanicum semper præferendum sit, ceu diserte docet p. 16. eique doctrinæ deinceps convenienter pronunciat. Hinc cum jus Germanicum simplicitatis naturalis, præcipue in pactis, fuerit tenacius, igitur *stipulationes Romanas*, & in specie *dispositionem de stipulationis seu alius contractus, in tertii gratiam celebrati, in validitate*, a Germanis non esse receptas contendit p. 415. 423. Peculiare etiam jus, scilicet stillicidii immittendi in duarum ædium interstitium, quod jure Germanico *Winkelrecht* vocetur, Noster commemorat p. 172. Singularis vero, ac amœniori, quam vocant, Jurisprudentiæ deditis valde notanda est ejus sententia, quam circa sensum §. 25. *I de action.* proponit p. 561. Cum enim plerique cum Cujacio textum illum in verbis finalibus, *quam* (constitutionem Justiniani) *procul dubio certum est ex lege*

lege condictionis emanare, corruptum, ac ita legendum: *ex qua procul dubio certum est lege condictionem* (i. e. conditionem, quæ ex lege dici solet) *emanare* existiment: Noster tamen, desperantium illa esse remedia ratus, lectionem vulgatam defendit, ac peculiarem omnino *legem condictionis*, ex qua constitutio Justiniani emanaverit, fuisse, (secus ac credidit Bachovius in comment. *ad d. §. 25.* ineptum Accursii commentum eam sententiam dicens) illamque ad actionum, olim apud acta denunciandarum seu insinuandarum, reoque per apparitores, solutis sportulis, citato, postea publicandarum solennitatem pertinuisse, fidem his omnibus adstruente Codice Theodosiano de *denunciation.* arbitratur. Cum vero istæ denunciationum ambages postea sublatae sint, hinc nec legem condictionis, nec inde deductam Justiniani constitutionem, Codici repetitæ prælectionis insertam esse, ulterius censet.

Istis commentationibus adjecit duos Pandectarum titulos de *Regulis juris & Verborum significatione*, succincta analysi illustratos, cum & illi generalia juris principia contineant, ac adeo Institutionibus optime jungantur; nec non *methodum resolvendi textus ac decidendi casus propositos*, quæ licet mole sua valde sit exigua, unica scilicet plagula constans, plura tamen notatu digna, inprimis de quaestione Domitiana, misero illi Domitio Labeoni, qui ob quaestionem paulo imprudentius motam, ac incivile morosi Celsi responsum, communi velut nationum, queis jus Romanum innotuit, consensu pro stulto habetur, in excusationem & defensionem etiam profutura, continet. Quibus in gratiam tyronum seriem titulorum Pandectarum, cum Institutionum titulis & supplementis collatorum, quæ instar manuuctionis cujusdam ad opus Digestorum esse queat, ut & titulos ac paragraphos Institutionales, ordine alphabetico dispositos, subjunxit Noster, quo ipso eum insigne patientis diligentiae specimen exhibuisse, nemo diffitebitur. Ut autem omnibus labor heic insumtus placeat, idem non postulat, quin potius *per se licere*, ut *fruges inventas fastidens glande vescatur*, generoso contemptu profitetur.

JACOBI WENCKERI TRACTATUS DE PFALBURGERIS, Usburgeris & Glevengeris.

Ar.

Argentorati, sumtibus Joh. Reinholdi Dulßeckeri, 1698. in 4to.

Alphab. 4. plag. 20.

Quam ante sexennium de Pfalburgeris conscripserat dissertatio-
nem inauguralem, eam secundis curis ex Archivo Argentinen-
si ita excoluit Clarissimus Autor, ut in justum hunc illa excre-
sceret tractatum. Dicatus is est antiquitatibus Germanicis, ut vel hoc solo
nomine patriæ amantibus non possit non placere. Quo majori enim
res Germanicæ premuntur caligine, eo melius illos, qui ex indubitatis
Archivorum documentis lucem iis fœnerantur, de Germania mereri
dicendum est. Atque istam peritorum cordatorumque æquam æ-
stimationem eo certius ac securius sibi Noster polliceri potest, post-
quam Celeberrimi *Schilteri* suffragio fultus, in lucem prodit. Con-
stat ille tractatus tribus Disquisitionibus.

Prima, quæ totam Dissertationem olim habitam, hinc inde
tamen auctam interpolatamque, exhibet, ac Juridico-Historica est,
præcipue Pfalburgerorum, per consequentiam tamen etiam Usburge-
rorum naturam explicat. Postquam scilicet ex rationibus politicis
ac civilibus, imprimis etiam Germanicis, expediverat Noster, in quan-
tum quis duarum civitatum vel municipiorum subditus civisque aut
municeps esse possit; deinde ad Pfalburgeros convertitur, eosque di-
cit esse extraneos seu forenses, qui, cum sub aliquo Imperii Statu do-
micilium habeant, in urbe tamen aliqua, plerumque potente, (mini-
mum antiquis illis temporibus) jus civitatis eo fine acquirant, ut ejus
auxilio subnixi, oneribus prioris & legitimi domini se subtrahere pos-
sint. Qua occasione Usburgeros, i. e. cives extraneos, *Musivårtige*
Bürger simul exponit. nempe esse forenses, qui sine præjudicio al-
terius, dum vel sui juris sunt, vel dominus eorum consentit, alicubi
jus civitatis acquirant. Quo loco id statim annotasse non importu-
num fuerit, sæpe Usburgerorum & Pfalburgerorum nominibus non
veritatem sed affectum dicentium fuisse significatum. Quos enim ci-
vitas recipiens Usburgeros & cives legitimos dicebat, hos vicini Pfal-
burgeros esse in sui præjudicium allectos, contendebant, stante interim
nunc ab his, nunc illis partibus veritate. Quo autem præcedentia
reddantur explicatiora, speciatim de originatione Pfalburgerorum,
sollicitus Noster, ex pluribus, quas commemorat, sibi eam potissimum,

E

qua

qua a *fala*, quod priscis insidias vel fraudem notabat, Pfalburgeri nomen deducitur, probari ait; deinde repetita ad mentem Aureæ Bullæ eorum definitione, originem in turbida illa Henricorum tempora, quibus Pontificum Romanorum artibus omnia susque deque agebantur, conjicit. Nam inter alia, hoc etiam minuendæ refractariorum Episcoporum aliorumque Procerum potentiae tum utile judicabant Cæsares, si urbibus munitis privilegia largirentur, illorum homines, immunitatis contra dominos valiturae spe in cives alliciendi. Præcipue autem Pfalburgerorum sedes fuit Alemannia seu integra Suevia cum terris adjacentibus, quod exemplis copiose Noster illustrat; nec plebejæ tantum sortis homines Pfalburgeratum vel Usburgeratum (affectus enim synonyma facit, quæ juxta rei veritatem discerni debent) ambiverunt, sed aliquando etiam personæ illustres, ut Johannes Landgravius inferioris Alsatiæ, Abbatissa Andlaviensis, pluresque alii, in Usburgeros Argentinenses, juramento corporaliter præstito, recepti. Effectus Usburgeratus, imo etiam Pfalburgeratus, juxta intentionem recipientium & receptorum, erat, quod recepti pleno jure civium fruerentur, oneribusque civitatis recipientis subjicerentur, domino autem antiquo cornua velut obvertere, ac fere non aliud, quam quod vellent, ipsi præstare possent; prout id pluribus Noster persequitur, hoc deinde adjiciens, quod stilo recentiori alicubi Pfalburgeri dicantur, qui nulli alii domino obstricti, in aliquo municipio non jus civitatis, sed incolatus solum acquisiverunt, quique quibusdam Pachtburgeri, communius autem *Einwohner / Schußverwandte* audiunt; quam abusivam adeo vocis significationem, a notione Pfalburgerorum exquisite supposita, distingui jubet. Licet autem Pfalburgeratus non invitis Cæsaribus invaluerit, mutata tamen temporum consiliorumque ratione, de eodem abolendo sæpius illi cogitarunt. Quid igitur e nomine vel ante Auream Bullam, vel in ipsa Aurea Bulla, vel post eam actum sit, quisque Constitutionum illarum fuerit effectus, copiose Noster exequitur; additis insuper conventionibus, quas Status Imperii contra Pfalburgeratum inierunt, nec non specialibus statutis & pactis civitatis Argentinensis, eundem quoque respicientibus. His subnectit, quod Pfalburgerorum spuria velut species fuisse videantur *Montmanni*, ex infima hominum propriorum fece in illorum conditionem prorepere ausi; & quod eum Pfalburgeris illi, qui

qui protectioni alterius se committunt, nec non Burgenſes Regis in Gallia, *Bourgeois du Roy*, qui eo prætextu inferiorum Magistratuum jurisdictioni ſe ſubtrahebant, aliquo modo convenient; ac coronidis loco uſum diſquiſitionis inſtituta, in quaſtionibus hodiernum in civitate Argentinenſi occurrentibus, oſtendit. Totum autem Pſal- & Uſburgeratum pluribus documentis tandem illuſtrat, quæ quidem juxta quatuor titulos diſpoſuit, ita ut ſub primo privilegia Cæſarea, Eccleſiæ & Epifcopo Argentinenſi circa Pſalburgeros conceſſa; ſub ſecundo conventiones Epifcopales, inter epifcopos & civitatem Argentinenſem, de Pſal- & Uſburgeris diverſo tempore initas; ſub tertio civitatis Argentinenſis de Uſburgeris legiſlationem; denique ſub quarto, litteras reverſales Uſburgerorum referret, iisdemque omnibus ſupplementa quædam adjiceret.

Diſquiſitio ſecunda, de Uſburgeris inſcripta, ſpecialis eſt, ac hiftoriam Uſburgerorum Argentinenſium exhibet, quam ex antiquis documentis, præmiſſa vel interjecta connexionis ergo brevi narratione Germanica, Autor contexuit. Nimirum Philippus II. Cæſar civitati Argentinenſi anno 1205 dedit privilegium, quosvis Alſatiæ incolas recipiendi in cives, eo effectu, ut receptis in loco domicilii nulla onera amplius imponenda ſint; quod privilegium ab aliis Cæſaribus, imo, intercedente aliquando Epifcopo & Capitulo Argentinenſi, ab ipſo etiam Pontifice Romano, deinde confirmatum eſt. Hac ratione civium extraneorum numerus valde crevit, dum immunitatis vel validæ protectionis ſpe allekti, nobiles ignobileſque, catervatim Uſburgeratum Argentinenſem ambiverunt & obtinuerunt. Licet autem Argentina eos omnes Uſburgeros i. e. cives licite allektos eſſe prætenderet, vicinis tamen aliter videbatur, qui receptionem in ſui præjudicium fieri, receptosque Pſalburgeros eſſe, ſæpe non ſine veritatis ſuffragio, cauſabantur. Hinc varia enata diſſidia. Quid igitur eo nomine a primis inde initiis, ad præſens uſque ſeculum, amice vel hoſtiliter actum ſit, eo quem antea indicavimus, modo Noſter commemorat, pluraque eam in rem, ex doctiſſimi Dattii volumine de Pace Publica, nuper etiam a nobis in his Actis relato, depromi poſſe exiſtimat; pollicitus inſuper, Deo & Superioribus volentibus, ex Archivo Argentinenſi pleniorẽ de *Fœdere Rhenano* ac præſertim *Ligis Alſaticæ* tractationem p. 163. Prolixiora illa ſunt, quam ut eorum vel

index a nobis heic possit confici, quamvis & talis labor nimis aridus lectorique parum gratus futurus sit. Hoc generatim asserere possumus, esse omnia lectu dignissima, cum anarchiam Germaniæ politicosque solæcismos, istis seculis adeo solennes, copiose explanent. Seorsim tamen faciemus mentionem belli, quod der *Schlegel-Krieg* vocabatur, sicut beligerantes die *Schlegeler* vel die *Gesellschaft der Schlegeler* audiebant. Ratio nominis ab instrumento bellico dependet, quod erat, describente Trithemio, malleus de ligno duro factus, baculum habens longum, in cuius capite quatuor erant clavi ferrei, ab omni parte infixi, atque in summitate acuti, sicque ordinati, ut quaque parte vibrentur, vulnus infligant ac ferrum penetrent. Suevis vocatur *Schlegel*/sed aliis Germanis, termino notiore, *Morgensstern*. Quare autem instrumento isti tantus fuerit habitus honor, ut inde bellum sit cognominatum, ejus ratio a victoria, quam Rustici contra Nobiles, malleorum istorum beneficio, aliquando obtinuerunt, desumitur, pluribus ea omnia recensente Nostro p. 98. sqq.

Tertia Disquisitionis, quæ Glevenburgeris dicata, ac itidem specialis, ad res scilicet Argentinenses pertinens, eodemque, quo præcedens, modo contexta est, conscribendæ occasionem Nostro suppeditasse videtur Illustris *Mauritius*, tam in præfatione, quam hic citatus. Miratur enim ille in *Dissert. de Matricula Imper.* §. 25. quod nemo Lexicographorum vocabulum *Glefen* explicet, & rei, ante duo secula toti Germaniæ cognitissimæ, amplius notitiam habeat, nisi quod unus Goldastus *Glefen* Latinis *lanceas* vocari, ac quatuor vel quinque equites armatos significare annotaverit, conjectura tamen ipsi (Mauritio) parum probabili visa, ratio potius, *Glefen* notare *militem* inprimis *pedestrem*. Illustris *Fybenius*, ut hoc nobis obiter adjicere liceat, viso illo Mauriti loco, vocem *Glese* a Gallica *Glaive* deduci, cumque hæc non tantum *gladium*, sed & *lanceam* denotet, Goldasti opinionem, modo is pedites, aut alios armatos, pro equitibus velit admittere, admodum inde probabilem reddi existimat in *addend. ad disquisit. de Titul. Nobil.* p. 155. Noster igitur tantorum virorum sententiis lucem affusus, eademque opera impactam ignaviæ notam a Lexicographis solerter velut abiterfusus, primo ex antiquis monumentis docet, *Glev*, *Gleven* vel *Glefen*, esse antiquam vocem Germanicam, notareque *bastiam*, *lanceam* vel *spiculum*, ac probabiliter inde deduci mediæ & infimæ

mae latinitatis vocabulum *Glavea*, quod tamen a Gallico *Glatve*, vel Anglico *Gleave* etiam derivari possit, imo, ut hoc inspergam, satius fuerit, omnia hæc vocabula ultimato a Germanico *Gleven* repetere, etsi ita Eybenio non videbatur. Erat vero *Gleven* species armaturæ equestris, ex doctrina Nostri, ac adeo arma illa gerentes, *Equites*, & plerumque quidem e Nobilitate lecti, qui *Glefener*, vel etiam synecdochice *Gleven* (vid. p. 65.) dicebantur, ac regulariter quatuor equis, duobus servis, unoque puero, juxta morem civitatis Argentinenſis, instructi esse debebant. Ex quo sententiam Goldasti, Mauritio haut probatam, excusari posse consultissimus Autor existimat, licet fortassis non plane defendi, cum mos Argentinenſium universæ Germaniæ nequeat imputari, imo ipsa Argentina *Glefeneros* suos, ad expeditionem Romanam saltem, memorato antea modo instruere fuerit solita, aliam armandi rationem aliis in expeditionibus sæpe secuta: propriam interim sententiam pluribus documentis lectu dignissimis illustrans. Sed ut hætenus satis constet, quid *Gleven* & *Gleveneri* sint, id tamen nondum liquet, quid *Glevenburgerorum* nomen sibi velit. Neque enim hoc cum illis coincidere temere quis crediderit, cum tam cives incolas, quam *Us- & Pfalburgeros*, imo extraneos, certo aliquo stipendio conductos, *Glefenerorum* munere aliquando esse functos satis certum sit (v. p. 65. 101.) adeoque *Glefeneratus* cum *Burgeratu* nihil habeat commune. Sciendum igitur, quod crescentibus bellis intestinis, *Us- & Pfalburgeratu* vero valde suspectis redditis, extranei in numerum civium, intuitu servitiorum militarium, tempore necessitatis præstandorum, fuerint assumpti (v. *disquis.* 2. p. 225.) ita quidem ut plenum jus civitatis non acquisiverint, sed quali quali saltem protectione, in specie contra Judicii Rohtwilenſis jurisdictionem, nec non immunitate a vestigalibus civitatis & episcopi Argentinenſis, fuerint gavisi. Hi *Glevenburgeri*, istis temporibus vocabantur, quamvis in universum eorum conditio non usque adeo liquida sit, ut rerum Argentinenſium periti, hac de re consulti, certi quid pronunciare sint ausi, prout eam in rem ex actis publicis amplius disſerit Noster *disquis.* 3. p. 100. seqq. Quod si itaque *Us- Pfal- & Glevenburgeros* inter se contendas, paucis ita dicendum videtur: *Usburgerus* generaliter acceptus, notat civem forensem, & hætenus *Pfal- & Glevenburgerum* sub se comprehendit; si vero ad affectionis modum & finem re-

respicias, Usburgerus specialiter est extraneus, pleno jure, & citra alterius præjudicium, jus civitatis alicubi consecutus, Pfalburgerus vero, qui illud plene quidem, sed cum alterius præjudicio acquisivit, Glevenburgerus denique, qui eodem minus plene, ac intuitu servitii militaris præstandi, donatus est, a diverso interim affectionis modo, nunc Us - nunc Pfalburgerus etiam dicendus. •

TER TRIA: OR THE DOCTRINE OF THE THREE SACRED Persons, FATHER, SON, & SPIRIT: Principal Graces, FAITH, HOPE, & LOVE: Main Duties, PRAYER, HEARING, and MEDITATION. Summarily digested for the pleasure and profit of the pious and ingenious Reader. by FAITHFULL TEATE, Preacher of the Word at Sudbury in Suffolk.

L. C.

Dreymahl Drey/ oder die Lehre von denen drey Hochheiligen Personen der Gottheit/ Vater/ Sohn und Geist: drey vornehmsten Gnaden/Gaben/Glaubem Hofnung und Liebe: drey besondern Pflichten des Menschen/Gebet/Anhörung und Betrachtung Göttlichen Worts. Zu Nutz und Ergözung des gottseelig- und sinureichen Lesers kürzlich entworfen durch Faithfull Teate/ Predigern zu Sudburg in Suffolk.

In teutsche Verse übersezt/ und in beyden Sprachen herausgegeben von Gottfried Wagnern.

Leipzig/bey M. Th. Heybey, 1698. Alph. 1. plag. 8. in 8.

PRæstantissimis Poetis, qui in sacro argumento versati res divinas versibus exposuerunt, palmam in Anglia dubiam facit Poematis hujus auctor: qui postquam Dublini in collegio Trinitatis literis operam dedisset, ad ecclesiasticum munus concionatoris primum in Hibernia Dublini, dein Cromvelli ætate in Anglia Sudburgum, in Comitatu Suffolciensi, vocatus, magna in exultatione fuit habitus. Inter alia sacra ab eo edita scripta numeratur *The Character of cruelty in the works of iniquity*, nec non *The Cure of contention among the people of God*, quæ Londini A. 1656 prodierunt. Alius etiam pius ab eo editus liber, LXIV conciones in Canticum Salomonis comprehendens, sub titu-

titulo *A Scripture map, of the WilderNESS of Sin, and Way to Canaan: or the Sinners Way to the saints rest*, Londini A. 1655 qui publicam lucem adspexit, & annexum habet carmen Anglicum, *Epithalamium, or a Love-song of the loving Soue*, universam Cantici Canticorum summam versibus inclusam exhibens, admodum iis, qui pietati elegantiam & cultum in dicendo junctum in pretio habent, se approbavit. Cum primis autem poema hoc, *Ter Tria* quod inscripsit, in quo brevi veluti compendio universam theologiam, & summa fidei capita velut in nucce complexus est, apteque & summo cum judicio digessit, reliquis ejus scriptis palmam præripuit. Ratio inscriptionis inde petita est, quod poema hoc numero mystico, ter tribus nempe, seu novem capitibus incluserit: quorum in *primo* de Deo Patre allegorice omnia ejus attributa & opera, quibus se rectorem hujus universi, patremque creaturarum a se rerum & gubernatorem exhibuit, juxta ductum Scripturæ sacræ exponuntur: in *secundo* Filii Dei æterna generatio & in tempore quæ contigit nativitas, vitæ cursus, miracula, passio, mors, resurrectio, adscensio in coelum, regimen suæ Ecclesiæ & versus eandem amor, ex Evangelistarum narrationibus repetuntur, & typis e veteri Testamento petitis, interspersis passim insignibus meditationibus, illustrantur: in *tertio* Spiritus Sancti nomen, proprietates, officium & apotelesmata, sub variis schematibus, ex verbo divino depromptis, apposite explicantur. De tribus sanctæ Trinitatis personis postquam cantum absolvit, alia trina, gratiosa nimirum dona Sancti Spiritus, fidem, spem & charitatem decantat, eorum originem, proprietates, effectus, idoneis similitudinibus usus, perspicue ob oculos ponens. Tertius ternio præcipua hominis officia, nimirum orationem, verbi divini auscultationem, & meditationem ac applicationem eorum, quæ audita vel lecta fuerunt, apte explicat. Poema hoc ex concinnis, & interdum fractis ac brevibus, ubique tamen eleganter cohærentibus compositum est versibus, cuivis tractationi adhibito peculiari carminis genere, & venustis verborum lusibus, paronomasiis, similitudinibus & allegoriis, aliisque dictionis ornamentis mirifice illustratum: ob hanc venustatem etiam & ingeniosum scribendi characterem summo in pretio habitum apud Anglos, qui sapius istud typis exscribi curarunt, & avide emtum, ut hodie nulla in tabernis ejus extent exempla. Quocirca ejus amore, cum in Anglia degeret, accensus ante annos aliquot

Gothofredus Wagnerus, nunc in civitate nostra Senatorii ordinis decus, Poematis hujus (quod si quis satis intelligeret, eum adeptum esse linguæ Anglicanæ usum, ab amicis didicerat,) in linguam Germanicam transferendi impetum cepit; & cum institutum hoc bene cedere animadverteret. non deterreri se passus est ejus difficultate, sed insignem ex tractatione hac non oblectationem modo verum etiam pietatis profectum sentiens, totum poema Anglicum, apposite & juxta auctoris mentem Germanicum reddidit: quæ convenientia utriusque patebit iis, qui linguæ Anglicæ gnari ambo inter se contulerint exemplaria, in editione hac juncta. In proclivi erat Interpreti, qua valet carminis dexteritate, cuius sectioni, ad modum auctoris Angli, peculiare carminis genus adhibere, sed mixtum istud, quod madrigale vocant, maxime profluens, prosaico sermoni proxime accedere deprehendens, perpetuo ei inhaerendum sibi duxit; hanc tamen legem servans, ut non ex vario genere carminis, sed solum ex elegiis, iis autem modo integris, modo dimidiatis, interpretationem contexeret. Quod adeo feliciter ipsi successit, ut non modo Angli auctoris mentem & emphasin accurate expreſſerit, sed rhythmos etiam tam limpidos & sponte veluti natos produxerit, ut si quis loco ultimorum in versu verborum alia synonyma substituat, purissimum sermonem prosaicum sit redditurus. Quocirca felicem Teatum prædicandum existimamus, qui post tot ab obitu suo annos, nunc tandem interpretem carminis nactus fuerit, utriusque idiomatis nec non cæterarum linguarum peritia sic exercitatum, ut reconditos poematis hujus sacri doctiq; sensus dextre exprimere potuerit, dubium relinquens, utrum auctor, an interpres, efficacior in animis lectorum relinquat stimulum. Cum autem Anglus in fronte libri sui indicaverit, non piis modo, verum, simul acri judicio præditis scriptum eum fuisse; ut profundiores sensus erutos cuius patefaceret, annotationibus multis & diffusis allaboravit Interpres: non dictionem seu paraphrasin suam, sed in ipso contextu extantia, vel e sacra Scriptura petita vel difficilia alia loca, iisdem explicans & erudite illustrans, nec digito solum dicta Scripturæ indicans, sed eadem subinde recitans, ut evolutionis labore lectores sabelvaret; talia quoque in observationibus adferens, quæ non minorem utilitatem quam voluptatem librum hunc versantibus concilient.

Chriſ

41

MENSIS JANUAR. A. M DC XCIX.
BIBLIOTHECA PATRUM APOSTOLICORUM GRÆCO-LA-
tina. Præmissa est Dissertatio de Patribus Apostolicis, Autore THOMA
ITTIGIO, S.S. Theol. Licentiat, ejusdemque Professore Publico,
& ad D. Nicolai Archidiacono in Academia &
Ecclesia Lipsiensi.

Lipsiæ, apud hæredes Lanckisianos, 1699, 8. Alph. 2. plag. 9.

Cum in tradenda publicis lectionibus Theologia Patrum occupa-
tus Maxime Reverendus Autor, Clementis Romani, Barnabæ &
Hermæ operibus justè studio excussis, ad Ignatium progredi meditare-
tur, iis, quæ sancto huic Patri tribuuntur, epistolis ut carerent Audi-
tores, noluit committere, easdemque proin Græco-Latinas recudi fe-
cit, sed ita tamen, ut Ignatio Clementem atque Polycarpum comites
adjunxerit. Hos sub Patrum Apostolicorum nomine sistendos, & ex
eorum operibus Bibliothecam struendam censuit; quam quidem adeo
exiguam esse haud ulli mirum videri posse autumat, cum præter istos
tres nemo Scriptorum Ecclesiasticorum, qui sua ad ætatem nostram
monumenta transmiserunt, Patris Apostolici titulo dignus sit. Bar-
nabam enim & Hermam, utut antiquitate cum Ignatio & Polycarpo
certare queant, a Spiritu tamen Apostolico remotiores, & idcirco in
classẽ Patrum Apostolicis proximorum reponendos potius venire,
asserit; multoque minus Abdiam, Linum, Prochorum, Martialem Le-
movicensẽ, Dionysium Areopagitam, aliosque horum similes in Pa-
trum Apostolicorum Bibliotheca locum aliquem sibi vindicare posse
pronunciat.

Clementis igitur Romani utramque ad Corinthios epistolam
hec exhibet, ac posteriorem quidem priori jungendam duxit, non
quod pari cum ea passu ambulet, sed quod in codice Alexandrino &
in omnibus editionibus priorem comitari soleat. Primæ versionem
Junianam per Joannem Fell recensitam, & secundæ Wendelinianam
e latere apposuit, Colomesii de cætero editionem secutus, addito
etiam notarum ejus spicilegio; etsi in istis non omnia calculo suo ap-
probet. Neque enim cum Colomesio Clementem hallucinatum ex-
istimat, cum verba Jobi a Redemptore suo vivente vitam sperantis, de
resurrectione interpretatus est; neq; necessarium arbitratur, ut, quod
ille suavit, ultimos versiculos capitis primi Paulinæ ad Romanos epi-
stolæ

istolæ ex Clemente corrigamus. Cæterum ne quid deesset, breve etiam fragmentum epistolæ Clementis secundæ ex optimis parallelis MSS. Jo. Damasceni, interprete J. B. Cotelerio, sub calcem istius cum Lectoribus communicat, hac etiam in parte Colomesium secutus.

Ignatianas dehinc epistolas in genuinas, interpolatas & spurias dispescit. Sicut autem genuinarum septem numerat, ita sex priores e Cotelerii, ast septimam e Ruinarti interpretatione, Latine eas legere volentibus subministrat; neque tamen earundem Ignatii epistolarum Latinam versionem veterem, e duobus manuscriptis in Anglia repertis a Jacobo Usserio, Archi-Episcopo Armachano, Oxoniæ A. 1642 primum editam, seorsim addere pigritus est. Interpolatas, quarum æque septem constituit, cum versione vulgata dedit. Has sequuntur spuria, quotquot sive Græce, sive Latine tantum, sub Ignatii nomine circumferuntur, illis etiam additis, quæ ad Ignatium scriptæ finguntur.

Sequitur tandem Polycarpus Smyrnenſis Ecclesiæ Antistes & Martyr, cujus ad Philippenſes epistolam Græce & Latine, sed quinque fragmenta eidem adscripta Latine tantum e Victoris, Episcopi Capuani, Catena in quatuor Evangelistas transumpta videatur. Sed & Ignatii non minus ac Polycarpi Martyrium epistolis cujusque subjicitur, & istius quidem Græce & Latine ex Theoderici Ruinarti editione, hujus vero itidem Græce & Latine cum ex versione a Jo. Baptista Cotelerio adornata, tum ex antiqua metaphrasi ab Usserio primum integre in lucem edita, perlustrandum conceditur. Utrumque locum suum ideo in Bibliotheca isthac invenit, quod a coævis scriptoribus consignatum fuit; qua laude cum destituatur Martyrium Clementis Romani a Cotelerio Græce & Latine vulgatum, omittere istud, quam recentioris Scriptoris narrationem, a suspitione falsi nequaquam liberam, his *καμηλίας* inferere Editor Reverendus maluit.

Nondum vero est, ut a Bibliotheca isthac recedamus, cum monumentis hætenus enumeratis prolixam admodum, sed & eruditissimam Dissertationem suam is præmiserit, inque ea de Patribus Apostolicis seu Scriptoribus Ecclesiasticis, qui Apostolorum comites & discipuli perhibentur, doctissime fuerit commentatus.

Primum enim obiter de sacris Novi Testamenti scriptis nonnulla disserit. Progressus inde ad varia Apostolorum *pseudepigrapha*

pha, iis, de quibus in sua Dissertationum heptade a nobis A. 1696, p. 105. seq. itidem recensita fuisse dixerit, addi vult tertiam Pauli ad Corinthios epistolam, aliamque Petri, quæ septingentis fere post ejus obitum annis ad Pipinum, Carolum & Carolomannum scripta perhibeatur. De Thomæ etiam Evangelio, tributisque eidem Actis paralipomena quædam nescit, & postmodum non Apostolis solum, sed viris quoque Apostolicis monumenta varia supposita fuisse, manifestum reddit.

A Josephi enim Arimathæi, quæ vulgo ferantur, Epistolis ad Britannorum Ecclesiæ exorsus, earum æque ac traditionis de Josephi ad Britannos adventu auctoritatem labefactat. Neque ejus in Jesu honorificetumulando socii Nicodemi Evangelium ullius esse ponderis admittit. Lazarum, cui scripta quædam apud Verderium tribuuntur, cum Maria, Martha, Marcella, sociisque aliis navi sine remis impositum in Galliam appulisse, monachorum figmentum salutat. Quemadmodum factam a Marco Ecclesiæ Alexandrinæ foundationem valde ait esse dubiam: ita veterum nonnullos, quod a Philone sub Therapeutarum nomine Christiani Ecclesiæ Alexandrinæ a Marco institutæ laudentur, existimare equidem admittit, Pontificios tamen sententiam istam pro antiquitate status Monastici aliquid facere sibi persuadentes redarguit; ac præterea Liturgiam, quæ nunc sub Marci nomine extet, nec ab Evangelista hoc profectam, nec ejus ævo in Ecclesia Alexandrina usurpatam fuisse ostendit. Quod Evangelista Marcus idem sit cum Johanne Marco, cujus in Actis mentio occurrit, certis probari argumentis posse inficiatur, prout & tributam Johanni Marco Passionem Barnabæ explodit, similem in modum circa Prochori de Johanne Theologo historiam se gerens. Mox ad Lini, qui Petri in Episcopatu Romano successor vulgo credatur, libros de passione Petri & Pauli pergens, eos non minus spurios esse docet, quam tributum ei ab Orderico Vitali tractatum de conflictu Simonis Petri & Simonis Magi, qui alias sub Marcelli nomine prodierit. Epistolam de passione & martyrio Andreæ Apostoli, quam Presbyteri & Diaconi Achaïæ scripserint, a Baronio damnari nonnullos observasse notat; sed istis Baronium, etsi Acta Andreæ, quorum apud Epiphanium & alios veteres mentio occurrat, reprobaverit, honestius tamen de Epistola Presbyterorum Achaïæ sensisse regerit; quanquam & hanc *voð-æ* in simulandam venire nullus abnuat, argumentis quæ pro illa epistola E-

9.
10. 12.

13. 14.

15. 16.
17.

18. 19. 20.

21.

22.

23.

24.

25.

27.

- piscopus Tullensis prolixè attulit, breviter confutatis. Conceptum ob Abdiæ Babylonii libros in quodam Carinthiæ monasterio inventos a Wolfgango Lazio gaudium, impensumque ab eo & pluribus aliis in istorum editionem studium, tantum non pro frustraneo venditat, cum Abdias hic in nugivendulorum classè haud præter culpam suam reponatur. 28. Martialis Lemovicensis epistolas Helmstadii, cum Gennadiano de Scriptoribus Ecclesiasticis tractatu, ab Elmenhorstio editas fuisse dum Labbeus asseruerit, memoria cum lapsum esse innuit. Pari modo falsum esse Miræum, quando eas Græce a Morello editas docuerit; non Græce enim, sed Latine hunc Martialem scripsisse affirmat, unde inter Græcos Scriptores eundem perperam abs se relatum Vossius palam agnoverit. Tacemus, quæ de hoc Martiali proferuntur alia, & ad Cæcilium cum Maxime Reverendo Autore nos conferimus. 29. Repudiat is præcipue Bivarii narrationem de Cæciliij hujus commentariis in Apocalypsin Johannis Hispanica lingua scriptis, & labente superiori seculo in turri inhabitabil Turpiana repertis; quæ miraculosa profecto esse commentaria oporteat, dum in Johannis Apocalypsin scripta sint, antequam hæc ab ipso autore consignaretur, quæque Hispanice elaboraverit Cæcilius multis ante sæculis, quam lingua Hispanica hodierna uspiam in orbe sonare inciperet. Qualis vero Urbani VIII Pontificis sententia de iisdem fuerit, patere ait ex Inquisitionis Romanæ Decreto, quod Urbano præsentè latum ejusque auctoritate firmatum, a Fabio autem Chisio, Episcopo Neritonensi, ac postea sub nomine Alexandri VII supremo Pontifice A. 1641 Coloniae publicatum sit, prout & Bollandus Sanctorum Acti istud inseruerit: unde idem ad verbum descriptum affert, & declaratam in eodem ab Urbano adversus ista antiquitatis Apostolicæ fragmenta ab Hispanis jactata severitatem superasse adhuc Innocentium XI commemorat, quippe qui scripta illa non amplius suspenderit, sed absolute penitus damnavit. Circa Jasonis & Papisci Dialogum seu Altercationem, Celsi & Origenis judicium allegat, deque isthoc scripto, cum jampridem interierit, certa satis tradi haud posse contendit. Rigaltium enim patrum nostrorum ætate istud adhuc extitisse affirmantem, & ad Nicolai Fabri auctoritatem provocantem, Hieronymi verba cum Fabri effato confundere, cuivis manifestum fore promittit, qui Hieronymi in epistolam Pauli ad Galatas commentarium legere voluerit, Evodii tractatum

datum Lucis titulo insignitum, quem in Historia sua Ecclesiastica Nicephorus citet, tenebris omnino dignum judicat. Quod Zenas No-
 mix a Paulo Tit. III, 13 nominatus Acta Titi unquam descripserit,
 Bivarium gratis asseverare monet, & ea, quæ Petrus de Natalibus de
 Plinii Secundi Junioris conversione ad fidem Christianam Titi opera
 consummata tradat, ex genuinis Zenæ Actis deprompta esse pernegat.
 Ut Anacleti Episcopatum Romanum magnis laborare monstrat diffi-
 cultatibus: ita ejus, quæ circumferantur, epistolas, non minus ac re-
 liquas veterum Pontificum a Clemente ad Siricium usque, spurias & ab
 Isidoro Mercatore primum confictas appellat, & Blondelli circa con-
 troversiam hanc solertiam prolixè laudat, novissimo etiam Epistola-
 rum illarum Decretalium Patrono uberius respondet. De Hierotheo,
 qui Pauli discipulus & Dionysii Areopagitæ præceptor fingatur, paulo
 plura differit; de Visbio autem, Dionysii Areopagitæ discipulo, ut mul-
 ta commentetur, operæ pretium haud existimat. Potius ad ipsum
 Dionysium Areopagitam accedit, & varias de ejus Parisiensi Episco-
 patu, martyrio & corpore controversias recenset, plurimæque insu-
 per de scriptis Dionysii hujus nomen præ se ferentibus colligit. Post
 Papiam salutatur, & num Patribus ille Apostolicis annumerari debeat,
 incertum dicit. Neque firmis etiam rationibus probari posse censet,
 quod hic Papias Pergamensis Ecclesiæ Angelus Apocalypticus statuen-
 dus sit, quæ sententia Antiocho quidem Brondo arriserit. Istud
 contra pro certissimo agnoscit, quod exilis fuerit iudicii Papias, &
 dum varias traditiones nimia captavit curiositate, sæpius sibi ab aliis
 imponi passus fuerit. Quadrati Apologiam pro Christianis incunte
 seculo septimo adhuc superfuisset, sed hodiernum nonnisi quoddam e-
 jus fragmentum, ab Eusebio servatum, reperiri affirmat. In hoc cum
 quidam mirabiliter a Christo sanati, aut ad vitam revocati, Quadrato
 vivente adhuc superstites egisset perhibeantur, nonneminem de illis i-
 stud intelligere observat, qui simul cum Christo resurgente e sepul-
 chris prodierint, contra quem tamen Quadratum ad illos potius, quos
 Christus inter homines obambulans a morte suscitavit, respexisse sta-
 tuit; cumque eidem Theologo improbable appareat, quod Qua-
 dratus homines tales viderit, quos integro sic post resurrectionem
 suam seculo superfuisset oporteret, respondet, illos a Quadrato non
 eo amplius tempore, quo apologiam suam Hadriano obtulerit, sed

31.
32.

34.

38.

39.

51.

cum adhuc juvenis & Apostolorum discipulus extaret, fuisse conspectos.

Cæterum ut enumeratorum hætenus Scriptorum nullam in suo Patrum Apostolicorum Syntagmate rationem habuisse Cotelieriumprehendit, quandoquidem scripta ipsis attributa vel supposita sint, vel deperdita: ita nunc de iis dispicit, quorum opera in laudato Syntagmate colligenda Cotelierius existimavit. Ac principe ibi loco cum sistatur Barnabas, alia scripta ipsi attributa dudum intercidisse, Epistolam autem, quæ Barnabæ nomen ostendet, spuris procul dubio annumerandam statuit, de variis tamen ejus editionibus operose differens. Eandem quoque industriam circa Hermæ opus sub Pastoris nomine allegari solitum Lectori erudito approbat, deque autore ipso varias variorum sententias more suo docte atque accurate discernit, quidq; de ejus autoritate Pontificii non minus atque Reformati & Nostrates judicent, manifestum reddit.

Tandem vero ad istos paulo diligentius delineandos se accingit, quorum aurea & ævum illud, quo Christi sanguis adhuc circa Christianorum præcordia caluit, spirantia monumenta volumen præsens complectitur. Primus horum Romanus ille *CLEMENS* est, de cujus persona, officio, martyrioque ubi non nihil præmisit, multos impostores personam ejus induisse, ac pleraque, quæ nomen isthoc mentiantur, scripta eidem supposuisse queritur, & sigillatim id de Canonibus deque Constitutionibus Apostolicis, de Recognitionum item libris, & quæ ejusdem furfuris sint, Clementinis evidum dat. Nec reticet epitomen gestorum Petri, seu Clementis Romani de actibus, peregrinationibus & prædicationibus Petri narrationem, & epistolam ad Jacobum Hierosolymorum Episcopum scriptam. Et epitomen certe istam a nemine doctiorum facile pro legitima habitum iri, Barthio adstipulatus confidit; epistolam vero ad Jacobum spuriam esse vel ipsam inscriptionem indicare ait, cum Jacobus Hierosolymorum Episcopus eo tempore in vivis amplius haud fuerit, quo Clemens Romanum Episcopatum tenuerit. Nec majoris esse fidei docet quinque Clementis epistolas decretales, & Liturgiam constitutionibus Apostolicis insertam. Perperam quoque Clementi Canonicam ad Hebræos Epistolam tribui probat, nihilque isto pacto Scriptori huic relinqui infert, præter duas ad Corinthios epistolas e codice Alexandrino A. C. 1633 in

in aprium prima vice productas, de quarum diversis editionibus mox secutis aliisque ad eas attinentibus ex instituto agit, & post assertam, per aliquot pagellas prioris adversus dissentientes *γνησιότητα*, posterioris fragmentum longe minoris, si cum ista comparetur, pretii esse lubens confitetur. Secundus Patrum horum Apostolicorum est *IGNATIUS*, *Θεοφόρος* cognomento gaudens, cujus occasione traditionem de isto Christi manibus aliquando excepto & gestato examinat, nominisque illius optimum interpretem Ignatium ipsum facit, dum *Θεοφόρος* esse omnem, qui Christum habeat in pectore, non citra rationem autemet. Non parum quoque fragilem reputat assertionem illam, quæ, quod Ignatius Christum a mortuis resuscitatum suis usurparit oculis, contendat. Circa scripta, quæ huic Patri in Catalogo suo librorum Chaldaeorum Hebed Jesu vindicet, diu haud subsistit, sed prolixiorum de ejus epistolis discursum instituit, inque hoc earundem in genuinas (quamvis nec has ab omni corruptione liberarum pronuntiare audeat,) interpolatas & spurias distributionem tuetur, notitiamque editionum earundem insinuat. Ex eo, quod in Actis martyrii Ignatiani genuinis referatur, eum Antiochiæ ad bestias a Trajano damnatum, Romamque abductum inibi a bestiis præter ossa quædam solidiora devoratum fuisse, affatim patere concludit, falsum esse, quod carnifices in dissecto ejus corde nomen Jesu aureis inscriptum literis invenerint. *POLYCARPUS* denique ultimum heic locum impetrat, de quo, an in prima sua ætate Gentilismi assecclam se præbuerit, disquiri, & Pearsonium negativam tueri sententiam docet. Cur tamen ad contrarium Usserii argumentum, ex ipsa Polycarpi ad Philippenses epistola depromptum nihil ille responderit, miratur. Non omittit etiam Stephani le Moyne circa martyrium Polycarpi suspensiones, & discrepantes circa annum mortis ejus eruditorum calculos, ac instruendo operum illius deperditorum atque spuriorum indicio posteaquam satis diu detentus fuit, de ejus ad Philippenses epistola genuina decernit, quod post Ignatii mortem scripta ea sit. Utut interea haud pauci vel posteriorem hujus epistolæ partem, vel integram quoque Polycarpo suppositam causentur, nimis tamen infirmis eos rationibus niti, extra omne dubium collocari debere adstruit.

83.

84.

89.

92.

Insti-

INSTITUTIONES BIBLICÆ, SIVE SCRIPTURÆ S. PROLEGomena, una cum selectis Annotationibus in Pentateuchum. Autore J. BAPT. DU HAMEL, Presbytero & Exprofessore Regio.

Parisiis apud Steph. Michallet, 1698, in 12. plag. 20.

Quivel ob conciliatas diversorum Philosophorum sententias inter doctos dudum inclaruit, doctissimus ipse *Du Hamel*, nunc vergente in senium ætate, sacras Annotationes in Divinarum Scripturarum libros e SS. Patribus aliisque nostræ ætatis Scriptoribus eximius quam brevissime excerpendas parat, quarum illa pars, quæ in Pentateuchum est, primo loco prodit.

Ut vero ad Scripturarum ac istarum simul annotationum, suarum intellectum facilius sterneretur via, Institutiones quasdam, ex multis & magnis voluminibus, quæ hac de re in lucem prodire, selectas præmisit, breviterque percensuit. Eas quatuor dissertationibus complexus est. In quarum prima de Scriptura in se spectatæ, ejusdemque autoritate, integritate, inspiratione agit: in secunda de textus Hebraici antiquitate & autoritate, de versionibus cum Græcis ac potissimum LXX Seniorum, tum Latinis ac de Vulgata imprimis disserit. Tertia dissertatio, quæ ad multiplicem Scripturæ sensum & varias illius expositiones spectant, continet; ac in quarta denique e Chronologia & Geographia S. quæ ad intelligentiam Scripturæ faciunt, adducuntur.

LIBRI NOVI.

Francisci Mauroceni Peloponnesiaci Venetiarum Principis Gesta. Scriptore Joanne Gratiano Bergomensi, D. Patavii ex typographia Seminarii, 1698. in 4.

Vita di Don Pietro Giron Duca d' Ossuna, Vicere di Napoli, scritta da Gregorio Leti. Amsterdamo appresso Georgio Gallet, 1699, 12.

Jo. Jensi Lectiones Lucianæ. Accedit ad V. Cl. Jo. Georgium Grævium super aliquot Diodori Siculi locis Epistola. Hagæ Com. apud M. Uirwerf, 1699. 8.

Les Memoires d' Edmond Ludlow. A Amsterdam, chez Paul Marret, 1699, 12.

* * * * *

ACTA ERUDITORUM

Publicata Lipsia

Calendis Februarii, Anno M DC XCIX.

THE ANATOMY OF HUMANE BODIES,

i. c.

*ANATOMIA CORPORIS HUMANI, FIGURIS AD VIVUM
delineatis æque illustrata atque amplius earundem Explicationibus, Ob-
servationes novas, cum Anatomicas, tum Chirurgicas compre-
hendentibus &c. Autore GULIELMO COWPER,
Chirurgo.*

Londini, apud S. Smith & B. Walford, 1698. in Fol. chartæ aug.
Constat plag. 63. & figurarum tabulis 116.

INtegra Corporis humani Anatome, uti omnium elegantissima, ita & accuratissima, ab *Experientissimo* hic sistitur *Autore*, qui ex edita jam, & in *Act. Supplement. Tom. 2. p. 506.* a nobis recensita *Myotomia reformatæ*, magnum Anatomicos inter obtinuit nomen, cujusque effigies in frontispicio cum alia figura Anatomiz etiam *Bidlo*i præposita cernitur. Quamvis enim nitidissimarum figurarum *tabule centum & quinque* vix abundant ab iis, quibus *Clariss. Bidloo* Anatomiam suam, in *Actis* pariter a nobis *A. 1685 p. 295.* commemoratam, exornavit: quoniam tamen nova primum ad Anatomiam Introductio, hinc novarum Annotationum & Observationum ingens numerus, frustra quæ in laudato *Bidlo*i volumine quærantur, plures denique figuræ novæ *novem tabulis* comprehensæ, una cum indice, editioni nostræ accesserunt, hæsitare merito quis poterit, num Anatomia præsens pro nova prorsus, an pro *Bidlo*i, auctiore tamen

G

lon.

longe & correctiore, debeat haberi. Nempe postquam in præfixa *Introductione* solennes æconomix animalis functiones, cum naturales, tum animales, e principiis mechanicis strictim deductæ fuerunt, ante omnia quæ symmetria partibus externalis in fœtu utero etiamnum incluso, infante ac adulto, non minus ac in mare & fœmina intercedat, quæque habitudo muscutorum & aliarum partium in motibus diversis occurrat, in prioribus trium tabularum explanationibus declaratur. Tum in reliquis ad Appendicem usque tabulis harumque explicationibus, non solum aliquot centum loca literis convenientibus antea omillis rite notantur & enodantur; sed & observationes Anatomix, Chirurgix & Pathologiæ illustrandæ causa spisse adjiciuntur, quarum potiores sicuti promiscue ab *Auctore* proponuntur, ita si promiscue quoque a nobis nunc indigentur, haud ingratum Lectori fore speramus.

ad Tab. 4. Cuticula v. g. in aqua macerata, pro diversa cutis crassitie modo in duas, modo in tres vel quatuor dirimi valet lamellas, sub microscopii examen singularem squamularum contextum exhibentes.

Tab. 5. Cum pericranium æque ac communis muscutorum tunica e pluribus laminis coalescat, periostium cranii, sub musculo etiam temporali locatum, inferior sive interna pericranii, temporali musculo superincumbentis, reputatur lamina. Aneurysma in arteria frontali risus subitanei & vehementioris occasione enatum, feliciter demum curatum fuit, ubi os frontis, per quod arteria dicta progreditur, cauterio actuali esset inustum. Qui cerebro & pia meningē vulneratis, sæpe in meningē dura & cranio propullulat fungus, absque hæmorrhagiæ metu excindendus præcipitur.

Tab. 8. Ex structura nervorum accuratius trutinata ipsorum spirituum animalium existentia in dubium vocatur, quia hi liberum per nervos transitum vix inveniunt, dum nervi neutiquam tubuli existunt per omnem longitudinem cavi, sed porositas ipsorum cellulis, a vasculis sanguiferis oriundis & globulos repræsentantibus, habetur interstincta, itemque nervi in exortu perquam angustati hinc inde in progressu circa ganglia multum dilatantur. Ipsi propterea globuli nervos interius constituentes ac sibi invicem contigui, pro medio agnoscuntur, quod impressionem ab objecto in sensorio externo factam ad sensorium commune deferat. Pingues glandulæ mucilaginosæ intra vertebrarum specum pro humectandis membranæ medullæ spinalis liquorem separare

rare dicuntur, interdum adeo copiosum, ut effluat, quando verte-
 brae ob medullam lustrandam rumpuntur. In cura fistulae lachrymalis, Tab. 11.
 ubi tumor secundum ductum fibrarum orbicularis palpebrarum mu-
 sculi primum incisus, mox scalpello profunde satis usque ad os unguis
 sive lachrymale adactis, arteria & vena canalem una lachrymalem per-
 transeuntes cum in finem resectae, ne a sanguinis effluxu cauterium
 obtundatur, ipsum denique os lachrymale acuto cauterio actuali, can-
 nula sua munito, pro via lachrymis ad nares paranda, pertusum fue-
 runt, vulnus externum ad ossis usque exfoliationem haud apertum
 servandum jubetur, sed callositate intra triduum vel quatrimum re-
 mota, & materia evacuata, statim turunda imminuendae vulnusq; car-
 ne replendum ac cicatrice occludendum; quod foramen alias ossi la-
 chrymali inustum promte denuo obturetur, ipsaque operatio repeti
 debeat, ramenta vero post cauterium ab osse dicto per exfoliationem
 secedentia commodè per nares ipsas queant eliminari. Pro cataracta
 deponenda non tam acus angulosa, veluti vascula choroideae tunicae
 latius laedens, ac sanguinem eandem inter & scleroticam tunicam perni-
 ciose effundens, quam rotunda in tunicam oculi adnatam ad majorem
 a pupilla distantiam, quam plerumque solet, suadetur adigi. Si tu- Tab. 14.
 mor in maxilla inferiori ad anteriorem muscoli masseteris partem in-
 cidi debeat, quoniam ratio habenda arteriae a cervicali ascendente &
 juxta insertionem masseteris supra maxillam inferiorem antrorsum
 progredientis, ne incaute hac resecta periculosa haemorrhagia concit-
 etur, ideo ad Autoris exemplum cutim semper duobus in locis, u-
 trimque videlicet juxta arteriam, cauterio aliave ratione prius perfo-
 rare, & arteriam filo interceptam ad triduum vel quatrimum sensim
 strictius constringere praestat, quam tuto eandem dividere. In cor- Tab. 21.
 pore morbo dissecato uti dextra thoracis regio multa repleta fuit a-
 qua, ita & pulmo ejusdem lateris aquae impositus fundum hujus petiit.
 Ex eo, quod cera in receptaculum lumbare injecta lymphatica etiam
 vasa thymi aliarumque partium in ductum thoracicum superius desi-
 nentia distendat, thymum ipsum cum glandulis thyroidae in foetu di-
 verticuli loco inservire superabundanti chylo, atque exin lacte turgere
 colligitur. Quae venae arteriae bronchiali saepe respondent, in ramos Tab. 24.
 subclavios terminari, vascula vero membranae pulmonum sangui-
 nea, ab arteriis & venis pulmonalibus, itemque bronchialibus oriun-

- da, frequenter cum vasis intercostalibus pleuræ combinari ansamq;
 Tab. 34. pulmonum coherentiæ cum pleura præbere asseruntur. In juvencula loco omenti non nisi acervus parvarum glandularum adfuit steatomatosa sive pingui materia turgidarum, quales & externam ventriculi, intestinorum ac peritonæi membranam hinc inde occuparunt. Neque tantillum pinguedinis in universo corpore perquam macilento comparuit, quod in abdomine duæ cum primis mesenterii glandulæ insigniter tumefactæ receptaculum chyli comprimendo omnem hujus ad sanguinem distributionem remorata fuerint. Intestinorum autem, quæ a pyloro ad anum usque propter impeditum forsan motum peristalticum infarcta sæcibus ac multis in locis inflammata, ipsa tenuia adeo arcte invicem coaluerunt, ut cerebrum quasi pia meninge tectum repræsentarint. Qua occasione mucus a peritonæo secerni reputatur, qui sicuti cum exhalationibus omenti pinguibus linimentum aliquod constituat, externæ intestinorum superficiei lubricandæ eoque ipso motui horum peristaltico facilitando inserviens, ita si vel deficiat, partes inter se coalescere, vel serosior etiam excernatur, hydro-
 Tab. 35. pem nasci. Ventriculi duo enarrantur vulnera, alterum hypochondrio dextro, sinistro alterum gladio inflictum: prius, mox enormi sanguinis vomitu atq; syncope stipatum, haud lethale; lethale autem posterius, in quo multus sanguis cum copiosis ventriculi contentis in abdominis cavitate fuit effusus. Lienis humano (qui ut diverticulum in Introductione consideratur, quo sanguis sero imprægnatus secedat, per venas splenicæ in vena portæ denuo sanguini, a ventriculo, intestinis, pancreate &c. remeanti crassiori, motus hujus circulatorii per hepar necessario promovendi gratia, affundendus) copiosiores, minores tamen, vindicantur cellulæ, intra venarum & arteriarum extremitates hiantes, sine negotio impulsione vel flatu in venam, vel aquæ in arteriam, salva tantummodo membrana externa, demonstrandæ.
 Tab. 36. In humano hepate, folliculo fellis evacuato & ductu cystico ad aliquam ab istius cervice distantiam ligato, flatu copiose in porum hepaticum intrusi nequicquam ad folliculum penetrat; nec mercurius ad hunc in quadrupedibus eadem ratione propelli valet. Vasis lacteis primi generis duplex adscribitur exortus, alter ab extremitatibus arteriarum per mercurii in hæc injectionem detegendus, & alter ab osculis in cavum intestinorum hiantibus, quemadmodum ligamenti
 Tab. 37. mentis

mentis coli fibræ carneæ, facum excretionem promoventes, adsignantur. In procidentia ani internam potissimum intestini recti tunicam relaxari exemplo Viri nobilis comprobatur, qui hæmorrhoidibus & ani procidentia diu quidē vexatus & aliquando a subitaneo excessu ipsius ani prolapsi & inflammati sphacelum perpeßus, perfectam nihilominus sanitatem ita recuperavit, ut postea nec hæmorrhoidibus, nec procidentia ani amplius esset obnoxius. In honoratiori Viro, qui viginti ante ~~o~~ annos urinam faculentam excreverat, ren sinister major deprehensus fuit & laxiori textura præditus, flatusque in ureterem immisissus mox ad venam pervenit. Vascula sanguifera in testiculis glandulas constituenta longe minora quam in glandulis aliis ex eo monstrantur, quod mercurius in arteriam spermaticam injectus nequam per venam redeat, sed extremitatibus perruptis intra tunicam potius albugineam colligatur, neque lymphatica vasa a flatu in arteriam spermaticam impulso intumescant. In pudendo muliebri præter glandulas meatui urinario adfitas insignes duæ inferius prope anum notantur, quarum canaliculi ad radices caruncularum myrtiformium pateant. Vasorum uteri cum vasis uterinæ placentæ communicatio injectione mercurii evincitur, dum hic in arteriam matris hypogastricam intrusus per venam umbilicalem placentæ remeat, in arteriâ autem placentæ injectus per venam hypogastricam matris regurgitat: Fundus autem uteri si post partum vel abortum tumidus persistat, occasionem hæmorrhagiæ sæpe lethali præbere ratione orificiorum patulorum merito asseritur. Licet amnios tunica videatur transparent, vascula tamen sanguinea a vasis umbilicalis chordæ oriunda detegi queunt copiosa arteriæque venis continuæ, si mercurio in arterias & venas injecto microscopium adhibeatur. Notabile ulcus paulo supra trochanterem majorem fistulosum, quam sæpius antea respuit medelam, satis prompte admisit, cum substantia cartilaginis instar dura fundum sinus aperti occupans, utpote musculo glutæo medio instrata & escharoticis minime cedens, ab Autore esset excisa. Ductus excretorii mucilaginosarum genu glandularum, in situ ostensarum, humorem contentum non æque per orificia patula ac in glandulis v. g. faucium evacuant, sed in lacinias potius sive fimbrias ultra superficiem glandularum protenduntur, intra sinum articulationis flaccide propendentes, quo osculorum non minus obstructio & mucilaginis

Tab. 3.

Tab. 46.

Tab. 51.

Tab. 54.

Tab. 59.

Tab. 72.

Tab. 79.

G j

regur.

- regurgitatio, quam nimia humoris mucilaginosi excretio arceantur.
- Tab. 9^a. In non nemine, qui a primis annis vehementi cephalalgia obnoxius ex apoplexia demum obiit, vestigia vasorum calvariae impressa perquam notabilia & quasi pellucida apparuerunt, ob vasa dura meningis calami crassitiem æquantia. Membranula dentis radicem intra alveolum externe investiens haud difficulter reperitur, ubi e vivo vel recens mortuo is extractus & per aliquot dies in aqua maceratus fuerit. In Vi- ro magni nominis dissecto causa promte patuit, cur ante dissec- tum ille de paralyti partium inferiorum simulque insigni dolore circa octa- vam & nonam vertebrae dorsi ac imprimis hypochondrii dextri fu- erit conquectus, præterquam quod propter spinosum aliquem proces- sum nimis tunc ibidem prominentem nequicquam attactus perferre valuerit; etenim cum viscera extracta & arteria magna cum ductu tho- racico a vertebrae separata essent, circa has non solum tumor, sed & hoc inciso & materia subfusca evacuatæ, vertebra nona antè & su- perius, octava autem inferius carie ita consumptæ comparuerunt, ut per foramen digitus ad medullam ipsam spinalem facile immitti po- tuerit. Luxatio acromii cum clavicula connexi traditur in iis ali- quoties, qui ex alto in summum humerum corruerunt, ab Autore ob- servata, haud difficulter cognoscenda, si extremitate claviculae externa protuberante scapula cum humero depressa fuerit. In puero decem vel duodecim annos agente singularis humeri annotatur fractura, dum appendix huius superior a reliquo osse ex perpessa injuria externa discessit, humerique motum æque laxit, ac si humerus a scapula fuisset luxatus, post reductionem tamen humeri ad figuram convenientem & emplastri de sapone, sanguinem congruatum resolventis, applica- tionem brevi ab Autore restituta. Neque silendum omnino, præter exactiorem musculorum descriptionem, *Bidlo* asserta & schemata subinde a *Nostro* corripit & corrigi, e. g. meningem cerebri interme- diam non nisi externam pia meningis lamellam haberi. Nervorum paria per calvariam prodeuntia præter necessitatem multiplicari, plexumque choroideum nervuli omnis esse expertem. Fibras car- neas circa nasi alas neutiquam occurrere circulares. Neque ductum salivalem inferioris glandulae maxillaris tali reperiri facie, quali a *Bid-*
- Tab. 8.
Tab. 10.
Tab. 12.
Tab. 14.
Tab. 24. 25. *loo* delineatur. Musculos item laryngis vitiose depingi. Multo minus lobulos pulmonum ea figura separari posse, quali a *Williso* re- præ-





præsentantur. Radices cysticas vascula potius mera esse sanguifera. Ductus thoracici insertionem falso depingi in subclavia vena dextra. Tubulos umbilicalis chordæ succiferos, placenta uterinæ glandulas atque tunicam allantoideam hæcenus ab *Autore* nostro frustra indagata fuisse. Apophysin humeri externam & internam perversè invicem confundi. In figuris ossium pedis secunda digitorum interno-dia penitus negligi. Tandem in *Appendice*, cum copioso *Indice* annexa, quadraginta figuræ in novem tabulas digestæ, ac partes in *Bidloo* tabulis vel plane omittas, v. g. musculos omnes externos in situ, glandulas inguinales, labiorum, epiglottidis, subclavias, tonsillarum conformationem; vel minus accurate delineatas, e. g. arterias in foetu, organum auditus, laryngem, linguam, vesiculas seminales, basin calvaria & cerebri, musculos varios &c. exhibentes repræsentantur, sufficientique textu, exquisitis observationibus Anatomici referto, dilucidantur: quarum nonnullæ etiam in *Myotomia Autoris* superius laudata, itemque in *Ridley Anatomia Cerebri*, in *Actis A. 1696. p. 201.* memorata, deprehenduntur, multæ tamén novæ penitus existunt, quales inter & Figura sexta, septima, decima, undecima, duodecima, & decima nona habentur, cum explicationibus huc transcriptæ.

Explicatio Figurarum.

Fig. I. ex Autoris sententia lymphaticorum ortum ab extremitatibus vasorum sanguiferorum exprimit.

A. Ramulus arteriæ. a a. Extremitates hujus cum vena continuatæ. B. Ramus venæ. C. Vas lymphaticum emergens ab extremitatibus vasorum sanguiferorum, intercedentibus vel vesiculis diversis, vel tubulis parvis, in latera vasorum sanguiferorum hiantibus.

Fig. 2. modum edocet, quo ductus excretorii a vasis sanguiferis proveniant.

A. Arteria. B. Vena. C. Ramus aliquis ductus excretorii. d d. Extremitates vasorum sanguiferorum. e e. Extremitates tubulorum excretoriorum, ubi a poris in vasorum sanguiferorum lateribus exsurgunt, antequam in ramos ductus congregentur.

Fig. 3. Receptaculum chyli cum glandulis lymphaticis vicinis mercurio repletum, ac in situ naturali cum partibus adjacentibus relictum, prout multis Curiosis demonstratum fuit, quando *Professor Bidloo* alloquio *Nostrium* dignabatur.

Tab. 38.
Tab. 40.
Tab. 59.

Tab. 69.
Tab. 105.

Tab. I.
Fig. 1.

Fig. 2.

Fig. 3.

A A. Renes. a a Venæ emulgentes, quarum dextra inferiorem situm obtinet sinistra. b. Truncus venæ cavæ ascendens flatu turgidus, cujus inferior pars ab iliaca arteria dextra comprimitur. C C. Portio duarum venarum iliacarum, sub arteria iliaca dextra æque flatu distentarum, ac vena cava supra eandem. D D. Truncus venæ cavæ ascendens sub renibus. d d. Arteriæ iliacæ. E. Truncus arteriæ celiacæ resectus. F. Truncus mesentericæ superioris pariter resectus. e e. Arteriæ testiculorum, quarum dextra ab arteria magna D oritur, sinistra vero per glandulam lombarem Q progreditur. ff. Venæ spermaticæ, quarum dextra, ubi venam cavam, & sinistra, ubi venam emulgentem ingreditur, valvulæ occurrunt sanguinis e majoribus vasis in venas hasce descensum impediennes. g g. Ureterum pars superior flatu distenta. h h. Pars eorundem inferior ad vesicam urinariam pergens flatu haud distenta. i. Aliquid pinguedinis circa ureterem, e rene egredientem, restitans. G G. Glandulæ renales sive capsulæ atrabiliaræ in situ H H. Inferior Diaphragmatis portio carnea, a vertebrae lumbaribus emergens. J. Diaphragmatis fissura, gulæ viam ad ventriculum concedens. K. Vesica urinaria flatu distenta. L. Urachus deorsum flexus. M M. Psoas magnus. N. Sacculus chyli ferus, sive receptaculum chyli mercurio repletum, postquam vena cava a comite arteria magna separata fuit. O Insignis truncus venæ lacteæ secundi generis, per quem mercurius fuit injectus. P. Tubus mercurium transmittens. Q Q. Glandula lumbaris sinistra, ex parte sub arteria magna locata. R R. Glandula lumbaris dextra, ex parte sub vena cava situm obtinens. S S. Ramuli nonnulli lymphatici utramque inter glandulam lombarem communicantes. f f. Vasa lymphatica a glandulis inguinalibus æque orta ac ab aliis glandulis, quæ circa vasa iliaca occurrunt & lympham a partibus inferioribus revehant. T T. Venæ & arteriæ spermaticæ utrinque, dum ad testes pergunt, duplicatura peritonæi involutæ.

TAB. I.

Fig. 4. 5.

Fig. 4. & 5. apud Autorem non nisi unam Figuram constituunt, sed hic ob chartæ angustiam circa M divisam.

Glandulæ lombares cum receptaculo chyli & parte ductus thoracici mercurio turgidæ & ex corpore exemptæ.

A. bb. Receptaculum chyli e tribus coagmentatum truncis, quorum unus amplissimus in figura præcedanea tertia litera N notatur, reliqui autem

autem duo multo minores immediate sub arteria magna D Fig. 3. locantur. Quæ divisio receptaculi chyli in tres truncos cum hucusque a nemine fuerit indigitata, haud frustra Noster suspicatur, omnem receptaculi lumbaris descriptionem hætenus propositam, a quadrupe-
dibus petitam esse, & in his ob situm horizontalem unum quidem sacculum chyli ferum posse sufficere, sed in homine, in quo ductus thoracicus ac receptaculum chyli ad perpendicularem situm vergunt, propter commodiorem chyli & lymphæ ascensum, necessario receptaculum in tres canales dividi debere, aut equam totum sub arteria magna progrediatur. a. Truncus vasis lymphatici a diaphragmate proveniente. B. Ductus thoracicus supra diaphragma, inter truncum arteriæ magnæ descendente ad corpora vertebrarum thoracis pergens. C. Truncus aliquis vasorum lacteorum secundi generis, in Fig. 3. litera o. notatus, ceu per quem mercurius injectus. c. Notabilis valvula gemina, chyli & lymphæ regressum in vas lacteum impediens. D. Superficies glandulæ lumbaris sinistræ ad arteriam magnam locatæ. d. Alius truncus parvus vasorum lacteorum secundi generis, una cum parva quadam mesenterii glandula, a qua ille oritur. E. Vasa lymphatica, ab inferioribus partibus emergentia & in glandulam lumbarem sinistram desinentia. F. Glandula lumbaris dextra sub vena cava sita. GH. Vasa lymphatica partium inferiorum, ad glandulam modo memoratam tendentia. I. Magnum vas lymphaticum, in receptaculum chyli majus lympham exonerans. K L. Ramus lymphaticus communicans dextram inter atque sinistram glandulam lumbarem. MMM. Ductus thoracicus cum valvularum, descensum chyli & lymphæ impediens, obscura representatione. NN. Ductus hujus divisiones ac inosculationes diversæ, chyli ascensum multum promoventes. O. Varia vasa lymphatica ab iis glandulis lymphaticis, quæ pulmonibus posterius adhærescunt, ortum habentia, lymphamque inde abducentia, cum lymphatica dictarum glandularum adducentia a pulmonibus ipsis ac partibus adjacentibus enascantur.

Fig. 6. Ductus thoracicus cum vena subclavia, cui inferitur, & vasis lymphaticis cera repletus

A. Ductus thoracicus, dum ab arteria magna recedit, & gulam concomitando sinistrorsum juxta corpora superiorum thoracis vertebrarum ad venam subclaviam tendit, quo in loco ductus thoracicus figu.

H

ra

TAB. I.
Fig. 6.

ra ultimæ resectus & filo constrictus fuit. BB. Duo vasa lymphatica a thymo oriunda. C. Divisio aliqua & inosculatio ductus thoracici. D. Magnum vas lymphaticum, cuius extrema partim a thymo, partim a glandula subclavia dextra proficiscuntur. E. Subclavia glandula lymphatica sinistra. Glandulæ quippe subclaviæ (a nemine hætenus, quantum *Autori* constat, descriptæ,) binæ sunt glandulæ insignes sub binis claviculis locatæ, quarum altera ad seriem earum glandularum, quæ circa venam jugularem internam occurrunt, videtur pertinere; vasa earundem lymphatica adducentia a musculis, glandulis venarum jugularium modo indigitatis, ac forsan glandulis etiam thyroideis emergunt. T. G. Glandulæ subclaviæ vasa abducentia, lymphamque in ductum thoracicum effundentia. H. Amplius truncus ductus thoracici prope hujus in venam subclaviam ingressum. I. Venæ subclaviæ pars externa & superior. K. Pars axillaris venæ propter valvulas cera a ductu thoracico haud repletæ. L. Pars venarum jugularis internæ & cervicalis resectarum. M. Cera adjumento ductus thoracici, transversum secti, injecta, una cum venarum truncis ad cor progredientibus.

TAB. I.
Fig. 7.

Fig. 7. Glandulæ salivales maxillæ inferioris cum sublingualibus.

AA. Duæ glandulæ maxillares inferiores e diversis lobulis, membrana inclusis, contextæ. BB. Glandulæ sublinguales membrana communi obvolutæ. CC. Trunci duarum arteriarum, a carotidibus quæ exsurgunt, ac sanguinem glandulis salivalibus advehunt. DD. Duo rami arteriosi a truncis modo nominatis ad linguam distributi. E. Truncus venæ, a glandularum istarum aliarumque vicinarum arteriis ortum habens. F. ~~Ramus~~ nervus paris nervorum quinti. GG. Ductus salivales inferioris glandulæ maxillaris utrimque osculo sive poro excretorio in papillis, sub lingua collocatis, desinentes. HH. Duæ papillæ modo memoratæ, in quibus glandularum sublingualium ductus excretorii per eadem cum duobus ductibus salivalibus oscula terminantur. Qualis structura papillosa, ab elongatione ductuum salivalium enata, necessario requiritur, ne vel lymphæ copiosior, vel alimentorum masticatorum particulæ regurgitent. I. Ductus salivalis dexter secundum longitudinem incisus & expansus. K. Lapillus aliquis, prout in ductu salivali hæreere videbatur, colore lucide flavo ac auri-

auripigmenti æmulo tinctus; in partium siquidem harum dissectione extremitas ejus minor casu fuit abrupta, quemadmodum hic repræsentatur.

Christiani Gryphii Poetische Wälder.

i. e

CHRISTIANI GRYPHII SYLVÆ.

Lipsiæ & Francof. apud Chr. Bauch, 1698. 8. plagul. 55.

Quamvis probe intelligeret Auctor celeberrimus, tot carminibus vernaculis, iisque sæpe inconditis atque inficetis, obrutam pene Germaniam mirum quantum ad ejusmodi merces nauseare, vixque inter tot Bavios locum superesse Vatribus de meliore metallo factis; at tamen cum simul animadverteret, malo passim more hætenus obtinuisse, ut vel invitis, vel ignaris, quorum maxime intererat, carminum non plane ineptorum scriptoribus, a librariis lucri nimium cupidis ex in publicum merces extruderentur, quæ nugarum instar æternis potius tenebris damnandæ erant, quasque venales exposuisse auctoribus nunquam in mentem venerat: maluit ipse, instigantibus insuper magni nominis patronis, hunc ingenii sui felicissimi partum in lucem edere, (cum præsertim plurima ex Funebribus antehac singulatim prodissent,) quam imperitas temere obstetricantium manus experiri. Placuit vero ipsi has Sylvas, in quibus venustatis potissimum in affectatæ rationem habuit, in quatuor libros dispecere, quorum primus Meletemata Sacra, alter Funebria, tertius Miscella, quartus autem istud Epigrammatum genus, quod cum Grotio Sonulos appellamus, complectitur. Quibus Opitii & aliorum exemplo, pedestri quoque stylo quædam immiscuit. Enimvero præ cæteris ingenii vigorem præ se ferunt Libro II. p. 255. Lacrymæ Amoris; p. 259. Urna Schafgotschiana; p. 284. Triumphus Virtutis de Morte; p. 290. Speculum honoris ad tumulum Logavianum suspensum; p. 310. Vratislavia lugens; p. 313. Corona feretro Matronæ nobilis a Virtutibus imposita; p. 323. Templum Mortis a Cerisio Gallo quondam sermone ligato delineatum, a Nostro autem soluto & quidem aliis longe coloribus repræsentatum; p. 343. Collatio Veris cum Morte; p. 352. Com-

paratio Deserti & Mundi; p. 387. Tessera gentilitiæ Christianorum; p. 431. Somnium de Libro Vitæ; p. 464. Ara æternitatis; p. 469. Hygea mœrens; p. 476. Astronomia Mortis; p. 509. Rosa Astris illata; p. 540. Gressus piorum Cancerinus, & quod Funebribus colophonem imponit, Georgii Zölneri hominis fatui *ἐπιτάφιος* carmen. Libro III. p. 604. Narratio Parnassia nuptialis ad exemplar Boccalini sermone numeris soluto composita; p. 618. Ædes casti Amoris; p. 686. Transformatio Majoranæ; p. 756 - 760. Encomia Ferdinandi II. III. & Leopoldi I. A. A. A. sub Societatis Frugiferæ & Opitii personis exhibitæ; p. 760. & seqq. Gratulationes a Germania & Provinciis Austriacis Josepho Regi Romanorum recens electo, in Actu, ut vocant, Dramatico factæ, quamque p. 809. legere est Laus Cuculi prosa itidem elaborata. Accedit Centuria Proverbiorum ex Dramatibus Hetruscis Paraphrasi metrica expressorum. Tandem inter Sonulos Libro IV. p. 848. & seqq. ii familiam ducant, quos in honorem Cæsaris, reliquorumque Principum ac Heroum, post Viennam anno clō Idc XXCIII. obsidione Turcica liberatam, composuit Noster. Cætera quæ adhuc commemorari possent, libenter omittimus, & Lectoris periti iudicio omnem hanc Scriptionem committimus,

CONSENSUS ORTHODOXUS, SIVE HARMONIA ECCLESIASTICA, cujus specimen in Loco de CHRISTO editur a CASPARE LOESCHERO, Prof. Publ. Consist. Eccles. Assess. Seniore, Ecclesia Wittebergensis Pastore, & Circuli Saxonici Superintend. General.

Wittebergæ, apud Christianum Schrödterum, 1699. 4. plag. 17½.

Cum istud sibi negotium inde a primis studiorum suorum Theologorum annis datum esse existimaverit Summe Reverendus Auctor, ut, si quando viros graves atque orthodoxos in rebus, quæ fidem concernunt, ad speciem inter se pugnare deprehenderet, expensis singulorum hypothesebus eosdem dextre conciliaret, (facile nimirum in doctrinis humanæ rationi absconditis fieri posse ratus, ut duo unam eandemque sententiam ex verbo divino haustam ac optime intellectam diversis verbis & sententiis exponant;) integrum hinc Theologia Systema ejusmodi sententiis ad harmoniam revocatis impletum

tum edere constituit, eaque de causa jam olim, cum Cygneæ adhuc Venerandi Præfulis munere fungeretur, primitias laboris hujus erudito orbi obtulit, inque peculiarem Dissertationem constipavit aliquot exempla earum contradictionum, quæ circa doctrinam de Theologia & Scriptura Sacra apud nostrates occurrere videantur. In Academiam vero Wittebergensem paulo post evocatus, commodiorem, multo occasionem ea, quæ longinqua hætenus solertia elaboraverat, edendi affulsuram speravit, alit sua tamen ista spe frustratum sese palam intellexit. Intra annos enim, quos ibi exegit, undecim & amplius, tres tantum inventi sunt, qui ex cathedra defendere dexterrimi sui Præsidis has meditationes sustinuerunt, eique adeo ad perficiendam Loci de Christo illustrationem ansam suppeditarunt. Ut ergo suum isthoc institutum paulo magis innotesceret, paucas hæc Dissertationes speciminis in locum emittere, primamque illam de Theologia & Verbo Dei Cygneæ ventilatam subnectere consultum arbitratus est. Quemadmodum autem nos operam hanc Ecclesiæ orthodoxæ multis utique nominibus gratam & proficuum futuram nulli dubitamus; ita methodum a Reverendo Auctore observatam Benevolo Lectori paulo plenius in exemplis quibusdam ob oculos proponere haud detrectabimus. Christum secundum humanam naturam esse Deum scripserat B. Menzerus, sed huic asserto negativam nonnemo sententiam opposuerat. Hunc igitur non minus atque illum orthodoxum vocari posse ostendit, cum alter Christum secundum humanam naturam Deum esse *Φυσικῶς, ἁποθεῶς*, ratione unionis naturalis, in prædicatione usitata, quoad confusionem aut identitatem naturarum, ratione unius naturæ & secundum prædicata naturalia, rectissime negaverit; alter vicissim *ὑποστατικῶς, ἡνωμένως*, ratione unionis personalis, prædicatione singulari & inusitata, quoad unionem & communionem personalem, ratione unius personæ & juxta attributa personalia, secundum humanam naturam Christum omnino Deum esse ex vero affirmaverit. Satisfactionem & mediationem Christi in circumcisione incepisse B. Calovii est sententia, cui alii se opposuerunt, officium Christi mediatorium & satisfactorium cum ipsa potius incarnatione auspiciis summisse contententes. At nullam esse inter hos & illum pugnam asserit, cum saltem de actu satisfactionis præcipuo, hoc est, effusione sanguinis, quæ utique in circumcisio-

ne inchoata fuerit, Calovii mens exponenda veniat. Humanam Christi naturam sive carnem ejus esse vivificam, ab aliis affirmari, negari e contra ab aliis, & tamen utrinque haud peccari, observat. Naturam namque istam spectari posse semel extra unionem & ratione suarum proprietatum naturalium, quæ ipsi per se & ex natura solius humanitatis convenient; iterumque in unione & ratione divinorum idiomatum, quæ eidem vi unionis hypostaticæ καὶ ἄλλο & ex unionis gratia vere & realiter communicata fuerint. Priori modo considerata vivificam non esse admittit, posteriori autem ratione talem omnino pronunciat. Distinguit item inter humanam Christi naturam in actu naturali, & in actu personali contemplandam, ac ad istum negantes, ad hunc affirmantes respicere demonstrat. Similiter negantes hanc naturam Christi abstractivè, & affirmantes eandem concretivè considerare; tandemque istos ad solum ejus nomen, hos vero ad rem, quæ per illud nomen intelligenda sit, attendere, & hoc pacto nullas, quæ titulum istum jure mereantur, discordias fovere innuit. Qui controversiam super humana Christi natura adoranda Tilemano Heshusio moverint, eos de verbis & terminis potius, quam de re aut verborum sententia litigasse monet, ac simili fere modo, quo in exemplo antecedenti, certamen dirimit. Ut prædicationes personales recte a nonnullis inusitatas, a nonnullis contra usitatas dici demonstret, distinguit potissimum inter ea, quæ prædicationem generaliter faciant usitatam, & ista, quæ idem præstent specialiter. Habere subjectum, prædicatum, copulam, esse præterea categoricam, affirmativam, singularem, generaliter tantum constituere formam prædicationis, cumq; hæc quoq; in propositiones personales quadrent, nonnullos easdem merito usitatas nuncupasse infert. Contra vero, quando alii iisdem prædicationibus formalia specialia, vi quorum prædicationes sint vel intrinsecæ & essentielles, vel extrinsecæ & accidentales, & ubi prædicetur consonum de consonò,) applicuerint, & hæc ob materiæ singularitatem istis convenire non posse probe intellexerint, recte ab his ad inusitatarum classem relatas eas fuisse pronunciat. Cum intercessionem Christi pro electis alii ultra sæculi consummationem extendant, alii vero in hac eandem terminent, discrimen accuratum formari cupit inter gloriæ cœlestis possessionem, & inter ejusdem possessæ conservationem atque continuationem; porro inter salutis æ-

ternæ

ternæ fruitionem, ac inter ejusdem fruitionis consummationem; ulterius inter Christi intercessionem pro gratiarum actione & laudibus a Deo gratiose acceptandis in regno gratiæ, & pro iisdem ab electis in vita æterna in regno gloriæ fufis aut fundendis & a Deo clementer approbandis; tandemque inter cultum Deo ab hominibus in regno gratiæ præstandum, & inter eundem S S. Trinitati in regno gloriæ æternum & absque omni interstitio exhibendum. Négantes ergo ad membra harum distinctionum priora, aut affirmantes simul ad posteriora respectum habuisse, sibi que adeo nequaquam, vere contraxisse, manifestum esse judicat.

THOMÆ GATAKERI OPERA CRITICA.

Trajecti ad Rhenum, apud Franc. Halmam, Guil. van de Water, & Anton. Schouten, 1698. fol. Alph. 12.

E Criticis omnibus, qui hoc seculo ad politiorum literarum illustrationem aliquid scripsere, vix ac ne vix quidem inventum iri ul- lum, qui in Auctoris diligenter & accurate tractandis Thomæ Gatakeri palmam præripiat, dudum est, quod in *Cimeliis suis literariis* pronunciavit Paulus Colomesius. Non dubitamus tamen, quin judicium istud multum infra merita sit Viri, in quo plura certe alia, & istud imprimis studium, quo eruditionem suam veræ virtuti promovendæ & Divinis voluminibus illustrandis religiosius dicavit, maximam omnino laudem promerentur. Iteratæ igitur hujus operum ab ipso professorum editionis autor suasorque extitit Vir Celeberrimus, Hermannus Witsius, qui in virtutibus Gatakeri commendandis multus est in peculiari præfatione, qua frontispicium voluminis præsentis exornavit. Sed non est, ut scripta istius universa atque singula heic exhiberi quispiam existimet; ex iis enim, quæ Anglico sermone concepit, nullum utique comparet, sed Latina tantum, imo & ex his, ceu titulus quidem præ se fert, Critica dumtaxat repetita sunt. Quamvis mirari fortean quis posset, cur ultimo loco Theologica quoque de *Baptismatis infantilis vi & efficacia* disceptatio, quæ cum Samuele Wardo ipsi intercessit, in hunc censum veniat, onusque nihilofecius sint *strictura*, quas ad *Epistolam Johannis Davenantii de Baptismo infantum* conceptas, & Londini anno 1654 impressas fuisse

Eru-

Eruditi haud ignorant. Caterum inter Critica ista Gatakeri opera primo omnium comparet directa *Adversus Sebastianum Pfochenium de novi Instrumenti stylo Dissertatio*; quam *Cinnus* sive *Adversaria miscellanea* excipiunt, *Adversaria*que item alia a Carolo, Thomæ nostri filio post parentis obitum (qui in A. C. 1654, ætatis vero istius octogesium incidit,) vulgata. Quarto loco exhibentur *Marci Antonini Imperatoris de rebus suis, sive de iis, quæ ad se pertinere censebat, libri duodecim*, quos non versione modo Latina donavit, sed ditissimis etiam commentariis suis Gatakerus præclare exornavit, in quorum tamen fine Merici quoq; Casauboni in eisdem Marci Antonini Libros paulo prolixiores, multoque breviores Guilielmi Xylandri annotationes adjiciuntur. Ulterius de *diphthongis sive bivocalibus dissertatio*, in qua nullas tales reperiri, nec plures in eandem syllabam vocales coalescere posse probatum Gatakerus dat; tandemque *nominis Jehovæ pronuntiatio vulgaris* asserta, & paulo post adversus Cappellum ab ipsomet ex instituto vindicata sequitur. Sicut autem scriptum istud *primum* jam ab A. 1648, *secundum* ab A. 1651, *tertium* A. 1659, *quartum* ab A. 1651, *quintum* A. 1646, *sextumque* A. 1645 & 1652 doctiores possederunt, ac non citra fructum insignem usurparunt; ita nitidissime nunc singula répétita hic sistuntur, adhibitaque solícite deprehenduntur ea omnia, quæ modo ad ornandum opus aliquod jure requisiveris. Unum vero est, quod imprimis magno sibi esse usui plerique comperient. Dum enim doctissimus Gatakerus operam sibi dandam haud existimavit, ut citata e Græcis Scriptoribus testimonia Latine redderet, inventus est ab Editoribus Vir huic rei apprime idoneus, (quem quidem orbi literato probe alias cognitum laudatus supra Wit. sius appellat, ast pro insigni sua modestia ignorari nunc, quam nominari malle asserit,) qui allegata isthæc loca in suis singula auctoribus investigavit, Latinamque versionem sive aliorum olim, sive, ubi res poscebat, suamet industria elaboratam subnexuit.

B. JO. CONRADI DÜRRII, S. S. THEOL. ET PHIL. MORAL.
in Academia Altdorfina Professoris quondam Publici, COMPEN-
DIUM THEOLOGIÆ MORALIS, Edi-
tio tertia.

Altdorfii, apud Henr. Meyerum, 1698. in 4. Alph. 3. plag. 8.

E*ncbiridion Theologiae Moralis*, virtutes & officia hominis Christiani non generatim modo, sed in certis quoque vitae statibus considerati explicans, jam A. 1662 Altdorfii publicavit meritissimus de ista Academia Doctor, Jo. Conr. Dürrius. Sed idem post tredecim annorum spatium, cum interea in justae molis librum multis accessionibus emendationibusque locupletatum excrevisset, A. 1675 sub titulo *Compendii Theologiae Moralis* lucem denuo aspexit, & ab isto tempore Eruditorum manibus adeo frequenter tritum fuit, ut ob exemplarium pridem distractorum defectum, de tertia hac editione typographus cogitarit, quae tamen praeter annotationes quasdam breviores nulla, quae a Dürrio profecta sint, additamenta alia Lectoribus suppeditat. Equidem capita quaedam, & imprimis ea, quae de actionibus Christianorum, deque Ecclesia & statibus hierarchicis agunt, uberius deducere B. Autor instituerat, sed interceptum consilium istud ejus mors, quae anno ab editione altera tertio labente terris eum subtraxit, unde is nonnisi varias notulas in exemplari suo marginibus foliorum adjectas, & operi integro absoluto haec subjunctas, post se reliquit. Non desunt vero accessiones alienae, quas inter primarium locum occupat prooemialis Dissertatio, quam de *origine & progressu Theologiae moralis systematicae* haud mediocri cum industria composuit Theologiae apud Altdorfios hodie Professor Publicus, D. Jo. Michael Langius, quaeque, ut paulo curatius circa eam versemur, a nobis utique requirit. Primos videlicet, qui capita morum Christianorum ex methodi praescripto in forma artis tradere susceperint, Theologos constituendos censet Mysticos, de quorum principe sat celebri, Pseudo-Dionysio, notatu quaedam digniora e variis auctoribus adducit, eumque vel sub seculi quinti finem, vel sexti initium Theologiam Christianam ad indolem Platonismi formatam edidisse, sed ita, ut solam viam unitivam exsequeretur, observat. Post venena istius Theologiae prodidisse inter alios Maximum, Monachum Constantinopolitanum, operum Dionysii, & in his, Mysticae quoque Theologiae Scholiasten, seculi a Christo nato septimi Scriptorem, quem nono seculo Joannes Scotus, Erigena cognominatus, exceperit. Et quanquam alii moderatiores fuerint, negari tamen non posse ait, singulos fere *Phosphores*

nonnulla *ἀνέσματα* in medium protulisse. Inter cultores vero Theologiæ hujus moderatiores e seculo decimo quarto Johannem nominat Taulerum, & e decimo quinto Jo. Gersonem una cum Thoma a Kempis, quorsum quoque referendus sit Auctor Theologiæ Germanicæ, cujus tamen nomen determinare ob varias, quas allegat, sententias difficillimum existimat. Fœminas etiam inter Mysticos fuisse refert, quæ in abditam istam sapientiam penetrarint, quales seculo XIII fuerint Gertruda, ejusdemque soror Mechtildis, ac seculo sequenti Catharina Senensis, sicuti e recentioribus Theresia præ aliis excelluerit. In mediis interea adhuc Papatus tenebris alios, de Theologia morum sollicitos, mixturam fecisse memorat Philosophiæ Aristotelicæ & Theologiæ revelatæ, quos inter Summistas imprimis nominat, & ex illorum numero Guilielmos duos, Parisiensem alterum, alterum Antisiodorenses Episcopum, maxime allegat. Eodem tamen tempore & Alexandrum Alensem virtutum Summam condidisse innuit, quanquam omnibus Summistis procul dubio palmam surripuerit Thomas Aquinas, nec pauca, quæ ad Theologiam moralem pertineant, Bonaventura consignarit. Ægidii autem Romani pleraque nonnisi manuscripta in bibliothecis extare, Bellarminum secutus asserit. E Casitis primum hoc doctrinæ genus in formam lexicæ alphabetariam rede gisse Raimundum de Pennaforti, quem secutus deprehendatur post alios Hostiensis. Tacemus, quæ de Astesano Astensi, Sylvestro Prieriate, Angelo de Calvasio, & quem doctissimum nonnulli judicent, Guilielmo Paraldo (aut, si mavis, Peraldo, vel Palardo) commentatur. Sub Reformationis dehinc auspicia, Lutherum præ Scholasticis spinis saniores Theologiæ Mysticæ scriptores elegisse haud dissimulat, inque ejus encomiis, quibus Theologiam extulerit Germanicam, recensendis atque vindicandis multum versatur. Sed post eum Scholasticam alios, alios Mysticam Theologiam magis magisque reformare aggressos fuisse, atque huic in faciem venustiore refingendæ hortatu Lutheri manus commodasse, Georgium Majorem, sed istam præ cæteris Philippum Melanchthonem, Locis suis Communibus practica subinde inspergentem, reformasse annotat. At nostro hoc seculo inter illos, qui Mysticæ Theologiæ se immerferint, palmam deberi putat Johanni Arndio, quem tutius forsan sequi potuerit Christianus Hoburgius, quam, cujus ve-

stigiis

stigiis passim insitat, Schwenckfeldium. Theophrasto vicissim Paracelso aurem præbuisse Valentinum Weigelium & Jacobum Boehmum existimat, eorumque seductionem ingenue deplorat, & nata in ipso etiam Papatu varia ex Theologia Mystica incommoda recenset. Eorum vero, qui Theologiam Moralem methodo magis Scholastica, & Peripateticorum vestigiis inhærentes, post Reformationis negotium tractarint, plerisque superiori & hoc, quod jam finitur, seculo moralia Locis suis Theologicis intertexere consuevisse; sed tamen inter nostros utcumque seorsim eandem tractare incepisse Consiliorum Theologicorum & Casuum conscientia Scriptores monet, & ex utraque classe Felicem Bidembachium, Georgium Dedekennum, Fredericum Balduinum, Johannem Steuberum, Casparem Finckium, Ludovicum Dunte, Georgium Königium; Keslerum item, Mengeringium, Pollionem, Prücknerum, Osiandrum, Bechmannum, & Reformatis Amesium, Perkinsum Alstediumque nominat. Verum cum Theologia Casuistica seu Conscientiaria tantum circa difficiliores casus, factave vel facienda juris dubii occupetur, Moralis autem multo latius pateat, utpote quam definit per scientiam practicam ex divina revelatione docentem, quæ homini renato ad vitæ sanctimoniam per gratiæ vires salutis æternæ causa factu necessaria sint; hinc intellexisse affatim recentiores Theologos, quod hæc Theologiæ pars rectius adhuc excolenda ipsis veniret. Et ejus tractationi systematicæ in Ethica sua Christiana prælusisse judicat Lambertum Danaum e Reformatis, qui ejusmodi tamen systematibus haud abundent, nisi quod præter Voetii molimina Johannes Hoornbeekius Theologiam Practicam, tertia nuper vice excusam, suæque laude minime fraudandam, composuerit. Apud Pontificios econtra, a Reformationis tempore & post enatum ordinem Jesuiticum, Theologiam Moralem omnem adeo depravari cœpisse ostendit, ut ejus rei cordatiores quoque inter ipsosmet pudeat, ac proinde gloriam præcipuam Doctoribus Lutheranis & heic deberi colligit. Posteaquam vero magnum inter hos & primum quodammodo nomen esse memoravit Johannis Gerhardi, qui in Schola, quam vocet, Pietatis tractationem istam aggredi voluerit, alios etiam plures in eodem hoc labore sed diverso cum successu, occupatos introducit, utpote Conradum Hornejum, Georgium Calixtum, Johannem Rothmalerum,

Gebhardum Theodorum Meierum, Johannem Bartholdum Niemeſerum, Johannem noſtrum Olearium, Johannem Adamum Oſiandrum, Juſtum Chriſtophorum Schomerum, Johannem Guilielmum Baierum, Johannem Henricum Majum, quorum libros huc pertinentes ſigillatim enumerat & commendat: quibus nos celeberrimi Theologi, Johannis Georgii Dorchæi Theologiam Moralem juxta ſeriem ſex priorum Decalogi præceptorum enarratam, & ad manuſcripti fidem Wittebergæ A. 1685 in publicarum Diſputationum materiam a D. Johanne Friderico Mayero propoſitam (vide Acta noſtra A. 1690. p. 479.) merito adjungimus. Idoneam de cætero quammaxime præœmialem iſtam Diſſertationem reputamus, quæ Theologiæ hujus Moralis Dürrianæ novam editionem commendatiſſimam efficere valeat; præter quam tamen & geminum Indicem, & Tractatum, Diſputationum, Orationum, ſimiliumque opusculorum ſub B. Dürrii nomine vulgatorum Catalogum abſolutiſſimum non ingratis Lectoribus fore arbitramur.

HYPOMNEMATA JURIS AD SERIEM SACRATISS. IMPERAT. JUSTINIANI. Auctore HENRICO COCCEJO Jæſto, Conſiliario Electorali Brandenburgico & in alma Viadrina Antecellore primario.

Frankofurti ad Viadrum apud Jer. Schrey & J. Chriſt. Hartmannum, 1698. in 8. Plag. 12.

Quod libelli titulus promittit, id reiſpſa egregie præſtat fama non minus quam munerum amplitudine celeberrimus Autor. Summa enim Juris Romani capita, juxta ſeriem Inſtitutionum Juſtiniænearum, adjectis hinc inde ſupplementis, additoque uſu forenſi, nec non legibus & autoribus practicis in margine adductis, ita ſuccincte recenſet, ut ne verbum quidem otioſum ſit, & nulla tamen ex brevitate oriatur obſcuritas, adeoque doctiſſimum hoc opusculum, ad docenda diſcendaque Juris Romani principia, aut ad eadem breviter recolenda ſit aptiſſimum. Ut ſpeciatiſſimè ejus argumentum partiumque nexum, recenſeamus, opus non eſt, cum ſecundum notiſſimam laudatarum Inſtitutionum methodum ſit concinnatum: flores vero aliquos heic ſpargere non pigrabimur. *L. 1. tit. 16. §. 2. cenſet Autor conſultiſſimus*

mus, emancipatione hodie quoque capitis diminutionem minimam fieri: *tit. 23. §. 2.* existimat, communem doctrinam, quod invito adolescenti detur curator, ex *Ord. Polit. 1577. tit. 32 §. 1.* non probari: *tit. 25. §. 5.* tempus proponendæ excusationi tutoriæ statutum, hodie non plane sublatum esse putat. *Lib. 2. tit. 1. §. 17.* possessionem meri facti pronunciat, eam tamen ex jure, non reali sed alterutro, i. e. ut conjicimus, tam reali quam personali, aliquando mutuari concedit: *tit. 18. §. 2.* querelam inofficiosi testamenti, hereditatis petitionem non esse, sed ad rescissionem testamenti solum pertinere contendit. *L. 3. tit. 1. §. 5. n. X.* fiscum ab hereditate studiosi, alios heredes non habentis, per Academiam excludi docet: *tit. 14. §. 16.* obligationem ipso jure, nec hodie per pactum tolli arbitratur: *tit. 20. §. 5.* regulam Juris Romani, *quod tertio stipulari non liceat*, moribus non esse sublatam sed firmatam potius, præjudicia vero in contrarium jactari solita, in exceptiones Jure Romano jam admissas incidere contendit. *Lib. 4. tit. 1. §. 12.* furem rupto laqueo, causa cognita, arbitrarie puniri, æquius esse judicat: *tit. 6. §. 23.* pœnas privatas hodie nullas (excepta injuria & aliquatenus furto) sed potius omni Jure Germanico, legibus antiquis, utroque Speculo, statutis locorum, responsis eas esse incognitas ait, cum omnes ultra simplum pœnæ, fisci ac Magistratus, & fructus jurisdictionis, denique arbitrariæ sint, quales non essent, si partibus ex lege jus cortæ pœnæ hodieque quæsitum esset, præterea credibile non sit, Magistratus nostros, receptis legibus Romanis, hoc fructu suo, tum indubie quæsito, cessisse.

JOHAN. FRIDERICI BOCKELMANNI JCTI, OLIM ANTE-
cessoris Heidelbergensis & Leidensis Celeberrimi Synopsis Juris Publici
Imperii Romano-Germanici, edente ALEXANDRO ARNOLDO PA-
GENSTECHERO Jcto, Juris publici & privati in Academia Gro-
ningan. Omlanda Prof. Ordin.

Groningæ apud Everhardum Atlas, 1698. in 8. plag. 19.

CONSTAT opusculum hoc postumum novendecim capitibus. Primo celeberrimus Autor adductis neglecti studii hujus causis, de vocabulis satagit, & quid voces *Juris Publici Imperii Romano-Germanici* in recessu habeant, ostendit, Postea docet, Imperium Romanum non

Gallis, sed Germanis per Carolum M. esse acquisitum; qua occasione *p. 12.* Francos non a studio libertatis, sed Rege suo Franco id nominis accepisse, cum Trithemio arbitratur. In quantum etiam Pontifici Romano circa translationem Imperii Romani aliquid tribui possit, ostendit. Inde ad formam Imperii pergit, quam specialem & propriam, non tam generalibus regulis philosophorum de Aristocratia & Monarchia, quam specialibus legibus, moribus & pactis Germanorum convenientem dicit *p. 22.* His magnitudinem & fines Imperii addit, ea ratione, ut modo ad Germaniam, modo Imperium Romanum respiciat. Postea divisionem Imperii, præcipue per Circulos, recenset. Quibus expositis, ad Imperatorem deducitur, cujus titulos commemorat, electionem exponit, interjecta fusiori de origine Electorum disquisitione, coronationem juxta consuetudinem capitula expendit, ac qua ratione per Capitulationem Cæsar obstringatur, docet, ratus inter alia *p. 76,* quod jus Capitulationes concipiendi solis Electoribus competat, præcipue ob longam possessionem: Status enim reliquorum denum *A. 16 2* contradicere cœpisse, cum Electores inde a Carolo V id jus quiete exercuissent, adeoque protestationem serius interpositam, præscriptionem interrompere non potuisse. Deinde Capitulationem Leopoldi observationibus suis illustrat Autor, ac restrictam Cæsaris potestatem per Reservatorum enumerationem declarat. Hinc ad considerationem Regis Romanorum digressus, contra eum crimen læsæ Majestatis committi, eumque simile delictum in Imperatorem committere posse, existimat *p. 152.* Hinc de Vicariis Imperii, juxta consuetas fere considerationes, satagit, adducto per occasionem Palatini Electoris privilegio, quo ipsius Cæsaris judex est, quod ad controversias etiam feudales extendi vult *p. 169.* Postquam itaque pro ratione instituti, Capita Imperii consideraverat Noster, ad Membra deinde se convertit; hinc de Electoribus, Ducibus & Principibus, Comitibus & Baronibus, Civitatibus liberis sequitur disquisitio, juxta modum, aliis Juris Publici scriptoribus usitatum, fere decurrens. Id de Comitibus immediatis observat *p. 194,* quod quidam feuda sua ab aliis Statibus recognoscant, salva immedietate, ut Comes de Wyht, qui ab Electore Palatino Comitatum suum in feudum accipiat, & tamen immediatus Imperii Comes sit. Nonnulla etiam de Hanſa, seu fœdere Civitatum Hanſeaticarum commemorat *p. 199.* Cum autem sine

con-

consensu Statuum nihil gravioris momenti definire queat Cæsar, hinc de Comitibus Autori brevis nata est tractatio, cui solennes de Nobilibus Immediatis subjicit quæstiones, ac de civibus imperii mediatis, seu Landsassibus quædam commentatur, adjecta Superioritatis Territorialis brevi expositione. Hujus occasione observat discrimen Centenæ & Voigteyæ: illam jurisdictionem de criminibus atrocioribus esse, ac a centum judicibus, qui olim ex antiquissimo Germanorum instituto, de criminibus, teste Tacito, cognoscebant, sic vocari; hanc vero esse potestatem de causis civilibus ac delictis levioribus cognoscendi existimans p. 226. Atque has Bockelmanni meditationes Consultissimus Pagenstecherus, tum Memoria Bockelmanniana solenni a se oratione ante hoc quinquennium, cum in Groningensi Academia Professionem Juris ordinariam auspicaretur, commendata, tum brevibus quibusdam ad præsentem Juris Publici Synopsis annotamentis, obsignare voluit. Et ex illa quidem repetiisse nobis pro instituti ratione suffecerit, magni nominis Idem, Jo. Fridericum Bockelmannum, Steinfurti in Westphalia A. 1632 in lucem fuisse editum; in Academia Heidelbergensi A. 1659 Juri primum Professioni admotum, majoribus paulatim etiam in Aula Electorali dignitatibus inclaruisset, præter Antecessoris primarii munus, Consilarii etiam Status, nec non supremi Appellationum Judicii & Curiae Aulicæ Vice Præsidis officio functum; in Academiam Lugduno Batavam denique ad Juris professionem A. 1671 evocatum, cumque per decennium magno cum applausu eam sustinuisset, A. 1681 supremum diem obiisse: ex his vero duo excerptemus. Alterum respicit Hippolithum a Lapide, quem fuisse Ludovicum Camerarium, Regis Sueciæ Consiliarium Intimum & in Belgio Fœderato Legatum, fide Cl. Polmanni, a patruo, Autori illi olim familiariter noto, id edocti, asserit Noster p. 287. Alterum concernit tutelam Electoralem, ubi pro excludenda testamentaria, Noster urget p. 288, quod in A. B. c. 7. §. 4. successio in Electoratum non simpliciter, sed sub conditione, ut *Senior in casu, ubi successor defectum, et a is patitur, tutor sit*, tribuatur, adeo ut deficiente tutela legitima, ipsa etiam successio deficiat; unde admissa tutela testamentaria hoc absurdum sequi censet, quod pater Elector filium ab Electoratu removere queat.

D. CAROLI MUSITANI, IATRIAS PROFESSORIS, ACADEMICI Peregrini, Pigri, Spenfierati, &c. Chirurgia Theoretico-Practica, seu Trutina Chirurgico-Physica.

Coloniae Allobrogum, apud Cramer & Perachon, 1698. in 4.
Constat 6 Alphab. 14 plag.

OPeris praesentis *Autor* clarissimus, ex nobili familia prognatus, religioso primum se addixit ordini, officioque sacerdotali tam laudabiliter praefuit, ut inter Confessionarios Papae *Innocentii XII* meruerit recipi. Nihilominus tamen, cum Medicinam etiam sub manu ductione celeberrimorum Virorum, *Cornelii* praecipue *Consentini* atq; *Leonardi Capuani*, sedulo addidicisset, ac speciale diploma a Pontifice Romano *Clemente IX* impetrasset, artem Medicam, cujus exercitium ecclesiasticis alias hominibus a canonibus sine discrimine interdicitur, feliciter exercuit. De singulari namque ejus eruditione, ob quam non solum Romae inter Academicos Peregrinos, sed & Barii inter Pigros, & Rossati inter Spenfieratos (incuriosos) fuit receptus, *Praefationes* Operi huic praefixae abunde testantur; nuncque idem sexagenarius ferme in urbe Parthenopoea dicitur degere, ac praeter varia opuscula Medica & Physica, *Trutinam* etiam *Medicam*, *Pyrotechniam* *Sophicam* & *Grammaticam Speculativam* divulgasse, quae tamen cuncta nondum ad nostras pervenere manus. Sed Chirurgiam praesentem quod spectat, in genere haec in affectuum magis morborum explicatione pathologica & curatione pharmaceutica, nitidioris compositionis medicamentis, partim ab Autore inventis, partim usu & experientia multoties comprobatis perficienda occupatur, quam in operationibus Chirurgicis communiter dictis edocendis, utpote, quarum nonnullae, v. g. venae sectio, applicatio vesicatoriorum, fonticulorum inustio, trepanatio, sutura acu & filo quae peragitur, ceu remedia potius a Diabolo inventa, hinc inde repudiantur. In specie vero quemadmodum integra *Trutina Chirurgico-Physica* in quatuor dispescitur tomos, *Tumoribus*, *Ulceribus*, *Vulneribus* ac *Lui Venerea* huiusque symptomatis in diversis capitibus explanandis & curandis dicatos; ita quilibet affectus seorsim consideratus satis methodice pertractatur. Data quippe accurata cujuslibet morbi descriptione, an-

nectun-

MENSIS FEBRUAR. A. M DC XCIX. 73

nectuntur signa illius diagnostica, mox in causas inquiritur, ut ex his prognosis non minus quam curativæ demum indicationes, sæpe a Galenicorum aliorumque methodo medendi multum recedentes, eliciantur, remediaque elegantissima, istis satisfacienda, subjiciantur. Et ne Physiologia atque Anatomia penitus negligantur, occasione vulnerum specialium, capitis puta, thoracis, abdominis, & artuum, harum etiam partium Anatomie una traditur, ususque earundem, quem præstent secundum naturam, explicatur. Per singula tamen nunc ire capita cum nimis tardiosum ac prolixum foret, sufficiat paucissimis attigisse ea, quæ præ aliis notatu digna fuerunt visa. Inflammationes, erysipelata atque perniones sola vitrioli vulgaris in aqua communi solutione cito, tuto ac jucunde curari, prolixè monstratur. Balsamus arsenici, ab Helmontio obscure descriptus, ingenue communicatur, veluti ex arsenici & nitri æqualibus partibus invicem mixtis, calcinatis ac per deliquium solutis resultans, viresque callum sine dolore atque inflammatione erodendi, & fistulas æque recentes ac inveteratas & malignas curandi possidens. Melicerides sæpenumero in Monachorum annotantur genubus, ex frequentiore ipsorum flexione, qua preces fundere obstricti sunt. Calculi, carbones, pili, vermes, aliave tumoribus nonnullis inclusa, non tam Diaboli, quam Naturæ esse opus aditruuntur. Ex impositione bufonis vivi combusti, pulverisati ac cum farina hordei salivaque in cataplasma redacti, bubonum dijudicatur pestilientia, si intra quadrantis horæ momentum dolor demulceatur ac post duarum horarum effluxum suppuratio perfecta observetur. Spuma venenata duorum Draconum, quorum tamen nomina reticentur, præsentaneum in granæna ad sphacelum ruente commendatur remedium. Scirrhi exquisiti curatio perfecta negatur, augmentum vero ipsius linimento arcano, quod olei myrtillorum uncia duæ, nucis moschatae uncia dimidia, axungia jumentorum uncia duæ, ac olei petreoli ad pondus omnium ingrediuntur, arcetur. In ecchymosis & varicibus tollendis succus bryoniæ instar arcani & remedii infallibilis laudatur. Ex solo pulsus scabiosæ tactu scabiem ipsam trium dierum intervallo Autor contraxit, mirabile qui edocet unguentum, quo plures quam ducentos milites fere leprosos liberatos viderit scabie. Abbas sistitur sine pruriginoso sensu ita lepra affectus, ut squammas quotidie e totius corporis cute ad

Tom. I. p. 6.
& 71.
22.

26.

27.

39.

63.

84.

88. sqq.
115.

122.

125.

216. trium librarum pondus absterferit. Quod emplastrum benedictum ad strumas describitur, non solum ad has, sed ad quæcunque etiam apostemata maturanda & topho- podagricos rumpendos perquam salutare miris effertur præconiis. Antidotum antipestilentiale prolixæ compositionis communicatur, quo qui usi fuerunt, evaserint omnes. Mira promittuntur de emplastro, ad rupturas dicto, vel centies in bubonocle aliisve herniarum speciebus felicissime adhibito. In Tom. II. p. puero quodam sudor notatur cruentus, a timore prolicitus. A spiritu salis armoniaci carnis excrecentias optime coerceri; a suffumigio autem tantilli cinnabaris continuato ulcera cancrosum perfecte consolidari memoratur. Unguenti cujusdam magistralis mirandus in omnibus ulceribus tam recentibus, quam inveteratis & putridis atque venereis 141. promittitur effectus. Ubi multa enarrata fuerunt vulneraria simplicia, tria eorum reliquis quidem omnibus præferuntur, arcani tamen ad instar nominibus non innuuntur. Haud tamen reticetur arcanum, 60. quod luxuriantem vulnærum carnem corrosivi loco absque dolore & inflammatione consumit, ex melle crudo, aloë hepatica, alumine isto, aceto, vitellis ovorum & terebinthina, in formam emplastri coctione redactum. Aurigæ cujusdam rabies recensetur, orta ex oculatione canis rabidi; æque ac mors hydrophobia laborantis ex solo aquæ 106. attactu, quem Medicus remedii vice suaserat. Balsamorum balsamus, ex aquæ Reginæ Hungariæ libra dimidia, olei apparicis unciis 114. tribus ac balsami Peruviani albi & liquidi uncia una mixtionis adminiculo concinnatus, tantæ celebratur energię, ut in vulneribus cujuscunq; demum conditionis plus efficiat quatuor dierum spatio, quam 141. quodlibet aliud mense integro. Exemplum indigitatur alicujus, feliciter intra viginti & unum dies restituti, etiamli aspera ipsi arteria infra laryngem valde fauciata, simulque arteriæ carotides & venæ jugulares discissæ essent. Luem veneream communicari posse brutis, T. IV. p. 12. exemplo felis ostenditur; eandem vero duxisse originem non a contagio externo, sed ab ulcere magno, ab intrinseco producto, vel in mulierum utero, vel intra præputium virorum, rationibus & experimentis uberius comprobatur. Cæterum cum aquæ cuidam antivenereæ primus inter ejusdem luis antidota allignetur locus, descriptionem ejus velut infallibilis ipsis demum Autoris verbis placuit adjicere. 220. *R. Salse-parilla minutim concisa uncias duas, ligni visci querni unciam*

MENSIS FEBRUAR. A. M DCXCIX.

75

unam cum dimidia, limatura cornu cervi & rasura eboris ana unciam unam cum dimidia, antimonii crudi minutim incisi, petra pumicis ana uncias tres. Hæc duo ligentur in petra lineæ, & simul cum aliis infunde in aqua fontis libris octo. Detineantur per 24 horas in infusione, deum bulliant lento igne ad medietatis consumptionem, adde cinnamomi acuti drachmas duas, cola & ad usum serva.

TEDE SALOMONIÆ.

h. e.

CANTICUM CANTICORUM, OTIS LUCULENTIS A MAGNI nominis Theologojam ante illustratum, nunc dispositionibus continuis, usibusque, quos vocant, homileticis, locis item parallelis, quibus textus schematibus soluti sensus genuinus evoluitur, adornatum.

Jenæ, prostat apud Joh. Bielkium, 1699. in 8.

Constat plag. 4 & dimid.

Quanto sublimius dicendi genus regum sapientissimus Salomo in Cantico canticorum secutus est, tanto plures ad evolvenda ipsius mysteria operam laboremque contulerunt. Longum foret ire nunc per secula, atque, qui hoc nomine innotuerunt, ordine suo recensere. Fecit id olim celeberrimus Jenensium Theologus, *Johannes Gerbardus*, cap. 2. præm. Postillæ Salomonæ: nec minor eorum fore numerus putandus est, quos ille licet non attigit, qui superiori & præsentī seculo, eidem libro explicando, certatim sane, operam navaverunt. His cum non eadem placuerit methodus ea, quam præsentis libelli Autor anonymus est ingressus, post alia, grata etiam brevitate probare se Lectori potest. Nam quo de sensu textus sacri eo rectius constaret, has Teda B. J. M. Dilherro, (cujus in Canticum annotationes opera B. Joh. Christfrid Sagittarii, S. Theol. D. Superintend. General. Altenburgens. obstetricia A. 1676 aspexerunt lucem,) aliisque; daduchis, sacris meditationibus non prælatas tantum vult Autor, sed & dictis parallelis, quæ singulis versibus subjecit, novis item, iisque succinctis scholiis, laudabiliter prospexit. Quæ porro præstiterit, & titulus indicat, & cuilibet citata Scripturæ S. loca evolventi satis patebit. Nobis pauca pro more excerpisse sufficiat.

Cant. I, 2. *Osculetur me osculo oris ejus: meliores sunt amores tui vino;* thema statuit: *Vota ecclesie genethliaca*, ejusque partes (1) *votorum summam*, (2) *copiam*. Huic dicta parallela addit Ps. XIV, 7. Jes. LXIV, 1. Numer. XXIV, 23. aliaque quibus usa V. T. ecclesia Christi adventum in carnem expetiisse legitur. Usus tres inde elicit, quorum primus ipsi est *πληρώσα* *fidelium* Eph. III, 12. &c. quem a contrario, Gen. III, 18, ab objecto, cum Christi, simulque Spiritus S. adventum expetat loco citato ecclesia, tandemque a comparatione firmat. In scholiis pleraque textus sacri verba explicat, adjectis etiam Dilherri, Flacii, Tremellii, Junii, Piscatoris, Drusii in Bibl. Crit. aliorumque symbolis: quibus accedit disquisitio, cur Spiritus S. verba habeant: *osculo oris sui*, non vero: *osculetur me ore suo*.

Cant. I, 5. copulam *et*, quam plerique per *adversativam* exponunt, ab aliis *copulative* etiam sumi, docet, cum quibus tamen, connexionem secutus, divortium fecit noster. Nec placet Junii & Trem. versio: *Nigrasim, at decora sum: similis sim Schenitis Kedarenis, at similis sum inhabitantibus aulea Salomonis*. Mavult quippe, insigni acumine καὶ ἀντίθετον *nigrum et formosum* conjungi, & utrique amplificationem addi in icone, alteram a Kedarenis, alteram a tapetibus Salomonis.

Cant. II, 14. posterius membrum versus præcedentis huic perperam annecti monet ab aliis, putantibus; *invitari sponsam, ut veniat*, ut se abscondat *in foraminibus petra*. Urget quippe Autor accentum v. 13. docetque, nimis liberaliter vocem *abscondens* addi, cum descriptio potius sit palumbis in petra nidificantis: unde B. Lutherus in den Felslöchern/ non in die Felslöcher. Ne hic solum, sed & v. 4. cap. 1. & v. ult. c. 3. ad accentuationis usum provocat. Igitur cum posteriori loco alii ista connectant: *spectate regem Salomonem in corona*, neglecto sic accentu athnach sub voce *Salomo*: Junius porro & Trem. accentum secuti, vertant: *in corona qua coronavit cum mater*, demto commate; mavult priora verba repetere noster h. m. *respicite ad regem Salomonem; respicite ad eum in corona, qua coronavit eum mater*.

De sensu versuum 7. 8. 9. Cap. VII. prolixius in scholiis agit, cum observaverit, non convenire inter autores, quo sensu *palma, botri et mala* conjungantur. Quamvis enim vel maxime cum Aben Esra quis

quis afferat, in Palæstina vites velut maritatas palmæ adhærescere, nondum tamen difficultatēs omnes superasse nostro visus est. Litem igitur e natura palmæ decidendam esse ratus, e Plinio docet, botris pariter & pomis eandem palmam superbire, unde vinum Orientis incolæ exprimant. Sensum vero omnem eo credit redire: *O! ecclesia, tuque fidelis quisque, ostende fidem per opera*: jam cum tropo isthæc vestire placeat, a Spiritu S. ecclesiam palmæ comparari ostendit, unde ista comparationis membra: (a) Palma vinum præbet: pius bona opera. (b) Palmæ odor suavis est: sic etiam pii fama. (c) Palma conscendi se patitur, & fructus porrigit: pius non denegat Deo fructus fidei. (d) Palmæ succus inebriat: hominis pii studia Deo mirifice placent, eumque amore veluti inebriant. Quibus præmissis dubium non esse judicat, quæ sit mens Divina, & tropi ratio: cum narium fiat mentio, quod earum sit odorari, & mammarum quoque, quod convenient botris. Sub finem libelli parallelismum dispositionum Evangelii dominicalibus & festivalibus applicandarum subtexuit, eo compendio, quo vel singuli, vel bini pluresve versus singulis dominicis festisque diebus sive exordii, sive dicti parallelilocho possint accommodari.

MATTHÆI Schlüters J. U. D. Historisch und Rechts begründeter Tractat von denen Erben in Hamburg.

i. e.

MATTHÆI SLUTERI, J. U. D. TRACTATUS HISTORICO-JURIDICUS de Rebus Immobilibus ac præcipue Ædificiis Hamburgensibus.

Hamburgi, apud Conradum Neumannum, 1698. in 4.
Constat 6. Alph.

PRÆMISIT huic Tractatui anno 1694 Disquisitionem Juridicam de *Legitima Consuetudine* solers noster rerum Hamburgensium Investigator, eo potissimum consilio, ut in opere principali eo expeditius progredi posset, nec ob frequentem consuetudinis, stilo Hamburgensi Schlendrian vocatæ, mentionem in illo occurruram, nunc demum prolixiorē ejus explicationem moliri cogeretur. Tractatus

K₃

prin.

principalis in *septem partes* distinguitur. In *prima parte* vocabulum *Erbe* exponitur. Licet enim communiter *hereditatem* notet, juxta usum tamen juris Saxonici antiqui, *rem immobilem* significat: quem sensum jura Hamburgensia non tantum sequuntur, sed & cum pleræque res immobiles in urbe Hamburgensi ædificia sint, eundem magis constringunt, adeo ut solæ ædes habitationi vel cerevisiæ coquendæ aut alii urbano usui destinatæ, nec alii, velut accessio quædam, adjectæ, isto nomine veniant, rudiori Curia stilo *domus* vel *hereditates habitabiles & braxatoriales* etiam vocatæ. Postea Ædium accessoria vulgo Pertinentiæ dicta, ex usu Hamburgensi recensentur, addita disquisitione de Servitutibus, quæ tam ex placitis juris communis, quam Hamburgensis conficitur. In specie docet Noster *p. 54*, jus coquendi cerevisiam ob solum non usum non amitti, hinc nec servitutem ad illud destinatam, v. gr. ducendi aquam per alterius domum, isto casu perire censet, licet ob cessans braxandi exercitium, per immemoriale tempus eadem dominus prædii dominantis non fuerit usus. Tandem variæ artes aut opificia, in ædificiis exerceri solita, commemorantur, quodque non omnia in quovis loco institui queant, prohibente id vel publica utilitate vel vicinorum privilegio, docetur. De singulis autem nunc specialius agendum videbatur, sed cæterorum explicatione ad aliud tempus rejecta, de sola re cerevisiaria speciatim in *parte secunda* agere Noster instituit. Primo igitur de origine Civitatis & Cerevisiæ Hamburgensis disquirat; ubi quæ de lamina ærea, cujus fide Hamburgum fere mille & nongentos annos ante Christum natum exstructum perhibetur adducit *p. 108*. lectu non injucunda sunt. Postea de vario cerevisiæ Hamburgensis colore, diversis speciebus & nominibus disserit, usum quoque ejus ac virtutes, nec non commercia eo nomine instituta deprædicat, irritos etiam aliorum nobilem hunc liquorem alibi coquendi conatus recenset, & quod ex infelici illo imitandi studio, cerevisia Tychopolitana, *Rabmna* (von nahrahmen) vocetur, Serenissimo Daniæ Rege Christiano IV id nominis ei imponente, speciatim commemorat *p. 141*. His subjungit tabernas cerevisiarias, a quovis Cive Hamburgensi libere aperiendas *p. 147*, nec non onera a zythopolis præstanda; examen vero cerevisiale (die Bier-Probe) prolixè satis per aliquot capita describit. Quibus expositis, ad jus braxandi seu coquendi cerevisiam pergit,

git, quod certis ædificiis juxta parochias enumeratis cohærere ostendit, docens insimul, quod, uti illud jus tribus ædificiis bis competat, ita eodem aliqui sine ædibus fruuntur, illud etiam aliquando de domo ad aliam domum transferri queat. Ne vero potentiores cæteris concivibus nimio braxandi usu noceant, ideo nulli cerevisiam coquere licet, nisi publicata ad campanæ sonitum a Magistratu venia, stilo *Hamburgensi Orloff* i. e. *Urlaub* dicta. Hanc igitur ejusque concedendæ rationem fuse Noster deinceps exponit, id adjiciens, quod quædam ædes vi chirographi cujusdam (*Psannen-Brießs*) a Magistratu percipiant annuatim quadrantes usuras, ideo quod lebetes æreos (*die Braupfannen*) ad conflanda tormenta bellica olim ipsi ea conditione vendiderint, ut sortem ipsis repetere non liceat, nisi denuo ædes ad cerevisiam coquendam instruere velint. Deinde vero de jure coquendi cerevisiam nauticam & acetum speciatim agit, ac zythopetarum requisita, varia genera, societates, illorum servos, horumque congregationes, convivia, officia, aliaque ejus generis recenset. ac tandem plurium annorum ordinationes cerevisiarias prolixè adducit. In *tertiâ parte* plateæ urbis *Hamburgensis*, præcipue juxta quinque parochias, recensentur. In *quarta* de libris, in quibus ædes consignatæ sunt, sollicitus Noster, formam eorum externam primo describit, postea ipsam inscriptionem explicat. Fit scilicet illa ex causis ad dominium transferendum habilibus, ac est ipsa traditio judicialis, plenamque fidem meretur, & testibus, documentis, nec non præscriptione antecedentibus est potior. Olim tamen intra annum & diem impugnari poterat: hinc fidejussore firmari solebat: sed utrumque postea sublatum. De cætero inscriptio habet memoratum effectum, licet absque tituli mentione fuerit facta, aut quis tacite se obstrinxerit ad ædes sibi adscriptas alii concedendas, adeoque juxta intentionem hujus conventionis, inscriptio saltem *pro forma*, ut loquuntur, inter venerit. Aliquando tamen inscriptio illa judicialis ex justis causis, puta legitimæ absentiae vel omisæ resignationis publicæ, & similibus impugnari potest. Interim non existimandum, quasi dominium rerum immobilium nullo casu citra inscriptionem judicalem acquiri possit. Hoc enim falsum esse Noster amplius probare nititur; hinc etiam quædam ædificia plane non inscripta dari asserit; inscriptionem tamen, sicubi hypotheca in iis constituenda sit, semper necessariam

riam existimat. *Quinta pars* hypothecis judicialiter constituendis destinata est. Modum igitur eas constituendi, ac imprimis documenta eo nomine a Secretariis conficiendi, Noster explicat, nec non hypothecarum effectum, aliaque ad obligationem debitoris & pecuniæ debitæ diversitatem pertinentia proponit. In *sexta parte* rationem persequendi pignora judicialia suumque inde consequendi, quæ stilo Hamburgensi *der Achterfolgungs Proceß* dicitur, traditurus Noster, de nomine *Achterfolgen* primo agit, deinde ipsum prosecutionis processum tam in genere quam in specie, quoad personas judicantes, prosequentes, prosecutionis causas, prosequendi modum exponit. Scilicet post frustra petitam debiti a debitore solutionem, creditor coram iudice competente ter per arbitraria intervalla, ædes oppignoratæ libro rerum distrahendarum inseri petit, (*er läßt es zu Buche bringen* / ut Hamburgenses loquuntur) huic si a parte adversa nihil opponatur, vel ejus desiderium rejiciatur, creditori *Schedula immissionis* (*Achterfolg Zettul*) conceditur, cujus virtute immissionem ex primo decreto (quam *die Ringlieferung* nominant, quia in ædibus, apprehensione annuli, quo ostium pulsatur, fieri solet) obtinet, quam judicialis ædium assignatio pluresque alii effectus, ut possessio, administratio &c. latius a Nostro expositi, sequuntur. Post immissionem debitor ejicitur, nisi ratione pensionis solvendæ fidejussores præstet: tum enim per annum adhuc ei in ædibus morari licet. Cessante solutione ædes creditori in solutum cedunt, si de vero earum pretio liquido constet, sed id raro fit. Plerumque publico proclamato (ut stilius forensis licet minus Latinus fert) post lapsum anni & dici Saxonici, a tempore immissionis computandi, alii qui jus aliquod sibi competere existimant, provocantur, nemine autem intra spatium Saxonicum, (hoc enim publicæ proclamationis affixioni indulgendum est) comparente, post anni lapsum, subhastationem seu publicam venditionem ad candelam (*bey brennender Kerze*) petere potest creditor, quæ etiam, cessante vel remota legitima contradictione, per sententiam decernitur. Aliquando, in primis si ædes sint ruinosæ, ad subhastationem citius ac citra memoratas ambages devenitur. Quibus autem exceptionibus pignoris prosecutionem vel debitor vel tertius aliquis impedire, aut inceptam turbare possit, nec non quomodo per solutionem aliamq; satisfactionem eadem tollatur (*wie die Achterfolgungs*
Ge

Gerechtigkeit getilget werde /) id fufius deinde Noster docet, per modum coronidis adjiciens, quod creditor etiam actione personali debitum petere, nec invitus ad perfecutionem hypothecæ cogi possit; porro quod debitor, alienato licet pignore, nihilominus creditori personaliter obligatus maneat, quamvis aliud dicendum sit, si tertius ille etiam in locum debitoris per delegationem substituatur; denique quod tertius possessor, seposito speciali pacto, ultra hypothecæ quantitatem non sit obstrictus, quodque hoc casu, quando ad perfecutionem pignoris procedit creditor, consueto prosecutionis processu opus sit, ac antea tertius possessor exceptione quoque excussionis seu ordinis gaudeat. Cum autem creditor ad pignoris perfecutionem provolare non debeât, sed legitimo potius tempore & modo debitorem de eodem solvendo interpellare teneatur, hinc in *parte septima* interpellationem illam (die Loß-Kündigung) Noster sibi sumfit explicandam, adeoque ejus faciendæ tempus, personas interpellantes, interpellatas, interpellandi modum & probationem, interpellationis locum & repetitionem recenset, ac quod debitor ultro creditori debitum offerre possit, nec non pignoris perfecutio certis casibus, sine prævia interpellatione, suscipi queat, amplius ostendit; de cætero tractatum suum non tantum Dominis, Advocatis, Procuratoribus Hamburgensibus, sed & exteris, pecuniam sub hypotheca forsitan credituris, aut Jctis, in hujusmodi causis controversis responsa daturis, utilem arbitratus,

JO. PHILIPPI RINGLERI DE DOMANIIS GERMANIÆ
libri tres.

Jenæ, apud Jo. Jac. Ehrten, 1698. in 4. Constat 1. Alph. 16. plag.

INter publica bona, sive ad regię dignitatis splendorem, sive principis status conservationem spectantia, loco præcipuo commendantur *Domania*, huc usque a publici Juris consultis exposita: pro diversa quidem consuetudine ac vario jure apud externos. Interea non infrequens est rei domanialis argumentum in foro quoque Germanico, propter jura & emolumenta Illustrum, quibus hodie curæ cordique est, non publicis solum utilitatibus optime prospicere, sed Cancellariæ etiam redditibus consulere. Præterquam enim quod in domanio

nervus consistit ac robur, si quid in aula requiritur sumptuum, inque regno, principatu, aliave republica impensarum; plerosque de his scriptores ita comparatos esse deprehendimus, ut affirmant, *Domania* Germaniæ convenire cum *bonis dominicis* in Gallia potissimum regio diademati unitis. Quæ accuratius investigavit doctissimus Auctor in commentatione hac; cujus *libro primo*, præmissa generali consideratione de necessitate & utilitate hujus tractationis, ex jure vario, qualitates domanii Germanici exponit, & differentias ostendit præcipuas a domanio Gallico. Neque enim, ex mente illius, forma reipublicæ Germanicæ patitur, ut peregrinas circa res domaniales adhibeamus constitutiones: cum satis constet, nativa quadam propriaque legum auctoritate firmata esse domania Germaniæ, sive bona Principum cameralia, quæ feudali obligatione ab Imperatore solent recognosci, & ejusmodi nexu in Imperio possidentur. Proinde in tali contemplatione rerum, quæ ad publicam substantiam pertinent, per varia argumenta diducitur, multas limitationes esse in bonis Germaniæ camera-libus, præcipue circa pacta & conventiones, propter exteriorum fallacias & artes, quibus hodie apud Germanos plura corrumpuntur. Quamvis autem ex certis præsuppositis, peregrina jura heic prodesse videantur Illustribus Germaniæ, cum primis ex utilitate actionis revocatoriæ; in præsentī tamen tractatu, ejusque libro primo perspicue declaratur, leges Imperii fundamentales & consuetudines in domanio Germanico frequentari magis, pro tuenda veritate, justitia, fide, & auctoritate in societate civili. Unde qui de his dubitat, eum ablegat Auctor ad suprema Imperii tribunalia, hinc ad praxin & observantiam Germaniæ, & deinceps ad integra Jureconsultorum volumina, ubi obviæ sunt complures sententiæ de domanii jure, prærogativa, vi & potestate apud Germanos. Hisce diductis pergit ad formam reipublicæ Germanicæ; ubi breviter agit de legibus Imperii circa domania, & mox ad genuinam domanii Germanici interpretationem, qualitates ejusdem exponit feudales & allodiales: ut dignoscatur, an opes, prædia & possessiones ad hanc vel illam domanii speciem commode spectent, aut in sacris illius ac bonis jus habeant. De cætero, ne quis aberret in antecedentibus, sive in ipso quæstionis statu, libro huic primo subjicitur, ad lucem hujus argumenti majorem, consultatio de jure Gallicæ coronæ, & edictum Regium.

Hinc

Hinc Noster in explicatione procedit *secundo* libro ad alienationem domaniorum; nec sine ratione curiosus esse videtur super indagazione domini & translationis in generalibus. Etenim ubi penes aliquem est alienandi potestas, & præsertim in domanio, sive ecclesiastico, sive seculari; ibi dominium, aut rei domanialis proprietas, certo respectu præsupponitur: & vicissim, nulla ex re proprietatis dominiique certitudo clarius cognoscitur, quam ex potestate alienandi, sive domini transferendi facultate. Præsuppositis his, multa tradit Auctor ad rem facientia præsentem: inprimis pro resolutione firmiore monstrat exceptiones in alienatione domanii generales & speciales, quod nempe regulariter per alienationem transferri nequit, nisi consenserint illi, quorum interest: ne dos regni aut principatus alienetur aut dividatur absque inevitabili necessitate, & cum consensu atque approbatione procerum in regno aut principatu. Dum vero ita agit de alienatione domanii Germanici, per occasionem disserit ex feudalibus de alienatione utilisque dominii translatione, ut scilicet res quælibet ex indole sua & qualitate vera dijudicetur. Deinde quarit: an imperia possint alienari, sicut res aliæ, quas jure domini possidemus? item, quid sentiendum sit de donatione, quæ ad modos transferendi domini refertur potius, quam ad contractus? Neque enim incognitum est, oppida totasque regiones olim ab Imperatoribus donatas, sicque alienatas, quin & oppignoratas fuisse: in hujusmodi vero casibus hodie specialem requiri Electorum consensum, per capitulationes Cæsareas. Quidquid tamen sit, ad vitandas confusiones ac difficultates, in genere adducuntur rationes super alienatione domanii Germanici: ubi simul agitur de iis, quæ circa alienationem domanii ecclesiastici in Germania, sive bonorum ad mensam Episcopalem pertinentium, notatu digna sunt. Quamvis certum sumus, quod ea domaniis proprie dictis non accenscantur, neque adeo communi aliqua definitione aut descriptione comprehendantur, sed omnino differant ab iis pariter atque a rebus Camera & Ecclesiæ communibus. Verum negare haud videtur Noster, quin bona ejusmodi mensalia se habeant ad instar domanialium. Quapropter illa, in alienationis actu, his propemodum æqualia censentur; quoniam bona mensæ, vel absque consensu Papæ, vel sine Imperatoris auctoritate, non possunt alienari, nec oppignorari, nec de novo infeudari,

vel quocunque modo transferri, etiam cum consensu Capituli ecclesiastici: ideo quod in propatulo sit, plures Archiepiscopos atque Episcopos Germaniæ ad constitutionem Sixti V Pontificis jurejurando sese obligasse Interim hæc satis liquida noscuntur ex intentione Auctoris, qui in eo versatur, ut demonstret, alienationem rei mensalis aut ecclesiasticæ fieri posse in Imperio, non obstante juramento, præcipue inter Episcopos Augustanæ Confessioni addictos; eamque deinceps valido jure subsistere, sive in oppignorationis, aut venditionis contractu, sive per modum subfeudationis. Namque si tali modo consideretur oppignoratio, venditio, aut infeudatio super bonis mensæ aut Ecclesiæ, luculenter apparere, earum rerum formas consistere, partim in juribus canonum, partim in legibus Imperii, aliisque consuetudinibus, sive in Germania sive apud externos. Cui accedit, quod bona Ecclesiæ communia hodie ab Episcopis & Prælatibus rursus infeudari, & certo respectu alienari queant inconsulto Pontifice: quinimmo cuilibet vasallo concessa sit facultas subinfeudandi alium, sine domini consensu. Quare nec deterioris esse conditionis hac in parte Episcopos, aut Principes Imperii, qui plura sæpius allodia territoriis immixta possident. Neque adversari huic sententiæ, vel quod in aliquo Episcopatu aut Prælatura peculiare invenias capitulationes de non infeudandis bonis mensalibus; vel quod alicubi potestas infeudandi de rebus Ecclesiæ communibus restricta fuerit ex conventionem, pacto & conditione legitima: Feudorum quippe consuetudines, & Canonum jura, cæterasque constitutiones in Germania, non separare exceptiones regulariter a probatione cujusdam axiomatis, aut a præsumptione regulæ. In sequentibus complura traduntur de rebus infeudari vel alienari solitis, deque ipsa infeudatione rerum ecclesiasticarum, sive bonorum in Ecclesia communium.

Expositis alienationibus jure licitis circa domania Germaniæ, sive ecclesiastica sive secularia, pro necessitate rerum & circumstantiarum qualitate: operæ pretium statuit Auctor præscriptionem eorum libro *tertio* a communi errore vindicare, & ibi complura ad illustrationem hujus materiæ proponere. Perquam autem utiliter declaravit pactiones quasdam & conventiones, indeq; competentes actiones, quatenus illæ vim suam atque efficaciam exserunt circa ejusmodi domania. Ubi etiam pari compendio agitur de jure primogenituræ in feudo regali,

li, ejusq; domanio, per rationes ex utraque parte legitimas. Deinde curam ab ipso adhiberi videmus in explicatione dominii eminentis, ejusque convenienti applicatione: ostensis simul iis juribus, quæ competunt circa revocationis materiam, itemque ad refusionem pretii. Porro ad justitiæ trutinam examinantur ea; quæ concernunt renunciationem in domanio Germanico. Illud autem minime mirum censetur, quod tali occasione tractatio simul instituatur de prohibita foeminarum successione in feudo regali, ejusque domanio; cum utique maneat certissimum, sexum foemineum a masculino heic quam plurimum discrepare. Neque id adeo infrequens est in Gallia, ubi lege Salica foeminae excluduntur a successione regia: quod quidem ex adductis decretis abunde constat, in quibus etiam ordinatum super dote filiarum, & ætate Regis coronandi in Gallia. Quemadmodum vero luculentissimis argumentis, ex diverso jure pariter atque ex praxi & observantia Germaniæ, illustrata fuit hucusque præscriptio domanialis, tenebris quasi involuta ab ipsis interpretibus, qui susque deque permiscuerunt omnia, ut cum exteris plerumque paria facerent in rationibus suis: ita cum totam, in hac enarratione, complexuri non simus interpretationem super hac materia, quæ definita juris Germanici principia continet ex intentione doctissimi Auctoris, provenientia ex bona fide, justo titulo, & continua possessione; non abs re visum fuit, ex ipsius mente præscriptionem in domanio declarare pro beneficio, rationi & æquitati haud adverso, quodque maximam præ se fert in dirimendis litibus auctoritatem, inque emendandis temporibus in Imperio utilitatem.

*THOMÆ CRENI ANIMADVERSIONUM HISTORI-
earum & Philologicarum Pars quarta:*

Lugduni Bat. apud Abrah. de Swart, 1699. in 8. plag. 16.

DUm in vindicandis ab interitu doctiorum quorumcunque tractatibus minoribus strenue pro indefessa sua industria Nobilissimus Crenius adhuc pergit, ac non Dissertationum modo variarum, sed consiliorum quoque ad solidam eruditionem comparandam facientium Tomum unum post alterum emendate admodum & comite in lucem publicam prodire facit; suarum interim, quas cum Orbe Erudito

hinc ab annis aliquot communicare cœpit, Animadversionum minime est immemor, indeque novam earum partem, quæ tertiam superiori anno p. 240. seq. in Actis nostris delineatam nunc excipit, Benevolo Lectori ob oculos proponere heic loci nobis integrum est.

Utut autem a liberalitate sua in erogandis clarissimorum Virorum epistolis manuscriptis nondum cesset, plures tamen earum in præsentī parte occurrunt, quæ, ne ipso quidem Autore dissimulante, breviores sunt & paulo interdum steriliores, utpote Jo. Fred. Gronovii ad Casparem Barlæum, p. 30. Bonav. Vulcanii ad Joachimum Hübnerum, p. 138. Jani Gruteri ad Franc. Junium, p. 146. Marci Velsæri ad Josephum Scaligerum, p. 147. & aliæ, quæ tamen sua utilitate penitus haud carent, cum leviora etiam a tantis Viris profecta justum apud æquos æstimatores pretium invenire soleant. Notatu vero digna sunt præ cæteris, quæ p. 120. seu in peculiari quodam epistolio, de Erasmo Roterodamensi magnifice a Friburgensibus excepto, narrat Franciscus a Burgundia Falesius; quæque p. 190. ad Franciscum Raphelengium scribens Jo. Drusius ad illustrandum locum Ps. LXXIIX, 26. in medium profert. Prolixissima, quæ totum librum claudit, quamque Noster itidem ineditam existimat, epistola ad Cornelium Daems a Matthæo Radecio A. 1598. scripta, Fausti Socini a Studiosis Cracoviensibus acriter impetiti fata valde dura nunciat, aliaque nonnulla, quæ ad Socinianorum istius temporis historiam conferre non parum queant, complectitur.

Ne tamen sola monumenta manuscripta in lucem protrahere videatur, impressa quoque nonnulla, sed quæ dudum in plerisque Bibliothecis disparuerunt, communis usus facit; quorsum Lazari Bonamici præfationem in Thucydidem & Livium referas p. 60. seq. in qua de laudibus historię, ac de præstantia binorum, quos jam nominavimus, Historicorum prolixè agitur; Orationem item miris modis Lectorum sibi gratiam conciliantem, qua Christina, Sueciæ Regina, A. 1654. regno sese abdicavit, p. 151. sqq.

De diversis insuper Auctorum diversorum editionibus pererudite differit, & qui suam diligentiam in Virgilii, Ausonii, Ciceronis, Suetonii ac Senecæ utriusque opera impenderit, p. 1. & pluribus sequentibus commemorat. Alibi p. 208. sqq. eorum nomina & scripta allegat, qui Augustini, Ambrosii, Gregorii Nysseni, Chrysostomi, Salvi.

Salviani, Cypriani, Vincentii Lirinenſis opera particularia & minora aut notis ſuis illuſtrarint, aut accuratius tantum excudi fecerint.

Frequentia quoque de Scriptoribus celebrioribus judicia inſpergit, velut ubi Livium a cenſura nimis rigida iniquiorum vindicat, p. 50. ſeq. Dionyſium Petavium tanti certe haud habendum, quanti vulgo fiat, p. 29. ſeq. contendit; de Eraſmi colloquiis & aliis ad ejus perſonam atque eruditionem attinentibus multa a p. 103. ad 120 cumulat; Janum Gruterum ab atheiſmi ſuſpicionem liberat, p. 142. ſeq. Joh. Cameronis vitam, moresque ac fortunam, Petri Molinæi verbis a p. 159 ad 174 prolixiffime recenſet; eodem modo circa J. A. Comenium antea verſatus, cujus vitam & doctrinam Mareſii penicillo a p. 89. ad 102. adumbrat.

Viros eruditiffimos, qui, ut editis in lucem libris nominis ſui immortalitatem quaererent, moveri nulla ratione potuerint, p. 227. ſeq. enumerat; eorum etiam, qui præter meritum neglecti aut ignorati diu fuerint, catalogum haud brevem p. 219. ſeq. textit. Alias amœnitates tacemus, cum paucas has, quæ hætenus e plurimis huc derivatæ ſunt, ad lectionem libri ipſiuſmet abunde jam iſtarum cupidos allicere poſſe nulli dubitemus.

ANIMADVERſIO AD DAVIDIS GREGORII SCHEDIASMA

de Catenaria, quod habetur in Actis Eruditorum

A. 1698. p. 305. ſeqq.

Excerpta ex Epiftola - - - ad - - -

DOCTIſſimus Mathematicus David Gregorius rem ab aliis jam ante ſeptennium inventam & publice expoſitam, nempe Catenariæ naturam & primarias proprietates, ſuo quodam modo demonſtrare aggreſſus eſt in Tranſactis Philoſophicis Anglicanis menſis Auguſti 1697. p. 633; quæ demonſtratio inde translata eſt in Acta Erud. Lipſienſia Julii 1698. pag. 305. Et fieret ſane operæ pretium, ſi res licet cognita dudum, ex novo ſed ſolido principio derivaretur, quod ab acumine & doctrina Autoris expectari poterat. Nescio quomodo tamen factum, ut principiis ab eo allatis aliquid ad ſoliditatem deſit, quod veritatis amore annotare dignum viſum eſt, ut Geometriæ ſua ſinceritas conſtet. Suffecerit autem attente conſiderare, quomodo demonſtraverit Dn. Autor propoſitionem primam & primariam, cui reliquæ
super-

superstruuntur, utemurque figura & litteris Gregorianis, ac verba ipsa fideliter sequemur.

TAB. II.

Fig. 1.

Proponit sibi catenam FAD suspensam ex duobus extremis F & D , cujus imum seu vertex sit A . Deinde sumto d puncto in curva proximo ipsi D , ductaque tangente TDd axi AB occurrente in T , & ordinatis BD , bd , & in hac sumta δd differentia ordinarum, & ducta $D\delta$, normali ad bd seu parallela ad AB , differentia abscissarum; probandum suscipit, eam esse naturam curvæ catenariæ, ut sit δd ad δD , uti constans quædam a , ad arcum catenæ AD . Hoc ut demonstret, postquam quædam ex Mechanicis constare dixit, quæ distinctius enuntiare atque etiam applicare operæ pretium fuisset, subjicit: *Si Dd exponat gravitatem absolutam particula Dd , ut in catena æqualiter crassa rite sit, (id est, si gravitates partium catenæ sint ut ipsarum longitudines) $d\delta$ repræsentabit gravitatis partem eam quæ normaliter in Dd agit, quaque sit, ut dD , ob catenæ flexilitatem circa d mobilis, in situm verticalem se componere conetur.* Hæc vera sunt, si hunc habeant

Fig. 2.

sensum: pondus π , (vide figuram 1.) esse ad pondus Dd ut recta $d\delta$ ad rectam Dd : seu vim, rectæ Dd , ubique æqualiter gravi ac mobili circa d , normaliter applicandam in ejus medio, ut dictam rectam in hoc situ servet, & versus situm verticalem tendere impediat; adeoque & æqualem ei vi vel ponderi π gravitationem ipsius rectæ Dd , qua ad situm illum tendit; esse ad absolutam gravitatem ipsius Dd (qua scilicet perpendiculariter descenderet, si libera prorsus esset) quemadmodum $d\delta$ est ad ipsam Dd . Pergit Dn. Gregorius: *Adeoque si δd sive fluxio (vel incrementum aut elementum) ordinata BD constans sit (id est, si ordinata lineæ catenariæ ponatur crescere uniformiter) gravitatis actio in partes correspondentes catenæ Dd normaliter exerta, etiam constans erit, seu ubique eadem, id est, cujusque rectæ Dd , seu portionis elementaris in catena assumptæ gravitatio, qua situm verticalem affectat circa punctum superius d , ex quo suspensa est (suppositum immotum) gyrare conando; erit ad gravitatem absolutam ejusdem portionis, ut constans quædam recta est ad illam ipsam portionem.*

Pergit: *Exponatur hæc (constans gravitationis quantitas) per rectam a .* Sed hic apparet aliqua difficultas, nam hæc *Gravitationis* qua Dd situm verticalem affectat, expositio vel repræsentatio facta

per

TAB. II. ad A. 1699. pag. 88.

Fig. 3.






Fig. 1.



per rectam a , quæ assignabilis assumitur vel ordinaria (quoniam infra dicitur, ipsam erga AD catenam debere esse in ratione δd ad δD seu BD ad BT) concedi quidem posset, si id quod assignabilem ad eandem gravitationem habet rationem, nempe gravitas absoluta ipsius Dd (quæ dicta est esse ad gravitationem ut Dd ad δd , seu ut $T D$ ad BD) etiam exponeretur per rectam assignabilem. Verum id non fit, paulo ante enim gravitas illa absoluta exposita est per ipsam Dd , rectam utique infinite parvam. Alterutra ergo expositio rejicienda est, nec simul stare possunt. Et præterea, si gravitas absoluta ipsius Dd portionis elementaris catenæ, exponenda esset per rectam assignabilem, utique gravitas ipsius catenæ ex infinitis portionibus, qualis est Dd , composita, non posset exponi per lineam assignabilem (ut mox fieri videtur, dum ejus pondus exprimitur per ipsam ejus curvam) sed exponenda foret per lineam infinitæ magnitudinis. Et quid opus erat (nisi ad occasionem propriæ deceptionis) exponere gravitationem illam per rectam constantem assignabilem a , cum exposita jam sit per inassignabilem constantem $d\delta$, quippe quæ gravitationem ipsius Dd (semper eandem) repræsentat, uti Dd exponit vel repræsentat absolutam ejus gravitatem semper pro magnitudine variantem; & quemadmodum mox (licet non recte) dicetur, vim secundum directionem Dd exponi per inassignabilem $D\delta$.

Pergamus cum Dn. Autore: Porro (inquit) ex supra citato Lemmate Mechanico, $D\delta$ sive fluxio Axeos AB exponet vim secundum directionem ipsius dD , quæ priori conatui lineæ gravis dD ad componendum se in situm verticalem aequipolleat, eumque impedire possit. Non satis apparet ex verbis Autoris vel sensus illius Lemmatis mechanici, vel applicatio, ut quod hic affirmatur, inde duci possit. Sed aliunde satis apparet, aliquid erronei subesse oportere. Nam quæ hic affertur repræsentatio vel expositio, cæteris positis admitti non potest. Quoniam enim pondus absolutum ipsius rectæ gravis Dd exponitur per ipsam rectam Dd , ut supra a Domino Autore est assumptum, atq; adeo pondus π normaliter ad Dd applicatum, (quod æquat gravitationem ipsius Dd situm verticalem affectantis,) exponitur per rectam $d\delta$, seu est ad gravitatem absolutam ipsius Dd , ut $d\delta$ ad Dd ; ideo his positis ajo pondus Z seu vim, quæ secundum ipsius Dd directionem impediat gyrationem seu affectationem situs verticalis, non posse repræ-

sentari vel exponi per rectam $D\delta$; pondus enim Z debere esse infinitum; cum quantumcunque sit, modo finita sit magnitudinis, trahendo in directione ipsa Dd non possit retinere Dd in situ presenti, ut jam ab aliis est ostensum. Nempe puncto D semper nonnihil descendente fiet in D angulus aliquis ipsius dD cum filo per quod pondus Z suam tractionem exercet; isque tanto magis obtusus seu ad rectam accedens, quanto majus est pondus Z .

Pergit: *Hac vero vis oritur a linea gravi DA secundum directionem Dd trahente.* Hoc verum est, sed objectionem nostram confirmat. Nam pondus lineæ DA vel dA , est infinitum comparatione ponderis ipsius rectæ Dd , quæ non est nisi infinite parva portio ipsius dA . Cum ergo gravitas absoluta seu pondus ipsius elementaris rectæ Dd exponatur per ipsam rectam Dd ; pondus autem π sit ad ipsum pondus rectæ Dd ut $d\delta$ ad Dd , erit & ipsum pondus π infinite parvum. Sed pondus Z , cum ex Autoxis sententia oriatur ex ipsius catenæ DA pondere, quæ infinities continet Dd , utique infinitum erit respectu ipsorum ponderum Dd & π , adeoque per $D\delta$ exponi nequit, seu non potest esse ad pondera Dd & π , ut recta $D\delta$ ad rectas Dd & $d\delta$.

Estque proinde (pergit) cæteris manentibus linea DA proportionalis. Ne hoc quidem sequitur, si quidem sensus est pondus Z quod retinet rectam Dd in situ suo, directione Dd , esse ad pondera Dd & π ut linea catenæ DA se habet ad ipsas lineas pondera Dd & π exponentes vel repræsentantes. Ostendendum scilicet foret, gravitationem catenæ DA qua trahit Dd in directione dD , absolutæ ipsius gravitati esse æqualem, seu esse eandem, qua traheret, si suspensa esset in Z quod non admittetur.

Concludit tandem Dn. Autor his verbis: *Est igitur $d\delta$ fluxio ordinata ad dD fluxionem abscissæ, sicut constans recta a ad DA curvam.* Vera est conclusio, sed nihil minus quam probata, & mirum est, quam multis opus fuerit assumtis erroneis, ut tandem veritas prodiret. Nam, ut cætera taceam, nunc oportuit ponderis infinite parvi π rationem ad pondus infinite parvum Dd exponi per rectæ ordinariæ a rationem ad rectam infinite parvam Dd ; nunc contra oportuit ponderis ordinarii Z rationem ad pondus infinite parvum Dd exponi per rationem rectæ infinite parvæ $D\delta$ ad rectam itidem infinite parvam Dd , ut tandem

MENSIS FEBRUAR. A. M DC XCIX. 91

dem destruentibus sese erroribus, perveniretur ad modum apparenter concludendi, esse duas lineas infinite parvas δd , δD ut duas lineas ordinarias a & DA. Abusus expositionis inassignabilium per assignabilia (alias permixta & utilis) itemque theorematum mechanici, ut alia taceam, sub specie successus blandiente fefellerunt. Credibile est, ipsum Doctissimum Gregorium hoc posterioribus cogitationibus ingenue agniturum; aut si adhuc dubitat, consulto saltem Celeberrimo Newtono, cujus methodum sequi profitetur, esse crediturum.

JAC. B. CIRCINUS PROPORTIONUM NAUTICUS SCALA *Loxodromica instructus, hujusque fabrica mire facilis,*

GEOMETRÆ Problema de invenienda longitudine puncti in Loxodromia ex ejus data latitudine, eo quod transcendens esse, & a summis secantium dependere animadverterent, haud aliter quam approximando solvere sunt assueti, adhibitis eum in finem Mappis quibusdam seu Tabulis, quas *Latitudinum crescentium* vocant, ex additione plurium secantium satis operose constructis. Solus hactenus rem accurate confecit omni scientiarum laude cumulatissimus Vir Dn. Leibnitius, sed calculi laborem non sustulit, Problemate quippe ad Logarithmos sinuum versorum nondum supputatos redacto, *Vid. Act. Lips. 1691. m. April. p. 182.* Data nuper occasione, cum Positionibus quibusdam de Seriebus infinitis conscribendis occuparer, in modum incidi consequendi quæsitum absque ullo labore; animadverti enim, Scalam Loxodromicam in Logarithmorum quæ vulgo prostant Tabulis ita jam paratam haberi, ut inde non tam calculo erui, quam exscribi solummodo opus habeat. Modus talis: Notentur in columna A arcus Latitudinum seu partes quadrantis ordine per singulos

gradus graduumve minutias a 0 ad 90 (sufficit in adjuncto laterculo rem exhibere in denis gradibus.) His in col. B respondeant totidem partes semiquadrantis a 45 ad 90 differentiis progre-

TAB. II.
Fig. 3,

A	B	C.	dientes, quæ sint semisses differentia- rum columnæ A. Horum posteriorum arcuum exscribantur in col.C. Tangen- tes Artificiales, demto a singulis Loga- rithmo sinus totius; quo pacto parata erit Tabella, significabuntque primæ ad sinistram notæ numerorum col. C, gradus longitudinum integros, & quin- que reliquæ ad dextram punctulis dis- cretæ graduum partes centies mil- lesimas. Respicit autem hæc Tabel- la primario Loxodromiam, cujus
Gr. lat.		Gr. long.	
0	45	0	
10	50	7.61865	
20	55	15.47732	
30	60	23.85606	
40	65	33.13275	
50	70	43.89341	
60	75	57.19475	
70	80	75.36812	
80	85	100.80482	
90	90	Infin.	

angulus cum meridianis est 37. 9. 42, sed aliis interim quibuslibet Loxodromiis facile accommodabitur, si fiat, ut 7572869 tangens anguli prædicti ad tangentem dati alterius cujusvis anguli Rumbici, sic longitudo e regione datæ latitudinis in Tabula reperta ad longitudinem quæsitam. Ut vero & hujus operationis molestia leventur imperiti Nautæ, poterit ex ista Tabella Scala confici, eaque posthac cum linea Tangentium Circinis Proportionum insculpi, hoc fere modo: Linea partium æqualium repræsentet gradus longitudinum eorumque partes; huic adjungatur alia, si lubet, parallela, quæ gradus latitudinum comprehendat, & cujus divisiones sic instituantur, ut decimus gradus latit. respondeat 7. 61865 gradui longit. vicesimus lat. 15. 47732 gr. long. & ita consequenter, prout ex laterculo apparet. Tandem etiam in utrumque Instrumenti crus projiciatur Scala Tangenti-

um cum suis divisionibus, ejusque locus, qui incidit in 37. 9. 42. asterismo notetur. Usus hujus Circini Proportionum talis: Sit ex. gr.

instituta velificatio in Rumbo quinto, h. e. in angulo 56. 15, a 20 latitudinis parallelo ad usque 40^{mum}, & quærat longitudo evariatio: Sumo in Scala Latitudinum intervallum inter 20 & 40, illudque deductis, quantum satis est, Instrumenti cruribus in Linea Tangentium, asterismis applico; mox in hac Linea distantiam accipio inter num.

56. 15 utriusque cruris, eamque in Lineam partium æqualium transfe-

ro; in qua sic abscindet optatam longitudinum differentiam, quæ est

34. 85973 seu 34. 51. 35. Potest vero etiam eadem facilitate conversum Problematis hujus expediri, & ope talis circini Proportionis ex datis latitudinibus & longitudinibus duorum locorum inveniri angulus Rumbi, & si quæ solent alia his affinia inter Nautas Problemata agitari; unde vix aliud simplicius & ad praxin accommodatius adminiculum in usum horum hominum excogitari posse, facile quis sibi persuadeat.

*PHILIPPI A LIMBORCH DEFENSIO CONTRA JOANNIS
van der Wayen iniquam crimina-
tionem.*

Amstelædami, apud Johannem Groenewoudt, 1699, 8. Plag. 7.

IN sua, quam adversus clarissimum Virum, Jo. Clericum, emisit, Dissertatione celeberrimum Wayenum simul in principem hodie Arminianorum Theologum, Philippum Limborchium, insurrexisse, eique, quod doctissimo Burmanno Spinosismi notam plane præter rem impegerit, prolixè exprobrasse, sub finem nostri, quo istam Wayeni adumbravimus Dissertationem, recens superioris anno p. 459. memoratum haberi, Benevoli Lectores deprehendent. Notam ergo isthanc a se removere studet Limborchius in præsentis Dissertatione apologetica, in qua suam ante omnia mentem circa Burmanni cum Spinosa convenientiam declarat, post a seipso Spinosismi suspensionem, qua gravare eum citato loco Wayenus voluit, amolitur, tandemque id, quod iudice Wayeno ipsissimus sit Spinosismus, legitima sequela ex Burmanni potius doctrinis haud difficulter posse elici contendit.

Male videlicet imprimis Wayenum id habuerat, quod Limborchius in Theologia sua Christiana Burmannum, de omnipotentia Divina agentem pleraque ad verbum fere ex Spinosa descripsisse asseruerit, idque impetuofam in innocentem debacchationem vocaverat. Sed ut nihil prorsus a veritate alienum se dixisse monstret Limborchius, ex Spinosa Cogitatis Metaphysicis caput de potentia Dei, & paragraphum de eo, quod est necessarium, impossibile, possibile &

contingens, ex uno; Burmannianam vero de omnipotentia Dei translationem ex altero latere apponit: & post institutam collationem unicuique manifestum fore confidit, Burmannum isto in loco Spinosæ librum omnino ante oculos habuisse, indeque potissimam capitis illius partem descripsisse, nonnunquam verba quædam interpolasse, & nunc quædam omisisse, nunc addidisse, sensu tamen minime mutato, quinimo verba, quibus proprie sententiam suam explicet, sine ulla mutatione ex Spinosa esse mutuatum. Præterea Burmannum sine iudicio Spinosa alicubi secutum fuisse etiam in iis, quibus atheismi sui venenum, sed tectius paulo, insinuarit, affirmasse se nondum dissimulat, sed ad duo solum Burmanni effata id restringendum addit, quando nempe semel, totam rerum naturam non esse nisi unicum ens; & iterum, quando Deum ordinaria potentia secundum leges naturæ nobis notas, extraordinaria vero secundum eas, quæ nobis notæ non sint, operari is docuerit. At ista ratione Burmannum a se Spinositam pronunciari penitus inficiatur, quandoquidem ex eo quod Spinosa ille sine iudicio alicubi secutus fuerit, minime inferre liceat, quod penitus in castra ejus transiisse dicendus sit; quin potius ignarum modo, quid Spinosa animo voveret, non satis considerasse ait ejusdem phraseologias, quibus venenum opinionis suæ occultarit.

Deinceps nucleum Spinositimi vocaverat Wayenus doctrinam, quæ statuatur, omnia ex natura Dei emanasse, ut aliter se tota rerum universitas per naturam Dei habere non potuerit, quam habeat in præfenti. Huic vero obnoxium statuerat Limborchium, cum hic conceperit ideas rerum præter Deum, quæ decretum omne prævertant; hoc ipso namque eundem infert statuere, Deum non potuisse non agere juxta illas ideas, eumque totam hanc universitatem aliter creare non potuisse, quam secundum ideam non libere formatam, sed sibi naturalem, ac proinde non aliam, quam nunc est; quod quo tendat, nemini, nisi qui Spinositimum nesciat, obscurum sit. At enimvero prout heic sibi gratulatur Limborchius, quod argumentum, quo ex sententia sua Spinositimum elicere conetur Wayenus, in omnes directum sit Theologos, cujuscunque sententiæ & sectæ inter Christianos, quippe qui omnes præter scientiam visionis in Deo statuunt scientiam simplicis intelligentiæ, qua is seipsum cognoscat & omnia possible, quæque scientiam visionis, qua, quicquid libere decreverit, ac
virtu-

virtute decreti Divini futurum sit, omnino norit, ordine naturæ procul dubio præcedat, unde omnes certe in Deo ideas decreta ejus prævertentes promittissime admittant: ita nullam esse respondet hanc consequentiam, si colligas, eum, qui concipiat ideas rerum præter Deum, quæ decretum omne prævertant, una statuere, Deum non potuisse non juxta ideas illas agere. Ideas namque has, quæ in Deo concipiantur, non esse rerum futurarum, sed possibilitium tantum, hoc est, quæ virtute potentia Divinæ infinitæ fieri possint. Intelligere nempe & novisse Deum, quicquid facere queat, licet hoc non decreverit, nec unquam facturum sit. Cum autem infinita sit varietas eorum, quæ Deus facere se posse novit, pro liberrima sua voluntate eum id tantum decernere & in tempore creare, quodcunque placuerit. E quibus singulis affatim patere autumat, quod Deo summam decernendi atque operandi libertatem adscribat, proculque adeo ab omni Spinosismo recedat. Addit interim, Deum, quando ista sua libertate utatur, non posse tamen quidpiam decernere, quod manifestam in se contineat repugnantiam, hoc est, talia, in quibus, quando a nobis concipiuntur, pugna evidens appareat; qualia sint non ea solum, quæ naturali ejus perfectioni & attributis repugnent, sed etiam omnia, quæ terminorum contradictionem aut manifestam habeant, aut eam ad minimum involvant. Quam doctrinam minus sane reprehendendam dicit, & ab objectionibus Wayeni paulo uberius defendit, clarissimeque apparere arbitratur, quod assertionem, Deum omnium rerum causam emanativam esse, ne per millesimam quidem consequentiam elicere exinde liceat.

Vicissim vero ex doctrina Burmanni facilem dari ad Spinosissimum descensum ait, cum juxta hanc voluntas Divina ipsa Dei sit essentia, sit æterna ac necessaria, de qua Burmannus neget, quod potuerit non esse. Equidem ostendere ipsum refert, quomodo sit libera, quatenus nimirum Deus non tantum non sentiat, se ab alia vi externa determinari, sed etiam revera non determinetur, aut determinatus, sed a seipso solo sit. Verum & Spinosæ Deum, qui omnium rerum causa perhibeatur emanativa, ut talem describi respondet, istaque ratione difficultatem nondum auferri colligit. Longius tamen abesse a se cupit, ut istud, quod legitima sequela ex Burmanni sententia deducat, ipsi tanquam sententiam, quam agnoscat & defendat, impu-

tet;

tet, cum consequentias a sententia, quæ iis gravetur, accurate discernendas esse, nunquam non docuerit.

LIBRI NOVI.

- A**nnales Vellejani, Quintilianei, Statiani. Seu Vita Velleji Paterculii, M. Fabii Quintiliani, P. Papinii Statii, obiterque Juvenalis; pro temporum ordine disposita ab Henrico Dodwello. Oxonii e Theatro Sbeldoniano, 1698. 8.
- Johannis Lightfooti Opera Posthuma, antehac inedita. Ultrajecti apud Guil. Brædelet, 1699. fol.
- Johannis Sauberti F. De Sacrificiis Veterum Constatanea Historico-Philologica, & Miscella Critica; nec non de Sacerdotibus & Sacris Hebraeorum Personis Commentarius singularis. Quæ Thomas Crenius recensuit, emendavit, & præfatione, notis, ac plenioribus indicibus auxit. Lugd. Bat. apud Jord. Luchtmans, 1699. 8.
- Histoire de Ferdinand-Alvarez de Toledé, premier du nom Duc d'Albe. A Paris, chez Jean Guignard, 1699. 12.
- Memoires Politiques pour servir à la parfaite intelligence de l' Histoire de la Paix de Ryswick. Par Mr. Du Mont. A La Haye, chez François Honoré & Erienne Foulque, 1699. 12.
- Relation du Voyage de Mr. Evert Isbrand Envoyé de sa Majesté Czarienne à l'Empereur de la Chine en 1692, 93, 94. A Amsterdam, chez Jean Louis de Lorme, 1699. 8.
- Relation d'un Voyage fait en 1695, 96, 97 aux cotes d'Afrique, detroit de Magellan, Bresil, Cayenne & Isles Antilles, par M. de Gennes. Faite par le Sieur Froger. A Amsterdam chez les Heretiers d'Antoine Schelte, 1699. 12.
- Recueil de divers Traitez de Theologie Mystique, qui entrent dans la celebre dispute du Quietisme. Avec une Preface, ou l'on voit beaucoup de particularité de la Vie de Madame Guion. A Cologne, 1699. 12.
- Relation curieuse & nouvelle de Moscovie. A La Haye chez Meyndert Uytwerf, 1699. 12.
- Traité de la Vie Chrétienne, traduit del' Anglois du Docteur Scot. A Amsterdam, chez Henri Desbordes, 1699.

* * * * *

ACTA ERUDITORUM

Publicata Lipsiæ

Calendis Martii, Anno M DC XCIX.

*FRANCISCI MAUROCENI PELOPONNESIACI, VENETIA-
rum Principis, Gesta. Scriptore JOANNE GRATIANO
BERGOMENSI, D.*

Patavii, ex typographia Seminarii, 1688, in 4. Alph. 2. pl. 6.

Quemadmodum inter illustrissimas Serenissimæ Venetæ Reipublicæ gentes, a primis ejus incunabulis ad hæc usque tempora, Maurocena domus eminuit: ita ex hac nemo forte seu meritis in patriam, seu gloria ac celebritate nominis, major Francisco nostro extitit, cujus res gestas Historiographi non pauci attigerunt hætenus ac illustrarunt sparsim, nunc justis commentariis, dubium stylo elegantiore an graviori judicio compositis, Joannes Gratianus, Vir Clarissimus, complexus est. Ac de familiæ quidem splendidissimæ decore jam a libi quædam dicendi nata nobis fuit occasio, tum cum primis, cum *Maurocenam Megaloprepeiam*, seu *Mauroceniadum Fastorum libros ab Antonio de Grassis editos*, in Actis hisce A. 1683, p. 299 recenseremus. Nunc vero, dum Francisci Mauroceni gestorum Historia recentissima perlustranda nobis offertur, tanti Herois insignia plane omnique posteritatis memoriæ merito consecranda facinora prolixius prædicandi foret opportunitas, si quidem id instituti nostri ferret ratio: qui non tam illustrium virorum adornare elogia, quam quæ ad doctrinæ & eruditionis profectum pertinent, utcunque literis consignare consuevimus. Itaque nonnisi summa rerum a Peloponnesiaco nostro gestarum capita indicabimus, Lectore Historiarum cupido ad ipsos Gratiani disertissimi Commentarios, quos perlegisse integros neminem pœnitebit, ablegato.

Lib. I.

Editus est in lucem Franciscus Maurocenus Venetiis anno properantis nunc ad finem seculi decimo octavo, Petro Mauroceno D. Marci Procuratore patre, matre Maria, ex ejusdem nominis familia. Cum juventam honestissimarum quarumque artium, bellicarum cum primis, quarum studium acerrimum jam in puero emicuit, cultu transegisset, anno ætatis vigesimo militiæ navalis tyrocinia auspiciatus est: quo tempore Serenissima Respublica aperti quidem belli immunis, cum piratis tamen colluctabatur. Ast postquam A. 1645 gravissimum cum Turcis Cretæ subjugandæ libidine incensis bellum, exarsisset, tum vero latissimus campus, in quo fortitudinis prudentiæque illustria documenta ederet, Nostro se aperuit: qua occasione tam gnaviter etiam fortunateque fuit usus, ut per omnes munerum militarium gradus, ad supremum Imperatoriæ dignitatis fastigium, paucorum annorum spatio fuerit enixus. Anno nimirum 1646 ad quinqueremis regimen evectus, mox A. 1647 Præfectorum navium vicem per aliquot menses sustinuit. A. 1649 Adriatici sinus suscepit custodiam, eaque strenue defunctus, A. 1650 quinqueremium Præfecturam adeptus est. Cum vero A. 1651 in celebri supra Paron insulam, Aloysii Moecenici Imperatoris auspiciis conferto cum Turcis maritimo prælio, ea usus felicitate fuisset, ut Prætoriam Turcarum navim, ac in ea celeberrimum illa tempestate archipiratam Nicolaum caperet, A. 1652 Præfectus classis, quod præstantissimum, post Imperatorium, munus est, fuit constitutus. Anno 1655 summam Cretæ insulæ administrationem suscepit, biennio post supremi Imperatoris dignitate, summa classis perinde ac terrestris exercitus cum latitia ac applausu, condecoratus. His muneribus quam dextre, quantaque vi animi ac providentia præfuerit, latius Auctor gravisissimus edisserit. Neque sic tamen evitare Maurocenus potuit, quin post absolutum A. 1661 Imperatorii Magistratus curriculum Venetias reversus, invidorum censuram ac obrectationem subiret, mittendusque in Græciam a Senatu Quæstor fuerit, qui judicium more recepto institueret: sed eo denique eventu, ut post redditam rei administratæ rationem, Mauroceni gesta probarentur Senatus universi suffragiis, accusatores vero calumniæ nota mulctarentur.

Lib. II.

Inter hæc bellum Creticum visum est paulatim deferverescere, quod Turcæ novum adversus Augustissimum Romanorum Imperatorem

rem bellum meditarentur. Quod cum A. 1663 in Pannonia erupisset, Venetique Foro-Julii non sine causa metuerent, isti provinciae Maurocenus praefectus est. Ast bello Hungarico subita & inexpectata pace A. 1665 composito, cum Turcae vastissimi Imperii vires ad expugnandam tandem Cretam, urbem insulae cognominis principem, colligerent, Mauroceno primum quidem classis Praefectura, mox iterum summum terrestris maritimique exercitus Imperium, & Cretae urbis adversus vim Barbarorum propugnandae cura commissa. Nec multo post celeberrimum illud ac memorabile Cretae coepit obsidium, quo intra viginti & octo menses, Turcarum centum & viginti millia, triginta millia Christianorum occubuisse feruntur. Nec armis utrinque magis, quam ingenio certatum & consiliis, cum hinc Maurocenus inusitata dexteritate vique animi incredibili urbem tutaretur: inde Achmet Kiuperli, Regii Sigilli Custos, quo prudentior Regni administrator nunquam Turcis obtigerat, nihil artis poliorceticae omitteret. Fidem etiam Mauroceni ab Achmete tentatam Gratianus noster memorat, promisso illi, si urbem dederet, Valachiae & Moldaviae Principatu; sed frustra, Mauroceno oblata generose nec sine irrisione Achmetis respuente. Nec erat certe, cur a Barbaris dignitates perfide quæreretur, quas promereri a Republica patria honestis artibus poterat; a qua, dum obsidionem adhuc strenue sustentaret, Procuratorio D. Marci munere, insolito plane exemplo, extra ordinem nempe & supra numerum, fuit ornatus. Nihilominus cedendum vi majori ad extremum Mauroceno fuit, inprimis postquam postremae Gallorum suppetiae, a quibus conservandae urbis spes unice pendebat, in irritum cecidissent, & quae saluti urbis paratae erant, adversantibus factis vertissent in exitium. Sex millia selectissimorum militum Rex Galliae Potentissimus, pro singulari in Rempublicam Venetam ac rem Christianam studio, sub ducibus Bellisfortio & Novalæo, subsidio obfessis miserat, validam utique manum, & qua servari urbs potuisset, si morae patientes utcunque auxiliares copiae fuissent. Ast dum Gallii nimia virium suarum fiducia uni praelio summam rerum committunt, ac Mauroceno nequicquam revocante, improvide Turcarum castra facta eruptione invadunt, ac latis quidem initiis usi, sed casu fortuito perturbati, clade atroci, ipso Bellisfortio amisso, afficiuntur, moxque primo impetu ac fervore in trepidationem desinente, nullis Mauro-

ceni precibus detineri se patiuntur, sed reditum in patriam, deserta & libidini velut hostium exposita Creta, festinant, actum de urbe erat. Tametsi enim aliquo adhuc spatio Maurocenus obsidionem sustinuit, tandem tamen, quod metuendum esset, ne urbs a sociis deserta, cum præsenti totius exercitus & clasfis exitio in hostium potestatem concederet, & ex adverso honestam pacem, qua Respublica vel maxime tum indigebat, dedita urbe obtinendi spes affulgeret, cum Turcis pacisci, quam extrema experiri, & majori periculo objicere Rempublicam Maurocenus maluit. Itaque tandem Nonis Septembris A. 1669 pax his præcipue legibus coaluit, ut Creta, opibus, milite, com meatu de vectis, Turcis traderetur; Veneti littorales arces in insula Hieræ, Spinalongæ, & Garabufarum obtinerent, iisdemque firma Clisæ & oppidorum, quæ superioribus annis Veneti duces in Illyrico occupaverant, esset possessio. Hic exitus belli viginti quinque annorum fuit. At Maurocenus, tametsi pax Senatus-Consulto probata esset, ingens in patriam redux discrimen subiit, in publicis comitiis, cum omnes Patriciorum Ordines ad destinandos Magistratus simul convenissent, ab Antonio Corratio acerba oratione non uno crimine postulatus. Urbem tanti momenti hostibus inconsulto Senatu deditam exprobrabat accusator, sed maxime initam privata auctoritate cum Turcis pacem, quod non nisi Principis & Reipublicæ auspiciis fieri debuisset: postulabat etiam, ut Procuratorium munus extra ordinem & vitio collatum Mauroceno abrogaretur. Ita indictum denuo iudicium, Francisco Eritio Quæsitore declarato, detentusque in curia, velut honesto carcere, Maurocenus. Nec illi tamen defensores defuerunt, e quibus Joannes Sagredus in primis & Michael Fuscarenus causam ejus egerunt, eo successu, ut ad extremum omnium votis absolveretur, nihilque effectum aliud ab æmulis fuerit, quam ut Mauroceni nomen tanto magis inclaresceret.

Lib. III.

Inde duodecim annorum quiete Serenissima Respublica gavisata est, donec arma iterum experiundi opportunitas se obtulit. Turcæ injustissimo bello Cæsarem Augustissimum Leopoldum A. 1682 fuerant aggressi, tanto quidem apparatu viribusque, ut ipsam regiam Viennam obsidere non dubitarent, vastissima ac Orbi Christiano universo exitium minitanti consilia mente complexi. Sed res aliter ceciderat, pulsas Viennæ Turcis, inque eum jam reductis statum, ut abjecta aliq-

aliena invadendi libidine, sua ægre tuerentur. Itaque Veneti, ut sibi olim nuperque illatas a Barbaris injurias ulciscerentur, A. 1684 ad foedus cum Cæsare ac Johanne III. Poloniarum Rege ineundum, armorumque adversus Turcas societatem, facile adduci se passi sunt, Mauroceno nostro tertium supremo Imperatore declarato. Neque is recusare munus arduum & periculi plenum sustinuit, septuaginta licet annorum ætate gravis, sed animo vegeto magnisque ausibus haudquaquam impare. Et primo quidem Leucadiam insulam (*S. Mauri*) ac in ea Leucadem arcem visum est invadere, qua capta firmataq; præsidio, Nicopolis (*Preveza*) etiam, quam olim Octavius Cæsar Augustus in Actiacæ victoriæ monumentum in faucibus Sinus Ambracii condiderat, pari felicitate in potestatem redacta est. Sic auctis ex successu animis, in ipsam Peloponnesum A. 1685 decreta expeditione, Corone (*Coron*) primum, quæ urbs ad Sinum Messeniæ sita est, obsessa, cumque Turcarum exercitus, qui ex universa Peloponneso collectus in vicinis castris confederat, fusus fugatusque esset, aperta aggressione expugnata est ac direpta; mox & Zarnata, Tanariorum imprimis, qui Turcici jugi dudum impatientes Venetis se addixerant, ope occupata. A. 1686 Pylus (*Navarino*) primo deditione capta, inde Methone, (*Modon*) ac Nauplia (*Napoli di Romania*) denique ipsa, post iterata vice profligatum, qui suppetias obsessis moliebatur, Turcarum exercitum occupata. Quo tempore Senatus, Imperatoris victorias & merita muneraturus, Petrum Maurocenum, illius ex fratre nepotem, Equitem D. Marci creavit, addito decreto, ut major natu ejusdem familiæ dignitate illa tanquam perpetuo patrimonio fueretur. A. 1687 profligatis denuo terrestri prælio Turcis, Patræ (*Patras*) sub obsequium redactæ, & victoria victoriam trudente, Naupactus (*Lepanto*) etiam subacta, eo Senatus Veneti applausu, ut & Peloponnesiæ cognomen Mauroceno decerneret, & æream ejus effigiem, qualis honor nemini vivo unquam antea obtigerat, in Decemvirorum æde collocaret, inscriptis verbis; *Francisco Mauroceno Peloponnesiæ adhuc viventi Senatus posuit Anno M DC LXXXVII.* Quin & latius propagati eodem anno Venetæ ditionis fines. Nam & Corinthus, a Turcis quidem deserta ac diruta, cumque ea celebris Isthmus, per quem unum terrestribus copiis in Peloponnesum aditus patet, in potestatem pervenit; & Sparta etiam, Thyrea, denique &

Lib. IV.

N 3

Athenæ

Athenæ ipsæ Venetorum imperio subiectæ. Cujus rei ut perpetuum extaret monumentum, Maurocenus duo spectabilis magnitudinis, Leonis & Leænæ, simulacra marmorea, extremo in littore reperta, Venetias transmisit, quæ Senatus ante Navalis fores utrinque collocari jussit, inscriptis verbis, hinc quidem: *Franciscus Maurocenus Peloponnesiacus, expugnatis Athenis, marmorea Leonum simulacra, triumphali maxime Piræo direpta, in patriam transulit, futura Veneti Leonis, que fuerant Minerva Attica, ornamenta*; inde vero: *Atheniensis Veneta Classis trophæa Veneti Senatus decreto in Navalis vestibulo constituta, Anno Salutis M. DC. LXXXVII.* Ita surgente indies Mauroceni fama, cum M. Antonius Justinianus, Venetorum Dux, supremum diem obiisset, successoris in tanto munere electio minime difficilis Patribus obtigit, quod universi populi vox esset, negari hanc dignitatem Mauroceno nisi summa cum injuria non posse. Itaque Princeps Reipublicæ Maurocenus consentientibus omnium suffragiis declaratus, prorogato simul ei supremi Imperatoris bellici munere. Enimvero, cum illud jam fastigium, unde altius eniti non poterat, duce virtute, comite fortuna conscendisset, non virtus quidem, at fortuna subito velut deseruisse eum visa est. Constituerat invadere Eubœam insulam, ut & firmaret Peloponnesum, & ad majora viam sterneret. Et actum de insula erat, si Chalcide (*Negroponte*) urbe ejus principe potiri potuisset. Sed eam adversus vim facile prævisam tanto studio Turcæ, imposito sex millium & Prætorianis maximam partem selectorum militum præsidio communiverant, ut exteriora quidem munimenta cesserint Venetis, urbs ipsa omnem vim artesque obsidentium eluserit. In ea obsidione Otto Guilhelmus Comes Königsmarckius, quo adjutore præcipuo in subjuganda Peloponneso usus Maurocenus fuerat, fatis cecidit, non hostium quidem armis sed morbi sævitia confectus; cui, quod non exterorum minus quam civium præclara facta monumentis publicis cohonestanda censeret, decretum a Senatu simulacrum ex marmore, Venetiisque in vestibulo Navalis collocatum. Sed & Duces terrestres reliqui tantum non omnes cum magno gregariorum militum numero occubuerunt, seu morborum asperitate, seu vi doloque hostium, ut ad obeunda extinctorum munera classem etiam Navarchi advocandi fuerint. Unde cum postrema etiam eaque longe acerrima aggressio, rejectis magna cum clade Venetis, pessime cecidisset,

disset, solvendum denique obsidium fuit, tanto Mauroceni mœrore, ut in ancipitem morbum inciderit, tandemque animo & corpore æger in patriam reverti constituerit, Hieronymo Grimano summa rerum, annuente Senatu, commissa. Nec dici tamen potest, quanta Procerum Populique latitia ac honoris significatione A. 1690 redux fuerit exceptus, clade postrema tot antegressis victoriis abunde pensata; a Pontifice etiam Romano Alexandro VIII, velut propugnator Fidei, galea & ense quem honorem hoc ævo uni Johanni III Poloniarum, Regi, ob vindicatam obsidione Viennam, collatum ab Innocentio XI fuisse, Gratianus innuit) donatus. Ast ne sic quidem bellicæ gloriæ satur adeo Heros noster fuit, quin recuperata valetudine & instauratis paulatim viribus, armorum cupiditate in extrema senectâ arderet, delatumque a Senatu Imperatoris munus A. 1692 quartum susciperet, quod reliquum vitæ erat patriæ saluti impensurus. Ac ostendit utique in senili corpore juvenile robur, pristinoque vigore administravit provinciam, donec in ægitudinem Naupliæ denuo incidit, eaque oppressus die denique sexto Januarii, A. 1694 vitam cum morte commutavit, cum sex & septuaginta annos vivendo explevisset. Quam magnifice funus tum Naupliæ, tum Venetiis ductum defuncto fuerit, & quam augustum monumentum ad ipsum supremarum ædium vestibulum a Senatu constructum, dicere superfedemus; nec temperare tamen nobis possumus, quin ultima, quibus opus suum Gratianus ipse obsignavit, verba, breve Mauroceni sed nervosum elogium complexa huc transcribamus. *Hic, inquit, Francisci Mauroceni exitus fuit; qui post ætatem inter castrensia munia juvenilem ætatem, prospere gestas Navales omnes Præfecturas, urbem Cretam triennio defensam, perdomitam Peloponnesum, atque illustratum victoriis Orientem, quater summus exercituum Imperator, bis simul Imperator exercituum ac Reipublicæ Princeps, inter ipsos armorum motus pene octogenarius occubuit. Proinde crediderim tanto Duci optime consuluisse Naturam, ut tunc demum eriperetur, cum, quicquid fere humanitas capiebat, rerum egregie gestarum gloria complevisset.*

JO. LIGHTFOOTI OPERA POSTHUMA
ante hæc inedita.

Ultra-

Ultrajecti, apud Guil. Brœdelet, 1699, in fol.
Alphab. 2. plag. 8.

- C**um Londinensem Operum celeberrimi Lightfooti editionem, Anglico sermone A. 1684 adornatam, ad Acta nostra A. 1686. p. 120. sq. referremus, scriptorum simul aliquot, quæ imperfecta ab ipso relictæ fuerint, mentionem iniecimus, vix tunc opinati, fore, ut & ea aliquando in lucem protraherentur. Sed noluit ista aliaque ejus generis plura blattis tineisque in prædam concedere meritissimus jampridem de Lightfooti Manibus Johannes Strypius; unde ea, & Latina quidem singula, in peculiare volumen constipata, separatim excudi fecit. Utut enim pleraque eorum mutila esse, & ad optatum finem haud perducta, minime diffiteatur; quidpiam tamen opusculorum Viri adeo docti perditum iri indignatus, fragmenta etiam hæc & analecta dignam apud Eruditos æstimationem habitura, nullus dubitat. Quæ ergo illa sint, & quo se ordine excipiant, Benevolo Lectori indicare nostrum arbitramur. Comparent nempe heic 1. *Αἱ Ψαρά* de rebus ad versionem Septuagintaviralem Græcam spectantibus, quæ nitide ac eleganter ab Autore descripta fuisse testatur Editor, ratus, quod suasu forte Buxtorfii, peculiarem de ista versione librum edere Lightfootus constituerit. Fragmenta vero hæc aliquod illius examen complectuntur, ejusque a textu Hebraico discrepantiam cum erratis aliis recensent, ac
19. splendidum, quo eam Josephus mactavit, elogium explodunt. 2. Versiones Prophetarum minorum Græca & vulgaris, nec non Targum cum Hebræo fonte collatæ. 3. Vestibulum, quod audit, Talmudis Hierosolymitani, sive pauculæ quædam de nominibus ac terminis nonnullis in Talmude frequenter occurrentibus observationes. 4. Index Talmudis Hierosolymitani, verum ille modum imperfectus. Præterquam enim quod e classibus Talmudis istius quatuor, priores tantum tres summatim exhibet, ne has quidem singulas quoad tractatus suos omnes sistit. Cum enim prima classis contineat tractatus undecim, usque ad septimum duntaxat Index hic pertingit, & ex secundæ tractatibus duodecim, similiter nonnisi septem delineat. 5. Fragmenta terræ sanctæ Historico-chorographica & topographica, in quibus nonnihil de spatio terræ sanctæ, deque locis quibusdam Judææ, de Galilæa item ejusdemque oppidis differitur, & cum infanda olim fuerit

fuerit apud Judæos urbs Roma, & hac de re nonnihil additur, quod-
 que Petrus ibi sedem suam fixam habuerit, negatur. 6. Tractatus
 de Spiritu Prophetiæ, ubi Autor donum hoc inde ab Adamo continua-
 tum docet, usquedum Canon Veteris Testamenti perfectus signatus-
 que fuerit; qua occasione paucula de Urim & Thummim inspergun-
 tur. Defunctis autem Prophetis, & recedente jam a populo Spiritu
 Prophetiæ, grande istud traditionum mysterium a mendaciorum Pa-
 tre excogitatum refert; ast exoriente Evangelii aurora, lucem quo-
 que Prophetiæ denuo exortam increbuisse indies, donec tandem con-
 signaretur Canon Novi Testamenti, a quo tempore, veluti non amplius
 necessaria, rursus evanuerit. Decedentis ab Ecclesia Judaica Spiritus
 Sancti mentio dum fit, Hierosolymitanum una excidium conside-
 ratur, eique annus Vespasiani secundus, ex quo nempe is declaratus
 Imperator fuerit, assignatur. 7. Memorabilia quædam sub Esra &
 Synagoga ejus magna, ad duplicem Synchronisum digesta. 8. Cum
 olim præ omnibus Academia Judaicæ sedibus imprimis claruerit urbs
 Jabneh, quorsum Hierosolymis excisis ut Synedrium transferretur,
 Rabban Jochanan ben Zaccai a Tito victore impetraverit, hinc histo-
 riam Academia illius chronologice recensere Lightfootus instituit;
 verum vix usque ad tertium, qui illic præsedit, Magistrum progres-
 sus est. Sequuntur 9. annotationes Talmudicæ in quædam loca,
 Geneseos, Exodi, Numerorum & Josuæ. 10. Pauca interserenda in
 quædam Horarum Hebraicarum & Talmudicarum loca, utpote ad
 Matth. XXI, 1. XXII, 35. Luc. XII, 12. Act. VII, 2. Rom. VIII, 22. 23.
 XI, 25. 26. De concione ad Clerum in visitatione quadam Episcopali
 habita, quæ mox subsequitur, & de oratione, qua solennia Academia
 Cantabrigiensis comitia A. 1655 Autor auspicatus est, quæque una
 cum duarum quæstionum: utrum status integritatis status immorta-
 litatis fuerit? & utrum in Veteri quoque Testamento vita æterna pro-
 missa habeatur? determinatione affirmativa, sub numero duodecimo
 apponitur, plura dicere haud attinet. Brevissima sunt, quæ dehinc
 leguntur, lemmata de creatione, & hæc Editor pro specimine habet
 istarum accessionum, quibus enarrationes suas in Genesin & cæteros
 Veteris Testamenti libros Anglice quondam editos augere occæpe-
 rit. Itinera & mansiones Israelitarum in exitu ex Ægypto (quæ in-
 scriptio est tractatus decimi quarti,) pariter brevissime delineantur.

O

Nec

130. Nec adeo prolixa sunt, quæ 15. ad quatuor priorum capitum Hoseæ dilucidationem cumulantur, annotata. 16. Verba Johannis Cap. XIII, 27. 30. de ingressu Satanæ in Judam post sumtam offulam factò, deq; mox suscepto ab hoc e Christi & Apostolorum reliquorum consortio egressu illustraturus, cœnam illam, in qua Judas offulam acceperit, non fuisse cœnam Paschalem, sed ordinariam, Bethaniæ duabus ante Pascha noctibus habitam, contendit. Accedit 17. assertio, quod Apocalypseos autor utique sit Johannes Apostolus & Evangelista; 18. collectio promissionum Divinarum Judaicæ Ecclesiæ factarum ultimisque diebus implendarum ex Prophetis; 19. Liturgiæ S. Jacobi Rejectionio. 20. Fragmenta quædam Historiæ Romanæ & Christianæ de rebus & personis quatuor primorum seculorum, utpote de assumptione Virginis Mariæ in cœlum; de regno Vespasiani, Nervæ, Trajani, Hadriani, Diocletiani; de Plutarcho, Clemente Romano de Constantini M. prosapia, nativitate, educatione, &c. de Ario hæretico, de Concilio Nicæno, & similibus. Ultimum denique locum sortiuntur epistolæ aliquot ad Lightfootum perscriptæ a Jo. Buxtorfio, Frid. Miegio, Jo. Henr. Otthone, Br. Waltonò, Edmundo Castello, Samuele Clarckio, Jo. Worthingtone, Herberto Thorndikio, Jacobo Calverto, Thoma Bridge, Eduardo Bernardo, Thoma Brogravio, Rowlando Cottone, quibus nonnunquam responsoriæ Lightfooti subjiciuntur.
- 170.

NICOLAI GÜRTLERI, SS. THEOL. D. ET PROFESS. ILLUSTRISQUE GYMNASII BREMENSISS RECTORIS, VOCUM TYPO-PROPHETICARUM BREVIS EXPLICATIO.

Bremæ, apud Hermannum Brauerum, 1698. in 4.
Alphab. 1. plag. 8.

Qui ex editis in lucem publicam jam ante annos aliquot Institutionibus Theologicis, a nobis A. 1694. p. 346. seqq. late recensitis, Orbi erudito inclaruit Maxime Reverendus Görtlerus, scripto nunc præsentì, quod ad Philologiam sacram pertinet, non Studiosæ modo Juventuti, cui in illustri Gymnasio Bremensi (in hoc quippe ex Athenæo Hanoviensi traductus,) præest, sed aliis etiam, hoc literarum genere qui delectantur, prodesse voluit. Cum enim probe animadverteret, ei, qui Prophetarum oracula tractare feliciter ac dextre velit, duo

duo præcipue agenda incumbere, unum, ut in vocum emblematicarum, quibus Spiritus Sanctus utitur significationem veram curiose inquirat, non aliter, ac a Latini libri Lectoribus requiratur, ut Latinæ linguæ genium penitus perspiciant; alterum, ut integrum quoddam & universale Theologiæ Propheticæ Systema animo complectatur, quod ubi recte efformatum fuerit, particulares prædictiones facilius & cum minore errandi periculo ad sua loca & tempora dirigere quisque valeat: idcirco in conatus prioris Specimen Tractatum hunc composuit. Henricum quidem Morum, Theologum illum & Philosophum Anglum eruditissimum, in Alphabeto, quod appellet, Propheticonum iconismorum, circa hunc laborem jam olim occupatum se gessisse haud dissimulat, ast nimiam tamen ejus brevitatem accusat, opusculumque universum paucissimis absolvi plagulis conqueritur. Ipse ergo operam hanc in se suscepit, & justo studio voces typicas (sub quibus figuratas etiam & tropicas complectitur,) Propheticasque in utroque Testamento occurrentes excussit, earumque sensum atque usum pro ductu ordinis alphabetici exposuit. Latino autem idioma te qua libet primum allegavit, Hebraicasque mox aut Græcas, quas in fontibus adeptæ illæ fuerint, appellationes subnexuit, & quot unaquæque significationibus in Sacris gaudeat, ostendit, Joannem maxime Coccejum secutus, ex cujus scriptis præclare se adjutum profitetur. Interea suam hanc industriam adeo absolutam esse sibi ipsi minime persuadet, ut ei, qui in campo tam lato, tamque amœno & fertili exspatiari latius voluerit, inventis addere quid difficile futurum sit. Ast majorem tamen rerum copiam, quam verborum numerum, heic ab æquis rerum æstimatoribus deprehensum iri, nullus dubitat. Ampliorem de cætero vaticiniorum singulorum interpretationem tradere, consulto omisit, quippe quam & ab instituto isthoc alienam, & in alia potius tempora differendam existimavit.

EUSEBII ROMANI AD THEOPHILUM GALLUM EPI-
stola de Cultu Sanctorum igno-
rorum.

Parisiis, apud Petrum & Imbertum de Bats, 1698. 4. Plag. 4.

Quartus jam annus agitur, ex quo in agro Vefontionensi tumulus
 O 2 ma-

magnæ molis defossus est, inque eo locus plumbeus humanum cadaver continens repertus, inculpta lapidi hac inscriptione:

AVE. EV SEBI

CASONIAE. DONATAE. QUAE. VICXIT. ANNIS

XXXXVII. . . D. XI. HORIS. IIII. CANDIDVS. AVG.

PII. VERNA. EX. TEST. CONJVGI. BENE. MERENTI

POSVIT. EVSEBI.

HAVE. ET. VALE

LOC. LIB.



& apposito quatuor in locis signo, hic adscripto, quod crucem notare poterat videri. Dein sub initium anni superioris Ambiani sepulcrum aliud detectum est, cum inscriptione, quæ Faustiani cujusdam, *in pace*, ut verba se habent, *requiescentis*, epitaphium exhibet, supposito signo crucis in medio duarum hinc inde columbarum.

De his duabus Inscriptionibus ut sententiam suam diceret, rogatus ab amico Johannes Mabillon, Benedictini ordinis Monachus ac hoc tempore decus eximium, fuerat. Nimirum num corpora in illis tumulis inventa Christianorum sint, an Paganorum? &, siquidem Christianorum, an Sanctorum habenda sint, iisque cultus impendi possit, qualis corporibus Sanctorum Roma advehtis in quibusdam Gallicanis ecclesiis impendi soleat? Porro, cum mos invaluerit, ex subterraneis, quæ Romæ sunt, & *Catacumba* vulgo vocantur, cœmeteriis eruta defunctorum corpora publicæ fidelium venerationi exponi, in ecclesias solenni pompa inferri, illorumque velut Sanctorum festa summo cultu celebrari; de eo etiam rogatus erat, ut iudicium suum exponeret. Ita nata Mabillonio præsentis epistolæ occasio, qua assumpto *Eusebii Romani* nomine, ad utrumque quæsitum candide respondet, facto a posteriori initio.

pag. 15. Ut rectius sententia illius innotescat, lubet ipsa ejus verba, quibus totius negotii modum ac ritum exponit, præmittere. *Præmissis*, inquit, *nonnullis precibus, si quis tumulus in Romanis illis antiquis cœmeteriis nondum reſeratus occurrit, cum Christi monogrammate, cum signo palma, columba, pastorisve, aut aliquo consimili, tumulus ille detegitur, hominis conditi ossa e tumulo efferuntur; tumque pro certo indicio sanctitatis habetur, si nomen aliquod quomodocumque lapidi inscri-*

scriptum sit, vel vasculum vitreum, sanguine, ut creditur, intinctum, in sumulo reconditum habeatur. Dehinc ossa lavanda traduntur certis ministris ad hoc deputatis, quibus lotis Cardinalis Vicarius, vel Episcopus, sacrarii Apostolici praefectus, Augustinianus nomen Sancto imponit, si nullum habet, & in cistam obsignatam reponit. Denique litera testimoniales dantur ab eodem Episcopo, vel a Cardinale Vicario, eo spectantes, ut haec reliquia in ecclesia quavis vel oratorio publica venerationi fidelium exponantur. Si corpus sit integrum, haec litera a Cardinale Vicario dari solent: si tantum corporis particula, ab Episcopo sacrarii Apostolici praefecto, testante has reliquias a Sacra Congregatione Indulgentiarum sacrarumque reliquiarum recognitas, & approbatas fuisse.

Jam quod rem ipsam attinet, agnoscit utique Mabillonius, vel Hieronymi ac Prudentii auctoritate, magna jam olim in veneratione Romana illa coemeteria fuisse, cui ipse detractum nihil cupiat. Agnoscit, in iis sanctorum Martyrum corpora sepulta fuisse. Agnoscit, non alios, quam Christianos, in his coemeteriis humatos fuisse; tametsi non desint, qui profanos etiam & gentiles ab iis penitus exclusos non fuisse contendunt. Verum non Martyrum ac Sanctorum solorum, sed nullo habito meritorum delectu, fidelium omnium conditoria haec fuisse existimat, ut adeo corpora, ex antiquis illis coemeteriis effossa, Christianorum utique fuerint; an vero fuerint Sanctorum ac Martyrum, aliis indiciis ac argumentis probandum sit. Itaque colendos, quorum corpora ex catacombis istis eruta sint, si de eorum martyrio aut sanctitate certis argumentis constet, & si eorum cultum Romanus Pontifex permittat aut praescribat. Cum vero neutrum in Sanctis incognitis locum inveniatur, non dissimulat, cultum illum immodicum, qui Sanctis ejusmodi in quibusdam ecclesiis impenditur, proscribendum esse, & inter abusus censendum. Certe a Pontifice cultum talem non praescriptum, cum in literis, quibus testimonium de Sanctis talibus eorumque reliquiis exprimi solet, tantum permittatur, ut *venerationi fidelium in ecclesiis exponi possint*, quae formula cultum illum solennem non contineat; & potius generali Decreto Sacrae Congregationis rituum ab Innocentio XI approbato, d. 19. Oct. A. 1691. cautum sit, non debere in Ecclesia recitari officia & Missas celebrari nisi de illis Sanctis, qui in Martyrologio Romano sunt descripti. Deinde cultum illum incognitorum Sanctorum repugnare sanctioribus

Ecclesiæ regulis, quibus religiosi honores legitimis Sanctis decernuntur. *Primo* enim requiri, ut Sancti illi nequaquam dubii sint, sed certi & indubitatis argumentis recogniti: hos vero dubios esse & incertos, sive anonymi sint, quos baptizatos vocent, quia illis nomina demum a Cardinale Vicario, aut Episcopo, qui capellæ Pontificiæ præest, indantur, sive jam olim in inscriptione certo nomine indigitati. Quoad Anonymos, indicia, crucem aut palmam (etsi palmæ passim non triumphales sint, sed funebris cupressi notæ,) vel monogramma Christi cum literis A & Ω, aut boni pastoris agnive figuram, historias item veteris aut novi Testamenti, aliaque id genus tumulis eorum insculpta testari, quod Christiani fuerint; non probare, quod fuerint Sancti. Illos, quorum nomina in tumulis expressa sunt, majoris esse auctoritatis, imo certæ, si Martyristitulum præferant; secus si hoc titulo destituantur. Decretum certe d. 10 Apr. A. 1668 a Congregatione super indulgentiis sacrisque reliquiis Romæ constituta, ut palmæ iisque junctum vas sanguine tinctum haberentur simul pro signis certissimis verarum reliquiarum: sed non constare, ejusmodi vasa sanguine tincta esse, ac non potius ad continendos suffitus aut odora-menta, aliaque id genus, apposita fuisse; & paucos esse ex illis incognitis Sanctis, qui vitrea vascula, quæ videri possint sanguine tincta, adjuncta habeant. *Secundo*, non Sanctis promiscue omnibus publicos honores decernendos, nisi id vel martyrio certo, vel heroicis virtutibus meruerint. Ast Sanctorum illorum incognitorum, si vel maxime pro Sanctis indubitanter habendi essent, ignorari vitam, martyrium, facta & actiones, perinde ac si nunquam extitissent. Quod si quorundam Vitæ producantur, commentitias eas esse, ac in indicem librorum prohibitorum merito referendas. *Tertio*, nec id sufficere, quod Sancti, quod Martyres fuerint, sed requiri ut sint *vindicati*, i.e. ab Ecclesia agniti & probati; id quod de Sanctis incognitis dici nequeat. *Quarto*, ut primarii Ecclesiæ honores Sanctis etiam cognitis tribuantur, requiri, ut omnibus eorum factis & virtutibus, miraculis, ceterisque circumstantiis attente expensis, de eorum cultu Ecclesia vel Summus Pontifex decernant. Hinc tot ac tantas in canonizandis novis Sanctis cautelas, tam morosam diligentiam, tam accuratos & prolixos ritus adhiberi; cum, dicente Gregorio IX in bulla canonizationis S. Antonii de Padua, *nec merita sine miraculis, nec miracula sine meritis plene*

plene sufficiant ad perbibendum inter homines testimonium sanctitatis. Ast in recognitione ac canonizatione Sanctorum illorum incognitorum, accuratam inquisitionem deficere. Non convenire ergo gravitati ecclesiasticae, ut tales pro Sanctis profuso illo Ecclesiae cultu habeantur, sed id unum superesse, ut publicus ille sollemnisque cultus iisdem abrogetur.

His ita expeditis, de duabus inscriptionibus supra memoratis, sententiam suam Mabillonius exponit. Nempe, quod primam attinet, ea non dubitat hominem designari gentilem, quod ista affectuum vocabula *Ave* seu *Hare* & *Vale* vix in aliis quam ethnicorum epitaphiis reperiantur; signum vero illud non crucis sit, sed instrumenti fabrorum lignariorum, quod asciam vocant.



Quod autem alteram attinet, ea designari hominem Christianum fatetur quidem, nec indicia tamen ulla deprehendit, quae ad sanctitatem ejus adstruendam aut excitandam devotionem sufficiant.

REMEDIIUM CONTRA MORSUM ANIMANTIUM RABIDORUM, longo usum improbatum; excerptum ex litteris Dn. GEORGII DAMPNI, quae cum annotatione D. Sloane extant in *Transactis Philosophicis Anglicanis*, mense *Februario, 1698. p. 49. seq.*

Lichen cinereus terrestris, descriptus a Dn. Rajo in *Historia Plantarum* p. 117, exsicceetur & in pulverem subtilissimum redigatur, eique tantundem piperis subtilissime contriti admisceatur, & ad usum servetur. Si cani exhibendum hoc remedium, ex aure ejus sanguis prius detrahendus est, deinde canis probe abluendus, atque a pastu cohibendus totam noctem, aut maximam diei partem, antequam ei propinetur, mixtum lacti aut juscule tepido. Si pecus aliquod admorsum fuerit, sanguis etiam mittendus est, idque probe abluendum; dosis autem magnitudini aut viribus ejus est attemperanda. Hominibus tandem propinandum est remedium post sanguinis missionem, factam, & ablutionem faciei aut manuum vel partis laesae. Expedi etiam ut vestes, quibus indutus fuit admorsus, laventur. Dosis unica est, IV, assumenda mane jejunis, duobus aut tribus diebus se consequentibus.

OB-

OBSERVATIONES SINENSES, COMMUNICATÆ A D. J.
 Cassini Acad. Reg. Par. Socio. Transcripta ex Transactis
 Phil. Angl. mens. Febr. 1698, p. 53. sq.

Missum est nuper a Patribus Societatis Jesu, in Regia Pekinensi domici-
 lium habentibus, exemplar nonnullarum observationum ibi habita-
 rum, ad situm illius Urbis determinandum conferentium.

Ex altitudine meridiana maxima stella polaris, observata die
 31 Decembris 1694, correcto instrumento, graduum 42. 16. 50". Sup-
 posita refractione 1'. 17". et distantia stella polaris a polo tunc tempo-
 ris gr. 2. 19. 57". eruitur altitudo poli gr. 39. 54. 56.

Ex ejusdem stelle polaris altitudine meridiana minima obser-
 vata diebus, 7, 8, 13 Maii, 1695 correcto instrumento, graduum 37.
 36. 40'. Supposita Refractione 1'. 28". & distantia stella polaris a polo
 gr. 2. 19. 50. eruitur altitudo poli gr. 39. 55. 2.

Neglecta Refractione altitudo maxima stella polaris, deducta
 ex observatione 31 Decembris precedentis, fuisset sub initium Maii
 gr.

Et altitudo ejusdem minima tunc fuit gr. 42. 16. 43.

Quare differentia altitudinum 37. 36. 40.

Et distantia stella polaris a polo 4. 40. 3.

Et altitudo poli apparens 2. 10. 1.

Ad hanc altitudinem apparentem refractio 39. 56. 41.

ex mea Tabula est 1. 10.

Quare altitudo poli in Regia Pekinensi 39. 55. 30.

Plures alia observationes altitudinum meridianarum stellarum
 fixarum in hunc usum habita sunt; sed hæc mihi videntur omnibus
 preferenda.

Pro longitudine Pekinensis Urbis observata sunt plures immer-
 siones primi Jovis satellitis in Jovis Umbram, ex quibus selegi quæ habita
 est die 18 Januarii, 1695, Telescopio pedum duodecim.

Eo die observata est immersio primi Jovis satellitis in Jovis Um-
 bram, facta correctione horologii, h. 12. 51. 14.

Tabula nostra eo die hanc immersionem representant h. 5. 18. 49.

Ob-

Observationes autem eodem mense habitæ in observatorio Regio Parisiensi ostendunt, Tabulas retardasse tunc temporis minutis horariis 2'. 30".

Quære fuit illa immersio Parisiis h. 5. 16. 19.

Itaque differentia meridianorum

Inter Pckinum & Urbem Parisiensem erit h. 7. 34. 55.

Cum autem ex aliis observationibus olim deducta fuerit eadem meridianorum differentia 7'. 36". sumi poterit h. 7. 35½.

DE MOTU STOMACHI PERISTALTICO OBSERVATIO IN

Cane facta a D. Christophoro Pitt. Translata ex Transactis

Anglic. Mens. Aug. A. 1698. p. 278. sq.

Quamvis Anatomici in descriptione corporis humani de motu stomachi nonnunquam mentionem faciant, (v. g. de vomitu agentes, & derivatione ciborum in ventriculo digestorum in intestina) quoniam tamen non exhibent ejus particularem descriptionem ex autopsia petitam, spero mihi vitio verum non iri, si prout mihi comparuit in dissectione canis, mense Julio 1685, eundem hic delineem.

In hoc cane observavi, peristalticum motum intestinorum continuari per stomachum, & pylorum (qui alias in canibus apertis in eadem altitudine cum diaphragmate apparet) in quavis agitatione infra ipsum stomachi fundum descendere. Manifeste quoque observare poteram constrictionem in medio stomachi, quæ in quavis motione deorsum facta illum introrsum cogebat, ut comprimeretur, quod in cavitate hærebat ventriculi. Atque hi motus tam regulares ac ordinati erant, quam illi quos alias in intestinis observavi, & diu satis continuabantur, ut eo diligentius potuerim observationes meas facere.

Vidi autem præterea hos motus stomachi in duobus aut tribus, quos ab illo tempore secui, canibus, ut satis secure concludi possit, id quod asserui, in omnibus verum esse.

Rationem autem, cur tam diu & manifeste in primo cane motus ille apparuerit, hanc esse reor, quod stomachi extreme replati fibræ aliquo modo extendebantur, & (quod solenne est omnibus istis corporibus) conabantur sua motione se in pristinum statum restituere; facileque crediderim, hanc esse unam ex præcipuis causis motus

stomachi & intestinorum, & raro illa moveri, nisi cum a cibis, quibus repleta, distenduntur. Non ausim tamentales facere deductiones, donec plura tentamina rei veritatem aut falsitatem confirmaverint.

Motus autem stomachi hoc modo se habens, rationem nobis suppeditat celeritatis in distributione alimentorum clariorem, quam apud ullum Autorem reperi. Vix enim cibus solvitur a saliva & liquore hausto, cum statim liberum habet in intestina propter descensum pylori motum, qui semper quasi pleno fit flumine, ob compressionem quæ in medio fit stomachi.

ANNALES VELLEIANI, QUINTILIANEI, STATIANI, CON-
signati ab HENRICO DODWELLO, A. M.
Dubliniensi.

Oxonii, e Theatro Sheldoniano, 1698. in 8. Alphab. 1.

Quæ Chronologorum diligentiam pene hætenus effugit Chronologia Biographica, utilissima tamen ea & perquam necessaria, statorem nunc atque assertorem felicissimum experitur in celeberrimo Dodwello, qui posteaquam ad Plinii Junioris annales condendos animum applicuit, coævorum simul Chronologiam, a qua multum illi cultus accedere arbitratus est, excusit, & usquedum illi ad umbilicum perducantur, Quintiliani interim annales atque Statii hæc exhibet, eo quod hi in iisdem versati fuerint temporibus, quibus ipse Plinius, Quintilianum etiam præceptorem gratus agnoscens. Adjunxit tamen annales quoque *Vellejanos*, quos alterius quidem seculi pariter & argumenti esse non diffitetur, concinnatos autem refert in gratiam amici sui, Domini Charletti, quieos, cum novam Velleji editionem ornaret, ab ipso desideraverit. Et hos sane jam A. 1695. p. 114. in Actis hisce nostris recensuimus, cum edita tunc Oxonii e theatro Sheldoniano Velleji opera, quibus eos præfixit clarissimus Charlettus, isto quidem tempore, cum nomen suum dissimularit, nobis ignoratus, commemorarentur. Quemadmodum proinde istos hoc in loco repetere supervacaneum omnino est, sic quæ ad vitam Quintiliani & Statii spectant, ut diligentia eo majori perlustremus, merito nostrorum esse partium existimamus.

Mar.

Marcus ergo *Fabius Quintilianus*, Dodwello nostro iudice, sub finem anni æræ Christianæ 42 exeuntis natus est, ætatisque anno decimoquarto expleto togam sumsit virilem Romæ; a quo tempore per istud spatium, quod Oratoribus in foro auscultandi addici quondam solitum fuit, Domitium imprimis Afrum diligenter audivit & Servilium Nonianum, utrumque A. C. 59 defunctum. Opportune autem accidit, ut Quintiliano annum ætatis decimum nonum agente, quo adolescentes a studiis Rhetoricis ad usum se conferre solebant, in Hispaniam mitteretur a Nerone Galba, qui eo proficiscens Quintilianum quoque comitem assumsit, Hispanum quippe, & patria quidem Calagurritanum; unde hic invitationem illam eo lubentius amplexus est, quo magis ipsi exoptatum accidit, primam artis Oratoriæ professionem facere in patria. Quo autem ibi munere defunctus fuerit, scholæ an fori, præceptorisne an advocati, incompertum sibi esse Auctor confitetur. Togæ tamen fuisse potius, quam sagi munus, inde conjicit, quod e datis in hoc officio suo experimentis Galba illum Romæ, jam Imperator, Scholæ Oratoriæ publicæ præfecerit, & salario publico e fisco solvendo instruxerit. Romam vero, post exactum in Hispania octennium, A. C. 68 exeunte, ut Dodwellus porro tradit, reversus est, & hinc per annos viginti Rhetoricam in Schola publica docuit, ac Oratoriam quoque in foro exercuit. Qua occasione Noster illos, qui Hieronymum non satis dextre interpretati, sub finem Imperii Domitiani demum Scholam Romæ aperuisse Quintilianum contendunt, refutat, quandoquidem is & ante Domitiani tempora omnino docuerit. Munus tamen suum ultra annum ætatis quadragesimum septimum haud administrasse ipsum, sed ab isto, anno exeunte 88, se abdicasse notat, utpote qui honestissimum illius finem reputarit desinere cum desideraretur. Scriptorum dehinc, quæ ediderit, præcipuorum seriem examinat, & causam *Navii Apruniani* actam censet A. C. 70, cum juvenis adhuc esset Quintilianus; prout eam ex cupiditate quoque gloriæ juvenili emisit, minor certe anno ætatis trigésimo quinto, quem supremum juventutis limitem pronunciat, a quo fortasse propius abfuerit, cum *pro Regina Beronice* apud ipsam ageret. *Institutiones Oratorias*, ex Dodwelli mente, scribere cœpit post aliquot a munere annos, nec, postquam ad finem perductæ fuissent, statim edidit, per annum integrum easdem ad minimum premens, earum ve-

ro initium in A. C. 92 Noster collocat. *Librum de causis corruptæ eloquentiæ* A. 89 ab eo conscriptum ait; *Dialogum vero de claris Oratoribus* ipsum autorem habere potuisse negat. Afferere etenim Dialogi istius scriptorem juvenem admodum fuisse se, cum colloquio illi interesset, quod tamen sexto Vespasiani anno factum supponat. Tunc vero Quintilianum egisse annum vel 32 vel 33, qua sane ætate admodum juvenis nequaquam appellandus fuerit, cum initium juventutis designet illa vox, & quidem juventutis illius, quæ proxime pueritiam togamque prætextam pro Romanis moribus exceperit. Annos natus quadraginta primam uxorem duxit, & ex ea filios suscepit duos, quorum tamen minor A. 89, & major A. 92 iterum defunctus est, matre utriusque paucis ante obitum minoris filii mensibus itidem extincta; quapropter ad secunda vota A. C. 94 transiit, & nuptias cum Tutilii vel Rutilii Rhetoris filia, ast patre orba, celebravit, ex qua filiam Plinio Juniori memoratam sustulit, quæ Senatorias post nuptias consecuta est, de quibus peculiarem Plinius epistolam scripsit A. 107, quem vivendo superavit Quintilianus, ac ultra annum adeo climactericum magnum, tot viris maximis pro veterum sententia fatalem, progressus est. Quousque autem postea vixerit, in tanta veterum monumentorum inopia statuere difficile est Autori, qui tamen Plinio illum discipulo fuisse superstitem, imo Hadriani etiam Imperium attigisse suspicatur; idque ex ornamentis Consularibus, quibus tandem honestatus dicatur ab Aufonio, elicit, & hæc eum consecutum autumat ob institutionem Hadriani Augusti, cui præceptor datus fuerit, quique eum A. 118, cum primum Romam veniret, hac dignitate auxerit, ætatis annum 76 agentem, ultra quem diu postea superstitem fuisse vix verosimile arbitratur. Vitam de cætero illius innocentissimam celebrat, candoremque in agnoscendis & revocandis erroribus, modestiam item & sermonum puritatem, ab omni scurrilitate, maledicentia & obscœnitate alienissimam, quæque insuper colores nullos nisi bonis honestisque de causis admiserit. Unicam modo in ejus moribus maculam agnoscit, quam nec eluere nec tueri cupit, effusam nimirum ejus in Domitianum tyrannum adulationem, tantam certe illam, ut ne hominis quidem nomine dignum divinis laudibus extollere non erubuerit.

Hiscæ Quintiliani Annalibus obiter nonnihil de *Juvenalis* ætate inpergit, atque hunc ante Plinium scripsisse, receptam, etiam apud Eruditos,

ruditos, sententiam esse testatur, inde nimirum oriundam, quod irati histrionis exulem illum appellet Sidonius Apollinaris; quo nomine notari autument posteriorem illum ob adulterium cum Dornitia occisum a Domitiano Paridem, qui Juvenalem propter paucos quosdam Satyræ, quibus illum perstrinxerit, versus in exilium protrulerit, ubi intra brevissimum tempus angore atque tadio perierit. Verum hæc non satis coherere ostendit, & Juvenalem potius octogenarium initio anni 119 in exilium missum conjicit ab Hadriano, (cujus tempore Satyras omnes scripserit, recitavit & ediderit,) quique illa in Paridem histrionem dicta velut in suum histrionem dicta interpretatus fuerit, & se magis in illo, quam histrionem ipsum, notatum crediderit, ideo, quod honores suos viris literatis interpellantem histrione concessisset.

Pergimus ad *P. Papinium Statium*. Poetam, qui natus est, ut calculus Dodvvelus ducit, anno æræ Christianæ 61 inchoato, ante mensem certe Julium, ita ut major anni ejus primi pars in illum ipsum annum inciderit, & minor in sequentem, unde A. 75 ineunte togæ virili maturus fuit. Anno 80 vel 81 uxorem duxit Claudiam, & mox a matrimonio Thebaidem, post annos demum duodecim finitam, scribere coepit, cujus librum primum publice recitari pater ejus adhuc audivit, inque ludis Neapolitanis primam filio coronam imponi vidit. Ast A. 90 in agone Domitiani Capitolino victus est, utut tribus antea ludis Albanis annorum 87, 88, 89, Quinquatruis Minervæ sacris victor evaserit, ac Domitiani auro propria quoque Principis manu indutus fulserit. *Primum Sylvarum librum* A. C. 92. edidit, non tamen proinde eodem anno scripsit, sed libri istius primi sylvam *primam* forte & *secundam* A. 90, quo etiam *Stelle & Violantilla epithalamion* composuit. *Manlii Vopisci villam Tiburtinam*, cui Sylva III. Lib. I. consecrata est, laudavit A. 92, quo & Sylvam *quintam* in *balneum Hetrusci* condidit. Sylvam vero *sextam* in *Calendas Decembres Saturnales* anni 89 composuit. *Sylvarum Librum secundum* A. 93. scripsit & collegit. *Libri tertii Sylvam primam* post Idus Augusti A. 94, eodemque & *secundam* cum *tertia*, *quartam* dehinc & *quintam* A. 95, quin & hujus anni initio *Libri quarti Sylvam primam, secundam & tertiam*, mense ejusdem Julio *quartam*, *quintam* vere ineunte, *sextam septimamque* anno affecto, *octavam* paulo ante mensem Decembrem, tandemque *nonam*

ipso Saturnalitio Decembri edidit. *Achilleidem* post mensem Julium anni hujus 95 aggressus est. *Libri quinti Sylvas* A. 96 absolvit, eo-que ipso vivere mox desit, vix ad dimidium ætatis istius adspirans, ad quam pater ejusdem pervenit. *Hujus* etenim vita obiter etiam immista ab Autore est, eique annus natalis æræ Christianæ vigesimus, sed vicissim emortalis octuagesimus quintus assignatur, deque ejus rebus gestis, & aperta imprimis ab ipso A. C. 39 Neapoli Schola Grammatica disseritur. Sed et aliorum, quos in scriptis suis Statius Poeta nominavit, ætatem subinde Autor examinat, utpote *Hetrusci*, *Stella Poëta*, *Rutilii Gallici*, *Julii Menecrati*, *Vettii Bolani*, *Flavii Earini*, &c.

Subnectitur appendix a tractatibus superioribus haud aliena, duas sistens Dissertationes, quarum altera de *Julii Caesaris vita per Julium Celsum* A. 1697 a Cl. Grævio (cui ipsi utraque harum Dissertationum inscripta legitur,) novissime edita agit, inque ea autorem istius vitæ pro Celso (a quo Hirtii de bello Africano librum interpolatum autumat,) haberi potuisse maxime miratur Dodvvellus, cum in ista tot habeamus notas ætatis non Julio modo Cæsare, sed Celso ipso junioris. Seculo sane decimo tertio antiquiorem hunc Autorem non fuisse, Grævio adstipulatus, concludit, nixus inter alia nominibus, quæ alleget, locorum urbiumque admodum recentibus, Basileæ puta, Brabantia, Constantia, Flandria, Hanovia, & similibus. Italum autem eum esse suspicatur, qui tamen per Gallia partem maximam peregrinatus fuerit. Altera Dissertatio de *æte Commodiani* a Cl. Rigaltio editi disquirat, ac, quod vulgo creditum fuerit, Commodianum nempe Silvestri Pontificis temporibus vixisse, tanquam fabulosum explodit, & Rigaltium quoque minus recte suspicatum ait, quod eo tempore is scripserit, quo sese in Soractem montem abdidisse Pontificem nugivenduli comminiscantur. Quin ad Cypriani potius tempora eundem reducit, eo, quod Silvestri Pontificis temporibus nullæ fuerint, quas sua ætate fuisse memoret, Gentilium persecutiones, quodque Commodianus annos a Christo nato ducentos numeret, id quod Cypriani magis ætatem, quam Silvestri, manifeste designet, sicuti & ea, quæ de schismatibus & persecutionibus habeat, temporibus Cypriani quam optime convenient. Nihil insuper de Silvestro Episcopo habere Commodianum innuit. Equidem ad istum trahi notat verba nonnulla, quæ in editione Rigaltiana Instruct. adv. Paganos XXXIII.

ita

ita fluant: *intrate stabiles Silvestri ad praeſepe paſtoris.* Sed nimia licentia uſum eſſe in hoc verſu concinnando Rigaltium reſpondet, atq; ita potius ſcribendum exiſtimat: *intrate ſtabula ſilveſtres ad praeſepia tauri;* & Gentiles nondum baptizatos jumentis conferri innuit, latius hanc emendationem æque ac interpretationem defendens. De Commodiano vero ipſo iſthæc commentatur: Ortum eum debuiſſe parentibus Gentilibus, ipſumque ſibi converſionis extitiſſe autorem, dum ſacrarum literarum ſtudio incubuerit. Libertus fuerit, an ingenuus, dubium apparere ait, magis tamen pro ingenuo eundem agnoſcit, ingenuorum ſcilicet filium aut ad ſummum libertorum. Non Romanum, ſed Afrum potius, & ex aliqua civitate Africana civem fuiſſe, exinde ſuſpicatur, quod tot cum Cypriano habeat communia. Utcunque tamen & cujuſcunque demum urbis in Imperio Romano civis dicendus ſit, Romanum certe habitum, & Romanæ urbis civem, eo quod hæc pro patria communi tum venditari ſueverit. Mendicum Chriſti ſe ideo vocare ipſum innuit, quod Chriſtianorum ſuſtentaretur eleemoſynis; Gazæum autem, quod e Gazo, ut ipſe nuncupet corbanum Eccleſiæ, ſtipem acceperit.

ANTONII BYNÆI DE MORTE JESU CHRISTI

Liber tertius.

Amſtelædami, apud Ger. Borſtium, 1698. in 4. Alph. 3. pl. 2.

Tertium hunc Clariffimi Auctoris librum, poſt primum ſecundumque, recensuris occurrit ſtatim capite primo locus Johannis 18, 28. *Judæos non introiſſe in Prætorium, ne polluerentur.* Opinionem hanc Judæorum, ac ſi ex contactu Gentilium polluerentur, nulla lege Divina niti, ſed originem ex decreto Sapientum habuiſſe, cum Seldeno ex Maimonide putat. Perperam autem monuiſſe cenſet Eraſmum Schmidium, *pollui ingreſſos in locum judicii politicis deſtinatum.* Paulo poſt tamen recitat locum Auguſtini: *metuebant contaminari de ingreſſu prætorii propter diei feſti ſanctitatem, quem celebrare jam ceperant.* Veſpera ſcilicet præcedenti agnum paſchalem ipſos comediſſe: primo autem feſti die, qui decimus quintus menſis iſtius erat, voluiſſe comedere ſacrificia paſchalia, ut hilares in feſto forent. Cerni hoc poſſe non

p. 9.

p. 10.

p. 22.

p. 23.

p. 14.

- p. 18. non obscure ex eo, quod diserte præmittatur, *erat autem mane*. Pilatum porro in verbis v. 31. non ulum fuisse sarcasmo, sed hunc sensum illorum esse: *si vos eum deprehendistis καὶ καταλάβετε, mihi que non concessum est ipsius causam cognoscere, accipite eum vos. & secundum legem vestram judicate eum*. Judaicos enim Proceres etiam tunc supremo supplicio potuisse animadvertere, idque tam diu fere ac urbs superfuerit templumque, in eos scilicet, qui crimen blasphemix & alia adversus legem Mosis delicta commisissent. Seditionem autem & læsæ majestatis crimen ad Romani Præsidis tribunal pertinuisse. Hoc sensu igitur dici: *nobis non licet interficere quemquam*, seditionis nempe ac læsæ majestatis reum. Et hinc Judæos, inscios licet, hoc dixisse Pilato, ut Jesu verbis constaret sua veritas, isque affigeretur cruci. Alias neutiquam ex verbis illorum pro certo sequi, Jesum crucifigendum fore, quod tamen in illis contineri dicat Joannes 18, 32; potuisse enim alio mortis genere puniri. Divinam autem providentiam cogitationes eorum sic direxisse, ut Jesum criminis reum facerent, quod Romanis cruciarium erat. Hunc autem, quum e domo Caiphæ ductus esset εἰς τὴν προκρίτειον, neque proceres Judaici id simul introiissent, non habuisse tunc accusatores suos in conspectu, nec audivisse, quo crimine ipsum onerassent. Nullo igitur fundamento Gerhardum nostrum statuisse contrarium, ac serie reclamante narrationis. Hinc a Jesu, ac si ignarus rei totius foret, interrogatum Pilatum vicissim, *num a semet ipso hoc diceret? an vero alii hoc crimine ipsum insinularint?* Cum enim probe nosset, responsurum esse Pilatum de posteriori, viam sibi parare voluisse ad eum erudendum de regno suo. Verba Christi, *omnis qui est ex veritate*, v. 37. exponit ex Rom. 2, 8. ubi iis, qui ex veritate sunt, opponantur, *qui ex contentione litigiosi & rixarum avidi*. Pilatum vero, quum nosset, acriter ea tempestate apud Romanos disputari, an veritas possit cognosci scirique, necne, (apud Ciceronem Acad. Qu. Lib. 1. c. 16. 44. 46.) juxta hanc opinionem dixisse videri: *quid est veritas? incerta res & obscura & quæ deprehendi nusquam potest. Jam usque a Pythagora quaestæ hæc diligenter est: hinc tot Philosophorum sectæ sunt: adeo, ut præter dubitationem incertitudinemque relictum nihil sit*. Ergo omnino verba hæc contemnentiis esse: neque Pilatum Christi responsum fuisse, moratum, sed simul cum hoc dicto ad Judæos egressum pronunci-
- asse,

asse, se per examen suum nullum affectati regni crimen, quod ple-
tendum morte sit, invenisse. Stoicorum effato Sapientes non modo
liberos vocari, verum & Reges. Tale itaq; quiddam in animo suo vi-
deri Pilatum concepisse, cum Jesum sibi regnum veritatis audivisset
tribuere; quod tamen neque Cæsaris majestati deroget, nec rebus
Judæorum periculum creet. Quod apud Marcum sequitur, *Pontifices*
maximos accusasse Christum πολλά, & Pilatum rogasse, non audis, πῶς α
σε καταμαρτυροῦσι, non ita debere accipi, ac si in Jesum ingessis-
sent crimen non unum, eumq; de rebus multis accusassent & diversis,
sed quod caput accusationis suæ, crimen affectati regni, adstruerent
multis argumentis & confirmarent. Hinc apud Lucam, *ἐπίσχυον, in-*
stabant vehementer vel urgebant valide, seditionis nimirum & regni
affectati crimen repetitum. Hinc Pilatum, cum e Prætorio suo ite-
rum egressus esset, videri demum Jesum coram ipsius accusatoribus
extra Prætorium stitisse, atque sic eum accusatores suos audivisse, nec
tamen quicquam eis ad hoc crimen respondisse, quod accusatio ista a-
pud judicem peritum religiosumque sua sponte evanesceret. Postea
autem Jesum Pilato amplius respondisse, ut ex Johanne 19, 11. constet.
Tetrarcham porro Herodem studuisse cognoscere, an Jesus revera Jo-
hannes Baptista foret, & num lineamenta faciei illius responderent
vultui Johannis, (quem interfici jusserat) quod veritum eum fuisse,
constare ait Bynæus ex timidis ejus apud Matthæum 14, 1.2. verbis. Et
credibile esse, Herodem interrogasse Christum de potestate quam sibi
arrogaret, non autem de statu animarum post mortem, quando futu-
rus sit mundi finis &c. quod Joh. Gerhardo nostro visum. Tamet-
si agnoscit Autor ipse, frustra conjici, quid interrogaverit He-
rødes, cum Lucas non dignum id judicaverit quod referret. Cum
Beza autem verissimum ei videtur, Herodem veste candida induisse Je-
sum, quasi candidatum imperii. Nihil notius enim, quam apud Ro-
manos togam candidam & fulgorem quendam habentem induisse
eos, qui magistratum & honores peterent. Atque illos petitores,
non contentos nativo lanæ colore, etiam cretam addidisse in vestem,
ut candesceret, imo splenderet. Hujus moris Herodem nequaquam
ignarum fuisse: & hanc genuinam esse istius ludibrii rationem; Ger-
hardi contra nostri opinionem ceu figmentum explodendam.
Remisso itaque Jesu, *convocasse* Pilatum proceres Judaicos & po-

P. 55.

P. 56.

P. 58.

P. 57.

P. 59.

c. 2 p. 70.

P. 71.

P. 72.

P. 79.

P. 80.

P. 81.

pulum c. 3. p. 94

Q

- pulum, i. e. jussisse, ut accederent propius, quo ipsum possent audire loquentem. Et cum mentionem faceret modi recepti de dimittendo in hoc Paschatos festo facinoroso aliquo, *acclamasse* turbam, ut faceret ceu solebat; omnino enim legendum esse ἀναβήσας, non ἀναβὰς, cum ascendisset. Sedebat tunc Pilatus in tribunali. At Βῆμα Græcos dicere tribunal, locum editum, ad quem βαῖναι ascendere necesse sit, ante Prætorium. An consuetudo ipsa a Romanis an a Judæis manarit, altum apud scriptores rerum Judaicarum silentium esse. Ignorari etiam, vetus ea, an nova fuerit. Si a Judæis, ceu Joannes innuat, sæculis posterioribus introduxisse illos permulta, injusta sane, & legi Mosis contraria: si a Romanis, varia hos concessisse gentibus devictis, in primis Judæis, ad seditionem adeo pronis, ut eos in officio continerent facilius. Flagellatum deinde Jesum ait, non quæstionis habendæ ergo, sed ex more apud Romanos trito, quo flagellatio semper præcesserit crucem. Nec tamen bis, sed semel tantum flagris cæsum. Chlamydem qua Jesus induebatur, apud Mathæum, fuisse vestem militarem exteriorem, cujus superiores anguli circummissi collo, in humero plurimum dextro fibula juncti sunt, ita ut lævam corporis partē amicaret, & brachium sinistrum muniret loco leuci; ubi in primis laudatur Gisbertus Cuperus, & figura chlamydis ab eo descripta simul exhibetur. Marcum & Joannem colorem vestis tantum, non genus vestimenti describere. Nam πορφύρεον non vestis, sed coloris nomen esse. Et τὸ ἱμάτιον omnis generis vestes complecti, atque pro pallio perperam accipi. Utrumque igitur notare voluisse, & illusionem non in forma, sed in regio colore vestis fuisse. Sane vestes coccineas non easdem ac purpureas esse, sed differre & materia & colore. Quoniam autem color coccineus ad purpuram prope accedat, hinc purpureum dici. Verbum προσκυρεῖν, apud Marcum, significare ait Bynæus, *canum in morem adulari*: Græcos enim liberos hoc verbo adorationem Regum Persicorum, tantopere reprehensam a se vitatamque, per contemptum ludibriumque appellasse. Eandem adorationem Romanos *adulationem* dixisse; quod *adulari* canum itidem proprium sit. Apud Joannem, ἰδιδεν αὐτῷ ῥαπίσματα, a Beza, Piscatore, & Erasmo Schmidio male translatum censet, *cecidērunt bacillis*, pro, *dabant ei alapas*. Educto ita Jesu, qui ferebat coronam spineam & purpuream vestem, dixisse Pilatum, *videndum cum præbeo vobis ut cognoscatis, me non deprehendere,*
quo

quod regnum Judæorum serio affectarit. Et ad ista adjecisse: *Ecce homo!* i. e. intuemini hominem hunc, an is videatur, qui Regem se facere voluerit Judæorum. Hunc sensum dicti hujus esse, quem non viderint, qui hanc sibi finxerint sententiam: *O homo, quisquis es, vide quam misere tractatus ille sit, huc oculos atque animum refer, & si quid in te hominis, huic misero condole.* Certe enim codicem Cantabrigiensem & duos codices Usserii post καὶ λέγειν, addere, ὁ Πιλάτος, explicationis ergo scilicet. Unde & versio Coptica expresserit *Pilati* nomen, quod etiam a Beza, Piscatore & Erasmo Schmidio factum sit. Ut appareat, eos verba hæc, etsi a Joanne videantur referri ad Jesum ipsum, qui animos accusatorum suorum flectere iis voluerit, in hunc sensum noluisse accipere. Subjecisse etiam Pilatum, *si eum omnino vultis crucifigi, ipsi vestro id facite periculo.* Huic opposuisse Judæos, *Legem nostram ignoras*, juxta quam crimen morte dignum est, si quis se faciat filium Dei. Non, quod putarent, Jesum ut blasphemum capitali supplicio a Pilato afficiendum; (sic enim urisset Pilatus magis illud, *animadversionem in blasphemos pertinere ad judicium Senatus Judaici*,) sed hoc sensu: secundum legem Judæorum Jesum reum esse læsæ majestatis, quoniam Dei filium se fecerit aperte, quod Tiberii existimationem imminueret, atque adeo illum e medio tollendum. Tempore Tiberii crimen læsæ majestatis cuius facillime fuisse impactum, & quodvis dictum etiam innocentissimum, ad caput aliquod de majestate a delatoribus plerumque deflexum. Pilatum autem præterea veritum esse, ne tollendo Jesum, iram Deorum, si quid divini subesset sub hac humana imagine, in se concitaret: ideoque voluisse expiscari ex eo, an originem suam a Diis immortalibus haberet. Jesum autem hominij profano, qui non intellexisset, quid sit, Deum manifestari in carne, noluisse ad hoc quæsitum respondere, neque id ei revelare. Respondisse tamen ad quæsitum alterum: *non haberes potestatem ullam in me, nisi tibi datum esset a supernis, & a Deo permissum.* Certam veritatem esse & notam, a Deo habere id munus, qui hominibus imperant, ac præditi sunt alios judicandi potestate. Sed hoc non significare Jesum, utpote in quem Pilatus nullam haberet potestatem datam, sed tantum permissam, judicio Chrysostomi. Appellativum, τὰ λιθόστρωτα, fuisse pavimenta sectis parvulis marmorum crustis strata, & originem suam sumpsisse sub ipso Sylla apud

P. 155.

P. 157.

P. 158. seq.

P. 160.

P. 161.

P. 162.

P. 167.

- Romanos, & magno ibi in usu fuisse. Quin Julium Cæsarem ea in ipsis castris circumtulisse, judicio Suetonii & Salmasii. Istiusmodi igitur pavementum habuisse etiam Pilatum eo in loco, in quo positum ipsius tribunal fuerit. Eundem locum ab iis, quibus vernacula esset lingua Syriaca, dictum fuisse Γαββαθῆ, diversa tamen appellationis ratione; neque ut exprimatur vocabulum Græcum, sed eminentia loci, a גבא, *altus, excelsus fuit*. Quumque dialectus illa Syriaca Hierosolymis & in reliqua Judæa esset usitata inter eos, qui Hebræi tum dicebantur, Εβραῖς ita appellari hunc locum, annotasse p. 169. Johannem; quod alibi perinde factum sit, v. g. Γολγοθᾶ, Golgotha. Minime vero hinc inferendum cum Is. Casaubono, Jo. Seldeno & Jo. Lightfooto esse, locum tribunalis, in quo Pilatus sedit, quiq; dictus est Λιθόστρωτος, fuisse conclave Gazith, in quo sederit magnus Senatus populi Judaici. Dubio procul sedisse Pilatum in solito suo tribunali; id vero nec positum in conclavi Gazith, neque hoc eo tunc temporis allatum. Solam similitudinem nominis Græci neminem debere movere, eamque Hebraici nominis dissimilitudine iterum everti. Lightfootum non animadvertisse, quod tribunal Pilati fuerit extra & ante Prætorium ejus. In Synedrio nullum locum nec habuisse, nec voluisse p. 174. seqq. se habere Præsidentem Romanum. Diem, quo hoc contigit, vocari a Joanne παρασκευῇ & Πάχα, referri tamen non ad Pascha vel ad agnum paschalem adhuc comedendum, sed ad Sabbatum, quod cum die Paschatostunc coincidebat, & appellationē istam inde accipiebat. Agnum igitur paschalem jam comedisse & Jesum & universam simul gentem Judæorum, vespere præcedenti, qua dies decimus quintus incipiebat: contra eundem Lightfootum & alios. Horam illius diei, qua p. 178. seqq. Pilatus in tribunali sedens dixerit Judæis, *ecce Rex vester*, Jesumque adde p. 299. tradiderit ut crucifigeretur, ait Bynæus fuisse non sextam, sed tertiam, seqq. secundum Marcum. Apud Joannem etiam pro ὥσθ' ἕκτη scribendum ὥσθ' τρίτη, cum codice Cantabrigiensi; itemque Camerarii, p. 182. Wecheliano & aliis. Et sextæ horæ ita demum meminisse ipsum Marcum, ut eam expressis verbis ab hora tertia, qua dixerat Jesum crucifixum, distinguat. In Marco igitur non posse mendum esse. Præterea Matthæum, & Marcum, & Lucam constanter asserere, tenebras obortas fuisse hora sexta vel circa eam. Ergo Pilatum concludit circa horam sextam non sedisse pro tribunali. Et dicitur autem circa horam

horam tertiam: post tertiam crucifixum esse Jesum, & tot alia contigisse: ac demum circa sextam obortas tenebras. Stricte simul respondetur ad sententias contrarias. Ulterius observat, Pilatum sedentem pro tribunali, non statim sententiam decretoriam pronunciasse, sed dixisse antea ad Judæos, *Ecce Rex vester*; quod parallelum sit ei, quod superius dixerat, *Ecce homo*, adeoque a Jesu non prolatum. Mox manus etiam suas lavasse, ad testandam innocentiam suam, ex isto ritu probabiliter, quem iudicibus Deus Deut. 21 præscripserit; quodque visum sit etiam Jo. Christophoro Wagenseilio, insigniter aliquoties laudato apud Bynæum. Fuisse Pilatum Procuratorem Judææ per tot annos, quibus, cum eo tempore latrones forent tam multi, is ritus forsan plus semel adhibitus ab ipsis Judæis fuerit. Voluisse igitur sequi gentis istius morem. Et quum revocasset iis in memoriam consuetudinem aliam de dimittendo aliquo captivo in festo Paschatos Joh. 28, 39, utique eum non ignorasse mores eorum. Minime autem huc trahendam eam manuum lotionem, quæ etiamnum post funeris curationem Judæis in usu est. Nunquam enim eam introductam fuisse, ad testandum, se causam morti non præbuisse, sed ut immunditiem ex sepultura contractam purgarent: contra H. Grotium. Festinata executione supplicii, contra leges Romanas Pilatum non peccasse, censet Bynæus cum Edmundo Meryllio. S. C. enim de decendio damnatorum, per L. 6. §. 9. D. de injust. rupt. & irr. testam. itemque L. 16. D. de appellat. non pertinuisse ad insignes latrones vel seditionum concitatores vel duces factionum, quos damnatos statim puniri interest, præveniendi periculi causa: contra Jo. Gerhardum & alios. Crucem ait constitisse tribus partibus, stipite sive palo, ligno transversario, & sedili medio, id est, ligno quod e medio stipite eminebat, in quo quiescebat, qui affigebatur: ubi loca Justini Martyris, Irenæi, Tertulliani, & Senecæ egregie illustrantur, & contra plures vindicantur, adjectis præterea figuris aeneis una pluribus. In expositione vocis *ἡ γόρτυρα* laudatur post alios exercitatio Balthasar Stolbergii nostri de Angariis veterum. Golgotha existimari montem fuisse, non sine causa: ast Adamum in eo sepultum fuisse, fingi. Hieronymum tamèn, cum statueret, Adamum sepultum juxta Hebron & Arbee, deceptum versione Vulgata Josuæ 14, 15. quod a multis ostensum jam dudum. Unde autem appellatio ista montis orta sit, incognitum plane esse; nec tamen improbabilem

P. 194.

P. 196.

p. 201.

C. 5. P. 221.

p. 232. seq.

p. 248.

p. 261.

p. 263.

p. 265.

- lem conjecturam, quod in eo loco homines solerent decollari, quo genere supplicii cum ex Talmudicorum sententia nullum fuerit turpius, ideo nomen loci, poenis capitalibus sepositi, inde potissimum depromptum. Vino myrrhato, (quod offerebatur Jesu, quum primum perventum esset ad Golgotha, atque adeo ante crucifixionem,) respici ad eam consuetudinem, qua apud Judæos olim ad supplicium ituri, haustu vini reficiebantur. Huic, ad occasum vergente jam Hebræorum republica, accessisse, ut vino admiscerent quid soporiferi, quo plectendus careret sensu doloris. Marcum designasse, quamam re amara mixtum fuerit istud vinum, myrrha nimirum. Matthæum autem tantum indicasse, mixtum id fuisse cum amarore. Nam ὄξος non acetum proprie dictum, sed vinum, coeptum mutari in acetum sive acescens, & χολήν non verum fel esse, sed amarorem quemvis, & tribui etiam aliis rebus amaris. Jesum vero noluisse bibere, ne videretur animo non forti satis excipere tam triste fatum, ac nemo de verbis, quæ prolaturus in cruce erat, dubitare posset, quin essent veritatis ac sanæ mentis verba. Ad vana aliorum commenta refert illud Bartholini, *non bibisse, quia promississet, non amplius bibiturum se ex fructu vitæ*. Crucem ipsam primo in terram fuisse defixam, antequam in eam tolleretur Jesus, affirmat Bynæus, ex consuetudine recepta, secundum quam hic omnia peracta sint; neque enim apparere usquam, singulare quiddam hic fuisse observatum, neque aliter existimasse antiquitatem. Similiter affirmat, eum totum nudum fuisse: neque enim aliter actum cum ipso ac cum latronibus, in quorum medio crucifigebatur, qui prorsus nudi in crucem dabantur, nulla habita ratione foeminarum, vel matris, vel puerorum adstantium: contra Gerhardum nostrum & alios plures. Nam & illud ab Evangelistis non expresse proditum, quod Jesus palo illi medio impositus, quodque manus ipsius ligatæ prius fuerint ad antemnam, quam clavis transfigerentur in media illarum vola. Quandoquidem tamen solitum id vulgo esset, non obscure intelligi. Ex eodem more recepto asserit, pedes singulos, seorsim, singulis clavis ad stipitem seu palum, citra ullum suppedaneum, affixos. Quod porro Matthæus & Marcus ait, *unus a dextris, & unus a sinistris*, Hebraismum sapere videri, & esse hunc novum voculæ καὶ usum, ex observatione Jo. Vorstii. Lucam contra Græco more, ὃν μὲν, ὃν δέ. Huc pertinet locus alter Matth. 20, 21. qui

qui mox subjungitur. Jam véro concedit, apud Græcos scriptores sacros & passim *impletum* dici vaticinium, si id, quod prædictum est, eveniat tandem, quale illud Marci, de Messia ante tot secula, & cum *sceleratis numeratus est*, collato Luc. 22, 37. Titulum, qui causam supplicii contineret, scriptum arbitratur apud Joannem etiam, jussu Pilati, non manu: sicut jusserit Jesum apprehendi & flagellari. Mattheum enim diserte militibus tribuere, quod imposuerint supra caput ejus crimen ipsius scriptum. Et infra, *quod scripsi, scripsi*, hunc sensum habere, *quod actum est, hoc ratum habeo*. Hebraicum idioma hic Syriacum designare, non ipsam linguam Hebraicam; secundum ea, quæ superius dicta. Titulum fere similem, ut legi a quocunq; posset, extare apud Julium Capitolinum. De forma autem tituli non fuisse disceptatum inter Pilatum & Pontifices ante educationem ad locum supplicii, quod Jo. Gerardo nostro placuerit; sed post expositum omnium oculis titulum, lectumque in monte Calvariae, reversos Pontifices maximos Hierosolymam & cum Pilato locutos. Particulam enim & in toto Joannis textu maxime expendendam. Licuisse autem Pilato, etiam per leges Romanas, mutare quidquam in titulo hoc, etsi non in ipsa sententia, noluisse autem, utpote iracundum & pervicacem ingenio, ex sententia Edmundi Meryllii; ex quo & hic & alibi pleraque Notarum suarum in Pass. Christi, Wissenbachium J.C. descripsisse, & vitula illius fere ubique aravisse, animadvertit aliquoties Bynæus. Qualem sortitionis modum circa vestimenta Jesu adhibuerint milites, frustra inquiri; quod apud Romanos varii admodum in usu fuerint. Sorte autem ipsa non pallium tantum, sed τὰ ἱματία, h. e. vestimenta Jesu omnia, excepta tunica, divisa statuit, contra Casaubonum, Grotium, Salmasium. More enim vestiendi Judaico habuisse illum præter pallium & tunicam, etiam zonam, & feminalia, tiaram, calceos, & sub tunicis atque talaribus quoddam vestimenti genus, ex lino vel gossypio factum, aliave materia molli. Credibile autem esse admodum, ex tota cohorte Romana quatuor solum fuisse milites, quorum opera Jesus suffixus cruci sit, & quatuor adeo illos fecisse partes. Tunicam vero describi a Johanne, quod fuerit inconfutilis, (id quod omnem sartoris operam excludat,) & deinceps, sola textura confecta. Quomodo hoc fieri potuerit, ingenia doctissimorum hominum ab omni ævo torfisse. Sequidem semper existimasse, tunica

p. 306.

p. 309.

p. 310.

p. 312.

p. 316.

p. 315.

p. 317.

p. 16. 318.

422.

p. 322.

p. 324. seq.

p. 326.

p. 327.

p. 308. seq.

p. 338.

- p. 339. tunicam Jesu fuisse totam textilem, sine ulla futura, aut acus sarcinatricis opera. Ac vidisse, puerum admodum, Trajecti ad Rhenum indusum lineum textorii operis sine ullo vestigio *τῆς σαφίδος*, sine ulla sarcinatricis manus suspicione. Legisse etiam tunicas lineas Pontificis maximi Hebræorum & Sacerdotum vulgarium rotundas, undique clausas, & utrinque manicatas, sola textura, absque acus opera contextas. Hinc non placuisse sibi vulgatam illam opinionem, quæ tunicam hanc ex uno filo, binis prælongis acubus nexam asserit cum Casaubono & Jo. Gerhardo. Hoc enim artificium veteribus incognitum fuisse. Multo minus probatam sibi conjecturam Octavii Ferrarii, tunicam hanc saltem sine acu, solis manibus sursum versus contextam. Salmasium autem & Alexandrum Morum hic locum perinde non invenisse apud se. Simulac autem legerit, quæ Jo. Braunius de hac tunica, deque veteri ratione texendi, tam erudite tamque accurate disseruisset, vidisse hanc litem planissime decisam, ac nullum superesse dubium, quin tota fuerit textilis, sine ulla futura, aut acus sarcinatricis ope. Atque ideo hanc non fuisse scissam: sic enim
- p. 341. & artificium perdidissent milites, & usum partium. Hic vero in-
- p. 344. comma Matthæi 35. cap. 27 irrepsisse agnoscit verba illa, quæ quondam ex Johanne margini adjecta fuerint, *ut impleretur. miserunt forse*; utpote quæ nec tot codices agnoscant, nec interpretes, nec patres vetusti; nihil tamen temere movendum suo loco existimans. Testimonium Prophetæ ipsum allegasse Joannem ex Psalmo 22, 19.
- add. p. 364. (quem de Messia exponendum suadeat ratio non una) & scripturam
- & 421. istam hic fuisse impletam, h. e. evenisse id, quod in illa prædictum fuerit longe ante. Quin demonstratum libro quarto ait Cl. Auctor,
- p. 345. facta hæc a militibus esse, ut huic vaticinio sua constaret fides. His omnibus peractis, milites apud Matthæum dici sedentes *servasse* Jesum illic, i. e. more prædicto & usitato ad crucem, ne quis eum detraheret, affedis, collato Math. 27, 54. etsi dubitari nequeat, quin *τὸ τοῦ Ἰησοῦ* sumatur aliquando pro *παρατηρεῖν*, *insidiari*, uti Joh. 15, 20. Luc. 20.
- p. 346. 20. atque illam expositionem Salmasio a Sarravio non debuisse pro-
- c. 7. p. 366. poni ut novam, neque ulli ante se memoratam. Gerhardum nostrum & nonnullos alios existimasse, acetum illud, quod Lucas oblatum Jesu commemorat 23, 36, esse distinctum ab ea oblatione aceti, quam Mathæus 27, 48. & Marcus 15, 36. recensent. Lucam enim describere

bere oblationem, quæ facta sit, antequam Christus de siti conquere-
retur. Bynæo autem opinio Augustini & aliorum longe probabilior
visa, tres illos scriptores locis indicatis egisse de uno eodemque potu,
qui pendenti in cruce per spongiam oblatus sit. Lucam enim alterius
potus, qui postea oblatus sit, non meminisse usquam. Et vicissim,
Matthæum atque Marcum non facere mentionem ullam aceti, quod
pendenti jam e cruce antea oblatum sit. Et quanquam Lucas obla-
tionem aceti cum reliquis illusionum generibus jungat, inde ta-
men non posse colligi, acetum hoc oblatum ante esse, quam Jesus de
siti conquereretur. Lucam enim sæpius ordinem accuratum tempo-
ris non servasse. De aceto ipso infra. Quod porro Matthæus ait
cum Marco, etiam *latrones* convitia iniecisse Jesu, cum Jo. Drusio ita
exponit Noster, *alterutrum* de latronibus. Hebræorum enim more
numerus pluralem adhiberi aliquando, cum de duobus, quisnam sit,
relinquitur in medio, Jonæ 1, 6. & 1. Sam. 18, 21. per duas te conjunges
mecum affinitate, i. e. *per alteram e duabus*. Pluralem itaque hic non
poni pro singulari. τὸ σήμερον hic non esse particulam asseverandi,
certo mecum eris in paradiso; præcedere enim τὸ ἀμὴν particulam
affirmandi, & sic manifestam fore tautologiam. Maria ἡ τῆς
Κλωπᾶ, *uxor*, non *filia* Nostro ideo exponitur, quia hæc Maria a
Marco vocetur mater Jacobi parvi, filii Alphei, qui cum Clopa unus
idemque fuerit. Credibile videtur eidem, Josephum, Mariæ
conjugem, mortuum jam fuisse, cum hæc gererentur, opibus vix ul-
lis relictis, atque hinc curam matris suæ, quam in media turba e longin-
quo conspexerat commendatam Johanni a Jesu. Per πᾶσαν τὴν γῆν te-
nebris oppletam intelligendam solam terram Israëliticam seu Judæam
universam, ex loco Lucæ 4, 25. putat admodum probabile fieri, *in*
diebus Eliæ fames fuit magna ἐπὶ πᾶσαν τὴν γῆν, per omnem terram,
i. e. terram Israëliticam universam. Similiter hic dixisse Lucam,
ἐφ' ὅλην τὴν γῆν, vocabula enim πᾶς & ὅλος permutari. Quin &
πᾶσαν τὴν οἰκωμένην Lucam 2, 1. non intelligere de orbe Romano, sed
de tota terra Israëlita. Et quanquam hanc caliginem Phlegon Tral-
lianus atque Thallus annotasse videantur, apud eos tamen nullam
mentionem ullius regionis extra Judæam esse, quam hæc tenebræ oc-
cuparint. Ex iis igitur non dari intelligi, quam late patuerint. Etiam
ex Tertulliani loco de *casu mundi* non constare, habitantes extra Ju-
dæam

P. 371.

P. 383.

P. 387.

P. 390.

c. 8. p. 409

P. 404. seq.

P. 410.

dxam eundem sensisse. Ac si vel maxime hæ tenebræ patuissent longius, ac regiones alias occupassent quam Judæam; credibile tamen manere, scriptores sacros, dum res describunt in Judæa gestas, loquendi more admodum trito dixisse, fuisse eas ἐπὶ πᾶσαν τὴν γῆν, ad designandam Judæam universam, & de toto orbe non posse hic cogitari.

- P. 419. Sententiam Gerhardi nostri de verbis, *dicebant quidam, Eliam vocat iste*, præfert Bynæus reliquorum opinionibus omnibus; Judæos scilicet, verba Jesu probe intelligentes, mero sarcasmo ei illusisse. Vas illud, quod plenum aceto erat, non fuisse allatum a militibus, ut ex eo potum Christo darent, sed potius, ut sibi ex eo potum sumerent, militarem & consuetum, assentitur laudato sæpius Emundo Meryllio: adjectis præterea locis pluribus profanorum auctorum in eam rem. Milites enim incertos, quamdiu manendum ipsis in illa custodia crucifixorum sit, videri cibum potumque secum habuisse, ut miles ille apud Petronium, qui cruces asservabat, cœnulam suam. Potum illum fuisse vilissimum, quem milites, sicut dimensum, communem habuerint cum servis. Hunc præbuisse militem Jesu, ut eum rideret tanquam vanum regem, cui vini loco bibenda *posca* foret, potio ex aqua acetoque mixta, ut quidam velint. Circa litem de calamo & hyssopo dicit frustra se fatigare homines eruditos, & plana omnia esse, si dicamus cum Origene, hyssopum & calamum unum idemque esse. Scapum sc. five thyrsum hyssopi recte appellari a Matthæo & Marco κάλαμον, & sumi pro caule cujuslibet plantæ, nec semper significare arundinem. Talis caulis par utique videtur fuisse ferendæ spongiæ levissimæ ad os Jesu, in cruce non adeo excelsa. Vinum myrrhatum non sumpsisse Christum supra: at nunc acetum, in siti præbitum, suxisse e spongia ac imbibisse. Effatum Christi ultimum non fuisse, *consummatum est*, sed eum post aliquod spatium temporis Patri voce magna spiritum suum commendasse. De velo scisso, quo Sanctum Sanctorum obtectum fuerit, cogitari inter alia posse quoque non inconcinne, Deum iram suam hoc miraculo voluisse testari; ipsum enim divini cultus locum brevi per Romanos pandendum fore. *Terram*, quæ tunc mota esse dicitur, signare montem Golgotha, Hierosolymasque ac circumjacentem porro terram Judaicam. Incertum autem esse, quænam terræ partes hoc motu concussæ sint, & quousque pertigerit hic motus, in signum iræ Divinæ. Sic enim terræ motum

Apoc.

Apoc. 16, 18. 19. 20. conjungi cum aliis judiciis gravissimis, atque ita obiter explicat Bynæus, quid sit, quod *omnis insula fugisse* ibidem dicitur. Romæ, quæ sit Babylon magna, aliud fuisse *insulam*, aliud *domum*, & diversa ædificiorum genera. *Insulas* Festo proprie dici illas ædes, quæ non junguntur communibus parietibus cum vicinis, sed circuitu publico aut privato cinguntur, a similitudine earum terrarum, quæ fluminibus aut mari eminent, suntque in salo positæ. Ubi laudatur V. C. L. Jo. Georgii Grævii præfatio, Tomo IV Thesauri præfixa. Et sic Romam etiam nunc insulis abundare; facta autem ruina, quærendam eam in ipsa Roma fore, etiam montibus septem milibus absumptis. Quinam fuerint sancti, qui circa mortem Christi resurrexerunt, neminem mortalium dicit nosse, in silentio Matthæi. Mutandam autem censet ibi interpunctionem vulgatam, hoc modo: *Et egressi ex monumentis, post resurrectionem ejus introierunt in sanctam urbem, & apparuerunt multis, sublata distinctione post ejus.* Ita enim distinguere Syrum interpretem. Neque vero credibile esse, sanctos illos in vitam revocatos, post resurrectionem demum Jesu e monumentis suis egressos, & continuos tres dies mansisse in sepulcris suis. Centurionem Romanum, videntem tot prodigia, agnovisse dicit potentiam Dei, atque hoc sensu *glorificasse* eum, collato Luc. 5, 26. Existimasse enim, Jesum filium alicujus Dei esse, cum Pilato: neque didicisse Centurionem a Judæis opinionem illorum de Messia, (quam tamen invaluisse tunc, itidem adstrui nequeat) constare posse ulla ratione; rerum utpote Judaicarum nec curiosum forsitan nec peritum: cum H. Grotio. Diem illum Sabbati *magnum* dici putat, quod non Sabbatum tantum esset, sed etiam secunda dies Paschæ; secutus Cæsarem Baronium. *Illo enim die oblatus erat manipulus primitialis, & agnus*: secundum Lev. 23, 11. 12. 13. Judæos igitur ad eam legem, quæ post mortem demum jubet ad Solis occasum deponi suspensos, non respicere; sed quod spectaculum tam triste non putarent convenire cum Sabbati solennitate. Probari non posse, quanta sanguinis & aquæ copia ex latere Jesu fluxerit, sed *ἐξέρχεται* in genere significare *exire*, sive magna sit quantitas sive parva; contra Gerhardum & alios. Sanguinem tamen & aquam sic profluxisse, ut distincte potuerint dignosci. Ac videri sibi separari aquam sive aquæ similem humorem, dum sanguis coagulatur, & corpus interempti violenta-

p. 459.

p. 461.

p. 463.

p. 465.

p. 468.

p. 476.

p. 478.

p. 482.

morte frigescit. Promiserat C. L. Bynæus librum etiam *quartum*, cuius sapius libro hoc tertio meminisset, p. 295. 35. 344. 365. 410. 421. & 486. Ei adungere præterea voluit librum singularem *de sepultura* Jesu Christi, ceu monet præfatione libri tertii. Verum præventus fato est, atque spes illa fortasse, quod doleremus, sepulta.

RELATION SUR LE QUIETISME.

i. c.

*RELATIO DE QUIETISMO AUCTORE DN. JACOBO
BENIGNO BOSSUETO Episcopo Meldensi.*

Bruxellis, apud Lambertum Marchant, 1698. 12. plag. 7.

Subinde jam a nobis litis, quæ Cameracensi Archi-Episcopo cum Meldensi Præsule aliisque Galliæ Episcopis intercedit, facta est mentio. Sed hæc hactenus doctrinæ solum sacra capita, super quibus inter eos contenditur, præeuntibus nobis, quos recensuimus, autoribus, deliberare licuit: ut adeo quid in Cameracensis Præsulis doctrina redarguatur, quo pacto ipse se tueatur, suamque mentem edisserat, inde intelligi quodammodo queat. Nunc autem originis totius controversiæ factorumque historiam, eundo per summa rerum capita texemus, quam cognoscere accuratius forte non pauci gestient. Primo itaque Bossuetum audiemus rem omnem iusta serie exponentem: deinde & Fenelonium eandem narrantem sistemus: tandemque rursus, quæ Bossuetus pro sua narratione reposuerit Cameracensi Præsuli, indicabimus.

- Sect. I. Postquam causas, quibus inductus hanc de Quietismo relationem ediderit, edisseruit doctissimus Bossuetus, a prima origine litem hanc repetiturus, jam pridem quidem Fenelonium nonnullis, Sect. II. quod novæ Orationis ac Quietismi fautor esset, suspectum fuisse profitetur. Sibi ergo nihil magis in votis fuisse, quam ut Viri hujus mentem sententiamque perdiscere accuratius ~~li~~ceret. Deo autem sapientissime res ita dispensante, Guyoniam foeminam notissimam & Quietismi maxime suspectam, (quæ haud exiguam hujus historiæ partem facit) volentibus & suadentibus ita ejus amicis, sententiam suam de oratione librosque suo arbitrio & examini A. 1693 submisisse. Vix
se

se adduci potuisse ait, ut ejus petitis annueret; annuisse tamen tandem tum aliis rationibus commotum, tum maxime quod Fenelonium Abbatem (tum enim nondum Archi-episcopus erat) hujus consilii auctorem esse intelligeret. Guyonia ergo (ut porro refert) tradidit Episcopo libros suos tum typis exscriptos, tum manu exaratos, commentarium nimirum in libros Moïsis, Josuæ, Judicum, & alias Divinæ Scripturæ partes, & inter ceteros eum quoque, quo vitæ suæ historiam fuerat complexa. In iis, præsertim in vita Guyoniæ, dum omnia accurate perlustraret, multa atro notanda lapillo se invenisse refert. Interque ea & hoc, quod Guyonia tanta gratiæ cœlestis copia se affluere diserto autumet, ut habeat etiam quod aliis impertiat. Neque enim precibus (ita loquitur apud Nostrium) aut admonitionibus, quibus ceteroquin gratiæ dona communicari cum aliis solent, se hanc gratiam derivare in alios, sed si quis saltem sibi præsto sit, & lecto suo adsideat, eum fore participem gratiæ cœlestis. Affert ipsa Guyoniæ verba, ut iis evincat, hanc ejus fuisse sententiam. Multa in iis de plenitudine gratiæ sibi concessa dicere videtur, quæ tanta sit, ut necessitate quadam urgeatur ad partem gratiæ in alios diffundendam. Miracula quoque, prædictiones, vaticinia, ut Bossuetus memorat, sibi tribuit. Interim certior facta, hæc aliaque Meldensium Præsuli displicere, datis ad eum litteris, tueri ea atque defendere sustinuit, atque quod ad gratiæ communicationem attinet, provocare ad experientiam, qua constet, multis, quod sibi præsentibus fuerint, novam gratiæ accessionem obtigisse. Prohibita tandem illi ab Antistite fuit ista gratiæ communicatio: & illa, licet eam non damnaret, obsequium tamen promisit. Addit hinc alia παράδοξα Auctor Illustrissimus, quæ in librorum istorum perlectione se illi obtulerint: quod scilicet dixerit, se electam in hoc seculo ad destruendam rationem humanam, & ad sapientiam Divinam stabilendam: se esse foeminam istam Apocalypticam, quæ tot infantes in lucem edat, quot homines a gratiæ sibi a Deo concessæ plenitudine instructos a se dimittat: contra quos flumen ex faucibus suis emittat draco, hoc est vexare, perterrefacere eos conetur, licet a Deo servandi sint; & quæ hujus commatis alia sunt longe plurima. Nec illud prætermittit, quod se sponsam Christi prædicaverit, indeque B. Virgini Θεοτοκῶ non tantum se æquaverit, sed fere prætulerit, & quod preces ad Sanctos ipsamque Virginem Mariam fundere recusaverit, vel ideo

quod sponsam minime deceat, ab aliis, ut suo nomine aliquid a sponso petant, impetrare velle. Sed hoc cum primis animadvertit, eam, se extra errandi periculum constitutam esse credidisse: atque inde quidem argumentum, quod a Deo missa sit, petiisse: eam omnem sui amorem eo usque a se removisse, ut ne a Deo quidem aliquid sui ipsius causa petere sustinuerit. Interrogatam enim ab Auctore, annon sui causa a Deo aliquid petere posset? diserte respondisse, se non posse. Atque hanc ob causam, formulam precationis Dominicam eam mire detorsisse. Interrogatam, annon remissionem peccatorum a Deo petere posset? rursus exerte respondisse se non posse. Hæc omnia Bossuetus, uti refert, significavit Fenelonio, qui & passus est suo quoque iudicio falli foeminam, & vanis visionibus decipi; adjecit tamen, probandos esse spiritus; interim quod multa de se ipsa narret, in eo sanctissimos viros ipsosque Apostolos illam sibi habere præcuntes. Ex quibus haud obscure se intellexisse ait Noster, Fenelonium maximum hujus foeminæ esse admiratorem, eamque in oculis ferre.

Petiit tum Guyonia (ita rem porro ad ductum Bossueti enarrabimus) a Rege, & impetravit quoque, ut sententia sua Theologis quibusdam accuratius excutienda committeretur. Injunctum istud munus fuit Bossueto, & Episcopo Cabillonensi, qui postea ad Archiepiscopatum Parisiensem est evehctus, eidemque hodiernum præest, ut & Tronsonio, Superiori Generali Congregationis S. Sulpicii. Summam in perlegendis & trutinandis Guyoniæ scriptis illi adhibuerunt industriam, precibus tamen non minus, quam labore & studio arduum hoc negotium aggressi. Accessit mox Fenelonius, partes Guyoniæ agens, ejusque placita pro viribus emolliens, excusans, defendens. Quod licet Præsules isti ægre ferrent, magnoque dolore perfunderentur, Virum, & ingenio, & doctrina, & morum probitate conspicuum, in hæc præcipitia ferri, silentio tamen rem omnem involve-
runt, ut Fenelonii honori consulerent. Unde & omnium applausu & congratulatione Cameracensis Archiepiscopatus illi est collatus. Exploratum autem esse sibi existimat Noster, si Galliæ Regi, quæ hactenus gesta sint, innotuissent, eum nunquam permissurum fuisse, ut ad istam dignitatem eveheretur Fenelonius. Nec tamen se, quod ita se gesserit, reprehendi posse ait, eo quod animum ad obsequium & meliora admittenda paratum subinde Fenelonius præ se tulerit.

Quod

Quod ut evincat, epistolas quasdam nihil nisi obsequium spirantes hic profert. Interim quibus cura in doctrinam Guyonia inquirendi demandata fuerat, in hoc labore strenue pergebant, eoque consilia sua dirigenda intelligebant, ut Fenelonius quoque in viam reduceretur. Mitius tamen cum illo agendum esse censebant, ne irritatus magis magisque in transversum ageretur. Ne itaque palinodiam canere aut retractare sententiam videretur, veritas tamen insimul stabili-
retur, articulis quibusdam Issiaci, unde a loco Issiacenses dicuntur, ea doctrinae capita complexi sunt, in quibus & Guyonia & Fenelonius secus, quam par erat, sentire videbantur, eosque subscriptione singulorum firmare consultum duxerunt. Fenelonius, priusquam eos perlegerat, se ad subscribendum paratum esse demonstravit: sed ad perlegendum illi traditi sunt. Mox itaque singulis articulis restrictiones quasdam addidit, quibus vis illorum tollebatur, aut in ejusmodi sensum detorquebantur, qui ab Episcoporum, a quibus concepti erant, mente prorsus erat alienus. Noluerunt tamen isti Præsules disputationi prolixiori rem istam committere: hinc Fenelonius tandem cessit, adeoque die 20 Martii anno 1695 articuli isti subscriptione firmati sunt. Quem autem hic demonstraverat animum ad obsequendum paratum, eum postea quoque non semel prodidit, praesertim cum a Bossueto & Cabillonensi Episcopo solenni ritu inaugurandus esset. Priusquam nimirum ista consecratio perageretur, ad Nostrum accessit sanctissimeque testatus est, se in doctrina cum eo exactissime consentire. Sed ad Guyoniam quod attinet, illi se usum sacramentorum in sua diocesi concessisse non diffitetur Bossuetus, sed postquam meliora & saniora admittere videbatur, subscripseratque & articulis, quibus ejus placita prorsus evertiebantur, & censuræ, qua a Bossueto & Cabillonensi Præsule & libri ejus & doctrina condemnabantur. Proinde concludit, quæcunque pro Guyonia scripsisse aut fecisse videri possit, ea se hoc intuitu aut scripsisse aut fecisse, quod crediderit eam serio & ex animi sententia decretis superiorum se submisisse, obsequiumque promisisse.

Interea ad articulos Issiacenses declarandos & explicandos librum composuerat Bossuetus, eumque a Parisiensi Archiepiscopo & Carnuteni Præsule, ipsoque Archiepiscopo Cameracensi approbari volebat, ut consensus omnium in hisce doctrinae capitibus elucesceret. Approbarunt eum haud difficulter & Parisiensis & Car-

nutensis Præfules: at Cameracensis hisce accedere noluit. Et licet Bossuetus illi demonstraret incommoda plura gravissimaque inde secutura, non tamen ut mutaret mentem, ab eo impetrare potuit. Contra enim Cameracensis Præsul contendebat, gravissimas sibi esse rationes, cur approbationem suam libro Bossueti denegaret. Eas hic prolixè ipsius Fenelonii verbis refert Bossuetus, quæ huc fere redeunt: Primo quidem, quod in isto scripto cuncta contra Guyoniam fœminam essent directæ: namque licet libros ab ista fœmina scriptos nullatenus comprobet, quin fateatur, ex verbis ejus, prout jaceant, talia sequi, quæ nullo modo admitti, aut excusari possint, nihilo secius sibi exploratum esse, fœminam istam nullum fovere errorem, nec male sentire, licet minus accurate loquatur: jam vero Bossuetum errores ejus ita notare, ut non tam libros quam ipsam fœminam condemnare videatur, quod ipse nullo modo facere possit, qui credat, perperam ejusmodi errores ipsi fœminæ imputari. Addit Fenelonius, non potuisse se approbando librum Bossueti condemnare Guyoniam, ut non simul æternum existimationi suæ inureret dedecus, cum quanti semper istam fœminam fecerit, nemini sit ignotum: nec injuria in ea se verlatum fuisse opinione, Bossuetum condemnando Guyoniam, contra se quoque tela ista direxisse, ut adeo in se ipsum injurius fuisset, si istum librum suo comprobasset calculo. Hæc Fenelonius. Bossuetus dum ista recenset, subinde quibus ea redarguat, addit. Summa huc fere redit: supponere se, Guyoniam meliora edoctam serio & ex animi sui sententia errores istos retractasse, adeoque potuisse omnino doctrinam ejus damnari, ut non ipsa simul damnaretur: nimirum Fenelonii erga hanc fœminam amorem vix excusari posse: non tam turpe illi futurum fuisse, si errorem hunc agnovisset, quam sit, quod defendere istam fœminam pergat: sibi itaq; tribui nullo modo posse, quod existimationi ejus detrudere quicquam voluerit.

Sed & alia in scripto, quo Fenelonius causas denegatæ Bossueto approbationis attulerat, occurrunt, quæ Bossuetus nunc accuratius sibi discutienda sumsit. Iis non immorabimur, quod ad caput causæ non adeo spectent. Præcipuum illud est, quod cum Fenelonio expostulat, cur Tronsonio solum, & Parisiensi Archiepiscopo explicationem 34 articulorum Isiacensium exhibuerit, plane ac si ad se istud negotium non pertinuisset? itemque cur consilia de libro, quo Regulas Sancto-

Sanctorum explicavit Fenelonius, non secum, sed itidem solum cum Parisiensi Præsule & Tronsonio communicaverit, & quæ id genus alia sunt.

Hiscæ autem ita ordine expositis, de libro a Fenelonio ad explicandas Sententias & Regulas Sanctorum edito, disserit. Eum mense Februario anno 1697 sine ulla approbatione prodiisse in lucem autumat. Certe Archiepiscopum Parisiensem librum suo calculo non comprobasse, vel ex ejus scripto, quo id se fecisse abnuat, apparere. Parum autem proficere Fenelonium excipiendo, approbasse quidem Parisiensem Præsulem librum, aut scripto hanc approbationem non consignasse: namque non positum huic Præsuli in more esse, publicam approbationem denegare ei, in cujus scriptis, quod culpet, non inveniat. Refert porro, quanti exorti sint animorum motus, cum Fenelonii liber lucem adspexisset: urbem, aulam, Sorbonam, collegia, omnes denique cujuscunque conditionis & sexus homines maximam animo contra illum concepisse indignationem, ut fama hujus rei ad aures Regis quoque perveniret. Atque hæc omnia contigisse, priusquam ipse (Bossuetus) suum librum illi opponeret. Unde miratur, qui Fenelonius sibi imputare audeat, ac si omnes in eum armasset? De libro ipso autem ita censet, ad excusandos & defendendos Mysticos illos nuper exortos eum unice esse comparatum, Guyoniae errores cumprimis in eo fuisse emollitos, & in ejus gratiam Molinosium quoque leniter habitum, quod illa plurima cum hoc haberet communia. Et etiamsi Molinosium rejicere & condemnare videatur, callide tamen eum solum loqui de LXVIII propositionibus a Sede Romana damnatis, non autem de Manuductione Molinosii hoc eum intelligere, ex qua pleraque tamen hauserit Guyonia, & quæ non minus a Romano Pontifice rejecta sit, quam propositiones istæ antea memoratæ. Quod autem Fenelonius præ se tulerat, hunc librum ad sententiam solum Bossueti dilucidius proponendam spectare, id nullo modo admittit, exemplumque profert, quo sententiam suam impugnet potius Fenelonius atque refellat, tantum abest ut explicet.

Sed hæc ipsa explicatio articulorum Illiacorum Bossueto adeo se non probavit, ut ex instituto de ea sibi aliquid adhuc monendum duxerit. Nimirum eorum quicquam, quæ explicare se profiteatur Fenelonius, in articulis Illiacis contineri, Noster diserte negat.

Sect. VI.

Sect VII.

Amoris istius naturalis, de quo tam multa verba faciat Fenelonius, nullam ibi injectam fuisse mentionem. Caput autem disceptationis in eo positum fuisse, an quis justæ condemnationi, qua a Deo se condemnatum censet, acquiescere possit? Nec constare sibi satis Fenelonium, sed mutare subinde aliquid in hac Explicatione, corrigere aut adjicere, ut quid demum sentiat, nunquam certo constet. Quo ipso tamen errorem, qui menti ejus semel sederit, adeo non tollat, ut novis potius & gravioribus se induat. Quæ ne frustra Fenelonio objecisse videatur, Auctor omnem movet lapidem. Patere hinc autem putat, se in hoc negotio aliter se gerere non potuisse, quam ut edita Declaratione laboranti succurreret veritati, cum judice Hormisda Pontifice, ipse impellat in errorem, qui non instruit ignorantes. Idque munus eo minus se subterfugere potuisse, quod Fenelonius præ se tulerit, ac si suam (Bossueti) explicaret saltem sententiam; a qua tamen eum alienum maxime esse ut omnibus innotesceret, sua magnopere interfuisse. Romam autem quod miserit hanc Declarationem, nemini mirum videri posse, qui secum expenderit, ipsum Fenelonium prius suum librum Pontifici obtulisse.

Sect. VIII.

Sed ut demonstret porro, pace & concordia nihil sibi prius aut antiquius esse, probare annitur, per se non stetit, quo minus per colloquia, aut alia ratione concordie alenda accommodata, lis ista fuerit finita. Quin obtulisse se Fenelonio colloquium ad controversias istas tollendas, legibus æquissimis instituendum, sed non potuisse eum ulla ratione adduci, ut consentiret. Cum ergo non alia ratio superfuerit, in viam eum reducendi, editam tandem fuisse Declarationem istam notissimam. De qua licet multum conqueratur Fenelonius, recte tamen dixisse Archiepiscopum Parisiensem, quod in eo mitissime cum illo fuerit actum. Multa enim adhuc objici Fenelonio & in ejus doctrina redargui potuisse, quæ lubentes, ut existimationi ejus consulerent, prætermiserint. Conqueri porro Fenelonium, quod correctionum & emendationum suarum in hac Declaratione nulla habita fuerit ratio: ast non optimi commatis eum librum esse, cui tot correctionibus & emendationibus succurrendum sit: eas insuper rem non conficere, sed involvere potius magis magisque, & caliginem lectoribus objicere. Articulos autem, quibus falsos Mysticos condemnare videatur Fenelonius, dicis gratia adjectos solum esse, nec in ipsos errorum fontes penetrare,

Ultimo

Ultimo loco aliquid addit de variis scriptis, Italico & Latino sermone Romam missis, quibus sibi objiciatur, quod cum Jansenistis contra Cameracensem Præsulem conspiret, & ceu hostis Monachorum traducatur, quorum protector contra salutetur Fenelonius, qui solus etiam aptus prædicetur, ad auctoritatem Pontificis contra Episcoporum insultus defendendam. Quæ licet se consentiente scripta esse abnuat Fenelonius, ex veritatis tamen & justitiæ lege eum obstringi, ut publica declaratione illud testetur atque demonstret. Accusat quoque Fenelonium, quod Pontifici non sincere, ut deceat eum, se submiserit. Quod enim ab eo petierit, ut accurate unamquamque propositionem erroneam designet, sensumque censura notandum exacte definiat, id ad censuram Pontificis eludendam unice esse comparatum.

Concludit librum, paucis summam ejus repetendo, oculisque Lectorum subjiciendo. Sect. XI.

REPOSE DE M. L' ARCHEVEQUE DE CAMBRAY &c.

i. c.

RESPONSIO DNI. ARCHIEPISCOPI CAMERACENSIS AD
librum Dn. Episcopi Meldensis, cui titulus: Relatio
de Quietismo.

Bruxellis, apud Lamb. Marchant, 1698, 12. Pl. II.

Quæ Bossuetus retulit, ea Cameracensi Archiepiscopo in omnibus non probari, quilibet conjectura facile assequi poterit. Proinde eum nonnulla reposuisse, nemo mirabitur. Et ea quidem sunt, quæ paucis perlustrabimus. Repetit initio, quæ hætenus circa dogmata inter eos sint disputata. Hanc telam tam subito abruptam fuisse, ut Bossuetus, missis dogmatibus, ad facta prosilierit, conqueritur. Subinnuit tamen, ita se gessisse Præsulem Meldensem, quod quoad dogmata eo res deducta esset, ut quod reponeret, vix inveniret. Ipsam etiam in gravissimi momenti capitibus dissensionem Bossueti ejusque Sociorum, cum tamen amice in omnibus conspireare velint videri, eum induxisse autumat, ut relicta priori, novam hanc ingrederetur viam. Ne tamen & hic Fenelonius sibi ipsi desit, discepta-

tionis, quæ circa facta est, septem capita constituit. Primo, an recte Guyoniam tanti fecerit, disputat; tum, quo jure patronus & defensor ejus audiat, disquirat: porro de articulis Iſſiacis; de sua inauguratione; de approbatione libro Bossueti denegata; de libri sui promulgatione; & iis quæ illam infecuta sint, ita disputat, ut sibi objecta diligenter diluat.

Cap. I.

Guyoniam maximi se, ob singularem pietatem & excellentes in exercitationibus profectus, facere non diffitetur. Et vitio quidem hoc sibi verti non posse, cum ipse Bossuetus eam errorum, quos in scriptis ejus se deprehendere sibi visus sit, immunem declaraverit. Namque cum die 15 Aprilis anno 1695 formulam illi præiret, quæ obsequium suum Guyonia declarare debebat, inter alia his verbis eum fuisse usum: *Sancte restor, nunquam mihi constitutum fuisse quicquam docere, quod sit sententia Ecclesiæ Catholica, Apostolica, & Romana contrarium &c.* Hæc præeunte & verba concipiente Bossueto, profiteri debebat Guyonia. Sic & cum censuræ librorum suorum subscribere deberet, Bossuetus, ut Noster refert, ita verba ei præivit: *immunis sum omnium errorum in litteris pastoralibus explicatorum, semperque mihi constitutum fuit, ea scribere quæ a doctrina catholica non abirent &c.* Si ergo, ipso Bossueto fatente, errores in doctrina nullos fovit, & hanc ob causam societate fidelium & usu sacramentorum non indigna judicata fuit, sibi, quod magni eam fecerit, turpe esse non posse, inde concludit. Idque eo minus, quod libros fœminæ hujus manuscriptos nunquam legerit, impressos vero non nisi levi brachio attigerit; cum Bossuetus contra utrosque diligenter evolverit, & nihilo secius ab erroribus eam absolverit. Sed cum dubitare hac de re nonnulli possint, pluribus hoc confirmat, multisque rationibus hoc demonstrat, manuscriptos Guyoniæ libros nunquam sibi lectos esse. Interim non negat, cum Bossuetus sibi *παράδοξα* ex scriptis Guyoniæ retulisset, se ea condemnasse, supponendo hæc ita se habere, prout a Bossueto essent prolata. Quo ipso nihil fecerit, quod non exemplis virorum sanctorum fuerit comprobatum.

Cap. II.

Atque hinc colligi quoque posse ait, quo jure tituloque scripta Guyoniæ defendisse dicatur. Nunquam hoc sibi venisse in mentem. Cum doctrina fœminæ hujus a Bossueto & Sociis sub examen revocaretur, scriptum aliquod se illis obtulisse non abnuat. Ast
defen-

defendendæ Guyoniæ causa hoc factum negat. Petiisse scilicet a se Bossuetum, ut de argumento Mystico suam sententiam exponeret. Namque cum ad hoc negotium primum accederet Bossuetus, eum nec Franciscum Salesium, nec Johannem de Cruce, nec Rusbrokium, nec Taulerum, legisse. Se ergo paruisse & ex mysticis scriptoribus multa collegisse, unde postea libellus iste Regulas sanctorum continens, enatus sit. Bossuetus autem qua mente hoc scriptum perlegerit, nunc constare, postquam animum præjudicatis opinionibus obseptum satis prodiderit. Ad alterum argumentum, quo probare contendat Bossuetus, Guyoniæ doctrinam Fenelonium defendisse, quod scilicet ipsius se submiserit judicio, ita respondet, ut se submisisse non neget; alit ita se submisisse, ut corrigere, emendare sententiam, eamque retractare, & ab erroribus liberari vellet, rursus inficiatur. Neque enim ex eo, quod quis sibi ipsi non nimium fidat, quod paratus sit, si rectiora a superioribus edoceatur, ea admittere, recte colligi, eum minus recte sentire, aut in errore versari. Nec præsidium ullum. Bossueto afferre scriptum istud, quo Guyoniam damnare renuerit Fenelonius. Namque omnino distinguendum esse inter sensum libri, & mentem sententiamque Auctoris; quæ tamen distinctio multum differat ab ea, qua a jure discernitur factum. Atque cum ipse Bossuetus eam approbet, sibi non esse nefas eadem uti. Patuisse ergo, se sententiam Guyoniæ sibi satis perspectam defendere, ut tamen non approbaret ea, quæ ex scriptis ejus colligebantur. Ex verbis enim per imperitiam minus recte usurpatis, fluere posse sensum a mente ejus alienissimum. Nec tamen hoc eo valere, ac si ideo subscriberet Bossueto, doctrinam, non ipsam Guyoniam se condemnare videri volenti. Errores enim Guyoniæ ita describi a Bossueto, ut non possint non ipsi imputari; ut adeo, si vera esset sententia Bossueti, pro foemina callidissima & turpissimarum hæresium inventrice, merito sit habenda. Cui quod errorum sit immunis, quo pacto testimonium perhibere potuerit Bossuetus, iterum miratur. Quod enim dicat, eam condemnasse, & retractasse errores istos, eo ipso illum novis induere se difficultatibus. Namque condemnare, inquit, non potuit, nisi & retractarit, alit retractare qui potuit errores, quos nunquam habuit? Diversissima esse condemnare errorem, & retractare, quæ confuderit Bossuetus. Paucis cuncta tandem complectitur, profi-

tendo, se scripta Guyoniæ nec defendisse unquam, nec excusasse, non tamen eo modo ea condemnare voluisse, quo condemnaverit Bossuetus. Mentem vero Guyoniæ aliunde quam ex scriptis sibi fuisse perspectam, ut adeo eam immunem errorum merito judicaverit, licet ex scriptis ejus, ob formulas minus caute usurpatas, errores quidam fluant. Progreditur hinc ad librum suum de Sententiis sanctorum editum, eumque ad Guyoniæ placita defendenda comparatum esse, quod illi objecerat Bossuetus, diserte negat. Ad loca, quæ ut id evinceret, protulerat Bossuetus, ita respondet, ut unum quidem Francisci Salesii diserte injicere mentionem doceat, unde ad Guyoniam pertinere nequeat; alterum autem nihil aliud sibi velle ostendat, quam quod per experientiam Sanctorum, & effata Pauli, Jobi, S. Gregorii, S. Theresiæ certum sit & exploratum.

Cap. III.

De articulis Illiacis suam sententiam ita exponit. Fatetur, eos se absente fuisse conceptos. Exhibitos autem sibi fuisse tantum triginta. Respondisse se, si quædam declarationis causa adjicerentur, se paratum esse & sanguine suo iis subscribere. Additos hinc esse quatuor articulos, quo ipso cum obtinuisset, quæ voluerat, prompte & sine mora articulis istis se subscripsisse. Judicari hinc posse ait, quo jure Bossuetus asseruerit, articulos istos eo comparatos fuisse, ut honestiori saltem modo errores suos retractaret Fenelonius. Sed & cetera in hoc negotio sibi objecta diluit, ac breviter perstringit.

Cap. IV.

Sed & inaugurationis sive consecrationis suæ sibi injiciendam esse mentionem duxit. Negat autem diserte, se unquam a Bossueto petiisse, ut se consecraret; quin Bossuetum ad se accessisse, atque non tantum se ipsum obtulisse, sed cum deinde difficultates quædam oborirentur, Carnutensi Episcopo hoc munus sibi vendicante, strenue hoc egisse Bossuetum, ut istæ partes sibi obtingerent. Idque postquam pluribus comprobavit, Bossueto exprobrat, cur sibi non duxerit religioni novum quendam Montanum, Priscillæ cujusdam novum defensorem (ita enim, quod *ὡς ἐν παρόδῳ* monemus, Fenelonium appellitaverat Bossuetus) consecrare, & gregi Domini pascendo præficere? Namque quod obtendat forte Bossuetus, sperasse se, fore ut aliquando rectius sciperet Fenelonius, id ejusmodi esse probat, quod cum suspicione, quam de Fenelonio animo suo jam pridem insedisse Bossuetus demonstraverat, consistere nullo modo possit.

Postquam

Postquam itaque Fenelonius jam Archiepiscopali dignitate fulgeret, librum supra memoratum edere secum constituerat Bossuetus, eumque & a Fenelonio volebat approbari. Noluit autem Noster, idque gravissimis rationibus adductum se fecisse denuo asserit; easdemque, quas ex Bossueto retulimus, repetit, pluribusque confirmat. Nimirum contendit, doctrinam Guyoniae in hoc libro ita refutasse Bossuetum, ut ipsam Guyoniam non potuerit non condemnare; quod ut & ipse faceret, se adduci non potuisse, idque jure optimo. Sed ponderatis sedulo negotii hujus circumstantiis, multa inde colligit, quæ arguant, parum prudenter se gessisse Bossuetum exigendo approbationem libri, in quo fœdissimo modo lacerabatur Guyonia, a Fenelonio, quem illi favere nimio opere, ipse credebat.

Ut autem jure se approbationem suam Bossueto denegasse putat: ita cum suum librum promulgaret, nihil omnino se commississe contendit, quod a Bossueto reprehendi possit. Fatetur, se eum Bossueto, ut ab illo comprobaretur, non obtulisse: sed non potuisse se approbationem Bossueti sibi polliceri ait, postquam ab illo eo redactus esset, ut suam prius approbationem illi denegare sibi necesse fuerit. Ad Archiepiscopum autem Parisiensem quod attinet, non diffitetur eum sibi objecisse, audax esse quod susciperet facinus, librum tamen ipsum bonum & utilem judicasse. Fatetur denuo, Præsulem istum noluisse hunc librum suum publica approbatione cohonestare, quod per Meldensem Episcopum, cujus librum tali testimonio se ornaturum promississet, hoc illi non liceret: nihilo secius postquam ab hoc Præsule notata emendasset Fenelonius, professum eum esse, se quod in libro ipso desideret, non habere. Addidisse eum, sibi non videri, quod Fenelonius contradicat Bossueto. Et recte quidem, inquit Noster; hoc enim sibi plane non fuisse constitutum. Non abnuvit, adjecisse Parisiensem Præsulem, nolle se ut Fenelonii liber prius prodiret quam Bossueti: nec se ullo modo repugnasse ait; ast penes ipsum Archiepiscopum Parisiensem hoc stetisse, quominus hoc factum fuerit: saltem sibi hoc imputari non posse, cum se absente, permittente autem Archiepiscopo Parisiensi, liber iste fuerit publicæ luci expositus. Ostendisse quoque se librum istum, jussu Archiepiscopi Parisiensis, Piroto, censori acerrimo, & una cum eo librum perlegisse; hunc autem itidem calculo suo omnia approbasse.

Hæc

Hæc omnia postquam proluxius deduxit, concludit inde, ab omni veritatis specie abhorrere *ἐγκλημα* Bossueti asserentis, librum hunc ad Guyoniæ defensionem unice fuisse comparatum. Namque si tale quid sibi constitutum fuisset, sine summa imprudentiæ nota, aut Archiepiscopi Parisiensi, aut Piroti censuræ hunc librum se subjecturum non fuisse: cum uterque doctrinam Guyoniæ probe habuerit perspectam, neuter quoque illorum favere huic fœminæ dici possit.

Cap. VII.

Reliqua nunc unico fasce complectitur Auctor Illustrissimus. Per Bossuetum scilicet stetisse docet, ut in bellum aliquod lis ista eruperit: Bossuetum ad Regem accessisse refert, veniamque ab eo vultu ad tristitiam composito pœnitentiamque præferente petiisse, quod hucusque Fenelonii fanaticismum non detexerit, & ita Regem in se concitare voluisse: Bossuetum in culpa fuisse, quod in ipsa herba, quod ajunt, lis ista non fuerit oppressa. Fatetur, se litteras hæc dere ad Papam dedisse, sed fecisse se id jussu Regis, adeoque id sibi vitio verti non posse. Ut vero colloquium detrectaret, justas omnino sibi fuisse causas. Palam enim professum esse Bossuetum, in hoc colloquio nullo modo de doctrina disputandum esse: errores enim Fenelonii jam esse manifestos, ut nulla disputatione opus sit. Iniquum ergo fuisse Bossuetum inde concludit, qui tale colloquium obtulerit, in quo Fenelonius convictus jam, priusquam explicare aut defendere sententiam posset, retractare solum placita sua & palinodiam canere deberet. Et nihilo secius tamen se non plane respuisse colloquium, sed certis legibus descendere in istud voluisse, modo doctrinæ examen ab Archiepiscopo Parisiensi, Tronsonio, & Pirotto, prout inter illos convenisset, susciperetur. Addit se & aliam viam proposuisse, scriptis scilicet privatis per succinctas quæstiones & responsiones litem componendi: & acceptasse quoque eam initio Bossuetum, ast mox eum mutasse sententiam, & ut in colloquio retractaretur, voluisse. Per se itaque nullo modo stetisse inde colligit, quo minus lis hunc in modum composita fuerit, culpamque omnem scandalumque in Bossuetum recidere. Sed mittimus cetera, quæ cujusmodi sint, ex allatis facile intelligitur. Finit, reponendo nonnulla ad ea, quæ de motibus variis animorum, post libri a Fenelonio editi publicationem, ortis narraverat, & quæ Bossuetus ei objecerat, in illum retorquet.

* * * * *

ACTA ERUDITORUM

*Publicata Lipsia
Calendis Aprilis, Anno M DC XCIX.*

REMARQUES SUR LA REPONSE A LA RELATION
SUR LE-QUIETISME &c,

i. e.

DN. JACOBI BENIGNI BOSSUETI ANIMADVERSIONES
in Responsum Dn. Archiepiscopi Cameracensis ad Rela-
tionem de Quietismo.

Bruxellis, apud L. Marchant, 1698. 12. pl. 12.

Est hæc contentionum & controversiarum, quæ a viris eru-
ditis agitantur, indoles, ut vehementius incitati a doctrinæ
capitibus mox dilabantur ad facta, & quæ ad invidiam al-
teri faciendam pertinent, sedulo congerant atque conve-
ntent. Quo cum ventum est, in infinitum contentio abit,
nec ullus ejus finis, aut exitus apparet. Ejusdem rei exemplum nunc
præbent illustrissimi doctissimique Præsules, qui in bellum hoc sacrum
exarserunt, cujus originem tum ex Bossueti Relatione de Quietismo,
tum ex Fenelonii ad eam Responso prolixè satis mense nupero Martio
exposuimus. Superest itaque, ut nunc, promissi memores, quid
Fenelonio Bossuetus reposuerit, paucis indicemus. Fenelonii enim
vestigia in præsentibus, quas exhibemus, Animadversionibus relege-
re, & summo studio cuncta sibi aut objecta, aut exprobrata, discutere
non dubitavit Bossuetus: dubiumque nullum est, quin multa repone-
re iterum Fenelonius possit, ad quæ rursus quæ regerat, Bossueto non
sunt defutura. Nobis, si multa iterum hac de re commemorare velle-
mus, verendum esset, ne Lectorum abuti patientia videremur. .
Namque ad alios ex ejusmodi disceptatione parum redundat emolu-

T

menti:

menti: contra tædium facile omnibus afferre potest, præsertim iis, qui odii & amoris vacui sua non adeo referre credunt, quis ex hoc certamine superior evadat. Atque hæc sola ratio est, cur hunc librum indicasse solum nobis sufficiat. Nec enim ambigimus, quin ex præcedentibus, quodnam & hujus argumentum sit, & quænam contentionis hujus sint capita, cognosci affatim possit. Eo, quod præcipuum est, redit: Bossuetus denuo affirmat atque inculcat, Fenelonium Guyoniæ esse defensorem: distinctionem vero, qua a sensu libri discernitur sensus Auctoris, esse inauditam, & ita comparatam, ut quævis, quantumvis absurda, hoc modo aut defendi aut excusari queant, aut saltem caligo imperitioribus affundi possit. Fenelonius autem, cum se Guyoniæ defensorem esse neget, saltem eo sensu quo hoc intelligit Bossuetus, hanc autem distinctionem approbet, palam est, ab utroque eadem sæpius necessario esse repetenda. Atque in ceteris eodem modo se res habet, quæ eo libentius prætermittimus, quo difficilius est, in ejusmodi quæstionibus, a cujus partibus stet veritas, dijudicare.

* * *

Vixdum hæc scripseramus, Lector Benevole, quando Romani Pontificis Bulla, qua Archiepiscopi Cameracensis de Sententiis Sanctorum circa vitam interiorem liber, qui tantis in Ecclesia Romana contentionibus occasionem præbuit, damnatur ac proscribitur, ad manus nostras pervenit. Equidem num lis omnis sublata nunc ac sepulta censi debeat, nostrum non est arbitrari. Dubitandum enim fortasse, num propositiones illas XXIII, quæ in Bulla Pontificia damnantur ac reprobantur, omnes atque universas pro suis agnitus sit Cameracensis Præsul. Certe, ut obiter hoc unum moneamus, propositionem duodecimam, quam & nos iisdem fere, imo mollioribus verbis (*pro simpliciter* enim, ut in Bulla legitur, posuimus *tantisper*) in Actis nostris mense Junio anni superioris pag. 272, lin. 28 sqq. ex libro Archiepiscopi excerptam exhibueramus, a mente Autoris esse alienissimam, dudum in Scheda admonitoria, quam nupero mense Januario pag. 28 sq. cum Benevolo Lectore communicavimus, Illustrissimus Præsul, aut quicumque alius, certe assecla ejus, schedæ autor fuit, diserte professus est. Verum quicquid ejus sit, cum institutum utique Pontifici Romano fuerit, controversias tanto fervore agitatae su-

pre-

prema auctoritate decidere, nos saltem, Bullam ipsam Actis nostris inferuisse contenti, tot libellis, qui (præter illos, quos in Actis nostris anno superiore pag. 268. 278. 281. 476, & hoc anno pag. 20. 22. 24. 132. 139. 145 memoravimus) in utramque partem editi hætenus fuerunt, consueto studio recensendis videmur nobis posse supersedere. Nec rem ingratam tamen Lectori facturos nos arbitramur, si istorum, quorum quidem ad nos pervenit notitia, nec recensui tamen in Actis his comparet, indiculum qualemcunque hic exhibeamus; quem Bulla supra dicta, eaque integra, nec ulla parte mutilata, immediate sequetur.

Instruction Pastorale de Monseigneur l' Archevêque de Paris sur la perfection Chrétienne, & sur la vie intérieure, contre les illusions des faux Mystiques. A Paris, chez Louis Jossé, 1697. 4. Conferatur Diarium Eruditorum (Le Journal des Sçavans) Parisiense, 1698. p. 57. 344.

Illust. D. Archiepiscopi Ducis Cameracensis Epistola quatuor ad Illust. D. Archiepiscopum Parisiensem Ducem ac Patrem Franciæ, circa hujus de Vita interiore Instructionem Pastoralem. in 8.

Reponse de Mons. L' Archevesque de Paris aux quatre Lettres de Mons. L' Archevesque de Cambray. A Paris, chez Francois Muguet, 1698. 4. Conf. Diarium Paris. 1698. p. 255.

Divers Ecrits ou Memoires sur le livre intitulé: Explication des Maximes des Saints &c. Par M. Bossuet Evêque de Meaux &c. A Paris, chez Jean Anisson, 1698. 8. Conf. Diarium Paris. 1698. p. 155.

Observations d' un Theologien sur un Livre de M. De Meaux, intitulé Divers Ecrits ou Memoires. in 12.

Reponses de M. L' Archeveque de Cambray à la Declaration de M. L' Archeveque de Paris, de M. L' Eveque de Meaux, & de M. L' Eveque de Chartres. 1698. 12. Conferantur Acta nostra, 1698. pag. 278.

Lettres de M. L' Arch. Duc de Cambray a M. L' Eveque de Meaux, in 8.

Reponse de M. L' Evêque de Meaux à quatre Lettres de M. L' Archevesque Duc de Cambray. A Paris chez Jean Anisson, 1698. 8. Conf. Diar. Paris. 1698. p. 274.

Lettres de M. L' Arch. D. de Cambray, pour servir de Reponse à celle de M. L' Ev. de Meaux, in 8.

Lettre Pastorale de Monseigneur l' Evêque de Chartres au Clergé de son Diocèse, sur le Livre intitulé: Explication des Maximes des Saints, & sur les explications différentes que M. l' Archevêque de Cambrai en a donné. A Paris, chez Antoine Dezallier, 1698. 4. Conf. Diar. Paris. 1698. p. 344.

De Nova Quaestione Tractatus tres. I. Mystici in tuto. II. Schola in tuto. III. Quietismus redivivus. Auctore Jac. Ben. Bossuet, Episcopo Meldensi, Comite Consistoriano &c. A Paris, chez Jean Anisson, 1698. 8. Confer. Diar. Paris. 1698. p. 433.

Lettre de M. L' Archev. de Cambrai à M. L' Ev. de Meaux, pour répondre à son traité Latin intitulé Mystici in tuto. Sur l' Oraison passive. in 8.

Lettre du même à le même, pour répondre à son traité Latin intitulé Scholastici in tuto. Sur la Charité. in 8.

Reponse de M. L' Archv. D. de Cambrai à l' Ecrit de M. L' Ev. de Meaux, intitulé Quæstiuicula. in 8.

SANCTISSIMI DOMINI NOSTRI INNOCENTII DIVINA
Providentia Papa XII Damnatio & Prohibitio Libri Parisiis anno
M DC XCVII impressi, cui titulus: Explication des Maximes
des Saints sur la vie interieure.

Romæ, ex typographia Rev. Camera Apostolicæ. A. 1699.

INNOCENTIUS PAPA XII

ad perpetuam rei memoriam.

Cum alias ad Apostolatus nostri notitiam pervenerit, in lucem prodiiſſe Librum quemdam Gallico idiomate editum, cui titulus: *Explication des Maximes des Saints sur la Vie interieure, par Messire Francois de Salignac Fenelon, Archevêque Duc de Cambrai, Precepteur de Messieurs les Ducs de Bourgogne, d' Anjou, & de Berry. à Paris chez Pierre Auboin, Pierre Emery, Charles Clouſier, 1697*; ingens vero subinde de non sana libri hujusmodi doctrina excitatus in Galliis rumor adeo percrebuerit, ut opportunam Pastoralis vigilantia nostræ opem efflagitaverit; Nos eundem Librum nonnullis ex venerabilibus Fratribus nostris S. R. E. Cardinalibus, aliisque in sacra Theologia Magistris, mature, ut rei gravitas postulare videbatur, examinandum com-

commisimus. Porro hi mandatis nostris obsequentes, postquam in quamplurimis Congregationibus varias propositiones ex eodem libro excerptas diuturno accuratoque examine discussierant, quid super earum singulis sibi videretur, tam voce quam scripto nobis exposuerunt. Auditis igitur, in pluribus itidem coram Nobis desuper actis Congregationibus, memoratorum Cardinalium, & in sacra Theologia Magistrorum, sententiis; Dominici gregis Nobis ab æterno Pastore crediti periculis, quantum Nobis ex alto conceditur, occurrere cupientes, motu proprio, ac ex certa scientia, & matura deliberatione nostris, deque Apostolicæ potestatis plenitudine, Librum prædictum, ubicumque & quocumque alio idiomate, seu quavis editione, aut versione, hucusque impressum, aut in posterum imprimendum; quippe ex cujus lectione & usu fideles sensim in errores ab Ecclesia Catholica jam damnatos induci possent, ac insuper tanquam continentem Propositiones, sive in obvio earum verborum sensu, sive attendenta sententiarum connexionem, temerarias, scandalosas, male sonantes, piarum aurium offensivas, in praxi perniciosas, ac etiam erroneas respective; tenore præsentium damnamus, & reprobamus, ipsiusque Libri impressionem, descriptionem, lectionem, retentionem, & usum, omnibus & singulis Christi fidelibus, etiam specifica & individua mentione & expressione dignis, sub pœna excommunicationis per contrafacientes ipso facto absque alia declaratione incurrenda, interdiciamus & prohibemus. Volentes, & Apostolica auctoritate mandantes, ut quicumque supradictum Librum penes se habuerint, illum statim atque præsentis litteræ ei innotuerint, locorum Ordinariis, vel hæreticæ pravitatis Inquisitoribus, tradere ac consignare omnino teneantur. In contrarium facientibus, non obstantibus quibuscumque &c.

Cæterum Propositiones in dicto libro contentæ, quas Apostolici censura iudicii, sicut præmittitur, configendas duximus, ex Gallico idiomate in Latinum versæ, sunt tenoris qui sequitur; videlicet

I. *Datur habitualis status amoris Dei, qui est Charitas pura & sine ulla admixtione motivi proprii interesse. Neque timor pœnarum, neque desiderium remunerationum, habent amplius in eo partem. Non amatur amplius Deus propter meritum, neque propter perfectionem, neque propter felicitatem in eo amando inveniendam.*

II. In statu *Vita contemplativa*, seu unitiva, amittitur omne motivum interessatum timoris & spei.

III. Id quod est essentialiale in directione *Anima*, est non aliud facere, quam sequi pedetentim gratiam, cum infinita patientia, praecautione & subtilitate. Oportet se intra hos limites continere, ut sinatur Deus agere, & nunquam ad purum amorem ducere, nisi quando Deus per unctionem interiorum incipit aperire cor huic verbo, quod adeo durum est animabus adhuc sibi met affixis, & adeo potest illas scandalizare, aut in perturbationem conjicere.

IV. In statu sanctae indifferentiae *Anima* non habet amplius desideria voluntaria & deliberata propter suum interesse; exceptis iis occasionibus, in quibus toti suae gratiae fideliter non cooperatur.

V. In eodem statu sanctae indifferentiae nihil nobis, omnia Deo volumus. Nihil volumus, ut simus perfecti & beati propter interesse proprium; sed omnem perfectionem ac beatitudinem volumus, in quantum Deo placet efficere, ut velimus res istas, impressione sua gratiae.

VI. In hoc sanctae indifferentiae statu nolumus amplius salutem, ut salutem propriam, ut liberationem aeternam, ut mercedem nostrorum meritorum, ut nostrum interesse omnium maximum; sed eam volumus voluntate plena, ut gloriam & beneplacitum Dei, ut rem quam ipse vult, & quam nos vult velle propter ipsum.

VII. Derelictio non est nisi abnegatio, seu sui ipsius renunciatio, quam Iesus Christus a nobis in Evangelio requirit, postquam externa omnia reliquerimus. Ista nostri ipsorum abnegatio non est, nisi quoad interesse proprium. Extrema probationes, in quibus hac abnegatio, seu sui ipsius derelictio, exerceri debet, sunt tentationes, quibus Deus amulator vult purgare amorem, nullum ei ostendendo perfugium, neque ullam spem quoad suum interesse proprium, etiam aeternum.

VIII. Omnia sacrificia, quae fieri solent ab Animabus quam maxime desinteressatis, circa earum aeternam beatitudinem, sunt conditionalia. Sed hoc sacrificium non potest esse absolutum, in statu ordinario. In uno extremarum probationum casu hoc sacrificium fit aliquo modo absolutum.

IX. In extremis probationibus potest *Anima* invincibiliter persuasum esse, persuasione reflexa, & qua non est intimus conscientiae fundus, se juste reprobata esse a Deo.

X.

X. Tunc *Anima*, divisa a semetipsa, expirat cum *Christo* in cruce, dicens: Deus Deus meus, ut quid dereliquisti me! In hac involuntaria impressione desperationis, conficit sacrificium absolutum sui interesse proprii, quoad aeternitatem.

XI. In hoc statu *Anima* amittit omnem spem sui proprii interesse: sed nunquam amittit in parte superiori, id est, in suis actibus directis & intimis, spem perfectam, quæ est desiderium desinteressatum promissum.

XII. Director tunc potest huic *Anima* permittere, ut simpliciter acquiescat jactura sui proprii interesse, & justæ condemnationi, quam sibi a Deo indictam credit.

XIII. Inferior *Christi* pars in cruce non communicavit superiori suas involuntarias perturbationes.

XIV. In extremis probationibus, pro purificatione amoris, fit quadam separatio partis superioris *Anime* ab inferiori. In ista separatione actus partis inferioris manant ex omnino caca & involuntaria perturbatione: nam totum, quod est voluntarium & intellectuale, est partis superioris.

XV. Meditatio constat discursivis actibus, qui a se invicem facile distinguuntur. Ista compositio actuum discursivorum & reflexorum est propria exercitio amoris interessati.

XVI. Datur status Contemplationis adeo sublimis, adeoque perfectæ, ut fiat habitualis; ita ut quoties *Anima* actu orat, sua Oratio sit contemplativa, non discursiva. Tunc non amplius indiget redire ad meditationem, ejusque actus methodicos.

XVII. *Anima* contemplativa privantur intuitu distincto, sensibili, & reflexo *Jesu Christi*, duobus temporibus diversis: primo, in fervore nascente earum contemplationis; secundo, *Anima* amittit intuitum *Jesu Christi* in extremis probationibus.

XVIII. In statu passivo exercentur omnes virtutes distinctæ, non cogitando quod sint virtutes. In quolibet momento aliud non cogitur, quam facere id quod Deus vult: & amor zelotypus simul efficit, ne quis amplius sibi virtutem velit; nec unquam sit adeo virtute præditus, quam cum virtuti amplius affixus non est.

XIX. Potest dici in hoc sensu, quod *Anima* passiva & desinteressata nec ipsum amorem velit amplius, quatenus est sua perfectio & sua
soli.

felicitas ; sed solum quatenus est id , quod Deus a nobis vult .

XX. *In confitendo debent Anima transformata sua peccata detestari, & condemnare se, & desiderare remissionem suorum peccatorum ; non ut propriam purificationem, & liberationem, sed ut rem quam Deus vult, & vult nos velle propter suam gloriam.*

XXI. *Sancti Mystici excluderunt a statu Animarum transformatarum exercitationes virtutum.*

XXII. *Quamvis hac doctrina (de puro Amore) esset pura & simplex perfectio Evangelica, in universa traditione designata ; antiqui Pastores non proponebant passim multitudini justorum , nisi exercitia amoris interessati eorum gratia proportionata.*

XXIII. *Purus amor ipse solus constituit totam vitam interiorem, & tunc evadit unicum principium, & unicum motivum omnium actuum, qui deliberati & meritorii sunt.*

Non intendimus tamen per expressam Propositionum hujusmodi reprobationem alia in eodem libro contenta ullatenus approbare. Ut autem eadem præsentes litteræ omnibus facilius innotescant, nec quisquam illarum ignorantiam valeat allegare ; volumus pariter, & auctoritate præfata decernimus, ut illæ ad valvas Basilicæ Principis Apostolorum, ac Cancellariæ Apostolicæ, nec non Curiae generalis in Monte Citorio, & in acie Campi Floræ de Urbe, per aliquem ex Cursoribus nostris, ut moris est, publicentur, illarumque exempla ibidem affixa relinquantur ; ita ut sic publicatæ omnes & singulos, quos concernunt, perinde afficiant, ac si unicuique illorum personaliter notificatæ & intimatæ fuissent : utque ipsarum præsentium litterarum transsumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides, tam in judicio, quam extra illud, ubique locorum habeatur, quæ ipsis præsentibus haberetur, si forent exhibitæ vel ostensæ. Datum Romæ apud S. Mariam Majorem, sub annulo Piscatoris, die XII Martii, anno Christi MDC XCIX, Pontificatus nostri octavo.

J. F. Card. Albanus.

Anno a Nativitate Domini nostri Jesu Christi 1699, Indictione septima, die vero 13 mensis Martii, Pontificatus autem Sanctissimi in Christo Patris & Domini nostri, Domini Innocentii Divina providentia

MENSIS APRILIS A. M DC XCIX. 153

ita Papa XII, anno ejus octavo, supradictum Breve affixum & publicatum fuit ad valvas Basilicae Principis Apostolorum, Magnae Curiae Innocentianae, in acie Campi Flora, ac aliis locis solitis & consuetis verbis, per me Franciscum Perinum, ejusdem Sanctissimi D. N. Papae Cursorem.

Sebastianus Vafellus
Mag. Curs.

SCRIPTORUM ECCLESIASTICORUM HISTORIA LITERARIA. Pars altera, &c. Autore GUILIELMO CAVE SS. Th.
Prof. Canonico Windesoriensi.

APPENDIX AD HISTORIAE LITTERARIAE PARTEM SE-
cundam, Auctore R. G.

Accedunt ad calcem operis Dissertationes tres. 1 de Scriptoribus Ecclesiasticis incerta aetatis. 2 de Libris & officiis Ecclesiasticis Graecorum. 3 de Eusebio Caesariensis Arianismo adversus JO, CLERICUM.

Londini, apud R. Chiswell, 1698. fol. Alph. 8. pl. 13.

INsignes, quos in rei litterariae, & ecclesiasticae potissimum emolumentum, Max. Rev. Caveus exantlavit, labores, prolixius a nobis, cum priorem Historiae ejus litterariae partem recenseremus (*in Actis anni XCP. 76*) celebrati, dudum ipsi missionem impetrasse videbantur, post partas tot praecclaras adoras isti militiae generi non amplius, adstringendo. At summa animi ad juvandas ornandasque litteras haec propensio & assidua amicorum, secundas curas ad perpoliendam Historiam Litterariam exigentium preces, ne quicquam obsistente sive senio, sive infirma corporis valetudine, Viro doctissimo persuaserunt, ut vastum istud pelagus denuo ingressus, omnia studiosissime conquireret quae ad semel a se instrui coeptum gazophylacium illustrandum perficiendumque, aliquid adjumenti polliceri videbantur. Hinc altera Historiae Litterariae pars, quam praemanibus nunc habemus, enata illi fuit; in qua eadem qua olim methodo, ab ipsis Christi Apostolorumque temporibus exorsus, & scriptores antea praetermissos, quorum partem longe maximam Anonymi constituunt, in

priore parte penitus neglecti, recensuit: & illa largissime supplevit, quæ de cognitis antea sibi Scriptoribus in parte priori attulerat, quorum inedita scripta diligenter imprimis ex catalogis celebrium in Europa Bibliothecarum, quales Bodlejana, Cottoniana, Lugduno-Batava, Regia Parisiensis, Cæsarea Vindobonensis & aliæ, enumeravit. Ne autem exiguum esse putes, quod novus hic Viri, laudibus nostris majoris, labor tibi præstitit, sexcentis minimum Scriptoribus novis, eisq; maximam partem satis hac nostra ætate obscuris, lucem eum restituisse scias; novarum vero de antea ab eo commemoratis observationum quis numerum valeat inire? Nec tamen hic indefessa ejus substitit industria, sed cuivis seculo historica Conciliorum omnium tam generalium quam particularium notitia accessit: in qua concinnanda non Labbeo-Cossartiano tantum Conciliorum tomos, quos & in tempore cujusvis concilii semper, nisi ubi manifesta ratio aliud suaderet, secutus fuit, consuluit; sed Collectanea quoq; cujusvis gentis synodica, Armenica nimirum a Clemente Galano, Britannica ab H. Spelmanno, Gallica a Sirmondo, Hispanica a Loaisa & Ferdinando Mendoza publici juris facta: ea quoque curatius in tabulas redacturus, quæ ab Illustrissimo Cardinali de Aguirre publicæ luci nuper exposita fuerunt, si in tempore copia eorum fieri ipsi potuisset. Quamvis ne sic quidem pati potuerit, ut nullum plane ex vastissimo opere isto ad Historiam suam litterariam redundaret emolumentum: ea enim quæ ad scriptores Hispanos pertinentia, in magnis istis Conciliorum Hispaniæ voluminibus pariter ac in Nic. Antonii Bibliotheca Hispana Vetere, ejusdem Ill. Cardinalis auspiciis haud ita pridem edita, occurrunt, sub addendorum titulo huic operi suo Caveus subtexuit.

Et ista quidem libri generatim spectati ratio; per singula autem ire nec genius ejus, nec institutum nostrum pati videtur. Ne nimis tamen breves in præstantissimo opere nos esse aliquis conqueratur, quid passim doctissimus Autor, contra alios viros doctos, qui subinde ipsum vellicarunt, vel alia ratione a veritate aberrarunt, monuerit, exponere, selectasque quasdam ejus observationes speciminis loco adducere placet. Inter adversarios ejus Casimirus Oudinus est, cui tamen ultra minas hætenus progredi datum non fuit, nec forsân in iis spargendis liberalis adeo fuisset, nisi leoni mortuo insultari sine periculo posse credidisset. Cum enim in Epistola de ratione studiorum suo-

suorum scriberet se, ceteros inter Cavum, pluribus in locis contra se in *Historia Scriptorum Ecclesiasticorum insurgentem, e ratione correxisse, ut si viveret nunc, sententia sua minus iniquus futurus, nec temere, quæ nescivit, condemnaturus esset*: eundemque de Bonaventura & Thoma Aquinate jejune & aride egisse quereretur; fatis suis Caveum nostrum jam concessisse existimabat. At vivit per Dei gratiam insigni Reipublicæ litterariæ emolumento Vir doctissimus, atque Oudino, melioribus Ecclesiæ temporibus intentus, quæsitam in Bonaventuris Thomisque & aliis sequiorum seculorum recrementis gloriam non invidens, causas tamen indicat, quæ sævas adeo Oudini iras provocarunt. Nimirum plagii litterarii reum se peragi passim a Caveo, Vir ille bonus ægre tulerat: licet paucula fuerint ex infinitis, quæ ab illo ex Miræo, Vossio, Labbeo, aliisque per integras quandoque paginas in Supplementum suum Bellarminianum translata esse, ne levissima quidem eorum, quorum plumis se ornaverant, facta mentione, Caveus ostendit. Danielem Larroquanium, in Præf. ad Parentis sui Adversaria, vitio sibi vertisse miratur, omissum, inter cetera antiquorum loca, Lactantii de Romano Petri Episcopatu testimonium, quod insigne plane in libro ejus de mortibus Persecutorum extat. In appendice enim ad vitam S. Petri, ubi ex instituto veterum suffragiis illum Petri Episcopatum fulsit, diserte se monuisse ait, se hujus rei testes Origene juniores allegare nolle, ac proinde Cypriani, Arnobii, Lactantii, Eusebii, Athanasii, Epiphani, Ambrosii, Optati, Hieronymi, Augustini aliorumque loca a se sciente volenteque prætermissa fuisse. Temere autem etiam Pearsono hanc dicam a Larroquano scribi ostendit, ut pote qui in Dissert. de serie Romanorum Pontificum c. 7 num 4 testimonium Lactantii diserte allegaverit. Autorem Gallum, qui in dissert. de legione Thebæa doctiss. Virum erroris redarguerat quod apud Concilium Valentinum seculo VII celebratum, Casarium, Arelatensem Episcopum, in Pelagianismi suspicionem adductum fuisse scripserat, erroris convincit ipse. Cypriani, qui Casarii fuit Diaconus vitamque ejus consignavit, autoritate id affirmaverat Caveus, at nullam eam esse statuit Autor Gallus, nullumque esse Concilium istud, cum nulla ejus in editis conciliorum tomis tria tantum Concilia Valentina, anno 374, 684 & 855 celebrata memorantium, mentio habeatur, existimat. Verum monet doctissimus Caveus, multa a Scriptoribus Ecclesiasticis memorari Concilia, quorum in

editis Conciliorum tomis nec vola superfit nec vestigium. Imo habere etiam Concilium Valentinum anni 530, de quo controversia ipsi mota fuit, locum in editione Conciliorum Labbeana T. IV Col. 1678, miratur non observasse adversarium, qui oculatus adeo videri cupiat. Quem sine omni etiam causa Cypriani rejicere auctoritatem, scriptoris cui prudentiæ pariter ac elegantiae laudem ipsemet derogare non audeat, observat. Quod enim impostorem forsan Cypriani personam induisse ait, id suspicionem esse nullo tibicine subnixam, simpliciterque adeo rejiciendam, Caveus noster censet. At illum vix condonandum Critico Gallo errorem esse arbitratur, quod Cyprianum Cæsarii Diaconum cum Cypriano Episcopo Tholonensi confundit, qui Concilio II Arausicano subscripsit, quemque Cæsarius ad Synodum istam Valentinam, de qua sermo hætenus fuit, ablegavit. Diversos enim fuisse eos, ex ipsa Cæsarii Vita liquido constare, & pluribus docere Carolum Cointum T. I. p. 620, monet. A doctissimo Whartono frustra etiam se (*in Aust. ad Hist. Dogm. Usser. p. 377.*) peti, eo quod in recensendis Ælfrici scriptis, Grammaticam ejus & Lexicon Latino-Saxonicum operibus illius ineditis accensuisset, quæ dudum a Somnero evulgata esse Whartonus existimat, docet. Edidisse enim quidem Somnerum Ælfrici Grammaticam & Glossarium ad finem Glossarii sui Oxonii anno 1659, at plane diversum ab edito Ælfrici Glossarium extare MS. in Bibliotheca Cottoniana & D. Joannis Oxon. quod norint omnes qui in studiis istis hospites non sunt, & diserte monet Hickeys in Catalogo librorum septentrionalium Grammaticæ suæ Anglo-Saxonicae subjuncto.

Jam non prolixi erimus in recensendis iis, quæ ad castigandum Schellstratium, XXV annorum Episcopatum Petrum Romæ obiisse defendentem: Dodwellum ab Eusebio profecta esse, quæ in Hieronymiano Chronico de illo Petri Episcopatu habentur, existimantem: Dallæum & Larroquanium auctoritatem epistolæ Polycarpi impugnantes: Tenzelium, cujus, communem ei cum Dallæo, sententiam, de epistola illa ab interpolatore Ignatiano interpolata, nuper quoque pro more suo eruditissime denuo refutavit Max. Reverendus Ittigius noster, in Cap. X Appendicis Dissertationis de Hæresiarchis, attulit. Nec ea fusius persequemur, quæ contra Mastrichtium, Canones antiquitus in Diptycha relatos esse statuentem: contra Guidonem

nem Fabricium Boderianum, Severi Antiocheni librum de ritibus Baptismi & S. Synaxeos, apud Cyros Christianos receptis, Severo Alexandrino tribuentem: contra Baronium & Binius, œcumenicam Concilii Constantinopolitani IV, quod Trullanum etiam & Quini-sex-tum appellatur, auctoritatem negantes: contra Lambecium, duos nobis Athanasios, quorum juniori nonnulla sublestæ fidei, in Synodo Nicæna II allegata, tribuat, perperam eudentem: contra Cangium, apud Cedrenum in numero Episcoporum qui Concilio Constantinopolitano V interfuerunt, vitium esse, & λή pro τλή legi jubentem: contra Tollium *περίβλεπτον μονήν, cœnobium illustre* vertentem, cum *Περίβλεπτος* nomen proprium cœnobii, in quo Euthymius Zigabenus quondam floruit, fuerit; & ejusdem Euthymii Damnationem Messalianorum, a se inter Insignia Itineris Italici editam, pro appendice Panopliæ ejus habentem; quam oratiunculam potius in solenni quadam panegyri recitatam esse, ex præfatione & peroratione Caveus colligit, eaq; occasione datam a nobis in Actis Erud. anni 1696 p. 299 fidem de edendis Capitibus hæreseos Massalianorum urget, quam dudum liberasset, nisi aliis omnibus potius obstetricantes manus porrigerent Bibliopolæ; quæ causa etiam est, cur Procopii Gazæi Commentarius in Heptateuchum & Canticum, quem Græce ac Latine cum notis a Clarissimo Oleario nostro publicæ luci expositum propediem iri Caveus suo loco memorat, prælo licet paratus adhuc dum prematur) aliosque disputat. Ea vero paulo distinctè magis repetere nobis liceat, quæ contra doctissimos Viros Humphredum Hodium, & Chr. Wagnerum quondam eheu! nostrum de Malala & Genesis Chronographis accuratissime observavit. Seculi IX Scriptorem Malalam esse Hodium defenderat, at Justiniano Seniore imperante & paulo post eum floruisse Caveus existimat, eamque sententiam olim etiam Chilmeadus, qui primus de Malala edendo cogitavit, amplexus fuerat. Argumenta illius rei ipsi sequentia sunt. Primum quod in MS. codice Barocciano, unde descriptum Malalæ Chronicon fuit, pauca tantummodo in fine plagulæ desint: unde merito colligatur, autorem ultra Justiniani obitum historiam suam non multum produxisse. Quod enim dicitur, potuisse alteram hujus historię partem extare, quæ invido fato perierit, id gratis & sine ullo idoneo argumento affirmari. Deinde in describendis Imperatoris

Justinianitemporibus Malalam, in ceterorum Imperatorum rebus exponendis brevissimum, copiosum adeo esse, & tam solícite singulas rerum circumstantias persequi, ut dubium non sit, eum illis, præcipue quantum ad ultima Justiniani tempora, quæ prolixissime describit, interfuisse. Nec obstare, quod nunquam Malala de rebus istis tanquam a se visis loquatur, aut sui familiæque suæ mentionem injiciat; fieri enim hoc aliorum summorum Historicorum exemplo: multo minus, quod ad acta civitatis publica aliquando provocet; id enim facere etiam eum qui rebus interfuit, ad majorem dictis suis conciliandam fidem posse. Tertio nunquam Malalam, in Justiniani rebus versantem, autores rerum a se traditarum allegare, quod semper faciattamen in decessorum ejus historia; cujus rei nulla alia ratio reddi possit, quam quod res illas vel ipse viderit, vel ex recenti memoria acceptas tradiderit posteris. Quarto a Joanne Damasceno qui circa annum DCCXXX claruit, diserte citari Chronographiam Malalianam in Orat. III de Imagin. p. 776. Sed maxime obstat illi, quam Malalæ Caveus tribuit, ætati, quod Clementem & Theophilum, hunc seculi octavi, illum septimi scriptorem allegaverit. At unde, inquit Noster, de illa duorum istorum Chronographorum tam sera ætate constat? Clementem octavo seculo scripsisse, nullo alio fundamento nititur, quam quod Anonymus demonstrationum Chronographicarum autor, quem in Originum Constantinopolitanarum manipulo edidit Combesius, de statua quadam Theodosii M. agens, Clementem alleget dicentem, *similes variaque forma marmoreas statuas Constantini Constantii filii esse*. Ubi tamen, si Caveus audiendus est, per Constantinum Constantii filium non necessario, quod Combesius in notis vult, Constantinus Pogonatus, qui seculo VII imperavit, intelligatur, cum Magnum quoque Constantinum, Κωνσταντίνον ὁνὸν ὁ Κωνσταντῖος appellent Theophanes p. 6. & ipse Malala p. 1. quod omnem argumenti illius vim penitus evertit. Quantum ad Theophilum a Malala citatum, verum quidem est, Abulpharajum Theophili cujusdā Chronographi meminisse, qui seculo VIII exeunte floruit, at illum eundem esse cum Theophilo a Malala allegato evinci nullo argumento potest. Atque observatione dignum Caveo videtur, quod Theophilum post Neronis tempora nunquam de rebus historicis Malala alleget. Cujus rei rationem, nullam reddi posse putat, si paulo ante VIII seculum absolutum ille vixisset,

xisset, historiamque suam ad Irenes Imperatricis tempora usque perduxisset. Probabilis itaque illi videtur Jo. Felli conjectura, qui statuit, Theophilum illum eundem cum Antiocheno Theophilo fuisse, librorum ad Autolycum autore. Quemadmodum & Clementem putat eundem esse cum Clemente Historico apud Suidam memorato, historiae Romanorum Regum & Imperatorum autore, quem seculo IV scripsisse inde colligit, quod Hieronymo cuidam, teste Suida, opus suum dedicaverit. Hieronymum enim illum eundem esse cum Presbytero Dalmata, qui scripsit Historiam SS. Patrum Ægypti, & circa annum 386 potissimum effloruit, persuasum habet. Fabulas denique & errores, in Malalæ opere obvios, argumentum contra ætatem ei a se assignatam suppeditare non posse, inde evincit, quod idem morbus alios quoque istorum, imo antiquiorum etiam temporum scriptores invaluisse deprehendatur. Sed ut ad Genesium perveniamus, cujus Historiam Imperatorum Byzantinorum, Leonis Armeni, Michaelis Balbi, Theophili, Michaelis & Basilii Macedonis, nescio quod invidum fatum ex Bibliothecæ nostræ Paulinæ forulis in publicam lucem protrahere, & celeberrimum Bosium & doctissimum Wagnerum nostrum prohibuit; abjudicaverat ei Wagnerus Historiam illam manuscriptam, veros autores Georgium & Theophanem esse existimans. In hanc eum sententiam induxerant Jambis Olympii cujusdam, qui codicem hunc manu sua descripserat, calci operis subnexus. Illos satis corrupte scriptos, prout in codice representantur, hic exhibebimus:

Λεϊώδης ἀνὴρ ἄριστος ὡς ἐγὼ κείνῳ
 Γεωργίῳ τε Φημί καὶ Θεοφάνῳ
 τῶν χειρογράφων τῆς δε τῆς βιβλῆς πάτερ,
 Ἰωάννη σοὶ λάβε (vel πύτης) φίλε Δαμνίων
 Δημοκρατίας τῆς Ἀναζάρβης.
 Ὀλύμπιος Ὀλύμπιος

Corruptissimos Jambos hosce esse vidit B. Wagnerus, esseque in iis nonnulla, quæ non satis intelligat, ingenue fassus est. Id tamen dubio carere existimavit, quod Georgium & Theophanem illi, Joannis & τῶν χειρῶν πρώτῃ καὶ ἑστῇ Δικαιοκρατίας filios, historiae illius autores prodant. Indeque suspicio ipsi subnata fuit, codici MS. Paulino ΓΕΩΡΓΙΟΥ nomen primum adscriptum fuisse, postea vero cum litteræ quædam hujus nominis evanuissent, nonneminem lacunas expletu.

pleturum ΓΕΝΕΣΙΟΥ nomen efformasse. Verum quemadmodum nullæ diversæ manus vestigia conjecturam hanc probabilem reddunt, ita non dubitamus, veram esse Doctiss. Cavei sententiam, qui omnino Genesio opus istud vindicandum censet. Ejus rei ille argumentum habet fidem Joannis Scylitzæ Curopalatae, qui in præfatione operis sui, in editione Græco - Latina Parisiensi male omiſsa, sed in versione Latina, quæ Venetiis A. 1570 ab Jo. Bapt. Gautorecio prodiit, repræsentata, diserte Genesium inter Historicos Byzantinos recenset. Jambos vero, qui B. Wagnerum nostrum seduxerunt, advocato ad consilium ferendum Eduardo Bernardo, ita restituendos & explicandos esse Cayeus existimat:

Λόγιον ἀνὴρ ἄριστος ὡς ἐγὼ κρίνω,
 Γεωργίᾳ τε Φημί καὶ Θεοδῶντι
 Τῶν χειρογράφων, ὃ τῆςδε τῆς βίβλου πατὴρ,
 Ἰωάννη σοὶ λάβε, φίλε δαιμόνων,
 Ὁ τῶν προέδρων πρῶτος, ἀλλὰ καὶ ἵτης
 Διοκαισαρείας τῆς Ἀναζούρης. i. e.

Inter recentes scriptores optimus quantum ego arbitror, Georgium, inquam (Syncellum) & Theophanem, chronologos, est hujus libri autor (Josephus Genesius.) Sume ergo tibi, Joannes, hoc opus, vir dilecte Deo, Presulum primus atque etiam Episcopus, sive Sacerdos Diocæsarea, quæ est Anazarba.

Superest nobis ingens egregiarum observationum numerus, quarum mentionem hic facere volebamus, quales sunt, quas ad illustrandam Dodwelli sententiam, de posteriore epistolæ Barnabæ parte, quam (in Diff. ad Iren. p. 56. διδασχὴν ejus esse opinatur, attulit: item quæ de Fl. Josephi testimonio, quo Christum ornavit, contra Tan. Fabrum: de laterculo catalogum operum Hippolyti exhibente, ex recentissimis Eduardi Bernardi, & Thomæ Gale, Decani hodiæ Eboracensis, conjecturis: de Palladio Historiæ Lausiacæ autore, quem eundem cum autore libri de gentibus Indiæ & de Bragmanibus esse, ex codice Galeano, & loco quodam in Vita Chrysostomi pariter, ac libro illo de gentibus Indiæ obvio, conjicit: de Josepho Hypomnestici autore, quem librum accurate simul describit: de œcumenicæ Concilii Nicæni II autoritate, & allegatis in iis, pro cultu imaginum, Patrum testimoniis: De Manichæis & Manetis scriptis, formulæque abjuratio-

nis

nis Manichæismi à Goaro (p. 885) pessime explicata , aliisque præclarissimis rebus monuit. Verum jam prolixiores fuimus, quam fert instituti nostri ratio; proinde inviti licet a jucundissimo opere discedere tandem aliquando cogimur. Cum tamen nostra culpa factum sit, ut ubi de Photio Vir doctissimus agit, dubitet an, quod fama publica tulit, in Gudiana Bibliotheca Lexicon ejus inveniatur, non possumus non, antequam id faciamus, certiora ea de re edocti, monere, omnino præstantissimum illum thesaurum, quem duo satis spissa volumina membranacea in fol. complectuntur, in Bibliotheca ista asservari.

At de Appendice pauca adhuc erunt dicenda. In illa suppleantur ea, quæ de sæculo Wicleviano & Synodali in priori Historiæ Litterariæ parte doctissimus Whartonus commentatus fuerat. Atque eam quidem operam ipsemet Reipublicæ litterariæ se navaturum jam spem fecerat, cum præmaturum fatum hoc pariter, ac alia ejus præclara molimina, anteverteret. Succesit itaque ei in isto labore Robertus Gerius, Cavei nostri gener doctissimus, qui præterquam quod Scriptores aliquam multos a Whartono prætermisos observavit, in eo præcipue assiduum se præstitit, ut delitescentes passim in Bibliothecarum forulis ineditos scriptorum illius ætatis fœtus indicaret, atque conciliorum Synopsin utriusque sæculi scriptoribus subtexeret.

Jam ad Dissertationes præclarissimo huic operi subjunctas deveniendum tandem, quarum prima de Scriptoribus Ecclesiasticis incertæ ætatis agit, quos non omnes quidem, sed selectos, nec ita facile obvios, alphabetico ordine digestos exhibuit, iis quoque omisiss, quos primæ Historiæ Litterariæ parti, post seculum VI imprimis, olim Autor inseruerat. Obscuri adeo illi quoad partem longe maximam sunt, ut vix quidquam, præter nomina & scripta eorum, annotare licuerit. De nonnullorum tamen ætate etiam, & dignitate quam in Ecclesia sustinere, conjecturas suas proponere ausus fuit. Sic enim v.g. Philonem Rhetorem & Philosophum, cujus Historiam Ecclesiasticam Anastasius Sinaita laudat, eundem esse credit cum Philone Carpasii in Cypro Episcopo, de quo ad annum CCCCi prolixius egit. Hanc vero conjecturam suam egregie confirmari putat eo, quod Polybius Rhinocurorum Episcopus, posterioris partis Vitæ Epiphaniæ scriptor, cap. 49 diserte tradat, Philonem Carpasioten fuisse

κληροῦν ἀπὸ ῥητόρων, cujus muneris, pariter ac Philosophi, in Ecclesia rationem luculente simul explicatam dedit.

Dissertationem secundam de libris & officiis ecclesiasticis Græcorum, non in doctorum, sed in juniorum Φιλαρχαίων gratiam se scripsisse Autor monet. Scopum sibi in ea illum præfixum, fuisse ait, ut cum Leo Allatius in gemina Diss. sua de Libris Ecclesiasticis Græcorum, potiores solummodo & usitatiores divinorum officiorum libros uberiore vena persecutus fuerit, ipse minutiores etiam libellos, & particulares magni alicujus operis vel officii formulas & διατάξεις, sed summa brevitate percenseat. Quamvis autem Lectores facile ista, & longe plura, ex Lexicographis Ecclesiasticis, aliisque qui de his fusius scripserunt, petere queant, prodesse tamen hancce operam suam posse iis, qui libris ad hunc usum commodis destituti sunt, confidit. Quibus ut usum dissertationis hujus eo faciliorem redderet, alphabetico ordine uti voluit.

Dissertatio tertia eruditionem ecclesiasticam summam undique spirans, Joanni Clerico est opposita. Ille enim in vita Eusebii Cæsariensis Tomo X Bibliothecæ Universalis p. 474 inserta, & nuper cum aliis quibusdam Patrum vitis, ab eodem Clerico, si Caveus audiendus est, pessimo fine concinnatis, Anglico idiomate Unitariis curantibus edita, acerbè satis Caveum vellicaverat, quod in Vitis Patrum pariter, ac in Historia Litteraria, Eusebium ab Arianismi hæresi immunem pronunciasset. Cumque inde occasionem nactus fuerit Clericus, fidem Cavei historicam in suspensionem adducendi, quod charitatis Christianæ parum observantes esse dixisset, qui dicam istam Eusebio scripserunt: & Eusebii, & suam causam agendam Vir doctissimus suscepit, prolixius quidem illam, hanc paucissimis. Sed de singulis accuratius dispiciendum.

Antiquam igitur esse de Eusebii Cæsariensis Arianismo suspensionem agnoscit, utpote quæ jam olim Athanasii, Eustathii Antiocheni, Marcelli Ancyрани, Epiphani, Hilarii, Hieronymi, Antipatri Bostrensis, Patrum Concilii II Nicæni, & post illos Græcorum pene univerforum sederit animis. Et quamvis recentioribus temporibus istam suspensionem mirum in modum augere conati fuerint Baronius, Eusebio ob suppeditata contra donationem Constantini tela iniquus, & Dionysius Petavius; operam tamen eos & oleum pariter ac Clericum

cum perdidisse existimat. Quod ut evidentissimum faciat, universæ huic disceptationi suæ fundamenti quasi loco subternit receptissimas duas inter Theologos veteres æque ac recentiores regulas, ad mysteria ista explicanda prorsus necessarias. Prima earum est: *in Personis S.S. & individua Trinitatis Pater tanquam fons & principium Deitatis considerandus est.* Altera: *si qua in scriptis Sanctorum Patrum occurrant dicta, quæ Filium Patre minorem vel inferiorem facere videantur, vel ad subordinationem Filii ad Patrem, vel ad progressum ejus ex Patre ad condenda universa, vel denique ad τὴν κατὰ σάρκα οἰκονομίαν referenda sunt.* Primam harum regularum multis Patrum locis illustrat; posteriorem a Bullo & ipso Petavio orthodoxorum Patrum suffragiis abunde firmatam jam esse dicit. Ut tamen rem in tanto majori luce collocet, Patrum etiam, qui post Concilium Nicænum florere, orthodoxorum loca allegavit, quibus Patrem *μὴ ὄντα & ὄντα* esse agnoscere διὰ τὴν ἐξ αὐτοῦ γέννησιν, & reliquas causas in regula allegatas. His factis, quinque theses Vir doctissimus proponit, ad istud negotium pertinentes, de quibus orthodoxam primum, dein Arianam, & denique Eusebianam sententiam exponit, ut pateat, utrum ad Arianos, an vero ad orthodoxos Eusebius propius accesserit. Prima thesis est: *D. N. Jesus Christus præter humanam, qua carne indutus, naturam, habet ut Dei filius revera divinam.* Luculenta sunt, quibus thesin hanc Eusebium amplexum esse probat, loca. Quem, si alicubi Patrem solum Deum esse pronunciet, non de essentia divina, sed de ingenito principio intelligendum esse, ex innumeris ipsius locis constare ostendit. Ad locum vero Eusebii ex epistola ejus ad Euphrationem ab Athanasio (*de Synodo Arimin. p. 683* & in Actis Concilii Nicæni II (*Act. VI. Col. 497*) citatum, quæ Filium quidem Θεόν, ἀλλ' ἢ ἀληθινὸν Θεόν esse dicit, respondet Noster, mutilatum eum esse. Suspicionem tamen esse, respexisse Eusebium ad verba Christi Joan. XVII, 3, quam conjecturam plane confirmant ea, quæ leguntur apud Eusebium contra Marcell. L. I. p. 27. Optime autem, quid sibi hujusmodi verbis voluerit, explicare ipsum Eusebium de Eccl. Th. I. 2. c. 23, Patrem nempe esse solum verum Filii fontem & originem, Filium Patris imaginem, hocque ipsum innuisse Servatorem loco Joannis allegato: similiterque istum locum etiam eum interpretari in Dem. Evang. L. V. c. 17. Secunda thesis est: *Divinam hanc naturam Pater ingenitus suo*

Filio dedit & communicavit ; de qua pariter ac de tertia : *Quod nimirum hac essentia divina communicatio in sacra Scriptura, & a sanctis Patribus Filii generatio dicatur*, Eusebium orthodoxe sensisse, minori negotio probat. At paulo majore cum apparatu Eusebii *ὁμοδοξίαν* circa thesin quartam defendit. Dicit illa : *Essentiam divinam, quam Pater cum Filio communicat, ejusdem esse naturæ cum substantia Patris*. Eam vero ex animi sententia Eusebium amplexum non esse, multis eo persuasum fuit, quod *ὁμοδοξίαν* vocem tam diu impugnaverit. At istud præjudicium ut removeat, disertissima primum loca Eusebii adducit, e quibus rem ipsam eum firmiter tenuisse constet. Deinde vero etiam illud urget, quod Eusebius fidei Nicænæ subscripserit, atque eo ipso & Arii dogmata condemnaverit, & *ὁμοδοξίαν* vocem receperit. Hæitationis vero causam non aliam fuisse ostendit, quam quod illa voce Filium essentiaæ divinæ partem dici arbitraretur. Superest quinta thesis, affirmans, *Patrem cum Filio suo divinam essentiam ab æterno communicasse* : quam postquam Eusebium docuisse clarissimis locis ejus evicisset, redit ad subscriptionem, qua Concilii Nicæni decreta, & inter ea *ὁμοδοξίαν* vocem approbavit. Quam cum parum sinceram fuisse post Petavium Clericus ostendere nitatur, ex instituto Eusebii candorem defendendum suscepit, Eusebii epistola de fide ad Cæsarienses suos, quam nobis conservavit Socrates L. I. c. 8. H. E. & alii, in auxilium potissimum vocata, & veterum pariter ac recentiorum sententiis de ejus rebus gestis in Concilio allegatis. Commertium, quod cum Arianis Eusebio intercessit, exiguum admodum contra orthodoxiam ejus argumentum suppeditare, per se quemvisprehendere posse arbitratur. Quomodo enim ab eorum colloquiis, in aula Imperatoris, ad quem Arianorum primipili confluere solebant, assidue versatus, abstinere penitus potuisset? Quid quod tegebant venenum homines callidi, nec facile nefanda mysteria sua probebant. *Σκληρὸς* autem *λόγος* de Christi divinitate nonnunquam excidisse Eusebio, non mirum esse de homine Platonismo & Origenismo penitus imbuto, quem tamen orthodoxe sensisse evidentissima loca ejus evincant.

Hiscæ demonstratis, fundamentum Clerici, fidem suam historicam in dubium vocantis, sese evertisse Caveus arbitratur. Quam illibatam perstituram esse merito existimat, licet etiam detur Clerico, incer-

incertam & dubiam esse Eusebii ἐρροδοξίαν. Quæ enim culpa, defendere eum, cujus causam dudum Socrates, Theodoritus, Gelasius, Valesius, Montacutius & alii susceperunt? Panegyristam vero & Rhetorem Caveum in Vitis Patrum a se editis agere, ægre forsan Clericus probabit, qui nihil in iis affirmatum inveniet, quod optimis genuinæ antiquitatis testimoniis firmiter non innitatur.

CASPARIS ZIEGLERI, JCTI ET ANTECESSORIS QUONDAM WITTENBERGENSIS, Decisiones XXXI, in quibus casus quidam rariores subjectis rationibus deciduntur.

Lipsiæ, sumtibus Heredum Lanckisianorum, 1699, in 4.
Constant 1. alph. 4. plag.

Qui, dum viveret, de republica & civili & literaria meritis egregie est Zieglerus, is etiam post mortem de utraq; bene mereri non desinit, dum divini ingenii monumenta heredes typis publicis exscribi curant Atque ex hoc numero etiam est præsens Decisionum opus, mole quidem sua exiguum, sed eruditione Ziegleriana, hoc est solida atque edecumata penitus refertum; id quod aliquot exemplis Lectori benevolo adprobasse satis erit. In Decis. 1. ostenditur, quod pater filio majorenni nec furioso, inutiliter testamento det curatorem, quia scilicet terminum a lege positum transilire, ac jus filio inde quæsitum ei auferre nequit. In Decis. 3. deducitur, quod conductori in pensionem fieri debeat remissio, etiam tum, quando jam collegit fructus, sed nondum excussos aut trituros per vim majorem amisit; cum ante triturationem nondum plene videantur ab eodem percepti fructus. Decis. 4. docetur, quod in processu diffamatorio, diffamanti, post trinam citationem contumaciter emananti, perpetuum silentium queat imponi, licet accusationem contumaciæ, in singulis terminis factam, nulla sententia interlocutoria fuerit secuta; cum ad contumaciæ essentiam nulla sententia requiratur, adeoque hac licet cessante, illius tamen pœna sequi possit. Decis. 6. successoribus feudilibus, deficiente allodio, imponit necessitatem solvendi impensas funebres in exequiis Vasalli defuncti factas: quia enim ejus locum in feudo subire velunt; ideo ipsis efficiendum est, quo defunctus cum

honore ex eodem removeatur. Decis. 10. Magistratibus inferioribus, merum licet imperium habentibus, abjudicat potestatem, fustigationem aut relegationem in multam pecuniariam convertendi; quia talis potestas ipsis ab Imperante communicata non est, imprimis in Saxonia Electorali, docente id rescripto aliquo Dresdensi de anno 1625. In Decis. 20. Noster deducit, quod is, qui jure pontonis, *der Fahr-Gerechtigkeit* investitus est, flumine novum alveum efficiente, prohibere nequeat, quominus agricolæ, qui ob istam mutationem, ad prædia sua, nisi trajecto flumine, pervenire non possunt, proprium pontonem in agriculturæ usum sibi comparent: quia nimirum investiti privilegium ad hunc novum alveum extendi nequit, præterea agricolæ non lucri, sed fructuum solum colligendorum causa, pontonem exercent. In Decis. 23. demonstrat, quod legatarii ex testamentis ascendentium, præferendi sint creditoribus filiorum hypothecariis, nulla licet separatione bonorum petita, quod illi habeant antiquiorem hypothecam, & res legatas filius pro suis debitis valide aliis oppignorare non possit. In Decis. 25. pro Rauchbaro p. 1. qu. 38. n. 47. contra Carpzovium Decis. 73. Noster strenue pugnat, ostenditque, quod in feudo etiam creditores patris chirographarii præferendi sint creditoribus filiorum hypothecariis posterioribus; quia scilicet filii de feudo paterno cum effectu aliquid disponere non possunt, nisi illud ab omnibus debitis paternis liberaverint. In Decis. 28. docet, quod vidua nobilis in concursu creditorum non gaudeat privilegio prælationis respectu dotalitii, quod una cum dote ex pactis dotalibus petit; quia hoc casu dotalitium merum sit lucrum.

HISTOIRE DU NESTORIANISME &c.

i. .c

HISTORIA NESTORIANISMI, AUCTORE P. LUDOVICO DOUCIN, e Soc. Jesu.

Roterodami, apud R. Leers, 1698. 4. Alph. 3. plag. 2.

Conflictandum Ecclesiæ Christianæ semper fuit cum cœlestis doctrinæ depravatoribus, qui tanto majorem illi intulerunt cladem, quanto plures nacti sunt sectatores & assēclas. Non ulla tamen temere

mere hæresis aut latius sparsa disseminataque, aut & diuturnitate & propugnatorum multitudine pariter ac præstantia exitiabilior illi fuit, turbasque majores dedit, quam quæ aut auctore & inventore, aut restauratore & interpolatore Nestorio, in scenam prodiit, ab eoque nomen retulit. Hujus fata qui observarent & literarum consecrarent monumentis, uti non defuerunt inter antiquos: ita & recentior ætas tulit, qui colligerent ea, ejusque condere historiam aggrederentur. Hos inter nunc doctissimus quoque vir Ludovicus Doucinus compareret, qui saltem industriam tantam ad hoc negotium attulit, quantam forte ante eum nemo. Is hanc nimirum historiam, apte partibus omnibus inter se colligatis, & compto nitidoque dicendi genere exornatam, in hoc, quod nunc sistimus, volumine exhibet: quæ autem in controversiam hic subinde vocantur, ea peculiaribus explicare dissertationibus secum constituit, easque seorsim se editurum promisit. Quas dum expectamus, ex hocce opere quædam, præsertim in quibus ab aliis dissentire visus est Auctor, decerpemus.

Lib. I.

Natus est Nestorius (ex mente Auctoris nunc loquimur) Germaniciæ, quæ est Syriæ urbs exigua, non procul ab Euphrate sita. Postquam iis literis, quibus imbui tenera ætas solet, animum erudiverat, peregrinas quoque lustrare oras, e re sua esse duxit. Innotuit ita Theodoro Mopsuesteno Episcopo, theologiæ pariter ac bonarum artium antistiti summo & eminentissimo. Ab hujus ore cum multis aliis pependit Nestorius, hujusque disciplina formatus fuit. Cum antea secum statuisset, docendi aliquando munus capessere, eoque ut rite fungi posset, eloquentiæ litare, Antiochiam concessit, urbem celebrem ea ætate, & his studiis maxime florentem. Erat in eadem urbe monasterium S. Euprepiae, fecunda præstantissimorum oratorum, mater, in quod & Nestorius se abdidit, ferentibus ita fati, ut Theodoret, & Johanni Antiocheno postea Episcopo, arctiori amicitiae fœdere jungeretur, eos aliquando novæ doctrinæ propugnatores & hyperaspistas habiturus. A Theodoto Antiocheno tunc temporis Episcopo Catechista constitutus, quo munere & Chrysostomus functus erat, cum ad sedem Constantinopolitanam evocaretur; quod dum & Nestorio contingebat, novum illis suppeditabatur argumentum, qui in Nestorio Chrysostomum revixisse, sibi aliisque persuadebant. Cum ergo Constantinopolin iret Nestorius, cum prius ad Theodorum i-

stum

stum Mopsuestenum deflexisse iter, sunt qui autumant, ut scilicet cum eo de ratione nova ista dogmata, quæ a magistro hauserat discipulus, spargendi ac latius disseminandi communicaret consilia. A quibus Noster sibi dissentendum duxit, eo quod Theodoretus asserat, Theodorum jam mortuum fuisse ante Theodotum antecessorem Johannis Antiocheni, a quo tamen Nestorius sit consecratus.

Cæterum cum non desint (qui est seculi nostri pruritus singularis, quo hæreticos excusare, redarguere orthodoxos, nonnulli sibi gloriæ ducunt) qui si non defendere, saltem emollire placita Nestorii audeant, his passim se opponit Noster. Dicemus quidem hac de re infra; ast nunc istud observamus, quod existimet, vel ex Symbolo Nestorii errores ejus patere omnibus quam luculentissime, quod adeo veteres dixerint *fontem novi Judaismi*. Refert illud ideo prolixius, ut id, quod diximus, inde colligat. Sed & de origine Nestorianismi quid sentiat Auctor, indicandum est. Nestorium enim erroris hujus primum esse inventorem abnuit. Receptum passim in Oriente hunc errorem dicit, quo tempore cum Constantinopoli disseminare incipiebat Nestorius. Comprobat hoc ex Epistolis Cyrilli ad Rabulam, ad Acacium aliosque; in quibus Diodorum Tarsensem & Theodorum Mopsuestenum hujus *impietatis patres* vocat, viamque suis vestigiis signasse docet, quam postea ingressus sit Nestorius. Has autem epistolas genuinas esse, in Notis se demonstraturum promittit; quemadmodum epistolam ad Sporanum, ex qua itidem multa, quæ ad indolem & mores Nestorii spectant, desumpsit, notis suis se illustraturum, in se recepit. Dum vero in eo est, ut doceat, quo pacto disseminare inceperit errorem Nestorius, Anastasium quendam primum Constantinopoli velut signum aliquod sustulisse, & hoc dogma in sermone quodam ad populum proposuisse contendit, rejicitque sententiam illorum, qui Dorotheo cuidam tam præclari facinoris gloriam vendicant, eosque verba Cyrilli, ex quibus hoc elicere satagunt, minus accurate, ut decebat, perpensis autumat. Cum institutum Nestorii jam evulgatum esset, præ cæteris sanctissimum virum Cyrillum veritatis suscepisse patrocinium constat. Observat hic Noster, Nestorium noluisse cum Cyrillo in istud descendere certamen, partesque respondendi Photio aliisque suarum partium hominibus demandasse. Interim ut breviori via istum hostem a se amoliretur, subornasse tres viros

viros gravissimis sceleribus coinquinatos, qui accusarent Cyrillum, & criminum foedissimorum arguerent. Sperasse enim eum, fore ut ab Imperatore causæ istius disceptatio sibi demandaretur, quo ipso rationem redigendi in ordinem Cyrillum facile se inventurum fuerit confusus. Atque hæc ita se habuisse ait, magnoque in errore & Baronium & Lupum versari, qui secus hic sentiant, & in Cyrillum conferant, quæ Nestorio potius sint tribuenda. Animis autem indies magis magisque in mutua certamina exardescantibus, eo restandem deveniebat, ut non aliter, nisi Concilii decreto & auctoritate lis ista finire posse videretur. Provocaveritne autem Nestorius prior ad Concilium, an Cyrillus, non omnes itidem conveniunt. Noster autem rursus ab iis dissentit, qui Nestorium Romani Pontificis atque Cyrilli sententia condemnatum, primum concilii decreto se submisisse docent. Ex Cyrilli enim epistola ad suos clericos Constantinopoli agentes constare, quod Cyrillus rem in concilio expediri voluerit, priusquam a Nestorio ejus uila injiceretur mentio. Monachos quoque Cyrilli Constantinopoli agentes tam enixe ab Imperatore, ut convocaret concilium, petere ausos fuisse, si ipse hoc non jussisset, saltem consensisset Cyrillus, illi nullo modo fit verosimile. Lupum quoque redarguit, asserentem, Imperatorem precibus demum Pelagianorum commotum, concilium convocasse: nullam quippe eum hujus sententiæ suæ afferre posse rationem; quin obstare omnes scriptores, tum antiquos tum recentiores, obstare quoque epistolam Theodosii ad Metropolitanos, in qua ne verbo quidem Pelagianorum injiciatur mentio. Ast quod Evagrius asserat, Cyrillum postulasse concilium, id de literis per Basilium exhibitis Imperatori intelligendum esse: namque cum jam id ageretur, ut locus concilii designaretur, anno nimirum quadringentesimo tricesimo, Cyrillum decreto Cælestini Pontificis Romani insistentem, de concilio parum fuisse sollicitum; Nestorium contra tunc omnibus viribus, ut convocaretur, contendisse. Nec tamen satis hic sibi constare Evagrium observat, cum deinceps affirmet, precibus Nestorii hoc dedisse Imperatorem, ut concilium convocaret. Ut autem hic Evagrius, ita mox Socratem quoque notat, de Nestorio hæc prodentem literis, quod a Concilio Ephesino damnatus Mariam demum matrem Dei salutare non dubitaverit. Etenim jam antea hac voce eum fuisse usum, ad fallendos incautos,

cautos ; ut ut pauci fuerint , qui non fraudes subolfecerint , intellexerintque ita eum hac voce uti , ut longe aliud quid , quam quod orthodoxi ea innuant , ea significare voluerit . Cæterum Johannem Antiochenum & Nestorio favisse , & Cyrillo inimicum fuisse , neminem fugit , fuisseque & accurate , quæ ad eum spectant , passim ab Auctore enarrantur . Hic cum formulam a Cyrillo editam , qua condemnabatur & diris devovebatur sententia Nestorii , atro rursus notari lapillo cuperet , negotium hoc Theodoro Cyrensi Episcopo , & Andreæ Episcopo Samosatensi mandat . Et hunc quidem Ecclesiæ orientalis nomine scribere jussum esse , Noster refert , quod ita etiam præstitit , ut a modestiæ lege nunquam recessisse videri queat . Maximam autem hujus hominis fuisse perfidiam & calliditatem affirmat , siue suam doctrinam exponeret , siue Cyrilli refelleret . Atque hinc facile aliquem , qui hoc scriptum minus accurate volvat , in eam induci posse sententiam autumat , ut Andreæ istum nihil , quod a veritate discrepet , asseruisse credat ; in quam sententiam multi etiam recentiorum , sint ingressi . Errasse autem hic Baronium quoque ostendit , quod docuerit , Andreæ hunc scripsisse post Concilium Ephesinum , nec tum , cum scriberet , Episcopum fuisse . Utrumque falsum esse dicit , idque facile posse demonstrari .

Secundum librum auspicatur Vir doctissimus commemorando , quæ in Concilio Ephesino gesta sint , cujus historiam diligenter textit . Cum plerique Antistites atque Doctores jam congregati essent , expectabatur tamen adhuc Johannes Antiochenus , Nestorii fidus Achates . Moram hanc defendisse Cousinum in præfatione historiæ Theodoretæ præmissa observat . At fraudulenter & maligne hic se gessisse Johannem , istamque cunctationem ad defatigandos & eludendos Episcopos , qui Nestorio bellum indixerant , fuisse comparatam , Nostro vix dubium videtur . Provocat ad verba Relat. Synodi ad Cœlestinum : *Tanta enim dilatione malitiose usus est , ut ipsam anteverterint , qui longe majori viarum intercapedine distabant .* Similia & apud alios passim legi docet . Cum autem interea ante adventum Antiocheni Præsulis , eo quod ob varia incommoda , quibus cum illis , qui Ephesum venerant , conflictandum erat , ibi diutius subsistere non possent , diesque concilio constitutus jam pridem elapsus esset , ad id aggrederentur , cujus causa convenerant ; Nestorii asseclæ hinc argumen-

mentum rationes concilii conturbandi arripiebant, obtendentes, nihil rite peragi aut concludi prius posse, quam & Johannes Antiochenus & Romani Episcopi legati advenissent. Se ergo ea, quæ gesta essent, pro irritis habere protestati sunt. Formula ista, ut Auctor refert, qua suam ita declararunt mentem, hodiernum in Synodico exhibetur, præfertque nomina sexaginta & octo Episcoporum, qui eidem subscripserint. At conciliari hoc nullo modo cum actis concilii posse Noster docet, in quibus diserte dicatur, sex ante Johannis Antiocheni adventum diebus quadraginta quinque tantum Episcopos a Nestorio stetisse, etsi eo tempore septem tantum ab illo discesserant, cum postea plures etiam veritatis splendore convicti, eum itidem res suas sibi habere juberent. Porro inter hosce sexaginta & octo Episcopos Rabbulam quoque Episcopum Edessenum connumerari observat, quem tamen Nestorio ita adversatum fuisse constat, ut pro veritate multa dura & aspera perpeffus sit. Cæterum initio concilio huic centum & quinquaginta novem Antistites interfuisse asserit; postea autem eorum numerum ita crevisse, ut ducenti condemnationem Nestorii calculo suo comprobaverint, quibus postea & alii accesserint. Hæc & alia dum Auctor doctissimus edisserit, nullam tamen prætermittit occasionem ea extollendi, quæ ad Romani Pontificis præ ceteris eminentiam comprobendam & stabiliendam illi facere visa sunt. Vel unicum hujus rei afferemus documentum. Cum prolixè & diligenter exposuisset, quo pacto legati Romani Pontificis tandem Ephesum appulerint, & quæ ab iis in concilio gesta sint, Philippum tandem unum ex legatis Romani Episcopi, cum videret, Patres concilii promptos paratosque esse ea omnia agere, quæ nomine Pontificis ipse proposuerat, his verbis gratias illis egisse ait: Gratias agimus sanctæ venerandæque Synodo, quod literis sancti beatique Papæ nostri vobis recitatis, sancta membra, sanctis vestris vocibus, sancto capiti, sanctis etiam vestris acclamationibus vos adjunxeritis: non enim ignorat vestra Beatitudo, totius Fidei, vel etiam Apostolorum caput esse beatum Apostolum Petrum. Huc ergo adesse jubet, quotquot Romanum Pontificem pro capite Ecclesiæ agnoscere nolint, & veteris Ecclesiæ inspicere monumenta, ut inde discant, etiam ante Concilium Chalcedonense principem inter omnes Episcopos locum Romano Antistiti fuisse concessum, eumque pro capite &

pastore universali Ecclesiæ fuisse habitum. Atque hinc porro concludit, cum liquido inde constet, in Concilio Tridentino definitum nihil esse de Pontifice Romano, quod non veteris quoque Ecclesiæ testimonio hoc comprobetur, non esse, ut hac de re ceu clara & jam evicta amplius disputetur. Sed progredimur ad alia. Pelagianorum quoque Auctor clarissimus subinde mentionem injicit, quippe quibus turbæ a Nestorio excitatæ plane ex voto accidisse videbantur. Nestorius enim, ut eos ad suas partes pertraheret, haud obscure illis favebat. Nimirum inter mortua jam fere videbatur Pelagii hæresis, cum auctore Cœlestio, viro disertio & docto, morumque probitate conspicuo, rursus in scenam prodiret. Hujus quædam propositiones cum in Milevitano & Carthaginensi concilio condemnatæ essent, ipseque, quod subscribere condemnationi nollet, excommunicaretur, simulavit se provocaturum ad Romanam sedem. At ne utiquam Romam, sed in Asiam se contulit, plurimosque placitis suis ibidem imbuit. Quod cum obscurum esse non posset Episcopis, primo Epheso, mox Constantinopoli ejectus, Romam abiit, & Zosimo Pontifici, ut erat homo callidus & versutus, persuasit, se causâ non satis cognita & dijudicata condemnatum, simulque testatus est, se doctrinam suam Romanæ sedis decreto plane submissurum. Hoc modo obtinuit, ut ejus causa ad Africanas Ecclesias scriberet Zosimus, illisque injungeret, ut in rem istam iterum majori studio ac diligentia inquirerent, cum sibi vix verosimile fieret, hominem istum sapientem, doctum & probum, rem esse eorum errorum, quorum insimularetur. At Africani Episcopi tanta animi constantia, quod gesserant, defenderunt, ut Zosimus Romanus Pontifex mox aliam de Cœlestio & Pelagianis animo conceperit opinionem: ejusque vestigiis cum successores ejus insisterent, Cœlestius spe omni hac ratione sectæ suæ res stabiliendi excidebat. Nestorius autem initio, cum ex voto illi cuncta succedere viderentur, in Cœlestium & Pelagianos non erat mitior, sed refutavit illorum placita, mox & Constantinopoli eos abire jussit. At cum successus non responderet initiis, ne ab omnibus desertus videretur, ultro illorum amicitiam ambiit, auctorque illis fuit, ut in Concilio Ephesino comparerent. Tantum autem abest, ut aut Nestorius Pelagianorum ope, aut Pelagiani Nestorii patrocínio, quod utriq; speraverant, superiores evaserint, ut condemnati utriq; sint atq; rejecti. Hæc ideo fusius ex Auctore retulimus, quod in hac narratione a Jansenio multum se dissentire, ipsemet profiteatur.

Nihil

Nihil temere in historia hæreseos Nestorianæ celebrius, quam tria ista capitula, hoc est, scripta quædam Ibæ, Theodori Mopsuesteni & Theodoretæ, quæ turbas gravissimas in Ecclesia concitarunt, & novo Concilio dederunt occasionem. Hæc in tertio hujus operis libro Noster prosequitur, atque initio de ipsis auctoribus horum capitulorum, ex instituti sui lege differit. De Theodoro cum primis verba multa facit, eumque a nonnullis defendi, & errorum immunem pronunciari, fert ægerrime. Non enim excusari aut defendi eum posse, ex libris ejus liquere putat, quorum quidam omnium consensu genuini sint, alios autem genuinos esse in Notis se probaturum promittit. Ut autem Theodoretus & Ibæ Theodori Mopsuesteni doctrinis erant innutriti, ita hic prodierat ex disciplina Diodori, primi erroris à Nestorio propagati inventoris; cujus pariter ac Theodori opuscula, sub titulo operum sanctorum Patrum à Nestorianis edita & divulgata fuisse, ut dissimulato Nestorii nomine, eo tutius hunc errorem propagarent, Noster contendit. Planum quidem illud, ac ex veterum monumentis exploratum esse putat; Constitutionem tamen, quæ sub Vigiliæ Pontificis Romani nomine circumferatur, & in qua idem confirmetur, genuinam esse, contra Baluzium secus sentientem diserte negat. Ibam autem Theodori alumnum, condiscipulumque Theodoretæ, Edessæ, ubi schola bonæque mentis domicilium longe celeberrimum ea ætate fuerit, commoratum, juvenes quamplurimos in suas pertraxisse partes; ut adeo schola Edessæna fuerit seminarium aliquod fecundissimum, ex quo ceu ex equo Trojano Nestorianæ impietatis propugnatores prodierint: nec potuisse hunc fontem obstrui prius, quam a Zenone Imperatore schola ista funditus everteretur. Calisiodorum Nisibem, ceu schola hac illustrem, celebrare, aut lapsum eum esse procul dubio, & Nisibem posuisse pro Edessæ; forte & Nisibem nomen scholæ ipsi hæsisse, quæ Edessæ fuerit.

Postquam itaque Chalcedonensis Synodi historiam in præcedenti libro exhibuit, & Nestorianismi eo usque percensuit fata, nunc porro, quæ post hoc Concilium gesta sint, edisserit. Tantum autem abest, ut hæresis ista, denuo licet in isto Concilio condemnata & anathemate percussa, oppressa inde fuerit, ut Nestoriani, audaciores quoque facti, latius spargere eam fuerint annisi. Cypri Episcopum Severum, Acephalorum haud extremum defensorem, proscripserat Im-

perator: hoc Nestoriani eo interpretabantur, ac si sibi hoc ipso facultas esset concessa palam ea agendi, quæ vellent. Theodoret enim nomen solenni ritu consecrarunt, eumque cum Diodoro & Theodoro inter Sanctos retulerunt, Sergiumque Episcopum Severi successorem, ut consentiret, iuduxerunt. Sergium hunc Severi alumnum, ab eoq; in sacrum ordinem receptum, Garnerius, ut Noster refert, asserit, cui tamen non suffragatur, eo quod post Severi demum discessum electus sit, & quidem sub Patriarcha Acephalos summo odio prosequente, & nomen etiam Severi execrante. Ergo nec Nestorianum, nec Acephalum, hunc Sergium fuisse autumat, sed ex eorum genere, qui veritati ac errori idem pretium statuunt, & mox his, mox illis accedunt, prout temporum & sui commodi fert ratio. Sed hæc, qualis istorum temporum fuerit facies, satis comprobant. Justa serie, autem Auctor cuncta edisserit, nec imperii rerumque civilium conditionem prætermittens, cum e re sua id esse arbitratur. Sub Justiniano, & qua Imperii statum, & qua Ecclesiæ fata, multa memoratu dignissima contigisse constat. Cum primis tamen Nestoriana hæresis & huic Imperatori multum negotii facessivit; unde Auctor clarissimus, dum hoc persequitur, inter tot discrepantes de hoc Imperatore sententias, aliis eum laudantibus, vituperantibus aliis, suum quoque interponere iudicium non dubitavit. Multas egregiasque in eo refulsisse virtutes non negat, nec tamen vitiorum fuisse expertem pronunciat. Namque præterquam quod inconstans fuerit, & prodigus, in eo illum peccasse, quod negotiis ad eum non spectantibus occupare ætatem pulchrum duxerit, volueritque eruditus videri: maxime autem, quod Theodoræ conjugii cuncta indulserit, ab ejusque unice pependerit nutu. Atque cum & Imperator & Theodora controversiis Theologorum se miscerent, contrariarumque partium studio tenerentur, illo Catholicis favente, hac ab Acephalorum stante partibus, non potuisse non inde augeri certamina, quibus jam tantum non conflagraret Ecclesia Christiana. Atque tot turbis undique concutiebatur, ut non aliter nisi convocato concilio salva esse posse videretur. Quinti hujus Concilii œcumenici, sive Constantinopolitani II, initium, si calculum accurate ponas, in annum 535 incidere, Auctor contendit. Et licet tum Vigilius, tum Agapetus convocasse istud

Con-

Concilium dicantur, primo quidem anno 535, ad Anthimum sede movendum, deinde anno 541 contra Origenem, & tandem trium capitulorum causa anno 553, facile tamen hæc conciliari posse, quod & in ultimo libro uberius exequitur.

Sed ipsam historiam Concilii V libro quinto pandit, postquam quæ antea circa tria capitula & Nestorianam hæresin ad id usque tempus acta sint, exposuit. Ultimo vero loco de schismate, occasione istius concilii orto, differit. Quam in hac scena sustinuerit personam Vigilii R. P. nemini, nisi qui hospitem ex veterum monumentis retulit animum, ignotum esse potest. Noster malas Vigilii artes, quibus ad Episcopatum Romanum gratus sit, & quæ in hoc Præsule reprehendi & possunt & debent, non dissimulat: tandem tamen ita de eo pronunciat, nullum unquam Pontificem in consiliis suis minus sibi ipsi constituisse, quam Vigilium; ast hoc se audacter asserere, si quis accurate cuncta sub examen vocaverit, eum deprehensurum, nullum unquam in doctrina magis constantem fuisse, quam hunc ipsum, atque hanc demum esse, in qua constantes firmosque nos esse deceat. Notatu autem cum primis digna est disputatio de auctoritate Concilii œcumenici V seu Constantinopolitani II, qua totum hoc opus finit. Eam scilicet labefactantibus aut vocantibus in dubium, non tantum multorum Pontificum, sed subsecutorum etiam Conciliorum decreta opposuit, quibus hocce Concilium pro œcumenico declaratum sit. Quod vero multa improbe & turbulenter a Præsulibus, qui eidem interfuerunt, acta sint, id suæ nullo modo obstare sententiæ putat, cum Nicæni, Constantinopolitani I, & Ephesini Concilii Patribus eadem exprobrari possint, quæ tamen omnium consensu œcumenica sint. Simul inde infert, Protestantibus non fas esse, Concilii Tridentini rejicere decreta, quod ab Episcopis, qui præsto ibi fuerunt, quædam minus recte facta sint, cum hinc pateat, antiquissimorum Conciliorum in primitiva Ecclesia eadem fuisse fata. Non tamen Protestantes tantum, ob rejectum Concilium Constantinopolitanum II arguit, sed inter ipsos Romanenses non deesse queritur, qui ejus auctoritatem imminutum eant, contententes trium capitulorum auctores, Theodorum, Theodoretum & Ibam, perperam ab hoc concilio fuisse condemnatos, errorumque, qui imputati illis olim fuerunt, expertes fuisse. Atque cum varia sibi objici posse intelligant, non u-

nam

nam eos ingredi viam, ex his difficultatibus se expediendi. Nonnullos asserere, Concilia non pollere auctoritate de factis pronunciandi, Ecclesiamque, ut de iis judicare posset, non esse extra errandi periculum positam: alios contra Ecclesiæ & Conciliis hanc potestatem non quidem abjudicare; aut quo pacto, si quid ejusmodi alicui eveniat, ut Auctoris, quem innocentem putat, condemnationi subscribere jubeatur, is se gerere debeat, non inter se convenire. Alios enim eo delabi, ut dicant, Ecclesiam non posse quenquam obstringere, ut ejusmodi formulæ subscribat: alios autem asserere, subscribendum ejusmodi formulæ esse, honoris quidem causa, quem ita erga Ecclesiam declaremus, aut non ex animi sententia. Aut hos omnes iis difficultatibus se immergere, ut se extricare nequeant, Auctor ostendere annititur, & adeo quæ in libro, cui titulus: *Lettre touchant la signature du formul*; item in alio: *De la signature du formulaire pour servir d'apologie à ceux qui refusent de le signer sans restrictions*; & in alio: *Reponse à l'écrit d'un Theologien d'une fameuse communauté*; & denique in alio: *contre le Traité du P. Amelotte des souscriptions*, disputantur, atro notat lapillo. Aut dum in eo est, illos quoque reprehendit, qui hodiernum Nestorii causam, ac si de verbis potius, quam de re ipsa lis fuerit, agant, & a Bailio Dupinium inter hos quoque referri observat; sed addit, Dupinium ob hanc temeritatem, Ecclesiæ suæ censuram incurrisse, & ipsum quoque, quæ hac de re scripsisset, retractasse. De ipsa autem Concilii œcumenici V auctoritate suam ita sententiam pandit, ut dicat citra ambages Ecclesiæ decretis acquiescendum esse, cumque hæc hoc Concilium pro vero & œcumenico agnoverit, in eo vero trium capitulorum auctores non tantum anathemate percussi sint, sed idem fulmen in eos quoque vibratum sit, qui iis anathema dicere recusent, nefas esse putat huic legi non gerere morem, & hos auctores ullo modo excusare.

EXCERPTA EX EPISTOLA D. XV FEBR. A. M DC XCIX
a Cive Atlantico (sub quo nomine Auctor ejus latere voluit) ad Aetorum Eruditorum Collectores data.

Quin mecum fateamini, *Problemata de Rectificandis & Quadrandis Lineis & Spatiis Curvis*, digna esse, quæ omnino accuratius a Mathematica.

thematicis considerentur, & absolutius tractentur, nullus plane dubito; confectis enim illis, multa præclara in rem cedunt Mathematicam, egregie provehuntur fines scientiæ humanæ, & eo quidem laudabilius, quod ante semiseculum inter impossibilia recensitum sit, vel unicam Curvam rectæ cuidam æqualem assignare: neque hic præclari Mathematici substiterunt, sed ea ne quidem ab humano ingenio inveniri posse, aperte literis consignarunt. Fuerunt tamen nonnulli, qui felicius rem tentando, varias Curvas in rectam diducere studuerunt, atque rotunda quadratis æquarunt. Monitus autem ab amico, ut laudatissima vestra Acta, Viri honoratissimi, perlustrarem, me ibidem inventurum ratus, quod animum veri cupidum satiare; illa quidem obiter inspiciendi dabatur facultas, ac tandem in Actis anni 97 ingenuam Clarissimi Dn. Joh. Bernoulli confessionem perlegi, quæ Dn. D. T. alloquens ita sonat.

Ardenter quoque desideramus publicationem methodi universalis, cujus se competentem dicit art. III, in qualibet Curva, data portione eiusdem, aliam semper assignandi, qua datam rationem habeat ad priorem. Quinimo totum Mathematicorum orbem sibi obstringet, & æternam laudem merebitur, si dabit demonstrationem specimini, quod ibidem exhibuit, pro assignandis in Curva parabolica portionibus, in data ratione. Miror Celeb. Autorem, pro perspicacitate sua non animadvertisse, quod hoc specimen longe plus in recessu habeat, quam adparet. Det enim mihi demonstrationem constructionis suæ, & ego ipsi dabo quadraturam Hyperbolæ, & proinde rectificationem Curvæ Parabolica Geometricæ; in qua indaganda, omnes quotquot exstiterunt Mathematici hætenus FRUSTRA defudarunt.

Mirum autem mihi videtur, quadraturam Hyperbolæ, & inde sequentem rectificationem linæ Parabolicæ, a tantis Viris, interiori Mathesi excolentibus, per summationes, differentiationes, infinitesimalisque calculi tormenta, hætenus inveniri non potuisse, cum per vulgarem Algebram & Ampl. Dn. Huddeni Methodum de Tangentibus, omnia ista quasi sponte fluant, nullaque sit linea Geometrica, quæ tandem vel rectificari; & nullum spatium tale, quod non quadrari possit. Non diffiteor equidem, si mihi pateret methodus ista infinitesimalis, quin forte citius, & minore cum labore, hac in re progredi liceret, sed cum illam profundissime ignorem, trita via incedere

Z

cogor;

cogor; quæ quidem in quatuor primis Curvis, vid. Circulo, Ellipsi, Parabola & Hyperbola, atque in nonnullis Paraboloidibus superiorum generum, compendiose satis, & fere sine ullo labore perficiuntur; in aliis autem non item. Verum de hisce forte alias.

Ad calculum autem revocando bina Heuratii exempla, unum de parabola Cubicali, cujus characteristica est $ayy = x^3$; alterum Parabola, cujus symptoma $ay = xx$: Primam Curvam, ope parabolæ in rectam diduxit; Parabolam vero, ob resultantem ipsius $ZZ = 4xx + aa$ æquationem hyperbolicam rectificare nequivit. Ego proprias machinas admovendo inveni, fieri posse, ut linea GHIKL. (ad schema, & litteras Heuratii hæc accommodata sunt) modo fiat Parabola, modo Hyperbola, uti Heuratius invenit; modo Hyperbola Cubica intra vel extra Asymptotos; modo Hyperbola 5, 6, 7 &c. dimensionum, & sic porro in infinitum: sed & quod notatu dignum videtur, linea GHIKL, transit in lineam rectam, adeo ut Curva Paraboloidis Cubicalis primi exempli, etiam sine adminiculo quadraturæ Parabolæ, rectificari possit.

Sin secundo ABCDE fuerit Curva Parabolæ primæ seu vulgaris, non solum linea GHIKL poterit esse Hyperbola, sed etiam Parabola Hyperbolæ diversi generis, tam intra quam extra Asymptotos, ac denique etiam linea recta, non secus ac in primo exemplo. Quare prout ope harum duarum Curvarum innumeræ figuræ complanantur; sic ope quadraturæ Parabolæ, vel etiam quia GHIKL etiam recta esse potest, beneficio rectanguli AGHIKLF rectificari poterit. Rectificata vero linea parabolica, Hyperbola quadrabitur. Idem de Curva prima subsumendum.

Aliunde autem certum est, lineam Circularem beneficio Hyperbolæ vulgaris rectificari posse, quippe cū ex hætenus dictis Hyperbolæ quadratura sit in potestate, etiam longitudo lineæ Circularis cognita erit, hac autem cognita, etiam Circuli quadratura prodit; quæq; ex Hyperbolæ quadratura, etiam vi theorematism mihi noti, quadratura Circuli dependeat. Et quidem hæc ea sunt, quæ ex rectificatione Curvæ Parabolicae & Curvæ Paraboloidis Cubici consequuntur.

Superesset autem, ut etiam de rectificatione Circularis lineæ *per se* aliquid dicerem; nam etiam Circulo conjugari potest linea Parabolica adeo ut superficies AGHIKLF quadrari, proindeque etiam Circuli

culi lineæ, vel integer quadrans, aut semicirculus, vel pars quædam prout libuerit rectificetur; verum omnia dicere hac vice in me non suscepi; sufficiat notasse etiam Ellipsi ac Hyperbolæ lineam parabolicam conjugari posse, cujus opera tam Ellipsis quam Hyperbolæ Curva rectæ lineæ æquantur. Sed & eadem opera aliæ complures lineæ, ex Ellipsi, Circulo & Hyperbola principia sua mutuantes, quadrantur.

Non autem inde sequitur, omnibus Curvis parabolam conjugari vel subtendi posse; etenim si rectificetur Parabola Cubica altera, cujus natura est $ay = x^3$, modo a me usitato, nullam adhuc invenire potui æquationem, Parabolæ naturam indigitantem, non quod putem, id plane impossibile esse (secus enim quam aliqui solent sentio, qui si res juxta hypotheses assumtas non succedat, id protinus pro impossibili pronunciant, cum tamen inde nihil aliud mihi sequi videatur, quam insufficientia Hypothesium, quæ si forte aliter instituerentur, possibilia evaderent, quæ antea ceu impossibilia declarata fuere) nihilo tamen secius rectificari poterit: vel enim ex antea inventis Hyperbola conjugata Curvæ expositæ Paraboloidis Cubici quadratur, & sic Curva rectificatur, vel si hoc modo uti pigeat, per rectangulum idem obtineri poterit, transit namque linea GHIKL etiam hac in Curva in lineam rectam, vel etiam in triangulum; adeo ut superficies AGHI KLF trapezii formam induat.

Et quamvis hæc de Curvarum rectificatione, & spatiorum quadratura, utilia valde mihi videantur, non solum quia variis modis fieri possunt, sed etiam maxime ob id, quia absque concatenatione, propositionum, aut præstructione Lemmatum, omnia ista absolvuntur; non minus tamen sequentia mecum valde proficua reputo, *Constructionē nempe quorumcunq; problematum, per solos Circulos, solasve Parabolas, Hyperbolas, & Ellipses, atque linearum rectarum intersectione*; nec non æquationum reductiones, in simplicioribus terminis, quam fecit Ampl. D. Huddenius: de his autem distinctius agere, nimis prolixum requireret spatium; sed ne in abstractis hisce scriptionis filum abrumpam, de *Generatione, germinatione & propagatione Visci*, cujus historia a Scaligero densis tenebris involuta huc usque Botanico- rum mentes torset, ut veritatem a Veteribus traditam omnino deferuerint. Verum cum plus mille experimentis & oculari inspectione ac manuali opera, a viginti fere annis plantæ hujus phænomena obser-

vaverim, Scaligeri cornua sunt refecanda; Malpighii muscæ abigendæ; centenarius annorum cursus, ad Visci ploratum requisitus, explodendus, & denique magni Verulamii modus producendi Viscum, nullitatis (ut ita dicam) arguendus. plantam hanc natalibus suis ita restituendo, ut quid veri, vel secus in veterum sententia subsit, oculari inspectioni subjiciatur.

Hæc & similia si digno modo tractari deberent, non epistolam, sed scriptum satis prolixum requirerent, a quo cum genius meus valde abhorreat, hac via ulterius progredi nolui; sic enim cavere volui, ne si alii hæcce jam invenerint, ego vobis, Viri omnium ordinum honoratissimi, sim tædio; sin secus, ne alius se priorem hæcce vidisse asserere præsumat; vestigia enim me terrent Heuratii, qui inventum suum adeo præclarum vix orbi literato communicavit, cum præsto fuerunt alii, qui inventionis gloriam ad se rapere annisi sunt. Unicum hoc ut moneam restat, me studio nomen meum non adposuisse, cum sic liberius agere me potuisse putaverim, nec nomen pondus aliquod addat; Geometrica sunt, adeoque robur ex demonstratione, non ex nomine pendet. Quod Visci generationem attinet, res est facti, adeoque experimentis, ac oculari inspectione, non ex nomine sunt dijudicanda. Nec tamen usque adeo obscurum est, quin Viris aliquot ex primariis, nominatim Celeberrimo Leibnitio aliquatenus cognitum sit, cui si hi conatus non displicuerint, pluribus aliis non displicituros confido. Hisce, Viri omnium ordinum honoratissimi, valete, & cum qui vos decenter reveretur, amate; salutati d, 15 Febr. 1699.

Dum hæc scribo, commodum ea quæ de hypothesium validitate dixi, obvenit dicendum; ex hypothesibus meis in rectificanda linea Parabolica, Parabolæ nullam potui conjugare Ellipsin vel Circulum, ita ut fere impossibilitatem, ex hisce hypothesibus, quæ satis sunt simplices & universales, concluderim; rem autem tentando, & Ellipsin & Circulum conjugari posse, deprehendi, cadit enim punctum I seu omnes MI etiam in Circulum vel Ellipsin, cujus latus transversum

$$= \frac{1}{4} a \sqrt{129}, \text{ rectum } \frac{bb}{2a} \sqrt{129}. \text{ Semidiameter vero Circuli } = \frac{1}{8} a \sqrt{129}$$

$$129 \text{ \& diameter ut in Ellipsi } = \frac{1}{4} a \sqrt{129}.$$

DE-

*DETECTIO ET OBSERVATIO COMETÆ, FACTA MENSE
Septembri A. 1698 in Observatorio Regio, a Dn. DE LA HIRE,
Mathematicum Lectore & Professore Regio, & Acade-
mia Regia Scientiarum Socio.*

Translata ex Diario Eruditorum Parisiensi XXXVIII,
A. 1698, p. 453 seq.

Die mensis Septembris secundo labentis anni observavi noctu circa horam decimam in constellatione Cassiopeæ Cometam. Distabat a stella per lit. α a Bayero notata quinta parte spatii, quod inter α & β intercedit; & erat cum memoratis his duabus stellis in eadem linea recta. Gerebat speciem stellæ cujusdam nebulosæ; exiguo capite, & quantitate stellam tertiæ magnitudinis propemodum æquante, caudaque valde brevi. Insequenti die cælum nubibus fuit obductum.

Die vero quarto, h. 10 noctis observavi eum in medio stellarum, quæ in constellatione Cephei per j & ξ denotatæ sunt, & cum iisdem lineam rectam constituebat; ut bidui proinde spatio motu suo proprio absolverit 13 gr. 20 min. videbaturque aliquanto major, quam in prima observatione. Ostendi eum tunc Astronomis nostris, qui ipsum ante non viderant.

Sexto die h. 4 matutina conspiciebatur prope duas stellas θ & n , in manu Cephei, cum quibus efformabat triangulum Isosceles, cujus vertex loca præcedentium observationum respiciebat, atque a basi trianguli min. 45 distabat. Et creverat tum quoque ejus, ut & caudæ magnitudo; eodem vero die h. 8, min. 45 noctis aberat a loco observationis die quarto noctu institutæ 17. gr. 20. min. eratque cum primis stellis in eadem linea recta, quod erat indicio, multo eum celerius, quam sub initium, progredi. Sed & aucta nonnihil ejus magnitudo erat, unde colligi posset, eum propius abfuisse a terra, quam primarum observationum tempore.

Die 7, hor. 7, min. 50, vesperi conspiciebatur sub extremam fere partem alæ Cygni, posteaquam inde ab elapso superiori die 9, gr. 50 min. absolverat cursu suo, per lineam rectam semper continuato, seu per ingentem circulum supra stellas fixas conspicuum; &

videbatur tum quoque concitatus moveri, quam præcedenti die.

Die 9, hor. 7, min. 55, erat in linea recta cum duabus stellis Herculis, quæ in ejus tibia a Bayero literis θ & ϕ signatæ sunt, propior tamen stellæ ϕ quàm θ . Absolverat illo tempore inde ab ultima observatione 19 gr. 10 min. sic ut dici queat, ipsum terræ citimum fuisse noctu inter septimam & octavam. Apparebat tunc veluti stella secundæ magnitudinis, obscurus, exigua cauda, & Soli continuo obversa, capiteque satis tenebricoso.

Die 10, h. 8, m. 5, noct. percurrerat a tempore præcedentis observationis 8 gr. 30 m.

Die 11, h. 7, m. 35, sejunctus erat a loco observationis d. 10 institutæ 7. gr. 30. min. quod indicat tardius eum processisse, quam præcedentibus diebus; quemadmodum & magnitudo ipsius decre-scere incipiebat.

Die 13, h. 8, min. 10, conspiciebatur in capite Herculis prope quatuor exiguas stellulas, quæ nisi oculo armato aspectabiles non sunt; & confecerat suo cursu a tempore observationis proximæ 12 gr. 30 m. Et ad id tempus usque visus est continuo moveri per magnum supra stellas fixas circulum, eratque emensus inde ab observatione die 2 mensis facta 88 gr. 10 min.

Die 15, h. 8, m. 10, aberat a loco observationis præcedentis 9 gr. recesserat etiam a recta via, quam semper tenuerat, 40 m. versus meridiem respectu motus sui.

Die 16, h. 8, m. 45, nonnisi 3 gr. ab ultimæ observationis tempore absolverat, & distabat a recta pristinæ viæ suæ linea fere integro gradu. Erat tunc valde exiguus, & apparebat inter stellas, quæ ciam Herculis constituunt, quarum tamen collocatio, prout in Bayero habetur, non omnino videtur exacta.

Die 24, h. 8, noct. observavi eum etiam prope duas stellulas informes, quæ supra pedem scorpionis existunt, & aberat a proximæ observationis loco 13 gr. a prima autem via 10 gr. 45 m. Erat eo tempore valde exilis, & simul æris intemperies cum crepusculo, quod ingruerat, diutius eundem observare prohibuit.

Quod si in dissitis longe terris observationes circa hanc rem institutæ sunt, poterunt inde quædam cognosci, haud inutilia in Astro-

stronomia; sed enim difficile est, hujus generis Cometas detegere, nisi quis sedulus observator cœlo immineat. Quod verò motum, hujus Cometæ attinet, dici potest in genere, eum percurrisse circum, cujus planum fuerit paululum inclinatum ad lineam rectam, a terra ad ipsum usque productam; & quinto is die versus hor. 5 matutinam quam proxime accessit ad Polum Mundi septentrionalem, a quo distabat 26 gr. Ope observationum harum facile erit, in globis, aut mappis cœlestibus ejus viam designare, & simul longitudinem ipsius & latitudinem in quocunque situ determinare.

*CHRISTIANI FRANCISCI PAULLINI RERUM ET AN-
tiquitatum Germanicarum Syntagma.*

Francofurti ad Mœnum, apud Fridericum Knochium, 1698. in 4.
Alphab. 6.

Duum Viris celeberrimis, Leibnitio & Matthæo, quorum studium Scriptores rerum Germanicarum typis hætenus nondum vulgatos in lucem publicam edendi, anno superiori 1698 laudavimus, (vide Acta nostra istius anni p. 149. 186. 353.) tertius nunc addendus doctissimus Paullini, qui ejusdem instituti amore captus, volumen præsens tractatibus historicis valde expetitis, & e tenebris sordibusque erutis refertum, cum Orbe erudito communicat; sed ita tamen, ut varias Dissertationes atque notas a semetipso contextas addere haud omiserit.

Loco namque statim primo *Historia* comparet *Isenacensis*, quam ille Vir Clarissimus composuit, & variis literis ac bullis Cæsarium, Pontificum, Principum & aliorum antea nunquam visis illustravit & confirmavit, istam huic urbi operam se debere ratus, quod circa ejus annales nemo antea satis occupatum sese gesserit, si unicum excipias Nicolaum Rebhanium, a cujus diligentia Historiæ Ecclesiasticæ Isnacensis libri tres profecti fuerint, quorum tamen ultimus ea, quæ sub initium seculi decimi septimi contigerint, enarrans interierit. Exposito igitur nominis istius origine, (quam a *ferro* & *aquis* derivat, cum multas ibi ferri fodinas & officinas olim fuisse certum sit, prætereaque veteres Germani fluvios minores generatim *Aa* seu *Abavocitare* consueverint, unde manifesta sit vocis ex *Isen* & *ach* com-

compositio;) annales urbis condere aggreditur inde a primo ejus ortu, quem tamen adeo exploratum haud esse palam fatetur. Equidem si Attila Grimhildam, Güntheri Thuringorum Regis filiam connubio sibi jungens, castra, aulam, comitiaque Isenaci habuerit, utique jam circa A. 451 urbem hanc celeberrimam extitisse infert. Verum istas de Attila narrationes dubias plane & suspectas pronunciat, ac, quod isto tempore conditum jam Isenacum fuerit, ægre sibi persuadet. Interim historiam ejus, quoad a vetustissimis eam temporibus valet repetere, solícite enarrat, ac nonnisi in anno 1697 desinit. Nec circa solam tamen isthanc urbem unice occupatur, verum subinde & ad alia, quæ Thuringiam imprimis concernunt, excurret. Quinimo & ea non raro cumulat, quæ ad Historiam Ecclesiasticam religionis Lutheranae quid conferre queant, velut ubi Johannis Hilteni prophetias allegat, p. 122, deque Luthero ipso ac de ejus gestis passim differit. Justi Menii, primi istius Isenacensium Superintendentis vitam prolixius describit, p. 139. seq. & eum humani quid fuisse passum minime dissimulat, quando Catechismum Lutheri reformavit, prout & variationes ab ipso susceptas in gratiam posteritatis subnectit. Nec ingrata Lectori futura sunt, quæ de Victorino Strigelio, Nicolao Amsdorfio, Matthia Flacio, Friderico Widebramo eorumque placitis in medium adducit. In Academiae Jenensis initia dum p. 174 incidit, non Rectores modo illustres, qui ei ab A. 1558 ad A. 1688 præfuerunt, sed omnes etiam Facultatum omnium Professores, quos inde a primordiis ejusdem ad hæc usque tempora studiosam Juventutem ibi docuisse constat, recenset. Tacemus utiles non minus ac jucundas digressiones alias, quas obvias subinde Lectores deprehendent, puta, quando de Comitibus Palatinis Saxonibus p. 24. de jure Smurdorum p. 54, materiisque similibus differit. Pag. 201. occurrunt literæ Germanicæ Lutheri & Melanchthonis, quibus consilium Henrici Cottæ, Jurium tunc studiosi, de suscipienda in Gallias peregrinatione uterque approbat.

Secundum locum tenet *Chronicon Huxariense*, quod urbis Huxariæ civis, Petrus Visselbeccius, in antiquissimo Collegio Carolino Eresburgi ad Dimelam inter Fratres Benedictinos receptus, Doctoris-que Theologiæ titulo ac gradu ornatus. anno autem Christi 1395, ætatis suæ 64 defunctus, composuit; ast continuavit ad annum usque

1498 Gregorius Wittehenne, Senatoris & Patricii Huxariensis filius, in patria Presbyteri & Canonici dignitate auctus, & anno, quem modo memoravimus, 1498, ætatis 58 extinctus. Additionibus porro variis idem locupletavit Nicolaus Erbenius, patria non minus Huxariensis, post sacra munia passim alibi administrata, Pastor demum in æde Prædicatorum Erfurtenfi, ubi A. 1587 obiit. Istud vero Chronicon, sub seculi superioris exitum, ab hæredibus Erbenianis parochus quidam in vicinia Crucisburgi agens obtinuit, cujus pronepos Paullino tandem nostro id commisit, a blattis quidem muribusque alicubi exesum & sordibus pollutum, maxima tamen sui parte ab interitu nunc vindicatum. Et laudanda sane est, quam adhibuerunt autores ejusdem, industria, qua patriæ suæ historiam studiose satis texuerunt, utile ubique dulci miscentes. Videas enim heic bullas summorum aliorumque Pontificum; videas varia subinde curiosa & Physica secretiori deprompta; modo stupenda omina observes somniaque memoratu digna; legas hinc inde epitaphia & versiculos admodum nonnunquam bellos; modo index comparet Fratrum Corbejensium ab Adelgario usque ad Bodonem; modo nomina sororum Otbergæ & in valle Dei. Nummorum etiam interdum meminere, sigillatim argentei alicujus unciam pendentis, qui Corbejæ in horto quodam repertus ex una parte S. Vitum plane nudum, formamque pueri præseferentem, & in olla pice repleta ac prunis candentibus imposita constitutum exhibuerit, addita inscriptione: S. VITUS PATRONUS CORBEIENSIIUM. Ex altera parte allegantur verba: A DEO ET HLUDOWIK O; item illa: WARINUS DEI MISERATIONE AB BAS NOVÆ CORBEIÆ AD WISERAH. Alibi occurrit mentio nummi aurei quadrati in exenterato anate reperti, cujus unum latus tres baculos Episcopales, & literas WDS, alterum vero coronam cum epigraphe CRD repræsentarit. Acliteræ quidem priores ad Wicpoldum, posteriores vero ad Counradum Regem, cujus ille familiaris fuerit & consiliarius, trahuntur. Notæ, quas celeberrimus Editor subjecit, modo historicas narrationes, modo observationes physicas, modo alia apprime illustant atque explicant.

Chronicon isthoc mox *Mindense* excipit, a Bussone Watenstedio, Canonico Hamelenfi, post medium seculi decemiquinti confarcinatum, & ad seriem Iræsulum Ecclesiam Mindensem regen-

tium dispositum, cui *Wedechindi Duldorpii* (qui an Hamelæ, an Mindæ Vicarius fuerit, ignotum sibi esse Noster fatetur,) in Præsules XLIX poemata, & *Alberti Fryschmedii*, seu *Jodoci* potius *Wittstorni* in eorundem effigies disticha, *Catalogus* item *reliquiarum* apud Mindenses asservatarum e veteribus membranis a Lamb. Marpachio descriptus, annectuntur. Promitur dehinc *Chronicon*, quod audit, *Hillesheimense* seu *Hildefianum*, conditorem agnoscens Jacobum Reutelium, Pastorem Einbeccensem ad S. Alexandrum, A. 1593 defunctum, in quo cum nullos usquam narrationum suarum autores allegaverit, defectum, hunc in notis supplevit Editor, & alia subinde adjecit, prolixumque de *Episcopis Hillesheimensibus* poema Justinii Bartramii superaddidit. Brevis est *narratio*, quæ *acta & facta Præsulum Nuenburgensium* seu Numburgensium *ab anno Domini 968 ad annum usque 1493* repræsentat, scriptique hujus autorem censet Editor Johannem de Isenach seculo labente decimo quinto Ecclesiæ Cathedralis apud Numburgenses Decanum, cui brevitatis succinctæ laudem tribuit, ac Paulo eapropter Langio, in amplo rerum Numburgensium Commentario extra choream sæpius saltanti, longius eum anteposit. Nec prolixius est, quod sequitur, *Conradi Evermotii*, Presbyteri Razeburgici, in agro Lyneburgico nati atque educati, Viri docti & religiosi, A. 1561 adhuc superstitis, *Chronicon Episcoporum Aldenborgensium in Wagria*.

Duo, quæ ulterius comparent, Chronica Paullinum ipsum autorem agnoscunt. Ediderat is jam ante annos aliquot dissertationem *de canobio Virginum Ottbergensi ad Netbam, congregationis quondam Cisterciensis, ast nunc in vallem Dei ad familiam Benedictinam translato*, quæ jam in justum excrevit commentarium, *Henrici Swartii*, Pastoris in valle Dei ab A. 1598 usque ad emortualem 1423 minuto ejusdem monasterii chronico auctum, multisque memoratu dignioribus & amœnis observationibus repletum: velut ubi festi stultorum, olim in Ecclesiis quibusdam celebrari soliti mentionem p. 179 injicit; pag. 192 de causa odii inter Minoritas & monachos Cistercienses agit; pag. 198 & 202 originem monasterii Gröningensis pandit; prout & Ordinis Præmonstratensis incunabula p. 209 seq. declarat. Jucunda sunt, quæ de agnello ex cane nato, p. 205; de rustico vermunofo, p. 213; de lepore bipede, at celeriter tamen currente, p. 217; de fele nolas ad surgendum solerter pulsante, p. 228; de visus & auditus exebrietate pri-

privatione, p. 230, jam Swartii, jam Paulini verbis referuntur. Ast unicum Paullinum autorem habet *chronicon congregationis Badeslebensis, Marienbeck dictæ, ordinis Augustiniani, diæceseos Halberstadiensis*, cui tamen parilem in modum & alia curiosa atque elegantia immixta sunt, v g de sororibus religiosis Huy burgenfibus, quæ una cum fratribus monachis unum idemq; cœnobium diu inhabitarunt, p. 273; de montis Petrini prope Halam origine, p. 277; de gallis atque vesperilionibus incendia præfagientibus, p. 281. Additur in fine *Schola*, quæ vocatur, *Prælatorum bestialis*, seu singulorum Abbatum Huysburgensium vita & facta, virtutes & vitia, per certa & convenientia animalia epigrammaticè explicata; quæ carmina non inficeta prorsus Joanni Nolckenio Badeslebensis, qui ante medium superioris seculi in monasterio Huysburgensi vixit, debentur.

Monasterii S. Petri in monte crucis ad Werram, Ordinis S. Benedicti, Chronicon compilavit Jo. Cræmer, Eschwegensis, Ordinis Augustiniani monachus, & Præpositus postea cœnobii Jacobæi extra muros Crucisburgi, in anno 1514 subsistens, & ex Editoris conjectura, circa sequentis anni primordium extinctus. Styli ab hoc adhibiti inæqualitatem Noster equidem accusat; res tamen, quas e diversis variorum schedis seu diariis excerpserit, ac, uti repererat, inseruerit, Lectori antiquitatum studiofo non plane displicituras confidit. Nec injucundum esse arbitratur, quod succedit. Wernerii Hackii, Teutlebio-Thuringi, Monasterii Virginum S. Nicolai, cœtus Benedictini, Isenaci ad portam ab isto clauftro denominatam, quondam Præpositi, *Chronicon*, seu, uti Autori nuncupatur, *breviloquium de Comitibus Templimontani*. Illustri Comiti Georgio Kirchbergico A. 1519 inscriptum, quod more suo notulis illustravit Noster, qui & ipse aliquot abhinc annis *historiam illustrium Comitum de Kirchberg* viginti sex capitibus inclusam composuit, ast eam tamen in suis adhuc pluteis delitescentem asservat. *Historiam* quoque *Corbejensem* integram, sermone Latino, multis diplomatibus & bullis, improbo labore & gravi satis ære paratis, distinctam se elucubrasse testatur: ast cum non liceat sine speciali consensu magni Germanæ Principis eandem divulgare, succinctos interim *annales Corbejenses* a prima foundatione ad A. C. 1471 deductos hoc in loco sistit, & eorum autorem, utut is in MSto nomen suum tacuerit, Antonium Schnaackenburgium, nobilem illustris Cor-

bejæ Saxonica cœnobitam, existimat. Cujas fuerit *Frater*, qui nunc in scenam producitur, *Cornelius*, seu ubi vixerit, nescire se fatetur; interim ejus *Breviarium Fuldense*, in quo omnium Archimandritarum, ceu vocat ille, ortus, potiora facta & obitus, usque ad annum Domini 1499 enarrantur, luce dignum censuit, eo quod non Browerum modo, sed Eberhardum quoque Fabricium, de Fuldensibus cæteroquin optime meritos, non raro in usum traxisse hunc Cornelium, manifesteprehenderit.

Quam olim jam tum edidit Paulinus de *Walone*, *Abbate Corbejensi decimoquinto*, ab *Henrico II Imperatore per Meinwercum*, *Episcopum Paderbornensem*, officio & dignitate privato disquisitionem, emendatam alicubi & passim auctam denuo Syntagmati huic inserit. *Decretum* insuper *augustæ Synodi Moguntinae sub Luitberto Archiepiscopo A. 888 convocatae*, in qua jura & immunitates Corbejensium & Herfordiensium solenniter confirmantur, variis discursibus, Cæsarum Pontificumque literis, & aliis antiquitatem redolentibus observationibus illustratum exhibet. Porro suam de *Advocatu Monastico Dissertationem* separatim A. 1686 vulgatam repetit, auctam tamen eam, emendatam, variisque literis illustratam. Qui locum obtinet penultimum ejusdem solertissimi Paullini libellus, de *pagis & imprimis antiquæ Saxonie*, ad alphabeti ordinem compositus, pusillum ab Autore ipso spicilegium, post largam Marquardi Freheri & Henrici Meibomii messem relictum appellatur.

Agmen denique claudit *carmen de Brunsburgo*, ad Wicboldum Corbejensem A. 1152 scriptum a Christophoro Elschlebio, quod non adeo rude videtur Editori, qui tamen Lectorem, ubi is syllabas producendas, correptas nonnunquam ab Autore notaverit, meminisse vult, quod & bonus aliquando Homerus dormire soleat.

LES MEMOIRES D' EDMOND LUDLOW.

i. c.

COMMENTARII MEMORIALES EDMUNDI LUDLOVII, Tomis duobus.

Amsterdami, apud Paul. Mares, 1699. in 12. Constat 1 alph. 15 plag.

Autor horum commentariorum nobili genere provincia Angliæ

æ Wiltonia natus, cum bello civili inter Regem Ordinesque exorto, horum causam armis consiliisque enixe juvisset, & Rege sublato pro Republica constituenda tuendaque acerrime contendisset; Carolo II restituto, e regno aufugit, & ad Bernates in Helvetiam se recepit. Rediit in Angliam Wilhelmo Liberatore in solium regium evecto, persuasus operam suam patriæ usui esse posse in Hibernia ad obsequium revocanda, quam olim Parlamenti auspiciis pacaverat. Verum spretus rejectusque, pristinam exilii sedem repetiit, ibique ante paucos annos fato functus est. Ab ejus obitu publicati sunt hi commentarii, quibus motuum illorum, quorum ipse pars magna fuit, originem & progressum ita perscribit, ut culpam omnem belli commoti in Regem conferat, & Reipublicæ, quam eo cæso moliebantur Parlamentarii, consilia & gesta extollat. Neque ea solum literis tradidit, quibus ipse interfuit vel præfuit, sed & quæ ab aliis, quos fide dignos habuit, accepit, ne quid memoratu dignum in ista rerum temporumque serie desideraretur. Arguit vero Jacobum I imminutæ clam & astu publicæ libertatis: Carolum vero ejus filium, uxoris Gallicæ impulsu, apertius id egisse, ut regnum civile in dominatum converteret, & intensâ Cleri Episcopalis autoritate viam Papatui muniret. Bellum adversus Gallos ex privatis inter Bukingamium & Cardinalem Richelium simultatibus fuisse susceptum, mox secretis pactionibus Rupellam fuisse desertam, & Gallis perfide proditam. Bello Scotis improspere ilato, cum Rex tandem concilium gentis Anglicanæ, quod Parlamentum vocant, coegisset, ejusque dissolvendi facultatem a se abdicasset: Regem invitum supplicio Straffordii Pro-Regis Hiberniæ subscripsisse, capitis a Parlamento damnati; licet Autor fateatur, interversas esse a Digbæo chartas, quibus delictorum, quorum accusatus erat, convinci potuisset. Deinde cum Parlamentum indies progredere longius, & regiam potestatem magis magisque circumscriberet: Regem, postquam Concilii disturbandi conatus irriti fuerant, Eboracum secessisse, & prosequentibus se quibusdam Parlamenti membris, Londinensem conventum illegitimum pronunciasse. Inde res ad arma deducta est, quæ Regem priorem parasse & sumsisse Autor affirmat, quia Rex non æquissimas modo, quas Autor putat, pacis condiciones rejecerit, ac ne ad tempus quidem jus militiæ Parlamento transcribere voluerit, sed & auxilia domi forisque solícite conquissiverit. Inter

cætera literas Regis interceptas Autor narrat, quibus Regem Daniae Christianum IV ad societatem belli sollicitaverit, Parlamentum criminatus, quod Annam Regis matrem, Dani sororem, adulterii convincere conetur, ut ejus liberi successione indigni videantur. Cum ergo utrinque classicum cantum esset, Autor quoque relictis Musis, quibus adhuc vacaverat, militæ nomen dedit, secutus auspicia Parlamenti, cui pater ipse intererat, & cum aliis nobilibus commilitonibus ascriptus cohorti prætorie Comitatus Essexii, cui summam imperii militaris Parlamentum commiserat. Tyrocinio belli in prælio ad Egghehillum posito, centuriam equestrem conscripsit, & sub tribuno Eduardo Hungerfordio patrii comitatus Wiltoniæ tutelam suscepit. Expugnato illic castello *Waider* cum præsidio impositus, post longam obsidionem regiis se dedere coactus, adduci tamen se passus non est, ut in regias partes transiret, nec ullis etiam Theologorum rationibus de sententia deduci potuit, quin Regis causam injustam existimaret. Permutatus ergo cum captivis regiis & libertati redditus, in legione Arthuri Haslerigi meruit præfectus vigilum, & mox decreto Parlamenti tuendæ Wiltoniæ magistratum civilem cum imperio in legionem equestrem consecutus est. Verum in capeffendo illo munere a contraria quadam factione impeditus, & adversis quibusdam pugnis debilitatus, cum Parlamentum legionem ejus ad quatuor manipulos revocaret, horum præfecturam aspernatus, aliquandiu vixit privatus, donec a provincia sua patri demortuo Parlamenti senator sufficeretur. Neque in patris modo locum, sed & sensum successit; quem narrat summo fuisse dolore correptum, qui mortem ejus forte acceleraverit, cum amicam & collegam in custodiam dari vidisset, qui in Parlamento dicere ausus fuerat, satius esse perire domum regiam, quam populum bellis jactari. Eadem certe Autori sedit sententia, qui eo fere tempore Parlamentum ingressus est, quo Rex prælio Nazebiensi prostratus ad Scotos confugerat, & ab his Anglorum potestati traditus fuerat. Cum ergo frequentes cum Rege instituerentur actiones de pace; illas quidem omnes æque ac supra res bellicas fuscè diligenterque exponit Autor, sed ab iis ita se alienum ostendit, ut neget populum Anglicanum tuto & honeste cum Rege pacisci & reconciliari potuisse. Neque enim Regi, quacunque demum lege restituto, de fore occasionem aut vires pacta rescindendi, nec fas esse tantum sanguinis effusi nullo expi-

expiari auctoris vel rei supplicio. Hæc palam in senatu sæpe disseruit, & cum dissidentibus, ac ipso aliquando Cromwello, cum adhuc regis causæ favere videretur, acres contentiones suscepit, perpetuus auctor abrogandæ regis potestatis, & Reipublicæ instituendæ. Postremo cum exercitus Regem e Vecti insula abreptum in suam potestatem redegisset, Presbyteriani vero, qui majorem partem Parlamenti faciebant, tractatus cum Rege cœptos perficere & concludere niterentur, Auctor non improbat, quin suo quoque consilio factum non obscure indicat, ut Senatores, qui pro Rege laborabant, armata manu ingressu Parlamenti prohiberentur. Quod licet juri & libertati Ordinum, pro qua se arma cepisse videri volebant, quam maxime repugnare Auctor ipse agnoscat; putat tamen utilitate publica rependi, quicquid adversus leges hic fuerit admissum. Neque porro, Rege perduellionis accusato, Auctor veritus est sedere inter judices, & capitalem cum aliis sententiam in Regem ferre. Cum ergo pauci illi, qui cædis regis auctores fuerant, exercitu subnixi, summam rerum specioso libertatis & reipublicæ nomine occupassent; Auctor non tantum in conservatoribus, uti vocari amabant, libertatis Angliæ locum tenuit, sed & cum quatuor aliis delectus est, qui idoneos homines regendæ Reipublicæ & Consilio status formando dispiceret, & Parlamento nominaret. Neque vero dubitat affirmare, justissimâ fuisse Rempublicam & optime compositam, quæ divinitus beata fuerit tam admirandis successibus, ut & Scotiam brevi subegerit, & Hibernos perdomuerit, & adversus Belgas Fœderatos rem bene gesserit, domique adeo & foris magna autoritate floruerit. Auctor vero, cum inter Consiliarios status ad clavum novæ hujus Reip. sederet, in Hiberniam missus est, annitente potissimum Cromwellio, ne ipsius consiliis ad tyrannidem jam tum spectantibus obstaret. Illic ergo equitatus præfectus & Præsidis provinciæ Iretonii legatus, illoque mortuo res Hiberniæ pro Præside moderatus, in extinguenda seditione Hibernorum Pontificiorum, iisque maxime castigandis, qui Protestantes immani laniena anno 1641 trucidaverant, tam diu occupatus fuit, donec misso in provinciam Fleetvodo, Cromvellus Protectoris nomine summum rerum arbitrium in se traheret. Tunc enim exutus est Auctor potestate sua, qui Cromvellianæ dominationi parere dedignabatur; quam non injustam modo pronunciat, sed Anglicano nomini nec decoram nec utilem fuisse.

fuisse affirmat. Inter cetera fœdus ejus cum Gallis in Hispanos reprehendit, quo primum putat rem Gallicam prævaluisse Hispanicæ, atque ita deinceps crevisse, ut hodie Angliæ totique Europæ sit formidolosa. Cromvvello vero mortuo, cum vetus Parlamentum, abrogata Cromvveli filio Protectoris dignitate, pristinam auctoritatem recuperasse videretur, ab eo rursus Autor Hiberniæ ordinandæ est præfectus. Ubi accipiens, a factione militari, quam domus Wallingfordiæ vocabant, cujus principes erant Fleetvodus & Lambertus, Parlamentum in ordinem esse redactum, rediit in Angliam, ut inter Parlamentum & exercitum concordiam instauraret. Interea Monkus professus Parlamenti & publicæ libertatis tutelam (quem Autor ambitionis, avaritiæ & perfidiæ accusat) cum Scotico exercitu Londinum appulsus, ante omnia curavit exclusa anno 1648 Parlamenti membra in locum suum restitui: quorum unus cum retulisset, decreto publico detestandam esse Regicidii memoriam, Thomas Scotus respondit, se optare, ut sepulchro suo inscribatur: *Hic situs est, qui Regis supplicium mente & manu adjuvit.* Quin & Autor idem facinus sibi gloriæ ducere non erubescit. Verum isto Parlamento mox disjecto, cum Monkus aliud ex more gentis utraque Domo constans congregari curaret, Autor imminentem rerum conversionem præsentiens, latibula mature circumspexit, & mox utriusque Domus consensu, Carolum II in regnum avitum revocari audivit. In quo hi commentarii non tam desinunt, quam abruptuntur, apposita nota &c.

Funestus admodum Academia nostra fuit elapsus proxime mensis, quo intra octiduum duos celeberrimi nominis Theologos amissimus. Die enim 16 Martii D. Georgius Lehmannus, S. Theol. Professor primarius & Lipsiensis diæceseos Superintendens, die vero 23 D. Johannes Benedictus Carpzovius, Theologiae ididem Professor excellentissimus & ad D. Thomæ Pastor, uterque de Ecclesia Evangelica & Academia nostra multis nominibus meritissimi, mortem cum vita commutarunt. Paucis etiam ante B. Carpzovium horis, in hac urbe e vivis excessit Martinus Knorrius, Mathematicum in vicina Academia VVittebergenf Professor celeberrimus, cujus obitum non minus acerbè vel eo nomine lugemus, quod strenuum semper se nobis & exactum in bis Eruditorum Actis adornandis adiutorem præstitit. Aliorum doctorum virorum obitus, cum nunc charæ angustia prohibeamur, alibi fortasse sumus indicaturi,

* * * * *

N. V. 193
**ACTA
ERUDITORUM**

*Publicata Lipsiæ
Calendis Maji, Anno M DC XCIX.*

ΤΟΥ ΕΝ ΑΓΙΟΙΣ ΠΑΤΡΟΣ ΗΜΩΝ ΑΘΑΝΑΣΙΟΥ
Αρχιεπισκ. π. & Αλεξανδρείας τὰ εὐεσκό-
μενα πάντα.

SANCTI PATRIS NOSTRI ATHANASII, ARCHIEPISCOPI
*Alexandrini, Opera omnia Græce & Latine, in tres Tomos distribu-
ta, studio Monachorum Ordinis S. Benedicti &
Congregationis S. Mauri.*

Parisiis, apud Johannem Anisson, 1698. in fol. chart. aug.
Alphab. 26.

Vix quemquam fore arbitramur inter eruditos Scriptorum
Ecclesiasticorum Lectores, qui, ubi hætenus de nova o-
perum Athanasii editione a Monachis Benedictinis Parisi-
ensibus adornanda inaudiverit, maxima eandem perlu-
strandi cupidine inflammatum se haud intellexerit. Prod-
it ista nunc multum commendanda omnibus, qui diligentia non
mediocri nitorem ejus & præstantiam curatam deprehendent. Ete-
nim omnia, quæ sub Athanasii nomine circumferuntur, duabus par-
tibus, sed tribus tomis, prima parte in duos tomos subdivisa, com-
plecti Editores studuerunt; tomis duobus prioribus opera Athanasii
genuina, at ultimo dubia cum spuris exhibentes. Multa de cætero
adjecerunt nondum edita, ac novam Græci textus versionem ador-
narunt. Opera omnia juxta temporis, quo scripta fuere, ordinem,
quoad ejus fieri potuit, disposuerunt, & plerisque admonitiones &
præfationes addiderunt, in eorum aut *ῥεθεΐαν* aut *γενεσίτητι* latius

inquirentes, tempusque & alia notatu digniora examinantes. Ope eximiorum codicum Gallicanorum, Vaticanorum & aliorum, seriem orationis infinitis in locis restituerunt; varias item lectiones & notas ad illustrationem operum concinnatas, sub paginarum calcem annexuerunt; copiosissimos denique sub exitum Indices collocarunt, una cum Onomastico, quod non Athanasii solum, sed aliorum etiam Græcorum Patrum scriptis intelligendis percommodum futurum existimarent.

Sed ne in sola hac delineatione generali parum fortean Lectoribus se probatura subsistamus, agedum, præsentis editionis faciem paulo introspiciamus penitius. Placuit autem Benedictinis lecturos, antequam ad ipsa Athanasii opera eosdem admitterent, non nihil in limine divertere, eaque fini Præfationem sat prolixam condidere; ut ea unicum habuisse videatur autorem, (Bernardum, prout comperimus, de Montfaucon,) qui ablatum sibi morte præmatura deplorat Jacobum Loppinum. Virum Latine & Græce admodum probe, Ebraice autem *μετρίως* eruditum, inque Philosophicis apprimè versatum, quocum ad mediam usque partem tomi primi mutuas operas sociaverit. Agitur vero in hac præfatione de Athanasii primum manuscriptis, e quibus codici Basileensi, cujus varias lectiones Petrus Felkmannus edidit, a Doxopatre quodam, Viro erudito & de Athanasii scriptis bene merito, exarato palma sic tribuitur, ut ei tamen Regius Parisiensis septingentorum circiter annorum haud multum concedere putetur. Hinc ad codices impressos fit transitio, ac pro editione Athanasii omnium prima habetur Vicentina A. 1482 adornata, in qua tamen perpauca sancti hujus Patris opera, Omnibono Leoniceo interprete, contineantur. Volumen, quod A. 1520 Lutetiæ apud Johannem Parvum prodierit, Athanasii nomen præfixum gesserit, duas solum orationes genuinas, & reliqua omnia supposititia habere dicitur. Ex iis, quæ A. 1527 Desiderius Erasmus Latine dederit, epistolam primam ad Serapionem immerito prorsus Athanasio abjudicari dolet clarissimus præfationis Autor, qui denique Petrum Nannium inter Latinos Athanasii editores palmam jure sibi vindicare posse judicat. Differitur hinc de editionibus Græcis, primoque loco collocatur Commeliniana A. 1600 curata, quam multo accuratiorē futuram fuisse Autor reputat, si, quod confecto pene opere fecerit,

rit, ab initio statim curam ejus suscepisset Petrus Felckmannus; interim secundum eam A. 1608 Parisiis novam, sed Latinam tantum prod-
iisse, aliamque A. 1612 eadem lingua, addita modo vita Antonii Græ-
ce ex editione Hoeschelii, curatam fuisse observat. De Parisiensi Græ-
co - Latina A. 1627 studio Joannis Piscatoris publicata monet, mul-
ta ibi ex variis Felckmanni lectionibus castigata, multo plura præ-
termissa, nonnulla vitiata fuisse. Versionem autem Nannii multis
in locis, & plerumq; inconsiderate, mutatam queritur, ita ut contra fi-
dem manuscriptorum impressorumq; codicum infelicitè augurando,
editores sua, non Athanasii, substituerint. Tandem & postremæ il-
lius, non A. 1681, ut notat, sed 1686 in Germania nostra impressæ, &
a nobis in Actis istius anni p. 270. seq. recensitæ meminit. Sin-
gulis vero istis editionibus nondum hoc confectum ait, ut ne expete-
retur adhuc accuratior; quandoquidem optimæ etiam earum gravissi-
mis, quos allegat, nævis laborent. Inde versionem Nannii exami-
nat, & rationes, cur eam retinere noluerit, allegat, varias, quas con-
tra eam concepit, stricturas, quin & censuram istius, Eminentissimo-
rum Cardinalium Congregationis Indicis jussu olim continnatam, in
medium proferens. Propriam igitur industriam ad operum Atha-
nasii versionem Benedictini attulerunt, mediam quasi viam tenentes
inter rationem transferendi *παροφραστικὴν*, & strigosam illam a-
liam, quæ Græca e vestigio & *κατὰ πόδα* confectatur, Græcaque sic
reddentes, ut, quoad facultas tulit, a consuetudine Latinæ linguæ non
deflecterent. Quæ aliaque postquam indicavit Autor præfationis,
ad stylum Athanasii contemplandum se accingit, commemoratisque
aliorum de hoc judiciis, dictionem Athanasii plus habere censet nativæ
elegantix, quam artificiosæ diligentix; pressè eum plerumque loqui
& breviter, & majore sententiarum ubertate quam verborum instru-
ctum videri; præstare etiam salibus, nervis & *τῷ εὐλόγῳ* redundantia-
am omnem relècante: quanquam ejus opera, ut & alterius cujusque,
non pari elegantiâ concinnata fateatur, neque neget, nonnullis ex
his aliquam peregrinitatem attulisse Latinæ linguæ usum; velut ubi vo-
cem *βετεράνος*, item phrasin *ἐκκλησίαν ἔδωκεν εἰς πρέδαν*, adhi-
beat. Opera deinceps illius amissa ex Hieronymo, Theodoretò, Ba-
silio, Epiphanyo & pluribus similibus enumerat doctissimus Autor,
quæque ejus doctrina circa præcipua religionis Christianæ capita fue-

rit, explanat. Mox Hæreticos allegat, quos vel data opera confutavit, vel carptim modo tetigerit Athanasius, Arium puta & Arianos, Aëtianos & Anomæos, Pneumatomachos, Basilidem, Carpocratem, Valentinum, Ptolemæum, Marcionem, Montanistas, Manichæos, Sabellium, Paulum Samosatenum, Rhetorium, Hieracam, Meletianos, Colluthianos, Photinum, Apollinaristas; de quibus singulis breviter disseritur. Succedit Synopsis disciplinæ Ecclesiasticæ, quæ Athanasii ævo obtinuerit; ubi recenset accurate, quænam ille de consuetudine Ecclesiæ, vel pluribus illustret, vel obiter tantum attingat, iis plerumque additis, quæ ad locorum ejus intelligentiam scitu necessaria sunt. Videas ergo heic moneri aliqua de *ἱερατικῷ*, de Synaxi, de throno Episcopali, Baptisterio, fidei in Baptismo confessione, perillustratione locorum per Episcopos, de nomine Archi-Episcopi, de Clericorum officiis, de cœmeteriis, de vitanda Hæreticorum consuetudine, de Monachis, & pluribus ejuscemodi aliis. Loca porro aliqua in notis breviter duntaxat exposita, latius heic deducit, tandemque eos celebrat, quorum opera aut codicibus in hac editione uti licuerit: quin & post quædam ex Petri Nannii præfatione excerpta, & post allatam integram, quæ in editione Commeliniana habetur, præfationem, syllabum necit eorum codicum, quorum ope comtiora hæc Athanasii opera effecta fuerint. Additur & æri incisa tabula topographica, Ægypti loca, quorum apud Athanasium mentio, quamproxime ad verum situm delineans; cui monitum præmissum, in quo nonnulli Geographorum in locis Ægyptiacis errantes redarguuntur.

Secundo loco inter Prolegomena extantiora, memoratu digna est Vita S. Athanasii, nunc modo a Benedictinis magno studio adornata: tametsi nec inter veteres, nec inter recentiores defuerint, qui simili labore bene de Athanasio mereri studuerunt. Ac nominant quidem ex illis Benedictini in præfatione Eusebium, Hilarium, Gregorium Nazianzenum, Epiphanium, Ruffinum, Sulpitium Severum, Autorem vitæ Pachomii, Socratem, Sozomenum, Theodoretum, Gelasium Cyzicenum; ex his vero Joannem Tortelium, Lipomannum, Hermantium & alios, (quibus Guil. etiam Cave in Antiquitatibus Ecclesiasticis Anglico sermone dudum editis adjungendus fuerat.) Verum, quid in singulis desiderandū, una adjiciunt. Ipsi vero studio multo majori in hoc opere versati nova non pauca, neq; hæcenus, ut putant, observata attulerunt,

lerunt, totumq; vitæ ab Athanasio transactæ curriculum, Annalium in morem dispositum, accurate & copiose adumbrarunt. Nos igitur eorum vestigiis strictim insistentes, eandem vitam *ὡς ἐν τῷ πᾶσι* cum benevolo Lectore communicabimus. Natus videlicet est Athanasius temporibus Diocletiani, parentibus piis, Christianis, ac nobilitate forsân & opibus insignibus. Patrium solum habuit Alexandriam, ubi lucem aspexit A. C. circiter 296. Infantiam ejus atque pueritiam notabilem reddidere non Meletiani solum, sed Ariani quoque, contra quos tamen non minus, atque hostes veritatis in universum omnes, institutus mature solerter fuit. In juvenili enim ætate humanis divinisque disciplinis eruditus, varia mox ingenii ad summa nati specimina edidit, Christianæ autem disciplinæ tyrocinia sub Petro Alexandrino posuit. Vix minus duodeviginti annorum oporteret fuisse Athanasium tunc, cum ad oram maris pueros baptizaret, si vera esset ista Rufini traditio, quam Benedictini ideo explodunt. A. 315 Antonium, magnum illum solitudinis cultorem, adiit, profectusque & institutionis causa non modico tempore cum eo versatus est. Vixdum adolescentiam prætergressus, ante annum certe 319, Orationes contra Gentes, magna utique eruditione & magna elegantia refertas edidit. Cum A. 320 & sequentibus adversus Arium ageret Alexander, Episcopus Alexandrinus, Athanasius huic familiarissimus cum ipso conspirans arcendo hæreticorum impetui A. 322 dare cœpit operam, dumque interea privatim atque publice impugnarentur Ariani, Synodo etiam Nicæna A. 325 convocata, eodem anno Athanasiani vis ingenii quammaxime emicuit. Ut ut enim Diaconus esset, & juvenilis ætatis, nemini tamen, quantumvis grandævo, studio Arium confutandi secundus fuit. Nec Arii modo, sed præpugnatorum quoque ejus, Eusebii, Theognii, & Maris insidiis atque conatibus pro virili occurrit, quo factum, ut tota vis mali in capitis ejus periculum postea immineret, ipseque unus omnium impetum exciperet. Inter hæc Alexander ætate ac senio confectus, A. 326 supremum diem obiit, Athanasium successorem suum designans, qui tamen, ut tantum munus declinaret, sese proripuerat; eoque absente Meletiani in Præfulis Alexandrini manus suæ quendam factionis hominem, Theonem, evexerunt, sed hoc tribus elapsis mensibus extincto, promotus ad id fastigium fuit Athanasius, eodem adhuc anno 320, quo Alexander decesserat. Non ita

multo post Episcopatus sui exordium, A. 327 Thebaidis Ecclesias Meletianorum dissidio Arianorumque motibus deflagrantes perlustravit, quo vacillantes recrearet & firmaret. A. 330 Frumentium delegit Apostolum & Doctorem Abyssinorum, qui non infelici cum successu in regionibus istis Evangelium prædicavit. A. 331 ab Eusebio & sectatoribus varias expertus est insidias calumniasque, quas tamen forti tulit animo, zeloque erga Arianos multo majori incensus, A. 332 Constantino Imperatori, Ario reditum in urbem Alexandrinam concedenti, mascule respondit, nullam esse Hæreticis Christo adversantibus cum Ecclesia Catholica societatem, nec posse se salvo officio hujusmodi hominibus aditum præbere. Et tum quidem liberam rei ad arbitrium gerendæ facultatem obtinuit. Eodem anno Nicomediam petiit, Meletianorum ibi odia expertus, sed iis victis Alexandriam reversus est, ibique aliquantisper in pace degit. Sed A. 333 Cæsareæ indicta Synodus, quæ criminationis, ac si Athanasius Arsenium interfecisset, depulsionem ei injunxit, ut ut calumnia mox affatim displosa fuerit. A. 334 evocavit Alexandriam Antonium, Monachorum illum Patrem, ut a se amoliretur inustam sibi consensus cum Arianis notam; id quod ille lubens in maximum Athanasii gaudium mox præstitit. Sed cum hinc per otium & pacem, solitam augendæ rei Catholicæ operam navare deprehenderent illius hostes, interturbare ejus consilia, & Meletiani maxime, studuerunt, denuo ipsum apud Imperatorem reum agentes, & inveteratas confutatasque criminationes renovantes. Jubente igitur Constantio, indicta est A. 335 Tyria Synodus, in qua Athanasio crimina varia objecta, sed etiam haud difficulter, nec sine ignominia hostium ingenti, depulsa fuerunt. Interim nihilotenus furori inimicorum cedere, ac in fugam dare se necessum habuit, damnatus interim a Judicibus iniquissimis & Episcopatu abdicatus, prohibitusque Alexandriam adire, ne tumultuum turbarumque autor existeret. Ast mox Constantinopolin pervenit ille, ubi tamen Imperatorem parum sibi faventem deprehendit, ab ipso, quippe novis inimicorum criminationibus concitato, in Gallias relegatus. Vetuit tamen Imperator, ne in locum Athanasii tunc alius eligeretur Episcopus: hic vero Treviros contulit se sub initium anni 336, in quem Arii mors incidit, sed quæ Sectatores a suis adversus Athanasium insidiis avocare minus adhucdum potuit. Mortuo autem anno 337 incun-

te Constantino, anno subsequente, permissu Constantini junioris, Athanasius Alexandriam remeavit, at Eusebii & sociorum livori se ulterius expositum cognovit, quippe qui non occultis usi amplius insidiis, aperte causam Arianorum ut suam agere cœperunt, & A. 339 Pistum, Arianum Presbyterum, in Athanasii locum, Episcopum constituerunt Alexandrinum. Sed Athanasius A. 340 Synodum convocavit Alexandriæ, & re hinc ad Julium Pontificem delata, satis eum faventem sibi deprehendit. Mox vero A. 341 ingentes Alexandrinis turbas movit Gregorius Cappadox, in locum Pisti ab Eusebianis Episcopus istius urbis delectus, qui & Athanasio ansam dedit per fugam denuo sibi consulendi, e qua encyclicas ad omnes ubique terrarum Episcopos literas, indignitatem facti exponentes, ablegavit. Inde Romam pergens, a Papa Julio perhumaniter habitus fuit, qui & Eusebianos Romam citavit, dataque mox Epistola Synodica Gregorium & asseclas graviter objurgavit. Athanasius vero in tanta temporum iniquitate, aliquot annis Romæ versatus fuit; at incertum, quidnam in otio, quod ibi impetravit, gesserit. Sicut autem interea frequenter excurrit, & Constantem Augustum, ubi ubi locorum potuit, invisit, ita & A. 349 Aquilejam ad eundem profectus est; ubi simul accepit literas Constantii Imperatoris, quibus ad maturandum reditum in patriam & Ecclesiam suam se excitatum vidit. Verum vix a metu liberari potuit, secundamque ideo, quin & tertiam Imperatoris epistolam eadem mandantem expectavit; at ultimo, suasu quoque Constantis accedente, Romam rursus venit, Julio & Ecclesiæ valedicturus. Post Antiochiæ Constantium compellavit, cujus literis commendatiis instructus inque Palæstinam cum delatus esset, Hierosolymis maxime exceptus fuit comiter ab omnibus, ac denique Alexandrinis suis, haud citra summum eorum gaudium, post moras adeo diuturnas reditus. Sedi ergo suæ restitutus, Arianosque non indiligenter adortus, rescriptis, orationibus, literis undequaque missis eos exagitavit: qui tamen, mortuo imprimis Constante, rumores in eum spargere rursus cœperunt; sed hic per aliquot annos in pace nihil osecius versatus Alexandriæ, veræ fidei tuendæ augendæque plurimum intentum se exhibuit. Non cessarunt tamen adversarii, usquedum denuo exacerbassent Imperatoris adversus eum, ut ut innocentem, animum, qui & ipsam ei necem A. 355 intendit, missis in urbem Alexandrinam
duci-

ducibus militibusque, Athanasii Ecclesiam invadi, & misere cuncta misceri fecit; ille vero manibus eorum, qui ipsi necem parabant, subtractus fugam capessivit, atque in remotiora Ægypti loca secessit, & e deserto literas quasdam hodieque superstites ad Ecclesiæ suæ addictos transmisit, apologiam quoque de fuga sua A. 358 elegantem edidit; ut epistolam ad Monachos de rebus ab Arianis gestis, aliamque ad Serapionem de morte Arii, quatuor item libros contra Arianos, scriptaque alia taceamus. Mortuo demum A. 361 Constantio, imperioque mox potito Juliano, data ab hoc exsulibus revertendi potestas est: quamobrem & Athanasius Alexandriam remeavit A. 362, ubi eodem adhuc anno Synodum celebravit. Enimvero Gentiles suæ addictum impietati Imperatorem nacti, metuentesque cultui Numinum suorum, qui Athanasii doctrina, sermone, precibus decrescebat indies, Julianum in insontem concitarunt, qui edicto peculiari Athanasium ex omnibus Ægypti locis pelli mandavit. Ille igitur quarto jam solum vertere coactus, iterum profugit in desertum, & ad Juliani usque obitum, parum licet tutus ab inimicorum insidiis, sedibus incertis apud Monachos est commoratus. Hinc Alexandriam A. 363 remigravit, ubi Joviani, Imperatoris Christiani, gratiam mox nactus, tutus fuit a persecutionibus, ac optima quævis sub ejus quoque successore Valentiniano polliceri sibi potuisset, nisi is Valentem fratrem imperii consortem sibi elegisset. Hic autem ut animo in Catholicos infenso fuit, ita Episcopos omnes, ac inter hos ipsum quoque Athanasium, e sedibus suis expulit; hunc tamen, popularem forte seditionem reformidans, mox A. 367 revocavit, quietamque vitam agere permisit. Totus ergo hinc Ecclesiæ curandæ intentus Athanasius, A. 373 cum quadraginta sex annos in Episcopatu consedisset, & quadragessimum septimum ageret, ætate ac senio confectus, prope octogenarius, sexto Nonas Maji diem suum obiit.

Hæc epitome est vitæ Athanasianæ a Benedictinis latius descriptæ, (sed non nisi istius, quam publice & in conspectu omnium exegit; qualis enim in vita domestica & familiari fuerit, nescire se ob antiquorum silentium, epistolarumque Athanasii jacturam, Nostri confitentur,) qua finita post exhibitam Gregorii Nazianzeni in Athanasium orationem, Græcam non minus ac ex Jacobi Billii Prunæi versione Latinam, quatuor adhuc aliz ejusdem vitæ delineationes subnectuntur, qua-

quatuor adhuc aliz ejusdem vitæ delineationes subnectuntur, quarum tres priores Græco-latinae sunt, sed quarta Latine solum legitur. Prima Anonymi cujusdam est, e Socratis, Sozomeni & Theodoreti scriptis desumpta, quam tamen sexcentis scatere fabellis, nihilque ibi sanum, omnia contaminata & susque deque versa deprehendi, Editores asserunt. Secundam ex Photii Bibliotheca desumptam, ipsius Photii iudicio, quisquiliis continere sine pari, innuunt. Tertiam Simeonis Metaphrastæ opera concinnatam melioris quidem notæ, sed cum ex laciniis hinc & inde confarcinatis constet, non magni usus esse perhibent. Denique quartam ad usum Coptorum adornatam, & ex Arabico a Renaudotio conversam innuunt. Utut autem hæc nugis & ineptiis supra fidem plenissima sit, edere tamen eam voluerunt, ut gentis istius nugacitas vel exinde dispalesceret. De cætero elogiis nonnullis, a quibusdam veterum Athanasio tributis, Prolegomena in univsum omnia clauduntur.

Ac nunc demum ipsa Athanasii opera inspicere legentibus conceditur, facto a genuinis atque certis initio, quorum singulis præfationes adjiciuntur, de eorum tempore, occasione, contentis, aliisque eo pertinentibus prolixè interdum differentes. Ea vero, quæ satis nota hæcenus fuerunt & extantia, ut heic commemoremus, non esse arbitramur necessarium. Juvabit potius ea indicasse, quæ huic editioni accessere, & in aliis sive omnibus, sive optimis tamen desiderantur. Tomi nempe primi parte prima Athanasiana contra Arianos Apologia admixtas habet duas epistolas, non ab Athanasio tamen scriptas, sed primam a Synodo Sardicensi ad Ægypti & Libyæ Episcopos datam, & innocentiam Athanasii comprobantem; alteram Episcoporum Ægypti, qui Tyriensi Synodo intererant, ad Dionysium Comitem, in qua de rebus contra jus & fas cum Athanasio peractis illi conqueruntur. *Κατὰ τὴν περὶ τῆς* seu depositio Arianæ & sociorum ab Alexandro, Alexandriae Archi-Episcopo, descripta, quæ p. 396. habetur, a Cotelerio quidem suis ad Patres primi seculi notis inserta jamtum fuit. Sed cum illa Cotelerii editio, absumtis incendio exemplaribus prope omnibus, rarissima evaserit, hinc addere eam Benedictini non dedignati sunt, Encyclicam ejusdem Alexandri Epistolam adjungentes, qua res gestæ in exortu Arianæ hæresis inque Arianæ & Sectatorum damnatione enarrantur. Hanc eundem & Socrates exhibuit, sed

cum eam multis respersam esse mendis, ac præterea Cleri Alexandrini subscriptiones illic desiderari, nec has apud Gelasium reperiri integras vidissent Editores, novam & emendatiorem ex codice regio protrahere maluerunt. Pars tomi primi secunda exhibet p. 867 duas Athanasii ad Orisium epistolas, sed breviores, ejusdemque p. 868 narrationem ad Ammonium Episcopum & alios de fuga sua sub Juliano Augusto. P. 967 habetur epistola ad monachos post A. 364 scripta, quæ istos hortatur, non modo ut Arianos averfentur, sed etiam ut ab iis declinent, qui cum Arianis conversati fuerint, nisi resipiscant. Hanc extare dicunt Nostri in editione Commeliniana, sed omissam mirantur in Parisiensi. Latinam interim solam exhibent, cum exemplar Græcum, magna licet cura perquisitum, nancisci haud potuerint. Sequitur p. 968 fragmentum nunc primum e MSto protractum, sed itidem Latinum, epistolæ A. 356, cum jussu Constantii Alexandrinæ Ecclesiæ ereptæ essent Catholicis traditæque Arianis, scriptæ, qua e deserto suos consolatur Athanasius. De Trinitate & Spiritu Sancto p. 969 seqq. liber, & is Latino quidem sermone conceptus, legitur, quem hætenus præpostere una inscriptione conjunctum notant Editores cum illa confessione, quæ Tomo II post libros de Trinitate agmen claudat. At priora hæc scripta de Trinitate a Latino quodam adornata fuisse concedunt; hunc vero librum pro versione habent Græci alicujus opusculi ab Athanasio profecti: unde eidem, utut inelegans sit & parum accurata translatio, locum hæc concedendum existimarunt. Præcipuum vero operum, quæ editioni huic accesserunt, Expositiones arbitramur, quibus Psalmos Davidis, ad quadragesimum usque sextum supra centesimum, illustravit Athanasius, diu expetitas illas, & a pluribus antiquæ, mediæ, infimæ ætatis auctoribus celebratas, sed nondum hætenus quoad contextum integrum typis exscriptas. Has igitur e tribus codicibus manuscriptis regis depromtas Benedictini nunc cum versione sua exhibent, complentes iisdem spatium, quod inter paginam 1008 & 1240 intercedit. Reliqua, quæ adduntur, fragmenta modo minora sunt, & aliqua ad librum Jobi, ad Cantica, Matthæum, Lucam, ad Epistolam ad Hebræos spectantia, aliaque istius generis complectuntur. In Canticum Mirjam, sororis Moysis, scripsisse Athanasium, se nusquam hætenus inaudivisse Editores testantur, ac proinde Specimen commentarii istius a Cl. Viro,

Anto-

Antonio Muratorio, transmissum in præfatione ad Expositiones Psalmorum suppeditant.

In peculiarem tomum, qui secundi nomen sibi quidem habet inditum, sed tertius jure optimo cognominandus est, constipata sunt Athanasii scripta non dubia modo, sed & ea, quæ manifeste spuria Benedictinis apparuerunt. In his autem cum aliqua occurrant, quæ, si vel primoribus labris attingas, statim ut peregrina & ab Athanasii illa *ἐκπερυσία* prorsus abhorrentia respuas, utpote disputatio contra Arium in Synodo Nicæna, sermo contra hæreses, historia Melchisedeci, liber de definitionibus, similiaque; alia autem fraudes paulo tegant accuratius: hinc ejusmodi libellis Monita semper sua præmiserunt, & qua de causa eos aut dubiis aut spuris annumerent, dilucide exposuerunt. Sed addiderunt quoque spuria nondum hætenus vulgata, eaque numero haud pauca, non quod luce hæc adeo digna existimarent, sed quod obtemperare voluerunt plurimis eruditione claris, qui, quæ Athanasii nomen præ se ferunt, publici esse juris cuncta desideravere, ut lustrare singula, inque iis judicium suum exercere possent. Ea vero, quæ cum proxime præteritis seculis, fraudi opportunioribus, Athanasium impune mentita fuissent, instaurato demum literarum usu, ex Athanasianis dudum ejecta sunt, heic omisere, qualia Theophylacti in Epistolas Paulinas commentaria, in prioribus Galliarum editionibus ad frontem operum Athanasii collocata; libri Hilarii de Trinitate, Athanasio adscripti; Dialogus Jo. Damasceni contra Manichæos, similiaque alia.

Haud aliena est a præsentis tomi instituto nova, (quam p. 719 seq. legere licet,) in Symbolum, quod vocari solet Athanasianum Diatribe, in qua veterum de eo testimonia, temporum observata ratione, primum recensentur; hinc de codicum, in quibus extat hoc opusculum, ætate, conditione ac inscriptionum varietate disseritur; porro de autore dispicitur, ac e reliquis, quæ itidem allegantur, circa eum sententiis, Antelmiana illa a nobis in Actis hisce A. 1695 p. 412 late recensita, pro verissimillima quidem, nondum tamen absolute certa, venditatur, relictaque in medio decisione, in Galliis certe istud elucubratum fuisse concluditur, variorumque Symboli formulæ tam Græcæ quam Latinæ, quin & Gallicæ duæ subjunguntur, annexa etiam

explicatione ejus Latine composita, & ex codice cœnobii Sangermannensis plus quingentorum annorum exscripta.

Post Indices locupletissimos, Græcum quatuor foliorum onomasticon conspectui se nostro sistit, quod voces vel insolentes, vel quarum significationes peculiare aut minus observatæ sunt, quæque in his thanasii operibus occurrunt, breviter quidem, sed dilucide tamen, explanat.

Quemadmodum autem universa hæc & singula eruditissimi imprimis Montfauconii industria debentur, ita exoptamus haud immerito, ut plura ejus generis opera ab ipso curata impostero usui publico exponantur. Nec est, cur ea de re dubitemus, modo is ex Italia, quam per elapsam hyemem totam peragravit, inque Bibliothecis codices manuscriptos diligentissime evolvit, felici fidere in Gallias redierit.

BIBLIOTHECA SEPTENTRIONIS ERUDITI.

Lipsiæ, apud Godof. Liebezeit, 1699. 8. Alph. 4. pl. 8.

Bibliotheca hæc, quæ audit, Septentrionis eruditi libros tres completitur, jam ante quidem editos, sed quorum duo tamen insignibus accessionibus ditati sunt, volumen vero integrum novam in frontispicio exhibet præfationem eruditissime adornatam a Joanne Mollero, cui singula, quæ in isto leguntur, modo ut obstetricanti, modo ut parenti debentur. Ac in præfatione quidem negotiû ipsi intercedit cum Danicæ Suecicæq; gentis censore Molefvvorthio, Wilhelmi III. Magnæ Britannicæ Regis legatione in aula Danica ab A. 1690 per triennium defuncto, quem Noster autorem facit non istius solum libelli, qui Anglice primum A. 1694. *ἀνωρύμας* sub titulo *An Account of Denmark, as it was in the Year 1692*, prodiit, ac postmodû Gallice, Belgicæq; & Germanice recusus fuit; sed alterius etiam, cujus versio Gallica inscripta *L' Estat present de Suede*, A. 1695 lucem publicam adspexit. Utrobique post criminationes, ceu vocat, plures alias, acriter quoque in vectum cum fuisse queritur in Danorum æque ac Suecorum ingenia, utpote quæ ab eruditione solida remota nimis, ac ad rem literariam meritis peculiaribus ornandam parum idonea deprehendantur. Enim vero notam hanc a populis his depulsurus doctissimus Mollerus,

rus,

rus, integra hac præfatione gentium Borealium merita in literas prolixè celebrat. Incolas certe Septentrionis antiquissimis jam temporibus cultui eruditionis, pro ævi istius captu, haud infeliciter studuisse, tot lapides Runicos, tot Fastos lignis & metallis insculptos, tot Scipiones Astronomicos, aliaque monumenta apud Danos, Norwagos, Suecos & Islandos passim obvia, docere satis posse innuit; ac Poëlin imprimis eorum, ingenio & arte neutiquam carentem laudat. Seculis deinceps æræ Christianæ nono ac sequentibus, cum doctrinæ celestis præconio eruditionem quoque solidam & elegantiorē ad istos transiisse notat, quam illi adeo benigne habuerint, ut cum seculo undecimo Europam reliquam summa premeret barbaries & turpis styli Latini comitioris ignorantia, in Daniæ cœnobiis hujus laude tum alii, tum Saxo imprimis Grammaticus, præclare enituerint. Quid? quod scripta tunc in lucem talia prodierint, quibus nec hodie eruditionis gloria ab æquis rerum æstimatoribus detrahatur? quorum Autores præ cæteris illustres e Daniæ, Norwegia & Islandia huc advocat, & breviter recenset. Por seculum vero superius, & per id, quod nunc finimus, inde a renatis cum doctrina puriori literis, nec regnis Borealibus defuisse ait doctores & scriptores, qui in singulis polymathia & sublimioris & elegantioris partibus cum exteris sibi coævis paria fecerint, imo palmam iis non sæpe solum dubiam reddiderint, sed & interdum extorserint; quod ut probet ulterius, magnum ante omnia Theologorum celeberrimorum numerum allegat, ac inter alia Mølesvorthio, Theologiam polemicam ab Ecclesiæ Borealis doctoribus parcius excultam fuisse asserenti, respondet. Hinc ad Jurisprudentiæ studium pergit, ejusque culturam admodum felicem, sed sobriam tamen simul atque moderatam, populis Borealibus gratulatur, ac leges maxime Arctoas respondet. Medicinam ferius quidem, seculo nempe decimosexto, in Septentrione excoli cœpisse haud dissimulat, sed eo eum successu factum id fuisse innuit, ut nostræ ætate Dani præ cæteris gentibus Europæis fere excelluerint; anatomiam certe exteris omnibus coævis feliciter tractasse eos statuit. Nec adhibitam a Danis æque & Suecis circa partes Philosophiæ singulas industriam reticet, Matheseosque ab iisdem multum auctæ & ornata meminit, & quanto cum studio ac progressu humanioribus quoque literis incubuerint, sigillatim enarrat. Historiarum eos ab antiquis jam temporibus

amantissimos pronunciat, interque eorum laudes & hanc reponit, quod præcipuam historiæ domesticæ rationem nunquam non habuerint. Denique Scriptorum Historiæ regnorum Borealium literariæ, & quæ huic cohæret, ecclesiasticæ, tam universalis, quam particularis, Syllabum subjungit.

Cuncta vero hæc ea Autor occasione præfatur, quia in Syntagmate hoc scripta duo exhibet, quæ Virorum eruditorum, quos Dania Sueciaque sibi vindicat, centuriam non unam recensent. Horum alterum ab Alberto Bartholino, alterum a Joanne Scheffero profectum est.

Et Alberti quidem Bartholini liber *de Danorum scriptis* posthumus, jam A. 1666 auctior a fratre Thoma editus in lucem fuit. Ast in illo tamen concinnando, justam accuratorem adhibitam haud esse, valdeq; imperfectam, & a nævis suis haud immunem, hanc Viri cetera doctissimi opellam eruditioribus merito videri, pronunciat Mollerus: plurimos a Bartholino, qui ante librum suum editum scriptis inclauerint, omitti; de illorum, quos memorat, vita, ætate ac muneribus plerumque justo pauciora, sæpius nihil omnino, ac interdum etiam erronea tradi; complures nec patria Danos, nec officiis in Dania functos publicis, imo nonnullos Daniam & Septentrionem nunquam ingressos, Danis perperam accenseri, indigenasque ab adoptivis ubique haud distingui; libros tantum recenseri Autorum singulorum editos, omissis *à vendoteis*, editorumque titulos imperfectos plerumque & mutilos exhiberi; disputationes Præsidentum Academicas Respondentibus sæpe tanquam proprii fœtus ingenii falso attribui; scripta minutiora, dissertationes nempe Academicas, orationes ac homilias sacras, majoribus promiscue admisceri, monito nullo, quantum mole ab his differant, adjecto; denique nullam idiomatis, quo scripta singula prodierint, mentionem injici causatus. Joannes deinde Schefferus *Sueciam* elucubravit *Literatam*, quæ & ipsa quidem post fata demum celeberrimi Autoris sui, A. 1679 extincti, lucem publicam A. 1680, genero Jo. Columbo, Poeseos Professore Upsaliensi, editionem fortassis curante, adspexit, sed Bartholini tamen librum, Mollero judice, majori accuratorem antecellit; quanquam omnes ei Scriptores innotuisse haud affirmet, nec brevitatem ejus in narrationibus biographicis nimiam, annorum emortualium annotationis neglectum,

glectum, & cacoethes cum Bartholino ipsi commune, disputationes Præsidum Academicas, nominibus horum omisiss, Respondentibus passim tribuendi dissimulet. Votis igitur bibliopolæ, novam utriusque Autoris editionem molientis, & ut auctior atque emendatior illa prodiret, efflagitantis, deesse noluit Mollerus noster, ac proinde textum accurate perlegit, paginarumque singularum, iisdem numeris in nova hac editione, quibus in prioribus, insignitarum sphalmata typographica solícite emendavit. Bartholiniano textui monita de Autorum, præsertim minus celebrium, patria, vitæ generibus, officiis & annis emortualibus, historica aut critica sæpissime adjecit. Librorum ab isto memoratorum titulos, scholiis interdum brevibus, argumenta accurate magis exponentibus, frequentissime autem editionum omisissarum vel novarum indicio auxit, nec raro, quæ in allegatis circa loca aut annos occurrebant erronea, immutavit. (Ac textum quidem Bartholini typis majusculis, sua autem, quibus cum interpolavit, minusculis excudi jussit. Verum discrimen istud characterum a typographo sæpissime neglectum fuisse deprehendent, qui hanc editionem cum priori conferre voluerint.) Imo addita sunt etiam frequenter scripta plura Bartholino vel ignorata vel præterita, & ut minutiora a majoribus, Latina a Danicis & Germanicis distinguerentur, titulos orationis, disputationis, concionis, in fronte, ubicunque desiderabantur, restituit, libris autem Danico vel Germanico idiomate conscriptis literas D & G hujus indices sub finem ubivis adjecit. Cumque paginarum, quarum numeros mutare noluit, angustiam omnibus additamentis capiendis haud sufficere animadverteret, Scriptores exotericos (quorum nominibus in textus margine signum NB. aliorum Lectores ablegans est appositum,) in hypomnematis libello toti subjunctis fusius celebravit, singulorumque Biographiam compendiosam, aut (si hæc deerat,) ætatem, vel annum emortualem, scripta a Bartholino omisiss, judicia de iis pariter atque autoribus vel honorifica vel sequiora, aliaque ἀξιωματικόν, cum indicio Scriptorum prolixius de iisdem agentium, & succinctis in Bartholini aliorumque de illis errores animadversionibus exhibuit. Hypomnematis his, cum editio Syntagmatis hujus differretur, ipse autem interea Claudii Lyſchandri catalogum Scriptorum Danicorum manu exaratum, aliosque libros recentiores obtinuisset, novum ex istis accessit spicilegium,

cum

cum Indice alphabetico, Autores in hypomnēmatīs ac spicilegio celebratos, serie cognominum observata, memorante. Schefferi autem satis in plerisque accurati textum additamentis interpolare noluit; libello tamen integro sua de Scriptoribus Suecis celebrioribus, in textu signo NB. itidem notatis, hypomnemata, sed, quod monumentorum Sueciæ historicorum tantus, quantus Danicorum, ad manum apparatus haud esset, pauciora pariter atque breviora subjunxit. Cæterum utriusque libelli continuationem in præfatione promisit, si inter Danos ac Suecos indigenas nemo hunc laborem vellet aggredi. Ast vero nunc ab ejus manu ista expectanda non est. Ipse enim nos per literas edocuit, quod Suecos se Scriptores a Scheffero omissos colligere significaverit D. Jo. Groningius Wislmariensis, Jctus Lubecensis; quodque circa Danos simile quid vel a D. Jano Birchero-dio, Episcopo Aalburgensi, Alberti Bartholini, autoris genero, vel alio homine erudito tentatum iri, Amici polliceantur.

Quæ tertium locum in volumine hoc obtinet, *Introductio ad Historiam Ducatum Slesvicensis & Holsatici*, Mollerum solum autorem agnoscit, sed cum hæc dudum edita & in Actis hisce A. 1692. p. 95 jam tum memorata fuerit, vix est, ut pluribus nunc de ea disseramus, præfertim, cum ne recusa quidem illa auctave uspiam ab Auctore fuerit, qui multo locupletiores aliquando daturus est in *Cimbria Literata*, pro cujus operis ἀποσπασµατιῶς haberi istam cupit, ac de cætero tractatibus præcedentibus addi hanc solum ob causam passus est, quod Scriptorum Danorum Suecorumque mentionem obiter saltem hinc inde eidem insertam deprehendit.

JOH. CHRISTOPHORUS STURMIUS DE DEO IN CREATURIS corporeis, & per ipsas jussu & voluntate sua primava, in omnia tempora & loca etiamnum efficacissima, hodie-num omnia operante.

Vidi non ita pridem in Actis Lipsiensibus mense Septembri superioris anni, ab Illustri Viro G. G. Leibnizio editam Diatriben adversus Apologiam pro mea *de Idolo Natura* Dissertatione, a Viro celeberrimo Günthero Christophoro Schelhammero, Medico Kiloniensium primario injustius, opinor, impugnata, in qua Vir haut minori mo-

destia

destia & humanitate, quam ingenii perspicacia iudiciiue acumine, per universum orbem literatum famigeratissimus, ea benevolentiae erga me iudicia passim edidit, ut serio doleam me hactenus nondum posse, ad exemplum duorum insignium Mathematicorum, quos in dissertatione sua laudat, in ea quae nobis intercedit controversia, manus dare, convictumque me a tantae famae Viro ingenue confiteri; quod facere, sancte testor, nullus erubescerem, si vel vim argumentorum ipsius pro potentiis creaturarum materialium vere propriissimeque activis persentiscerem, vel absurda illa, quibus onerari hypothesin meam sibi persuasit, ex ea consequi, & non potius ex aliis a me non minus quam ab ipso reprobatis jure quidem inferri, una cum ipso videre possem: Certe quo magis suspicetur, mentem meam non satis sibi perspectam esse, nec suam mihi, multa facere (num. 16) palam proficitur. Consultissimum igitur, meo iudicio, fuerit, ut, si cum fructu finiri hoc inter nos amicum litigium, aut (quod sibi gratissimum futurum eo loco testatur Vir optimus) sententiarum quaedam sperari conciliatio debeat, cum ipse credat, suam se sententiam jam satis dilucide & abunde quidem comprobasse, ego quoque meam (quam fusius alibi exposui) concise hic & breviter, sed ea tamen, qua possibile est, evidentialia in synopsi declarem, ut ad alibi scripta evolvenda nec ipse nec alii obligentur, sed res tota, una cum rationibus praecipuis e primo suo fonte derivandis, Lectori a partium studiis alieno sub conspectum ponatur.

(2) Quod ut eo felicius praestetur, haut inutile, credo, futurum est, si quaedam vel ex ipsa Viri celeberrimi dissertatione, quae nunc sub manibus est, commemorem, in quibus, quantum ego iudicare possum, plenus inter nos consensus est. Et primo quidem in eo convenimus, teste num. ipsius (2) quod nulla detur anima Universi, Natura universa non sit intelligentia praedita, nec aliud quicquam quam Dei artificium, & tantum quidem, ut quavis machina naturalis organica constet prorsus infinitis (id quod verum artis naturaeque discrimen esse rectissime monuit) infinitamque adeo sapientiam potentiamque auctoris rectorisque postulet; quod Calidum omniscium Hippocratis, sapientissima Scaligeri Virtus plastica, Heinrichi Mori principium Hylarchicum, & similia, partim impossibilia, partim superflua putanda sint, naturaeque cuiusdam creatae sapien-

tis, corporum machinas formantis gubernantisque figmentum rejiciendum: ex quo tamen ipse consequi non putat, nec rationi consentaneum, ut omnem vim creatam adtricem insitam rebus denegemus; quæ est prima inter hypothesen nostras differentia, hic interim seponenda. *Secundo* in eo quoque consentimus, quod Aristoteles non male Naturam (cujusque corporis physici particularem) principium motus & quietis appellaverit, per motum generaliter omnem *mutationem*, per quietem autem *στάσις* sive persistentiam in eodem statu, intelligens; & principium quidem passivum (quod Author quidem Celeberrimus expresse in num. suo (3) non addidit, Clarissimus autem Schelhammerus ex voculis *ἐκ κινήσεως καὶ ἡρεμεῖν* rectissime deduxit) verbo, *principium mutabilitatis*, cum aliquo tamen renixu conjunctæ, ex ipsa cujusque corporis textura & artificio fluens. Quod si vero (uti non credo) principium aliquod activum, h. e. vim aliquam agendi insitam, & creatam quidem, seu divinæ Virtuti in creaturis etiamnum operanti (nam hoc utique *tertium* est, in quo consentimus procul dubio) contradistinctam intelligeret, id utique tanquam inter nos controversum, hic etiam tantisper esset seponendum. Id quoque *quarto* dudum me consentientissimum habuit, quod Materia per se stare non possit, & Mechanismus corporum intelligentia quadam spiritali omnino indigeat, adeoque ab altiore quodam principio fluat. Neque *quinto* uspiam nego actiones animæ nostræ immanentes propriissime sic dictas, ipso Domino Authore teste num. (10) Sed id negare velle, a ratione alienissimum juxta cum ipso reputarem. Utrum vero hinc consequatur, si menti nostræ vim insitam tribuimus actiones immanentes producendi, vel immanenter agendi, etiam aliis animabus & formis sive naturis substantiarum corporearum eandem vim inesse, inter *κενόμενα* est, & hoc loco rursus tantisper sequestrandum. *Sexto* id utrique nostrum indubium habetur, quod materia prima saltem, sive nuda adhuc & informis, quam num. (11) *Materiam molis* appellavit & incompletam substantiam cum Scholis nuncupat (cujus nuncupationis rationem hic non examinabo) sit mere passiva, neque seipsam in motum concitare unquam possit, sed, ut existentiam suam a Deo unice habet, ita motum quoque, ad variantissimos mechanismos, partiumque texturas infinite varias recipiendas, ab eadem Divina virtute partibus suis imprimi necessum habuerit. Et
hæc

hæc sunt præcipua illa, de quibus, quantum ad præsens quidem argumentum, nullus inter nos dissensus esse videtur. Multo vero plura reperiuntur vel in hac sola Viri Celebratissimi diatribe, in quibus alter alteri adversari vel maxime videmur; ut frustra sit omnis disputandi fervor & industria, quam diu in terminis & notionibus, consequenter in ipsis hypothesebus convenientia non obtineatur, nec par sit utrinque conciliationis studium, & minor dissentiendi, suaque cogitata alienis pro norma quasi statuendi cupiditas; in eo præsertim cognitionis genere, in quo pauca certissime demonstrare datum, cætera vero plurima per suppositiones verosimiles felicius aut infelicius conjectare necessum est. Tametsi ergo ex usitato hodie disputandi genere, quo partes utraq; veritatem penes se stare omnino persuasæ id unice agunt, ut suam sententiam variis distinctionibus, limitationibus & restrictionibus, super ista hypothese controversa ordinarie fundatis, & occasione urgentiorum ex adversa parte argumentorum demum quæsitis, muniant (quod Aristoteles τὴν θεσιν φυλάττειν congrue appellavit) adversam autem absurditatibus variis, ex sua vero tantum hypothese talibus, onerent, & comparatione ejus cum aliorum exosorum in vulgus authorum opinionibus, plerumque multum diversis, in invidiam adducere laborent (quod in velitationibus topicis exercitii tantum victoriæque causa institutis forsan tolerabile, ad erudendam autem veritatem inutilissimum est ac penitus infructuosum; prout vel tot proh dolor! Sectarum in religionis negotio concertationes in secula continuatæ suo exemplo demonstrant:) tametsi, inquam, ex hoc disputandi modo parum fructus sperare ausim; tentabo tamen adhuc semel, invitatus quodammodo rara egregiaque humanitate Viri totius Orbis literati consensu eruditissimi, mentem meam super præsentis negotio, quanta potero perspicuitate & facilitate hic exponere, iis rationibus & motivis, quæ me receptæ olim sententiæ addictum in hanc novam pertraxerunt, subjunctis; non ut in meam sententiam Virum acutissimum pertrahere aut victoriam reportare præsumam, sed ut rectius ille mitiusque (quod ab ejus æquanimirate mihi certissime polliceor) de ea imposteriorum sentiat.

(3) *Primum* igitur, ut a recepta & a me ipso quoque a primis incunabulis imbibita doctrina, de potentiis creaturarum materialium vere stricteque loquendo activis, & quidem Divinæ virtuti in

ipsis operanti contradistinctis, discederem, id effecit, quod viderem, positum licet ejusmodi potentiis creaturarum actricibus, ex eadem tamen recepta & communiore hypothese, eas actu ipso nunquam agere, nec agere posse, nisi adjutas & elevatas a concurrente Divina virtute, atque ita quidem concurrente, ut una illa & eadem actio tota, quidem concursui huic divino, tota vero etiam potentiae actrici creaturae tribuenda, neutiquam vero inter hanc & istum dividenda, statueretur. Quam sententiam cum capere nunquam potuerim, quicquid sit de distinctionibus ab ipsa hypothese controversa suppeditatis, (si enim illa concurrens virtus Divina actionem totam producit, & ipsi producendae utique sufficit; quid opus est potentia activa creaturae eandem actionem producente? Et, si haec a potentia creaturae actrice divinitus ipsi concessa produci potuit; quid opus erat novo Dei concursu eandem una producturo?) nec tamen in Durandi duram sententiam concedere possem, qui maluit creaturarum actiones illi Divinae virtuti in ipsis & per ipsas operanti, soli & uni tribuere; non eo tamen *secundo*, quo Byel olim Durando adversus rem concepit, sensu, quasi Deus omnia solus operaretur ad creaturarum praesentiam tantum, & externa solum apparentia concurrentium: sed ut media via inter haec extrema incederem, & virtutem vere activam soli Deo servarem, creaturis autem specificam quandam habilitatem ac texturam, ad actionis specificationem (ut cum Scholis loquar) omnino necessariam, sed mere interim passivam, tribuerem: quemadmodum e. g. in organo musico pneumatico mirabiles illos sonos, folium flatus (ex hypothese recepta) solus active producit, non tamen ad praesentiam tantum fistularum ac totius mirandi artificii, sed mediantibus his & peculiari organorum habilitate, ad varietatem illam sonorum prudentissime adaptata, verbo ad effectum specificum, sed patienti tantum, non agendo, plurimum contribuente. Confirmavit me *tertio* in hac sententia natura conditioque materiae, quae omnibus creaturis materialibus & corporeis (de quibus soli hic nobis sermo) communis est, primae sc. & informis adhuc, quam Substantiam esse, seu rem saltem mere passivam inter nos in confesso est, adeo ut in motum simpliciter concitari, & illo mediante varie formari, nec a seipsa potuerit, quod per se patet, nec a corporibus ex ea demum per motum oriundis & nascendis, ut pote ipsa posterioribus; adeoque Divi-
na

na virtute moveri necessum habuerit. Cum porro *quarto* per receptum hunc divinitus motum, & particularum suarum varium contextum & coordinationem, nihil aliud obtinere potuerit, quam novas habilitates ac dispositiones específicas, quibus apta jam reddebatur, non ad motum simpliciter, ut ante, sed ad tales ac tales infinites variantes & specificè conditionatos motus recipiendos; palam est, etiam secundam & jam formatam materiam, eandem adhuc virtutem motricem Divinam, ut summe sibi necessariam, in omnibus quas ipsi tribuimus operationibus etiamnum supponere, nihil aliud quippe præter istas habilitates passivas, activam illam Dei virtutem motricem specificantes, ad hunc, istum, illum, verbo varium, effectum contribuentes. Accedebat *quinto*, quod ad motus ipsius naturam curiosius attendentes, videbamur nobis clarissime videre, eam talem esse, quæ non nisi a summa seu Divina virtute (sive cum primitus esset simpliciter movenda rudis adhuc materia, sive cum hodiernum jam varie formata taliter varioque eventu cienda veniat) promanare possit. Etenim, quemadmodum rerum duratio non est aliquid ab ipsis rebus distinctum, sed continuatio tantum existentiae ipsarum per plura temporis momenta, a mero Dei beneplacito, ut ipsa existentia, unice dependens (qua de re haut facile quisquam dubitabit; ita rei cujusdam corporeæ translatio sive motus localis, non est, opinor, aliquid ab ipsa re translata distinctum, sed continuatio tantum existentiae ipsius per plures spatii localis partes, ab eadem liberrima Dei voluntate promanans; utpote, quæ sola cum facere possit, ut res aliqua, quæ prius non fuerat, existeret incipiat, a fortiori sola quoque facere potest, ut semel existeret cœpta pluries existeret, sive in diversis successive momentis, seu punctis temporalibus, sive in diversis successive punctis localibus (hæc duo enim sibi mutuo implexa sunt) existeret pergat. Quod si ergo nec natura ipsius motus aliunde quam a Dei virtute arcesci possit, nec actiones creaturarum materialium aliter quam per motum materiæ localem absolvi queant (quod si enim alius utrobique suppetat is ostendendus est clarus quidem, & quia de rebus materialibus agitur, distincte imaginabilis;) a priori certum est, & in clara luce positum, omnes creaturarum materialium, quas eis attribuimus, actiones soli Divinæ virtuti motrici, in ipsis, pro cuiusvis habilitate ac dispositione (quæ & ipsa ab eadem voluntate tota pendet) varie o-

peranti esse acceptas ferendas. Hæc itaque mens mea est in præsentis negotio, & hæc hypotheseos meæ fundamenta, quæ funditus evertere oportet eum, qui me ab illa, sacris præsertim textibus innumeris consonantissima, dimovere velit. In aliorum gratiam solum indico, eam plenius multo diductam legi posse in recensu Dnn. Collectorum Lipsiensium mense Octobri 1697 super Phys. nostræ Hypoth. Tomæ I. instituto pag. 474 & seqq; plenissime vero expositam in ipso operis illius Physici Epicrisi super hypotheses cap. IV. a pag. 157 usque ad pag. 190 & epicriseos finem. Quibus legendis & paulo attentius perpendendis si Lector benevolus, præsertim de hac mea sententia (quam nemini obtrudo) sententiam laturus, horulam unam aut alteram impendere voluerit (alioquin ad hunc laborem suscipiendum minime obligatus) rem utique faciet mihi longe gratissimam.

(4) Antequam vero nunc excutiam, num ea, quæ celebratissimus Dn. Leibnizius in suo Schediasmate superius laudato mea supposita, præced. num. 3. ἐν συνόψει comprehensa jure quidem, ut opinatur, improbaverit; hoc inculcare vel maxime necessarium ante omnia fuerit, quod jam alibi fere ad nauseam inculcatum fuit, quodque Virum insignitissimum, modo ad mentem meam attendere cum aliquali cura voluerit, negaturum esse nulla est, justa quidem, suspicandi occasio: Dei posse, velle, agere & efficere rem unam eandemque esse, ita ut non solum quod nunc & in præsentis vult fieri, hujus volitionis efficacia statim fiat & extet, sed etiam quæ voluit olim & ab æterno ut essent fierentque, non tunc sed futuro tempore hoc aut illo, in loco hoc vel illo, ea quoque suo illo tempore, suo illo loco in Divina mente prædefinito, actu ipso fierent, extarent, efficacia infinitæ illius volitionis in omnia futura tempora & loca sese exporrigente; ita quidem ut tunc, cum fierent, non opus esset nova volitione, novo conatu aut laborioso quodam negotio; sed ideo tunc & hoc aut isto loco fierent, quia Deus jam olim ista hoc aut isto demum loco & tempore fieri voluerat. Hæc itaque cum sit genuina mea mens, quam ex parte agnovit Vir laudatissimus sub initium num. (5) evidens est profecto, quod verissime suspicatus sit, *mentem meam non satis sibi perspectam esse*; alioquin enim ea, quæ eodem illo num. (5) & sequenti (6) toto sequuntur, tanquam meæ sententiæ adversa, nunquam objecisset; quasi nimirum dicerem quidem, *Deum initio res creatam voluisse, ut certam quandam legem in progressu observarent,*
inte-

*interea vero fingerem illam ejus voluntatem ita inefficacem, ut res ab ea non fuerint affectæ, nec durabilis in iis effectus sit productus &c. Etenim si voluit Deus jam ante mundum conditum, ut e. g. hoc ipso anno 1699 d. 5 (15) Martii contingeret eclipsis Lunæ (prout contigit procul dubio, tametsi nobis ob aeris densa nubila non conspecta,) voluit eo ipso illa omnia media, a quibus illum effectum dependere pariter voluit. Voluit ergo quoque, tum ad hunc, tum ad innumerabiles alios fines obtinendos, ut existeret tempore definito materia aliqua, cujus antea ne pulvisculus quidem unicus extiterat: Voluit ut hujus materiæ minutia incomprehensibili varietate moverentur, & hoc motu mediante in varietatem corporum mundanorum, magnorum, parvorum, inenarrabilem coirent, h. e. Luna, Sol, Cœlum seu æther aliquis &c. existeret: Voluit illa corpora cœlestia, Lunam & Solem in æthere vel ab æthere, aut si mavis, per ætherem in orbem & gyrum actum una circumagi, & hoc pacto periodos suas, unum citius, alterum serius, absolvere, prout in ambitu ætheris ampliore vel angustiore contingere, vi specialium illius volitionis infinites efficacissimæ circumstantiarum, necessum erat: Voluit etiam, ut Luna & Terra opaca essent corpora, eamque qua fruuntur lucem ab unico Sole mutantia: Voluit denique (quis enim innumeros istos effectus perpetuo durabiles vel in hoc uno casu valeat enarrare?) Lunæ revolutiones ita oblique sub via Solis incidere, ut non nisi certo tempore vel in terræ umbram incideret, cum paulo ante plena facie resplenduisset, vel ipsum Solem quibusdam terricolis obtegeret, &c. &c. Deus igitur, uti non hæc solum, sed innumera alia in condenda natura deinceps futura, uno simplici intellectus intuitu prospiciebat; ita uno simplici volitionis actu (quem nos in infinitos dividere necessum habemus) ista omnia sic præordinabat, ut suo quæque tempore, sola vi & efficacia illius suæ volitionis, media interim una omnia ad ulteriores fines eadem sua sola virtute ordinantis, & ut instrumenta moventis, fierent & efficerentur omnia. Quod si ergo res ita habet, infert eodem num. (6) Vir acutissimus, & *lex a Deo lata reliquit aliqua sui expressa, & tam multa quidem, vestigia, si res ita fuere formata mandato, ut aptæ redderentur ad implendam jubentis voluntatem; jam concedendum est, quandam indicasse rebus efficaciam, formam, vel vim, qualis natura nomine a nobis accipi solet, ex qua series Phenomenorum ad primi jussus præscriptum consequeretur.**

(5) In his vero Viri venerandi verbis totus jam controversiæ cardo ita vertitur, ut certo sensu intellecta me habeant sibi penitus consentientem, alio vero sensu accepta assensum meum extorquere nondum valeant. Non nego, in rebus creatis Divinæ voluntatis mandato formati & aptitudinem nacti ad ulteriorem ejus voluntatem, aut ejusdem primæ unice ultiores condiciones implendas, inesse vim quandam & efficaciam in ipsis & per ipsas operantem, nimirum illum ipsum primæ voluntatis jussum, quo formatae jam & habiles redditæ ad ultiores multivarias & específicas impressiones recipiendas, has quoque mediantibus subtilioribus mobilibus eadem divina voluntate agitata, actu ipso determinari voluit. Quam efficaciam si vellet appellare *legem divinam* creaturis *institam*, nobis assentientissimis id faceret, quippe qui tum demum distincte intelligere possemus, quomodo creaturarum & corporum naturalium operationes ex hac lege sibi insita, nec tamen intellecta, consequantur. Videbo num simili aliquo mentem hanc meam ulterius declarare & reddere perceptibiliorem valeam. Est Norimbergæ civis aliquis & artifex eximius, nomine Hautschius, cujus pater olim non minus celebris, inter alia egregia artificia ædiculam quandam extruxit, in qua opificum plerorumque omnium genera, quotquot eorum non solum Norimbergæ, sed per universam reliquam Germaniam reperiebantur, ita parvis icunculis repræsentabantur, ut harum quælibet sui opificii partes & actiones examussim æmuleretur & spectatorum oculis ingereret, faber e. g. ferrarius malleo super incudem ferrum cuderet, lignarius tignum ascia exasciaret, sutor filo picato calceum, diductis per intervalla brachiis consueret &c. &c. idque ad nutum laudati artificis, vel alius ab ipso subordinati hominis, manubrium unica manu versantis. Liceat nobis sano sensu comparare Hautschium opificem & motorem hujus machinæ cum Deo ter optimo terque maximo, summo Opifice, summoque Motore hujus machinæ mundanæ sive universæ Naturæ. Quemadmodum illa ^T. suam existentiam, ratione formæ principalis ut partis potioris (materia enim & hujus condiciones diversæque qualitates, ipsi ejusque voluntati nequaquam debebantur) ab Hautschii arte & consilio, suppositis supponendis, utique habebat; sic Mundi adspectabilis forma & διακόσμησις non solum, sed universa quoque ejus materia, omnesque materiæ condiciones & qualitates pri-

max,

ma³va, potentissimi Numinis decreto unice accepta ferenda sunt. Sicut ². Materiæ mobilitate generali præsupposita (nam & hanc ipsi artifex dare haut potuit) aptitudo ad subeundos tam varios motus speciales & específicos eidem voluntati & consilio artificis merito tribuitur, quod a formis ac dispositionibus materiæ diversissimis, huic eidem paulo ante jure adscriptis, illa dependeat: Sic inenarrabilis varietas aptitudinis & habilitatis ad infinitas motuum specificas diversitates, insuper & ipsa materiæ generalis mobilitas, & ipsa motio actualis ad formas & aptitudines illas específicas obtinendas requisita, eidem primævæ Dei voluntati unice adscribenda venit. Sicut porro ³. variæ illæ & artificiosissimæ partium in illa machina artificiali dispositiones, aptitudines & habilitates, tanquam principia motus & quietis talis aut talis mere passiva, in actum haut deducuntur, nec operationes suas diversissimas edunt, nisi ex voluntate artificis manubrium versantis aut versari jubentis, ac toties quidem iteranda voluntate, quoties cessantes a suis motibus icunculæ in eosdem denuo concitandæ veniunt: Ita mundanorum corporum innumerabiles habilitates ad varia operandum in actum non deducuntur, nisi virtute ejusdem illius voluntatis Divinæ primævæ iterationis haut indigæ, sed in omnia loca & tempora sese efficacissime effundentis, in motus illos, quibus exequendis aptitudinem habent passivam paratissimam, actu ipso concitentur: ita quidem, ut, si voluntas illa primæva, inter alias innumeras, hanc etiam conditionem involvat, qua, finito certorum seculorum numero motus isti omnes debeant cessare, veniente istius seculi fine, cessatio hæc universalis, mundi que adeo totalis dissolutio indubie sit consecutura; non aliter ac totius Hautschianæ machinæ operatio prorsus cessat, ubi venerit illud temporis punctum, ad quod usque manubrium versare decreverat. Quemadmodum denique

4. Hautschianæ illæ icunculæ cum connectentibus eas filamentis ferreis similibusque partibus intermediis, quatenus illi artificis motrici virtuti opponuntur, palpabiliter non agunt, sed ab hac sola unæ per alias aguntur, ne potentiam quidem habentes agendi quicquam nisi ab illa impellantur, agantur, trahantur &c. imo, si fingantur aliquam habere sive potentiam agendi, sive formam aut animam nescio quam agentem, frustra illam habituræ, quandoquidem illa sola artificis motrice facultate ad exequenda sua quæque munia sufficientissime ani-

mantur, hujusque adeo intuitu demum, quatenus una cum illa in ipsis & per ipsas agente spectantur, eatenus agere diversissima potentiisque talia agendi prædita dici me non invito possunt: Ita corporeæ creaturæ seu partes hujus artificii Divini, quod mundum appellamus, quatenus opponuntur virtuti motrici Divinæ in ipsis & per ipsas, pro ratione cujusque passivæ habilitatis & aptitudinis, operanti, patiuntur tantum, aguntur, & moventur universæ, & sufficientissime quidem ad omnes effectus suos mirabiles producendos & exhibendos, ut frustraneum sit alias insuper ipsis formas activas vel spirituales (quod durum esset & fere inauditum) vel materiales & corporeas (quarum agendi modus esset inexplicabilis) ipsis adjungere; quatenus autem una cum illa virtute seu efficacia Divinæ voluntatis in ipsis & per ipsas operante, tanquam lege quadam insita, considerantur, eatenus & gaudere potentiis activis, per diversas suas habilitates etiam specificè discriminatis, adeoque ex insita illa lege sive decreto Divino actu ipso agere omnino dici non possunt solum, sed etiam merentur.

(6) Fateorque jam, & lubens quidem, hanc vim insitam intelligi tantum posse, non imaginabiliter explicari, quod Vir Celeberrimus num. suæ Dissert. (7) dicit. At enim vero, si per vim illam insitam aliud quid intelligat præter illam Divinæ voluntatis efficaciam, quod in creaturis corporeis illa, tanquam effectum in his subsistentem post se reliquerit; eam quidem vim insitam, si spirituale quiddam statueretur, quod adeo volendo ageret, supervacaneam puto, quandoquidem Divina voluntas primæva effectus etiam modernos & futuros sufficientissime præstare valet; si materialis & corporea statuatur, quænam & qualis illa sit me primum non capere confiteor, deinde vero ejus explicationem imaginabilem (novi enim probe discrimen inter *imaginabilia* & *intelligibilia* posteriorum exemplum insigne agnoscens animam nostram rationalem, priorum, inter cætera materialia, brutorum & plantarum animas) omni jure postulo, modumque, quo lex illa materialis insita in corporibus legis ignaris operetur, imaginabiliter declarari pertinaciter peto. Cum enim materialia non operentur, nisi figura motu, partium tali vel tali connexionem, similibusque mediantibus, quæ sub imaginationem cadunt omnia, omnes etiam operandi modi in rebus materialibus debent esse imaginabiles. Neque sine injuria aliqua mihi hæc statuenti objiceretur, ita credi me posse
postu-

postulare, *ut soni pingantur vel colores audiantur*: non enim dico aut dixi unquam, omnes operationes materialium sub sensum aliquem, nedum sub quemlibet sensum, sed sub imaginationem tamen omnes cadere debere. Insuper illud hic iterum, forte non sine nausea, inculcandum, si vis illa agendi insita, Divinæ quidem virtutis motrici contradistincta, materialis concipiatur (ut si quis illam a materia quadam ætherea per omnia vagante, vel etiam ab alia adhuc subtiliore, qualem Aristoteles sub nomine *naturæ stellarum elemento analogæ* dudum admisit, per ætherem ipsum celerrime ultro citroque fluente &c. derivare vellet) hujus equidem vim & operandi modum imaginari facile licere, sed una promte intelligi posse, eam quatenus vis Divina motrix immaterialis (ideoque non imaginabilis, neque quoad rem ipsam neque quoad operandi modum, sed tantum intelligibilis) non una involvitur, sed ipsi contradistinguitur, vere propriæque activam non esse, sed, ut aqua, aer, spiritus animales in corporibus hominum brutorumque &c. ab interfluente æthere multo mobiliore, agitantur, impelluntur, atque adeo non nisi patiando, mota & impulsæ, h. e. improprie & respectively movent; hic ipse vero æther, ut & flammæ crassiora & urentiora spicula, ab alia rapidissima sibi intime permixta & adhuc subtiliore materia similiter aguntur potius quam agunt; ipsa denique hæc subtilissima (si prior & subtilior alia aliaque in infinitum supponi nolit, quod incongruum foret) a voluntate Divina primæva prorsus immediate, tum ratione suppositi, tum ratione virtutis, suum motum rapidissimum habere & in cæteras mundi partes transfundere necessum est, solumque adeo Deum in sensu vocis accuratissimo agere & movere, non actum sc. nec aliunde motum aut necessitatum; creaturas autem corporeas & materiales agi potius & moveri diversimode, nulla alia quam Divinæ voluntatis primæva virtute, quamvis pleræque mediantibus aliis prius motis; diversimode, inquam, pro ratione suæ aptitudinis & mobilitatis specificæ, aut si agere & movere, recepto jam more, dicendæ sunt (potentia præsertim illi Divinæ efficacis motrici contradistincta hanc utique in illa *ἀνεξαρτήτως* & vocis summa proprietate, activam nequaquam esse. imo ne quidem potentia talis vere, propriissime & active motricis, h. e. nullo præcedente passivo & aliunde recepto impulsu motricis, capacem esse ullam creaturam materiale. Ut mirer, Virum Acutissimum

non capere (ut ait sub initium num. (12) *quenam possit esse potentia non active - motrix*; cum non nisi Dei potentiam motricem talem esse, quæ citra receptum aliunde impulsus vel impetum, adeoque mere active moveat, confiteri necessum habeat, vel ipso Aristotele suadente & urgente, dum Lib. VIII Phys. cap. VI & VIII textu præsertim 3 prolixè inculcat, primum movens movere ἀκίνητον ὄν, alia, verò movere κινέμενα, adeoque (quod textu 51 expresse dicit) & κινῶν, non proprie; & textu sequ. 52 iterum asserit, εἶναι τι δὲ τὸ πρῶτον κινῶν ἀκίνητον, καὶ μὴ κατὰ συμβεβηκός, h. e. interprete Pacio, *Oportere esse aliquod primum movens immobile, quod ne quidem ex accidenti moveatur*: quæ certe Viro in scriptis Aristotelis (quem una mecum magni æstimat) versatissimo ignota esse non possunt.

(7) Hæc est mens mea de Virtute Divina in Creaturis corporeis & per ipsas sola active omnia operante, & de creaturis non nisi motis, actis & impulsis, h. e. patiando & improprie agentibus, quam clarius exprimere mihi est impossibile, quamque denuo hic exponere ad instantiam Viri ingeniosissimi volui, non cum in finem ut eum in hanc meam sententiam pertraham, aut quod ipsi de contrario persuasio me satisfacturum sperem (novi enim vim præjudiciorum & præconceptarum opinionum, a quibus ne me ipsum quidem penitus liberum profiteri ausim, tamen si quamplurimas a juventute mea in hunc usque diem me exuisse citra jactantiam dicere possum, & inter illas hanc ipsam quoque, quam olim mordicus tenui de creaturarum potentiis vere proprieque activis sed ut hac a me denuo, quantum fuit possibile, declarata, & quia contra vim activam nunc distinctiorem & rectiorem, quam hætenus habita est, e suis Dynamicis derivatam, Vir Celeberrimus sub finem num. (7) confidit, ulterioribus imposteriorum super hac materia concertationibus supersecedamus, suo quemvis abundare sensu finentes, & Lectoribus de utroque liberam judicandi facultatem relinquentes. Mihi enim (ut nihil dissimulem) cui plusquam sexagenario gemina Profectio, & utraque quidem amplissima, præterque alias plures, cura quoque novem liberorum amplaque adeo familiæ, divinitus demandata est, tantum otii nequaquam conceditur, quod uni controversiæ longius protrahendæ queam impendere.

(8, Quæ

(8) Quæ causa etiam est, cur vel ad cætera, quæ, præsentem litem propius attingentia, passim improbantur, tum vero ad alias Viro Celebratissimo peculiæres suppositiones, a meis hypothefibus haut parum discrepantes, reponere nihil velim; quod videam ita lites ex litibus nascituras, non solum sine fructu & commodo, sed etiam nonnunquam cum temporis mutæque affectionis & æstimationis detrimento. Mihi certe animum esse minime litigiosum, sed in conciliationem proclivem, testem habeo ipsum Venerandum meum in re, præfenti Adversarium, qui non sine tacita quadam exprobratione sub finem sui Schediasmatis testatur, me, cum de sententia ipsius circa vim insitam mense Martio 1694 in Actis Eruditorum Lipsiensibus prolata plenius informari cupiens, per Amicum quendam aliqua quæsissem, mox accepta ejus responsione perbenigne judicasse, nullum inter nos esse discrimen nisi in loquendi modo; quia nempe in illo suo responso vix alias suæ hypothefeos partes exposuerat, quam quas meis qualibuscunque cogitatis quoad rem satis consentire visas non poteram, non læta mente excipere (prout etiam anno superiore, cum Augusto mensè in Actis Lipsiensibus p. 355. Med. Doctorem quendam in Anglia, nomine *Bernardus Conno*, Regiæ Societatis Membrum, eandem necum circa præsentem controversiam fovere sententiam, non re ipsa solum sed verbotenus etiam mihi consentientem, observarem, præ gaudio tantum non exilii) eoque ipso animum in conciliationem concordiamque pronum contestari. Verum, cum postea, ut ipse fatetur, nonnulla adhuc monuisset, ac cætera suarum suppositionum membra plenius evoluta exposuisset, in contraria me verum, plura inter nos discrimina posuisse dolentem quidem, quod bona fide testor) quam ipse agnoscat; quæ quidem judicii si e diversitas, siue inconstantia, sui causam ex dictis evidentem ostendens, ex una parte pacis & conciliationis præproperum forte studium, ex altera candorem & ingenuitatem (quod absque jactantia dixerim) testari videtur. Cum vero subjuncta illis immediate sequentia Viri magni verba legissem, *ex exemplis istis quæ sc. ego altera vice agnoveram inter nos, discriminibus tandem novissime eo me redisse, & tunc confiteremur, nisi coram hoc, esse verum inter nos esse nullam*; hæc, fateor, & miratus sum hoc ultimum assertum. Cumque non satis recordarer, quæ in novissimis meis, mensè Septembri 1697, cum ipse Julio ante-

cedente Continuationem suæ Dynamices, quam ad Acta Lipsiensia communicare destinaverat, pro sua civilitate mihi legendam per filium meum Prof. Guelferbytanum transmisisset, quid, inquam, ad eundem filium meum scripsissem (ad ipsum enim Virum Insignem neque tunc, nec ex eo tempore ullas, quod sciam, dedi literas) quæsi inter schedas meas, ac reperi tandem, quæ tum conceperam, sequentia, bona ipsius pace hic subjungenda, cum ad illustranda superius a me dicta non parum forte faciant: Ex Venerandi Leibnitzii continuatione Dynamices, quam ipso quidem volente ad me curasti, mense Julio præsentis anni, hoc imprimis evidenter perspexi & hic ingenue nunc agnosco, nos equidem ad eandem collimare metam, (quod ipse dicit esse verissimum) in ipsa via vero & ratione illam attingendi valde adhuc differre, contra ac antehac proclivior in conciliationem animo credideram, cum eas suæ hypotheseos partes nondum ita clare proposuisset in prioribus suis, quas ad me dederat literis, ac in hac Dynamices suæ continuatione nunc facere dignatus est. Ex quo illud colligere pronum fuit, consultius fore, si in ulteriorem cum eo disputationem prius haut descendam, quam is & hæc & alia, quæ hætenus vulgare forte distulit, supposita per hæc continuationes ad Acta Eruditorum communicandas plenius exposuerit. Quamobrem non est, cur præsens hoc Schediasma, quod pro Actis Eruditorum se concepisse scribit, ulterius distineat ac publico communicare tardet; gratum tamen interim facturum mihi, si hoc breve monitum meum laudatissimo suo Schediasmati subjungere non dedignetur. Caterum in seqq. ut video, nunc differimus: ¹. Agnosco, scimus utrique corpora non nisi acta agere, & hoc ipso ne ego quidem statuo ea nullo modo agere, cum actum agere sit utique aliquo modo agere; sed hic agendi modus respectivus tantum est, & si scapham appellare scapham velimus, est mera passio, qua median-te vis agentis redundat in aliud una patiens: prout e. g. dum lapidem moveo mediante baculo (quo exemplo jam olim usus est Aristoteles) baculus respectu lapidis moti concipitur ut movens, tametsi revera non ipse moveat lapidem, sed moveatur tantum & mediante ipso etiam lapis, ab una quidem eademque virtute manus meæ, quam interim ut originaliter moventem concipio. Agnosco, scimus ². utrique, materiam & materialia non nisi Divina virtute moveri

„ moveri posse, sed differimus in hoc, quod Vir Celeberrimus existi-
 „ met, eo ipso dum moventur, aliquam ipsa vim accipere; ego vero
 „ putem, siquidem per hanc vim acceptam intelligat vim activam,
 „ qua, sibi jam propria & a virtute Dei moventis distincta, alia mo-
 „ veant, id penitus esse impossibile: quia demonstrasse me credo in
 „ Physica Electiva, materiam & materialia non esse capacia virtutis
 „ activæ vere talis & a Divina virtute distinctæ, sed unica solaque Di-
 „ vina virtute motrice & primum materiale, & per primum mere
 „ passive se habens etiam secundum &c. moveri, ita ut primum illud
 „ improprio, sed recepto hætenus, loquendi modo movisse secun-
 „ dum dicatur, verum non nisi patiando motumque movisse, h. e.
 „ absolute proprieque non movisse, aut nulla sua virtute, quam a Deo
 „ movente accepisset, ab illius virtute motrice jam diversa, movisse;
 „ sed motricem Dei virtutem in se agentem per se in aliud una moven-
 „ dum transmisisse: non aliter ac ponderis in horologio vis gravita-
 „ tis (quam interim ut mere activam considero) sola & unica non so-
 „ lum primæ rotæ, sed etiam secundæ eum illa connexæ, & implicitæ,
 „ similiterque tertiæ &c. movendæ sufficere potest, ut opus nequa-
 „ quam sit vel in secunda vel in tertia novam active movendi virtu-
 „ tem, a pondere movente acceptam, supponere, maxime cum illa
 „ acceptio ejusque modus sit penitus inconceptibilis. Differimus
 „ ^{3.} in eo, quod Vir Ingeniosissimus substantiam mere passivam con-
 „ cipi posse neget; ego vero cum plerisque tam antiquis quam moder-
 „ nis demonstrasse me, imo per se clarum arbitrer, materiam esse
 „ vere substantiam, h. e. rem nulli alii tanquam subjecto in hærentem
 „ (qui receptus hætenus fuit substantiæ conceptus) quodnam enim
 „ esset illud subjectum, a quo materia in hæsive, ut cum Scholis lo-
 „ quar, dependeret? & tamen omni activa potentia destitutam. Dif-
 „ ferimus ^{4.} in eo, quod ipse in substantia corporea vim agendi sup-
 „ ponat a certa quadam forma sive anima dependentem, imo cum ali-
 „ quo perceptionis ac vitæ analogo conjunctam; id quod, tanquam
 „ meis hypothesibus e diametro repugnans, quia suo loco demum
 „ ostendendum dicat, consultius etiam hinc esse apparet, ut respon-
 „ siones meas ad cætera differam, dum, quo pacto hoc ostendi possit,
 „ appareat.

(9) Idem ergo cum sedeat etiamnum nobis animus, vide-
 aturque

aturque juxta novissimam animadversionem in Dissertationem meam Apologeticam, Vir Illustris agnoscere quidem illam Dei voluntatem infinite perpetuoque efficacem omnia regentem & gubernantem, agentem & moventem in hoc mundo corporeo, sed mediante principio quodam substantiali, quod in viventibus *anima*, in aliis *forma substantialis*, recepta pridem in Scholis Aristotelicis nomenclatura, a se vero, quatenus cum materia substantiam vere unam, seu unum per se constituit, novo vocabulo *Monas* appelletur. Vid. ejus num. II. sub finem, quodque Divinæ voluntatis efficacia, tanquam ἀποτέλεσμα & effectum quendam subsistentem, sibi que contradistinctum in creaturis reliquerit, qui nunc quoque duret & operetur &c. num. (6.); ego vero cum recentioribus quibusdam Philosophis ita tamen ut rem explicatius distinctius que proposuisse mihi videar) eandem agnoscam Divinam voluntatem sua sola virtute omnia in omnibus operantem, sed mediantibus quibusdam principiis substantialibus mere corporeis & gradatim subtilioribus, quæ in viventibus ut *anima*, in aliis ut *forma substantialis* operari per nos quoque dici possit, sed instrumentaliter tantum, non ulla virtute activa proprie sic dicta & virtuti Dei motrici contradistincta, sed ab hac sola principaliter & propriissime, h.e. absq; ullo aliunde recepto motu agente mota, agitata & impulsâ (Vid. num. noster 6. speciatim in viventium animaliumq; generationibus, mediantibus rudimentis seminalibus, divino illo verbo, *producat terra, multiplicemini animalia &c.* sub creationis initium efformatis & elementari huic mundo conceditis, non autem nunc demum ab anima quadam efformandis, sed enutriendis tantum, talis enim corpusculi organici, quod infinitarum partium apparatus intra punctulum insensibile complectatur, efformatio, secundum propria Viri totis laudati asserta num. (2) non alii quam infinitæ Dei potentiæ adscribi potest) quæ rursus illa primæva Dei voluntas post se reliquit, ut effectus subsistentes innumerabiles, qui nunc quoque durent & a natura modo dicto facileque imaginabili perficiantur &c. Cum, inquam, (ut tribus verbis rem tandem complectar) Vir Celebratissimus Aristotelicorum receptam, ego vero recentiorum sententiam, & utrique quidem meliore quodam modo; quam hætenus factum fuerat, nos exposuisse credamus; quid rectius prudentiusque facere poterimus, quam ut Orbis eruditi, cui neutra sententia ignota nunc esse potest, arbitrio ac dijudicationi utrasque relinquamus?

CATA.

*CATALOGI LIBRORUM MANUSCRIPTORUM ANGLIÆ
& Hiberniæ in unum collecti.*

Oxoniz, e theatro Sheldoniano, 1697. fol. Alphab. II. pl. 15.

PROdiere tandem (post particularem Cottonianæ Bibliothecæ Catalogum, a Thoma Smitho adornatum, & præterea tum Illustris Viri, D. Roberti Cottoni, Equitis Aurati & Baronetti Vitam, tum Cottonianæ Bibliothecæ Historiam complexum, de quo ex instituto jam in Actis hiscæ A. 1696 p. 441 seqq. diximus) codicum manuscriptorum in Angliā & Hiberniā reperiundorum Catalogi universaliores, diu pariter & anxie ab Eruditis expetiti, Opereque præsentis splendido non minus ac publico usui accommodato comprehensi. Et ejus certe utilitas terminos habere eosdem videtur, quos ipsa scientia, cum nulla sit pars literarum, quin ex hoc insignem lucem maximumque incrementum accipiat. Nec dubium, libros plerosque intra annos centum proximos, de rebus præcipue Anglicanis scriptos, adeo mutilos ac jejunos futuros haut fuisse, si Opere hoc eorum uti autoribus licuisset. Multo etiam imposterum feliciter quis progredi, subsidiis his fretus, poterit in poliendis veteribus Græcis Latinisque scriptoribus, quorum opera librariorum partim ignorantia, partim incuria typographorum, ita hætenus corrupta esse constat, ut de recto sive sensu sive lectione non nisi ex codicibus heic indicatis judicium ferri accuratum queat. Multa nunc Conciliorum, multa Patrum, imo Scripturæ ipsiusmet Sacræ monumenta, pandi cernimus, quæ falsariorum evaserunt manus, improbitatemque illorum manifeste arguunt, qui ista aut mutilare nisi sunt, ne suis opinionibus adversarentur, aut distorquere, ut sua dogmata eorum auctoritate stabilirent. Quanta heic cum voluptate in incognita & inaudita Lectores incident? Plurima etiam adhuc extare comperient, quæ jamdudum deperdita putabantur, atque hæc si aliquando, uti spes est, in publicum proferentur, augendæ imprimis & Angliæ & aliarum orbis regionum Historiæ qua civili, qua ecclesiasticæ multum omnino inservient. Sed non est, ut in commendando amplius hoc instituto multi simus, posteaquam has partes in peculiari quadam præfatione Vir eruditissimus, sed qui nomen suum reticere maluit, jam occupa-

rit. Nostrum ergo potius est delineare voluminis totius faciem, ut quo ordine dispositi in eo sint Catalogi, cuius dispalescat.

Equidem Oxoniensia solum manuscripta Literatis nota reddere Viris quibusdam summis constitutum ante fuerat, sed cum mox ea de re fama pervulgaretur, & alia ut adjungerentur plures exoptare cœperunt, quorum cohortationibus incitata Illustris Academia Oxoniensis omnes catalogos, sive publicos, sive privatos, neque ex Anglia solum, sed etiam e Scotia ac Hibernia conquirere decrevit, idque consilium publice significavit, promulgata in eam sententiam declaratione a Clarissimo Viro Eduardo Bernardo, cui propter infinitam librorum notitiam, & magnam domi forisque auctoritatem, totius rei administratio concredita fuerat. Ut ergo singulis utilissimum hoc institutum juvare cupientibus idoneum temporis spatium relinqueretur, Oxoniensis Academia longius multo, quam ab initio existimaverat, editionem libri protraxit, ista ratione certo futurum rata, ut opus eo magis absolutum evaderet, adeoque Eruditos pleniori obsequio demereretur. Atque cum res successum nacta est, ut triginta fere millia librorum manuscriptorum in his Catalogis commemorarentur: neque tamen sic exhaustum arbitratur eorum numerum Doctissimus Humfredus Wanley, (cujus diligentia huc collata paulo post a nobis celebrabitur,) quin alia adhuc triginta millia passim in Angliæ bibliothecis delitescant. Ut interim eorum, quorum hæcenus Oxonium transmissa fuit notitia, seriem accuratam nancisceremur, judicium maxime effecit atque industria celeberrimi Bernardi, qui tamen, quo autore Catalogus confectus sigillatim quivis fuerit, nusquam dissimulavit. Ac optandum sane esset, ut ne humanis ille rebus citius fuisset exemptus, quam ubi in laborum suorum honestissimum solatium Operis in publicum prodeuntis perfectam dignitatem conspexisset. In duos vero tomos partiri istud placuit, quorum quilibet peculiare rursus partes nactus est. Primi tomi prima pars Bibliothecæ Bodleianæ consecrata, ejus classes singulas quam prolixissime persequitur. Pars vero ejusdem tomi secunda collegiorum & aularum Oxoniensium antiquos codices complectitur, ac tertia recenset eos, quos Cantabrigienses sibi vindicant. Secundus tomus in duas rursus partes distributa, earum priori libros Ecclesiarum Cathedralium manuscriptos recenset, sed nec alias celebriores in Anglia bibliothecas præterit,

it, ac quot ex hoc librorum genere cumularint Isaacus Vossius, Franc. Bernardus, Abrahamus Sellarus, Joannes Hobbius, Eduardus Browne, Henricus Vice-Comes de Longueville, cujus bibliotheca sub Yelvertoniæ appellatione celebratur, Thomas Gale, aliique, (paucos enim hos plurimis exempli in vicem duntaxat allegamus,) indicat. Altera secundi hujus tomi pars Catalogos sistit ex Hibernia transmissos, quos inter omnium amplissimi sunt, qui Henrici Comitis Clarendonii, atque dehinc Collegii Sanctæ Trinitatis, quod est Dublinii, codices manuscriptos referunt. Omnes autem codices manu exaratos, & in qualibet Bibliotheca obvios, sive minoris illi pretii, sive melioris notæ fuerint, indicare hujus rei curatoribus visum est, eo, quod diversis usibus, variisque hominum curiosorum propositis inservire queant; unde nec plures in unum volumen constipatos sigillatim enumerare omiserunt. Curtam vero nonnunquam esse codicum ab antiquis scriptorum autoribus designationem, nemo fortean mirabitur, qui cogitaverit, nullum esse tot linguarum peritum, tantoque abundantem otio, ut singulos evolvere, & quid in unoquoque notatu dignum, aut quid editum sit, quid minus, indicare valeat. Nec integrum semper est determinare, quo tempore, aut ubi locorum, aut quo autore scriptus codex aliquis fuerit, si horum in ipsomet indicium desideretur. Libri impressi manuscriptis intermixti sunt, sed rarius. Et illi quidem interdum commode omitti non potuere, vel ut ubi commemorantur, qui MStos codices bibliothecæ Bodlejanæ inseruerunt, impressosque tunc simul addiderunt. Alii ob suam raritatem instar manuscriptorum habiti, & ne quando perirent, cum iis reclusi sunt. Alii, & imprimis Rev. Episcopi Norvicensis, D. Isaaci Vossii, D. Eduardi Bernardi, cum manuscriptis collati, vel antiquitus editi & raro prostantes, adeoque pluris æstimandi fuerant. Indicis struendi negotium in se suscepit Humfredus Wanley, Juvenis a diligentia judicioque celebratissimus. Is igitur Autorum nomina disposuit ordine alphabetico, locaque, ubi illorum scripta reperiantur, indicavit. Non tamen opus integrum uno, ceu primum instituerat, Indice comprehendit, sed peculiarem potius cuilibet parti subjecit. In his autem Scriptores diversis insignitos nominibus, sub isto, quod principale deprehendit ac notissimum, allegavit; generales vero titulos, quales *Sanctitas Papalis*, *Regia Majestas*, *Rex Catholicus*, *D. Epi-*

scipus, &c cum nominibus propriis permutavit, quoties nimirum istud fieri commode potuit: quod enim nusquam a vero aberravit, ipse haud pronunciare audet, deque sua methodo ulterius in præfatione disserit, in qua & hoc monendum arbitratus est, quod vetustissimus ille codex manuscriptus Græcus, Biblia Sacra cum Epistola Clementis ad Corinthios continens, (Alexandrinus vulgo dici solitus,) etiamnum extet in Bibliotheca Regia Westmonasterii, utcunque cum in hoc Catalogo non memorari contigerit. Vicissim, ubi in Bibliotheca hac Bodlejana n. 894 commemoretur T. Livii Decas prima, secunda & quarta, legendum esse notat *decas prima, tertia & quarta*. Quod si enim decas secunda ibidem haberetur, dubium non esse ait, quin jamdudum in commune commodum typis edita fuisset. Atque hæc de opere præsentis generatim dicta sufficiant. Sed nos munere nostro penitus defuncti nondum sumus, quandoquidem manuscriptorum Bibliothecæ Bodlejanæ Catalogo, præter Vitam Thomæ Bodleji ex ipsius chartis & epistolis collectam, Bibliothecæ quoque, ab eo nomen quæ gerit, Historia præmittitur, ac proin utrinque delibanda nobis nonnulla veniunt.

Natus videlicet Bodlejus fuit in civitate Exoniæ secundo die Martii, anno superioris seculi quadragesimo quarto, patre Joanne, matre Joanna filia & hærede Roberti Hone, in Comitatu Devoniensi. Parentes igitur filium hunc suum primogenitum religione Reformata, cui ipsi addictissimi erant, imbuerunt, ac prima literarum elementa in patria addiscere eundem voluerunt. Regni vero habenas capessente Maria, cum parentibus Bodleji, ut reliquis a Papismo alienis omnibus, magnæ imminerent calamitates, illi se ex Anglia subduxerunt, & Vesaliam primum, deinde Francofurtum, ac tandem Genevam se contulerunt. Hæc ergo cum sedem fixam sibi constituis-
sent, Thomas noster annos natus duodecim, Chevalerii, Calvinii, Bezae & aliorum Academiæ ibi efflorescentis Professorum idoneus auditor reputatus est, quibus per biennium sedulo vacivas aures præbuit. Mortua Maria, soror ejus Elisabetha pristinam religionem revocavit; quamobrem & parentibus Bodleji tutus jucundusque in patriam reditus patuit. Filium itaque, usu rerum & literis longe supra ætatem instructum, in Angliam secum rursus adduxerunt, ubi mox profectus Oxonium, inq; Collegium Mariæ Magdalenzæ admittitur, & curæ Lau-
ren.

rentii Humfredi commendatus est, sub quo annos quatuor in studiis excolendis consumpsit. Post gradum Baccalaurei in artibus suscepit, inque Socium Collegii Mertonensis cooptatus, Græcæ linguæ prælectiones in aula publica instituit. Anno ætatis vigesimo secundo artium Magister factus est: deinde privata studia prosecutus, post triennium fere Procuratorii officii candidatus fuit, atque ad hoc munus, magna tum contentione peti solitum, nullo resistente adspiravit. Eo defunctus, annos quinque continuos in studio variarum artium & scientiarum transegit, elapsoque isto spatio ætatem quidem rebus administrandis idoneam se consecutumprehendit, at publicis tamen regni negotiis se immiscere noluit, domesticam disciplinam, assiduo labore partam, apud exteras prius nationes rerum usu & experientia ornandam esse arbitratus. Per annos ergo quatuor, quibus ab Angliâ abfuit, varias Italiæ, Germaniæ, Galliæque partes magno cum fructu pertransiit, gubernandi rationes, populorum ingenia rerumque conditionem diligenter ubique observans. Domum reversus Somatophylax Regiæ Elisabethæ post triennium est constitutus, inque ejus cura cum duos annos exegisset, uxorem duxit viduam opulentam, civitate Bristolienſi oriundam. A. 1581 ad commendationem Burleighi Thesaurarii, qui ejus fidem ac promptitudinem in negotiis gerendis optime perspexerat, a Regina Legatus in Germaniam missus est, ut Electori Palatino, Ducibus Saxonæ, Electori Brandenburgico, & aliis Principibus luculente exponeret periculum Protestantibus in Angliâ tunc imminens, eorumque auxilium adversus Papam & Hispanos imploraret; quinimo eadem legatione Danorum quoque Regem ut complecteretur, injunctum sibi vidit. A. 1589 in Galliam, solus ac ne uno quidem famulo stipatus, Elisabetha sic jubente, abiit, literasque Regiæ manu ad Regem & familiares ejus scriptas pertulit. A. 1588 missus est in Provincias Confoederatas, ut sede Hagæ Comitiss fixa, negotiis, quæ Regiæ cum Belgis intercederent, omnibus præſſet. Et heic ei privilegia ampla atque honorifica ab Ordinibus indulta sunt, ut in magnum Status Consilium admitteretur, in Conventibus proximam Comiti Mauricio sedem occuparet, nec interesset solum, sed in publicis etiam decretis suffragium haberet. Sed cum per quinquennium ibi negotia gravissima mira pertractasset dexteritate, absentia ejus rei familiari vehementer obtigit

incommoda. Quapropter Reginam tum per literas tum per amicos sollicitavit, ut domum redeundi potestatem obtineret; qua ægre licet impetrata, apud suos commorari rursus cœpit, sed mox ad Provincias abire iterum necesse habuit. Miraretur quis, tanta Viri erga Rempublicam merita nullo præmio fuisse remunerata; sed eo ob amicorum officiosam nimis diligentiam excidit. Multum ei favit Burleighus, eumque apud Reginam plurimum commendavit. Ægre id ferens Essexius, gloriamque promoti ad officia publica Bodleji sibi potius vindicaturus, majori cum contentione apud Reginam sæpius de prædicare studuit. Illa vero, cognito hominis ardore ac temeritate, ejus commendatione parum mota fuit, præsertim cum ex odio adversus Burleighum proficisci eam animadvertisset. Imo tantum abfuit, ut quicquam ejus importunitas effecerit, ut potius Reginam in Bodlejum antea propensissimam ab eo paulatim abalienarit. Insuper cum tanta benevolentia Essexii significatio aliqua gratæ mentis indicia a Bodlejo postularet, ea Burleighus ita est interpretatus, quasi ad illius partes trahi se fuisset passus; unde Bodlejus utriusque studiosus in hoc quasi bello concidit, spemque omnem dignitatis potiundæ penitus abiecit. Integris itaque duodecim annis fidem suam diligentiamque cum Regina approbasset, statuit tandem integra existimatione a Republica recedere, legationemque sibi postea denuo oblatam modeste recusavit, ac recessus suavitatem omnibus honoribus anteponendam duxit. Otio tamen inertis ac desidioso languescere parum gloriosum fore intelligens, de patria, literis & religione bene mereri voluit, ac Bibliothecam Oxoniensem misere tunc desertam ut reficeret, librariaque suppellectile instrueret, consilium cepit. Inde eruditione sua singulari, lauta sine liberis hæreditate, otii abundantia, potentiumque amicorum multitudine adjutus, opus hoc per annos quindecim magna perfecit diligentia, perfectum prudentissimis munivit legibus, vivens perpetuo auxit, & ante mortem amplis redditibus locupletavit. Ita cum annos septem & sexaginta vixisset, Londini, (quorsum ob Bibliothecæ suæ negotium se contulerat,) d. 28 Januarii A. 1612 supremum diem obiit.

Sicut itaque condita a Bodlejo Bibliotheca laudes ei citra dubium præcipuas & maxime perennaturas peperit: ita nunc de ea sigillatim plura in medium afferuntur, antequam in ipsum manuscriptorum

rum intromittamur Catalogum. Fata nempe studiorum nimis ad-
versa sub Eduardo IV, uti passim alibi in Anglia, sic Oxoniæ quoque,
libros omnes abstulerunt ex bibliotheca Academiæ publica, (quæ A.
1427 instituta, & ob Humfredi, Glocestriensis Ducis, collatas in eam
opes Humfrediana appellari fuit solita,) usque adeo, ut, habita sub
Maria Regina inquisitione, ne unus quidem amplius compareret, præ-
ter Valerium Maximum. Detraçto post apparatu, ipsum quoque æ-
dificium sordidissimis addictum fuerat usibus, & A. 1555, cum nulla su-
peresset spes Bibliothecam in pristinum statum restituendi, A-
cademici subsellia vendenda censuerant. Misera proinde isthac re-
rum facie commotus Bodlejus, suum de Bibliotheca restauranda con-
siliu per literas Vice-Cancellario exposuit, & quam desiderabat,
Academiæ approbationem mox cum ingenti gratiarum actione obti-
nuît. Hinc opus strenue urgens, collocatis spatii biennii commo-
de librorum receptaculis, ad ipsos libros comparandos omnes cogita-
tiones convertit, idque dum Londini egit sedulo, Thomæ Jamesio ne-
gotium dedit, ut libros Oxonium missos in bibliotheca disponeret.
Ipse interea omnes catalogos evolvit, suas facultates in codices & im-
pressos & manuscriptos liberaliter profudit, doctorumque insuper &
divitum auxilium maximopere sollicitavit. Joannem Billium, biblio-
polam, in Galliam, Italiam, Germaniam & Hispaniam misit, ad libros
rariores emendos. Ne Orientales deessent, juvenem harum lingua-
rum peritum in Turcicas regiones eum mittere constituisse, epistolæ
ipsius, quarum volumen integrum in Bibliotheca repositum adhuc
cernitur, ostendunt. Ista ratione ditata fuit Bibliotheca intra septen-
nium bis mille voluminibus; quibus ordine dispositis, A. 1602 Vice-
Cancellarius, Ædium Præfecti, Doctores & Procuratores, bonis lite-
ris & usibus studiosorum solenniter eandem dedicarunt. Delibera-
tione habita cum Academicis, Bodlejus ad commodiorem Bibliothe-
cæ administrationem, statuta de illius prudentia ingenioque abunde
testantia confecit. A Rege Jacobo dispensationem obtinuit, qua po-
testas Academiæ conceditur, terras & hæreditamenta, quæ vocantur,
recipiendi, ut per annuos exinde redditus Bibliotheca augetur atque
conservaretur. Tacemus alia, quæ de provida ipsius cura pro eadem
affatim loquuntur, velut ubi post octo annos ædificium Bibliothecæ a
parte orientali amplificavit, ac ad Scholas quoque erigendas magnam
num-

nummorum vim Academiae reliquit, & quæ sunt his similia. Quemadmodum autem, cum in vivis adhuc ageret Bodlejus, Ecclesiae Exoniensis Decanus & Capitulum tractatus manuscriptos centum & triginta duos ad hanc Bibliothecam transmissere: sic post mortem ejus, literarum & Oxoniensium amor multo plures ad munificentiam excitavit. Guilielmus Herbert, Comes Pembrochiensis & Academiae Cancellarius, codices manuscriptos Græcos Venetiis deportatos emit, eosque Bibliothecæ donavit; qui quoniam ex Bibliotheca Baroccii prodierunt, communiter Barocciani libri nuncupantur. Post Kenelmus Digby, Eques Auratus, Academiae libros manuscriptos ducentos triginta tres; Guilielmus vero Laud, Archi-Episcopus Cantuariensis, eorum plusquam mille & trecentos exhibuit. A. 1659 amplum Jo. Seldeni Museum Bibliothecæ Bodlejanæ obtigit. A. 1673 Thomas Fairfax moriens eidem legavit Collectiones Antiquitatum D. Rogeri Dodsworth, 150 voluminibus constantes, una cum 28 codicibus manuscriptis varii generis; A. 1677 Franciscus Junius centum prope codices MSS. Saxonicos, Francicos, Gothicos, Teutonicos, aliisque linguis septentrionalibus exaratos; ut, quid Robertus Huntingdon, quid Thomas Mareschallus, quid Thomas Barlovius præstiterint, silentio prætereamus. Prope Bibliothecam Bodlejanam Musæum habetur Ashmoleanum, seu locus, ubi A. 1683 Elias Ashmole, Regius Fecialis, ingentem rerum naturalium thesaurum ex omnibus gentibus collectum & Academiae donatum reposuit. Hæc integra Bibliothecæ Bodlejanæ Historia, celeberrimæ illius & instructissimæ, cui hinc a suis primordiis ad nostra usque tempora quinque Bibliothecarii, Thomas Jamesius, Jo. Rouse, Thomas Barlow, Thomas Lockey, Thomas Hyde, cum laude & studiosorum commodo insigni præfuerunt. Postremus etiam, post primum, luculentum dedit A. 1674 librorum impressorum, qui inibi reperiuntur, Catalogum, cui tamen, ob crebriores librorum accessiones ab isto tempore factas, ut nova propediem Supplementa accedant, merito exoptamus.

*IN MONUMENTA COPTICA SEU ÆGYPTIACA BIBLIOTHECA Vaticana Brevis Exercitatio F. GUILLELMI BONJOUR
Tolosani, Ordinis Eremitarum S. Augustini.*

Romæ, typis F. M. Acsamitek a Kronenfeld, 1699. 4. plag. 4 $\frac{1}{2}$.

Ingenium suum, linguæq; Copticæ sive Ægyptiacæ peritiam, jam in Dissertatione de nomine Zaphnath-Pahaneach Josepho Patriarchæ a Pharaone imposito, quam in Actis A. 1697 p. 6. seqq. recensuimus, Orbi erudito dudum probavit Auctor doctissimus. Quid autem in hac Dissertatione velit, vel ex titulo patet. Ex libris nimirum Copticis, qui in Bibliotheca Vaticana asservantur, nonnulla decerpit, eaque explicat, & illustrat, & ita utilitatem linguæ hujus omnibus commendat.

Agmen ducit Confessio quædam fidei, quam partim Græce, partim Coptice cum interpretatione Arabica, inter reliquas Liturgias Copto-Arabicas Bibliothecæ Vaticanæ extare memorat. Titulum ei esse dicit: *Anaphora S. Patris Basilii*. Observat, egregie in ea stabiliri præsentiam realem corporis & sanguinis Christi in Eucharistia. Momentum autem trahere omnino hanc Confessionem, quod unus ex codicibus, in quo legatur hæc confessio, scriptus sit mensè Amscir seu Mechir anni millesimi & quarti Martyrum, h. e. mensè Februario anni a C. N. secundum æram vulgarem millesimi ducentissimi octogesimali octavi, adeoque integro fere seculo ante suscitata a Wiclefo Berengerianam, ut vocat, hæresin. Magni quoque ponderis esse arbitratur ad levandam novitatis suspicionem, qua Ecclesia Romana apud nonnullos laboret, quod Ægyptiorum hæc sit confessio, qui incepto jam ante mille ducentos & quadraginta annos schismate, defecerint ab Ecclesia Romana. Reprobasse enim eos concilium Chalcedonense, & Henoticon Zenonis admisisse. Enascitur hinc Auctori occasio aliud monumentum Ægyptiacum ex iisdem codicibus proferendi, in quo Chalcedonensis Synodus inter concilia Oecumenica omittitur, & Severus contra Patriarcha Antiochenus, hostis Synodi hujus acerrimus, Patribus annumeratur. Severi quoque hujus nomen in dyptichis extare refert, quæ in anaphoram S. Basilii inserta habeat Ecclesia Ægyptiaca. In quibus cum & *Patres nostri Sancti Romani* memorentur, colligit inde, vel invitos retinuisse Ægyptios hoc Primatus Romani testimonium, ab ultima antiquitate. Subjicit hinc quædam ex iisdem dyptichis excerpta, & postquam de Severo isto iterum nonnulla monuit, profert formulam litterarum Synodaliū, quas crea-

to Patriarcha Alexandrino electores ejus scribere soliti fuerint. Pertinet hoc ad notitiam Patriarchatus Alexandrini. In observationibus additis autem docet, Alexandriam, Patriarchatus metropolim, dictam Ægyptiorum lingua esse *Racotim*; *Phostatum* vero *Babylonis*, cujus in eodem monumento mentio injicitur, esse *Babylonem Ægyptia am*: *Cbemi* Ægyptum designare; *Nobadiam* autem Nubiam, seu Nubiam, Patriarchatus Alexandrini regionem, cujus partes ex Vanslebij Historia Ecclesiæ Alexandrinæ Auctor enarrat. Porro ex codice quodam Evangeliorum, qui inter Copticos seu Copto-Arabicos Bibliothecæ Vaticanæ quartus sit, aliud monumentum producit, notitiæ Ecclesiæ Alexandrinæ itidem inserviens. Sed cum præfationes Evangeliorum in eodem codice extantes plura notatu digna habeant, nonnulla inde depromit, quibus tempus definitur, quo quilibet Evangelista suum scripserit. Sic de Evangelio secundum Matthæum ibidem hæc leguntur: *Scriptum est hoc Evangelium lingua Ebraica, in Palaestina, & promulgatum est in Jerusalem. Tum interpretatus est illud S. Johannes filius Zebedei in Aspoli, anno primo regni Claudii, qui est annus nonus assumptionis sanctæ.* Epocham autem assumptionis necessario conjiciendam docet in annum æræ Christianæ trigessimum tertium labentem, seu quartum ducentessimæ secundæ Olympiadis. De Evangelio secundum Johannem dicitur: *Scriptum est Evangelium suum Ephefi lingua Græca anno sexto regni Caesaris Tarsos &c.* Tarsos Nero est Auctori, quod τὸ Τάρσος idem sit cum ἀνδρέϊα, & Nero juxta vetus Glossarium Latino-Græcum exponatur per ἀνδρέϊς. Pro anno sexto autem nonum legendum esse putat, qui respondeat anno æræ Christianæ sexagesimo secundo. Arripit hinc occasionem in annum nativitatis Christi inquirendi, & comprobandi sententiam Eminētissimi Cardinalis Norisii, quod verus Christi natalis quadriennio solido æram nostram vulgarem antevertat. Ast in viam ex hoc diverticulo & ad codices Ægyptiacos redit, & Heliopolin urbem *On*, Heropolin autem *Perbom* apud Ægyptios dici, observat, & de utroque nomine nonnulla commentatur. Ultimo loco ex Ægyptiacis Bibliorum codicibus, quos celeberrimum virum Bernhardum de Montfaucon sibi comparasse refert, nonnulla excerpit. Hosce codices, præter Pentateuchum & omnes Novi Testamenti libros, qui etiam habentur in codicibus Vaticanis, Daniele quoque, & duodecim Pro-

pehtas

phetas minores continere docet. Et istam quidem Ægyptiacam Danielis translationem hoc sibi proprium & singulare habere, quod initium faciat a notatione temporis, quo Nabuchodonosor oppugnare cœperit urbem Hierosolymam. Cetera huic translationi cum codicibus Græcis esse communia. Nec illud prætermittit, quod visio Danielis de quatuor bestiis, summa Orbis imperia designantibus, per paraphrasin quandam liberiolem, in hac versione longe aliter explicetur, ac vulgo explicari solet. Prima enim bestia repræsentare dicitur Regem Persarum, secunda Regem Romanorum, tertia Regem Græcorum, quarta Regem filiorum Ismaël, h. e. Sarracenorum. Memorat denique, se jam Grammaticam Ægyptiacam confecisse, multo quidem labore, quod ne primis quidem linguæ hujus elementis imbutus tam arduum opus aggressus sit. Sed & nonnulla quoque, quæ ad confirmandam suam sententiam de nomine Josephi pertinere arbitratur, subjicit. Inter alia autem narrat, se ex litteris doctissimi viri Gisberti Cuperi accepisse, Campegum Vitringam I. Observat. Sacr. c. v. asserere, *π* vel *ϕ*, non fuisse præpositivum articulum apud veteres Ægyptios, & hodiernam Coptorum linguam veteri Ægyptiæ nequaquam esse similem, & propterea alienum esse plane, ex lingua Coptorum hodierna vocum Mosis tempore usitatarum originem repetere. Sed quibus argumentis hæc Vitringa confirmet, se nescire ait, cum Observationes ejus Sacras nondum viderit; credit tamen ea non esse decretoria. Interim contrarium aliquot exemplis docere conatur.

Subjuncta huic Exercitationi est ejusdem Auctoris digressio de septuaginta hebdomadibus Danielis revocatis ad novos calculos, ut Chronologiæ, quam prælo paratam Auctor habet, specimen aliquod præberet. Supponit primò, sexaginta novem hebdomadas esse septimanas annorum, quarum character sint sexaginta novem anni Sabbatici. Deinde vigesimum annum Artaxerxis Longimani a Xerxis obitu numeratum esse annum, *quo exiit sermo, ut iterum edificaretur Jerusalem*; & denique annum istum vigesimum Artaxerxis Longimani esse annum periodi Julianæ 468, ante æram Christianam 446: annum autem quo Christus occisus est, citra controversiam unum esse ex quinque, qui numerantur in æra Christiana, 29, 30, 31, 32, 33; in periodo Juliana 4742, 4743, 4744, 4745, 4746. His ita præmissis, & notatis quoque annis Sabbaticis, quorum in Historia Maccabæorum &

apud Josephum mentio injiciatur, tabulam LXIX istorum annorum Sabbaticorum lectorum oculis subjicit, ita ut annus primus Sabbaticus ineat anno Periodi Julianæ 4270, claudatque adeo hebdomadam, quæ iniit anno ejusdē periodi 4264, & annus Sabbaticus sexagesimus nonus respondeat anno P. J. 4746, compleatque hebdomadam quæ incepit anno 4740. Edictum autem de ædificanda iterum urbe Hierosolyma, exiisse docet intra primam hebdomadam, sicut Christus quoque intra sexagesimam nonam occisus sit. Nec enim necesse esse, ut asseratur, eum finita sexagesima nona hebdomade demum cruci esse affixum. Quod autem ad septuagesimam hebdomadam attinet, eam de cyclo hebdomatico annorum sexaginta novem hebdomadas proxime excipiente intelligendam esse negat, cum vago dicendi genere vocetur *una*: hinc sufficere putat, si una hebdomas extra septem & sexaginta duas reperitur, intra quam completa fuerint, quæ de ista sunt prædicta. Habita itaque, ex annorum Sabbaticorum characterismo, hebdomadarum ratione, iniisse eam docet anno P. J. 4782, æræ Christianæ 69; finem autem ejus incidisse in annum P. J. 4788: eo enim tempore & templum solo æquatum, & Rempublicam Judaicam penitus everfam fuisse docet. Sed observationum Chronologicarum nondum finis est. Subjicit enim aliquid, quo totam Danielis chronotaxin se expeditam & claram redditurum confidit. Tres enim libri (prout in vulgata versione & Græcis codicibus extat,) hujus esse partes. Primam complecti visiones & adjuncta visionum, quas aliis factas solus Daniel expeditaverit. Secundam continere visiones soli Danieli factas. Tertiam denique non visiones, sed res alias a Daniele gestas describere. Primam porrigi ab initio primi capituli usque ad finem sexti, Regesque justo ordine in ea memorari, Nabochodonosorem, Balthasarem, Darium Medum, Cyrum. Persam. Secundam usque ad finem capituli duodecimi, memorarique in ea itidem justo ordine, Balthasarem, Darium Medum, Cyrum. Tertiam denique, duobus extremis capitibus definiri, nempe XIII & XIV, incipereque ab historia Susannæ, & definere in historia Beli & draconis.

*THEOCRITI QUÆ EXTANT, CUM GRÆCIS SCHOLIIS,
Notis & Indicibus.*

Oxonæ

Oxonix e Theatro Sheldoniano, impensis S. Smith & B. Walford, 1699. in 8. Alph. 1. pl. 7.

DE Poeta hoc Bucolico ut multa dicamus non attinet, nemini, ut arbitramur, facile ignoto. Neque forte præter ea, quæ *Laurentius Crassus* in Historia Poetarum Græcorum pag. 498. seqq. & *Adrianus Bailletus* in Judiciis Eruditorum de præcipuis Auctorum operibus Tomo IV pag. 247 seqq. studiose collegerunt, dici de eo quicquam potest. Nova vero hæc eaque nitidissima operum ejus editio, non plane fuit a nobis silentio prætereunda. Exhibet ea primum quidem ipsa Theocriti Idyllia & Epigrammata Græca, dein Latinam eorum versionem juxta libri Heinsiani fidem (quam quidem in proxime prægressa editione Sheldoniana curatoribus illius visum fuerat omittere) denique & Græca Scholia. Notarum locum tum *Josephi Scaligeri*, per breves quidem illæ, ad Theocritum Emendationes, tum *Isaaci Casauboni* Theocriticarum Lectionum libellus, tum *Danielis Heinsii* Scholæ Theocriticæ, quæ omnia jam dudum typis exscripta Eruditisque probata fuerunt, sustinent, quibus & Variantes quædam Lectiones subjiciuntur. Denique duplex Index, alter rerum memorabilium in Theocrito aut Scholiaste ejus obviarum, alter Auctorum qui in Scholiis citantur, opus finit.

PARADISUS BATAVUS CONTINENS PLUS CENTUM PLANTAS affabre ære incisas & descriptionibus illustratas. Cui accessit Catalogus Plantarum, quas præ romis nondum editis delineandas curaverat PAULUS HERMANNUS M. D.

Opus Posthumum.

Lugduni Batav. apud Abrah. Elzevier, 1698. in 4.

Constat plag. 34.

Mœstissimum Hermannii fatum haud levem intulisse calamitatem Orbi literario, clucescit imprimis exin, quod doctissimus hic Botanicus elegantissima divulgare scripta habuerit in animo, quæ tamen ob inopinatam ejus mortem manca mutilave posteritati reliquit. Non nisi prima enim posuit fundamenta secundæ Floræ Batavæ editionis, Indicis Plantarum utriusque Indiæ in certas redactarum clas-

ses, Musæi Zeylanici, Catalogi Plantarum in Promontorio bonæ spei sponte nascentium, Tractatus de Materia Medica, nec non Paradisi Batavi. Ne autem inelaborata licet ac imperfecta hujus Viri monumenta perirent penitus, *Guilielmus Sberardus*, Botanicus insignis, Sociusque Collegii S. Joannis in Illustri Academia Oxoniensi meritis-
simus, in se suscepit curam, & ex schedulis pluribus construxit Paradisum, quem hic sistimus, Batavum, promittens insuper in Præfatione, & Catalogum Plantarum in Promontorio bonæ spei sponte nascentium. & Tractatum de Materia Medica, brevi in lucem sua opera prodituros.

Præfens Opus Botanicum plus centum exhibet Plantas raras satis atque elegantes, serie alphabetica dispositas, atque figuris æneis non minus, quam descriptionibus illustratas. Equidem olim in Plantarum descriptione ad fructificationem imprimis respiciebat Hermannus, desumens notam, uti loquuntur, characteristicam a feminum eorumque capsularum dispositione: attamen in hoc Opere normam hancce non æque secutus, a totius Plantæ habitu petiit descriptionem. Quantum enim ex Præfatione constat, mutavit Clarissimus Autor suam de methodo Plantarum sententiam, agnovitque omnem characterem insufficientem minusque universalem esse, qui depromitur vel a fructificatione sola, vel a flore modo, vel ab utroque simul juncto. Quippe character, qui a sola derivatur fructificatione, exceptiones patitur in Fumariæ speciebus, quarum aliæ sunt siliculosæ, aliæ siliquosæ, aliæ semina inflatis vesiculis inclusa producentes, uti apparet in Fumaria Africana Vesicaria scandente; quæ difficultates annotantur porro in Papavere, Hyperico, Cisto &c. Floris constitutionem præbere characterem incertum, probatur exemplo specierum Solani, quarum aliæ florem gerunt tetrapetalum, ut Solanum tinctorium Barbadesense & Zeylanicum, aliæ pentapetalum, ut Solanum seu Amarunthes Indicus baccifer. Sic Verbera urticæ folio, nec non Verbena spica multiplici, flores proferunt regulares; species reliquæ congeneres, irregulares. Inter Corymbiferos Plantæ ejusdem generis proferunt flores diversos, scilicet radiatos, nudos, nunc nudos, nunc radiatos. Deniq; & incerta pronunciatur methodus, quæ pro fundamento agnoscit & florem & fructum simul sumptos. Existima-
tur

tur proinde, non ab his tantum sed a totius Plantæ habitu crescendiq; modo characterem esse derivandum. Quamvis vero Plantæ in Paradiso Batavo traditæ in certas classes haud sint redactæ, describuntur tamen secundum methodum jam indicatam.

LIBRI NOVI.

Raphaelis Fabretti Gasparis F. Urbinatis Inscriptionum antiquarum, qua in adibus Paternis asservantur, Explicatio & Additamentum. Roma ex officina Dom. Ant. Herculis, 1699. fol.

Alcorani Textus universus ex correctioribus Arabum exemplaribus descriptus, & ex Arabico idiomate in Latinum translatus, appositis unicuique capiti Notis atque Refutatione, Auctore Ludovico Marraccio. Patavii ex typographia Seminarii, 1698. fol.

Harmonia Evangelica, cui subjecta est Historia Christi ex quatuor Evangelis concinnata. Auctore Joanne Clerico. Amstelod. sumptibus Huguetanorum, 1699. fol.

Histoire de l'Eglise, depuis Jesus - Christ jusqu' à present. Par Mr. Basnage. A Rotterdam chez Reinier Leers, 1699. fol.

Racemationes & Florum Sparfiones totius Corporis Juris Civilis. Tomus I. Auctore & per 50 circiter annos collectore Jo. Friderico Polman. Groningæ apud Gisbertum & Jo. Lens, 1699 fol.

Dissertations sur le Messie, ou l'on prouve aux Juifs, que Jesus - Christ est le Messie. Par Mr. Jaquelot. A la Haye chez Franc. l' Honore, 1699. 8.

A Demonstration of the Messias, especially against the Jews. Part II. By the R. R. F. Richard Lord Bishop of Bath and Wells. London, for W. Rogers, 1699. 8.

The Certainty of the Christian Revelation, and the Necessity of Believing it, establisht by Francis Gastrel. London for Thomas Bennet, 1699. 8.

Mr. Locke's Reply to the R. R. the Lord Bishop of Worcester's Answer to his Second Lettre. London for A. and J. Churchill, 1699. 8.

A Journey to Paris in the Year 1698. By D. Martin Lister, London for Jacob Tonson, 1699. 8.

Voyages and Descriptions. Vol. II. By Captain William Dampier. London for James Knapton, 1699. 8.

The Life of John Milton. London by John Darby, 1699. 8.

Remarks on the Life of Mr. Milton. London by J. Nutt, 1699. 8.

Chronicon Hebraeorum Majus & Minus. Latine versit & Commentario perpetuo illustravit Jo. Meyer. Amstelodami apud Jo. Wolters, 1699. 4.

Causa Arnaldina, seu Antonius Arnaldus Doctor & Socius Sorbonicus vindicatus. Leodii apud Jo. Hoyous, 1699. 8.

Sex. Pompeji Festi & Mar. Verrii Flacci de Verborum Significatione Lib. XX. cum notis Andrea Dacierii. Accedunt Nota integra Josephi Scaligeri, F. Ursini, &c. Amstelod. sumptibus Huguetanorum, 1699. 4.

Danielis Georgii Morhofii Dissertationes Academicae & Epistolicae. Accessit Auctoris Vita, & Praefatio Jo. Burchardi Maji. Hamburgi, apud Gotfr. Libernickel, 1699. 4.

Johannis Fabricii D. & Prof. in Acad. Julia Ordinarii Amanitates Theologicae varii & selecti argumenti. Helmestadii apud G. W. Hammium, 1699. 4.

Vita D. Martini Lutheri nummis atque iconibus illustrata, studio M. Christiani Juncker. Francof. & Lipsia apud Georg. Andr. Endterum, 1699. 8.

Petri Van Mastricht Theologia Theoretico-Practica. Trajecti ad Rbenum, apud Th. Appels, 1699. 4.

Galilaei Galilaei Systema Cosmicum. Eiusdem Tractatus de Motu, nunc primum ex Italico sermone in Latinum versus. Lugd. Bat. apud F. Haering & D. Severinum, 1699. 4.

Vita di Don Pietro Giron, Duca d' Ossuna, scritta da Gregorio Leti. Amsterdamo appresso Georgio Gallet, 1699. 12.

Jo. Vander Waeyen Sermo Academicus de Numero Septenario iterum editus, additis Vindictis &c. Franequera 1699. 4.

ACTA ERUDITORUM

Publicata Lipsia

Calendis Junii, Anno M DC XCIX.

A DEMONSTRATION OF THE MESSIAS &c.

h. e.

*DEMONSTRATIO MESSIÆ, QUÆ VERITAS RELIGIO-
nis Christiana, contra Judæos potissimum, defenditur. P. II.*

*Autore Maxime Reverendo in Deo Patre RICHAR-
DO Episcopo Bathoniensi & Wellensi.*

Londini apud W. Rogers, 1659. 8. Alph. I. plag. 12.

INtegra tria abiere lustra, ex quo Vir Maxime Venerandus Richar-
dus Kidderus, Bathoniensis & Wellensis hodie Episcopus, pri-
mam partem hujus Demonstrationis suæ edidit. Quæ quod in
Actis nostris hætenus locum non invenerit, infelicitati nostræ
est tribuendum: siquidem cum recens in lucem producta esset, ad
manus nostras non pervenit; nunc autem prolixius eam recensere,
postquam tanto tempore doctorum virorum manibus versata fuit, su-
pervacaneum foret. Quin & ex altera parte prolixius enarranda,
facile de eo, quod priori ponendum est, prætio secum unusquisque sta-
tuere poterit. Cum itaque in parte priori Autor Maxime Reveren-
dus argumenta, quæ cuivis non iniquo rerum æstimatori, potissimum
autem Judaismi principiis imbuto, religionis Christianæ veritatem per-
suadere possint, luculenter proposuerit; in altera hac parte accuratis-
sime omnibus Judæorum argumentis ad evertendam eam proferri
solitis respondet. Ea summo studio ex libro Nizachon, R. Isaaci
Chizuk Emunach, aliisque hujus furfuris libris conquissivit; imo
& peculiari industria manuscriptum Lusitanum, a Menasse Ben Israel,
quem ipsum hujus foetus parentem esse existimat, Richardo Cudwor-

Hh

tho

tho olim, tanquam omni apparatu ad religionis Christianæ perniciem tendente instructissimum armamentarium monstratum, examinandum suscepit: nec ea quæ eruditus Judæus contra Limborchium, & Abarbanel in Commentariis ad Prophetas posteriores expedire arma, trepide evitavit, sed inutilia reddere omnia sustinuit. Exordium autem huic disceptationi ejus dedit luculenta comparatio argumentorum, veritatem divinitatemque missionis atque scriptorum Mosaicorum Judæis, Christi vero & Apostolorum nobis persuadentium, quæ statim a cavillationibus Judæorum vindicantur. Cumque Christum & miraculorum sive copia sive magnitudine, & prædictionum veritate, Moſen longissime superare planissime constet; historia vero eorum, quæ a Christo & Apostolis ejus gesta sunt, traditione non minus firma quam gesta Moſis nitantur; & denique scripta, quibus Christiana nititur religio, non minus luculente impressos præ se ferant divinæ originis characteres quam Mosaica: invicem inde concluditur, vel nimix credulitatis adversus Moſen, vel incredulitatis nimix adversus Christum, Judæos reos peragendos esse. Incredulitatis vero hujus causa cum in argumentorum pro Christo militantium infirmitate quæri non possit, verior ejus ratio inquiritur: quam Maxime, Ven. Autor præcipue in ingenio eorum ad carnis delicias nimis proclivi, in malitia & pertinacia, in fastu denique & superbia eorum collocat; tum etiam porro in superstitiosa, ac cum neglectu solidorum magis officiorum conjuncta rituum & ceremoniarum observatione, in cæco quo ferantur in doctores suos studio, in stulta traditionum sive legis oralis veneratione, in insecuta vitia ista induratione. Quæ omnia, ut ferat hujusmodi rerum natura, aliam adhuc incredulitatis Judaicæ causam pepererint, mediorum scilicet, quibus ad veritatem perducerentur, raritatem. Accessisse postremo omnium scandala ab ipsis Christianis miseræ genti, & vivendo improbe, & absona multa docendo atque agendo, quod in Romana Ecclesia præcipue fiat, & feralia odia ac intestina bella gerendo, objecta. Præcipuis hisce causis insuperabilis fere Judæorum incredulitatis expositis, alia adhuc impedimenta quædam supersunt, a Max. Ven. Autore observata, charitatis scilicet Judæis a Christianis exhibendæ raritas, eorum in liberis suis instituendis ac contra Christianam religionem mature armandis infausa diligentia, horrenda eorum, qui Synagoga ejurata Christo no-

men

men dant, inter Judæos detestatio, & denique quorundam, qui a Judaicis ad Christiana castra transierunt, hypocrisis perfidaque malitia. Jam vero quantum ad rem ipsam, dubiaque a Judæis sanctissimæ religioni nostræ opponi solita, præcipua fere eorum vis in oppugnandis quatuor Evangelistis versatur. In quatuor classes argumenta, quibus fidem eorum impugnant, Max. Rer. Autor dispescuit. In prima classe ea collocat, quibus miseri Apellæ quatuor Evangeliorum historiam, neq; sibi ipsi satis constare, neq; cum perspecta omnibus rei veritate consentire, conantur evincere, atque huc refert objectiunculas, quas narrationes de ficu a Christo maledicta, de Christo pro hostibus suis in cruce apud Patrem suum intercedente, (quæ cum Christianorum opinione de efficacia intercessionis Christi, & calamitatum Judaicarum causa nequeat conciliari) de tempore quo ad Christi resuscitati sepulchrum processere mulieres, Angelorumque qui ipsis apparuere numero, & denique de templo Herodis spatio annorum XLVI extructo, ipsis suppeditant: cavillationibus enim contra genealogiam Christi, a Matthæo & Luca traditam, ad hoc caput referendis, ob rerum dicendarum copiam, peculiarem inferius locum concessit. Reliquis vero objectionibus istis non tantum datas ab aliis responsiones nova luce collustratas opponit, sed & majoribus longe Veteris Testamenti historiam laborare ostendit. Secundam argumentorum Judaicorum classem contra religionem Christianam absolvunt ea, quibus quatuor Evangeliorum historiam legi Mosaicæ contradicere, satis infelicitè probant. Quam futilis enim sit Mosis, juramentum per nomen Dei jubentis, & Christi, jurare suos omnino nolentis; Mosis, polygamiæ & divortia permittentis, & Christi, obicem licentiæ isti ponentis oppositio: quam inepta verborum Christi mandatum suum de charitate fraterna novum appellantis, cum vetus tamen sit & a Mose jam traditum, interpretatio, perspicue post alios Maxime Rever. Autor docuit. In tertia classe argumentorum ea collocantur, in quibus ab Evangelistiis communis omnium Christianorum fides, ex falsa Judæorum persuasione, abit. Talia sunt loca Matth. I, 25. XII, 46. XIII, 55. 56, quæ receptæ Christianorum de perpetua virginitate Mariæ: loca Matt. XIX, 17. XX, 23. Marc. VI, 5. XIII, 32, quæ doctrinæ de divinitate Christi: locus Matth. XII, 40. qui Christianorum sententiæ de resurrectionis Christi tempore, repugnare ab ipsis creduntur. Quar-

tam denique classem argumentorum Judaicorum, quibus responde-
tur, constituunt loca V. T. perperam ab Evangelistis ex eorum senten-
tia allegata. Citare enim eos loca quædam nusquam in sacris V. T. libris
obvia sibi persuadent, quod fieri putant a Matth. c. II, 23. ubi tamen
vel ad sensum respici Doctiss. Autor arbitratur, qui omnibus Prophe-
tis (hic proinde etiam generatim citatis) communis sit, qui Nazara-
um fore Christum crediderint, quocunque sensu vox illa hic accipia-
tur; vel ad vaticinium nonnisi per traditionem servatum, cujus, oc-
casione commemorationis Christi apud Nazarenos, facta mentio sit, ut-
pote quæ istam seu compellationem, seu statum Christi, in memoriam
omnibus revocaverit. Similes allegationes locorum nusquam in V. T.
obviorum occurrere Judæi, sed similiter confutati, putant Matth. V,
43, (quam allegationem, si sensum respicias, recte se habere, nec opus
esse ut ad traditiones Pharisaismi corrupti confugiamus, Max. Rev.
Autor putat, Exod. XXXIV, 12. 16. Deut. VII, 2. 3. Deut. XXV, 17. 19. cum
Exodi XVII collata, consuli jubens: legemque de charitate adver-
sus hostes Judæis datam ad *συγγενῆς* tantum pertinere existimans,
quod ex collatione Exod. XXXII, 4. cum Deut. XXII, 1. 2. 3 & præxi
Judæorum confirmat,) item Joh. VII, 38. XIX, 28. 36. At porro in vere
allegatis, Evangelistas aberrare tamen quandoque in circumstantiis
nonnullis, objicientibus Judæis respondet, atque adeo loca Marc. II,
26. Matth. XXV, 32. XXVII, 9. vindicat; de quorum ultimo observan-
dum esse duximus, non improbabile Autori nostro videri, Jeremiæ es-
se caput IX, X, XI, XII, XIII & XIV vaticiniorum, quæ Zachariæ tribu-
untur, cum illius longe rectius quam hujus temporibus ista conveni-
ant. At neq; quod calumniantur Judæi, præter rem atque inepte V. T.
Scripturas ab Evangelistis allegari, ostendit, meritoq; applicari rebus,
de quibus agit, a Matth. c. II, 15, 17, 18, *τυπικῆς & μουσικῆς ᾠδῆς* in
V. T. prolata, evincit. Quid quod alludendi quoque libertatem inte-
gram Evangelistis relinquendam esse existimet? Examinatis autem
contra quatuor Evangeliorum historiam proferri solitis objectiuncu-
lis, ad eas progreditur, quibus reliquorum N. T. librorum fidem ener-
vare nituntur, idque eo ordine, quem R. Isaac in iis proferendis fuit
secutus. Sic ut unum solum adducamus exemplum, omnes R. Isaaci
evanescere ostendit scrupulos circa locum Act. VII, 16. si observetur,
post *ἀργυρίου* omitti per ellipsin conjunctionē *καὶ*, & verba *ἐν τῷ μνή-
ματι*, ex proxime præcedentibus esse repetenda; quo observato, istam
totius

totius textus affert paraphrasin, nulli dubiorum Judaicorum obnoxiam: Jacob & Patres nostri, in Ægypto vita functi, inde in Sichem deportati fuerunt; & nonnulli quidem eorum cum Jacobo in sepulchro, quod Abrahamus certa pecuniæ summa emit, fuere conditi: alii vero cum Josepho repositi fuere in eo sepulchro, quod a filiis Emmor, parentis Sichem, mercatus est Jacobus'. At maximam longelibri hujus partem implent ea, quæ Judæis historiam nativitatis Christi, prout a Matthæo traditur, arrodentibus, & genealogiam ejus ex dissensu inter Matthæum & Lucam omnimodæ falsitatis argumentibus opposuit. Horum argumentorum priori integrum caput V dicavit, in quo tamen potissimum allegatio prophetica apud Matthæum c. I. comm. 22 & 23 examinatur & vindicatur. Genealogiæ Christi vero capita sequentia decem impenduntur: & quantum ad difficultates scopulosq; in genealogia a Matthæo concinnata obvios, sigillatim eas omnes examinat, atq; adeo in amovendis iis quæ comma 1: capitis I Matthæi impeditū reddunt, Hieronymum, Gomarum & Spanhemium; quæ v. 12, Gomarum, Spanhemium, Piscatorem; quæ v. 13. Lucam Brugensem, & Lightfootum in Harmonia; quæ v. 8, Grotium, Lightfootum, Spanhemium & Possinum potissimum secutus esse videtur. De Cainane apud Lucam c. III, v. 36, præter Hebraicorum codicum fidem commemorato, ipse quidem cum Cordesio, Grotio & Spanhemio sentit, irrepsisse, nescio ejus vitio, istud nomen, tam in versionis LXX Senum, quam in Lucæ Evangelistæ codices: satis commode tamen etiam a nonnullis, Cainanis nomen ab ipso Luca profectum esse defendentibus, excusari Evangelistam observat, eorumque ἐπιλυσιν ex Usserio, Junio & Lightfooto, uti videtur, decerptā, prolixè satis exponit. Eosdem aliosque Viros doctos sequitur in sequentibus capitibus, in quibus dubiis, quæ ex instituta genealogiæ a Matthæo & Luca traditæ collatione nascuntur, una eum aliis quibusdam huc pertinentibus quæstiunculis respondet. Ast ultimum denique caput alterius generis objectionem explodit, eam nimirum quæ Etiam, Messias adventum præcessurum, nondum venisse, adeoque Jesum non esse posse Christum urget. Qua prolixissime discussa, finis huic volumini imponitur, ita tamen ut tertii adhuc voluminis spes nobis relinquatur. Cujus lemmata hic exhiberi cum haud invitos passuros speremus Lectores, nos quoque volentes lubentesque ea nunc repræ-

sentabimus. Complectetur itaque illud de æternitate Legis Mosai-
cæ; de pace temporibus Messia promissa; de promissione Messia nul-
la conditione restricta; de sensu verborum *in ultimis diebus*; de vati-
cinio Jacobi Genes. 49, 10 & de loco Haggæi c. II comm. 6 disserta-
tiones nonnullas: historicam item Pseudo-Messiarum enumerati-
onem; demonstrationem, quod doctrina de SS. Trinitate in N. T. tradi-
ta idoneum non sit obstaculum, quo ab Ecclesia Christiana Judæi pro-
hibeantur; disquisitionem de fundamentis expectatæ illustrioris Ju-
dæorum conversionis, & denique de nostris, pro varia conditione
nostra, in promovenda Judæorum conversione officiis dissertationem.
Quæ omnia uti dispellendis, quibus infelix Judæorum gens opprimi-
tur, tenebris egregie non conducere non possunt: ita prætereundum
non est, potiorum voluminis, quod nunc præ manibus habemus par-
tem, illustris quondam Viri R. Boylii laudabili instituto deberi, qui con-
tra Judæos aliosque infideles quotannis, suppeditatis in eam rem sum-
tibus, publice disputari voluit. Priora namque hujus libri capita Maxi-
me Ven. Autor, ut Boyliana voluntati satisfaceret delectus, publice e-
differuit: id quod propterea monendum duximus, ut ob hoc quoque
illius meritum, Viri omnes laudes supergressi Manibus Lectores no-
stri occasione ista bene precarentur.

M. MINUCII FELICIS OCTAVIUS, ET COECILII CYPRIANI
de Vanitate Idolorum Liber: uterque recensitus & illustratus a
CHRISTOPHORO CELLARIO.

Halæ, sumptibus Zeitleri & Musselii, 1699. in 8. plag. 16. & dimid.

Qui nuper Lactantium insigniter illustratum in lucem ediderat,
quem superiore Novembri pag. 535 recensuimus: idem nunc
Marcum Minucium Felicem, ejusdem argumenti, nec minoris
ingenii Scriptorem elegantissimum, quo ipse Lactantius usus fuerat,
pari industria ornatum exhibet. Causam eandem sibi editionis di-
cit fuisse, quæ in edendo Lactantio fuerat, ut puræ Latinitatis Scripto-
res, iique Christiani, in nostris oris excusi, notiores juventuti nostræ
fiant, &, quod maximopere suadet, in ipsis quoque Scholis Christia-
nis cum ceteris receptis auctoribus Latini sermonis, ad explicandum
conjugantur. Multiplicem usum ejus conjunctionis præfatione
osten-

ostendit, quod ita futurum omnino sit, ut æque adolescentes in pietate, & in Lingua Latina proficiant: etiam Antiquitates Ecclesiæ simul condiscant, quas non nescire, Christianæ rei tantum, aut etiam plus intersit, quam Romanorum Græcorumque mores atque ritus, quibus multum temporis impendamus, cognovisse. Addit, Mythologiam & de Diis notitiam, vanam quidem per se & inutilem, sine qua tamen utiliores Gentium scriptores nequaquam possimus intelligere, ex Christiano, qui vanitatem simul ostendat, salubrius cognosci, quam ex profanis, qui superstitionibus fucum & speciem adlinant. In his usibus æque præstantem Lactantium esse, sed Minucium brevitate, gratiorem, præsertim adolescentiæ, cui tædio sint longiores sermones; perspicua brevitatis, multum paucis eleganter complexa, propter ætatis impatientiam & utilior longe, atque etiam jucundior. Ipsa editione hæc sunt præstita: Ipsum Minucium Editor cum cura emendavit, usus ad id observationibus omnium, qui de Auctore hoc meriti unquam fuerant: in quibus primas Viro accuratissimo Jo. Fridrico Gronovio defert. Erat etiam quod a clarissimo Viro, Jacobo Perizonio, expectaverat, sed cum sero ejus litteræ allatæ fuissent, in fine adjecit, quæ ab illius ingenio acceperat. Notas & interpretationes non parce addidit, quibus tam Latinitatis rationem habet, quam antiquitates & historias illustrat. Celebris Jurisconsulti, Francisci Balduini, Dissertationem de Minucio apposuit, quæ instar commentarii est, & Antiquitates Ecclesiasticas maximopere commendat, etiam Jurisconsulti Christiani ideam sub exemplo præscribit; ut nihil desit huic commodæ editioni. Accedit S. Cypriani libellus de Idolorum Vanitate, ex Minucii Octavio, id est Dialogo ab Octavio, principe colloquentium persona dicto, expressus, nec minus, quam ille, Notis Editoris celeberrimi ubique illustratus. Testimonia & Judicia, & Indices tres adjecti: primus Auctorum, quibus Minucius & Cyprianus, etiam erudita Dissertatione Balduinus usi fuerunt: alter Rerum notabiliorum: & ultimus Verborum sive Latinitatis.

ALCORANI TEXTUS UNIVERSUS EX CORRECTORIBUS
Arabum exemplaribus descriptus, ac ex Arabico idiomate in Latinum translatus; appositis unicuique capiti Notis atque Refutatione. Præ-
missus est Prodromus totum priorem Tomum implens, Auctore LU-

DOVICO MARRACCIO, e Congregatione Clericorum

Regularium Matris Dei &c.

Pata-

Patavii ex typographia Seminarii, 1698. in fol. Alph. 14.

Cum quadripartitum Prodromum ad Refutationem Alcorani ante octennium primum in lucem ediderat Reverendus Marraccius, cujus præcipua capita nos in Actis hisce, mensibus Julio ac Augusto anni post nonagesimum secundi exhibuimus; spes, quam dudum Wagenfeilius (in Præf. Tel. Ign. Sat. p. 47) aliique fecerant, de integro opere mox secuturo augebatur: cujus etiam eventus citius subsequutus fuisset, nisi immaturus Eminentissimi Barbadici Cardinalis ac Episcopi Patavini, cujus auspiciis illud adornatum fuit, obitus intervenisset. Nunc vero demum magnificum illud ac plusquam quadraginta annorum opus, de quo felicissime absoluto merito omnes gratulantur octogenario Seni, integrum in publicum prodiit, cujus æconomiam paucis juxta nobis consuetum morem declarabimus. Integer Liber in duas partes distribuitur, quarum altera *Prodromum* Romæ olim excusum complectitur, ac præter Indices Alphabeticos rerum, notabilium nihil novi continet: altera vero ipsum *Alcorani textum*, ex correctissimis Arabum codicibus summa fide descriptum & pulcherrimis characteribus depictum sistit, cui præter *Latinam Versionem*, *Notæ* sive Scholia, quibus juxta Arabum Interpretum mentem, obscuriora, & præsertim quæ ad historiam spectant, dilucidantur, ac tandem *Refutata* illorum subjecta sunt. Huic posteriori parti, (nam de priori plura jam repetere nihil attinet) amplam quoque Autor præfationem præmisit, in qua, quid ad opus isthoc hac forma evulgandum ipsum potissimum impulerit, quodque commodum inde in Ecclesiam Christianâ redundare possit, prolixè exponit. Ac primum quidem postquam ex multiplici Arabicorum librorum lectione, imprimis vero ex correctione seu potius nova translatione sacrorum Bibliorum Arabicorum, cujus curam sub Innocentio X & Clemente X Pontificibus ipse habuit, ejus linguæ cognitionem adeptus esset, jamque studiis suis Arabicis Christianæ religioni contra Agarenicam superstitionem subsidii aliquid se conferre posse crederet, nihil opportunius se facturum judicavit, quam si contra Alcoranum omnem suum conatum intenderet, calamumque ac ingenium acueret. Hoc itaque illum adduxit, ut laborem istum exantlandum susciperet, quem alii hætenus, exceptis paucis, quorum catalogum in Præfatione Prodromi texerat (quibus

ex

ex recentioribus jungit P. Jo. Laurentium Luchesium in opere, cui titulus: *Nova copia & series centum evidentium signorum veræ fidei*, nobis etiam Tomo I. Supplementorum p. 227 seqq. recensito; & P. Emma. nuelem Sanzianum, in libro Italico, inscripto: *Breve Trattato, nel quale conragioni demonstrative si convincono manifestamente i Turchi*) neglexerant. Cum vero præstari id a se non posse cognovisset, nisi Alcorani ipsius verbis, Arabice ac Latine, a capite ad calcem fideliter expressis, ea quæ contra eundem dicturus erat, planiora fierent, & confirmarentur, Alcoranum integrum simul exhiberi necessarium judicabat. Ast hic maxima se offerebat difficultas, quæ etiam initium, ac progressum instituti diu remorata est. Adversabantur enim non modo decretum a S. Romanorum Censorum Congregatione sub Alexandro VII Pontifice latum, quo *Alcoranus cujuscumque impressio- nis & idiomatis proscriptus erat*; verum etiam aliorum præjudicia, qui tam pestilentem ac perniciosum librum, si in apicem produceretur, plus damni quam commodi Catholicæ Ecclesiæ allaturum esse censebant. Hæc ergo Adversariorum tela quomodo tunc prius sibi retundenda fuerint, Auctor enarrat, eademque nunc iterum examinat ac magno robore reprimit. Nam quod primo Romanorum Patrum censuram attinet, aliud Alcoranum, aliud vero Alcorani Refutationem esse censet, quæ ab illis Censoribus nunquam interdicta fuerit; cum alioquin omnes controversiarum de rebus religionis Auctores, qui adversus Heterodoxorum errores scripserant, prohibendi fuissent. Regesserant quidem illi, prædictos Auctores ita Hæreticorum libro: impugnasse, ut ex illis ea solum producerent, quæ errorem refellendum continerent, ab integro vero eorum opere cum suo commiscendo abstinuisse. Noster vero non mirum fuisse regessit, quod illi integra Adversariorum volumina in opera sua non transfulerint; hoc enim & nimis onerosum ob magnitudinem vel multitudinem librorum, & inutile etiam futurum fuisset: at vero breviora opuscula, quale est Alcoranus, non semel a Catholicis scriptoribus, vel integre, vel quoad maximam partem, verbis suis relata atque impugnata fuisse ostendit. Nam ita S. Augustinum, contra Fausti Manichæi errores scripturum, integrum illius librum per partes allatum censoria virga castigasse; scribentem etiam contra Fortunatum Manichæorum presbyterum, contra Felicem Manichæum, contra epistolam Secundini

Manichæi, contra sermonem Arianorum, contra Maximum Arianorum Episcopum & alios, fere semper Antagonistarum verba vel omnia vel pleraque adduxisse. Simile quid factum & ab aliis. Esse præterea peculiare rationes Auctor monet, quibus nullo modo, prout opus est, Alcoranum refelli posse demonstratur, nisi totus non solum Latine, sed etiam Arabice cum confutationibus exponatur. Earum præcipua est, quod in cæteris Heterodoxorum libris materia tantum, non vero forma castiganda veniat, in Alcorano vero utriusque inspectio attenta requiratur. Nam cum Mahumetus non semel in eo jactet, imo Deum affirmantem inducat, librum hunc tantæ esse excellentiæ, tamque perfectæ & absolutæ structuræ, & si homines universi una cum Geniis seu Dæmonibus simul convenirent, atque omne studium totumque ingenium adhiberent, ut unam tantum Suram seu caput Alcoranicis simile conscriberent, irrito conatu sint defudaturi; ac communiter Mahumedani enormibus Alcoranum elogiis venerentur: ut hanc prodigiosam insaniam universus terrarum orbis cognosceret, ac contra, quam mendax, quam impudens fuerit Mahumetus, qui tam mira ac magnifica de hoc suo libro prædicaverit, nec non mendacia, errores, blasphemias, fabulas, nugæ, quibus totus confertus est, manifestissime agnosceret, necesse omnino fuisse, Alcoranum ipsum totum, quantus est, cunctorum mortalium oculis exponi.

Tantum itaque aberat, ut quod secundo loco urgebant Adversarii, iste liber hoc modo vulgatus, Ecclesiæ Christianæ aliquod incommodum afferre posset, ut potius Dæmonis astu factum fuisse Auctor existimet, quod Ecclesiæ Christi tanto tempore incognitæ manserint hæc istum suorum machinæ & arma, quo minus adversus ea sese præmunire posset. Neque enim impetus eorum repellere, neque astus eludere nos unquam posse, nisi ex eorum armamentario tela sumamus, & eorum technas ab ipsis addiscamus; quod sine Alcorani subsidio nunquam assequemur. Quod si forte aliquod in Ecclesiam damnum inde redundaret, id tunc demum accidere posse scribit, si talis liber absque congruis confutationibus & apologiis publice ederetur; quamquam non defuerint inter ipsos Catholicos Viri sapientes ac probi, qui existimarint, posse etiam sine refutationibus Alcoranum tuto & utiliter omnium manibus oculisque permitti, cum a nullo melius quam a se ipso refutetur.

Jam

Jam vero maximam utilitatem considerari cupit, quam Reipublicæ Christianæ, imprimis vero Missionariis Apostolicis contra insultus Deriviorum seu Sanctorum, qui apud Mahumetanos religiosam vitam & exactiorem Alcorani observantiam profitentur, ac superstitionem suam inter Ethnicos orientales jam diu disseminare cœperunt, hic liber afferre possit. Hos enim cum suis rationibus ac persuasione, naturæ ac dictamini rationis conformibus, quales sunt, unum esse Deum, preces esse fundendas, eleemosynas erogandas, justitiâ servandam, virtutes excolendas, nemini injuriam faciendam, Deo operum suorum rationem reddendam esse, & similibus, plus apud ipsos profuturos, quam Christianos, cum illis Deum unum & trinum, Deum hominem factum, pauperem, crucifixum, mortuum ac sepultum, mysterium Eucharistiæ, monogamiam, vitam perpetuæ cruci conjunctam, beneficentiam erga inimicos, felicitatem summam sitam in bonis quæ nec oculus vidit, nec auris audivit, & alia hujusmodi dogmata, vel humani intellectus captum excedentia, vel naturali conditioni difficillima, si non impossibilia, proposuerint: nisi antea Ethnici illi instruantur, etiam testimonio ipsius Alcorani, nihil religionem Christianam continere vel absurdum vel falsum, quantumvis captu arduum, sed omnia in ea vera, certa, & divino testimonio in Pentateucho & Evangelio (quos Mahumetus ipse libros a Deo traditos & certissimæ veritatis esse affirmat) comprobata; contra vero nihil in Alcorano veri sanique esse, seu circa mysteria a Deo revelata & virtutes theologicas, sive circa virtutes morales, quod non pluribus fabulis, ineptiis & erroribus plerumque commixtum sit, & quod in Evangelio & Christiana religione purum, integrum & sincerum, sed & uberius non doceatur: Mahumetum porro nihil aliud fecisse, quam quod veram & prope universalem in orbe religionem corruperit, novamque ac perversam superstitionem armis, fraudibus, aliisque malis artibus invexerit. Si hoc modo idololatræ præoccupentur, non ita facile eos a Mahumetanis seduci posse ostendit; quod vero aliter fieri non possit, nisi Alcoranus ipse illis exhibeatur ac prælegatur, iique coram ipsis Mahumetanis ejusdem testimonio convincantur.

His ita solide deductis, de præsentis operis ordine ac dispositione disserit. Ac primum quidem monet, se textum Alcorani Arabicum cum omnibus motionibus seu vocalibus aliisque signis & no-

tis Grammaticalibus, aliquandiu post scriptum a Mahumeto Alcoranum, ab Arabibus ad Rabbinorum Judæorum imitationem inventis, quæ in antiquis exemplaribus non reperiuntur, exhibuisse. Porro rationem reddit, cur verbotenus & ad literam Arabicum textum exprimere maluerit, quam optimum alias interpretandi genus, a D. Hieronymo, Cicerone aliisque Sapientibus traditum sequi, quo non verbum e verbo, sed sensus e sensu exprimitur. Denique quod isti versioni notas subjecerit, id ideo potissimum factum esse dicit, ut in sensu Alcoranicum Adversariis conveniret, adeoque propriis armis ipsos legitime oppugnaret; quod Alcoranici Glossatores sæpius quamplurima Alcorani loca deformatint ac defædarint, quæ ad bonum sensum trahi aliquo modo potuissent.

Nunc autem tempus erit, ut tum ex ipsis illis Notis, tum ex Refutatis, exempla quædam proferamus, quæ de Auctoris industria ac dexteritate testificari queant. Ac ad primam statim Suram sive caput, præter diversas ejus inscriptiones, ex Alhasan notat, quantam in veneratione illam Mosleni habeant, dum Deum primum centum & quatuor libros e coelo demisisse; horumque scientiam in quatuor ex illis, nempe Pentateucho, Evangelio, Psalterio & Phorcano posuisse; deinde totam horum quatuor scientiam in Alcorano collocavisse; denique totam Alcorani scientiam in prima ejus Sura conclusisse nugantur. Porro ad prima hujus Suræ verba, *in nomine Dei* &c. diversas Arabum expositiones affert, quas inter illa Ahmedi Thalebienensis notari meretur, qui ex Abu Said Hadriensi narrat, dixisse Mahumetum, Jesum Mariæ Filium a Matre sua missum fuisse, ut literas, sub præceptore addisceret, cui præceptor, ut diceret, *In nomine Dei*, *miseratoris misericordis*, imperaverit: Jesu vero, quid significant in dictione *Bismi* tres characteres *B. S. M.* interrogante, respondisse præceptorem, nescio; cui Jesus: litera *B.* significat *Bab* Allah (id est majestas Dei) *S. Sana* Allah (celitudo Dei) *M. Molcoba* (regnum ejus.) Bene est quod Mahumetani credant Jesum, licet puerum, magistri sui fuisse doctorem; at ridicule satis putant, Hebræorum, scholis Arabicæ linguæ Magisterium fuisse. Nec minus prolixus est in recensendis Mahumetanorum opinionibus, quas de infinitis Mundis habent, eosque hanc Mundorum multitudinem, veteribus quoque Manichæis, & Philosophis, Democrito, Metrodoro, Anaximandro aliisque

liisque cognitam, ab Hebræis potissimum didicisse ostendit. In Refutatis, præter alia, adversus Mahumetanos solide demonstrat, Christianos nunquam a vera religione discesse aut aberrasse, nec religione Christiana perfectiorem fuisse eam, quam Mahumetus deinde docuit per Alcoranum. In altero capite lectu dignissima sunt, quæ ex Arabicis Scriptoribus de Paradiso, fluviiisque, ac mulieribus in eo latentibus (p. 12. 19. 20.) de creatione Adæ (p. 22) de modo orationis & eleemosynarum (p. 25.) de discrimine ciborum, ac jejunio quod Mahumetani servant (p. 70. coll. cum p. 195.) de miraculis quæ Mahumetus patrasse dicitur (p. 54) de sociis & successoribus Mahumeti (p. 62) de peregrinatione Meccana (p. 77) de antiquitate prohibitionis vini, rationibusque hujus interdicti (p. 86. & 237) Author Clarissimus studiose collegit: uti non minus calculum merentur, quæ adversus Mahumetanos in vindicandis Christianæ religionis capitibus, circa integritatem sacrarum Scripturarum (p. 13.) circa fidem de Dei Filio (p. 54.) circa salutem in una religione (p. 48;) ac removendis Scripturæ testimoniis, quibus Mahumetum prædictum fuisse, illi adstruere conantur (p. 26;) nec non contra absolutum decretum a Mahumetanis creditum (p. 17,) Noster in medium adduxit. In tertiæ Suræ notis (p. 112.) peculiarem Mahumetanorum circa peccatum originis sententiam, ex Gelale, Cottada & Thalebienfi adducit, quando nullum nasci existimant, nisi eo momento, quo nascitur, tangat eum Satanas, præter Mariam & Filium ejus, quos ab hac originali culpa immunes mansisse, ideoque nullum postea quoque peccatum commisisse, isti constanter credunt. In eodem capite (p. 113) Christum ex testimonio Mahumetanorum in futuro seculo intercessorem hominum fore probat, quamvis alio loco (p. 3. & 837) id ipsos Mahumeto suo tribuere, per cuius intercessionem illi, qui unum Deum coluerunt, tandem ex igne gehennæ exituri sint, asseruerat; quæ etiam Judæorum sententia est, qui nullū, quantumvis scelestum & flagitiosum, cujuscunq; tandem ille sectæ sit, in gehenna ultra undecim menses, vel ad summum ultra annum, permansurum credunt, præter forte Dathan, Abiron & Atheistas, qui in ea cruciabuntur in æternum. (Vid. Bartolocc. Part. 2. Bibl. Rabbin. p. 128 & Part. 3. p. 421. & Noster p. 39.) Istam quoque Mahumetanorum de morte Jesu sententiam, qua non ipsum Jesum cruci affixum, quem a duobus Angelis in cælum raptum fuisse

fuisse dicunt) sed alium, cujus vultui suam figuram impresserit, cap-
 ptum, crucifixum & occisum fuisse, isti inepte credunt, Auctor se-
 dulo (p. 113) recenset, ac in mox sequenti capite (p. 172 seq.) solide
 confutat. Nec minus in hoc ac proximo quinto capite, multa argu-
 menta pro adstruendo mysterio Trinitatis, (p. 179) & stabilienda
 Divinitate Christi (p. 208) coarcevat, rationesque, quas contra hanc
 Christianorum fidem Mahumetani proferre solent, (p. 196.) strenue
 refellit. Præcipue vero ad id, quod ex cap. 13. Marci objicitur,
 Filium, nempe Christum, nescire diem & horam supremi judicii, sed
 solum Patrem, præter ea, quæ vulgo ad id regei solent, respondet,
 (p. 205) vere dici posse, solum Patrem scire diem judicii, quatenus Pa-
 ter est fons scientiæ Divinæ, cum Christus, etiam ut Deus, nullam ha-
 beat scientiam, nisi scientiam Patris. Quemadmodum pari sensu
 Christus alibi quoque dixerit: *mea doctrina non est mea, sed ejus, qui
 misit me*; ut ita ad Patrem velut primum Divinitatis fontem hæc
 doctrina potissimum referatur.

Has priores Suras prolixè Auctor pertractaverat; in reliquarum
 vero explanatione parcior est, ex qua pauca tamen adhuc delibabi-
 mus. Sapissime in Alcorano dies resurrectionis vocatur occurſus
 Dei, itemque hora & tuba novissima; at iisdem nominibus diem
 illum in Novo quoque Testamento, 1. Theſſ. 4, Joh. 5, 1. Cor. 15.
 &c. saluari, Auctor, observat (p. 249. 250. 581 & 617.) Passim quo-
 que in eodem libro, veterum Patriarcharum, Prophetarum & Evan-
 gelistarum mentio occurrit; qua occasione Noster integras horum
 sanctorum Virorum historias, prout a scriptoribus Mahumeticis tra-
 duntur, ex illorum codicibus sparsim affert, ac quomodo pleræque,
 fabulis ac mendaciis intermixtæ sint, ad oculum demonstrat. Sic de
 Hud seu Hebero, propheta (p. 282,) de Scioaib seu Jetro, itemque
 de Moyse (p. 284,) de Jona (p. 332,) de arca Noë (p. 340) de Jose-
 pho (p. 362,) de Bicorni sive Alexandro Macedone (p. 426) de Jo-
 ho (p. 457) de Dulkephlo Propheta (ibid.) de intelligentia Salomo-
 nis, & muneribus eidem a Balcaisâ missis, deque regio ejusdem pala-
 tio (p. 511) de Carone seu Core, qui se Moſi opposuit (p. 526.) de Loc-
 mane sive Æſopo (p. 546. seqq.) aliisque similibus viris, partim in Scri-
 ptura S. memoratis, partim ex Arabum ingenio confictis, multa ac
 præclara annotat, quæ intra hos cancellos quidem comprehendi ne-
 que-

queunt, digna tamen sunt, ut peculiarem illis perlustrandis curiosus Lector diligentiam impendat. Dignum quoque memoratu est, quod ad Sur. 8. & 14. (p. 300 & 378) de tormento seu examine sepulchri, ex Mahumetanorum sententia adducit, qui nimirum unumquemque in sepulchro post mortem, transactæ vitæ examen subire, ac tormentum foveæ seu sepulchri sustinere credunt; de quo ex Algazalis Professione fidei Moslemicæ sequentia annotat: Non est accepta „fides hominis, donec credat in id, quod traditum est post mortem e- „venturum. Et primum est examē Amer Monker & Nakir. Sunt autem „hi duæ personæ terribiles & horrendæ speciei, quæ hominem in se- „pulchro suo erectum statuent, anima corporeq; constantem. Et in- „terrogabunt eum de unitate Dei, & de missione legati, dicentes: quis „est Dominus tuus, & quæ religio tua, & quis Propheta tuus? Et hi „ambo sunt exploratores sepulchri, & examen eorum est prima pro- „batio post mortem. Et etiam credendum est in tormentum sepul- „chri, atque illud esse debitum, & iudicium, & justitiam erga cor- „pus & animam, juxta id, quod Deus voluerit. Quæ omnia ex Judæo- rum schola provenisse, Auctor suspicatur. Interim nec istud præ- mitti debet, quod ad Suram 15. (p. 384. coll. cum p. 386. & 589) de duodecim cœli turribus sive Zodiaci signis ex commentatoribus Alcoranicis affert. Hæc duodecim Zodiaci signa juxta Gelalem sunt, Agnus, Taurus, Gemini, Cancr, Leo, Spica, Statera, Scorpius, Arcus, Hadus, Aquarius, Piscis. Fingunt autem Mahumetani, consuevisse Dæmones ante ortum Mahumeti in has turres cœlestes seu signa Zodiaci ascendere, atque inde arrestis auribus arcana Angelorum colloquia furtim excipere, quæ deinde ariolis & magis revelarint. Ubi vero Mahumetus ortus est, Deum flammis ardentibus coniectis Dæmonas illos exturbasse, & nihilominus identidem redire tentantes, iisdem flammis territasse ac in fugam convertisse. In Suræ decimæ septimæ notis (p. 414.) nonaginta & novem nomina Divina exponit, quot Mahumetani Deo tribuunt; per centesimum nomen vero, quod ipsis incognitum vulgo audit, nomen 𐤀𐤃𐤁𐤀𐤃 intelligi debere autumat. Porro ad trigesimam sextam Suram 7^{am} vulgo inscriptam, (p. 580,) illam cor imprimis Alcorani appellari; atque a Mahumetanis maxime in funeribus mortuorum adhiberi observat. Alias Auctoris nostri observationes, quas reliquis Alcorani Suris subjecit, præmittimus,

inter

inter quas præcipuæ sunt, de fumo, qui extremum diem antecedit (p. 643;) de primis quatuor Suræ 48 versiculis, qui in vexillis scribi solent (p. 662;) de scindenda Luna in die resurrectionis (p. 689;) de peculiari formula in repudiis: *Tu es apud me, sicut dorsum matris meæ* (p. 709,) de Geniis (p. 755) de Coraisitis (p. 824,) &c. Ex illis autem, quæ hætenus in medium adduximus, facile quoque de reliquis iudicium ferri poterit, quod auspiciatissimum ab omnibus Auctori pollicemur.

**SPICILEGIUM SS. PATRUM, UT ET HÆRETICORUM SE-
culi post Christum natum I. II & III. Autore JOANNE ER-
NESTO GRABIO. Tomus I. sive Se-
culum I.**

Oxoniz, e Theatro Sheldoniano, 1698. in 8. plag. dimid. 49.

PAUCA adeo ex monumentis antiquissimorum Patrum, qui primis tri-
bus Ecclesiæ seculis floruerunt, hodiernum superesse, plura vero,
magno Ecclesiæ & ecclesiasticæ traditionis detrimento, periisse dolens
Clarissimus Auctor, fragmenta tractatuum ejusmodi deperditorum,
cura eo majori colligenda ratus est, sive ea in recentiorum Patrum li-
bris excusis hic illic dispersa haberentur, sive in codicibus manuscri-
ptis adhuc laterent. Minora tamen eorum scripta eodem loco atque
censu habuit, nec quæ illorum temporum Hæretici in lucem publi-
cam protruserunt, indigna judicavit, quæ his immiscerentur, eo im-
primis, quod ad historicam priscarum rerum notitiam non parum
conferre valeant. Volumina proinde aliquot his talibus complere,
& scripta partim integra, partim mutila, eaque vel prorsus inedita,
vel Latine solum edita, Græce simul dare, aut quæ Græce hætenus
modo extitere, iis Latinam versionem addere, imo & utroque qui-
dem idiomate antea vulgata cum codicibus manuscriptis conferre
instituit, usus ita maxime occasione, qua ad Anglicanas, & impri-
mis Oxonienses Bibliothecas liber ipsi, in Angliam quippe nunc dela-
to, accessus patet. Singulis vero Præfationem, quæ notitiam scri-
ptoris, vel scripti saltem istius, tradat, præmittere, notas quoque vel
textui immediate subnectere, vel per signum stellulæ promissas sub fi-
nem cujuslibet tomi addere, inque iis obscuriora quædam loca illu-
strare, dubia discutere, eorum usum ostendere, parallelaque ex a-
liis

liis Autoribus afferre, varias autem lectiones ad oram cujusvis paginae, indicatis, e quibus petita fuerint, codicibus manuscriptis, subjungere decrevit.

Dum itaque primum Tomum Seculumque primum nunc exhibet, nostrum est, ut quanam in eo contineantur, paucis innuamus. Primo nempe statim loco comparent *Abgari & Christi amabae epistole*, quas ut ut pro indubiis haud venditet, aut pro genuinis habendas firmiter haud asserat, nulla tamen demonstratione adeo certa pro supposititiis venditari posse contendit, remque in medio quidem relinquens, objectiones nihilominus a Natali Alexandro & Du Pinio adversus eas motas discutit in additis ad calcem tomi integri Notis, in quibus etiam Abgarorum, seu, ut frequenter vocat, Augarorum, i. e. Toparcharum Edessae seriem prolixam, atque haecenus a nemine tentatam, pandit; textui autem epistolarum ipsi ea Graece addit, quae iis in archivis Edessenis Syriaco sermone subjuncta, & apud Eusebium, sed Graece itidem, repetita sunt. Mox *dicta quadam Christi* sequuntur, quae non in Evangeliorum quidem libris extant, sed apud Barnabam tamen, Clementem Romanum, Justinum Martyrem, & alios habentur. Succedunt fragmenta *Evangelii duodecim Apostolorum* ex Ignatio aliisque Patribus collecta, ubi Autor in Praefatione istud minime agnoscit pro haeretico, sed scriptis potius Ecclesiasticis accenset, idque Evangelium secundum Hebraeos appellari quoque notat, eam fortassis ob rem, quod a primis Christianis Hebraeis, qui Hierosolymis vixerint, & quidem ante quatuor Canonica Evangelia, literis consignatum fuerit. Apostolorum vocari putat eo sensu, quo certum quoddam Symbolum nomine Apostolorum insigniatur, non, quod ab Apostolis ipsis compositum id judicarint Veteres, sed quod fidei ab Apostolis traditae summam contineret. Quod interdum quoque Evangelium juxta Matthaeum dicatur, id interpolatoribus ejus tribuendum affirmat, Nazarais nempe atque Ebionitis; hos enim non ipso Matthaei Evangelio, additis aliis, & aliis contra detractis, (ut plerique, Ignatium & Epiphanium secuti, velint,) sed hoc potius, quod alias secundum Hebraeos nuncupetur, usos fuisse existimat. Comes huic datur ab Autore *Evangelium secundum Aegyptios*, cui, perinde ut illi, titulum inditum arbitratur a primis ejus autoribus, quos Christianos Aegyptios fuisse, ipse hujus libri textus, mysticis verbis more Aegyptio-

rum pleraque involvens, satis indicet. Ad hoc inter alia, si non præcipue, respexisse monet Lucam, dum in proœmio suo plures memoret historias Evangelicas, ad quas emendandas, & defectus earum, supplendos, suum se Evangelium literis consignasse perhibeat. Nec tamen istud heic habetur integrum; verum ejus, æque ac præcedentis, fragmenta tantum aliqua ex Pseudo-Clemente Romano & Clemente Alexandrino apponuntur. Post de *Actibus Apostolicis* disserit, non istis quidem, quos hæretici confinxere, & quorum apud Epiphanium habetur mentio, sed de aliis melioris notæ, quos Varadatus, seculi V Monachus, & Isidorus Pelusiota allegent, e quorum postremo fragmentum eorum Græco-Latinum repetit. Hinc *Institutiones sive Constitutiones Apostolorum* ex Epiphanio & aliis collectas exhibet, easque, licet ab ipsis Apostolis scriptas dictatasve haud existimet, ex istis tamen traditionibus, quas Ecclesiæ ab Apostolis hic illic prædicantibus & ecclesiastica negotia rite constituentibus acceperint & religiose observarint, sub finem primi, aut saltem ipso seculi secundi initio compositas fuisse judicat. Ad scripta *Petri* Apocrypha ubi accedit, *Prædicationis*, quæ nomen ejus indepta est, fragmenta primum exhibet, opusque ipsum non Hæreticis, sed Catholicis Christianis autoribus tribuit. Idem format judicium de *Petri*, quæ subsequitur, *Apocalypsi*. Ut ut enim mira hæc illius fragmenta interdum videri queant, idem tamen & Apocalypsi Johannis accidere posse respondet, si quis secundum litteram dicta ejus interpretari & dijudicare voluerit. Denique & *Actus Petri*, quatenus eorum contenta nonnulla servarunt Clemens Alexandrinus & Origenes, superaddit. Quæ Paulo tribuuntur scripta supposititia, ea heic repetere omnia Auctor noluit, sed de præcipuis, utpote *Epistola ad Laodicenses*, de iis, quas ad Senecam scripsisse traditur, de *Pauli Apocalypsi*, ejusdemque *Anabatico* & *Actis* disseruisse tantum contentus, libellum *Actorum vel Περὶ ἰσθῶν Pauli & Theclæ* integrum, exhibet, & illum quidem ipsum, ceu autumat, quem a Presbytero Asiatico sub finem seculi primi scriptum fuisse testetur post Tertullianum Hieronymus, multum ideo præferendum duobus Græcis Commentariis de vita Theclæ a Petro Pantino editis, quorum unus Basilii Seleuciensis, alter Simeonis Metaphrastæ nomen sibi inditum gerat. Præstantissimi vero hujus ob antiquitatem suam libelli textum Græcum ex codice manuscripto Bibliothecæ Bodlejanæ primus nunc in lucem pro-

profert, Latinamque interpretationem suam cum notis addit, subjuncta ad calcem versione antiqua, quam itidem ex codice quodam Bibliothecæ modo memoratæ descripsit. Mentionem quoque paucis injicit fragmenti cujusdam, quod ex Actibus Pauli alleget Origenes, ita ex versione Ruffini scribens: *Unde & recte mihi dictus videtur sermo ille, qui in Actibus Pauli scriptus est, quia hic est verbum animal vivens.* Uti autem de Christo ibi sermonem esse, agnoscit Autor: ita suspicatur, vel Origenem vitioso Actorum Pauli, vel Ruffinum malo Origenis exemplari usum, ac in Græco scriptum fuisse simplex ζῶν, non autem ζῶον, vel ζῶον ζῶν, qua ratione Actorum Pauli consarcinator fortean respexerit ad verba Apostoli: ζῶν γὰρ ὁ λόγος & Θεὸς, Hebr. IV, 21. Pergit ad *Testamenta duodecim Patriarcharum, filiorum Jacob*, quæ a Judæo olim scripta, a Christiano antem, post interpolata fuisse suspicatur, eademque forsân locum sortita censet inter LXXII libros Apocryphos Veteris Testamenti, quot olim extitisse, & una cum XXII scriptis Canonicis ad Ptolomæum, Ægypti Regem, missos fuisse referat Epiphanius. Hebræo primum idioma te composita in Græcum post translata a Joanne Chrysostomo, perhiberi notat in codice manuscripto Bibliothecæ Bodlejanæ, sed fidem huic assertioni nullam tribuit. Interea tamen, cum Græci textus nihil hætenus lucem viderit, exceptis paucis periodis a Cotelerio, Galeo & Whartono hinc inde exhibitis, idcirco eum integrum, juxta membranaceum codicem manuscriptum in Bibliotheca Academiæ Cantabrigiæ asservatum sistit, una cum versione Latina Roberti, Episcopi Lincolnienfis, jam olim quidem A. 1549 Parisiis excusa, inque Orthodoxographis & Bibliothecis Patrum recusa, sed tot tantisque cum sphalmatibus, ut sæpius nullum, aut ineptum, imo absurdum quandoque sensum fundat. Quamvis ergo Autor editionem illam Parisinam per omnia secutus fuerit, ad oram tamen paginæ cujuscunque sphalmata plurima emendavit, nec typographi solum, verum & ipsiusmet interpretis errores subinde correxit. Prolixissima omnium est, quæ nonnullis *Clementis Romani fragmentis* præmittitur, Dissertatio, scripta sancti hujus Patris & genuina & supposititia excutiens. Tanquam genuinam maxime primam ad Corinthios Epistolam celebrat & vindicat; supposititiæ vero opera perlustrans, inter alia iis contradicit, qui Petri & Apionis Disputationem pro parte vel appendice

Recognitionum Clementis venditent. Recognitiones has Clementi tributas, non a Bardefane aut alio Hæretico, sed a Catholico quodam scriptas sibi persuadet, aut per hæreticos tamen corruptas fuisse haud inficiatur. Κλημέντια ab Athanasio & Nicephoro memorata, diversa fuisse putat ab istis Homiliis, quas Cotelarius ex Bibliotheca Regis Galliarum primum ediderit. Fragmentorum de cætero Clementis maximum vocari meretur pericope Græci textus e libris Recognitionum, quam ex codice Eusebii MSto, textu Latino ex Cotelarii versione adjuncto, Noster repræsentat. Post fragmenta Scriptorum Catholicorum, sequitur spicilegium Hæreticorum Seculi I, in quo tamen utramque paginam solus facit *Simon Magus*, cujus librorum fragmenta paucula ex Hieronymo & Mose Bar Cepha repetuntur. Reliquorum libros aliquos a Scriptoribus Ecclesiasticis nominatos quidem, sed nulla eorundem fragmenta inde descripta se reperisse testatur. Cerinthum Apocalypsin condidisse, perperam a nonnullis observat colligi ex verbis Caji, Presbyteri Romani, in dissertatione adversus Proclum apud Eusebium prolatis, cum in his potius Cajus ipsam S. Johannis Apocalypsin Cerintho adjudicet.

Quod ad Notas Operi absoluto subnexas attinet, præter ea quæ jam superius exin producta sunt, aliqua adhuc referenda nobis videntur. Occasione nempe librorum Henochi in Testamentis XII Patriarcharum citatorum, amplissima duo fragmenta libri istius primi, quæ Georgius Syncellus in suam Chronographiam transtulit, describit, Græcumque textum pariter ac Latinam versionem in uno atque altero loco emendat, & ad oram paginæ antiquiorum, qui ea citarunt, Patrum verba subnotat. Quidnam denotent *πλάκες τῶν ὀφθαιῶν*, seu Tabulæ cœli, in Testamento Levi nominatæ, fusius exponit verbis Clar. Dodwelli, qui in peculiari dissertatiuncula in gratiam Autoris conscripta id egit, ut legem in cœlis archetypam iisdem significari ostenderet; prout & idem Chronologiam Patriarchalem in Tabulas redegit, quas Noster integras cum Lectoribus suis communicat.

LETTRES ET MEMOIRES DE FRANCOIS DE
VARGAS, &c.

i. .e

EPISTOLÆ ET COMMENTARII FRANCISCI DE VARGAS,
Petri de Malvenda, ac quorundam Hispaniæ Episcoporum, Conci-
lium Tridentinum concernentes. Ex Hispanico sermo-
ne in Gallicum translata & Notis illustrata a
MICHAELE LE VASSOR.

Amstelodami, apud Petrum Brunel, 1699. 8. Alph. 1. pl. 15.

SUnthæ Epistolarum & Commentariorum manuscriptorum ple-
rumque fata, ut in bibliothecis Virorum illustrium delitescentes,
cum blattis & tineis colluctentur, aut si foras prodire illis contingat,
in manus incidant hominum imperitorum, qui pretium ejusmodi
monumentorum non intelligentes, præstantissimos thesauros aut per-
dunt ipsi, aut perire patiuntur. Ast benigniorem fortunam exper-
tæ sunt Virorum celeberrimorum Epistolæ aliaque monumenta, in
Gallicam linguam translata, notisque doctissimis illustrata, & luci pu-
blicæ exposita a Viro jam ob alios ingenii fœtus orbi erudito satis co-
gnito, Michael Le Vassor. Singularem ejusmodi epistolarum & mo-
numentorum apparatus ex Belgio in Angliam secum anno 1625 re-
tulit Guilielmus Trumbul, Eques, Vir dignitate, munerumque, quibus
functus est, splendore, prudentia quoque & eruditione, maxime, dum
viveret, conspicuus. Is Jacobo I rerum summam in Britannia te-
nente, Legatis quos Rex in Belgium miserat, ut tractatui pacis, qua
Hispani Belgæque bellum utrique genti molestissimum finire aut sal-
tem suspendere nitebantur, interessent, ab Epistolis fuit secretioribus;
post sancitas vero A. 1609 inducias, Bruxellis, ut Regis negotia ibi cu-
raret, ejusque commodis invigilaret, remanere jussus est. Quo qui-
dem tempore hæ Epistolæ & Commentarii, quos nunc publicæ luci
expositos videmus, ad eum pervenere: at quo fato, Michael Le Vas-
sor, qui in præfatione hæc commemorat, definire non audet. Ast si
conjecturis indulgere fas sit, a vero haud omnino abhorreere putat,
cum Cardinali Granvellanus, ad quem pleræque harum epistolarum
scriptæ sunt, Belgio excedere juberetur, partem suppellectilis ejus li-
brariæ, & hæc inter alia quoque epistolas, penes quendam, qui ab E-
pistolis illi fuerit, fuisse relictam, a quo cuncta tandem acceperit Tram-

bullius. Quicquid hujus sit, asseruit hunc thesaurum diligenter Vir illustris, nec quicquam edidit harum epistolarum, forte, ut suspicatur Editor, quod promississet illi, a quo eas acceperat, se non commissurum, ut ullum inde in ipsum redundare incommodum posset, aut quod alijs causis fuerit impeditus. Hæreditario itaque jure transferunt ad Trumbullii hujus nepotem, Virum tum honorum quibus fulget titulis, tum meritis in Rempublicam Anglicanam, illustrem, cui Michael Le Vassor quoque hanc editionem sacram devotamque esse iussit. Iste diutius hocce καμύλειον Orbi erudito invidere noluit, deditque adeo has epistolas doctissimo celeberrimoque Viro Stillingfleet, tum quidem Decano templi Londinensis quod D. Paulo sacrum est, postea autem Vigorniensis Episcopo, non ita pridem magno cum lætu Eruditi Orbis mortuo, qui a Michaele Geddesio in linguam Anglicanam eas transferri atque edi curavit. Prodiit hæc editio Londini A. 1697 in 8: sed quam in Gallicana lingua adornavit Le Vassor Anglicanæ dubiam forte reddet palmam, tum ob annotationes eruditas utique & ad rem apprime facientes, & ex Historia lucem hisce Epistolis affundentes, tum ob alia monumenta, jam quidem typis exscripta, sed non ubivis obvia, passim inserta. Namque accepit Editor ab ipso Trumbullio Equite autographa harum Epistolarum, & eas ex Hispanico sermone, quanta potuit fide & diligentia, in Gallicum transtulit, Hispanicis quoque verbis interdum margini adscriptis, cum aut emphasis, aut alia quædam ratio hoc requirere illi visa est.

Ceterum ut nunc ad rem ipsam accedamus, Epistolæ pleræque, quæ hic exhibentur, a Francisco de Vargas, Viro docto & cordato (cujus elogium ex Nicolai Antonii Bibliotheca Hispanica Le Vassor præmittit) scriptæ sunt ad Antonium Perrenottum, Atrebatensem tum temporis Episcopum, postea Cardinalis Granvelli nomina per orbem universum celebratum. Franciscus nimirum iste Vargas, jussu Caroli V Imperatoris, Concilio Tridentino intererat, ut Legatis Imperatoriis consilio & opera sua præsto esset, præsertim si res occurrerent, quæ majorem rerum Theologicarum notitiam eruditionemque requirunt, quam in Viros politicos & civilium solum rerum tractatione occupare atatem consuetos, plerumque cadit. Hinc omnium rerum, quæ in Concilio isto gerebantur, probe fuit conscius Vargas, idemque idoneus censor, quod eruditionem tantam secum attulerat, quanta

quanta ad res ejusmodi dijudicandas requiritur. Sed non pauciores fore hic conspiciuntur Epistolæ Petri de Malvenda Hispani, Doctoris & Theologi Parisiensis, Protestantium hostis acerrimi, ad eundem Atrebatensem Episcopum. Hujus & Sleidanus & Seckendorfius meminerunt, sed ita ut intelligere inde liceat, Virum apud suos magnæ olim fuisse auctoritatis. Et nihilominus cum Francisco de Vargas, quoties de Concilio Tridentino loquitur, consentit, gravissimosque ejus naves non dissimulat, sed acerbissime potius de iis conqueritur. Ceteræ Epistolæ maximam partem aut Francisci Toletani, Legati Caroli V, aut Episcoporum quorundam Hispanicorum sunt; itidem ad Atrebatensem Præsulem perscriptæ. Sed multæ quoque ipsius Episcopi Atrebatensis hic leguntur Epistolæ, quibus Francisco de Vargas, aut Malvendæ, aut Legato Imperatoris, aut ceteris respondet, & ob Viri celebritatem auctoritatemque, qua tum floruit, haudquaquam negligendæ. Idque eo minus, quod reliquorum sententiam de Concilio Tridentino approbet, defectus agnoscat, simul tamen de remediis huic malo afferendis desperet. Denique & alia monumenta hic conspiciuntur. Sic primum statim locum occupat commentatiuncula Francisci de Vargas de modo Concilium dirigendi, & quænam Legati hic sint officia &c. Porro inseruit doctillimus Editor formulam, qua Carolus V Legatos suos ea auctoritate, qua eos polere in hoc Concilio volebat, instruxit, itemque formulam qua Galliarum Rex contra Concilium Tridentinum protestatus est, & id genus alia.

Historiæ itaque Concilii Tridentini illustrandæ has Epistolas ceteraque monumenta inservire, vel ex fronte libri quilibet intelligit. Summam autem earum omnium forte non male exhiberemus, si diceremus, iis ea fere omnia confirmari, quæ de hoc Concilio jam pridem Petrus Suavis, vel potius Paulus Sarpus litteris prodidit. Nec tantum confirmantur, sed & multa indicantur, quæ Paulum Sarpum aut latuerunt, aut ab eo fuere prætermissa, & tamen momentum trahunt. Documento sequentia esse possunt. Edocemur in hisce Epistolis, Legatos Romani Pontificis Concilium in tres classes divisisse, unumque ex Legatis illi classi præfectum, in qua plurimi erant Romano Pontifici addicti, idque eo fine, ut ad nutum Pontificis eo facilius cuncta circumagi possent: edocemur, Viris doctissimis non paucis, summam istam festinationem, qua pridie sessionis controversia diffi-

cillimæ

cillimæ tanta præcipitantia definiebantur, ut nemini facultas accurata meditatione res propositas pertractandi daretur: edocemur, quanta diligentia Protestantium adventum, qui cum Romano Pontifice faciebant, amoliri aut impedire conati fuerint: edocemur, Carolum V Imperatorem promississe Julio III, se non permissurum, ut Episcopi in reformatione morum statuerent quicquam aut definirent, quod displiceret Romano Pontifici: edocemur, Lovanienses & Colonien- ses Doctores in doctrina Sessionis XIV gravissimos deprehendisse errores, eosque postea fuisse correctos: edocemur, Cardinalem Crescentium, concilii præsidem, præ se ferentem, quod Episcoporum supra Presbyteros superioritas, ceu juri divino innixa, concilii decreto sit confirmanda, in doctrina de Sacramento Ordinis inferi curasse, Monarchiam absolutam Pontificis Romani a Deo esse institutam, &c. Ex hisce facile quidem intelligitur, quid quisque ex hisce Epistolis sperare possit: non tamen abs re fuerit, ex una alterave, prout quæque sese nobis obtulerit, afferre quæ speciminis ulterioris loco sint.

In prima statim epistola, quam Vargas ad Atrebatensem Præsulem scripsit, refert, Legatum Romani Pontificis, Crescentium Cardinalem, Francisco Toletano Caroli V Legato reformationem morum urgenti, ostendisse litteras a Carolo ad Romanum Pontificem, scriptas, quibus huic promiserit, se non permissurum, ut in reformatione quicquam decerneretur, quod Romano Pontifici displiceret. Cum autem nihilo secius Carolus Legatis suis injunxisset, ut reformationem istam urgerent, quippe quæ ad discordias religionis causa exortas componendas plurimum esset collatura, Vargas quidem hæc vix inter se conciliare potest. Sed ipsi Francisco Toletano quoque hic aquam hæsisse refert, & hac de re conqueritur. In omnem tamen se vertit partem, ut hæc componat. Mox dicit, litteras Caroli forte non ita stricte & *Judaice* (sic loquitur) esse intelligendas, neque secundum interpretationem Cardinalis Crescentii: mox, Imperatorem, hoc ideo solum scripsisse, ut ad continuationem Concilii eo facilius adduceret Pontificem: honoris causa ita scripsisse Imperatorem, meritoque annixum, ut Pontificem sibi faventem propitiumque haberet; non tamen statim inde inferendum, Pontifici nunc fas esse cuncta e- vertere, & pro lubitu & commodi sui ratione disponere: paucis, promississe Imperatorem, quod Pontificis vota non sit facturum irrita, modo

is nihil, quod sibi concedere nefas foret, expeteret, adeoque Concilio potestatem emendandi abusus & vitam eum non adimere. Ita conciliare hæc Vargas nititur, refertq; se non tantum apud Franciscum Toletanum hunc in modum verba fecisse, sed plane menti suæ hanc sedere sententiam. Interim conqueritur, Pontificis Legatum intra justos limites non consistere, & promissâ Imperatoris ultra, quam fas sit, extendere. Idem Vargas in altera ad eundem Atrebatensem Episcopum epistola refert, Doctores Colonienſes & Lovaniensſes in articulo de pœnitentia & extrema unctione errores quosdam gravissimos deprehendisse, Electoremque Colonienſem hanc præcipitantiam Concilii ægerrime tulisse. Cumque diu multumque deliberatum esset, num dissimulandi an corrigendi isti errores essent, posterius, quippe quod minus incommodi haberet, placuisse. Notatu digna quoque est epistola Jacobi Amyoti, tum quidem Abbatis Bellozauensis, postea Antislodorensis Episcopi, Tridentum missi a Galliæ Rege, ut Concilii istius auctoritatem Regem non agnoscere testaretur. Accurate in ea, quæ hac de re acta sunt, exponuntur. Inter alia refert, multum de voce *Conventus* disputatum fuisse. Litteræ enim Regis ad Concilium inscriptæ erant: *Sanctissimis atque imprimis observandis in Christo Patribus Conventus Tridentini*. Multi hoc in malam trahebant partem, & per contemptum concilium hoc *conventus* nomine designari, clamabant. Amyotus id negabat, & ad locum Ciceronis, *venimus non in Senatum sed in Conventum Senatorum*, qui illi objiciebatur, regerebat, non ignominia causa, sed ob ademptam a Cæsare Senatui auctoritatem, Conventum Senatorum dici, & Senatui opponi. Sed cetera hic legisse, neminem forte pœnitebit. Epistolam Amyoti, eique additam formulam, qua Rex Galliæ contra Concilium protestatus est, excipit iterum epistola Francisci de Vargas ad Atrebatensem Præsulem, lectu sane haud indigna. Refert, Crescentium Cardinalem post duodecimam sessionem voluisse, ut de S. Eucharistia Concilium decerneret. Multi contra tum Episcoporum, tum Legatorum consultius ducebant, ejusmodi controversiarum decisionem usque ad Protestantium adventum, cujus spes non inanis eo tempore illis facta erat, differri: quin capita, in quibus a Romanensibus Protestantes dissentiunt, & quæ jam a Concilio definita erant, rursus in disputationem trahi cupiebant, ne Protestantibus occasio daretur conqueren-

di, se non auditos a Concilio esse damnatos. Hæc quoque erat sententia Francisci Toletani & Francisci de Vargas. At quoties huius rei mentionem apud Legatum Pontificis injiciebant, ita eum irritabant, ut statim ex Concilio se discessurum minitaretur. Causam non aliam fuisse Vargas docet, quam quod Legatus & qui cum eo faciebant, nihil æque quam Protestantium adventum timuerint. Hinc omnia eorum consilia eo collimasse, ut istorum adventum aut impedirent, aut de capitibus controversis prius decernerent, quam advenirent, ut ita re irrita illis domum revertendum esset. In eadem epistola refert, Legatos Regis Romanorum (Ferdinandi) contendisse, communionem sub utraque Divinæ constitutioni esse conformem; Cardinalem quoque Tridentinum multis rationibus comprobasse, Germanis eam esse concedendam: at opposuisse se Electorem Moguntinum cum Trevirensi, & asseruisse, hac ratione dissidia ista componi non posse. Mirifice hinc se Legato Pontificis probasse Electorem Moguntinum, maximoque in honore apud omnes Pontificis asecclas eum fuisse, ex quo cuncta Legati placita calculo suo comprobare inceperit. Sed hæc Speciminis loco suffecerint.

*SERIES REGUM HUNGARIÆ E NUMMIS AUREIS, QUOS
vulgo Ducatos appellant, collecta & descripta a
JACOBO A MELLE.*

Lubecæ, apud Jo. Wiedemeyer, 1699. 4. plag. 9.

NOn sacris solum strenue operatur Doctissimus Mellenus, sed ad elegantiora quoque studia subinde excurrit, præcipue vero in nummis, & iis quidem ævi sequioris, illustrandis multus est, quippe integram uncialium ex argento, qui vulgari Thalerorum appellatione gaudent, seriem ex instituto posthac declaraturus; cujus operis initium superiori anno fecit, id quod tunc in Actis nostris p. 422. seqq. Lectori benevolo pro instituti nostri ratione indicavimus. Dum autem felices in isto labore progressus expectamus, ad nummos interim aureos, quos Ducatos vocari usus fert, paulo penitius contemplantos accedere, sed ex eorum tamen cumulo nonnisi tales eligere Auctori placuit, qui ad Regum Hungariæ Historiam noscendam momentum quoddam afferre queant. Nummos igitur ejus generis octodecim
non

L1 2

RICIS

TAB. III. ad. A. 1699. p. 267.
SERIES REGVM HVNGARIAE E NUMMIS AVREIS.

Ludovicus

Seismundus

non æri modo incidi fecit, sed prolixiori etiam discursu faciem cujusvis ulterius dilucidavit. Exorsus est a Ludovico, qui non minus ac TAB. III. successores plurimi, in altera parte nummorum suorum sanctum Ladislaum, seculo post natum Christum undecimo Hungariæ Regem, exhibuit, quod ob rerum ab ipso gestarum magnitudinem vitæque ejus sanctitatem factum Rev. Autor existimat, & Ladislai istius non minus ac Ludovici, qui A. 1342 patri Carolo in regni administratione succedit, historiam cum legentibus communicat: cumque altera nummi hujus sub Ludovico cusi pars, præter Hungarica insignia, etiam Neapolitana spectanda sitat, memoriam cum exhibere conjicit expeditionis in Italiam, ad ulciscendam fratris Andreæ mortem, & Regnum Neapolitanum acquirendum, ab ipso susceptæ; qua occasione de insignium Neapolitanorum mutatione, & facie quam hodie obtineant, non nihil differit. Pergit hinc ad Sigismundum, ac de nummo aureo, quo ille Hungariæ Bohemiæque regna abs se conjuncta fuisse, per insignia utriusque in averso latere expressa monstravit, commentatur. Tertium locum Albertus obtinet, cujus tamen nummus, præter Regis nomen, pauca habet, quæ a priori discrepant, utut alias rarissimum eundem esse Autor memoret. Quartus est Uladislaus, qui cum regimine Polonico Hungaricum sibi oblatum conjunxit; unde cusus sub eodem nummus insignia hujus æque ac illius repræsentat. In Hungaricis tamen notari cupit Autor crucem duplicem, sive Patriarchalem, ita efformatam, ut scuti marginem haud attingat; cum seculis sequentibus, Hungariæ Reges eandem crucem e corona erumpentem colliculoque triplici insistentem finxerint. Regni equidem Hungarici Gubernatorem tantum sub Uladislao egit, regioque adeo nomine caruit Joannes Hunniades, ob regiam tamen potestatem & virtutes regias, Hungariæ ipsum Regibus accenset Autor, dumque nummum ejus delineat, gentilitium Corvinorum insigne, quod inibi apparet, ut Lector probe contempletur, suadet, quippe quod corvum sitat annuligerum, & commentum eorum explodat, qui Matthiam demum scutariam illam tesseram in memoriam alicujus corvi, annulum matris ejus pronubum auferentis, sed mox eundem, cum telis adstantium peteretur, restituentis, assumsisse perhibeant. Brevis est, quam de Ladislao, posthumo Alberti Austriaci Imperatoris filio, nectit, historia, Circa ejus vero nummum aureum, associatam tæniis Hunga-

ricis & leoni Bohemico fasciam Archiducatus Austriæ observat. In Matthiæ I (quem maxime ab amore erga literas & literatos commendat, conditamque ab eo Budensem Bibliothecam celebrat,) nummo, ad sinistram latus S. Ladislai clypeum cum rota septem radiorum animadvertit; sed quorsum spectet isthoc symbolum, ignorare se lubens fatetur, nisi forsan loci cujusdam Hungariæ, ubi cusus ille nummus, notam esse suspiceris. In adversa parte primus & secundus laterculus *δαγματα* Hungariæ, tertiusque corvum cum annulo, Corvinæ nempe gentis symbolum ostendens, nullum eruditissimo Autori negotium facessit; sed de laterculo quarto, & de leone ibi conspicuo amplius disquirat. Bohemiæ certe tesseram dici imaginem hanc posse, negat. Ut ut enim regimen Bohemicum A. 1469 a Proceribus nonnullis Hussitarum factioni adversus Matthiæ oblatum fuerit; obstare tamen leonis hujus situm, qui, si regnum Bohemiæ denotaret, non in extremum parvulæ locum rejiciendus, nec symbolo Corvinorum gentilitio postponendus fuisset. Præterea leonem Bohemicum corpore erecto, & posterioribus pedibus insistentem exhiberi: hunc autem plane resupinum & veluti diagonali situ positum conspici observat. Aliam proin leoni huic patriam quærit, Bosniam scilicet, Croatiam Dalmatiamque vicinam provinciam, quam Matthias A. 1463 Turcis eripuit, eosque anno sequenti Jaizam, regionis metropolin, repetituros sola adventus sui fama adeo terruit, ut obsidione subito soluta, præcipiti fuga sibi consuluerint. Uladislai II nummus novum in averso latere typum conspiciendum dat, Mariam puta *ΤΕΧΝΟΦΩΡΟΝ*, tutelariam illam Hungariæ Divam, quam postea variis hujus regni nummis imprimi contigit. Sub istius effigie aquila expansis alis cernitur, quam gentilitiam Uladislai tesseram referre, Poloniamque, Regis hujus patriam, signare Autor reputat. Ludovici II, qui Uladislaum excepit, fata fere omnia prorsus immatura posteaquam admiratus est, in ejus nummo S. Ladislaum paulo aliter ac in præcedentibus effictum, totumque loricatum intueri jubet; in averso quoque latere, Divam Mariam Lunam crescentem sub pedibus habere dum notat, ad majorum id traditionem refert, qui conspectam a Johanne mulierem, Sole amictam Lunamque pedibus calcantem (Apoc. XII, 1.) Mariam denotasse crediderint. In Ferdinandi I nummo notabilis est inscriptio, quæ *ELECTUM ROMANORUM IMPERATOREM SEMPER AUGUSTUM*,

gustum, Germaniæ, HVngariæ, BOhemiæque Regem ipsum salutat; sed reliqua a præcedenti nihil differunt, si adversi lateris siglas mone-
tales, & averſi ſcutulum, faſciam Archi-Ducatus Auſtriæ continentem,
excipias. Nec abit ab hætenus commemoratis nummus Joannis I,
niſi quod ſcutum Regis gentilitium, Mariæ $\tau\epsilon\kappa\nu\phi\acute{o}\rho\omega$ ſubſtratum,
lupum aut aliud id genus animal, quod e monticulo erumpit, oſten-
dat. Aſt Johannes II nova B. Virginem perigraphe ornavit, eam-
que Patronam Hungariæ appellari fecit. Alterum latus inſignia ejus
varia exhibet, interque hæc & boam auro coronatam gyrisque aliquot
contortam, ex cujus ore infans cruentus erumpit. Hanc Mediola-
nenſis Ducatus teſſeram Joannem clypeo ſuo inſeruiſſe monet, ob a-
viam ſuam Bonam, Johannis Galeacii, Mediolanenſis Ducis filiam.
Lemma autem, quod habeat JO. SE. D. G. ELE. REX. UN. quoad
voces duas priores, non, ut velint aliqui, efferendum eſſe, *Johannes*
Sepuſienſis, ſed *Johannes* potius *Secundus*, aſſatim patere autumat.
Maximilianus, ſi non inter Hungariæ Reges (id enim in medio re-
linquit Autor,) inter Imperatores tamen Romanos citra contro-
verſiam ſecundus, nummum aureum ab eo, quem pater ipſius Fer-
dinandus edi curavit, haud diverſum poſt ſe reliquit; prout & alius Ru-
dolphi, quem ſubnectit Auſtor, cum eodem ad amuſſim congruit.
Quod Matthias in nummo aureo A. 1611 cuſo ſecundi cognomen a-
dipiſcitur, ob Matthiam Hunniadem Corvinum ſit, qui inter Hunga-
riæ Reges iſtius nominis primus fuit. Matthias autem hic in S. La-
diſlai locum ſuam ſubſtituit effigiem, & eam quidem ſingulari ornatu
in capite, pedibus, reliquoque corpore amiſſam, quem non deſcri-
bit modo Autor, ſed & de corona Hungarica, de pallio ſeu paluda-
mento S. Stephani ad clinodia regni Hungariæ ſpectante, deque a-
liis indumentis regalibus plura in medium affert. Qui ſequuntur
nummi tres reſidui, Ferdinandum ſecundum tertiumque, & Auguſtiſſi-
mum *LEOPOLDUM* noſtrum, ſub Imperatoris coronati & armati,
ſceptrumque & globum tenentis forma, in averſa vero parte conſue-
tam B. Mariæ Virginis imaginem, cum clypeis cuique familiaribus re-
 præſentant.

GOTHOFREDI CHRISTIANI LEISERI, CONSIL. STOLBERG.
*& Hereditarii in Rothermarck & Dittgeroda, Jus Georgicum
 sive Tractatus de Prædiis, von Land-Gütern.*

Lipsiæ apud Heredes Friderici Lanckisii, 1698. in fol. Constat 10 Alph.
 14. plag. ac aliquot figuris æneis.

Turpe esse Patricio & Nobili, & causas oranti, jus, in quo versatur, ignorare, graviter quondam edisseruit Quintus Mucius, eodemque effato Servium Sulpicium, a Marco Tullio in causis orandis alias secundum, sed juris patrii non satis curiosum, ita rubore suffudit, ut is deinceps majori cum cura juri vernaculo vacaret. Non protulit illa Ictus Romanus ex principio aliquo Romanis proprio, sed omnibus potius gentibus communi, adeoque effati illius ubique par merito est autoritas. Re ipsa certe eam agnovit Consultissimus Autor noster, quando Jus Georgicum non quidem unice, præcipue tamen, ex placitis ac institutis domesticis excolere, ac quicquid ab aliis sparsim dictum erat, uno volumine comprehendere, gloriosum ac utile existimavit. Nostrum est, *multorum annorum laborem*, ceu Noster in præfatione vocat, ac operis prolixitate facile persuadet, juxta summas velut lineas suas breviter exhibere. Dividitur totum opus in tres libros. In primo generalia quædam de laudibus agriculturæ, de natura & constitutione prædiorum, de prædiis urbanis & rusticis, de prædiis Romanorum præcipuis ac eorum denominatione, de prædiorum structura & situatione, de rusticatione veterum, quam animi relaxandi causa in primis sectati sunt, recensentur. Postea prolixa de prædiorum varietate instituitur tractatio, hinc prædia libera & allodialia, solaria, nobilia, ecclesiastica, munita, feudalia, emphyteutica, libellaria, curmedica, censualia, superficiaria, locata & ammodiata, perpetuæ coloniæ, ad afflictum data, partiaria, immediate Imperio subjecta, landsassica, eaque vel schrift-vel ambtsassica, rustica, cothsassica, majoratus, minoratus, apanagiata, usufructuaria, dotalia, paraphernalia, dotalitia, morganatica, civitatum, minorum, ganerbica, pignoratitia, retrovenditioni obnoxia, alluvia, optima maxima, domanialia, instructa, deserta, longo ordine explicantur, ita quidem ut multa ad jura possessorum pertinentia prolixè
 inse-

inferantur, nec adeo nuda solum terminorum explicatio exhibeatur. In secundo Libro personæ, ad prædium præcipue pertinentes, adducuntur, adeoque de domino prædii, ejus præfecto, de villico, campario & saltuario, servis & famulis, agricolis, hominibus propriis, pastoribus & opilionibus differitur. Postea animalium in prædiis occurrentium tractatio additur. Explicato igitur animalium jure in genere, speciatim deinde de pignoratione animalium, de equis, bobus, ovibus, capris, porcis canibus, anseribus, gallinis, columbis & apibus agitur. Liber tertius pertinentiis prædiorum destinatus, pertinentias illas primo generaliter expendit, postea speciatim illas exsequitur: hinc de prædiorum regalibus, jurisdictione, jure patronatus, de pagis, agris, hortis, vineis, pratis, pascuis, sylvis, venatione, aucupio, piscatione, de molendinis, pistrinis & furnis, torculis, balneis, hospitibus, tabernis vinariis, cerevisiariis, vini adusti, decimis, metallis nobilibus & ignobilibus, lapidicinis, laterariis & calcariis, vectigalibus, operis rusticorum, servitutibus rusticis, itinere, actu, via publica, aquæ ductu privato & publico, de jure grutiæ, prolixa non minus quam diligens enata est tractatio. In laboriosa autem ista collectione multa scitu necessaria, utilia & jucunda occurrere, nemo facile dubitabit, cum vel sola tot titulorum memorabilium recensio, a nobis facta, id satî persuadeat. Jucundum profecto est (ut unicum saltem exemplum speciale addamus) legere ridiculum illum excommunicationis procellum, quo in Burgundia locustæ, ob damna agris, pratis & vineis illata, excommunicatæ fuerunt, quem ex Bartholomæo Chassanæo late descripsit Noster l. 2. c. 10. n. 32. seq. Sicut igitur a multis hactenus Juris Georgici collectionem desideratam fuisse, in præfatione idem fatetur, ita isti desiderio satisfactum, & vota cupidorum penitus hoc opere esse expleta, nos quidē arbitramur. Nam profecto insignis utilitas est, integram fere Juris Georgici Bibliothecam in uno volumine possidere, & quod alias ex tot diversis Scriptoribus maxima cum molestia requirendum fuisset, citra tædium in compendio legere.

GUSTAVI CAROLI SCHARNHORST J. U. L. ET SYNDICI
Civitatis Verdensis Conciliatio Decisionum Mevianarum
apparenter contrariarum continuata,

Ham-

Hamburgi apud Gottfried Liebezeit, 1699. in 4.
Constat 2. Alph. 10. Plag.

AN in Jure Romano dentur Antinomix, antiqua apud Jurisperitos quæstio est, quæ tamen hodie minori cum reverentia fortassis tractatur, quam olim, ubi sub Bartoli, Baldi aliorumque legalis prudentiæ Luminum auspiciis, Scholæ & pulpita juridica juris Romani centonibus unice resonuerunt. Interim non tantum de legibus ipsis illa moveri potest disceptatio, sed & eam ad legum interpretes transferre licet. Omnes enim homines eandem patiuntur sortem, nec magis Legislatori quam privatis, contra errores infallibili aliquo privilegio cautum est. Inprimis vero iis, qui proluxa concinnant volumina, facile accidere potest, ut sibi vel contradicant, vel saltem contradicere videantur. Tales contradictiones an obrepserint Illustri Mevio, magni nominis olim & hodie Icto, in suis Decisionum voluminibus, de eo Noster cum Zaunschliffiero, Icto & Antecessore Marpurgensi celeberrimo litigat. Publicavit nimirum hic ante aliquot annos *Specimen Antinomiarum Mevianarum*, in quo XLIII variationes in Mevii Decisionibus occurrentes annotavit. Huic opposuit Noster *Experimentum Conciliationis prædictorum ἐναντιοφανῶν*, quod quidem per modum disputationis inauguralis, sub præsidio Illustris Lynckeri excutiendum exhibuit Jenæ A. 1694. Ad hoc prælaudatus Zaunschliffierus *Stricturæ* confecit, illudq; cum stricturis his suo ad Decisiones Mevianas *Commentario*, anno 1696 in lucem edito, adjunxit, additis insuper VII aliis variationibus Mevianis. Ex his omnibus Nostro enatum est præsens opus, seu *Conciliatio Continuatæ*. In ea primo refert Zaunschliffieri XLIII variationes prima vice exhibitæ, ac singulis addit conciliationem, in modo allegato Experimento seu disputatione inaugurali contentam; hanc excipiunt Stricturæ Zaunschliffierianæ, quas stilo practico deinceps Noster diluit. His expeditis, reliquas VII variationes, a Dn. Zaunschliffiero deinde editas, quoque discutit ac amplius explicat; quibus omnibus ipse XXVI novas variationes (sic computat Noster in præfatione, quamvis in ipso tractatu omnium variationum numerus ad LXXVIII ascendat, ac adeo XXVIII additas innuat) in lectione Decisionum sibi observatas adjicit, ac in usum publicum resolutionibus suis enucleat.

Ut

Ut de intentione Nostri, totiusque contentionis serie, amplius constet B. Lectori, exemplo rem illustrabimus. Variatione 2. p. 5. circa questionem: *an hodie concessa jurisdictione, ob Germania consuetudinem generalem, sub voce Gericht etiam criminalem complexam, jurisdictio criminalis videatur concessa, usus specialiter consuetudo in illo loco non ostendatur recepta in similibus casibus?* variantem inducit Mevium Dn. Zaunschlifferus, dum in eadem causa Hellmuht Othonis von Winterfeldt/amplectatur negativam P. 1. Dec. 45. n. 2. 3. postea vero P. IV. D. 290. affirmativæ subscribat. Sed Noster in Conciliatione contendit, niti illas Decisiones diversis titulis vel rationibus. In Decis. 5. cum, qui jurisdictionem criminalem ambibat, *solam pradii possessionem* allegasse, & hactenus adeo repulsam tulisse; sed in Decis. 290. meliorem titulum, nempe *se in genere de judicii potestate esse investitum*, docuisse, adeoque sententiam pro jurisdictione criminali cecidisse. Ad hæc Zaunschlifferus in strictura reposuit, ubique potius eosdem allegatos esse titulos; quod Noster in continuata conciliatione diluendum sibi sumit. Id prætereundum non videtur, quod Noster in gratiam eorum, quibus Decisiones Mevianas diligenter legere animus est, præter indicem *questionum & rerum*, in hoc continuatæ Conciliationis opere contentarum, triplicem alium confecerit: (1) Decisionum apparenter contrariarum. (2) Decisionum omnium, eandem causam respicientium. (3) Causarum seu Controversiarum cum Decisionibus, quæ circa singulas prodierunt: ut adeo Parallelismus Decisionum Mevianarum ex illis varia ratione haberi queat.

JOAN. CLERICI HARMONIA EVANGELICA.

Amstelodami, apud Huguetanos, 1699. in fol. Alph. 6.

Cum nuper in vertendis atque edendis Henrici Hammondi annotationibus in Novum Testamentum versaretur Clarissimus Clericus, sæpe animum subiisse testatur, quod Studiosis sacrarum literarum commoda Harmonia Evangeliorum adhuc deesset. Quamvis enim præterito sæculo atque hoc nostro plurimæ earum prodierint, nullam tamen se vidisse memorat, quæ non laboraret duobus gravissimis incommodis. Primum namque ordinis temporum, exiguum in iis rationem haberi ait, cum Viri eruditi satis duxerint,

conferre inter se distinctis in columellis similia dicta & facta, divulsis eam in rem mirum in modum Evangeliorum membris, securi interim Chronologiæ omnis & rerum ordinis, quasi ad hæc ne Evangelistæ quidem ipsi uspiam respexissent; quin & nonnullos Joannem, ex quo tamen solo anni prædicationis Christi distingui possint, sibi comparandum cum cæteris, ac conjiciendum in eandem harmoniam non censuisse. Deinde istas Harmonias esse aut jejunis aut operosissimis Commentariis illustratas, qui nec ulla ratione conferri queant cum recentioribus Interpretibus, neque nexum orationum Christi & narrationum Evangelistarum satis clare ostendant; quid? quod Evangelistarum verba non satis commode inter se componantur, omniaque sint aliquoties legenda, ut, quid habeant commune, quid singulare, intelligere perspicue valeas. Ipse igitur Harmoniam, qualem animo conceperat, adornavit, verbaque Evangelistarum Græca primum ad se invicem collata exhibuit, post ad Bibliopolæ rogatum ex versione quoque Latina vulgata similem Harmoniam confecit, subiecta hoc eodem idiomate paraphrasi sua perpetua, qua sententia & series orationis exprimuntur.

Ut autem de methodo, qua loca Evangelistarum, quæ primo intuitu contraria videntur, in concordiam redegerit, Benevolo Lectori paulo constet dilucidius, in ea delineanda nunc porro occupabimur. Lucam & Johannem, imo & Marcum, ordinem temporum accuratius secutos fuisse quam Matthæum, supposuit ante omnia. In narratione porro singulorum factorum aut sermonum Christi, Evangelistas summam modo rerum & dictorum protulisse monet, singulorum circumstantiarum aut verborum sensuumque ordine sæpillime neglecto, & exemplo esse putat insignem illum Christi cum Phariseis dialogum, Matth. XIX. 3. seqq. & Marc. X. 2. seqq. recensitum, ubi certe neque eadem prorsus utrobique verba sint, neque idem ordo, quamvis res sit plane eadem; unde varietate verborum aut ordinis neminem offendi debere existimavit. Neque unum Evangelistam, neque omnes simul omnia habere judicavit facta & dicta Christi, imo nec omnes circumstantias eorum, quæ copiosius enarrent; aliunde ergo supplevit, quod deesse aut in uno aut in omnibus Evangelistarum observavit. Imo ex nuda omissione haud colligi posse monet, non factum id, quod minus memoretur. Hinc manifeste secessit in sua paraphra-

phrasi ab iis, qui, quoniam lapis ostio sepulcri Christi advolutus non dicatur amotus, antequam resurgeret Christus ac sepulcro egredere-
 tur, existiment, Jesum e clauso monumento egressum penetrata ru-
 pe; itemque, quia non dicantur fores conclavis, ubi delituerint præ
 metu discipuli, apertæ, penetratum ab eo lignum januarum. Nam
 quamvis hæc minime contraria esse naturæ veri corporis humani fa-
 teatur, tantum tamen miraculum ex mero Evangelistarum silentio
 colligere noluit. E contra ex sequentibus, circumstantiam aliquam
 in antecedentibus omissam sæpius addidit. Ita Luc. I, 20. in para-
 phrasi verba Angeli ad Zachariam sic expressit: *surdus eris ac mutus
 ab hac hora*, cum tamen in Græco textu tantum hæc legantur: ἔσῃ
 σιωπῶν καὶ μὴ δυνάμενος λαλῆσαι. Surditatem ergo ori muto
 ideo adjunxit, quod v. 62. dicantur *innuisse* Zachariæ, qui sententiam
 ejus de nomine filio imponendo rescire voluerint; quod certe minus
 futurum fuisse opinatur, nisi surditate laborasset, quandoquidem alias
 clara potius voce interrogare eum potuissent. Imo ex re ipsa circum-
 stantias omissas, & ad intelligendam tamen seriem narrationis neces-
 sarias adjecit, ut cum in colloquio Jesu cum Nathanaële supplevit hæc:
*Unde intelligere poterat, Jesum esse Prophetam, cum sciret, quod a ne-
 mine resciri poterat*; hæc enim flagitare censuit exclamationem Na-
 thanaëlis subsequenter, quæ alioquin sine ratione fuisset. In histo-
 ria nuptiarum Canæ Galilææ celebratarum posteaquam dixit, animad-
 vertisse Mariam, vinum deesse, subjecit: *quæ alias viderat Filium e-
 dentem miracula, quæ memoria prodita non sunt, &c.* alias namque Fi-
 lium, ut defectum vini suppleret, haud monituram eam fuisse credi-
 dit. Ex responso sæpe intellexit, aliquid in interrogatione omissum,
 aut in narratione suppressum. Sic cum Nicodemum Joh. III, 2. Je-
 sum alloquentem introducit: *Rabbi, scimus, quia a Deo venisti Magi-
 ster &c.* antequam responsum Christi: *amen, amen, dico tibi, nisi quis
 renatus fuerit denuo, non potest videre regnum Dei*, superaddat, in
 paraphrasi hæc inserit: *hac præmissa præfatione, interrogaturus erat
 Jesum, quid a se fieri oporteret, ut felicitatis regni Dei, quod instare au-
 diebat, particeps fieret?* Ita ex responsione, quam Martha promissi-
 oni Christi, *resurget frater tuus*, reponat, *scio, quia resurget in re-
 surrectione in novissimo die*, liquere autumat, eam nec sperasse nec
 petiisse fratrem a Christo excitari; ideoque tacitam ejus cogitationem

sic expressit: *non ausa est addere, Jesum a Deo nequaquam ~~reviviturum~~, ut homo a quatuor diebus mortuus excitaretur, quod talia Deus non soleret concedere.* Ob varietatem paucularum circumstantiarum narrationes non per omnia similes, si cætera consensere, in varias historias dispescere noluit, utpote cum v. g. Matth. VIII. & Luc. VII. quoad fanationem servi Centurionis; & Matth. XX. Marc. X. & Luc. XII. circa visum cæco vel cæcis redditum, diversas minime historias quassivit. Ast vicissim similitudinem paucularum circumstantiarum, quæ ad summam rei parum faciant, non ostendere arbitratus est, unam a variis Evangelistis narrari historiam, si cætera dissideant. Eam ob rem mulierem, quam Lucas narrat in ædibus Simonis pedes Christi lacrymis suis madefactos coma abstersisse, aliam prorsus ab ea fecit, de qua Joannes ferme eadem commemorat. Similia sæpius fecisse ac dixisse Christum, similibus occasionibus ita postulantibus, dum præsupposuit, bis eum mercatores & nummularios e templo ejecisse; bis orationis formulam, qua uterentur discipuli, tradidisse; ac duodecim Apostolos per Galilæam Evangelium nuntiaturus iisdem, quibus septuaginta discipulos per Judæam ire iussos, mandatis instruxisse conclusit. Rursus eadem objicientibus aut quærentibus diverso tempore eodem sæpe modo Christum respondisse dum existimavit, ea, quæ Matth. VIII. 19. & Luc. IX, 57. habentur verba, duobus distinctis temporibus prolata fuisse innuit. Exiguam circumstantiarum aut ordinis in narratione unius ejusdemque rei varietatem, pro repugnantia haud statim agnovit; indeque in historia tentationis Christi, ubi Matthæus postremam tentationem dicat eam, quæ facta est in præalto monte, Lucas vero istam, quæ contigit in solario templi Hierosolymitani, Lucam Matthæo accommodandum censuit, nullam de cætero heic pugnam deprehendi ratus, cum neuter Evangelistarum hac in re ordinem temporis accurate secuturum se profiteatur. Eum, qui pauciora habet, non negare plura dicta aut facta, modo ne ulla adsit exclusionis nota; nec, qui plura habet, eum, qui pauciora narrat, male fidei arguere reputans, Matthæum duos viros impuris spiritibus obsessos memorantem cum Marco & Luca unius tantum mentionem injicientibus facile conciliavit, quandoquidem is, qui duos dicat, unum non neget, & qui unum ponat, nec ullo tamen indicio plures excludat, minime adversetur iis, qui plures memorent. Eodem modo hos

Evan.

Evangelistas alibi discrepantes ad concordiam revocat, quando nimirum Matthæus duos cœcos a Christo curatos, ac cæteri duntaxat unum introducant. Librariorum quandoque peccatum observari statuit, v. g. apud Joannem in determinatione horæ crucifixionis Christi; sed talia pro oppositione vera habenda non esse monuit. Ordinem narrationis multa, quæ inversa pugnare videntur, in concordiam redigere sentiens, Evangelistarum inter se componendorum verba sic digessit, ut primum ea, quæ communia habent, in distinctis columellis, quibus singulorum Evangelistarum nomen præfixum, collocarit; singularia deinceps unicuique manibus, quarum index extensus ea monstraret, distinxerit, relicta charta vacua in cæteris Evangelistis; ut denique ex omnibus, quæ apud omnes Evangelistas occurrunt, ordine, quem ex re ipsa commodissimum judicavit, digestis seriem velut continuatam narrationis & vitæ Christi universæ descriptionem formarit, quam in subjecta paraphrasi expressit. Eam in rem in singulis factis aut sermonibus verba Marci, Lucæ & Johannis non raro divulgavit, ut narrationi suus ordo constaret, ita tamen, ut divulsa verba & versus asteriscis atque numeris diligenter signaverit. Facta temporibus remota transitione connexuit, quemadmodum & proxima, sicubi, quæ inter ea contigerunt, Scriptor sacer omiserit. Cum, quæ quispiam facit per alium, ea ipse facere videatur, mirum non esse ait, quod Centurio Capernaumensis a Luca perhibeatur ablegasse ad Christum Judæos, cum ad eum ipse ire non auderet, & idem tamen a Matthæo Jesum ipse conveniens atque alloquens introducatur. Pro sua hypothese, quod sæpe, cum quispiam designetur obscurius, pro numero Singulari adhibeatur Pluralis, conciliat inter alia Marcum Cap. V. 31. narrantem discipulos dixisse quid Jesu, cum Luca Cap. VIII. 45. id a solo Petro dictum innuente. Nec raro tamen, quod factum aut dictum a paucis, omnibus citra discrimen tribui ait, ut cum Joh. VIII. 3. dicantur Scribæ & Pharisei adduxisse adulteram ad Jesum, id quod tamen nonnulli duntaxat eorum fecerint. Hoc ex fundamento Joannem cum semetipso & cum reliquis Evangelistis conspirare ostendit, quando is Jesum a Galilæis male exceptum asserat, & alio tamen loco benigne habitum narret; utrumque enim ea nonnullis modo Galilæorum factum respondet. De cætero paraphrasi suæ nihil se inseruisse testatur, quod non vi ac potestate verborum sacrorum contineatur, aut certe manifeste consentaneum sit doctrinæ a Domino &

Evangelistis tradita; omnem quoque Hebraïsmorum obscuritatem claris se locutionibus discutere studuisse profitetur, paratus interim commendare, quæ per errorem minus accurate forsan proposuerit.

Cuncta vero hæc, quæ summatim hætenus retulimus, prolixè magis exposuit Clarissimus Autor in peculiari Dissertatione, quæ locum tenet medium inter duas alias Harmoniæ huic subjunctas, in quarum altera rationem ille reddit Chronologiæ, quam secutus ibi fuerit. Christum nempe putat natum anno penultimo regiminis Herodiani, qui fuerit ab U. C. 749, & Julianus 41, quanquam mensem natalem inveniri non posse fateatur. Paschata in ministerio Christi quatuor numerat, ultimumque incidisse perhibet in annum æræ vulgaris vigesimum nonum, quo ipso Christus fuerit mortuus. Rationes ergo circa asserta singula ex instituto allegat, modisque omnibus sententiam suam corroborat. Altera quatuor Evangelii est destinata, inque ista ante omnia unumquodque ei, cujus nomen præferat, tanquam genuino Auctori vindicare studet Clericus; consilium postea, quod Evangelistis fuerit propositum, explanat, ac Grotii de eo sententiam, quam epistola 33 ex iis, quæ sunt ad Gallos scriptæ, declaravit, approbat & illustrat; tandemque non multis annis post, quam Evangelia conscripta fuerint, in Ecclesiis ea Christianis legi cœpisse adstruit, ac Viro Clarissimo, Henrico Dodwello, secus hac in parte sentienti argumenta nonnulla opponit.

MATTHÆI HILLERI, GRÆCÆ ET ORIENTALIUM LINGUARUM Prof. in Academia Tubingensi & Alumnorum Ducalium Ephori, Tractatus de Gemmis duodecim in Pectorali Pontificis Hebraorum. Accessit D. Epiphanii de iisdem Liber cum animadversionibus Cl. Salmasii & aliorum.

Tubingæ, apud Jo. Conr. Reisum, 1698. plag. 15 $\frac{1}{2}$. in 4.

Qui editis de Arcano Kethib & Keri libris, in hisce quoque Actis A. 1693. p. 425. seq. pro merito laudatis, Erudito Orbi abunde se commendavit Auctor celeberrimus, præter alia sparsim hætenus edita, præsentem de Gemmis in pectorali Sacerdotis Maximi Tractationem luci publicæ haud ita pridem commisit. Quod quidem ipsum negotium eo studio, eaque felicitate & ingenii perspicacia exequutus

tus est, ut& ipsi Viro Eruditissimo, & litteris, quas minifice excoluit ornatque, & Studiosæ, quam format, Juventuti gratulandum hoc nomine censeamus. Tam plenum istud difficultatis opus erat, circumfusam adeo tenebris materiam pervestigare, & in tam obscurorum nominum origines inquirere, de quorum evolutione vel sapientissimus e Verpis Abenezra desperavit. Ut de Scriptorum penuria nihil dicamus, quum ex antiquis solus superet Theophrastus Eresius, Callistrato, Sotaco, Satyro, Diocle & aliis, quos magno numero laudat Plinius, dudum abolitis. Rem tamen altius pensitanti Nostro non dubia spes inveniendæ veritatis adfulsit. Quare aliquot sibi regulas constituit, quæ universa Gemmarum interpretatio dirigeretur. Eas inter prima fuit: Nullas in Pectorale sacrum admittere, nisi quæ mensuram nominis implessent Hebraici.

Ubi supposuit, antiquissima hæc vocabula esse, ac pene cum rebus nata, consequenter *Φερύρουμα*. Itaque non dubitavit Odem exponere gemmam a rubedine adpellatam: Barekath a candida fulgurum luce: Pittedam ab ingenti pretio: Sapphirum a raritate: Jahalom a contusione: Leshem a cera, favo aut scymni pelle: Schebo a vinculis vel captivitate: Achlama seu Pæderota ex eo, quod puellarum esset amor & delitiæ: Tharsis, quod candidam nivis, maris, aut marmoris referret speciem: Schoham, quod sereni cœli colorem: Jasschephe, quod nobilium tenerrima limaturis & attritionibus obnoxia existeret. Hæc vero nominum argumenta, quæ vel color eis dederat, vel pretium, vel figura, nullo negotio præcipua genera Doctissimo Viro insinuarunt. Itaque porro ex istisprehendit Odem esse Sardium, qui sanguinis in modum rubet: Barekath referre Chrysolithum, quæ hodie Topazius Orientalis dicta summæ inter splendorem auri & argenti claritatis & fulgureæ lucis æmula. Addit Pittedam Smaragdum dici, cum Smaragdo apud Æthiopes & hodie apud Indos, nulla sit pretiosior, maxime pretium augente inusitata magnitudine. Quam Sappir Moses nominat, & S. Job aureis pulveribus adpersam tradit, eam quidem Sapphirum esse aureis punctis stellatam docet, quia hæc, & olim rarissima, in tantum superioribus temporibus exolevit, ut nuspiam reperta suspicionem doctis faceret, Cyanum aut Azureum lapidem fuisse, qui id nominis antiquitus gestasset. Porro Jahalom credit congruere in Beryllum, i. e. perforationis filium, quia non aliana

- p. 50. liam magis perforatam gestarunt Indi: Achlamæ vocem referre Amethystum, siquidem illa unicam puellæ, i. e. carissimam sonet, hæc puellæ ignem, ex eodem argumento & Paderota dictam. Leschem sive Topazium, quæ nostra ætate Hyacinthus dicitur, Ceritem vel Melichrota vel Leontion Auctori designat, quia scymni, ceræ, favi, aut mellis speciem præsentant, quæ his vocabulis censentur. Schebo eadem est Sardonyx, quia proprius ei character est, limitem in circuitu candidum habere, sive candidam gestare zonam, qua Sardia gemmæ superficies veluti quodam vinculo capiatur. Tharschisch Auctori valet Jaspidem crystallizantem, vel quæ nivis aut spumæ referat imaginem: ubi obiter Coccejum perstrinxit, gemmam hanc pro Sardioniche habentem. In assignando Gemmarum situ Flavius ob inconstantiam notatur. *Secundum* quod indagandæ Gemmarum naturæ præmisit, hoc est: quod ex earum genere esse debuerint, quas Græci *σφραγίδας* dixere, in quibus principatum habuit Jaspis, proxima laus contributa Sardonychi & Amethysto ob crystalli cognationem, & orientali Topazio solaribus radiis perquam simili. Ad sigilla etiam idoneam judicarunt Sardam, Cyanum, Hyaloidem, Carbunculum, Sapphirum denique & Smaragdum. Satis igitur causæ fuisse arbitratur, quamobrem a vestibus Pontificis exclusit Turquesiam & Margaritum, quæ neque olim neque nostra tempestate pro sigillis fuere. Scythicum vero Ægyptiumque Smaragdum, & quem in fundamentis cœlestis Hierosolymæ non posuit Joannes Theologus, Adamantem, indomita vis ac duritia inenarrabilis a sigillorum incisionibus præmunivit. Sero Adamantem vulnerare didicit artificum negatæ viæ insistentium solertia. Notat enim Ælius Everardus Vorstius, Commentario de annulorum origine, nullum fuisse lapidis pretiosi genus, quod antiquis illis luxuriæ magistris intactum fuerit relictum, solo Adamante ob invictam, uti credebatur, duritiem excepto. Sed & hic quomodo vitaretur, ætate sua reperisse Mediolanensem quendam Jacobum Tresciam, qui Philippi Hispaniarum Regis gentilitia insignia Adamanti summa arte insculpsit. *Tertio* & id pro Regula habuit, non alias in Epomide gemmas admittere, quam nobiles lectasque, quæ vel principatum in aliis tenuissent, vel ab optimis haud longe distantes, sui saltem generis postremæ non censerentur.
- Præfat.

Demum & id egregie animadvertit, si quis Tribuum nomina secundum prærogativas, quas vel a generatione, vel a primogenituræ jure in alium translato diligentius componat: eam rem ad explicationem lapidum in Pectorali multum conferre posse. Igitur in eo hæc serie inscripta fuisse dicit Tribuum nomina:

I.	II.	III.
Jehuda	Schimeon	Reuben
Sardius.	Smaragdus.	Chrysolithus.
IV.	V.	VI.
Jissachar	Sebulon	Ephraïm
Chalcedon.	Sapphirus.	Beryllus.
VII.	VIII.	IX.
Menasseh	Benjamin	Dan
Topazius.	Sardonyx.	Amethystus.
X.	XI.	XII.
Gad	Ascher	Naphtali
Jaspis.	Hyacinthus.	Chrysoprasus.

Sed neque id prætereundum est, quod pro ingenii perspicacia in præfenti Tractatu observavit Hillerus, insperata, ut ait, interpretandi has gemmas occasione. Extat apud Ezechielem distributio terræ promissionis, ubi Angelus eam Israelitarum Tribubus ita partitur, ut a Septentrione ad Meridiem pergendo, primam sortem a Septentrionibus tribuat Dani, secundam Ascheri, tertiam Naphtali, & sic deinceps, hoc ordine:

Gad. Sebulon. Issacar. Simeon. Benjamin. Juda.

Ruben. Ephraïm. Menasse. Naphtali. Aser. Dan.

Si dictis, ait, Tribuum nominibus singulis adscripseris lapillum, quem iisdem in sacro Pectorali nostra interpretatione vendicavi, nascitur, ecce, illa species gemmarum, quam Apocal. XXI in Muro & Civitate cœlestis Hierosolymæ tradidit Angelus:

I.	II.	III.	IV.	V.	VI.	VII.	VIII.
Gad.	Sebul.	Issach.	Simh.	Benjam.	Juda.	Ruben.	Ephraïm.
Jaspis.	Sapphir.	Chalc.	Smar.	Sardon.	Sard.	Chrysol.	Beryll.
IX.	X.	XI.	XII.				
Menass.	Naphtali.	Aser.	Dan.				
Topaz.	Chrysop.	Hyac.	Ameth.				

Na

Adje

Adjectus est Epiphanii, Episcopi Cypri, ad Diodorum Tyri Episcopum *περὶ τῶν ἐβ' λίθων* Liber, Græce & cum versione Iolæ Hierotarantini, Notisque Cl. Salmasii & aliorum. Cæterum essent & alia e laudato opere Lectori propinanda: sed malumus eundem ipsius libri lectione satiari, simulque Doctissimo Auctori vitam ac vires ad perficienda alia, quæ molitur, opera adprecamur. Habet enim, ut audimus, non pauca, ab aliis nondum animadversa: e queis unum fere speciminis loco subjiciemus. Vexatissimum locum Ps. XXII. com. 17. ita vertit: Circumdederunt me canes. Cœtus maleficorum destrinxerunt me, ut clathris perforata Falisca sunt manus meæ & pedes mei. Nempe vocem *פֶּרֶס* præsepium sonare existimat, sed illud quod clavis clathrisque in transversos contos impactis conjugatum, Faliscæ nomen antiquit9 tulit. Provocat ad derivata Hebraica, Aramæa, Arabica, & Esai. XXIX. 2. adpellari dicit Ariel Faliscam Dei, h. m. Væ Arieli, Arieli! i. e. Urbi Hierosolymorum, in qua Deo suus ignis est & focus: Urbi in qua castra metatus est David. Adjicite annum ad annum, servate solemnia mea: victimas destingant Sacerdotes, cadant, excorient atque exenterent: Tamen angustabo Arielem, urbem Hierosolymorum, in qua focus meus, eritque festi & genialis diei loco mœror & mœstitia, & erit mihi urbs, ut Ariel, ut focus, ut falisca altaris, *cancellatim reticulata*, ubi pecora Judaica ultricibus flammis consumat zelus meus.

Adjiciamus ultima Davidis II. Sam. XXIII. ex Hilleri interpretatione: 1. Hæc sunt verba Davidis novissima. Dictum Davidis, filii Isai: dictum, inquam, Viri qui constitutus superne est: Illius, qui est unctus Dei Jacobi & suavis carminibus Israelis. 2. Spiritus Domini loquutus est per me; & verbum ejus fuit in lingua mea. 3. Dixit Deus Israelis: Alloquuta me est Rupes Israelis: Dominatorem in hominibus justum, dominantem juxta timorem Dei. 4. Utique a lumine matutino exoritur Sol: mane non est nubilum, a splendore & pluvia gramen nascitur e terra. 5. Sed aliter fiet domo mea penes Deum. Fœdus enim æternum ordinatumque in rebus omnibus, atque fidum ita disposuit mihi, ut *complementum salutis desiderique mei tum futurum sit, quando Domus mea non florebit*. Viri autem nequam ut spinæ evulsæ erunt omnes; neque enim eas manu tractant. Sed qui tangere voluerit eas, ferro hastili-
umque

umque ligno armatur: penitusque igni eodem vestigio concremantur.

D. VITI RIEDLINI MEDICI AUGUSTANI LINEARUM Medicarum Annus Quartus.

Augustæ Vindel. apud Kronigerum & Hæredes Goebelii, 1698. in 8 Alph. 3. plag. 6.

DUm Experientissimus Autor eos inter Medicos suum profitetur nomen, qui semper *Plus Ultra* pergere contendunt, in præsentî etiam Anno Quarto multa, sedulo ad nobilissimam artium Medicinam perficiendam observata, fideliter communicare pergit. Nobis nunc eandem pariter insistentibus viam, qua in Actis A. 1696. p. 474. Annum primum, & secundum atque tertium Annos superiori anno p. 192. commemoravimus, e pluribus singulorum Mensium Lineis unicam indicasse sufficiat. Modus nempe, quo noxia Mercurii, per fumum aliave ratione incautius in corpus suscepti, averti queat, in Januarii Historia V ex Aurifabri prudentioris edocetur ore, utpote qui deaurationis labore peracto, aquæ dulcis balneo per horas quasdam infederit, Mercuriumque hoc mediante elicitum aliquoties in fundo vasis viderit; quem forsan in finem a magno quodam Medico balneum etiam cura per salivationem Mercurialem finita suadeatur. In febribus quoque malignis purgantia interdum locum invenire, Observatio Februarii XVI comprobat, Mercatorem gulæ deditum sistendo, cui lene purgans, tertio febris acutæ die, etiamsi vires perquam essent prostratæ, ac præter vigilias perpetuas, doloremque cervicis per integram dorsi spinam se extendentem, æstus ingens interiora, præcipue occuparet, feliciter fuit propinatum. Vires Ætitis in abortu impediendo non plane esse nullas, cum primis si gravidæ hunc lapidem gestantis fiducia accedat, ex Martii Linea XXVIII datur intelligere, cum Matrona nobilis pluries gravida dictum demum lapidem de collo mammas inter suspendendo legitimum partus tempus attigerit, omnemque sanguinis fluxum antehac solennem præcaverit. Neque Lazuli Lapidem omni virtute destitui, Obs. XIII Aprilis, cum Mercatoris, tum Pistoris filiolarum suadet exemplo, ceu quorum illum lapis Lazuli de collo gestatus ab inveterato cervicis dolore immunem servaverit,

Nn 2

rit,

rit, hujus autem cum convulsionibus acriter conflantis nudo pectori impositus, colorem elegantem cœruleum non solum exuendo, sed & per medium dissiliendo, mortis subsecuturæ præbuerit indicium. Quin nec alia remedia externa semper contemni debere, uxoremque Mercatoris a gravi diabete solius unguenti Comitissæ regioni renum appliciti ope convaluisse, Maji Linea XII testatur: prout fonticulos sub utroque genu inultos ab Arthritide præservare, Junii Obs. XII eo magis indigitat, quod certum in iis præsidium nonnemo ipsorum Medicorum in proprio deprehenderit corpore. Quamvis alias inter Herbarum Thee vires non postrema existat, qua siccare creditur, in Julii tamen Linea XVII mentio fit Viri quadragenario majoris, qui perquam gracilis & a patre phthisico genitus, ab uberiori decocti herbarum Thee potu multo habitiolem ac pinguiorem acquisiverit habitum. Verbenæ insignis vis antepileptica Obs. X Augusti innuitur; a foliis quippe verbenæ capiti impositis & naribus quoque affricatis insultum epilepticum notabiliter compesci, extra paroxysmum vero ipsam herbam siccata & in pulverem redacta egregie prodesse. Observatione I Septemb. tutissima ubertati pinguedinis subveniendi traditur methodus, haud in aliis consistens, quam in successiva mutatione dietæ, unde ortum suum traxit, ad Viri Principis exemplum, a pinguedine copiosiori, quam a nimio cibo & potu ad triginta usque libras quotidie ingesto contraxerat, tunc demum feliciter liberati, ubi alimenta, carnem imprimis vervecinam, olera & aquam convenientem, assumsisset parcius. Multa inter Autorum exempla, quibus & sexus potior picæ narratur obnoxius, neutiquam illud omittendum, quod de Viri atramentum in pueritia tanto appetitu deglutiente, ut nunquam satiari eodem potuerit, ultima Octobris Linea exhibet. Vis denique cynosbati fructus antinephritica uti Obs. XX Novemb. multum confirmatur: ita & Decembr. Linea XII pulvis, quem piperis albi, visci querni drachmæ duæ, ossium de corde cervi, succini albi præparati drachmæ duæ cum dimidia, & asæ foetidæ scrupuli duo ingredientur, contra epilepsiam valde commendatur.

JOHANNIS FABRICII, D. ET PROF. IN ACADEMIA
Julia, Amanitates Theologica,

Helm.

Helmstadii, apud Georgium Wolfgangum Hammium, 1699. in 4.
Alphab. 4. & dimid.

Fabriciorum familia, quæ per sesqui seculum & amplius Ecclesiæ Academiæque Norimbergensium insignes serie haud interrupta Doctores dedit, ortum suum traxit Maxime Reverendus Autor, qui Parentis sui vestigiis insistent, Professoris Theologi spartam Incolyta in Academia Altdorfina per annos fere viginti ornavit, hodie vero in celeberrima Julia, quorsum A. 1696, ut in locum D. Pauli Heigeli succederet, evocatus fuit, eodem munere defungitur. Quemadmodum autem suo huic officio inter alia, ventilatis etiam frequenter Disputationibus publicis, satisfaciendum esse, nunquam non existimavit: ita istas jam a dispersione & interitu vindicandas, inque hoc volumen colligendas censuit. Nec immerito Amœnitatum Theologicarum titulum volumini huic præfixit, quandoquidem singulæ, quæ in eo continentur, Dissertationes materias pertractant jucundissimas, quæque sacris non minus atque aliis studiis incumbentes multum delectare poterunt. Prima de *Denario S. Petri agit*, ejusque non in Anglia solum, sed regnis quoque terrisve aliis solutionem memorat, inque causas etiam, propter quas Illustrissimi Principesque Viri se & sua Ecclesiæ Romanæ obtulerint, inquirat, ac denique Petri Britannicum & Romanum iter examinat. Secunda *errores pictorum contra Historiam sacram committi solitos* explodit. Tertia *prudenciam ecclesiasticam* adumbrat. Quarta *Religionis orthodoxæ ob temporale commodum mutationem licitam esse negat*. Quinta *Theologicam moderationem* describit. Sexta aliquot eorum exempla recenset, qui in rebus Theologicis *Charybdim vitaturi in Scyllam inciderint*, Tertulliani puta, Stephani Papæ, Dionysii Alexandrini, Arii, Marcelli, Joviniani, Hieronymi, Augustini, Pelagii, Fausti Rhegiensis, Eutychis, Berengarii, Amsdorfii, Flacii, Stancari. Septima *Theologiam commendat eclecticam*. Octava *Ecclesias domesticas* bene informandas sistit. Nona in cumulandis & explicandis *Paradoxis* quibusdam Theologicis occupatur, v. g. dum contendit Autor, *neminem posse Theologum fieri, nisi fiat sine Aristotele*; (utendum nempe ratus *ὀρθόδοξοις* Theologiæ principiis, ita ut Aristoteles & ratio contradicens tantisper quiescere

actacere jubeatur :) *puncta textui Hebraeo esse & non esse coarva* ; (esse talia per se , & quod substantiam vocalium spectet , sed non esse , quod attinet ad expressionem aut figuræ identitatem , quæ non semper in textu aperte delineata fuerint , aut eundem externum characterem perpetuo habuerint :) *Deum esse & non esse causam damnationis* ; (esse , quia locum inferni pararit , quia impios inferno adjudicet , quia ipse horrendas istas , sed justissimas pœnas infligat ; sed non esse ex absoluto beneplacito , aut ex influxu positivo speciali , quo voluntas damnatorum determinetur ad ea , quæ moraliter mala sunt ,) & sic porro. Harum propositionum XXX jam olim Altdorfii , ac deinceps novam earum centuriam pro Disputatione inaugurali , Doctoris Theologiæ gradum ambiens , in Academia Jenensi A. 1690 exhibuit , sed nunc CCXXIV denuo adjecit ; utque noviter addita a prioribus eo melius discerni possent , has singulas asterisco notavit , atque adeo in universum paradoxa CCCLIV , secundum seriem & ordinem Locorum Theologicorum exhibuit. Post Dissertationes hæcenus recensitas , quatuor comparent Orationes. Prima , qua muneri suo Professorio in Academia Altdorfina A. 1678 prolusit , *utilitatem celebrat , quam Theologia studiosus capere possit ex itinere Italico*. Secunda *Altdorfensis suis valedicit*. Tertia , qua novam Theologiæ Professionem auspicatus est Helmstadii , *utilitatem itineris Germanici , Belgicique & Gallici Theologia studiosis commendat*. Quarta denique in Panegyri Promotionis Theologiæ recitata , *pietatem & prudentiam divi Julii in condendis Statutis Theologicis Academia sua extollit*. Prima jam olim typis exscripta fuit , sed tres posteriores nunc demum lucem publicam aspi- ciunt ; istam vero non minus atque has plurimis elegantioribusque notis uberius , pro eruditione sua , Autor Maxime Reverendus illustravit , imo & universo operi triplicem Indicem , unum Autorum , alterum Dictorum Scripturæ & tertium Rerum variarum subnexuit.

COMPENDIUM RHETORICUM, TOPOLOGIÆ CUM PRIMIS
& Pathologia fundamenta perspicue monstrans & exemplis illustrans ,
concinnatum a MAGNO DANIELE OMEISIO, Profes-
sore Altorfino.

Nori-

Norimbergæ sumtibus Wolffg. Mauritii Endteri, 1699. in 12.

Constat plag. 9.

Cum ab Inclyto Norimbergensium Senatu Rhetorices compendium in Gymnasii Norimbergæ florentis usum edere juberetur Celeb. Autor, ut imposto officio ac Superiorum voluntati exacte satisfaceret, non tantum ex Rhetorum tam antiquorum, quam juniorum optimis præcepta selectiora collegit, ordinatius disposuit, atque exemplis cum ex aliorum tum sua penu depromtis illustravit; sed in primis insignioribus duobus defectibus, quibus pleraq; Rhetorices compendia in Gymnasiis & Scholis hodie usurpata laborent, occurrere studuit. Namq; animadvertens, in iis vel prorsus omitti, vel levi saltim brachio attingi Topologiæ ac Pathologiæ fundamenta, nec non Compendiorum ejusmodi Autores, si vel maxime de inventione argumentorum tam ex Locis communibus, quam cuique causarum generi propriis, imo & de Affectibus quæstiones aliquas proponant, eas tamen exemplis vel nullis declarent, vel strictim tantum adductis, aut ad captum juniorum minus opportunis obscurant magis quam declarent: in id sedulam impendit curam, ut Topologiæ non minus quam Pathologiæ fundamenta perspicue traderet, eaque exemplis idoneis illustraret. Et cum cum non fugeret, variationem grammaticam ac rhetoricam ad comparandam verborum notitiam multum conducere, mantillæ instar utriusque exempla quædam adjicere voluit, ut nihil eorum deesset, quæ ad concinnam artis oratoriæ epitomen requiri videbantur.

COMPENDIUM THEOLOGIÆ DOGMATICÆ, IN SUORUM

Auditorum usus conscriptum & in subsidium memoria tabulis instructum, a JO. ANDR. SCHMIDT. D.

Helmstadii impensis Joh. Melch. Sustermanni, 1699, in 8.

Constat plag. 15.

Quemadmodum Celeb. Theologus, cum in Academia Jenensi Philosophiam adhuc traderet, laudabili instituto partes Philosophiam in Compendio exhibuit: ita pari brevitate Theologiæ partes ac Historiam Ecclesiasticam proponere apud animum constituit, in præsentis libello specimen quoddam editurus. In eo autem Theologiam Dogma-

Dogmaticam seu positivam, juxta methodi analyticæ leges ita pertrahavit, ut præmissis quibusdam de natura & constitutione nec non principio Theologiæ, ad ejusdem finem, subjectum & causas progrediatur, theses nervosa concinnitate propositas elegantibus notis illustret, cuilibet capiti tabellam, in qua dictorum summa exhibetur, subjiciat, ac tandem in tabula quadam generali totius Compendii Theologici conspectum cum triplici indice repræsentet. Toti opusculo præmissa est delineatio discursus præœmialis de methodo studii Theologici rite instituendi. Hujus libelli perlectio uti nobis salivam movit, ita summe Reverendum Autorem rogamus, ut propositum suum persequatur, atque Theologiam Polemicam, Moralem, Exegeticam, Homileticam, Historicam, Patristicam, Historiamque Ecclesiasticam pari studio & elegantia haud dubie elaboratam, publica luce propediem donare velit.

Pag. 269 lin. 13. pro SE. lege SECV.

Nuntiavimus mense Aprili nupero Triumvirorum celeberrimorum obitum. Illis quartum nunc, quem nuper extulimus, illorumque uni Fratrem adjungimus, Virum Amplissimum Fridericum Benedictum Carpzovium, Polybistorem Clarissimum, die 20 Maji, cum ætatis annum quinquagesimum primum ageret, vita defunctum. A primis is Actorum nostrorum auspiciis ad hæc usque tempora, per octodecim hos annos, suis componendis ornandisque strenuus nobiscum operam dedit: ut lugere nos ex animo Virum, in aliis etiam de re literaria præclare meritum, cunctis facile persuadeamus. Lugebunt præterea eundem non Amplissimus solum Urbis hujus Senatus, cujus non ignobile membrum fuit, Ædilitio munere laudabiliter functus, sed & alii magno numero, quos beneficiis officiisque suis (ut fuit Vir inserviendi cujuscunque ordinis hominibus promptitudine nemini fortasse mortalium secundus) sibi devinxit, aut quibuscum doctum ipsi, dum viveret, per literas intercessit commercium. Quam fuerit librorum cupidus, Bibliorheca, quam reliquit, catalogus typis, ut opinamur, cum tempore describendus, abunde testabitur.

* * * * *

ACTA ERUDITORUM

Publicata Lipsiæ

Calendis Julii, Anno M DC XCIX.

DANIELIS GEORGII MORHOFII DISSERTATIONES

Academica & Epistolica.

Hamburgi, apud Godofredum Liebernicket. 1699. in 4.

Alph. 4. plag. 8.

Qui toti Erudito Orbi invidendis ingenii monumentis dudum innotuit, Vir celeberrimus, D. G. Morhofius, Dissertationibus quoque Academicis, exquisitissimis iis & admodum solerter elaboratis, famam haud mediocrem assecutus est. Quamobrem ut ne forsan ex, sparsim quippe antea vulgatæ hominum doctorum conspectui & usibus aliquando se subducerent, in unum istas fasciculum Editor commodi publici studiosus colligere, quin & nonnullas, quæ lucem hætenus nondum aspexere, modo e forulis beati Autoris protractas, modo ab Amicis, quibuscum istas ille communicaverat, transmissas adjungere dignatus est. Sicut autem præcipuarum ex editis contenta dudum Eruditi satis perspexerunt, aliquarum etiam uberior delineatio Actis hisce nostris jam olim inserta fuit: ita vel solos earundem titulos, una cum ordine, quem Editori servare placuit, hac vice indicasse suffecerit. De *morbis & eorum remediis* prima, non tam Medicorum jussula, quam Juratorum jura morbis præscribens, agit, quam Jurium tunc & Philosophiæ studiosus Morhofius sub D. Henrici Rahnii præsidio A. 1638 Rostochii proposuit. Secunda de *Jure silentii*, pro summis in utroque Jure privilegiis & honoribus A. 1661 Franeckeræ ab ipso fuit ventilata. Tertiam de *Enthusiasmo seu furore Poetico* Dissertationem, lectionibus Autor publicis, in Claudiani de Raptu Proserpinæ libros Rostochii A. 1661 inchoatis, præmisit. Quarta & quinta *Divinitatem Principum*

considerant, seu cultum Principum divinum & idololatricum ab Ethnicis iis tributum, una cum eorundem divinis titulis, ac Theologiam adeo Gentium politicam percensent. Sexto loco comparet *prospbonema*, quo summos in Theologia honores celeberrimo Kortholto A. 1663 gratulatus est. Septima Dissertatio in fronte gerit titulum, *Princeps Medius*, mirabilisque illius curationis strumarum & aliorum morborum a Regibus Galliae & Angliae institutae historiam, ac quicquid amplius rei vel politicae vel physicae eo spectat, deducit. Sequitur hinc octava *Descriptio Aetorum promotionis in omnibus Facultatibus Academiae Christian-Albertinae, quae Kilonii est*, Principalibus auspiciis & sumtibus d. 22 Januarii A. 1666 institutae. Mox, quae nona est, *de Sole igneo* Dissertatio Kilonii A. 1672 habita, & quaedam de natura Solis, quantum illa per sensus detecta est, disputans exhibetur, eidemque decima associatur de *metallorum transmutatione*, quam ad Amplissimum Virum, Joëlem Langelottum, Serenissimi Principis Cimbriici Archiatrum, perscripsit. Undecima de *paradoxis sensuum* agit. Duodecima est celeberrimus ille *Stenior ὑαλοκλάσης*, cujus summam ad Acta nostra A. 1683 p. 194 seq. retulimus. Decima tertia *Eloquentiam in tacendo* commendat, illam nempe oratoris prudentiam, qua id solum, quod in oratione *ἐνεργητικόν* est, exprimit, cætera vero, quae vel circa inventionem, vel circa elucutionem *περί ὄρα* sunt aut superflua, ab argumento, personis, loco, tempore, re aliena, aut quovis modo inepta, omittit aut indicta esse cupit. Decimum quartum locum occupat de *Patavinitate Liviana* liber, a nobis itidem in Actis nostris A. 1684, p. 570 seqq. delineatus. Et quas hactenus quidem commemoravimus, dissertationes Eruditorum manibus singulae jam diu tritae fuerunt: nunc vero Appendix earum, quae primum heic publicantur, sequitur. Inter eas una est de *Quinta essentia, catholico morborum remedio*, quam Viro eruditissimo Detlevo Crusio, Hamburgi privatam agenti vitam, amico suo intimo, Morhofius tradidit, inque ea ostendit, quod, cum in spiritibus nostris omne morborum genus consistat, & ab eorum prava dispositione, debilitate, agitatione inordinata, corporis infirmitas & ipsum naturae senium dependeat, nonnisi spiritualia quoque adversus morbos remedia adhibenda sint, seu Quinta, ut a Philosophis dicantur, Essentiae: quandoquidem illud demum, quod purum est & æthereum in specie aliqua, aptum natum sit operari in spiritus eorumque affectiones; impedit

pediat vero operationes illas crassa materiae saburra, efficiatque, ut natura debilis in extrahendo puro illo sibi que applicando occupata succumbat, quo sublevare labore eam artifex potuisset & debuisset. Excipit hanc epistola, qua Juvenem quendam in Academia viventem hortatur, ut *disputationem de Latinitate in Digestis*, de qua ipsi lis erat cum Professoribus, *abrumpat*. Denique accedit dissertationis de *meritis Germanorum in Rempublicam literariam* exiguum fragmentum, operisque multo majora, si per auditorum defectum licuisset, incrementa sumturi exordium, inter schedas Studiosi cujusdam, qui ex dictantis ore publice exceperat, repertum; quod vel eum in finem addere visum fuit, ut Eruditi inter Germanos, opus hoc longe utilissimum totique genti Teutonicae maxime gloriosum, ad umbilicum haud perductum fuisse, eo magis doleant. Omnibus vero his & singulis superpondii velut in locum datur *Vita Morhofii*, dudum impatienter quodammodo desiderata, cujus partem ipse Autor consignavit, reliqua vero addidit Vir quidam doctus, qui Bibliothecae ejus forulos ac schedas fere omnes diligenter excussit. Et ex hac nonnulla nobis adhuc delibanda sunt. Natus nempe fuit Morhofius Wismariae A. 1639 d. 6 Februarii, patremque habuit Joachimum, Judicii apud Wismarienses florentis Secretarium, virum doctum & probum, matrem vero Agnetam Hintziam. Pietatis aequae ac Latinitatis fundamenta prima a Patre ejus jacta sunt, quibus posthac in schola patria, ac deinceps etiam in Lubecensi, non citra fructum majores profectus Noſter inaedificavit. Anno aetatis decimo septimo ad illustre paedagogium, quod est Sedini, se contulit, Johannis maxime Micraelii & Henrici Schavii fidem ac dexteritatem inibi expertus. Sub Joachimo autem Fabricio Ebraeam linguam addidit, & sub Johanne Sithmanno Juris studium, cujus initium sub Patre sumserat, continuavit; latius mox grassatus, cum anno aetatis decimo nono in Academiam Rostochiensem concessisset. Ita tum immersum se fuisse Juris studio fateatur, ut, nisi eum occasiones nonnullae abduxissent, parum curae in elegantiora impensurus fuisset. Triennium circiter Rostochii commoratus cum fuisset, diem suum Vir clarissimus, Andreas Tscherningius, Poetices Professor, obiit. Scripserat tunc Morhofius epicedion jocularẽ in ciconiam, cum convivium in aedibus Decani Bodockii celebrarent novi Magistri, a quo etiam interfecit. Illud non-

nullis ita placuit, ut autor ejus tacitis multorum votis ad locum vacan-
tem designaretur; quinimo is amicorum impulsu & suo quoque du-
ctus ingenio permoveri se passus est, ut spartam ambiret, quæ a Sere-
nissimo Principe Gústroviensi promte ei data fuit. Honores interim
a Collegio Philosophorum petiit, eosdemque a Brabenta, Augusto
Varenio, Hebræarum literarum tunc Professore, impetravit anno
1660, quo ipso & Professoriæ spartæ admotus fuit. Quandoquidem
vero unum itineri annum indulgendum exceperat, iter Batavo-Angli-
cum ingressus est, & in Anglia imprimis inaugurationis Regiæ solen-
nia vidit, pompamque omnem carmine encomiastico celebravit. Ex
Anglia rediens, in Academia Franeckerana honores in Jure Doctora-
les est adeptus, indeque A. 1661 Rostochium rediit, spartam Professo-
riam aggressurus; qua tamen nonnisi usque ad annum 1665 functus
est, quippe quo in novam Academiam Kiloniensem Serenissimus Hol-
satiæ Princeps, Christianus Albertus, eum evocavit, Professionemque
Eloquentiæ ac Poeseos ipsi elementissime demandavit. Anno 1670
circa dies caniculares, Serenissimi Principis, Academiae Nutritii, venia
iter Batavo-Anglicum alterum instituit, & familiaritatem cum Viris
doctissimis contraxit, e quibus Marquardum imprimis Gudium im-
pense celebrat. In reditu ex Anglia præsentissimo naufragii pericu-
lo prope Brielam ereptus, salvus tum incolumisque cum rebus suis in
Belgium pervenit. Ast invaluerat tamen de ejus interitu per Holsa-
tiam fama, qua commoti amici funeralibus carminibus mortuum fal-
so creditum prosecuti sunt. Amstelodami quoque certissimæ mor-
tis periculo liberatus fuit. Cum enim in officina libraria Elzeviriana
staret perlustrandis libris intentus, magna librorum & chartarum mo-
les, quæ trochleis in suprema tabulata attrahebatur, in aream cecidit,
adeo ut tergum ipsi librorum illa mole concuteretur, quæ si vertici in-
cidisset, actum utique de vita fuisset. Perfecto autem ita in Bel-
gium atque Angliam altero itinere, vitæ sociam opportune & fe-
liciter invenit in Margaretha, Casparis de Deginck, Senatoris tum &
postea Consulis Reipublicæ Lubecensis, filia, A. 1671 ipsi solenniter
juncta, e qua filios suscepit quatuor, quorum duo in pueritia mortali-
tatem expleverunt, duo vero studiis & vestigiis paternis inhærent. Ne-
que vero conjuge ita auctus Morhofius in literis quicquam remisit,
sed tum legendo ac meditando, tum docendo & scribendo non minus
fuit

fuit occupatus. Et lectionum quidem ab eo in Academia Kiloniensi privatim publiceque habitarum non minus, ac scriptorum ab ipso in lucem editorum, catalogum Vir doctissimus, qui vitam hanc composuit, annectit, qui & rationem omnem, quam in Polyhistore suo Auctor tenere constituerit, exponit, ac de Morhofii scriptis quoque affectis commentatur. Sed ut ad vitam ab eo bene laudabiliterque transactam redeamus, post primam, quam diximus, Professionem novam ille Historiarum A. 1673 nactus est. Bibliothecæ Academicæ post Samuelem Rachelium præfuit ab anno circiter 1680, eandemque multis bonis libris auxit. Ad vitæ exitum quod attinet, non mors solum conjugis suavissimæ A. 1687 ejus animum graviter afflixit, sed pertinax quoque literarum studium inde a prima juventute frequentatum usque adeo corpus A. 1690 fregerat, ut ille ipse annus ei fatalis fore videretur. Erat tamen sanitatis pristinæ spes in Pyrmontanis acidulis, ad quas sequenti anno profectus est, sed eo cum effectu, ut multo, quam ante, infirmior hinc redierit, Lubecamque properans, in domo socrus suæ d. 30 Julii A. 1691 obierit, ex doctissimorum Virorum morbo, cachexia puta totius corporis, ætatis anni quinquagesimi tertii mense sexto exeunte. Sicut autem vivus in magna apud omnes existimatione fuit Morhofius, ita moriens quoque ingens sui desiderium post se reliquit. Utrumque inter alia ex istis elogiis, quibus eum vivum cumularunt, & ex epicediis, quibus mortuum ornarunt Eruditissimi quique, & quorum magnus numerus huic ejus Vitæ subjunctus cernitur, invicte colligas.

ISTORIA DELLE GUERRE DEL REGNO DEL
BRASILE &c.

h. e.

HISTORIA BELLORUM IN REGNO BRASILIÆ INTER RE-
gem Portugallia & Rempubicam Hollandicam gestorum, Au-
thore JOH. JOSEPHO A S. TERESIA, Carmelita
Discalceato

Romæ ex typographia heredum Corbelletti, 1698, in fol. Constat 5
Alph. & 9 plagulis, nec non, præter figuras alias, tabulis Geo-
graphicis & Topographicis elegantissimis: 23.

O o 3

Admo-

ADmodum Reverendus atque Clarissimus Autor, qui scribendis alias rebus Theologicis vacavit, cum otio abundaret, ut ipse profetur, ad hanc Historiam componendam accessit. Equidem jam ante ipsum in hoc argumento versatus fuerat doctissimus *Caspar Barlaeus*; sed is tamen non nisi partem Historiæ exhibuit, res scilicet per octennium in Brasilia sub Mauritii Comitis Nassoviæ præfectura gestas; ast Autor plenius eandem sistit, omnia Lusitanorum fata in illo Regno, præsertim quoad Batavos, prolixè persecutus. In præfatione asserit, nihil se in medium protulisse, nisi quod diligenter contulerit cum relationibus eorum, qui gestis interfuerint, aut exactissime saltem ex fide dignis monumentis res gestas descripserint. Tabulas quoque Geographicas totius Regni Brasiliæ exhibet, ad illarum formam concinnatas, quæ in Bibliotheca Eminentissimi Cardinalis Petri Ottoboni reperiuntur. Ipsum de cætero librum in duas partes divisit; quarum utraque septem libris absolvitur. Et in primo quidem libro partis prioris, ut lectorem eo melius in notitiam propositæ historiæ introducat, occasionem describit, qua detecta fuerit olim Brasilia. Misisse videlicet anno 1500 Regem Portugalliæ Emanuele, cognomine Felicem, ad explorandas Indiæ provincias, classem ductu Archithalassi Petri Alvares Cabral, qui tempestate jactatus pervenerit ad regionem incognitam, quam, quod incideret tertius Maji dies, inventioni sanctæ Crucis dicatus, terram S. Crucis dixerit, postea Brasiliam appellatam a ligno, quo abundat, pannis tingendis aptissimo. Interjecto tempore missum a Rege Americum Vesputium, celebrem Cosmographum, a quo totus ille terrarum tractus Americæ nomen acceperit. Profectum postea eo jussu regio Gonzalum, qui varios portus novos detexerit. Mortuo interim Rege Emanuele, cui summa tribuuntur elogia, ejus successorem Johannem III novam classem, ductu Christophori Giaques in Brasiliam misisse; quem Petrus de Sousa, & Martinus Alphonsus de Sousa, fuerint secuti. Subjungit deinde Autor Brasiliæ prolixam descriptionem Geographicam, & miram ejus fertilitatem deprædicat. Barbariem etiam veterum incolarum perstringit; inque eorum linguis, quæ supra centum sint, id dignum notatu cum Barlæo advertit, quod in omnibus desint literæ F, L, R, non sine omine, quod sine *Fide, Lege & Rege* vixerint. Descendit porro ad Sebastiani, qui post Johannis III mortem regno Portugalliæ præfuit,

fuit, adversam in Africa fortunam recensendam; cuius successore Henrico Cardinali defuncto, quæ fuerint variorum Principum prætensiones in Regnum Lusitanicum, memorat, nullamque justiore, quam Ducum Bragantiæ, fuisse ostendit. Expugnatum tamen Regnum a Rege Catholico Philippo II, opera Ducis Albani, inque victoriæ præmium, præter Lusitaniam, Brasiliam quoque cessisse. Post obitum Philippi II, ab alienatis multum ab Hispanis Lusitanorum animos, ob exigua valde suæ in ipsos propensionis signa, quæ ediderit successor ejus Philippus III; neque mitius fuisse sub ejus filio Philippo IV imperium, utique postquam is rerum summam commisisset Comiti Olivariensi, vi atque impetu pleraque agere assuetus. Interim postquam bellum inter Hispanos Batavosque, finitis induciis, recruderet, Batavos a Principe Auriaco excitatos, occasionem Brasiliam invadendi, stabilita, Societate Occidentali cepisse, ejusque metropolin Bahiam expugnasse. Recuperatam tamen eandem sequenti anno ab Hispanis, duplici classe, Lusitanica nempe ac Hispana, missa, cum serum nimis fuisset auxilium, quod ad eam obsidione liberandam Batavi miserant. Classem postmodum Regiam domum redeuntem, cum effugere Anglorum ipsi imminentium conspectum vellet, vi tempestatis fuisse disjectam, atque ita misere afflictam, ut paucissimæ naves salvæ ad portum venerint. Tentasse interim classem Hollandicam ingressum in varios Brasiliæ portus, sed irritum successu; eoque rediisse eam, amisso præfecto, in Hollandiam. Hinc perculsos Batavos abnuisse novis sumptibus denuo laceessere fortunam, quam semel adeo sibi in illa parte terrarum adversam experti erant; animos tamen ipsis a Principe Arausionensi additos, persuasumque variis rationibus, ut existimarent, propter solum hunc fortunæ ictum a proposito desistendum haud esse. Itaque ex eo ipsos tempore denuo variis modis afflixisse Lusitanos, relictisque viribus, maxime capta aurifera classe ex India in Hispaniam tendente, instaurasse Societatem Occidentalem, novamque classem ad subjugandam provinciam Pernambucensem misisse; neque tamen tam ipsorum viribus, quam per nimiam Hispanorum in illa defendenda negligentiam, factum, ut brevi tempore munitissimas urbes *Olindam* atque *Reciffam* sub potestatem redegerint, variaque sibi castella extruxerint. His tam prosperis initiis adhuc magis animatos ipsos, insulam Tamaricam invasisse. Dimicatum postea mari ab

A. 1626.

A. 1627.

A. 1630.

utraq.

- utraq; parte acerrime, varioque successu multa utrinque tentata. Neque ita multo post novas ex Belgio advenisse copias; Lusitanis auxilio & sumptibus destitutis. Obsedissee itaque Batavos Paraybam, neq; inde abstractos a Lusitanis esse, vano ab his impetu in urbem Recissam facto; neque sic tamen Hispaniam profundo veluti sopore oppressam evigilasse. Itaque Batavos brevi, præter munita quædam castella alia, Paraybam expugnasse, ut & Nazaretû, quamvis, qui in hujus præsidio erant constituti milites, miræ in eo defendendo constantiæ & fortitudinis exemplum edidissent. In sequenti libro refert Autor, novo cum Gallis bello Hispaniam involutam, consiliis Comitiss Olivariensis. Conquestum quidem apud eum Regem de iurisdictione tot in Brasilia locorum; sed callidissima ratione mitigatum rursus, omni culpa in Albuquerqueum translata. Huic proinde abrogatum imperium, delatumque Friderico de Toledo; qui tamen rerum gerendarum prudentissimus Dux, quod videret minus suppeditari, quæ ad tam grave bellum necessaria erant, id recusaverit, eam ob causam carceri inclusus ac in eo vita defunctus. Oblatum postea idem munus Marchionide Velada, id declinare non auso; præmissum tamen, qui vicibus ejus fungeretur, Borgiam, paulo post in prælio contra Batavos extinctum, ei que successorem datum Comitem de Bagnuolo. Batavos interim novas copias duce Mauritio Comite Nassoviensi in Brasiliam misisse, qui summo animi robore & alacritate congressus acie cum Bagnuolo, victoriam ad ultimum reportaverit, postquam Bagnuolus cum æterna nominis sui labe fugam turpiter capessivisset. Arcem Portus Calvi deinde a Belgis expugnatam, & quibuslibet liberam potestatem in Brasiliam navigandi, Mauritio suadente, a Foederatis Provinciis factam. Latius hunc postmodum circumtulisse victricia arma, ejusque clementia invitatos Siaræ populos sponte se dedidisse, atque adversus Lusitanos obtulisse auxilia: Minam, validissimam in Africæ littoribus arcem, occupatam: Bahiam obsidione cinctam, sed paulo post desertam, indignante Mauritio, qui postea urbem ædificavit a suo nomine Mauritiopolin dictam. In sequentibus usque ad finem partis primæ, Autor varias Comitiss Olivariensis in Lusitanos machinationes recenset, quibus insidiatus eorum libertati & privilegiis fuerit; eoque rigore exasperatos Portugallos, consilium de excutendo penitus jugo Hispanorum cepisse. Hoc quomodo processerit, in

A. 1634.

A. 1636.

in lib. I. partis secundæ ostendit. Consensisse videlicet Ducem Bragantiæ Johannem, ab uxore sua exstimulatum, in sui electionem: constitutum proposito exequendo diem primum mensis Decembris, ejusque horam decimam sextam: hac audita Proceres Regni congregatos in arcem Olisipponensem irrupisse, pulsque excubiatoribus, & diffracta janua conclavis, in quo morabatur Secretarius Status Vasconzelus, hunc in arca, in quam se abdiderat, primum ictu globulorum occisum, deinde de proxima fenestra præcipitatum, miserrimeque a plebe dilaceratum fuisse: hoc facto, fausta omnium acclamatione Regem Lusitaniæ pronunciatum Johannem IV Ducem Bragantiæ. Ab hoc Legatos ad præcipuas Europæ Aulas missos, ut legitimum ipsius in regnum jus demonstrarent: accessisse ad partes Regem Galliæ: abnuisse Batavos restituere regiones vi Lusitanis in America ereptas; induciisque ea conditione callide initis, ut annum ad eas in America publicandas spatium relinqueretur, interim latius in Brasilia grassatos, ingensque damnum intulisse Lusitanis: expugnatas urbes Seregippam & Sancti Ludovici: occupatam etiam, facta in Æthiopiam expeditione, a Comite Mauritio Loandam Regni Angolæ caput, & Insulam Sancti Thomæ. Coëptum inde Hispanos inter & Portugallos bellum; missumque denuo Legatum a Rege Portugalliæ ad Batavos, sed irrito successu, acriter quippe bellum prosecutos in America contra Lusitanos, qui feliciter interim adversus Regem Hispaniæ in Castilia & Gallicia pugnarint. Accidisse postea, ut Batavi, cum Principis Auriaci potentiam suspectam haberent eamque sensim enervatam cuperent, consilium ceperint de Mauritio ejus cognato ex Brasilia revocando; neque id difficile fuisse, accisis ipsi stipendiis militaribus, cum eadem auctum iri, ob virtutem suam & res feliciter gestas, sperare posset. Ubi Autor a Barlæo dissentit, qui Fœderatos Ordines invitos vacationem a Brasiliensi Præfectura, aliquoties a Comite postulatam, ipsi dedisse memorat, neque aliam ob causam in dimissionem consensisse, quam ne sisterent vota ad majora enitenti animi. Exponit deinceps Autor crudelitatem, quam adhibuerint in Brasilia Batavi; unde incolæ Maragnanæ provinciæ, excitato tumultu, ipsos armis adorti, prosperoque successu usi, tota insula eos pepulerint, Lusitani etiam provinciam Siarensensem recuperarint. Exponit in sequentibus Autor seditionem novasque turbas in Brasilia contra Batavos ortas, duce Viçira, qui fru-

1641.

1642.

1643. &
1644.

1645. *stra implorato Lusitanæ Regis auxilio, suo nomine bellum indixerit Hollandis, ingenio, fortitudine, denique fortuna adjutus, ut qui victor e gravi prælio, cum Henrico Hussio commisso, magna cum gloria discesserit. Eo successu animatum Gubernatorem Bahiæ, auxisse rebellium partes, duce Vidalio cum suppetiis misso. Et tentata quidem nonnulla feliciter, ac expugnata castella quædam; Paraybam vero frustra obsessam, & irrito conatu impetum in insulam Tamaracam factum. Neque enim Regem Lusitanæ auxilia a Vieira efflagitata, misisse, ne irritati Batavi pacem in Europa abrumperent; quin decrevisse potius, provinciam Pernambucensem ipsis relinquere, ut in Europa non adversantes haberet. Misisse igitur ipsam mandata in Americam, quibus injunctum fuerit Vieiræ, ut continuo arma deponeret, atque a Batavis persequendis desisteret: sed non passum hunc filii medium victoriarum suarum cursum jussa noluisse exequi, instauratoque bello insulam Tamaracam denuo adortum esse, ferroque & flammis devastasse. Laudatur hic ejusdem Vieiræ prudentia, quam ostenderit parcendo, tempore ita ferente, perfidis nonnullis, qui in ipsius vitam conspiraverant, contentus privata oratione ipsis exprobrasse perfidiam. Sed & temeritatem ejusdem reprehendit Autor, ut ut non infelicem, qua usus fuerit in Batavos, cum in eos, quasi oblitus sui, neglectis tormentorum continuis ictibus, magno furore cum suis militibus incurrisset. Commemorat deinde idem, Regem Portugalliæ omnem movisse lapidem, ut Monasteriensi pace, quæ tum agitabatur, ipse quoque comprehenderetur; sed obstitisse Philippum Hispaniæ Regem, qui tandem post octoginta annorum bellum, pacem sanxerit cum Fœderato Belgio, idque pro suprema & independente Republica agnoverit. Decrevisse inter hæc Fœderatos Ordines contra Lusitanos in Brasilia bellum, eoque sine ingentem classem comparasse; quæ tamen quo minus vela faceret, impeditum a Legato Regis Portugalliæ. Obsessam postea a Batavis, Sigismundo duce, urbem Bahiam, etsi irritum ad extremum conatu. Regem Lusitanæ, audito periculo urbis, misisse classem, quæ suppetias ei ferret, duce Comite de Villapoca; dissimulasse tamen eundem, quantum potuerit, sua consilia, ut quam diu liceret, saltem in Europa illæsam servaret, cum Hollandis pacem. Referuntur inde breviter virtutes & fata Odoardi Principis Bragantiæ: fuisse eum nempe manu strenuum, heroicæ indo-*
- A. 1647.

indolis & invictæ virtutis juvenem Principem ; meruisse diu stipendia in bello Cæsareo contra Gustavum Adolphum Sueciæ Regem ; sed, occupato ab ipsius fratre Johanne IV Portugalliæ Regno, carceri iussu Cæsaris mancipatum, in quo, octennio exacto, fuerit mortuus, in medio ætatis suæ flore. Ab hac digressionem redit ad propositum Auctoris, & res vario eventu in Brasilia gestas enarrat. Memorat porro, missum a Rege Lusitanæ Salvatorem Corream de Saa in Regnum Angolæ, ad stabilienda commercia jam longo tempore intermissa : exposuisse hunc copias suas ad urbem Loandam, mira que felicitate ex toto illo regno pepulisse Hollandos. Inde factum, ut, ne in Europa ipsorum indignatio in bellum erumperet, denuo consilium de relinquenda eis provincia Pernambucensi Rex ceperit ; sed impeditum ejus effectum a Legato De Sousa Hagæ Comitum commorante, maxima cum utilitate Regis. Et hujus Lusitani Legati mira prudentia & subactum ingenium summis laudibus ab Autore extollitur ; qui & solus inter Legatos ausus sit cum omni familia sua adesse coronationi Principis Walliæ, quæ Hagæ Comitum facta, post nuncium de eadem patris ipsius Caroli I Magnæ Britannæ Regis acceptum. Memorat deinde idem in Portugallia quoque, ad imitationem Hollandicæ, Societatem quandam generalem, Regni Brasiliensis recuperandi causa institutam, conductamque ab ea classem in Americam navigasse. In libro postremo refert, denegasse Regem iterato licet flagitatum a rebellibus in Brasilia auxilium, ut ne ullis indiciis hostilem aliquem in Hollandos animum proderet. Inde diu deliberatum a Fœderatis Ordinibus, utrum bellum ei denuntiandum esset, nec ne ; in diversas partes provinciarum, Hollandia & Zelandia præcipue, abeuntibus ; vicisse tamen illius sententiam, quietem, quantum fieri posset, conservari debere suadentem. Constatum vero postea bellum inter Belgas & Anglos, solite idem fovente Rege Portugalliæ. Neglectam itaque a Belgis Brasiliam ; unde post diuturnam, eamque acerrimam obsidionem, Mauritopolis tandem a Vieira fuerit expugnata ; pluresque regiones & loca alia subinde occupata ; donec paulatim tota Brasilia sub potestatem felicissimi Regis Lusitanæ Johannis IV redierit. Mortuum hunc non ita multo post, relicto successore Alphonso, cui postea abrogato imperio, utpote ad id gerendum haud quaquam idoneo, solium omnium votis & applausu Petrus ejusdem frater conscenderit,

1648.

1649.

1650.

1651.

1652.

1653.

1654.

regnumque, inita cum Rege Catholico pace, hodiernum magna cum gloria gubernet.

VITA D. MARTINI LUTHERI, ET SUCCESSUUM EVANGELICÆ REFORMATIONIS JUBILÆORUMQUE EVANGELICORUM HISTORIA, NUMMIS CXLV atque Iconibus aliquot rarissimis illustrata, studio M. CHRISTIANI JUNKER.

Francof. & Lipsiæ, apud Georg. Andr. Endterum, 1699. in 8.

Alph. I. plag. II. cum tab. æn. 51.

Quicquid demum aliqui de studio rei nummaria sentiant, certum est tamen, etiam pridem ostensum ab excellentibus Viris, insignem ejus usum in omni sacra profanaque doctrina esse. Recentius admodum & singulari exemplo hanc rei nummaria, in historia etiam ecclesiastica, utilitatem demonstrare conatus est hujus de Vita Lutheri Commentarii Auctor Clarissimus, Gymnasii Saxo-Hennebergici, quod Schleusingæ est, Con-Rector, in quo quippe non illustravit modo præcipua rerum a Luthero gestarum capita, sed & historiam Reformationis Evangelicæ Jubilæorumque, quæ vocant, omnem, ad nostra usque tempora, monumentis Nummorum quamplurimis, non sine ingenti, quod facile patet, sollicitudine conquisitis, convenientique ordine ita dispositis, ut nihil sit, quod turbare aut offendere Lectorem possit; cui arbitramur non injucundum fore, siquidem contueri velit aurum hoc argentumque, honoribus æternis Martini Lutheri dicatum, superiori ac nostro hoc sæculo. Neque vero vulgo nota sectatus est ubivis Auctor, sed quæcunque ex variis passim cimeliis investigare potuit, collegit studio peculiari, curiosæque annotavit, quæ ad paucorum notitiam solent alias pervenire. Nos igitur præcipua quædam ex his seligimus, dum omnia non licet, ne voluptatem ex ipsa lectione libri plenius fortassis hauriendam occupemus.

S. 17. In *Prefatione* tum occasio scripti, tum & illi recensentur, qui de vita Lutheri sunt commentati, ac refutantur nugæ Galli cujusdam anonymi, qui in libello, *Nouveaux Dialogues des Mores*, multa ineptissime de Luthero disseruerit; ac ne quis induci se patiat forte, ut credat, fictos esse ab Auctore Nummos aliquos, ideo indicantur eorum nomina,

na, quorum benevolentia, quicquid attulit, se debere fatetur; addito simul totius tractationis *Conspicuum*, quam paragraphis centum omnino absolvit.

Quemadmodum vero Auctor annum, quo natus est Lutherus, ex Nummis illustrat, ita Parentum ejus icones ex pictura rarissima representat, notatque acerbe dictum Adriani Bailleti, cui Lutherus *Patriarcha Islebiensis* audit; & differit deinceps de Johannis Hussi vaticinio ex Nummis non paucis, quos sibi gaudet obvenisse, eosque inter ex locupletissimo nummophylacio Arnstadiensi Celsissimi Comitis Schwarzburgici, *Dn. ANTONII GUNTHERI*, unum, quem *Bizot* omnium primum esse inter modernos testatur, quique exhibet iconem Hussi pileo tecti, cum perigraphie: CREDO. VNAM. ESSE. SCAN. (Sanctam) CATHO. ECCLE. JOAN. HUS. inq; pagina averfa Hussum rogo alligatum, addita circumscriptione: CENTUM REVOLU. ANIS. DEO. REDD. (Reddetis,) ROEM. (Rationem) ET. MICHI. CON. NAT. (Condemnato) 1415. De *Salvo Conductu* Luthero Wormatiam eunti dato observat, quod ejus autographon extet Regiomonti in Wallenrodiana, unum vero *Literarum Citatoriarum* perinde exemplar autographum in instructissima Amplissimi Senatus Lipsiensis Bibliotheca. Imaginem porro Lutheri spectandam dat habitu exornati monachali; tum & militari, cum reversus esset ex Pathmo sua Wittebergam; & comprobat ex Nummis pietatem Friderici III Saxoniae Electoris, amoremque erga Divini verbi puritatem Lutheri ministerio restitutam, dum ipsum declaravit & symbolo suo: *Verbum Domini Manet In Aeternum*, & inscriptione quorundam Nummorum: CCNS. *Cruz Christi Nostra Salus*, lacessita postmodum a Jacobo Gretsero. Inde docet ex Maximiliani Mission Itinerario, quod petitus Wormatiae fuisse Lutherus poculo vini veneno mixti pleno credatur; & simul Confessionis Evangelicae, in Augusta Vindelicorum Urbe traditae Caesari Carolq; V, historiam nummo gemino explicat, quorum ille sane ubivis obvius non est, in quo conspiciuntur duae icones, additis verbis: JOAN. PAT. ET. JOAN. FRID. F. EVANG. CONFESS. INVICTISS. 1530; in pagina altera Caesar throno insidens, coram quo stant quatuor viri, pone quos scutum est, cum numeris 37, post thronum vero haec litterae OE, & haec circumscrip-
ET. LOQUEBATUR. SERMONEM. DEI. CV. FIDUCIA. ACTOR. 4.

p. 2.

p. 5.

p. 32. 43.

407.

p. 33. 39. 41.

T. IV. no. 9.

p. 50. 43.

226. 227.

p. 48.

p. 57.

p. 66.

p. 69.

p. 757.

p. 86. 91. 420.

468.

p. 468.

- p. 103. Hinc laudibus meritis, ipsius etiam *Pauli Besnier* Iesuitæ Galli, & *Josephi Scaligeri* testimonio confirmatis, versionem Bibliorum Lutheri Germanicam effert, simul de ejusdem editione prima disquirens, atque memoriam Philippi Melanchthonis, Erasmi Roterodami, Huldarici Zwinglii, Friderici Myconii, Martini Bucerii, & Johannis Calvinii, nummis elegantissimis concelebrans; ubi etiam symbola horum aliorumque ævo Lutheri excellentium virorum recenset, & allegat unam Philippi Melanchthonis ad Ulricum Mordisium, aliamque Georgii Fabricii ad M. Petrum Glaſerum epistolam nondum antehac editam, multaque præterea de singulis his Viris, quæ paucis persuademur esse nota, e. g. de insignibus Philippi Melanchthonis, de Nummo maximi moduli Erasmi Rotorodami, cui imago Dei Termini, cum vocibus, CONCEDO NULLI, & perigraphe Græca, ΟΡΑ ΤΕΛΟΣ ΜΑΚΡΟΥ ΒΙΟΥ. MORS ULTIMA LINEA RERUM; atque in altera parte Erasmi icon est insculpta, cum hac circumscriptione, ΤΗΝ ΚΡΕΙΤΤΩ ΤΑ ΣΥΓΓΡΑΜΜΑΤΑ ΔΕΙΚΕΙ. Neque præterit etiam Auctor Misniæ Marchionatus Reformationem, sed ex Nummo eam illustrat duplici, & injicit dehinc mentionem testamenti Lutheri, cujus autographon nunc adſervari apud Summe Reverendum Dn. D. *Samuelem Benedictum Carpzovium*. Aulæ Electoralis Saxonicæ Supremum Concionatorem & Consiliarium Ecclesiasticum, affirmat, ex eo *παράγραφα* quorundam emendans, qui exaratum illud fuisse dixerant die *Euphemis*, id est XVI Septembris, cum tamen in illo legatur die *Epiphania*,
- p. 173. Et postquam denique mortem quoque Lutheri ex nummis descripsisset, jam pergit de *symbolo* ejus, quod cor erat rosæ impositum ac cruce exornatum, prolixè differere, deque ejus porro moribus studiisque peculiaribus, quæ inter est, quod tornatoriæ, musices & poeticæ artis fuerit peritus, & cantionibus sacris ipse fistula usus applicuerit modulos. Tum refellit adversariorum de poculo Lutheri catechistico commenta, & matrimonium cum *Catharina de Bohra*, cujus iconem exhibet, vindicat, Epithalamium una inferens aculeorum plenissimum, quo Emserus Lutheri nuptias erat prosequutus. Hinc sobolem ejus enumerat, exq; nummis & pictura *Paulum*, Augusti Electoris Sax. Archiatrum, & *Magdalenam*, repræsentat; postea, quicquid monumentorum de Luthero reliquum adhuc passim est, & in veneratione non super-

perstitiosa, curiose commemorans; quæ inter sunt cumprimis variæ ejus effigies, domus, cellula, cubiculum, monumentum sepulchrale, annulus, poculum, vitrum, quod Justo Jonæ donavit, cum libris, aliisque scriptis in Bibliotheca manuali Serenissimi Brunsvic. & Lunæb. Ducis DN. RUDOLPHI AUGUSTI, (cujus Serenitati etiam Auctor hoc suum opusculum humillime dedicavit) adservati, Bibliorumque MSS. fragmentis, salvo conductu, epistolis MSS. aliisque.

Quibus adeo ad Vitam Lutheri proprie pertinentibus expositis, ut sibi ad Historiam Jubilæorum Evangelicorum commodam sterneret viam, nunc ea persequitur Auctor, ducentibus ipsum Nummis, quæ in bello, quod Joh. Fridericus & Mauritius Saxonie Electores adversus Carolum V gessere, acta sunt; ex quibus videlicet Pax Passaviensis profluxit, & quædam adhuc alia Protestantium res concernentia. Hos inter nummos eminet non argenteus modo, sed & aureus, in quo extant Angeli duo sertum rutaceum tenentes, cum hac epigraphæ: NON. VIDI. IUSTUM. DERELICTUM. NEC. SEMEN. EIUS. QUERERE. PANEM; in priori vero pagina insignia Ducum Saxonie cum his in margine verbis: D. G. IOH. FRIDERICUS. SECUNDUS. DUX SAXONIE. LANDGRAVIUS. THURINGie. Et. Marchio. Misnie; quo testari voluit pius quidem at infelix Princeps, qua spe in calamitate durissima erigatur. Cumque mox prodisset aliquorum astutia liber *Interim* dictus circa hæc tempora, de hoc etiam ex Nummis, quorum pars ab *Amsdorff* fuit cudi in adversarios iussa, instituitur narratio: indeque de *Formula Concordie* ab Augusto Electore Sax. constituta, ac de *Nicolas Crellio*, turbarum ingentium face, deque *Godofredo Kabo*, converso ad puriorem doctrinam Sacerdote Pontificio, ex Nummis traditur. Atque ita fit progressus ad *Jubileum Evangelicæ Reformationis primam*, quod pro dignitate velut precibus universa Ecclesia, ita speciatim Nummis celebrari, curarunt, cum Electore Saxonie Joh. Georgio I, Dux Pomeranie Philippus II, atque inter urbes Germanie liberas Norimberga præsertim, Francofurtum, Spira, Argentoratum, Wormatia, Ulma; & inter privatos egregius sui temporis artifex C. Mahler. Quorum omnium Nummi longa & scita serie dantur spectandi, explicanturque. Jungitur autem his unus, quem *Adam C.* & Soc. Jesu invenit fortassis in se, certe commentario integro exposuit, non sane quidem ut honoraret Reformationis memoriam, sed ut animo suo indul-

p. 214. 218.

445.

p. 217.

p. 220.

p. 224.

p. 230.

p. 254.

T. XV. p. 236

T. XIV. no.

45. 6.

p. 243. 234.

p. 245. 252.

248.

p. 266.

275.

277.

284.

320.

dulgeret. Ejus autem hæc facies est. Una parte Sol apparet, quem circa legitur: CONSTANS ECCLESIAE ANTIQUITAS. MILLE ET SEXCENTIS MICAT INVARIABILIS ANNIS. cl̄o l̄o c̄ XVII: altera ostendit Lunam, cum hac perigraphæ: INCONSTANS HÆ. RESEON NOVITAS. MILLE ET SEXCENTAS FACIES CENTUM INDUIT ANNIS.

325. Hos excipiunt multi in *Jubilæo Augustanae Confessionis* cusi
 345. Nummi, etsi in tempora illud inciderat admodum tristitia, bello quippe
 373. petitis Protestantibus; cujus tamen finis extitit tandem anno 1648 &
 376. 1650, Pace Westphalica & Transactione Norimbergensi, quod ipsi
 379. etiam Nummi testantur; quarum utraque Religioni Evangelicæ data
 385. quies fuit, utinam nunquam posthinc turbanda. Horum Numisma-
 388. tum occasione observat Auctor, quod urbs Norimberga, inde usque a
 392. belli tricennalis initiis, vota pro pace chronostichis inclusa aureis suis
 impresserit; quodque deinceps & Joh. Georgius I Elector Sax. (cujus
 felicitatem eventus plane singulares designarunt) & Wilhelmus
 Dux Saxo-Vinariensis, *Transactionis Passaviensis*, sed *Formula Concordiæ*
Jubilæum Augustus Dux Saxonix, Administrator Archiepiscopatus
 Magdeburgici, Nummis egregiis celebrarint; quod in Suecia quo-
 que a gloriosissimæ recordationis Rege Carolo XI anno 1693 factum
 esse, cum is coleret per provincias suas *Seculum Reformata Suecia*, ex
 Nummo probat.

- p. 401. In *Accessionibus*, quas Commentationi suæ junxit Auctor, plu-
 res non modo Nummos Supplementi vicem sustinentes exhibet, indi-
 catis quibus illi inferi debeant locis, sed & ex Bibliotheca Ducali Go-
 thana non pauca collegit inservientia scopo suo, & cognitu plane di-
 gna; atque simul varia adjecit, quæ lucem adferunt ante dictis, quæ-
 que legi malunt & inspicere, cum fructu eorum, qui his elegantiorum
 litterarum deliciis capiuntur, quam a nobis prolixè hoc loco receu-
 seri.

*ANECDOTA, QUÆ EX AMBROSIANÆ BIBLIOTHECÆ
 codicibus nunc primum eruit, Notis ac Disquisitionibus auct. LU-
 DOVICUS ANTONIUS MURATORIUS.*

Tomus secundus.

Medio-

Mediolani, apud Josephum Pandulfum Malatestam, 1698. 4.

Alphab. 2.

A Pud quos primo *ἄνεκδοτῶν* Tomo superiori anno 1697 edito, & a nobis in Actis sequentis anni sub initium Februarii recensito, gratiam haud mediocrem iniit Doctissimus Muratorius: apud eos laude sua neque nunc fraudatum sese deprehendet, ubi alterum superaddidit, monumentis utilissimis, & quæ prioribus palmam reddere dubiam propemodum existimaveris, refertum. Agmen ducit *Fides Bachiarii* (cujus & patriam, & vitæ tempus, & dignitatem munerum ignorare se haud diffitetur Noster, quamvis istam minime habeat pro Britannia, ut quidam velint, & hoc ad seculi quarti finem sequentisve initium fortasse referendum judicet, quod vero hanc concernit, Monachorum instituta sequutum fuisse conjiciat, maximopere interim subdubitans, an ex eo, quod Pontificem Romanum vocarit Fratrem Beatissimum, Episcopali eum infula ornatum fuisse, liceat colligere,) seu apologia, consilium, quo peregrinatione instituta patriæ se suæ eripuit Bacharius, ut doctior ex in sacraque religioni addictior evaderet, adversus obrectatorum calumnias coram Pontifice Romano defendens, & præclarissimam de fide confessionem suppeditans. Hanc ex codice minimum ante mille annos conscripto, & e Monasterio Robienſi in Ambrosianam Bibliothecam translato, se depromsisse ait Muratorius, qui & Latinum hoc duarum plagularum opusculum notis cuique paginæ subjectis passim explicuit atque illustravit. Scriptum hocce Theologicum & brevius, aliud mox Historicum, & quod prolixitate sua istud multum superat, integris quippe octo atque sexaginta constans capitibus, subsequitur, *Joannis puta de Cermenate*, Notarii Mediolanensis seculo decimo quarto clari, *Historia de situ, origine & cultoribus Ambrosianæ urbis, ac de Mediolanensium gestis sub imperio Henrici VII ab A. 1307 ad 1313*; e qua inter alia cum Mediolanensis populi, tum nobilissimæ Vice comitum familiæ primordia hauriri, quin eos etiam refelli posse Muratorius existimat, qui Henricum hunc Imperatorem ex venenata hostia obiisse perhibeant, quandoquidem illa potius eundem tridua febris in continuam degenerante extinctum memoret. Tertio loco comparent aliquot *anathematismi*, & ii quidem, ut Noster ait, *Manichaorum ferientes bæresin*, quos ille Leonis Magni

vigilantiæ deberi verisimile arbitratur, & eos brevi pessimæ hujus propaginis historia, Patrumque & aliorum Autorum testimoniis de Manichæorum dogmatibus illustrat, notatu dignum præ cæteris videri innuens, quod ex his anathematismis discamus, istos & in hanc opinionem concessisse, ut Patrem & Filium nil aliud, quam animam & sensum esse arbitrarentur utque pluvias, fulgura, nubes, grandines, aliæque meteora non Dei summi nutu fieri aut moveri somniarent, quæ asserta tamen nusquam alias iisdem tributa deprehendantur. Quartum inter hæc anecdota monumentum prolixissima est *Oratio*, quam *pro autoritate Romani Pontificis* Viennæ anno 1452 habuit *Æneas Sylvius*; cui peculiarem Muratorius subnectit dissertationem, qua & Autoris res gestas summam recenset, & Maimburgium, quod Sylvius ille ante Pontificatum suum Papam Concilio Generali subiectum statuerit, contendentem, ex oratione præsentis refutare nititur, & opera *Æneæ* modo memorati nondum hætenus edita, sed propediem tamen abs se vulganda, enumerat. Quinto vetus ex seculo nono affertur *formula manumissionis*, sine qua nemo olim ex familia propria ad sacros ordines promoveri potuerit; quam inter alia & hunc præstare usum Noster intimat, ut refellatur sententia, quæ non vulgi modo, sed omnium pene literatorum animis hætenus insederit, sub Christianis nempe omnium servitutum usum antiquitus desuisse. Dum sexto *Indicem* apponit *Sanctorum Martyrum, quorum corpora S. Gregorii Magni temporibus Romæ quieverint*, in annexa huic Dissertatione eundem ad ipsa Gregorii tempora referre allaborat. E quodam dehinc illius responso occasionem capit disquirendi: utrum illius ævo Sanctorum reliquiæ & ossa *Sanctuaris* nomine venire sueverint? id quod diserte negat, vocabuloque isto ea duntaxat denotari innuit, quæ vel ipsis Sanctorum pignoribus, vel eorum sepulchris & ipsanothecis admota fuerint, ac venerationis aliquam & sanctitatis speciem ex pio contactu receperint, ita, ut miraculorum vi, non secus quam ipsa Martyrum ossa, instruerentur. In isto insuper *Indice olea sancta* a Gregorio Magno ad Theodelindam missa cum dicantur, pro qualibusnam illa habenda veniant, exponit; pro talibus nimirum, quæ aut e lucernis ante SS. Martyrum tumulos suspensis desumpta fuerint, aut e sepulcrorum contactu quandam sanctitatis speciem acceperint, ita ut reliquiarum sacrarum loco haberentur. Cæterum eundem Sanctorum Catalogum, indi-

indicio suo Romam sacris corporibus Gregorii jamtum ævo ab unda-
 se docentem, Henrico Dodwello ejusque sententiæ de paucitate Mar-
 tyrum opponi, & hanc isto penitus subverti posse persuasum sibi ha-
 bet, imo plures adhuc utilitates illius valde celebrat. *Duo*, quæ sequun-
 tur, *chronica Regum Italia* brevissima sunt, quorum alterum A. 1013, alte-
 rum vero A. 1028 exaratum Noster perhibet, comitesque iis, post quan-
 dam Henrici, ut putat, Primi Imperatoris constitutionem nondum
 huc usque editam, versus quosdam vetustissimos addit in Bibliotheca
 S. Isidori, Hispalensis Episcopi, olim lectos, & ex eodem codice, e quo
 nuper Tomo I Paulini Poemata exhibita ab ipso fuerunt, descriptos.
 Notatu tamen magis dignum videtur, quod decimum est monumen-
 tum, *Expositio puta fidei*, ut audit, *Catholica Fortunati*, seu in Symbo-
 lum, quod vulgo nuncupari suevit, Athanasianum brevis commenta-
 tio, quam Disquisitione singulari Muratorius prosequitur, in qua ut
 Symbolum hoc Athanasio multis nominibus abjudicat, sic substituto-
 rum ab aliis Auctorum aliorum mentionem posteaquam fecit, Fortu-
 nato forsitan huic, quem a Venantio non alienum putat, tribui idem
 posse suspicatur; quanquam suis conjecturis magnopere haud plau-
 dat, sed Expositionem facilius quam Symbolum ipsum Autori huic
 adscribi palam profiteatur. Superfunt *duæ Orationes nuptiales*, altera
 a Guiniforto Barzizio in sponsalibus Philippi Borromæi circiter A.
 1430, & altera in nuptiis Joannis Augustini Vice-Comitis & Ottonis
 Mandelli circa eundem annum recitata. Et illius quidem Autorem
 a Philippo Maria, Vice-Comite, Mediolanensium Duce, ad plurimas
 easque præclarissimas dignitates evectum fuisse tradit, & ex ejus Orati-
 onibus & Epistolis, quæ in Ambrosiana Bibliotheca servantur, vitæ
 rerumque ab ipso gestarum compositam enarrationem quandam sub-
 ministrat. Alterius autorem se ignorare scribit, nisi fortean is & ipse
 fuerit Barzizius, aut eum verba hæc in calce apposita: *Joannes Mat-
 theus de Privolis scripsit*, designent. Cæterum duæ adhuc Muratorii
 nostri Dissertationes sat proluxæ, superpondii velut in locum, monu-
 mentis hæcenus commemoratis adjiciuntur. Una de *quatuor tempo-
 rum jejuniis* commentatur, ansamque ei dedit quidam Bachiarii locus,
 trium jejuniorum attentiorum mentionem injiciens, a quibus proinde
 alia prorsus Autor facit quatuor temporum jejunia, & istorum pri-
 mum ante Pascha, alterum post Pentecosten, tertiumque ante Nativi-

tatem Domini celebrari antiquissimis temporibus solitum fuisse contendit. Altera circa *coronam ferream*, qua Romanorum Imperatores in Insucribus coronari sueverint, occupatur. Et hæc Autori innata est, quod in Cermenatensis historia Henricum VII Mediolani diademate Italico cinctum fuisse legit. Totum ergo coronationis Imperatorum Italica negotium latius describit, & Mediolanensium imprimis gloriam vindicare studet, ratus, quod si Mediolani se coronandos Imperatores exhibuerint, potuisse illos ab aliis in Longobardia coronationibus abstinere, & si alibi coronam expetierint, splendori hoc datum, & onus minime necessarium susceptum ab iis fuisse. Coronam vero ipsam ullo unquam tempore ferream fuisse negat, nomenque hoc primum ei indidisse refert Chronici Angleriensis manuscripti Autorem, quem sub finem seculi a Christo nato decim tertii vixisse annotat; tandemque de corona, quam Modoëtienses in suo gazophylacio hodieque ostendant, plura monet, inque eo totus est, ut nec laminam illam ferream introrsus intextam unum esse e clavis, quibus suffixus fuit in cruce Christus, nec tantam esse coronæ ipsiusmet, quanta vulgo feratur, antiquitatem sanctitatemve, ad oculum demonstraret.

SAMUELIS STRYKII 3CTI TRACTATUS DE DISSENSU

Sponsalitia, cum materiis quibusdam affinis, de nullitate matrimonii & defensione malitiosa, variis Præjudiciis ac Collegiorum Responsis confirmatus.

Wittebergæ apud J. G. Meyerum & G. Zimmermann, 1699. in 4.
Constat 2 Alph. 3 plag.

Difficilis materia matrimonialis per aliquot disputationes, sub præsidio Illustris Autoris nostri habitas, antehac exposita est, quas revisas variorumque casuum resolutionibus amplificatas, una serie Vir celeberrimus exhibere hic voluit, quo plurimorum, omnium conjunctim editionem desiderantium, votis satisfaceret, ac, quod cordati rerum æstimatores merito addunt, de publico amplius bene mereretur. Cum enim materiæ hujus maxima sit frequentia ac utilitas, ea tamen diversarum legum concursu, variantibusque interpretum sententiis ita sit involuta, ut judices, etiam prudentissimos, transversos agere aut suspen-

penſos tenere queat, hinc omnis labor, qui eidem rite evolvendæ impenditur, publicæ utilitatis rationes attingere exiſtimandus eſt; inprimis ſi ab eo ſuſcipiatur, a quo nihil niſi eximium ſolidumque proficiſci poſſe, tot documenta, omni exceptione majora, liquido oſtendunt. Eo autem Illuſtris Autoris intentio in hoc tractatu collimat, ut illimitatam illam de indiſſolubilitate ſponſaliorum, aut hierologia, dolo licet ac fraudibus elicitæ, indiſpenſabili efficacia, perſuaſionem immi- nueret; de quo ipſe in præſatione graviter & facunde diſſeruit. Totum opus *in ſex ſectiones* diſtinctum eſt. In *prima* expenditur *fundamentum obligationis ſponſalitiæ*. Hoc dubio procul eſt factum aliquod conſenſuale, quod quidem apud Romanos olim per ſtipulationem ſeu verborum ſolemnitatem expediebatur (quod contra Cujacium Noſter oſtendit) hinc etiam valida obligatio, facultatem pœnitendi excludens, ac actio *de ſponſu* inde naſcebatur. Solebant tamen etiam ſponſalia apud Romanos nudo pacto contrahi; ubi uxorem futuram, non *ſponſam*, ſed *pactam* & *ſperatam* audiſſe, aliqui exiſtimant, atque ille mos ſecutis temporibus magis invaluiſſe videtur. Hinc ad exemplum pactorum nudorum, facultas pœnitendi paciſcentibus compete- bat; quo refert Noſter *l. i. C. de Sponſal.* Ac ob hanc etiam cauſam ſponſalibus pœnam cum effectu adicere non licuit; quod de Jure Canonico quoad ſponſalia *trahenda* ſolum verum eſt. Noſtris autem moribus indiſtincte ſponſalia pœna aliquæ muniri poſſunt, uſum præcipue tum habitura, ſi v. gr. ſponſo auſugiente vel alibi uxorem ducente, damni emendatio petenda ſit: quamvis hæc etiam citra conventionem pœnalem in caſibus habilibus debeatur; ſed omiſſa illa conventionem, ejus æſtimatio & probatio non eſt ſatis expedita. Illud etiam certum, quod hodie ex ſponſalibus nudo pacto celebratis efficax detur actio, cum in genere illis pactis noſtro jure viſ efficaciter obligandi tribuatur. Atque illa ſponſaliorum indoles, quam jure humano habent, legibus Divinis non eſt mutata; cum nulla talis ſanctio occurrat. Hinc non aliam ex ſponſalibus juxta jus Divinum eſſe obligationem, quam quæ alias ex pactis oriri ſolet, Excellentiſſimus Autor concludit. Poſtea explanat intricatiſſimam ſponſaliorum *de futuro* & *de præſenti* diſtinctionem. Nimirum Jure Civili illa incognita eſt, ſed Jure Canonico invaluit, ac ex verborum diverſitate, *ducere*, vel *ducante in uxorem*, æſtimatur: prior enim formula ſponſalia de futuro,

posterior de præsenti significat. Verum apud Protestantes, impro-
bante primum istas verborum argutias Luthero, in alium sensum dis-
tinctio converti cœpit, ut sponsalia de futuro notent *conditionata*, de
præsenti vero *pura sponsalia*, nec hactenus referat, verbis futuri an
præsentis temporis voluntas exprimat. Ex quibus tria consecutaria,
in sequentibus usum habitura, Noster elicit. (1) Famosum illud *Cap.
Præterea 2. X de Sponsal.* non loqui de sponsalibus de futuro, sensu
juris Canonici suppositis, sed de sponsalibus de præsenti, si suppositi-
onem morum nostrorum sequamur. (2) Sponsalia de præsenti, sensu
juris Canonici, esse ipsum matrimonium. (3) Eo sensu sponsalia de
præsenti apud nos vix ulla dari. His subjicit Autor Illustris suam e-
picrisin, distinctionem scilicet illam vel plane esse rejiciendam, vel ali-
ter explicandam; eo nempe sensu, ut per sponsalia de futuro intelli-
gamus, *mentionem & repromissionem futurorum sponsaliorum*, i. e. pa-
ctum de sponsalibus faciendis, (a quo differt tractatus præparatorius,
die Anwerbung/qui nullam involvit obligationem) nec non *sponsalia
conditionata*: per sponsalia autem de præsenti, *presentem consensum
sponsalitium*, quæ ratione futurarum nuptiarum quidem etiam de fu-
turo dici queant, qualia fuerint sponsalia Romanorum. His tandem ad-
jiciendum censet *consensum in præsens matrimonium* qui per Sacerdota-
lem benedictionem declaretur, ac abusive cum jure Canonico sponsa-
lia de præsenti dicatur, revera autem sit ipsum matrimonium. His de-
ductis demonstrat Autor, quod interpretes improvide *c. 2. X de Sponsal.*
ad sponsalia de futuro, in sensu Consistoriorum nostrorum supposita,
i. e. conditionata applicent, cum κατὰ τὸ ἑρμηνεύειν agat de sponsalibus
de præsenti, quæ usus noster vocat, i. e. puris. Porro improbat receptis-
simam illam sententiam, qua sponsalia de futuro, per sponsalia de præ-
senti subsequencia tolli existimantur; cum & illa vel ex iniquioribus ju-
ris Canonici decretis, vel diversarum suppositionum confusione origi-
nem habere videatur. Idem dicendum putat de sententia, quæ spon-
salia pura posteriora prioribus conditionatis præfert, ac tandem con-
cludit, sponsalia clandestina in genere non esse obligatoria, ac casum,
in quo filia juraverat, se sine consensu matris nolle nubere, ac mater
eodem jurato asseruerat, se nolle in certam quandam filiæ desponsati-
onem consentire, ratione Magistratus indispensabilem, nec adeo, ma-
tre dissentiente, sponsalia illa & nuptias posse permitti.

In

In sectione *secunda* pergit Noster ad *dissensum unius desponsatorum*, ac ex generali pactorum doctrina ponit regulam, *quod unius dissensu sponsalia nequeant solvi, sed refractarius aut refractaria mediis debitis ad servandam fidem sint compellendi*; quod si tamen multa vel carcere contumax adigi non possit, tum rectius sponsalia solvi, imposita lædenti condigna pœna, quam invitos per sacerdotalem benedictionem conjungi, pronunciat. Si vero ab initio justum consensus impedimentum, dolus, puta, alterius partis, metus, ebrietas adfuerit, tum ad instantiam partis læsæ sponsalia, imo nuptias, non tam solvi, quam nullas declarari, amplius docet. Sponsalia porro sub conditione impossibili aut turpi contracta, ab initio esse invalida, adeoque ab iis, illo qui conditionem adjecerat, desiderante, posse discedi, neglecta juris Canonici dispositione, contendit; aliud dicendum ratus de sponsalibus sub conditione licita & possibili initis, quæ unius dissensu solvi nequeant, licet conditio peregrina, v. g. si Hispanus Gallum vicerit, adjecta sit. His explicatis, sponsalia etiam unius dissensu dissolvi posse censet Illustris Autor, si ea deficient, quorum præsentiam recessurus vel expresse vel saltem tacite & probabiliter supposuit, v. gr. si deficient morum probitas, opes, religio, virginitas voluntario vel per vim amissa, conditio v. gr. nobilitatis, valetudo: aut si ea superveniant, quorum absentiam alter itidem supposuerat, siue culpa alterius de quo minus dubii, v. gr. si alterius fornicatio vel malitiosa desertio subsequatur, siue casu, v. gr. si sponsa per vim stuprum patiatur, aut gravi morbo, v. gr. Gallico, alter contrahentium sine sua culpa afficiatur, vel notabili membro mutiletur, aut sponsa pulcherrima variolis deformetur, aut ex morbo superveniente insignem oris foetorem contrahat, vel si jactura bonorum superveniat. Quæ omnia ex isto derivari principio Excellentissimus Autor monet, quod sponsalia indissolubile vinculum non contineant, sed ad exemplum reliquorum pactorum judicanda sint. Fatetur tamen simul, ad repudium ob ejusmodi causas non statim convolandum esse, multo minus proprio motu id debere suscipi.

Sectio *tertia* dissensui *utriusque desponsatorum* dicata est. Postquam igitur præmonuerat Autor, utile esse, ut tempus habendi sponsam certa aliqua lege coarctetur, ne amor temporis tractu languescat, ac per calumnias abalienatio mentis inducatur, ad propositum pergit,

ac sponsalia jure Canonico c. 2. X. de spons. desponsatorum, seu mutuo averfantium, dissensu solvi posse docet. Cujus æquitatem late tueretur ex eo, quod in sponsalibus nullum aliud, quam conventionis, subsit viaculum, adeoque mutuo dissensu in genere eadem solvi posse certum sit, pluribusque refellit sententiam communem, in Consistoriis Evangelicis receptam, qua mutuo dissensui illa vis negatur, ac desponsati potius ad consummanda sponsalia adiguntur; ostenditque esse eam confectarium hypothesium Papalium, a nobis rejectarum. Juxta eas enim sponsalia de præsentī esse indissolubilia, quia sint ipsum matrimonium, ac præterea Sacramentum. Cum vero juxta nostram suppositionem utrumque illud aliter se habeat, hinc tam incaute hypotheses illas non esse sequendas, sed iis rejectis, confectaria quoque merito debere rejici concludit. Licet vero sponsalia mutuo dissensu solvi posse existimet, non tamen privato ausu, sed judicis Ecclesiastici autoritate id potius fieri debere arbitratur, cum id diligenter explorandum sit, an res in terminis nudorum sponsaliorum substituerit, nec ne, atque hanc sententiam Theologorum & Iſtorum quorundam consentientium suffragio, nec non Facultatis Juridicæ Hallensis responso de anno 1698 amplius confirmat.

In sectione *quarta* explicatur *sponsaliorum concursus*. Præmissis generalibus de nomine, definitione, ac divisione sponsaliorum, nec non conditionibus adjici solitis, ac singularum specierum effectu (in qua tractatione multa notabilia occurrunt, inprimis casus p. 150, quo virgo nobilis, duobus procis, eodem tempore eam ambientibus, ei, qui in duello victor esset futurus, matrimonium promiserat, ac postea altero occiso, & victore supplicium pecunia redimente, de valore factæ promissionis quærebatur) per regulas quasdam concursum sponsaliorum tradit Autor. (1) *Quoties bina sponsalia publica concurrunt, priora posterioribus præferenda, etiamsi ad hanc copula carnalis vel juramentum accesserit.* Quas ampliaciones contra rationes dissentientium amplius deinde defendit, imo idem obtinere pronunciat, licet posteriora sacerdotali benedictione sint consummata, eamque sententiam contra Carpzovium defensam, præjudicio Consistorii Dresdensis de anno 1674 confirmat, ac quasdam alias quæstiones speciales, brevitatis studio hic quidem silentio involvendas, adjicit. (2) *Quoties sponsalia publica & clandestina concurrunt, toties illa præferenda,*

da, etiam si hæc priora fuerint, nisi clandestinis, antequam publica celebrarentur, copula carnalis accesserit; nam tum habentur pro matrimonio, adeoque publicis sequentibus præstant, si modo clandestinitas ex defectu consensuum parentum non sit; nam eam copula carnali non firmari, aliis licet dissentientibus, Noster existimat, eamque sententiam novissimo edicto Brandenburgico firmatam dicit; sponsam aliquando, durante inter duos procos lite, ex justa causa sequestrandam esse adjiciens. (3) Quotiescunque concurrunt sponsalia pura & conditionata, toties illa præferenda. Hanc regulam communem solido haut niti fundamento Noster admonet; admissam vero his solere circumscribi limitationibus docet, nisi conditionatis accesserit copula carnalis, aut pura metu sint extorta, vel alias invalida: his enim casibus conditionata esse potiora; imo matrimonio ex puris illis sponsalibus secuto, iterum per mortem v. gr. sublato, obligationem sponsaliorum conditionatorum reviviscere censet. (4) *Quoties bina sponsalia conditionata concurrunt, toties priora posterioribus præferuntur, licet his juramentum accesserit;* quæ per aliquot quæstiones speciales Noster persequitur. Post hæc pœnas plurium sponsaliorum recenset, & quid jure Mosaico, Canonico, Civili & Saxonico constitutum sit, distincte exponit, ut pœnam bigamiæ capitalem huc extendi non posse, simul fateatur.

Sectio quinta exhibet *matrimonii nullitatem*. Nullitate igitur & divortio accurate distinctis, primo de hujus causis disserit Autor docendo, matrimonium posse solvi ob adulterium uxoris etiam solum præsumtum, non vero ob adulterium mariti, cum jus divertendi hoc casu, neque in veteri, neque in novo Testamento uxoribus sit concessum. Quare nec uxorem, si forte matrimonium prius, juxta receptam fere sententiam contrariam, solvatur, salva conscientia aliud inire posse, amplius contendit. Postea malitiosam desertionem, velut alteram matrimonii solvendi causam, refert, eamque contra objectiones Pontificiorum tuetur. Quibus causis communiter probatis, *insidias ac impotentiam supervenientem*, singulari sententia addit. Ab his pergit ad causas nullitatis, quam in *absolutam & respectivam* distinguit. Illius causæ sunt (1) *si contra expressam juris Divini Levit. 18. sanctionem matrimonium ineatur.* Hoc enim absolute nullum pronunciat Noster, atque ea occasione prohibitiones illas non juris natu-

ralis, sed moralis positivi esse, ac ultra personas expressas, quoad lineam collateralem, non debere extendi docet, eamque sententiam in Facultate Hallensi receptam esse testatur, casum nostri temporis singularem, adversis Collegiorum responsis notabilem, ac præcedentia amplius illustrantem adjiciens. (2) *Si primo nondum finito, matrimonium incatur*. Qua occasione quæritur, an maritus hætenus absens, uxorem interim alii junctam recipere teneatur? Quod, aliis simpliciter negantibus, Nolter tum demum negandum putat, si mulieris culpa secundæ nuptiæ fuerint secutæ; quæ si abfuerit, tum quæstionem affirmandam censet. (3) *Si prævus sponsalibus publicis, cum alio matrimonio celebratur*. Hoc enim, contra communem Doctorum sententiam, nullum esse Excellentissimus Autor pluribus contendit. (4) *Si contra eges humanas irritantes nuptiæ fiant*. Hanc enim vim legibus humanis esse tribuendam, existimat. Hinc in specie matrimonium sine consensu parentum initum, accedente licet copula carnali & hierologia, nullum esse; quæ sententia in Marchia Brandenburgica speciali edicto anno 1694 fuerit confirmata. Porro ex eodem principio, matrimonium inter raptorem & raptam esse nullam; cui doctrinæ peculiaris pœna juris Lubecensis, qua raptor coercetur, a Nostro additur. Ulterius ex hoc capite, ex sententia Autoris, nullum est matrimonium a desertâ ante trinam citationem contractum. Quod si tamen in ejusmodi casibus in uno territorio, quoad tolerantiam matrimonii, alias nullius, dispensetur, tum ejus effectum ad alia quoque territoria porrigi, ac liberos inde natos in illis quoque jus succedendi aliaque jura habere, Noster docet, addito præjudicio valde memorabili. Inde digreditur ad causas nullitatis respectivæ, ad quas pertinet: (1) *Dolus*, ob quem matrimonium plene consummatum, nullum laeso volente declaratur. (2) *Merus*, qui etiam matrimonium penitus annullat, licet pater, facti circumstantiis turbatus, consenserit. (3) *Error*, qui matrimonium simpliciter reddit nullum, si dolo fuerit elicitus, alias si circa personam, virginitatem, coeundi potentiam commissus sit, non vero si circa accidentalia. His alia exempla matrimonii nullius tutoris nempe cum pupilla, adulteri & adulteræ) nec non illius effectum subjicit, ac de matrimonio morganatico, nec non matrimonio conscientiæ, quod quibusdam *ad Thatac* dicitur, Gallis *mariage de conscience* audit, plura notabilia addit.

In

In *seção sexta de desertione conjugum malitiosa* sollicitus Autor, ex peccatis divertendi licentiam esse exortam, successu tamen temporis, inter Christianos ad duas tantum causas, *adulterium & maliosam desertionem*, iterum restrictam docet, quam ultimam enucleatius tradendam deinde aggreditur. Hinc præmissa definitione desertionis, eum desertorē esse ostendit, qui animo deliberato non redeundi ad consortium conjugale, discedit. Ex quo plures quæstiones de vagabundo, milite, martio ob capitale crimen profugo, relegato vel deportato, captivo explicantur. Inde de conjugepresente quidem, sed copulam denegante disquirat, ac relatis aliorum sententiis, illum quoque pro desertore ad effectum matrimonii solvendi haberi posse, si denegatio pertinax & inemendabilis sit, concludit; idem existimans, licet denegatio illa ob odium ex diversitate religionis contractum oriatur; in cujus rei illustrationem notabile exemplum ac præjudicium subjicitur. Ex his ulterius deducit Noster, si separatione ob fribusculum aliquod, aliasve causas, a thoro & mensa facta, alter conjux successu temporis tantum odium erga alterum concipiat, ut eum nullo modo recipere velit, quod tum etiam totaliter matrimonium solvi queat, modo contumax debitis pœnis, v. gr. relegatione infimul coerceatur. His deductis, licentiam divertendi ob maliosum desertionem contra Pontificios in genere defendit, ac ad processum desertionis explicandum pergit. Judex itaque competens, ex doctrina Nostri, est Consistorium; quamvis etiam in judicio seculari eandem causam tractari posse existimet, si superiori ita vilum sit. Hac occasione, de judice competente in causis matrimonialibus, quoad Statum Imperii aliosque immediatos disquiratur, ac Principissam deserticem in judicio mariti non suspecto, conveniri posse concluditur. Inde ad modum procedendi digreditur Noster, ac desertionis processum non nimis properanter, sed ob legitimas demum desertionis præsumptiones adductas, esse instituendum docet; quo nomine quid iudici faciendum sit, amplius commemorat. Decreto processu, trina citatione edictali, in trium Dominorum territoris (nisi usus quorundam locorum, ut Marchiæ Brandenburgicæ, aliud velit) affigenda, opus est; singulis terminis elapsis, accusatio contumaciæ ac iudicis sententia sequitur, quarum ultima matrimonii solutionem continet. Si cum desertione adulterium concurrat, ambages illæ non sunt neces-

sariæ, sed adulterio probato, statim divortium permittitur. Desertore comparente, dissolutio matrimonii sequi nequit. Deserto novæ conceduntur nuptiæ, desertori vero, si ejus copia haberi queat, debita imponitur pœna, nec ei regulariter secundæ nuptiæ indulgentur. Quod si desertus, non instituto desertionis processu, ad secunda vota transierit, illa regulariter sunt nulla, nisi deserentis conjugis notorium adulterium concurrat; quod notabili casu Noster illustrat, ac soluto ob desertionem matrimonio, omnes effectus, quoad innocentem, locum habere, qui alias in casu adulterii occurrunt, existimat: hinc in specie conjugem desertam ex desertoris bonis portionem statutariam accipere censet. Contra sponsam deserentem desertionis quoque processum, & quidem in loco domicilii sponsæ, institui posse, amplius docet, ac tandem totum tractatum appendice aliqua, nonnullas sanctiones Electorales Brandenburgicas, ad matrimonialia pertinentes, complectente, velut obsignat.

CYCLOIDIS PRIMARIÆ SEGMENTA INNUMERA QUADRATURANTRECIPIENTIA; aliorumque ejusdem spatiorum quadrabilium Determinatio: post varias illius fortunas nunc primum detecta a JOH. BERNOULLIO.

PRæcise centum sunt anni (anno nimirum 1599, uti Author est *Torricellius*) quod insignis hæc Curva *Galileo* primum fuerit considerata, & ab eo Cycloidis nomen acceptum in hunc usque diem gesserit. Postea *Mersennus*, cui primam inventionem vindicant Galli, hoc velut pomum Eridos in turbam projecit; cui certatim & summa animi contentione se accinxere præstantissimi illius temporis Geometræ, *Torricellius*, *Lalovera*, *Robervallius*, *Cartesius*, alii: unde, ut fieri solet, tot accensæ sunt lites, *Torricellium* inter præsertim & *Robervallium*, qui præ aliis primarum Cycloidis proprietatum primi inventoris titulum ambientes, & ægre alter alterum in partem honoris admittentes, miserum in modum se mutuo prosciderunt, atque nefandi prohi pudor! plagii insimularunt; idque non minori vehementia, quam si patria in discrimine versante militassent: ut videre est ex eristicis hinc inde editis, exque prælonga *Robervallii* Epistola expostulatoria ad *Torricellium*, prout illa habetur in *Operibus Mathematicis & Physicis Parisi-*

Parisiis 1693 impressis; in quibus continentur inventa *Robervalliana*, nonnulla satis ingeniosa. Unum tamen alteramve deprehendi, ubi Author foede paralogizat, ut mirer Editorem errores non animadvertisse & suppressisse.


Hæc vero velitatio viam præparabat, & quasi præludebat longe acriori pugna non diu post subortæ, ex occasione quorundam problematum, super Cycloide a *Dettonvilio* seu *Pascasio* cum annexo præmio propositorum; cujus fabulam toto cœlo notissimam si quis ignorat, illius tractatum legat, ut & *Wallisii Præfat. ad tractatum suum de Cycloide*, & quæ ad *Hugenium* hæc de re prolixè scripsit. Ex eo tempore nullus extitit, qui vel tantillum supra Mathematicorum vulgus sibi sapere visus est, qui ad hanc ingenii cotem suas vires acuere, atque novi quid exinde procudere non tentaverit: interim primi quoque ordinis Geometra non minus assidui semper fuere, in perscrutandis, quæ alii intacta imperviaque reliquissent.

Hinc præter illa vulgaria dudum cognita, qualia sunt dimensio lineæ Cycloidis, comparatio spatii cum circulo & solidorum variorum ex conversione ortorum cum cylindris, centrorum gravitatis determinatio &c. alia majoris momenti & indaginis abstrusioris possidemus; inter quæ merito referenda, quæ incomparabilis *Hugenius* de identitate evolutarum, deque tautochronismo (a me non ita pridem brevissime demonstrato) primus, & post eum subtilissimus *Newtonus* in pereruditis suis operibus prodiderunt: quibus addi possent, quæ quondam *Parisiis* excogitavi, quorum nonnulla *Frater* recenset in *Actis* 1692, pag. 292. At non postremum locum obtinet Quadratura segmenti recti, cujus subtenſa distat a vertice cycloidis quarta parte axis; quod semihexagono (concinnius ego dicerem triangulo æquilatèro, tantundem enim est) æquale ostendit *Hugenius*: huic superaccedit alterum illud segmentum obliquum, cujus quadratura *Celeb. Leibnitium* pro primo inventore agnoscit. Denique brachystochronismus seu celerrimus descensus, novissime a nobis detectus, inter primarias Cycloidis nostræ proprietates, nemine refragante, merito sibi locum vendicat primum; quod & *Frater* agnoscere videtur, dum eum inventorum omnium circa cycloidem factorum quasi coronidem, ultra quam nihil amplius sperandum, deprædicat (vid. *Acta* 1697, p. 214.)

At vero non prius de palæstra discedere velle videtur, quam per integrum exactum sæculum omnia sua exuisset mysteria, nobisque pandisset quicquid in extremis haberet recessibus suis. Prodit enim ecce denuo in scenam nobilis nostra Curva, spectatoribus quasi cum agonizante hoc sæculo valedictura, ut tandem candide listat infinitorum suorum segmentorum, aliorumque spatiorum Quadraturam: quod quanti sit, aliis judicandum relinquo, qui sciunt Cl. Wallisium, limatissimi judicii Virum, segmentum illud *Hugenianum* quadrabile (quod unicum facit ex infinitis nostris) dignum satis reputasse, cujus primam inventionem non uno in loco *Wrennio* suo pro virili assereret; ne scilicet gloriæ Anglicanæ, cujus strenuum vindicem agit, aliquid decederet, quod de jure ipsi competere ratus est Vir perspicacissimus.

Ut ad rem veniam: Sit Cyclois primaria EAG, cujus basis EG, axis AF, circulus generator ALF: Ductæ pro lubitu duæ applicatæ IB & KD, illa a centro H, hæc a vertice A, æqualiter distantes determinabunt in Cycloide duo puncta B & D, quibus junctis recta BD, ductisque LF & MF: dico *Segmentum cycloidicum BCDB fore quadrabile, aequale nimirum (in fig. I) summae triangulorum rectilineorum LFI & MFK, & (in fig. II) differentie eorundem LFI — MFK*: quod sic demonstro. Concipiantur ductæ HL, HM; item NAO, parallela basi EG; & BN, DO parallelæ axi AF. Applicatis IB, KD (Fig. I) existentibus ad partes oppositas, erit Segm. BCDB = trapezio BNOD demtis duobus trilineis ANB & AOD; est autem trapez. BNOD = $\frac{1}{2}BN + \frac{1}{2}DO$ in NO = (ob HI = AK) $\frac{1}{2}HA$ in NO = $\frac{1}{2}HA$ in NA + $\frac{1}{2}HA$ in OA; jam ex natura cycloidis $\frac{1}{2}HA$ in NA = $\frac{1}{2}HA$ in arcum AL + rect. LI = sectori LHA + triang. LHF = sectori LFA; eodem modo demonstratur $\frac{1}{2}HA$ in OA = sect. MFA. Hinc trapez. BNOD = sect. LFA + sect. MFA; quoniam vero iterum, ex nat. cycloidis, trilin. ANB = segm. circ. AIL, & trilin. AOD = segm. circ. AKM; ablatis AIL & AKM, a sectoribus AFL & AFM, remanebunt duo triangula rectilinea LFI + MFK = trapez. BNOD — ANB — AOD = segmento cycloidis BCDB. Q. E. D. Porro applicatis IB, KD (Fig. II) existentibus ad partes easdem: segm. BCDB = trapez. BNOD — trilin. ANB + trilin. AOD; jam

pri-



axem normalem habent, unum in γ

; per γ

TAB. IV.

pri-

prioribus vestigiis insilendo habetur trapez. $BNOD = \frac{1}{2} HA$ in NA — $\frac{1}{2} HA$ in OA — sect. LFA — sect. MFA ; surrogatis igitur loco trilineorum ANB , AOD ipsis æqualibus segm. circ. AIL , AKM , prodibit sector LFA — sect. MFA — $AIL + AKM$, id est triang. rectil. LFI — MFK = segmento cycloid. $BCDB$. Q. E. D.

Coroll. 1. Si puncta K & I coincidunt, manifestum est, haberi Fig. I. segmentum rectum *Hugenianum* = triangulo æquilatelo, circulo generatori inscripto, coalescentibus quippe in unum triangulis LFI & MFK .

Coroll. 2. Quod si vero puncta K & I in ipsum verticem & centrum cadant, prodit tunc in utraque Fig. segmentum obliquum *Leibnitianum*, æquale soli triangulo LFI ; altero MFK evanescente: quod quidem LFI tunc, ut patet, quartam efficit partem quadrati circulo generatori inscripti.

Coroll. 3. Patet etiam, ex omnibus segmentis quadrabilibus nullum esse, cujus subtensa BD transeat infra medietatem radii AH ; adeoque illorum omnium, quæ fig. I & II non comprehenduntur, quadraturas esse impossibiles.

Hæc de segmentis quadrabilibus Cycloidis. Ecce jam innumeros sectores cycloides quadraturam pariter admittentes, curiosorum in gratiam huc referendos, ut habeant quo alant suam mirabilis hujus Curvæ admirationem. Si a puncto I , quod (fig. III) a centro H iterum tantundem distare suppono, quantum distat punctum K a vertice A , ducantur duæ rectæ IB , ID , ad puncta B , D , in quibus applicata BKD curvæ occurrit; item duæ aliæ rectæ FL , FM , ad puncta L , M , in quibus eadem circumsecat. Dico sectorem Cycloidicum $IBAD$, æqualem existere triangulo isosceli LFM . Quod quidem ad modum præcedentem tam facile demonstrari potest, ut actum agere mihi videret, si peculiarem pro hoc contexerem demonstrationem. Notare hic convenit, concurrentibus punctis I & K , sectorem BID degenerare in segmentum rectum *Hugenii*: at vero I in A , & K in H pervenientibus, mutari eundem in duo segmenta obliqua *Leibnitii*; adeo ut duplici ratione Illustrium horum Virorum inventa sub generalissimis nostris tanquam speciales casus contineantur.

Cæterum quamvis ex omnibus segmentis, quæ subtensam ad axem normalem habent, unicum sit quadrabile; fieri tamen quam maxi-

maxime potest, contra opinionem *Celebris cujusdam Geometrae* (vid. *Aët.* 1687, p. 526) ut infinita alia spatia existant quadrabilia: cui asserto, præter segmenta & sectores quos hactenus dedimus, sequentia exempla fidem facient. Vocetur radius circuli HA, a ; HK, x ; (Fig. IV) Jam si sumatur HK vel $x = \frac{1}{8}a + \frac{1}{8}a\sqrt{41}$ & ad K applicetur KD , secans circulum in M ; fiatque arcus $ML =$ arcui AM ; ducta per L applicata BI , habebitur spatium vel Zona cycloidalis $IKDB =$ (ductis rectis AM, AL, HM, HL) triangulis rectilineis $HAL + IAL - HAM - KAM$.

Porro si HK vel x fiat = radici hujus æquationis cubicæ, $12x^3 - 10ax - a^3 = 0$; & arcus ML sumatur duplus ipsius arcus AM ; erit Zona $IKDB$ iterum quadrabilis. Atque sic pro ratione arcuum AM & ML , si modo sit numeri ad numerum, invenio semper æquationem algebraicam magis minusve compositam, cujus radix x novam perpetuo determinabit Zonam quadraturæ subjectam. Hujusmodi Zonarum determinationem, haud sane vulgari methodo reperi tam, aliquid mirabile in se continere puto, dum non, ut segmenta quidem & sectores, una generali constructione assignari possunt. Ejusdem methodi usu varia alia spatia cycloidalia, quadraturarum capacia, algebraice determinantur: quæ omnia huc afferre supervacaneum duco, præsertim cum perspicacioribus arduum non sit futurum, illa ex jam dictis eruere, novisque augere.

Errata. Anno super. pag. 463. l. 3. a fine, pro p_2 leg. 2p. pag. 464. l. II, pro PM leg. BM . pag. 465. l. 5, leg. *id quod dat*, & pro *atque* leg. *adeoque*. In fig. III. Tab. XI, per puncta D, d concipienda est trajectoriæ portio Dd .

DISSERTATIO ISAGOGICA IN SELECTA HISTORIÆ ECCLESIASTICÆ CAPITA
R. P. F. NATALIS ALEXANDRI, opera ELIÆ
VEIELII, D. & Prof. Theologi.

Ulmæ, apud Georgium Wilhelmum Kühnen / 1699 in 8, plag. 21.

Quam tam nominis celebritatem consecutus fuerit Natalis Alexander, Dissertationibus Historicis, Chronologicis, Criticisque & Dogmaticis in selecta Historiæ Ecclesiasticæ capita sparsim hactenus in forma

forma minori inde ab annis aliquammultis evulgatis, nuperrime vero Parisiis in volumina quædam majora, nec unam insuper accessionem nacta constipatis, istud notius omnino est, quam ut hoc in loco moneri demum flagitet. Neque tamen ita suas eum partes implevisse dixeris, quin habeat adhuc scrutator antiquitatis Ecclesiasticæ in istis Dissertationibus, habeat Criticus in dijudicationibus Scriptorum vetustorum, habeat Theologus orthodoxus in panopliis vel controversiis a Natali agitatis, & præsertim in defensione Concilii Tridentini, propemodum innumera, quæ ad normam veritatis examinari mereantur. Hæc probe secum reputans Maxime Reverendus Ulmensium Præsul. Veielius, paulo accuratius Dissertationum Alexandri scrutinium in se suscipere dignatus est. Laboris vero sui plenum fructum, antequam in aprium proferat, hoc velut breviarium præmittendum existimavit, in quo evidentes illius atque plurimas, in multis magnique momenti capitibus, a Sodalibus dissensiones, acresque censuras producit, ac ostendit, adversarium veritatis Evangelicæ tam gravem causæ Pontificiorum plus offecisse; quam Protestantium, simulque decus Imperatorum Romano-Germanicorum, contra acerbis Gallicani hujus Scriptoris imputationes, paucis vindicat, & pietatem Lutheri atque parastatarum ejus asserit. Exorsus igitur ab ipso Natalis instituto, latius idem describit, candoremque ab eo adhibitum laudat, dum Viros nempe celebres, etsi a Papali communione alienos, dignis prosequatur encomiis, nec cupiat esse inter furtivos plagiarios, sed potius Auctores, e quibus suas observationes petierit, nominatenus ubique alleget. Nihilo tamen secius dicam ipsi aliis ex capitibus scriptam innuit a Sociennis, e quorum censu Illustrissimum imprimis Abbatem Sangallensem nominat, qui ob parum accurate defensa vexatissima Regaliæ jura, & F. Franciscum d' Enghien, qui ob male habitam Papæ auctoritatem eum impugnarit. Mox, quæ universa Pontificiorum cohors taxare in eo queat, Autor maxime Reverendus indicat, primoque statim loco censuram in Sanctos Patres, sic satis quandoque rigidam, propriis ejusdem verbis e variis Dissertationum locis repetit, eique statim animadversiones associat in Scriptores Scholasticos & Pontificios promiscuos, quos magno numero allegat, a Baronio & Bellarmino auspiciis capiens, & reliquos ordine literarum alphabetico enumerans. Quemadmodum autem hos maximorum sæpe errorum, imo etiam criminum

reos agi ab Alexandro innuit, ita nec integris eum Ordinibus religiosi parcere observat, idque exemplis Fratrum Minoritarum atque Carmelitarum probatum dat. Ecclesiæ Gallicanæ insignem ab ipso prærogativam ait tribui, adeo ut ad ejus mores & interpretationes Theologi & Jcti Curia Romanæ haud gravate componere se debeant: id quod tamen an facturi illi sint, itemque an in asserta Facultati Sacræ Parisiensi judicii doctrinalis jura sint consensuri, Noster valde dubitat. Inde ad ipsosmet summos Pontifices progreditur, & quibus illi censuris a Natali Alexandro impetantur, declarat, ac loca plurima adversus Curiam Romanam palam pugnantia excerpit; cumque ita non solum Doctores atque defensores autoritatis Papalis præcipuos de ponte dejecerit, sed ipsos etiam Pontifices cum prætensa sua infallibilitate & superioritate præcipientes dederit, mirum haud esse refert, quod Innocentius XI Papa Breve aliquod promulgarit, scripta Natalis rogo adjudicans, omnesque lectores & possessores eorundem excommunicans; quod integrum, cum in paucorum manibus versetur, apponit. Nec cohibere istum monet calamus censorium, quin eundem in summos quoque Reges stringat, Angliæ puta, & imprimis Hispaniæ: quod ultimum equidem non ideo se scribere testatur Noster, ut invidiam Autori faciat, sed ea tantummodo de causa, ut tanto minus mirentur Protestantes, si, quantopere eorum ille Principibus insultet, legerint. Verum multo iniquiorem, quam Hispaniarum Regibus, Augustis Romanorum Imperatoribus Natalem sese exhibere queritur, variaque impropria in Ottonem I, in Henricum III, Fredericum Ænobarbum, Ludovicum Bavarum, Carolum V aliosque ab ipso pleno ore prolata apponit, ac gloriam Imperatoriam adversus ea mascule defendit; idemque non minus præstat circa exagitaciones, quibus B. Lutherum, Johannem Brentium, Jobum Gastium, imo integram Ecclesiam Evangelicam, quæ ab Augustana Confessione nomenclaturam celebrem indepta est, onerare studuit. Sed & sibi met ipsi, & doctrinæ Romanensi non raro adversari ipsum, nostræque propitium esse ostendit, utpote ubi distinctionem inter Ecclesiam, ut est visibilis & invisibilis, admittat; Patres antiquissimos solis Scripturis contra hæreses certasse fateatur; Evangeliorum brevium ab omnibus legendum suadeat; & quæ sunt his similia. Vicissim vero pseudhermenias ei aliquot ob oculos proponit, ut

quan-

quando, verbi causa, gratiæ necessitatem ad cujusunque boni operis initium & consummationem, per se quidem alias certissimam, ex Ps. LXXVI. 11, & Angelorum Sanctorumque cum Christo regnantium invocationem legitimam ex Gen. XLIX. 16. demonstrare annisus fuerit. Postea Germanos in universum omnes pessime ab eo perstrin- gi testatur. Inde amarulentiam ejus in Reformatos, atque ex his Jo- hannem præ cæteris Dallæum & Johannem Rivetum, vehementer ab ipso exagitatos sistit, tandemque stricturis ejus in varios Scriptores promiscuis commemoratis desinit, pauca modo ante verba faciens e- pilogi in locum de iis, quæ Grammatici forsan in Natali Alexandro possent reprehendere; quanquam talia doctis Viris tantopere haud obijcienda esse lubens fateatur, nec aliam ob rem tangere hæc volu- erit, quam quod ab isto Franciscum d' Enghien ferulæ Grammatico- rum ob solœcismos & barbarismos subjectum cognoverit.

*LES HOMMES ILLUSTRÉS, QUI ONT PARU EN FRANCE
pendant ce Siècle, par Monsieur PERRAULT, de l'Acade-
mie Francoise.*

id est:

*ELOGIA VIRORUM HOC SEculo IN GALLIA ILLU-
strum, auctore Dn. PERRALTO.*

Juxta exemplar Parisiense, apud Ant. Dezallier, 1698. in 12. Plag. 11.

ELogia Clarorum Virorum stylo consignata legere, uti plurimum adfert jucunditatis, sic usu quoque non caret. Juvat enim eorum, qui laudem vel ex scriptis libris vel rebus præclare gestis sibi acqui- verunt, vitæ rationes propius nosse, & quales publice privatimque fu- erint, quidque acciderit ipsis singulare, intelligere. Fitque inde, ut placeant fere omnes, quæ unquam vel sub Elogiorum Iconumve, aut quovis demum alio nomine prodierunt, Expositiones Vitarum, præsertim si ipsas elegantia quædam dictionis, juncta narrationi, quæ ab adulatione alienior est, nec vitia quoque hominum tacet, commen- dat.

Fecit autem ut hæc præmitteremus Vir Clarissimus Dn. PER- RAULT, cujus quæ Viri tantum aliquot (plures enim ipsi restant)

hoc seculo in Gallia illustribus, sed nunc demortuis, velut in specimen, scribere cœpit Elogia, nunc, tametsi paulo tardius (nec enim Parisiensis ad nos editio pervenit) recensēbimus, non ea quidem, quae deceret, prolixitate, sed ita tamen, ut ex singulis quasi excerpere aliquid velimus, quod non omnibus notum sit.

Hoc igitur *Tomoprimum* Elogiorum (nam in *Præfatione alterum* Tomum pollicetur) hunc servat ordinem, ut *primum* locum adsignet iis, qui in Statu Ecclesiastico eminuerunt, videlicet Armando Johanni *de Richelieu* & Petro *de Bernlle*, Cardinalibus, Henrico *Spondano* Episcopo Apamiensi, Petro *de Marca* Archiepiscopo Parisino, Johanni Petro *Lamus* Episcopo Bellicensi, Antonio *Godeau* Episcopo Viniensi, Joh. Francisco *Senault* Generali Patrum Oratorii, Antonio *Arnaldo* Doctore Sorbonico, Jacobo *Sirmondo* & Dionysio *Petavio* e Soc. Jesu, Joh. Morino & Ludovico *Thomassino* ex Patribus Oratorii. *Secundum* locum tribuit his, qui bellicis studiis excelluerunt, nempe Ludovico Burbonio Principi *Conde*, Henrico de la Tour Vice-Comiti *de Turenne*, Blasio Francisco Comiti *de Pagan*. *Tertium* concedit illis, qui officiis publicis Regni Regisque ministerio adfuerunt, scilicet Petro *Sequier* Cancellario Franciæ, Guilielmo *du Vair* Sigilli Franciæ Custodi, sive quod idem est, Procancellario, & simul Episcopo *Lexoviensi*, Petro *Jeannin* Parlamenti Burgundici Præsidi, Paulo *Pheypeaux* Secretario Status, Joh. Baptista *Colbert* Ministro Status, Guilielmo *de Lamoignon* Primo Parlamenti Parisiensis Præsidi, Jacobo Augusto *Thuano*, ejusdem Præsidi, Hieronymo *Bignon* Advocato Generali. *Quartum* tribuit variis Eruditis, quos inter sunt Philosophi, Historici, Oratores, Poetæ. Videlicet Nicolaus Claudius *Fabri de Peiresc*, Papirius *Maffei*, Scævola *de Sainte-Marthe*, Paulus *Peliffon* Fontanier, Petrus du Puy seu *Puteanus* Regiæ Custos Bibliothecæ, Robert *Arnauld d'Andilly*, Antonius *Rossignol* Magister Rationum (seu *Maitre des Comptes*) *Renatus des Cartes*, Antonius *le Maître* causarum Patronus, Petrus *Gassendi*, Carolus *du Fresne* Dn. *du Cange*, Claudius *Perrault* Socius Academiæ Regiæ Scientiarum & Artium, Franciscus *de Malherbe*, Joh. Ludovicus *Guez de Balzac*, Vincentius *Voiture*, Johannes Franciscus *Sarrafin*, Petrus *Corneille*, Joh. Baptista *Poquelin de Moliere*, Philippus *Quinault*, Johannes *de la Fontaine*. *Quintum* tandem adsignat his, qui artes alias summo studio coluerunt, velut Musicam Joh. Baptista *Lully*, Architecturam Franciscus *Man-*

Mansart, Pictoriam Nicolaus *Poussin*, Carolus *le Brun*, Eustachius *le Sueur*, Sculptoriam Jacobus *Calot* & Robertus *Nantuil*, Aurifabricam Claudius *Ballin*, & Mechanicam denique Blasius *Pascal*.

Vel ideo autem lubuit nomina eorum omnia, quos Elogiis extulit Perraltus, hic allegare, ut non modo fieret eorum recens, sed ne, dum de paucis tantum commemorabimus (de omnibus enim id non licet) plures non extare in Opusculo, aliqui forte persuadeantur.

De *Richelio* refertur, quod anno ætatis suæ XXII Episcopatu Lucionensi fuerit honoratus, atque hæc sibi duo, ministerio Regio admotus, proposuerit exequenda, Reformata Religioni addictorum extirpationem, Concussionemque magnitudinis Serenissimæ Domus Austriacæ. De *Berullo* memoratur, quod usq; adeo ab omni ambitione alienus fuerit, ut tribus etiam vicibus renuerit Episcopatus dignitatem, dixeritque expressis verbis ad Regem Galliæ Ludovicum XIII, se malle, si pergeret Rex instare, Regno excedere, quam ad sacra officia cujuscunq; demum auctoritate aut jussu cogi; quodque idem Berullus auctor extiterit Congregationis Patrum Oratorii, ipseque manum admo-
verit ædi sacræ extruendæ, tam sanctæ cæterum vitæ deditus, ut Pontifex Maximus Angelum eum esse fassus fuerit, non hominem; quod etiam singulari obierit mortis genere, d. 2. Octob. A. 1629, ætatis 55 animam emittens, cum Missæ officium celebraret, consecrationisque actui imminens hæc pronuntiaret verba: *Hanc igitur oblationem*; quem eventum aliquis expressit hoc epigrammate:

Cœpta sub extremis nequeo dum sacra Sacerdos

Perficere, at saltem victima perficiam.

De *Henrico Spondano* Benearnensi, nato d. 6. Januarii A. 1568, Reformataque religioni primum addicto, narrat inter alia Perraltus, Epitomen Annalium Ecclesiasticorum Cardinalis Baronii, quam consecit, non fuisse ab hoc solum probatam, sed in varias quoque translatam linguas, editamque prima vice anno 1612. Parum vero postea abfuisse, quin ipse tempore belli, circa annum 1627 in Gallia adversus Hugonotas gesti, aliquando a Duce Rohanæo caperetur in urbe Apamien-
Tholosæ d. 18 Maii, A. 1643.

Petrus de Marca, ipse etiam Benearnensis, qualis futurus esset,

- singulari præfagio Sacerdotis Pontificii fuit ostensum, a quo recens natus infans sacro fonte fuit ablutus. Dixit enim ille, quanquam minus convenienter applicans verba Salvatoris, peracto officio: *Tu es Petrus, & super hanc petram edificabo Ecclesiam meam*. Sane enim,
- P. 39. quantus hic Petrus de Marca extiterit postea, id & amplitudo munerum quæ gessit, & libri quos scripsit de Historia Bencarnensi, deque Concordia Sacerdotii & Imperii, aliique docent.
- P. 43. De *Johanne Petro Camus* Episcopo Bellicensi jucundum est legere, quod, cum a Cardinale Richelio monitus esset, ut abstineret a scribendis adversus monachos libellis, dicente, se ipsum, si id faceret, inter Sanctos referre velle, responderit: utinam, Vir Eminentissime, id eveniret; sic enim uterque nostrum voti sui donaretur, si te Papam, me vero Sanctum fieri contingeret. Memorabilis est porro consuetudo *Job. Francisci Senault*, Generalis Presbyterorum Oratorii, quod suorum literis, quarum per singulas hebdomadas fere trecentas accipiebat, responderit ipse manu sua, idque ideo, quod persuaderetur, fiduciam & amorem apud inferiores excitari, siquidem videant, notitiam rerum in literis perscriptarum ad solum magistratû perferri, ab eodemque solo omnia expediri. Prolixa quoque est de Vita
54. 59. *Antonii Arnaldi* expositio, de qua cum aliunde & ex nostris etiam Actis constare possit, nunc ex Perralto tantum allegabimus Nummum, qui eo tempore cusus fuit, quo Clementis IX Pontificis Romani, Regisque Galliarum jussu, agitata hæc Facultas inter Sorbonicam, Arnaldumque & ejus asseclas controversiæ fuerunt sopita, natæque inde in Ecclesia turbæ compositæ. Una illius pagina exhibet Regis iconem; altera vero decussatim claves Ecclesiæ, & Galliarum sceptrum in ara, his circum verbis: *Gratia & Pax a Deo*; atque subtus: *Ob Restitutam Ecclesiæ Concordiam*. 1669. Obiit autem, incertum quo loco, certe Gallia exul, d. 7. Aug. A. 1694, ætatis annum 83 agens: atque, uti studio Mathematico plurimum impenderat temporis, edidit *αὐτὸς Les Elemens de Geometrie*, libellum a multis magni habitum; quemadmodum etiam ipsi tota debetur *la Grammaire raisonnée du Port-Royal*. Acta vero authentica, quibus Orientales Ecclesiæ suum in doctrina Pontificiorum de Eucharistia consensum testatæ sunt, quæque ab iisdem Arnaldus, ut defendere posset librum suum de Fidei Perpetuitate, impetraverat, nunc asservantur Parisiis in Bibliotheca
- P. 56. Regia
- P. 57.
- P. 58.

Regia & Bibliotheca Benedictinorum S. Germani in Pratis. *Jacobus Sirmondus* jam inde ab anno ætatis XV, Græcas Latinasque literas aliis tradidisse narratur, & obiisse cum annum exegisset XCIII, anno 1651. Parum vero abfuisse, inquit porro Perraultus, quin *Dionysii Petavii* consiliis adductus, Catholico-Romanam amplecteretur fidem *Hugo Grotius*, nisi ritus ejurationis publicæ illi obstitisset: exponitque etiam inter alias *Henrici Vice-Comitis de Turenne* virtutes, quod cum aliquando præceptorem suum, qui poenam ipsi voluerat irrogare, gladio esset aggressus, jussu Patris ideo severissima animadversione exceptus, tamen ejus postea dormientis & a serpente petiti vitam nudato rursus eodem defenderit. De *Blasio* vero *Francisco* Comite de *Pagan* memorabile est, quod, etsi amisso tum ex vulnere, tum ex morbo, utroque oculo, tamen ediderit varios de re militari muniendique arte & de geometria tractatus, quales omnino simile miraculo est posse a cæco confici. De *Petro Jeannin* Parlamenti Burgundici Præside, qui sub initio hujus seculi *Henrico IV* Galliarum Regi a ministerio & legationibus fuit, refertur, quod omnia incrementa debuerit sibi, quasi- tusque aliquando a Viro quodam, cum privatus adhuc esset & causas oraret, quantis gauderet opibus, responderit, non verbis sed gestu, manu scilicet caput tangens, & libros in armariis repositos commonstrans. De ejus taciturnitate illustre testimonium ipse Rex præbuit, cum de propalata re secreta ad reliquos ministros verba faceret, manu vero *Jeanninum* prehensens diceret: *Je reponds pour le bon homme, c'est à vous autres à vous examiner*; id est, pro hoc Viro in me recipio, vestram igitur vos reliqui conscientiam pertentate. De familia *Phelypeaux*, una ex inclutissimis, quas Gallia habet, singulare est, quod ea Regno huic dederit intra fere octoginta annos septem Secretarios Status; sicut & adhuc dum, qui reddituum Regionum summam curam gerit, *Dn. de Ponchartrai*, suam eidem debet originem. Inter pueros doctos collocandus est *Hieronymus Bignon*, qui anno ætatis X Descriptionem Terræ Sanctæ, anno XIII Antiquitates Romanas, tractatumque de Jure, & librum de modo eligendi Papam, anno XVIII Commentarium de Præcedentia Regum Galliarum præ aliis Regibus, tandemque anno XXIII Notas ad Formulas *Marculphi* omnis doctrinæ plenissimas evulgavit. De *Papyrio Miffon* narratur, quod prænomen *Johannis*, quod acceperat, mutaverit in illud *Papyri*, quoniam eodem

p. 95.

p. 63.

p. 67.

p. 77.

p. 59.

p. 120.

p. 126.

p. 118.

p. 128.

- p. 129. eodem hoc Frater quoque suus gaudebat. De *Seauola* autem *San-Marthano* notatu dignum est, quod Carolus I Rex Angliæ, cum adhuc Princeps Walliæ esset, faceretque per Galliæ provincias in Hispaniam iter, convenerit ipsum Loduni, in eo se, quicquid uspiam eruditorum esset, videre professus; quodque ejus Poema, cui titulus *Padosrophia*, sive de puerorum educatione Libri III, vivo ipso decem, & fere totidem vicibus mortuo eo, fuerit recusum; & quod denique præter *Abelem* filium, gemellos quoque suscepit *Seavolam* & *Ludovicum*, utrumque Historiographum Regium, quorum tanta fuerit & corporum facierumque, & animorum ac eruditionis similitudo, ut difficulter invicem potuerint ab aliis dignosci. *Paulus Pehsson Fontanier* defunctus d. 7 Feb. A. 1692, vel ex Historia Academiæ Francicæ celebris, cum tempore eo, quo Nicolai Fouqueti causa in Gallia agebatur, arcu Parisiensi, quam *la Bastille* vocant, esset inclusus, ut tempus falleret, Poema sub titulo *Alimedon*, mille trecentisque versibus constans, conscripsit; sed cum penna atramentoque careret & papyro, librorum marginibus, usus frustulis plumbi, quibus fenestræ firmari solent, eos ille vit, restitutusque postea libertati quotannis captivum ære suo consuevit redimere. *Robertus Arnaldus d' Andilly*, rebus passim fortissime gestis, concessit tandem in Abbatiam de Port-Royal des Champs, in quam, quod prorsus singulare est, mater quoque ipsius, sexque sorores & sex filiæ sese receperant, filium tamen *Arnaldum de Pomponne* summis ministerii Regii honoribus auctum vidit. In *Antonio Rossignol* Rationum Magistro proponitur exemplum Viri, qui excelluit in arte Cryptographica, natura quasi ad evolvenda, quæ characteribus aut numerorum notis involuta erant, instructus. Sed in Christina Sueciæ Regina exemplum amoris erga Philosophiam *Cartesii* datur, quam illa quippe usque adeo adamaverit, ut singulis diebus hora quinta matutina surrexerit, ut illi commodius posset vacare.
- p. 132.
- p. 135.
- p. 142 - 143.
- p. 144.
- p. 151.
- p. 155.
- p. 156.
- p. 163.
- Cæterum docet Perraltus, celebrem ex editione Novi Testamenti Virum Dn. *de Sacy* fratrem fuisse *Antonii le Astræ* causarum Patroni, qui Vitam S. Bernhardi concinnavit; & simul comparat *centrum Gassendum* cum Renato des Cartes, ita ut cuius suas fuisse virtutes, quibus excelluerit, dicat. Refert vero etiam non solum de *Carolo du Fresno*, quod morte præventus imperfectum reliquerit Chronicon

nicon Paschale seu Alexandrinum, sed & de *Claudio Perrault* Medico, p. 164. 167. quod ἐν τῷ ἐδιδάκτο, sola adjutus bonitate naturæ, summum fere attigerit apicem scientiarum artiumq; elegantiorum, mortuus d. 9. Octob. A. 1688, ætatis anno 75, postquam odore pestilenti, qui ex dissecto cameli cadavere prodierat, affectus inciderat in morbum. Inter p. 186. Poetas Galliarum tantum sibi nomen peperit *Petrus Corneille*, ut, cum aliquando cistula Florentiæ facta Cardinali Mazarinio oblata fuisset, inter gemmas, & Homeri, Virgilii, Tassique imagines, quibus illa exornata erat, Cornellii quoque icon fuerit visa. Dum vero *Johannis Baptista Poquelin de Moliere* Comœdi vitam describit Perraultus, commemorat alia inter, quod is, cum a Præceptore suo moneretur, ut vellet id vitæ genus quod elegerat deserere, eidem ex adverso persuaserit, ut nomen suum inter Comœdos ipse profiteretur, Doctoris personam acturus in fabulis. Minus casta Poemata sua detestantium tandem Poetarum exempla dantur in *Philippo Quinault*, mortuo anno 1688. d. 26. Novemb. & *Johanne de la Fontaine*, defuncto d. 13. April. 1695, ex cujus Fabularum præsertim lectione juventuti periculum esse non negat Perraultus; commemorans, *Carolus le Brun*, primum Regis Galliarum pictorem celeberrimum, sub mortis, quæ ipsi contigit d. 12. Febr. 1690, tempus, representandæ in tabula Cœnæ Dominicæ operam dedisse: monstratque simul exemplis *Eustachii le Sueur* pictoris & p. 223. 236. *Claudii Ballin* aurifabri incomparabilis, falli eos, qui persuadeantur, neminem excellere posse in artibus ingenuis, nisi qui sit Romam profectus, cum uterque horum ne Gallia, imo hic ne urbe Lutetia quidem p. 235. excesserint; quo loco simul dolet Perraultus, opera a Ballino effecta, jussu Regis, quo sumtus in bellum nuper compositum impendendi sufficerent, disjecta fuisse & monetæ typis deinceps signata. Ultimus p. 237. inter omnes, quorum vitas breviter enarrat Noster, est *Blasius Pascal*, insignis Mathematicus, qui anno ætatis XVI tractatum de Sectionibus Conicis edidit, maximi ab eruditis habitum, annoque tertio post Machinam Arithmeticam invenit fecitque construi, beneficio cujus quidvis licuit supputare, absque non solum calami nummuloꝝque æreorum usu, sed & absque ulla regula Arithmetica, successu tamen prorsus infallibili.

NICOLAI PARTHENII GIANNETTASII, S. J. AU-

thumni Surrentini.

Tt

Neap.

Neapoli, apud Jac. Raillard, 1698. in 8. plag. 14 $\frac{1}{2}$.

CArum omnino Musarum elegantiorum amatoribus Parthenii nomen habetur, cujus felicissimum ingenium editis jam aliquot præstantissimis monumentis eluxit. Ut Poemata venustissima alibi commemorata nunc silentio prætereamus, salivam moverunt Eruditis ejusdem Æstates Surrentinæ, de quibus in Actis Tom. III. Suppl. sect. IV. p. 145. dictum. Sequuntur Autumni pariter Surrentini, quos ut ipse in dedicatione ad Excellentissimum Principem, Thomam Aquinatem, scribit, in secessionibus Surrentinis ac temporibus subcivis elucubravit. P. 3. elegantissimum carmen, quod Surrentina Tempe inscripsit, cum deliciarum istarum avido Lectore communicat, ex quo non minus ingenium doctissimi Auctoris quam sinus tractusque illius fertilissimam ac jucundissimam oram discas. *Cap. 2. p. 16. seq.* meminit monumentorum quorundam Circæi fani, simulq; dubio collocutoris sui Lucilii de loco fani illius, quod potius in Promontorio Circæo, in quo habitasse Circenses fingunt, quærendum fuerat, erudite satisfacit. Sacellum vero Circæum, cujus hodie non nisi rudera conspiciuntur, adhuc Augusti temporibus extitisse, fide Strabonis discimus ex *Itinerario Fr. Schotti. P. 18.* jacturam templi cujusdam pervetusti, quod avaritia domini fundi excisum eradicatumque fuerat, dolet. *Cap. III. p. 24.* argentifodinæ anno superiori ad Nicatem montem infra Æterniam inventæ meminit. P. 26 Saturni ope, quo cognomento a Physicis plumbum nuncupatur, aurum & argentum a reliquis metallis separari docet, ita quidem, ut confusa illa atque indiscreta metalla una cum plumbo liquentur, hoc vero cætera consumat ac devoret, & sic defecatum aurum argentumque remaneat: addit insuper, ideo Saturnum fingi filios devorasse, quod reliqua plumbum metalla consumat. P. 29 de Persicis nucibus pariter ac pomis observat, eadem in nativo solo noxii humoris esse, in Surrentinam translata terram vitium omne decoquere, veriusque Martialis ex L. XIII. Ep. 46. addit:

Vilia maternis fueramus præcoqua ramis,

Nunc in adoptivis Persica chara sumus.

Præcoqua hæc poma ad Virgil. L. II. Georg. v. 95. *precias uvas* refert doctissimus Vatis Bilbilitani Commentator Raderus, quamquam invito Taubmanno ad l. c. Virgil. *Cap. IV. p. 38. de Phalangariis* in ista ad

ad Capreas infulas regione, qui gestatoriis sellis homines in altissima montium fastigia deferunt, refert, id genus hominum tanta pernecitate per salebras illas saxosque colles, eosdemque angustos atque impeditos currere, ut mirum omnino videatur; additque, quamvis interdum sellæ, ut interposita saxa evadant, alte summo labore attollendæ sint, ipsique Phalangarii toti largissimo sudore defluant, ab incepto tamen eos neutiquam desistere; etsi ob nimiam defatigationem ad quingentos quosque passus Phalangarios permutare opus esset. Cap. V. p. 41-98. prolixissime Lusitanæ navis ad ultimum Africæ promontorium naufragium, quæ V. Kal. Febr. A. cl. lxxcxcvi e Goano portu solverat, enarrat, multis fortunæ adversæ casibus insigne, quando miseri isti siti fameque divexati soleas calceamentorum igne tostas, nullo licet gustu, avide deglutiverunt; quin & pileos ad cinerem usque decoctos comedere, sed inutili conatu tentaverunt, quia adeo amari & insipidi fuerunt, ut stomacho quamvis famelico magnum fastidium crearint. L. II. p. 104. seq. narrat, in Taprobana insula, quam Ceylanum incolæ dicunt, silvas cinnamomiferas quam plurimas esse, in quarum silvarum summis verticibus lanugo quædam concreascit, in qua mel & cera generentur, & utrumque horum cinnamomum simul redolet. Addit, Lusitanos seculo superiori, quo & sylvæ & insula ad ipsos pertinebant (hodie quippe Batavis parent) ex ejusmodi cera candelas duxisse, & in Europam ad Lusitaniam Regem transmississe; Regem vero, quoniam quam paucissimæ afferebantur, nonnisi in suo sacello illis usum fuisse; ex accensis vero fragrantissimum cinnamomi odorem evaporasse, qui universum sacellum mira ac jucunda suavitate impleverit. P. 106 Lucilio quærenti, cur mel taxi venenatum existat, respondet, quod ea taxi natura sit, ut ejus humor noxius animantibus existat, additque ex Aristotele, in Trapezuntis agro mel e buxis creari graveolentissimum, ut sanos in insaniam agat, insanos vero menti restituat. Cap. II. p. 109. seq. Auctorem Caput Rhetoricam docuisse discimus, addunturque duo lepida nimii studiorum amoris exempla, Auctoris alterum, alterum ejusdem Præceptoris. P. 114. piscis rarissimi, piscatoribus Vexillus sive Vexillarius dicti, mentio fit, longitudine sex pedes æquantis, amplitudine vero vix tres, aliquantulum repandi, ex planorum genere; crassitie vix majori soleæ supparis, colore ex cœruleo purpurante, paululum perlucidi & perquam lævis. L. III.

C. 1. elegans Auctoris in nuperrimam Pacem carmen legas licet. C. II. p. 200. seq. narrat, mercatorem per interiora Libyæ deserta cum famulo iter fecisse, & ob vastitates illas larem undamque secum tulisse; accidisse autem, ut aqua deficiente, siti vero fauces quam ardentissime torquente, post reciprocas inter servum & dominum, ob unicum aquæ residuum cyathum, altercationes, eundem multis aureorum millibus dominus a servo periculum vitæ intentante redemerit, quod speraret servus, fore ut brevi puteo potiretur; & vero hac spe utrumque frustratum, amboque ardentissima febris correptos tandem interiisse. Servum autem ante, quam fato concederet, totam in arena tragediam scripsisse, & hac ratione cognitam a viatoribus rem fuisse, qui illa ipsa pecunia monumentum struxerint cum epigraphe, qua tota historia breviter narrabatur. *P. 215* Auctor Nepetiz hominem octogenarium se vidisse testatur, grandi statura, vegetum & succiplenum, qui rogatus, quo cibo usus esset ad valetudinem conservandam, responderit, se singulis diebus loco cœnæ vespertinæ castaneis subcinericiis pastum, & frigidam bibisse, atque hujusmodi cibo pinguem factum, & optima semper valetudine fuisse. *Cap. IV. p. 229* camelos, cum proli indulgent, dies 40 a cibo & potu abstinere, perhibet. *Cap. V. p. 239.* Scopuli cujusdam meminit in ora Surrentina, in quo olim Neapolitanam Reginam cum primis Regni Proceribus convivium celebrasse, senes ab aliis acceptum senibus tradiderint. Addit p. 242, jussisse hanc Reginam, ut si quæ mulier hoc in scopulo peperisset, partus immunis a tributo foret; qui vero in eodem contractus quosdam celebrassent, res eorum rationesque contractæ liberæ a quovis onere essent. *Cap. VI. p. 253. seq.* verba Statii Silv. III. *Iliacæ longe nimboſa Sororis Astra fugate*, explicat *Noster* de facibus, quas in summis antennarum verticibus & in malis summis, geminas interdum, interdum solitariam unam apparere nautis compertum est, quas quidem faces ipsi stellas dicunt, Esse autem addit ex illarum stellarum genere, quæ sereno cœlo noctu transcurrere videntur ac veluti conflagrare, a Phisicis cadentes dictæ. Atque huc respiciens Poeta *astra* vocavit; *nimboſa* vero, quia cum duo ignes collucet, Tyndarides esse putant, faustum omen & prosperum felicitis navigationis auspicium, at solitarii unus cum ardet ignis, Helenam credunt, infaustum omen & calamitosum, nempe cujus raptu Europa & Asia conflagrarunt. Idcirco

co Tyndaridas vult insistere cornibus, quippe latos & felices auspices;
arceri vero Helenam, ut quæ mali infaustique cursus prænuncia sit.
Quantum vero in Apiciana arte Noster profecerit, passim videas, nec
minus palato stimulando, quam menti deliciis literatis exsaturandæ,
aptissimos hos Surrentinos Autumnos esse dixeris. Nos vero Auctori
doctissimo vitam & incolumitatem precamur, ut pari famæ dignitate
ad Ver & Hyemes Surrentinas accedat, & de publica re litteraria, quæ
hoc nomine ei plurimum debet, bene porro mereri pergat.
Lectori vero rem gratam facturos credimus, ubi Elogium & Epigram-
ma, quod in Auctoris nostri laudem elegantissimus Petrus Francius
scripsit, ex his Autumnis Surrent. p. 115 (quod ipsum & in altera Fran-
cii Poematum editione, quæ Amstelodami A. 1697 prodiit, legitur)
addiderimus.

Nomine Parthenias dictus Maro carmina scripsit
Formoso recubans littore Parthenopes.
Carmen ad exemplum docti geniumque Maronis
Parthenopes scribit littore Parthenius.
Rura Maro cecinit, pecudumque hominumque labores:
Lina, plagas, pisces, & mare Parthenius.
Nobile Parthenopes ambo decus, ille per agros,
Iste per æquoreasque canetur aquas.

EDUARDI LUIDII, APUD OXONIENSES CIMELIARCHÆ

*Ashmoleani, Lithophylacii Britannici Ichno-
graphia.*

Londini, 1699. in 8. Constat plagul. 19.

PRæsentis Lithophylacii, cujus nonnisi centum & viginti prodierunt
exemplaria, Autor Clarissimus, per quatuordecim annos singulari
excoluit diligentia eam imprimis Physicæ partem, quæ Fossilium ex-
plorat naturam. Nec defuit ipsi idonea eandem illustrandi occa-
sio, utpote adjuto & Oxoniensium Musæo, cui præest, Ashmoleano,
& munificentia Mæcenatum, quorum sumptibus in hunc usque diem,
peragrando Angliæ regiones, curiosa lustrat, sibi que familiaria red-
dit. Totam vero, quam hic sistimus, Lithologiam in duodecim red-
egit Classes, quarum I. continet Lapides crystallinos iisque affines,

II. Lapidés corallinos, III. Lithophyta, IV. Fossilia turbinata, V. Bivalvia fossilia, VI. Crustacea punctulata, VII. Fossilia tubulosa, VIII, Malacostraca, seu Fossilia ad Crustacea forcipata referenda, IX. Ichthyodontes cuspidatos, X. Ichthyodontes scutellatos, XI. Xylostea seu Ossa fossilia &c. XII. Ichthyospondylos, quibus deniq; annectuntur Fossilia effigiata anomala. Ne tamen obscuriores classium denominationes Lectori ullam pariant difficultatem, earum explicationes præmittuntur singulis Catalogis, qui recensent lapides sub ipsis comprehensos, & secundum capsularum, in quibus asservantur, ordinem distributos. Descriptionem enim specialiore lapidum, quorû numerus in hoc libello ad 1766 ascendit, frustra sibi pollicebitur Lector, quippe qui quoad nomen solum locumque natalem indignantur. Illustrationis attamen majoris gratia, hinc inde figuræ inseruntur æneæ, tabulis viginti duabus comprehensæ, rarioreque exprimentes lapides. Lithophylacio huic postremo assignantur loco VI. Epistolæ, ad sequentes Viros Celeberrimos exaratae. Prima data est ad nostrum Rivinum, agens de Lapidibus nonnullis ab ipso acceptis. Secunda ad D. Guilielm. Nicolson, continens Encrinum Lachmundi aliove rariore Lapidés, e Cumbria ipsi transmissos. Tertia ad ipsum Autorem est directæ, in qua Richardus Richardson M. D. curiosè disserit de Entrocho Lapide, Conchitis & Lithophytis &c. Quarta conscripta est ad Joann. Archer M. D. explanans Asteriam & Belemnitem. Quinta ad Tancred. Robinson M. D. quæstiones nonnullas circa Marina Fossilia & Stirpes Minerales explicans. Sexta denique ad Joann. Rajum, inquirens in Fossilium Marinorum Mineralium originem.

Literarum harum accuratius in præsentiarum instituere examen, prolixum nimis fore non immerito autumamus. Sufficiat proinde speciminis loco paucis adhuc indicasse modum, quo Lithophytorum atque Fossilium Marinorum origo declaratur. Facta subinde horum concretorum mentione in Epistolis, ea præcipue in postrema sub examinis accuratioris revocantur incudem. Monstrata siquidem prius rationibus pluribus falsitate sententiæ, qua concretorum horum origo vel a diluvio, vel a virtute salium plastica derivatur, Autoris hypothetis, seminio tanquam fundamento innixa, adjicitur. *Quæ enim ex mari feruntur vapores, sunt verba Autoris, & forma pluvia aut nebularum super*

superiora terra strata ad requisitam altitudinem pervadunt, testaceorum & multorum piscium seminio sapius imprægnantur, atque exinde pro data seminii portione, & pro matricis congruentia, formantur alias pisces integri, alias eorum tantum lineamenta, alias dentes, mandibula &c. atque inter crustacea, nunc integra animalia, quandoque eorum articuli, inter testacea nonnunquam univalvia, & sapius bivalvia. Eandem quoque sententiam fovet de origine foliorum mineralium. Notandum enim, inquit, ea ut plurimum esse plantarum, quas minus perfectas vocare solemus, quarum semina cum sint minutissima, tanto facilius absorpta, in terra penetrantia debebuntur. Attamen hypothesein hanc difficultatibus satis prægnantibus premi adhuc, vel ipse confitetur Autor ingenuus. Sibimetipsi idcirco movet decem dubia haud levidentia, quibus an omni ex parte in seqq. satisfaciatur, Lectoris relinquimus judicio. Ut tria tantum priora attingamus, utique potest quæri, an plantarum animaliumve semina lapidum poros penetrare possint? Polle, respondet Auctor, experientia subnixus, quod terra quidem Bufones, mari Dactyli in mediis saxis subinde inveniantur. Quæri potest, num credibile sit, corpora vitæ expertia & loco præternaturali inclusa crescere? Esse credibile, respondet Auctor, quia conchyliæ, etiam in visceribus animalium nasci & crescere, experientia testetur. Quæri potest, num verisimile sit, durissima saxa incremento corporum talium cedere? Verisimile esse, regerit Auctor, quia conchyliæ marina, imo & durissima saxa stirpium radicibus cedant, ac Calcarium saxum Dactylis det locum. Unum superest, quod silentio prætereundum non videtur: moliri nempe Auctorem diligentissimum tum Archæologiam Britannicam, tum Cambriæ imprimis Etymologicum Geographicum; quibus operibus ut apparatus idoneum conquireret, a quibusdam Cambriæ Nobilibus, ad peragrandam lustrandamque Cambriam vicinasque ditiones, in quinquennium annuum sibi salarium constitutum, in Præfatione memorat, eorumque generosam munificentiam merito deprædicat.

NOVA LITERARIA.

IN Anglia Oxonii ex theatro Sheldoniano proditura est nova Operum S. Irenæi editio, industria Viri doctissimi, *Joh. Ernesti Græni*,
cujus

cujus Spicilegium SS. Patrum ut & Hæreticorum seculi post Christum natum primi, nupero mense Junio pag. 256. seq. recensuimus, adorandam. In ea præter antiquam Latinam versionem ex manuscriptis codicibus emendatam, Græca etiam Fragmenta ex variis manuscriptis codicibus collecta, cum variorum notis continebuntur. Ibidem Vir Clarissimus *Jo. Hudson*, cujus Scriptorum Græcorum minorum Geographiæ veteris Volumen primum nuper ad nos pervenit, in Actis hiscæ proxime recensendum, Dionysii Halicarnassæi novam editionem meditatatur. Amstelodami Judæi, cura *Josephi Atia*, Maimonidis Operum omnium editionem parant, in qua omnium commentatorum Glossæ ac Animadversiones, quæ separatim hætenus prodierunt, peculiare item notæ R. *Levi Aben Chaviv*, nec non 613 Præcepta Mosaica cum discrepantiis Nachmanidis & R. Isaaci de Leon exhibebuntur. Ibidem *Franciscus Halma*, Bibliopola hætenus Ultrajectinus, deinceps Amstelodamensis, Historiæ Byzantinæ Scriptorum, qui hætenus Potentissimi Galliarum Regis auspiciis ac sumptibus prodierunt, novam, forte & accuratiorem, editionem molitur, viris doctis id daturus negotii, ut Græcorum Scriptorum Latinas versiones sub examen revocent, atque ubi opus fuerit, emendent. Editurus insuper proxime est Amstelodami Vir Eruditissimus *Janus Guilielmus Melius* Hotomannorum Epistolas, una cum Centuria Epistolarum diversorum auctorum. *Dionysii* vero *Petravi* Dogmata Theologica, sex voluminibus in folio comprehendenda, nonnullisque adaugenda tractatibus, qui in prima editione non comparent, sub prælo dudum gemunt. Opera etiam *Augustini* ibidem, juxta editionem Parisiensem. Patrum Benedictinorum, denuo imprimuntur, decem in folio voluminibus, nec sine accessione novarum notarum criticarum. Denique nec id ignorare Lectorem Benevolum cupimus, Viri doctissimi integerrimiq; *Vincentii Placcii*, hoc ipso anno d. 6. Apr. defuncti, magnum de Scriptoribus Anonymis & Pseudonymis Opus, duobus in folio, ut vocant, voluminibus comprehensum, absolutum a Viro beato fuisse, nuncque in manibus celeberrimi Viri *Gerbarði van Mastrich* Reipublicæ Bremensis Syndici, versari, publicæ luci exponendum, quamprimum Bibliopola quis sumptus in eam rem faciendos in se receperit.

* * * * *

ACTA ERUDITORUM

Publicata Lipsiæ

Calendis Augusti, Anno M DC XCIX.

RAPHAELIS FABRETTI, GASPARIS F. URBINATIS, IN-
scriptionum antiquarum, quæ in adibus paternis asser-
vantur, explicatio & additamentum.

Romæ ex offic. Dom. Ant. Herculis clō. Ioc. XCIX. fol. Alph. 8. pl. 16.

Qui non ignorant, quam late pateat doctrina, quæ marmo-
re aut ære, arcubus aut pilis, statuis & faxis, atque aliis pu-
blicis privatisque operibus, ad omnem posteritatis memo-
riam factis consecratisque continetur; ii quo dolent ma-
gis, nihil prope ejus industriæ ad nostram mansisse ætatem,
quam in describendis lapidibus, ex iisque colligendis insignium rerum
momentis, Philochorum Atheniensem, Polemonem Periegetæ no-
mine celebratum, Aristodemum, aliosque, priscis temporibus collo-
casse, e Suida, Athenæo, enarratore Apollonii, & aliunde constat:
hoc vehementius gaudent, cum literis, in lucem revocatis, fortissimos
antiquitatis hujus vindices extitisse, horumque principes, Cyriacum
Anconitanum, Felicem Felicianum Veronensem, ejusque æqualem
Jo. Marcanoram Patavinum medicum, sigillatimque Janum Grute-
rum, & secundum Ant. Bosium Mediolanensem, aliosque, Th. Reine-
gium, ac Jac. Sponium, qui partim itineribus longe lateque susceptis,
partim incredibili labore, aliorumque ope, antiqua Græciæ Latiique,
quæ quidem explorari potuerint, monumenta e disjunctis terrarum
partibus in unum contulerint, digesserintque fere ordine, nec segnius
tam emendarint, quam explanarint. Ac quum jam pridem ii, qui
his de literis recte sentiunt, optarint, in Italia potissimum, tanquam in
ipsius sede antiquitatis, tot hominum eruditissimorum excitari ali-
quem, qui gloriam amplitudinemque Norisii, Ciampini, Fabretti,

Uu

Pagü

Pagii, aliorumque ingeniis Italico nomini nostra memoria partam, hac præcipue cura illustret, ut saxa, in oculis omnium infixæ, coram inspiciat, horumque exempla, vel exscriptorum ad antiquæ fidem, normæ exigat, vel nondum cognitorum naviter conquirat, ac quicquid omnino veterum inscriptionum adhuc latuerit, id pro virili parte e Museis aliorum, ac schedis, & undecunque, excussum promat: dubitare profecto non possumus, quin amplissimus labor, ab eodem Raphaele Fabretto, V. C. eodem in studio consumtus, apud intelligentes antiquarum rerum existimatores gratiam inierit, quem multi, qui talem tantumque norunt Virum, suspensis expectarunt animis, ex quo Jo. Mabillonius, ex Italia redux factus, orbi humanitate imbuto eum sponndit. Quo quidem opere quid tandem rerum agat CL. Fabretus, ne nesciamus, intelligendum est, eum quidem, qua utitur verborum modestia, non tam per omnia placere eruditis, quam imperitiis ac tironibus prodesse voluisse; re autem vera id dedisse operam, ut rem epigrammaticam iis ornet augeatque subsidiis, quæ in domestico Museo, multorum peruestigatione annorum instructo, aliorumque vel opera, vel muneribus, locupletato, possedit ipsemet; iisdemque adjuventis inscriptiones, a superioribus in vulgus editas, emendat passim ac restituat, castiget atque explanet, ab aliorumque corruptelis vindicet, & quicquid differat, id e suis doctrinæ prædiis repetat moderate, præcipuaque inscriptionum fide comprobet, suis nixus opibus, relictisque aliorum scriniis, a quibus compilandis prorsus abhorret. Ne vero miremur, undenam V. C. L. tam lautam rerum harum suppellectilem sibi compararit, meminisse juvabit, eum Jo. Lucii Traguriensis, mathematici pariter atque omnis antiquitatis investigatoris, exemplo hortatuque ad hoc studiorum genus incubuisse, & quicquid otii a reliquis fuerit negotiis, id demum in describendos contulisse lapides, paullatimque ditasse atque exornasse Museum, cum ope aliorum beneficioque, tum sua ipsius arte quadam; id quod ipsemet noluit ignorari. Nam a fossoribus, modico invitatis pretio, inscriptiones & signa laterum accepit, sacrisque reliquiis extrahendis & custodiendis a Purpurato Patre, Gaspere de Carpineo, præfectus, quo munus hoc gessit triennio, omnibus omnino inscriptionibus potitus est, quotquot in locis religiosis comparuerunt. Quibus magna est accessio postea facta, quum Carolus Barberinus, magni illius Francisci Bar-

Barberini fratris filius, ex illustri bibliotheca copiam ei fecit omnium inscriptionum, quas patruus quondam ex omnibus orbis Romani partibus coegerat, quasque tanto comprehensas volumine reliquerat, uti Gruterianum Thesaurum numero superarent. Nec parvo ei usui fuit humanitas Laurentii Corsini, qui cæmenta villæ, ad portam Aureliam exædificandæ, cum quæreret, eam sepulcrorum, vetustate collapsorum, copiam aperuit, ut parvam quasi urbem detexerit, ex iisque marmorum plura muneri dedit Fabretto, multaque alia monimenta concessit describenda. Accessit liberalitas Cæsarini Signinæ urbis, & Alexandri Jovii Ducum, qui cum lapidum non paucorum munere affecerunt; singularisque Justiniani Ballani Principis gratia, qui ei, in suorum ad Flaminiam hortorum adyta admissio, interiora ostendit cuncta, quæ, nemini adhuc visa, binas terrenas aulas acervatim opplebant. Grata etiam commemoratione recoluit memoriam Josephi de Juliis, sigillatimque Philippi Bonarroti, quo comite, vineas omnes, a quibus inscriptiones sibi promiserat, perscrutatus est; neque id sine periculo, cum rustici tantum perquirendi studium ægre ferrent. Tacemus Philippum Abbatem a Turre Foro juliensi, & Canonicum Franc. Blanchinum Veronensem, aliosque complures, qui laudantur passim, ab eoque eodem, quo Pighius, Vellæus, & Smetius a Grutero, numero habentur. Illud prætermittendum non est, indoctorum quoque hominum manus profuisse Fabretto, quibus præceperat, ut summos lapides leviter abstergerent, sic ut pulvis situsque in concavo literarum spatio relinqueretur. Chartam deinde bene humentem applicari, & linteolo in globum circumvoluto, sive arida sponsia imposita, tantisper comprimijussit, dum ea in vacuum elementorum spatium descenderet, & sordibusibi relictis tingeretur, quo literarum color aliquis & profunditas impressa conspiceretur, atque adeo eadem, denuo exsiccata, non minus colore, quam duritie, literas affabre sculptas servaret.

His igitur fretus adminiculis, magno animo laborem suscepit, opusque in *decem* tribuit *Capita*, quorum *I.* exponit de Titulis & Columbariis, *II.* de Operculis ad lacrymas & libationes excipiendas, deq; Geniis, ac Manibus, *III.* Affectus cognatorum, atque parentum in filios & contra, *IV.* Affectus conjugum, *V.* inscriptiones a Patronis & Dominis, & contra, atque ab incertis, & singularibus, positas, *VI.* Sacra & Ministros sacrorum, *VII.* Figlinarum Tigna, aliaque miscella-

nea, *II*X Monumenta Christianorum, *IX*. Gentilitia nomina, quorum Gruterus non meminit, *X*. Miscellanearum inscriptionum Syl-
vam. Eam autem ordinis rationem iniit, ut primo e Musei sui copiis
efferat inscriptiones, harumque plerasque quidem Latinas, Græca-
rum tamen etiam nonnullas, easdemque, ut proprias ac domesticas, a
mutuatiis ac peregrinis Romani signo numeri distinguat. Has por-
ro vel temporum iniquitate corruptas, quoad ejus fieri potest, reficit,
vel obscuras illustrat, idque cum aliorum doctrina scriptorum, tum so-
lemni inscriptionum comparatione, quas, barbaris dispunctas notis,
vel jam divulgatas a Grutero, Reinesio, Sponio, ceterisque, vel non-
dum eruditorum usu tritas, e schedis Vaticanis, Chisiis, Fr. Cameli,
Peniæ, e Sabbatino, Ciampino, Bellorio, Carpineo, Magnino Mu-
seis, ex MS. L. Holstenii, ex suis etiam commentariis, sigillatim-
que e schedis Barberinis, aliorumque, accepit. Sub calcem vero li-
brorum plerorumque subjunxit Notas, quibus vel explanatio-
nem superiorem reddit explicatiorem, vel quæ uberius explicanda
videbantur, exponit, idque cum judicio modi, quo nihil ei antiquius
est, servandi, pagina asteriscoque semper adjectis, quò locum explica-
tum invenire possis. Perpetua vero oratione Gasp. Fabrettum, cui
librum inscripsit, affatur, & docet. Quem quidem fratris filium, quid
doceat tandem, ut ii, qui nondum hunc legerunt librum, non nihil sci-
ant, animadvertendum est, eum, Capite *primo* de Titulis & Columba-
riis cum agatur, per Titulos intelligere contractas nominum tabellas,
quæ ollis cinerariis præfixæ fuerint, eosque negare negligendos esse,
e quibus prænominum ratio, & columbariorum notitia, peti possit.
Hos ait plebejorum, atque a deo servilium capitum nominibus in-
signitos, horumque binos plerumque per singulos loculos parieti affi-
xos, suis quemque ollis subditos fuisse. Sæpe vero binis ejusdem lo-
culi ollis duplices respondere titulos, uno quodam lapide compre-
hensos. Columbaria exponit per loculos ollis cinerariis asservan-
dis destinatos, subditque inferius, crebrius duplices ollas in quovis co-
lumbario receptas fuisse. Mox refellit Reinesium, qui per ea alicubi in-
tellexerit columbarii, in quo alerentur columbæ, locationem; idque
expressa quadam effigie, quæ exhibet decem columbaria, in iisque qua-
draginta ollas, quæ in agro Fonteiano sub scalis Palangariorum ad viam
Aureliam apparuerunt. Postea vero, quam adversus Gutherium evi-
cit, vasa obrendaria ea esse ipsa, quæ alibi *scilicet sarcophaga* dicantur,
eadem-

eademque ad corpora integra obruenda comparata; docet, quum corporum alia combusta, in ollisque & urnis tam fictilibus, quam marmoreis, condita fuerint; alia integra in arcis lapideis seu sarcophagis deposita; alia denique in fictilibus infossa capsis: varia quoque fuisse conditoria, ollasque minores in suis columbariis, urnulas ollasque maiores in ædiculis & cinerariis, arcas lapideas in superioribus partibus collocatas, & sarcophagos fictiles in pavimento defossos. In quo quidem argumento præcipua inscriptionum opera pervincit adversus Alex. ab Alexandro, de cujus plagiiis, male compactis, inferius male sentit, usum tam cremandi, quam humandi, eorundem consuetudine temporum celebratum, nec lege quadam, quæ conficta sit, sed more, neque eo quidem constanti, receptum fuisse, uti corpora, quæ primum humi condebantur, crebrius posthac cremarentur. Quam quidem consuetudinem ad Theodosii usque M. patuisse tempora, & Jac. Gothofredi animadversione, posteaque humandi more cremandi ritum extinctum, & Macrobio demonstrat. Ad extremum ollariorum seu columbariorum ichnographiam, iustis distinctam intervallis, ollarumque formam & magnitudinem, excudendam curavit. Capite altero cum agit de Operculis, illud titulorum genus persequitur, quo cinerariae angusti oris urnæ contegebantur. Hic ubi ostendit, foramina, quibus pertusa fuerint opercula, recipiendis parentum conjugumque lacrymis imprimis servivisse; Geniorum varietatem quo exponat, tradit primo inscriptionum auctoritate fultur, Genium defuncti sumi pro ipsius Manibus; deinde ex Apulejo atq; Augustino, Genium humanum esse animum, quoad in corpore versetur; tertio fide Plutarchi, Platonis apud Apulejum, & Censorini, esse potestatem quandam inter hominem & Deum, atque adeo differit de duplici genio; quarto ex Festo Pompeio, esse Deum, qui vim obtineat omnium rerum gerendarum; quinto subjicit inscriptiones, Genio viventium nuncupatas, vel ut animo humano, vel ut bonæ cuidam, ipsius animi cupidini; sexto & Censorino & Apulejo, Genium nobiscum gigni, vel esse Deorum filium, & Festo; septimo dedicationes non raro fieri Geniis ipsarum rerum inanimarum, corporisque alicujus politici, suarum exemplis inscriptionum comprobant; demum ex Petronii fragmento observat, Genios etiam sine adjectione appellari *utelas*, quorum explicat inscriptionem Gruterianam. Exposito Geniorum

argumento, Manes pertractat, quos cum H. Norisio contendit summatim, esse vel ipsas defunctorum animas, vel Deos inferos, sub quorum potestatem hæ, corporeis solutæ vinculis, redigantur. Alterum auctoritate inscriptionum, quemadmodum solet, firmat, lectoremque ad ampliorem Norisii enarrationem delegat; alterum perinde, prolatis inscriptionum testimoniis, conficit, speciatimque inscriptionibus Græcis, in quibus Dii manes ΘΕΟΙ ΚΑΤΑΧΘΟΝΙΟΙ vocantur. Iisdem, subtextit, Manibus antiquitatem, superstitione depravatam, lucis hujus fruendæ arbitrium permisisse, idque inscriptione evincit illa, qua manes fatorum arbitri appellantur. Omittimus, quæ de singulis notisque, vel inferius de horis, earumque divisione, & segmentis, in inscriptionibus obviis, de scrupulis item ex Jul. Polluce, Ptolemæo, Plutarcho, Irenæo, Rhabano Mauro, Josepho Scaligero, & aliunde; de execrandi item ritu, a paganis æque, ac Christianis, adversus violatores sepulcrorum adhibito, atque adversus Reinesium excusato, aut amplius traduntur. At CL. Fabretum, reticere non possumus, novam Theonis recensitionem orbi erudito polliceri ab Eruditissimo Benedicto Averano, quem confirmet hunc Ptolemæi enarratorem cum codice manu exarato, qui Medicæ sit bibliothecæ, diligenter comparare, novamque ejus interpretationem moliri. *Capite tertio ex occasione inscript. XIII. de Prætoriiis cohortibus, ab Augusto institutis, dicere ingressus, quarum Tacitus Annali quarto novem, Dio. lib. LV. decem, memoriæ prodiderunt; utrumque scriptorem pro sui ratione ævi exponit, repudiato Lipsii judicio, qui Tacitum secutus Dionem erroris accusarat. Mox eidem negat Lipsio, causam esse, quam ob rem apud Tacitum quatuordecim, quam quatuor, urbanas sub Vitellio cohortes legi malit, demonstratque, quod quidem sciat, primus, quatuor illis cohortibus Vitellianis cum numero decimæ tertiæ cohortis urbanæ bene convenire, modo recogitemus, primam urbanarum cohortium decimam esse appellatam, & continuata quadam progressionem post novem, munere suo digniores, Prætorias cohortes, sub Tiberio ex ultima Augusti institutione sic numeratas, de quibus loquatur Tacitus, subsequentes numeros X. XI. XII. tres primi illius census cohortes urbanas occupasse, quas quidem ad Constantini mansisse tempora, seu tandem ad pristinum numerum, numerandique rationem superiorem esse revocatas, inscriptione subiecta firmat. Dehinc cum evincere*

cere parat, Lipsium dubia admodum fide Dionis ævo plures denis cohortes Prætorias tribuere, quoque declaret, sub M. Aurelio, Pii F. easdem ad decem jam redactas fuisse; expromit marmor, quod eo rarius judicat, quo clarius Centurias Statorum Evocatorum idem commemoret, quos, nec fortasse alios, cum apud Tranquillum legeret Lipsius, miratus est, nullam eorum memoriam, aliis literarum monumentis consignatam, extare. Ut mittamus, quæ de apicum in lapidibus usu, a temporibus inde Augustis repetito, docet; quam dignum lectu est perelegans funebris orationis fragmentum, quod e Museo Carpineo promit, inferiusque conjectura quadam resarcire studet, tam laudandus profecto conatus, quo clarissimam Helvidiorum stirpem inde a Cæcinnæ Pæto atque Arria e lapidibus, æqualibusque scriptoribus, refert, iustæque ordinis serie contextit. Nec nullius sunt ingenii, quæ exponit de ratione Ascæ, quæ in summo incisa lapide, eruditorum conjecturas in diversâ sententiarum studia distraxit, cum primisque in lapidibus Lugdunensibus conspicitur, ubi extat: ET SUB ASCIA DEDICAVIT. Derelictis Manutii, Aimagi Rivalii, Pierii Valeriani, Reinesii, Chorerii, Sponique, judiciis, edisputat, quibus per mediocris fortunæ rationes marmoreos condere tumulos minus licuerit, lateritios hos exquisito fabricandi artificio struxisse, ejusque moderationis suæ testimonio, & forsân cum quadam magnificentia, in modico quæsitæ, ostentatione, professos esse, se SUB ASCIA, hoc est, unius ascæ ope opustam præclarum fecisse. Inde profert in medium Rusticeliorum monumentum, quod anno superiore negotiatores vinarii sub Testaceo tumulo aperuerunt, veterum dignitate possessorum insigne, atque antiquitate ipsis R. P. temporibus conjunctum. E quo Carolum Patinum corrigit, nummumque ab eo editum, & Celiæ attributum, Rusticeliis reddit, ejusdemque occasione per obscuram investigat originem Testacei collis, sub quo monumentum, id quod prædiximus, inventum est, nemini veterum, nisi Sex. Aurelio Victori, & scriptori Notitiæ Imperii, *Dolioli* nomine memorati. Capite *quarto* inter alia veteres tam effuse laudasse mortuos, ut nulla non inscriptio sepulchralis hyperbolica sit dicenda, positus ante oculos exemplis, ostendit. Postea de militia Vigilum, quæ alibi minus inveneris, exponit. Ac primo quidem muros, quos septem Vigilum cohortes in urbe tenebant, interpretatur ipsas cujusque regi-

regionis stationes, Fam. Nardino, postremo argumenti huius explanatore, confutato; quem nec Dionem capere, nec falso non opinari, septem illas cohortes ad triginta & octo progressu temporum auctas fuisse, ut pervincat, Rufum, Victorem, ac Notitiam Imperii emendat; quadamque inscriptionum accessione Gruterianis adjuncta, ubi VII tantum cohortes comparent, editoque Victoris fragmento, quod Illustris Vir, Gu. Godefridus Leibnizius (qui & ipse adjectis quibusdam animadversionibus eundem refellit Nardinum) cum eo communicavit, observat demum, illarum VII cohortium singulas totidem centuriis constituisse. Miratur inde, qui factum, quod Laur. Pignorius, doctissimus Servorum expositor, data differendi occasione, munus Vicariorum ne attingat quidem. Quos cum per *substitutos* exposuerit Sponius, refellitur, aliisque deinde interpositis, feruntur demum Christiani ultimorum temporum memorias titulosque Paganis nunquam abstulisse, eisque suos occlusisse loculos, suis ipsorum nominibus insculptis, prioribusque profanorum inductis, aut erasis; id quod Paganis lege interdictum fuisse docetur. Nec nullius sunt momenti, quæ edisseruntur de conjugibus Virginiis sive Univiris, earumque prærogativa, ex inscriptionibus, Livio, Tertulliano; de iis itidem, in quorum vita obituque annorum, mensium, dierumque numerus exæquatur, quique diem eundem natalem, ac fatalem, habuerunt, quorum Attalus rex, Pompejus, Ofilius Hilarus, Henricus Cardinalis idemq; Rex Portugallia, referuntur. Quoq; intelligas, veteres canū quoque fidem, avicularumque dulcedinem, memoria dignam habuisse, quædam inscriptionum exempla producuntur, in iisque lepidum lusciniæ epitaphium, quod fuit in antiquo vase minutissimis literis inscriptum. Capite *quinto* non luserit fortasse operam, qui legerit, quæ disseruntur de Equitibus Singularibus, argumento certe, quam inscriptionum veterum usu contrito, tam eruditorum sententiis discrepante. Quos quidem constituit CL. Fabrettus gradu militiæ Prætorianis proximos, cum munere custodiæ, tum prætenturæ vicinia, & Norisio assentitur, Neronis principatum ætate antecessisse, Marcello Donato, Claudioque Salmasio, refutatis, Lipsii etiam atq; Hermannii Hugonis silentio in re commemorabili castigato, Reinesioque pro parte collaudato, qui Singulares quasi Singularios, Singulatores, uno merentes equo, interpretatur. Nec tædeat perlustrare monumentum,

Mar-

Marcio Hermæ factum, cui **Phoenix**, suo insitens rogo, utrinque ad-
 jectus exponitur de spe æternitatis, seu persussione æternæ felicio-
 risque post præsentem vitæ, Poetis pariter, ac plerisque Philosopho-
 rum familiis, nec minus Inscriptionibus, quæ **SPEI ÆTERNÆ**, &
PERPETUÆ FELICITATI, aut **ÆTERNÆ ANIMÆ** nuncupatæ
 sunt, celebratæ. Ut autem silentio transimus, quæ de **Castris Pri-**
oribus conjicit primus: ita summam indicamus, quæ de **Ostoviris** &
Seviris Augustalibus uberius disputantur. Principio **Fabretto** nego-
 tium exhibuerunt **Ostoviri**, de quibus omnes filere ait: id tamen ipse
 collegit demum, magistratum hunc non fuisse perpetuum, & conve-
 nisse quidem quadam ex parte cum **Seviris**, his tamen dignitate infe-
 riorem fuisse eosdemque **Ostoviros** fuisse sanorumque vroriorum
 curatores, **Ædilia** vero potestate præditos, quo muneri suo majorem
 afferrent auctoritatem. Injuncta deinde controversiæ, quæ **Norilio** cum
Reinesio de **Sacerdotio Seviriū Augustalium** intercedit, mentione, ,
Norilio suffragatus, negat **Reinesio**, **Seviros** inter magistratus, & qui-
 dem juris dicundi potestate præditos, numerari debere, quos **Sacer-**
doti munere perfundos esse, auctore **Tacito** comprobare, horumque nil
 miratur aliquando plures quam sex simul nominari, quum sex tantum
 vere ejusdem temporis munus gesserint, ceteri vero nominis
 hujus honorem ex temporaria superiori; muneris hujus perfunctio-
 ne, eademque vel unus, vel quinq; annorum, servarint. Tacemus re-
 liqua, quæ de aliis **Seviris**, **Equestri militiæ** cognitis, eorumque sex, vel,
 quas quidem in lapidibus viderit, quinque turnis, ex **Jul. Capitolino**,
Reinesio, **Spanhemio**, speciatimque, sicuti solet, e lapidum indicis
 arcessit, pariter atque alia, quæ de **Latina**, **Lavicana**, **Prænestina**que
 viis, & de aliis denique rebus, erudite exposita, industriæ lectorum ju-
 dicioque relinquenda putamus. Capite sexto edit lapides, **Ægyptia**
 superstitione imbutos, horumque **Romæ** duos, tertium **Urbini**, inven-
 tos, postq; illos **Græcum Herophili** epitaphium, elegantia non minus,
 quam pergrata simplicitate, ad memoriam insigne. Ex cujus occa-
 sione de licentia **Bacchanalium**, & symbolis ad sacra hæc pertinentibus
 disserit, eorundemque e **Livio** initia ab ultima origine repetit, ac **S. C.**
 ab eodem historico **c. XVIII. lib. XXXIX** brevi quadam summa com-
 prehensum, per antiquo illustrat monumento, **Postumio** Consule in ta-
 bulam æream inciso, priscaque scribendi ratione extrato, quod ex illa
 exceptum tabula **CL**, **Fabretto** tradidit **Augustinus Scilla**, **Pictor Mes-**

fanensis. Postea, quam eorum attingit summam, quæ de Accensis commentatus est Salmasius, eumque modo firmavit, modo castigavit, nec minori cura de nominibus novorum civium, & collegio concordiae, egit; Victimariorum collegium, antehac ignotum, extitisse ostendit, non illorum, quos Victimarios negotiatores appellet Plinius, sed eorum, qui in sacrificiis Imperatori ipsi, Sacerdotibus, Magistratibus, & Senatui præsto essent. Quæstionem hinc de Dea Feronia, quam Servius, cum eoque Sponius, ipsam Junonem virginem, cum aliis Jac. Oiselius Deam Florum, ab Junone diversam, putat, ipseque Reinesius a Junone, Fabretto quam libet invito, distinguit, in medio tantisper relinquit quidem, sed aliam, longe graviolem, controversiam indidem elicit de Fano, cujus meminit Dionys. Halicarnassæus, Deæ Feroniæ, eamque ita disceptat, ut contra pervulgatam eruditorum opinionem evincat, fanum hoc non esse illud sub Soracte monte extra Latinorum & Sabinorum fines, sed in Sabinorum agro situm, a priorique diversum. Feroniam denique cum Junone paria facere, auctoritate Servii, & inferius Livii, concludit. Nec vero displicere lectori queunt, quæ de templo Felicitatis tradit, id quod ab Lucullo constitutum fuisse docet, reprehenso Donato, qui dixerat a Sylla extructum, & Nardino, qui unum tantum Deæ hujus templum Romæ fuisse statuerat. Missa facimus, quæ in aliis commemorari possent de Osiride & Serapide, quæ nomina ei unum idemque Numen signant; de Vossio patre, quod Corn. Balbum Gaditanum, vocet Mitylenæum, & historicorum numero adscribat, correpto; Sponio item, qui Fastos Panvinianos cum Capitolinis confundat, Lipsio & Al. ab Alexandro notatis, quorum posteriori negat, Sacerdotium Regis sacrorum, & Maximi Curionis, idem fuisse. Capite *septimo* miratur antiquarum notas Figlinarum in spatiis tanti voluminis leviter perstrinxisse Gruterum, easdemque vix summo tetigisse digito Sertorium Ursatum in Patavinis Inscriptionibus, & Smetium, Neomagensium Antiquitatum auctorem; quas tamen constet Fastis emendandis, temporibus, quibus extructa sint ædificia, dignoscendis, singularibus locis, quorum notitia deerat, cognoscendis, aliisque rebus, singulare afferre adjumentum. Cujus quidem laboris, quem integrum sibi relictum esse pronunciat, initio Figlinas ordine secundum elementa instructo disponit, eademque postea serie nomina Consulium, quorum quidem in Figlinis extat memoria,

memoria, percenset. Hic ubi inscitiam Ligorii fraudesque cum Norisio coarguit, contendit adversus Lucam Pætum, pondera, quibus nostra utamur tempestate, antiquis majora non esse. Ac primo ubi tam de Romanis, quam de Græcis differuit ponderibus, colligit demum, unciam nostrorum temporum Romanam antiqua leviolem quidem esse, sed Græca graviorem. Addit, Herculem custodem ponderum, ob justitiæ & æqualitatis laudem, non a Romanis magis, quam Etruscis, habitum fuisse. Longum foret, enumerare, quæ disputantur de orbiculis osseis, iisque missilibus, numismatum instar utrinque inscriptis; de pilulis ex fossili crystallo; & post Jo. Macarium, ejusque enarratorem Jo. Chiffletium, de amuletis, sive, quos vocant Arabes, de lapillis Talismanis, quos quadam signatos inscriptione ipse possidet, omnesque fere ad Mithram ac Solem refert. Capite octavo inscriptionum Christianarum spicilegium post Aringhum affert, easdemque non alio quam alphabetico ordine distinguit. Hic nominis contemptum laudat in Christianis veteribus, quorum nomina loculis religiosorum locorum rarius adscripta sint; quum Christi contra nomen, omni veneratione dignum, notis quibusdam crebrius designetur, ad mortuorum velut professionem fidei in ipsa calce, qua occluduntur tumuli, incisum. Cujus generis tesseras, Christianæ pietatis professione insignitas, qui desideret, cum ad Aringhum delegat, ejusque eruditam e Sanctis Patribus earundem explanationem laudat. Inscriptione inde, cui falx cum palma ferro insculpta est, vasculumque adjectum, prolata, cultrum illum, contendit, seu falcem, a latere positam, cum palmæ ramusculo in ea insculpto, facere indicium martyrii, per vasculum itidem appositum, in quo asservatus sit sanguis, significati; sicut hodieque vitreæ consimiles ampullæ, sanguinea & purpurea obductæ crusta, in sacris cæmeteriis juxta SS. Martyrum loculos, qua recumbunt capita, creberrime reperiantur, nec dubium sanguinis, pro Servatoris gloria profusi, argumentum prodant. Rubedinem enim, qua ampullæ tinctæ sunt, non a colore terræ, per quam humor pluvius percolatur, sed revera a sanguine contractam esse, rationibus probat, testimonio etiam Illustris Leibnizii nostri adducto. Nec porro sine laude antiquæ religionis, qua homines Christo conjuncti, a profanorum vanitate sejungi consueverunt, illud pariter in suis observat inscriptionibus, Christianos cruce recta, literarum *α* & *ω* comitatu stipata, suos signasse

cippos. Ad illam venimus inscriptionem, cujus siglas illas D. M. Jo. Mabillonium submonet Fabrettus, DEO potius MAGNO, quam DIS MANIBUS, exponi debere. Quæ quidem altera duarum est inscriptionum, quæ Mabillonio e Fabrettianis perplacuerunt; quamvis hoc loco a Mabillonio modeste dissentiat Fabrettus, negetq; reliquiis profani ritus locum hic relinquendum esse; uti porro adversus eundem comprobatur, vitem vindemiamq; inter præcipua Christianorum monumentorum ornamenta fuisse. Falsus porro, coronam, pyram ardentem, & palmas, lapidibus incisas, Martyrium supplicio ignis finitum testari posse, non spernendum Clementis Alexandrini locum gemmarum antiquarum inscriptionumque fide firmat atq; illustrat, quo veteres Christiani aut columbam, aut piscem, aut navim, aut lyram, aut anchoram, in signatoriis suis expressisse annulis dicuntur. Ac secundum Monogrammata, in Christianorum tumulis conspicienda, quæ sagacius exponuntur, digna lectu est, tam inscriptio illa XCVI, qua memorix VLPIAE FELICITATIS, XIII annorum, & VII mensium uxoris, consuluit maritus, quam erudita annotatio moris Romani, quo, ex Plutarchi inscriptionumque auctoritate, puellæ duodecim, aut pauciorum etiam annorum, nuptui collocabantur; id quod multo fiebat aliter apud Spartanos. Jam inscriptiones Græcas, quarum pauciores afferuntur, si perlustremus, inter has eminere videbitur inscriptio Eutropi, quem Martyrem fuisse, opinatur CL. Fabrettus, quod vasculum sanguine, pro Servatoris honore profuso, repletum, sinistra manu sustineat, orantisque more passis ambabus adstet. Mittimus, quæ explicantur, scribendi compendia, inscriptiones item Latino-Græcas, non tam a Græcis, quam ab amantibus Græcorum, profectas; nec minus illam, in qua literas Græcorum recentium minuscultas primas in lapidibus observavit Fabrettus. Quæ vero de imaginibus vitreis ex Philippo Bonarroto, sigillatimque Petri & Pauli, ubi Petrum loco superiori semper collocari contendit, adducuntur, ea quidem studio lectorum judicioque relinquimus. Capite *nono* nominum gentilitiorum, quorum Gruterus non meminit, quæque alii inscriptionum conquisitores aut non habent, aut indigentius tractant, indicem contexit, & secundum elementorum seriem ordinat, creditque adeo fore, ut, si extremum subtexuerit caput, hæc demum,

num, quæ accessionum loco habeat, præcipuum opus utilitate vincant. Reincisio autem vitio vertit negligentiam, qua gentes diversas sæpe misceat ac confundat. Tacemus de lamina, apud Canusium reperta, editaque a Nicolao Bon, memorabili quidem, quod, præter cetera, integrum Decurionum sive Centumvirorum numerum implet, Patronis Prætextatisque separatis, quos in extremo recenset. Neque hujus est instituti persequi, quæ de Dendrophoris, de aliisq; decerpi rebus possent. Caput denique *decimum* Illustris Fabrettus cumulat inscriptionibus varii argumenti, quæ vel superfuerunt, vel adhiberi quidem supra potuissent, sed, confecto jam negotio, cognitæ demum sunt aut acquisitæ; idque nullo ordine, succinctisq; ad eas notis adjunctis. Nos, ne nihil memoriæ mandasse videamur, in transcurso monemus, ostendi adversus Jac. Gothofredum, acutissimum cetera Codicis Theodosiani enarratorem, idque ope inscriptionum, frumentum æneum sive ænum ad civitatem Carthaginiensem non spectasse, sed asservatum Romæ distributumq; fuisse. Justam porro naturalemq; Caracallæ matrem, non, id quod multis visum est, novercam, fuisse Juliam Domnam; idque non inscriptionibus minus, quam Oppiani & Dionis auctoritate probari. Nec minorem inde controversiam, quæ multorum industriam fatigarit, Juliamne uxoris loco habuerit Caracalla, in eam decidi sententiam, ut, comprobata Tristiani defensione, tanti criminis infamia liberetur Caracalla, quum nullæ inscriptiones suffragentur. Ac judicare adeo CL. Fabrettum, Spartianum, qui turpitudinis hujus notam Caracallæ memoriæ primus inuissit, multos fefellisse auctoritate sua; deceptum vero ipsummet ex male intellecto Herodiano, qui scripserat, Alexandrinam plebem Juliam hanc per jocum Jocastam vocavisse. Id enim Spartianum ita interpretatum, ac si Julix incestæ cum filio a nuptiæ vulgo essent exprobratæ, de quibus tamen & Herodianus & Dio ne meminerint quidem. Comparationem vero Julix cum Jocasta potius ad mutuum inter utriusque filios odium, parricidium ferro venenoque intentatum, fratricidium, aliaque Augustæ domus mala, trahendam. Cetera dimittimus, quæ dici possent de instauratione marmoris omnium Barberinorum eruditissimi, quod inscribitur Lex Collegii Æsculapii & Hygie; vel de iis, quæ disputantur contra Minucium Felicem, Lactan-

tiumque, quo Floræ honestas cum Ouzelio defendatur; vel de situ Laurentini Pliniani, idque ex illius summa epistolæ, qua Laur. Pānciatici rogatu perscripta, Holstenium præcipue Noster coarguit; vel de aliis demum rebus, quæ tantundem jucunditatis, quantum utilitatis, elegantæ antiquitatisque cupido lectori pollicentur. Atque hæc quidem, multoque his plura, nec minora, (nam nobis pro instituti nostri ratione non nisi paucissima licuit attingere) ubi perdocuit Cl. Fabrettus, operi subjunxit Emendationes quasdam Gruterianas, usui, quemadmodum ratus est, futuras novæ Thesauri hujus recogniti editioni, quæ & ipse accepit a Basileensibus parari, & nos pariter cum omnibus, qui Thesauri hujus opes, ex omni antiquitatis memoria cumulas admiran- tur, bonis ominibus votisque prosequimur, quo tanti conatus operis prospere cedant, ad optatumque tandem exitum provehantur.

A TREATISE OF THE ASTHMA.

i. e.

*TRACTATUS DE ASTHMAE. AUTORE JOHANNE
FLOYER.*

Londini, apud Richardum Wilkin, 1698. in 8. plag. 18.

Cum Experientissimus Autor ipse periodico Asthmate triginta fere annos multum laborasset, nullumque e remediorum a Recentioribus præscriptorum usu, sensibile autem ex iis, quæ Veteres laudarunt, percepisset levamen; in præsentî de Asthmate tractatu, in Actis a nobis jamdum indigitato, quando Nostri opusculum de præternaturali humorum animalium statu A. 1697. p. 106. recensere- mus, tanto exactius diuturni hujus affectus cum Theoriam, tum Praxin, e Veterum præcipue monumentis explanare, novisque observationibus corroborare voluit, quo magis & Medicorum alii, ad integram eorum morborum chronicorum, quibus ipsimet forsan detinentur, accuratius consignandam historiam incitarentur. Nempe ut de symptomatibus ante omnia constaret, quæ Asthmatis flatulenti, vulgo humidi, paroxysmos & præcedere, & concomitari soleant, ac quo anni tempore quamque sæpe hi ingruant, ventriculus plerumque a meridie secunda vel tertia ab ingestis cibis hora notabiliter primum inflari, mox sub noctem sanguis aequaliter effervesce- re, corpusque leniter incalescere ac spiritus

rare-

rarefcere, cum levi cephalalgia, multa fomnolentia, lassitudine artuum, pectoris gravitate, tussi convulsiva, multa urinæ pallidæ excretionē &c. annotantur, usque dum circa secundam vel tertiam horam nocturnam, sensibilius paroxysmo affligente, atque respiratione difficulter admodum cum stertore procedente, æger lectum, in quo non minus ac in febris paroxysmo perquam incalescat, & cum pulsu frequenti, inæquali tamen, ad sudorem propendeat, cogatur relinquere, ac in sella erectus sedere. Frequenter tunc alvus deponitur, & propter circulum sanguinis impeditum, pulsus in lentum atque intermittemtem mutatur, extrema frigent, facies subinde nigricat, interdum pallet vel livet, oculi trepidant & lacrymas involuntarias stillant, labia fugentis speciem præ se ferunt, & muscoli totius corporis multum subsident, artusque ad motum languent, bilis aliquando evomitur viridis vel flava, urina autem tinctior & sedimentum deponens in fine redditur paroxysmi. Qui brevior si habeatur, a diætæ errore vel inclementia aëris adinstar ephemeræ resultans, ac post duas vel tres horas iterum cessans, sputatorius dici meretur, quia flatus solummodo ac sputum cum pulsu frequenti ac dispositione ad sudorem sociantur, præter somnolentiam vero nulla ventriculi angustia, nec urina pallida prægrediatur. Si longius autem ad duos, tres quatuorve dies protrahatur paroxysmus, primis diebus nihil vel parum scretu rejicitur phlegmatis, tertia vero vel quarta die tussi expectoratur mucus magis digestus minusque viscidus, coloris albicantis ac saporis dulcis, interdum putridi, falsi vel acidi, sæpe sanguine nigricante intertinctus. Edictario, in quod singulos paroxysmos Asthmatis proprii, occasione demum febris intermittens facti periodici, Autor septem per annos assidue retulit, sedecim paroxysmi hybernæ, æstivi autem iique graviores viginti, omniumque gravissimus mense Augusti, enumerantur, circa Lunæ phases plerumque contingentes, ac citius vel tardius repetentes, quo breviores vel longiores iidem anticiparint; paroxysmo inopinato insignis semper in tempestate mutationis infecutura præbente indicium. Neque evacuantia tamen, neque pectoralia & cephalica calida in paroxysmis antevertendis quicquam profuisse, pluribus ante innuitur, quam Asthmatis hysterici, nobili fœminæ viginti annos molesti, pro hujus simul cum Asthmate flatulento ostendenda convenientia, describatur historia. Hacce nihilominus in præsentem neglecta, humo-

humorum potius & spirituum animalium præternaturalem porro attendamus statum, periodico asthma cum tot pathematis producendo commodum; in quantum asthma sublimis, tarda, rara & laboriosa perhibetur respiratio, ab inflatione membranarum pulmonum, bronchia, vesiculas pulmonales & vasa sanguifera comprimente, immediate oriunda, dum spiritus animales flatulenti occasione vel externorum accidentium, vel periodicæ febrilis effervescentiæ sanguinis rarefiunt & per cerebri glandulas propelluntur. Humores videlicet inter, chylus potissimum acculatur, fermentationis deficientis vel imminutæ culpa in ventriculo flatulentus & viscidus progenitus, gastricam pariter lympham crudam, viscidam & flatulentam suppeditans, ac ventriculi inflationem tam in asthma sputatorio, quam in hysterico procreans. Sicut namq; naturalis per fermentationis modum chylicatio a Recentiorum nonnullorum dubiis vindicatur, ita & succus nutritius flatulentus tanquam fermentum consideratur, quod commixtum sanguini hunc ad effervescendum pronum exagitet, lentamque febrem asthmaticam concitet, ab ephemera parum discrepantem, quod eadem causæ evidentes, quæ in corpore sano ephemeram gignunt, v. g. caloris vel frigoris excessus, nimia corporis mentisve commotio &c. in cacochymico asthmaticam pariant febrem, multæ defluxionis feri in partibus variis, præsertim urinæ pallidæ in renibus ac lymphæ flatulentæ in ventriculo, intestinis, pulmonibus ac cerebro, causam proximam. Spiritus autem animales, comparati cum vegetabilium spiritibus inflammabilibus, quorum particulæ oleosæ, acidæ ac acree bullulis aqueis inclusæ, itidem taxantur flatulenti & vehiculo mucilaginoso irretiti, occasione magnæ rarefactionis facile in nervis subsistentes horumque pneumonicos & intercostales, veluti ex morbo antecedaneo debilitatos, inflantes, per consequens diversarum partium membranas contrahentes rigidasque efficientes. A bronchiis quippe inflatis stertor sive sonitus in expiratione, a vesiculis autem pulmonum angustatis, sufficientem aeris ingressum debitumque diaphragmatis descensum impredientibus, ipsisque diaphragmatis & aliorum pectoris muscutorum membranis contractis, thoracem haud sufficienter distendentibus, tarditas inspirationis & expirationis deducitur; quemadmodum respirationis raritas pulsui impedito, cephalalgia vero & hebetudo membranarum capitis rigiditati, & flatulentia

lentia primarum viarum, membranarum simul ventriculi ac intestino-
rum constrictioni, adscribitur. Equibus quamvis haud difficulter
intelligatur, quomodo e remotarum sive evidentium causarum censu,
cum sex res non naturales Medicis denominatae, tum varia morbo-
rum genera ad asthma producendum concurrant, lubet tamen e re-
bus non naturalibus aërem, in corpus animale eadem ratione ac in
barometrum agentem, specialius adhuc perpendere, hinc catalogum
morborum attexere, quos asthma tanquam symptoma comitari solet
vel insequi. Etenim quilibet aeris status, in quo Mercurius baro-
metri ob aeris elasticitatem ac pressuram a particulis aqueis infractas
locum inferiorem petit, noxius declaratur asthmaticis, quod horum
tunc spiritus magis elastici non æque ac a graviore aere sicco coerciti
se ipsos expandant, nervosque pneumonicos ac membranas inflent;
qualis effectus non minus contingat, ubi iidem spiritus vel ab aere
calidiori nimium rarefiant, vel a fumis etiam inspiratis aut odoribus
quibusque irritentur. Atque hic mentione odorum facta, qui pa-
riter atque sapores ab olei, acidi, terræ & aquæ commixtione resultent,
magnamque cum spiritibus animalibus affinitatem colant, in genere o-
dores non tam in gratos & ingratos, quam in calidos & frigidos ita
dispendendi censentur, ut calidi, vel acres, vel aromatici, vel fœ-
tidi, spiritus expandere, frigidi autem, vel crudi, vel acidi, vel nar-
cotici, spirituum calorem, motum & expansionem compescere asse-
rantur. Sed e morbis, asthmate veluti symptomate stipatis, hæmor-
rhoidum mensiumque suppressio, plethora, cordis & pulmonum po-
lypus, catarrhus suffocativus, peripneumonia, pulmonum calculi, pi-
ca aliæque cachexiæ, catarrhi diuturni, magnum in pulmonibus tuber-
culum, scabies retropulsa & ulcera exsiccata, febres ac variolæ, vomi-
ca pulmonum, horumque compressio qualibet externa, tumores vi-
scerum, apoplexia, podagra, passio hysterica, malum hypochondri-
acum & scorbutus prolixè numerantur. Tandem, quo asthmatis me-
dela rite ac feliciter absolvatur, in paroxysmo, pro curationis scopo,
quantitas chyli flatulenti nunc clysmate, nunc mitiori emetico eva-
cuanda, constriction bronchiorum & vasorum sanguiferorum venæ
sectione allevianda, spirituum rarefactio liquoribus frigefacientibus
condensanda, motus spirituum ad artus vesicatoriis revocandus, ac
membranarum ventriculi & pulmonum inflatio blandis opiatissuffla-

minanda suadet, remedii loco haud castoreo; succino, asa foetida, salibus volatilibus, & sulphureis, verum aqueis, acidis, acido-salsis & carminativis per acida temperatis commendatis. Extra paroxysmum autem, hujus arcendi gratia, uti cacochymia flatulenta & viscida tam evacuantibus omnis generis imminuenda, quam diluentibus ac digestivis amaris, falso-acidis & chalybeatis sive vitriolicis corrigenda, effervescencia humorum & rarefactio spirituum præcavenda, & glandularum pulmonalium, si adfuerit, obstructio removenda, glandulae autem cerebri constringendae & roborandae præcipiuntur: ita e medicamentis febrifugis, quibus humorum & spirituum turgescencia præcaveatur, tum cortex Peruvianus, tum alia, cum primis acida, in certas classes sollicitè digesta, extolluntur, omniumque remediorum antasthmaticorum optima, quæ sine calore incidunt, e magna observationum caterva fuscè adstruuntur.

DOMINI MARCHIONIS HOSPITALII FACILIS ET EXPEDITA Methodus Inveniendi Solidi Rotundi, in quod, secundum axem motum, minor fiat a reside fluido resistentia, quam in quodvis aliud ejusdem Longitudinis & Latitudinis.

DOno misit ad me nuper D. *Fatio* librum ab ipso de murorum inclinatione fructiferas ad arbores sustinendas benigniorique Soli ostendendas aptissima, Londini recens editum, ad calcem cujus reperiri solutionem Problematis, de *Solido rotundo in quod minima fiat resistentia*. Hujus autem Solidi affectionem jamjam unam notaverat Doctissimus *Newtonius* pag. 327 exquisiti Libri sui, de *Philosophiæ naturalis principiis Mathematicis*, cujus inveniendæ artificium cum illic ceclatum sit, nil ex ea lucis sperandum esse Clarissimus *Fatio* existimat. Ut ut sit, alia, quam hic detexit, ejusdem Curvæ proprietates, viam cum a *Newtoniana* diversam inivisse liquido monstrat. Atque hinc id consilii mentem subiit, ut hanc sagacissimi *Newtonii* viam exquirerem, nec spe (ut reor) vana, cum eandem quam ille, fuerim assecutus affectionem Curvæ quæsitæ. Perfacilis autem Methodi, qua usus sum, eo lubentius copiam facio, quod ea solvendis aliis quamplurimis ejusmodi quæstionibus inservire possit. Sit igitur

Pro-



Invenire Curvam DM, qua circa axem AL rotata, describat superficiem solidi, quod in fluido quieto motum secundum axis directionem ab L versus A, minorem patiatur resistantiam, quam Solidum quodvis aliud per eadem puncta D & M pari ratione descriptum, inibique simillime motum.

Solutio. Fingantur rectulæ MN, NO, quasi latera duo Polygoni infiniti-lateri quod constituit curvam quæsitam. Tum ordinatim applicatis MP, NQ, ad axem AL, huic parallela fiat GNF, cui ad angulos etiam rectos occurrant OG & MF, ut & recta DM lateri MN.

fig. 2.

His ita paratis, constat rectulas MN & MF secundum axis directionem motas ab L versus A, iisdem a fluido resistantiæ viribus impediri, quæ actionis essent fluidi hujus in eas quietas pari velocitate moti ab A versus L. Atqui hoc in casu vis seu nifus fluidi propellentis FM ab A versus L, esset ad nifum ejusdem prementis MN ab M versus D :: MD. DP. Præterea nifus hic secundum MD esset etiam ad ejusdem fluidi nifum in MN ab A versus L :: MD. DP. Ergo ordinatim multiplicando, vis seu nifus fluidi propellentis FM ab A versus L, esset ad eum quo premit MN ad easdem partes :: \overline{DM}^2 \overline{DP}^2 :: (ob similia triangula DPM & MFN) \overline{MN}^2 \overline{FM}^2 . Unde si fluidi in rectas MN & MF impacti velocitas exprimat per constantem AB (a) palam fit, totum fluidi nifum in planam & perpendiculariter obviam superficiem, descriptam ab FM rotata circa AL, æquari producto ex hac superficie facto per velocitatem a, seu (assumpta c in circuli peripheriam, cujus radius sit a) producto $c \times MF \times MP$. Ergo si fiat \overline{MN}^2 MF. :: $c \times M \times MP$. $\frac{c \times MF \times MP}{\overline{MN}^2}$. Quartus hic terminus vim etiam

exprimet fluidi prementis ab A versus L superficiem quam pariter describit MN rotata circa AL; vel (quod eodem recidit) quantitas

$\frac{c \times MF \times MP}{\overline{MN}^2}$ eam ipsam exhibebit resistantiam quam superficies hæc

re ipsa partes ad contrarias mota patitur a reside fluido. Eadem ratione

tione constabit resistantiam similem, quam ab eodem fluido patitur superficies orta ex irotato latere NO circa AL, indicari per

$$\frac{c \times \overline{OG}^3 \times NQ}{NO^2}$$

Jam vero fictis punctis M, O, & recta GF, quasi positione datis in eodem plano cum axe AL, inquiri quod debeat esse punctum N rectæ GF, in quo si convenient rectulæ MN & ON, superficies ex iisdem circa AL rotatis orta minimam patiatur resistantiam, sive minorem quam si concursus earum fieret in alio quovis puncto rectæ GF.

Hoc autem ut inveniatur punctum N, sint constantes MF = m, MP = f, OG = n, NQ = g; & variables FN = v, NG = t: Ac proinde etiam $\overline{MN}^2 = m^2 + v^2$ & $\overline{NO}^2 = n^2 + t^2$, ob triangu-
la re-
ctangula MFN & OGN. Ergo resistantia $\left(\frac{c \times \overline{MF}^3 \times MP}{\overline{MN}^2} \right)$ qua su-

perficiem ortam ex rotato latere MN circa AL, impediri mox inven-
tum est, erit $= \frac{c m^3 f}{m^2 + v^2}$; Item & altera $\left(\frac{c \times \overline{OG}^3 \times NQ}{\overline{NO}^2} \right)$ quam si-
militer patitur superficies pari ratione orta ex latere NO; erit
 $= \frac{c n^3 g}{n^2 + t^2}$. Unde & ex Problematis conditionibus sequitur, quan-

titatem $\frac{c m^3 f}{m^2 + v^2} \mp \frac{c n^3 g}{n^2 + t^2}$ debere esse minimam; adeoque (juxta
doctrinam Libri *Analyseos infinite parvorum*) differentiam ejus æquan-
dam esse zero: Quod si fiat, invenientur $\frac{2cm^3 f v dv}{m^2 + v^2} = \frac{-2cn^3 g t dt}{n^2 + t^2}$;

atque hinc, cum ex FG (v + t) ob fixa puncta M & O constante, fluat
 $dv = -dt$, erit etiam $\frac{m^3 f v}{m^2 + v^2} = \frac{n^3 g t}{n^2 + t^2}$. Ergo ducta AB =

perpendiculari ad axem AL, cum BC & BH parallelis ad infiniti-
lateri polygoni latera MN & NO; erit $\frac{AB^2 \times AC}{MP} : BC$.

MP. Ac etiam similiter $4 \overline{AB}^2 \times AH. \overline{BH}^3 :: BH. NQ.$ siquidem
his ita positis, habebitur $\frac{m^3 f v}{m m + v v} = \frac{a}{4} = \frac{n^3 g t}{n n + t t}.$

Constat igitur indolem seu naturam hanc esse Curvæ quæ sitæ
DM, ut assumpta $AB = a$ in AK perpendiculari ad axem AL, ducta-
que BC parallela tangenti Curvæ in quovis puncto M, semper & ubi-
que $4 \overline{AB}^2 \times AC. \overline{BC}^3 :: BC.$ MP applicatam hoc in responden-
ti puncto M.

Et vero cum hæc affectio Curvæ, tangentibus innixa tantum,
primas duntaxat differentias in ejusdem expressione requirat, nulla-
tenus crediderim, quod asserit D. Fatio, hac simpliciorē eam esse
quam ipse protulit, quæ nimirum osculi radios comprehendens, se-
cundas differentias adhibet, ubi primæ nobis sufficiunt. His adde ex
affectione mox inventa, Curvæ constructionem ultro fluere a sola Hy-
perbolæ quadratura dependentem, quo sane nil simplicius hac in quæ-
stione potest haberi. Sic autem Curva hæc construitur:

Assumantur $AB = a$ in AK perpendiculari ad axem AL, &
 $AE = \sqrt{\frac{1}{2}} a$ in AL producta ad partes A, sitque per E Logarithmica
FEN, cujus asymptotus AK, & subtangens $= \frac{1}{4} a$; præterea ponatur
AC magnitudinis ad libitum quam appello z , ducaturque CN, pa-
rallela ad AK, usque ad occursum cum Logarithmica in N. Tum
si fiat $AK = \frac{a a}{4 z} + \frac{1}{2} z + \frac{z^3}{4 a a}$, & $AP = \frac{z z}{4 a} + \frac{3 z^4}{16 a^3} - \frac{5 a}{48} +$
CN nimirum — CN cum est $AC > AE$, & CN cum est $AC < AE$,
perficiaturque parallelogrammum KP; angulus ejus M, seu concursus
laterum KM & PM, erit ad Curvæ quæ sitam DM.

Nam manente $AC = z$, si fiant insuper $AP = x$, & $PM = y$,
affectio mox inventa Curvæ dabit AK seu PM(y) $= \frac{a^4 + 2 a a z z + z^4}{4 a a z}$

ac proinde etiam $dy = \frac{1}{2} dx + \frac{3 z z dz}{4 a a} - \frac{a a dz}{4 z z}.$ At siquidem

(byp.) BC est parallela tangenti in M, est quoque $dx = \frac{z dy}{a} = \frac{z dz}{2a}$

$$\mp \frac{3z^3 dz}{4z} - \frac{a dz}{4z}, \text{ ejusque integralis } AP(x) = \frac{z^2}{4a} \mp \frac{3z^4}{16a^3}$$

$$- \int \frac{a dz}{z} \mp \text{ vel } - \text{ constanti alicui quantitati } \frac{sa}{4a}, \text{ qua fit, ut eva-}$$

nescente CN, integrali nempe differentia $\mp \frac{a dz}{4z}$, evanescat & i-

psa AP(x). Ergo &c.

Hic porro notare juvat, Curvam D Maxi AL propiorem esse nequire, quam in puncto D sui concursus cum AK. At ubi fit AC minor quam AE; alia Curvæ pars describitur DO concavitas aver-
sa; adeo ut solidum quæsitum concavum æque possit ac convexum esse; quod, inquam, notatu dignum videtur. Atque hinc cum in istius constructione Curvæ Dn. Fatio assumat AE = a, & AC majorem semper quam AE; sequitur punctum, quod in Curva primum statuit, non omnium ejusdem axi proximum esse, solamque partem ejus convexam ab hoc *Auctore* describi.

Cæterum magnuisse sufficiat, spatii ADMP quadraturam, solidique ab hoc ipso spatio circa axem rotato descripti cubaturam, citra ullam ab hyperbolæ quadratura dependentiam facile reperiri. Verum ab hac eadem quadratura pendent rectificatio Curvæ DM, dimensio superficiei ab ea circa axem rotata genitæ, & mensura resistentiæ qua superficies hæc impeditur a fluido. Quod autem hic de arcu DM, idem etiam sit dictum de altera Curvæ parte DO.

Scholium. Nunc quidem constat Curvæ mox inventæ, quæ hic est ABCD) latera duo minima quæcunque AB, BC, convenientia in puncto B rectæ KN, parallelæ ad axem LP, circa eundem rotata describere superficiem minori objectam resistentiæ, quam si occurrerent ea sibi in alio quovis istius rectæ puncto. At non id æque patet de superficie orta ex simili rotatione trium quorumvis ejusdem Curvæ laterum AB, BC, CD, convenientium in punctis B, C, rectarum axi LP parallelarum NK, MH, fixis manentibus punctis extremis A & D; nimirum superficiem hanc impediri minus a fluido quam si alibi hic in rectis eadem latera convenirent. Ne autem quis hac in re vel mini-

mum

num hæreat, en hujus etiam demonstrationem, quæ & superficiei ex quotvis ejusdem Curvæ lateribus simili ratione genitæ conveniat.

TAB. V.
fig. 3.

Iisdem igitur positis, quæ videntur in fig. 3, sint constantes $AK = m$, $BH = n$, $DM = p$, $AB = f$, $BQ = g$, $CR = b$; & variables $BK = v$, $CH = t$, $CM = s$. Constat ex superioribus, resistentias

quæ fiunt in latufcula AB, BC, CD, exprimi per $\frac{cm^3 f}{mm + vv}$, $\frac{cn^3 g}{nn + tt}$,

$\frac{cp^3 b}{pp + ss}$; adeo ut quantitas $\frac{cm^3 f}{mm + vv} + \frac{cn^3 g}{nn + tt} + \frac{cp^3 b}{pp + ss}$ debe-

at esse minima, ejusque differentia $\frac{2cm^3 f v dv}{mm + vv^2} + \frac{2cn^3 g t dt}{nn + tt^2} +$

$\frac{2cp^3 b s ds}{pp + ss^2} = 0$. At juxta Curvæ mox descriptæ affectionem supe-

rius inventam, est $\frac{1}{4} A = \frac{m^3 f v}{mm + vv^2} = \frac{n^3 g t}{nn + tt^2} = \frac{p^3 b s}{pp + ss^2}$.

Ergo si harum singularum quantitatum loco ponatur constans valor earum $\frac{1}{4} A$, fiet $\frac{cdv}{2a} + \frac{cdt}{2a} + \frac{cds}{2a} = 0$, requisitum videlicet ut

superficies orta ex rotatione circa axem, trium ejusdem Curvæ laterum AB, BC, CD, minimam a fluido resistentiam patiat. Atqui hoc ita esse liquet ex eo quod NK ($v + t + s$), ob fixa puncta A & D constans, differentias habeat $dv + dt + ds = 0$, sive $dv + dt = -ds$. Ergo &c.

Hæc utique demonstratio pari ratione convenit quatuor, quinque, imo quot volueris lateribus Curvæ mox descriptæ; atque ita tandem hæc ipsamet est quæ quæritur, hisque Problema cumulate solvitur.

M. RODOLPHI MARTINI MEELFUHRERI ACCESSIONES
ad Celeberrimi Viri Theodori Jansonii ab Almeloveen Bibliothecam promissam & latentem.

Norimbergæ & Lipsiæ, apud Andream Ottonem, 1699. in 8. plag. 12.

Institutum, quod Celeberrimo Almeloveenio in Bibliotheca promissa & latente A. 1692 edita tenere allubuit, in Actis istius anni p. 299,

299 seq. adumbravimus. Aucturus ergo, quem is exhibuerat, apparatus doctissimus Meelführerus, præludere hoc libro voluit Bibliothecz ineditorum librorum, quæ alternis mensibus publicari posset, eaque propter simili, qua Almeloveenium uti deprehenderat, methodo scripta plurima nondum edita commemorat. Nec vita solum, functorum libros, aut apud hæredes alibiq; delitescentes, verum superstitum etiam & eorum, qui ultimam eîs manum cupiunt imponere, recenset. Ex istis nominandi nobis videntur præ cæteris opera Jacobi Golii, p. 35; Guil. Guisii, p. 39; Franc. Junii, p. 45; H. Ernstii, p. 30; Georgii Matthiæ Königii, sub finem superioris anni 1698, ætatis anno 82 defuncti, p. 49; Zach. Lundii, p. 58; Contr. Pellicani, p. 78; Mich. Piccarti, p. 82; Guil. Postelli, p. 84; Balthasaris Scheidii, cujus Nucleum Talmudicum, magnum in universa Biblia opus, in refertissima Theologi Hamburgensis Maxime Reverendi, Jo. Frid. Mayeri, Bibliotheca reconditum asservari scribit, p. 95. Sed major longe numerus est Eruditorum in vivis adhuc degentium, quorum opera aut promissa, aut affecta, aut prælum proxime subitura solícite coacervat. Referas huc (ut aliquos saltem allegemus,) Andreæ Acoluthum, p. 1; Matth. Frid. Beckium p. 5; Jo. Birkstædi, p. 10; Jo. Ludov. Hannemannum, bigamque Filiorum, p. 40. seq; Christianum Junckerum post, vitam Lutheri & nummis & iconibus illustratam, ac nuper admodum a nobis recensitam, aggressurum præter alia Historiam Societatum per Europam literariorum, p. 44; Jo. Mich. Langium, p. 53; Sever. Lintrupium, p. 55 seq; Jobum Ludolfum, novam Novi Testamenti editionem Æthiopicam molitum, p. 58; Christoph. Henricum Ritmeierum, p. 92; Jo. Schilterum, p. 97; Jo. Christoph. Wagenfeilium, p. 149; Franc. Wörgerum, p. 155; Jo. Wülferum, p. 157. Perquam insuper liberalis est in illorum recensu, qui literas eruditissimorum Virorum aut olim aut nuper defunctorum nondum vulgatas solícite custodiunt. Casparem enim Körberum p. 17; Jo. Laur. Lœlium, p. 20; Jo. Mothium, p. 58; Gabrielem Spizelium, p. 113; Jo. Andreæ Gleichium, p. 166; aliosque ob hanc curam celebrat. Quas inter sua manuscripta numeret Medicus Norimbergensium celeberrimus, Godofredus Thomasius, epistolas, ipse in epistola peculiari ad Meelführerum nostrum huic libro p. 131 seq. inserta indicat. Collectæ a B. Daumio literæ p. 24 seq. recensentur. Nec omittit Noster proavi sui, Jo. Meelführeri, Abbatis Heilsbronnensis,

nenfis, thesaurum epistolicum, cujus prolixam mentionem p. 63 seq. injicit. Georgii Hieronymi Velschii Historiam Literariam Turcarum a Matthia Friderico Beckio, si adesset, qui suis eam sumtibus excuderet, edendam dicit, p. 122. ejusque sciagraphiam, prout ab Autore ipso consignata fuit, sub finem hujus opusculi annectit. Quemadmodum autem fieri non potuit, quin aliqui librorum, quos edendis adhuc Autor noster annumeravit, hanc ejus collectionem evulgatam aut anteverterint, aut comitati certe fuerint; (quorum spectat imprimis Francisci Wörgeri Exercitatio Biblica de Samsone instructis ad incendium vulpibus agros comburente Philistæorum, quæ una cum appendice de maxilla asini, qua percussi fuerunt mille Philistæi, Lubecz jam ante menses aliquot excusa fuit;) ita & alios pro delitescentibus adhuc habuit, qui tamen jampridem publica fruuntur luce. Videlicet, ne gratis hæc dixisse videamur, Jo. Ciampini Investigationem Historicam de cruce stationali operibus absolutis, sed nondum editis, ejusdemque de S. R. E. Vice-Cancellario tractatum operibus inchoatis p. 16. accenset; ast illa jam A. 1694, & hic A. 1697 prodiit. (Vide Acta nostra A. 1695. p. 168. & A. 1698. p. 67 seq.) Promissum a Jo. Alberto Fabricio in decade Scriptorum recentium A. 1688 edita plagiariorum Syllabum p. 34. desiderat, sed dedit eum ille A. 1689 sub titulo: Jo. Alberti Fabri decas decadum, sive plagiariorum & pseudonymorum centuria. Alcoranum vero a Maraccio curatum jam anno superiori inter opera edenda esse desisse, vel ex Actis nostris hoc ipso anno publicatis constare potest; ubi eum p. 248 Patavii e typographia Seminarii A. 1698 produisse innuimus.

VITRIARIUS ILLUSTRATUS, SEU INSTITUTIONES JURIS Publici Romano-Germanici, antehac a PHILIPPO REINHARDO VITRIARIO Iſto & Antecessore Lugd. Batav. edita, sed nunc denuo revisa ac novis iisque perpetuis notis aucta a JOHANNE FRIDERICO PFEFFINGERO, Argentoratensi, P. of. Publ. in Equestri Academia Luneburgensi. Adjuncta sunt Tabula Genealogica Statuum principum Europæ.

Gothæ sumtibus Augusti Boetii Heredum & Jacobi Mevii, 1698 & 99. in 4. formæ maj. Constant Alphab. 6. plag. 6.

ERuditissimas Juris Publici Romano-Germanici Institutiones, ab Illustri Vitriario compositas, ac tredecim fere abhinc annis, sub nomine ejus proprio publicatas, magno applausu passim eruditiores exceperunt, nec tamen eodem modo omnes affectum suum hac de re sunt testati. Cum adhuc in schedis manuscriptis doctissimæ meditationes delitescerent, nonnemo sub ficto nomine *Nicolai Danckwehrt*, festinata editione ostendere voluit, quo in pretio eas habeat; qui etiam de gratia, pro egregio hoc dono sibi referenda, orbem literarium effecti nominis notione, non immerito velut admonuit. Alii sique sine controversia doctissimi, ac in hoc literarum genere illustre nomen in primis consecuti Viri, ut *Mauritius & Kulpisius*, benignissima optimaque de iis tulerunt suffragia, earumque adeo præstantiam irrefragabili testimonio comprobarunt. Plures denique ipso facto, quantopere illæ sibi placeant, demonstravere, dum in usum docendæ ac discendæ Jurisprudentiæ Publicæ eas adhibuerunt. Nemo autem enixius impensiusque Institutiones Vitriarianas dilexisse videtur Doctissimo *Pfessingero* nostro. Hinc non tantum anno ætatis suæ decimo nono, ceu in præfatione ad Lectorem ipse testatur, eas notis non proleteriis illustravit, illustratasque deinde A. 1690 typis excudi curavit, sed & nunc editione hac secunda, uti affectum, ita etiam laborem auxit, ac perpetuis iisque sæpe prolixioribus annotationibus illarum dogmata sic diduxit, ut *Vitriarius illustratus* inter justa Juris Publici systemata nunc jure suo censeatur. Cum autem Clarissimus Vitriarius a Sacratissimo Imperatore Justiniano methodum, elegantem pariter ac rerum pulcherrimarum capacissimam, fuerit mutuatus, eamque ad Institutiones suas applicaverit, hinc Nostro etiam data est occasio multa notabilia adjiciendi, adeo ut sive in historia literaria, aut status publici, sive in genealogia, sive in re formularia ac ad stylum publicum pertinente, sive materia alias curiosa quid requiras, luculenta ubique deprehendere possis specimina. Flores enim aliorum exquisite delibavit Noster, & quicquid sapidum, quicquid gratum & dulce fuit, sedulæ apis instar in sua velut alvearia conduxit, usus stylo, quo nervum rerum melius exprimere non potuerit, procul omni mordacitate ac cavillatione, quæ ipsi tædio fuerunt. Uti vero ingenuus est profiteri, per quos profeceris, ita etiam sibi haut parum profuisse commercium cum viris, qui Purpuratorum limina frequentant, Noster fatetur,

tetur, quorum tamen nomina ideo reticuit, ut religiosius ea silentio veneraretur. Aperte vero idem laudat laboris socios & promotores, Dn. *Joachimum Ericum Huldericum ab Eyben*, haut paucas Illustris Parentis schedas transmittentem, Dn. *Johannem Klippe*, Serenissimi Ducis Brunsv. & Luneburg. Georgii Wilhelmi Secretarium, Dn. *Jacobum Hartmannum Kramerum*, Civitatis Wormatiensis Syndicum & Consiliarium, Dn. *Moulinars*, Pastorem Leowardensem, Dn. *J. J. Engelbrecht*, Generosi Dn. de Brincken Equitis Curlandici Ephorum, qui omnes itidem in colligendis recens natis auxiliatrices porrexerint manus, quibusq; adeo non tam ipse, quam publicum gratias debeat, ac tandem Dn. *Johannem Fridericum Kcilium*, Serenissimi Ducis Saxo-Gothani Secretarium, cujus, utpote evellendi typographiæ lolii curam sponte in se suscipientis industriæ indefessæ, quicquid nitoris impressio, vel correctionis textus præ se fert,tribuendum sit, Rem ipsam quod attinet, non opus erit, ut de contextu notarum, a Nostro confectarum, quædam dicamus: sequuntur enim illæ Institutionum Vitriarinarum ordinem. Id saltem admonemus, Clarissimum Pfeffingerum in libro primo, cum materiæ dignitas id exigere videretur, fuisse operosissimum, adeo ut ille tres reliquos libros mole sua æquet, imo superet. Præterea ipsum quicquid ex idiomate Germanico inferendum fuit, literis Latinis exscribi curasse, magno exteris adjumento, quos a lectione rerum Germanicarum nihil magis absterrere solet, quam characterum Germanicorum singularitas, ac hinc orta vel ignorantia, vel nimia cognoscendi difficultas. Quid porro in singulis notis contineatur, id referre nimis fuerit prolixum ac mensuram instituti nostri excedens. Quare satis erit, si per exempla quædam Doctissimi Autoris nostri diligentiam illustremus; qua quidem in re ita versabimur, ut potissimum ad monumenta publica, quibus varia juris publici capita egregie illustravit, respiciamus, cum in istorum notitia, vera demum, non simulata aut umbratilis Juris Publici philosophia videatur consistere.

In præmio & tit. 2. lib. 1. multa annotavit Noster ad historiam literariam seu bonorum Autorum notitiam pertinentia. Eodem tit. 2. §. 10. seq. non proletaria de antiquo Imperii Francici gentiumque vicinarum statu, de regno Arelatensi, varietate Bullarum, Pace publica & religiosa recenset. Tit. 4. de titulis Imperatoris, in primis

vario tituli *Majestatis* usu plura lectu digna commemorat. In tit. 5. §. 6. legere licet literas ad Magnum Moschorum Czarem in aula Viennensi A. 1687 datas, in quibus Czari sub conditione exercitii publici religionis catholice in provinciis suis concedendi, Majestatis titulus promittitur, si decretis secreto sigillo Imperiali munitis cum eo agatur, aliter in literis Cesareis idem ei negatur. §. 8. habetur diploma Frederici II, quo Dux Austriæ Rex creatus est. In §. 11. occasione catalogi Imperatorum a Vitriario propositi historia singulorum Cesarum a Carolo M. usque ad Leopoldum, tractatione, si conjunctim spectetur, satis prolixa contextitur, addita Genealogia Austriaca. In tit. 6. §. 5. habetur formula literarum, quibus Moguntinus cæteros Electores ad electionem Cesaream convocat. §. 9. adductis Imperatoris & Francofurtensium literarum formulis docetur, quomodo Francofurtenses, ob electionem alibi institutam jura sua conservare soleant. §. 12. 13. formulæ juramentorum, Electoribus præstandorum, nec non decretorum Electoralium de peregrinis, ex urbe electioni destinata dimittendis vel retinendis recensentur, quomodo porro facta electio Comitibus indicari soleat, adductis litterarum formulis §. 17. exponitur. In tit. 7. Noster ex Protocollo Comitiali prolixè recenset, quid intuitu Capitulationis perpetuæ A. 1663. 1664. 1665. actum fuerit. Pag. 230. formula Protestationis & Reservationis Statuum Imperii, quoad nuperrimam Josephi electionem & capitulationem exhibetur. In tit. 8. coronationis solennia ex Sigismundo Ferrario de Coronatione Josephi debite illustrantur. In tit. 11 §. 1. de Majoribus Domus, de Comitibus Palatinis nonnulla recensentur, ac §. 5. controversia Bavari & Palatini ex scriptis publicis prolixius exponitur. Tit. 12. §. 14. varia Imperii placita, *Reichs Gutachten* aliaque ad moderationem matriculæ spectantia, exhibentur. In tit. 14. §. 5. controversia, quæ anno 1688 circa Archiepiscopatum Colonensem inter Serenissimum Ducem Bavarie Josephum Clementem, ac Eminentissimum Cardinalem Furstenbergium vertebatur, exactis publicis plene satis refertur, & quid traditis Dn. Kulpisii ad Monzamb. c. 2, §. 5, quoad controversiam in Electoratu Palatino, inter defunctum Electorem Philippum Wilhel mum, & Leopoldum Ludovicum C. P. R. lineæ Veldentis, successi onem, amplius addi queat, §. 13. indicatur. In tit. 15. sat locuples de Episcopis & Abbatibus habetur tractatio, inter alia etiam Abbatibus Pro-

Protestantibus facultatem nubendi, citra muneris sui dispendium, asserens p. 347. Longe vero luculentior Principum secularium consideratio tit. 16. instituitur. §. 9. habetur diploma Friderici III, quod anno 1453 præter alia privilegia, Duces Austriacos, Archiducum titulo decoravit. §. 10. de successione Mecklenburgica, ut & restitutione Ducis Holsatiæ monumenta quædam publica exhibentur. Inprimis §. 11. prolixa de sex Ducatibus, qui Carolingorum tempore in Germania fuerint, Saxonico, puta, Thuringico, Bavarico, Suevico, Franconico & Lotharingico, eorumque Ducibus exstat dissertatio. In tit. 17. §. 19. exhibetur Transactio ratione Dynastiæ Jeverensis inter Regem Daniæ & Principem Anhaltino-Servestanum inita. In tit. 20. §. 6. lectu jucunda occurrit epistola Henrici Comitis de Woldenberge, Præfulis Hildesienfis, ad Carolum IV Imperatorem, quæ de simplicitate styli antiqui, ac generoso philosophiæ titularis neglectu testatur. In tit. 21. res Equestris copiose declaratur, confectis in specie Ordinis Johannitici Magnorum, Magistrorum, Priorum Germaniæ, Magistrorum Bajulagii Brandenburgici, nec non Magnorum, Magistrorum Ordinis Tentonici catalogis. In tribus sequentibus libris eadem ratione procedit Clarissimus Autor. In lib. 2. tit. 1. §. 8. adducitur memoriale Brandenburgicum in puncto sessionis & voti, ratione Principatus Caminensis: §. 20. immunitas Argentorati a necessitate præstandi Cæsari homagium ex actis publicis illustratur. Tit. 6. §. 11. lites in circulo Westphalico circa condirectorium, inter Electorem Brandenburgicum & Domum Neoburgicam ortas, ac mediante Episcopo Monasteriensi anno 1665 compositas, adducta compositionis formula, declarat. In lib. 3. tit. 2. §. 20. profert Noster diploma veniæ ætatis, Duci Wurtembergico A. 1693 concessæ. In tit. 4. §. 6. proponitur formula, qua civitas Bremensis a banno A. 1653 fuit absoluta. Tit. 10. §. 13. controversia duplex, an Legatus Moguntinus literas credentiales authenticas in Comitibus palam producere debeat, & cui, Moguntino absente, directorium in iis competat, per excerpta actorum publicorum exponitur. In tit. 12. §. 31. legere licet diploma, cujus vigore Fridericus Elector Palatinus, ob ius nobilitandi sibi competens, intimo suo Consiliario Michaeli Læfenio privilegia nobilitatis A. 1604 concessit. In tit. 13. §. 25. controversia, quæ inter Electorem Brunswicensem & Ducem Wurtembergi-

bergicum ratione Archivexilliferatus enata est, ex scriptis publicis exponitur. In tit. 17. §. 77. controversia, quæ inter Innocentium XI P. R. & Henricum Carolum, Marchionem Lavardinum, Ludovici Magni Galliarum Regis Oratorem, anno 1687 quoad Jus Asyli intercessit, ex documentis publicis enarratur. Tit. 19. §. 31. iniquius mandatum Caroli Ducis Lotharingiæ, contra Lutheranos A. 1665 emissum, §. 31. vero literas Electoris Brandenburgici, in favorem Protestantium Tyrolensium A. 1688 ad Cæsarem datas, in medium affert. §. 43. matrimonium Ducis Megapolitani, Christiani Ludovici, & Ducissæ de Castillon, ex memoriali Statuum Imperii, diplomate Cæsareo aliisque actis publicis illustratur. In lib. 4. tit. 1. §. 34. quid circa jus voti & sessionis, quod anno 1686 Nobiles immediati in aula Cæsarea valde ambivisse perhibentur, a diversis Imperii Statibus actum sit, fusius enarratur. §. 36. gravis legitur invektiva Cæsaris de anno 1664 ad Vice-Mareschallum Imperii, ob ablata per latrunculatorem den Reichs Profos insignia Hamburgensia. Eodem loco quid anno 1686, ratione jurisdictionis criminalis, Vice-Mareschallo in Comitibus asserendæ aut negandæ, inter Electorem & Duce Saxoniam actum sit, adductis literis ostenditur. §. 51. habetur schedula Legati Cæsarei, qua Vice-Mareschallo Statuum ad Comitibus auspicianda convocatio injungitur. In tit. 2. §. 8 Friderici Wilhelmi Electoris Brandenburgici literæ, ad Landgravium Hassiæ anno 1685 datæ, proponuntur, quibus cum rogat, ut mortuo Carolo Electore Palatino, & Electoratu ac Principatu Simmerensi in Ducem Neoburgicum devoluto, juncta sollicitudine curet, ut in numerum Deputatorum ordinariorum, loco laudati Electoris & Principis cooptetur. §. 26. quid Dux Saxo-Weissenfelsensis ratione voti Querfurtensis anno 1687 denuo petierit, indicatur. In tit. 10. §. 8. præcipuæ Academiae totius Christiani orbis recensentur.

Operi absoluto non tantum Noster subjecit consignationem de Scriptoribus Juris Publici præcipuis, quæ in Institutionibus Vitriariæ alias etiam exstat, sed & Josephi, moderni Romanorum Regis Serenissimi Capitulationem, ac Instrumentum Pacis Ryswicensis, nec non Tabulas Genealogicas, quadraginta capitibus comprehensas, addidit.

Q. HORATIUS FLACCUS CUM J. RUTGERSII LECTIONIBUS VENUSINIS. Cura PETRI BURMANNI.

Trajecti Batavorum, apud Fr. Halmam & Guil. vande Water,
1699. 12. Plag. 20.

HOratium, credas, sibi non parum indulgisse, si meminēris, quam fidenti animo immortalem operibus suis gloriam polliceatur. Nec tamen plus sibi tribuit, quam aut alii Poetæ sibi sumpserunt, aut eruditissimus quisque ei largitur. Augustus certe a nemine, nisi ab Horatio, voluit sæculare carmen componi. Ab eodem demum Vindelicam victoriam, Tiberii Drusique ductu partam, scribi jussit, ratus, id quod proditum memoriæ est, hujus demum scripta ad posteros fore. Sunt vero illa posteris curæ, eruntque porro seris, si qui futuri sunt, nepotibus, quoad literis locus relinquetur. Hæc leguntur vulgo, atque ediscuntur. Soli autem docti quo magis legerint Poetam, hoc magis mirantur. Causam si requiras, experire ingenii prorsus Attici suavitatem: expende sapientiæ, monumentis comprehensæ, momenta: æstima judicium, non in umbra, sed summorum consuetudine hominum, ad vitæ prudentiam excultum. Ita vero & coles Poetam & laudabis eos, qui hunc aut e codicibus, inter se comparatis, emendant nobis, aut aliorum industria castigatum reddunt, aut quoquo denique modo bene de eo merentur. Nec nihil gratiarum ages Viro Clarissimo *Petro Burmanno*, qui non Horatio magis, quam literis, quantum præstiterit officii, cognosce. Batavi, superiori Elzeviriorum fama excitati, scriptores veteres, sigillatimque Poetas, elegantius recudere statuerunt. Quibus Burmannus & suam professus est operam, & Horatium commendavit primum. Nec providit modo, ut Poeta nitidis exscriberetur formis, verum ut illius quoque emendationes subtexerentur, cujus prudentiam Reges, doctrinam eruditi, elegantiam omnes, in oculis tulerunt. Janus est Rutgerius, hac, opinor, fortuna clarus, quod adolescentulus in amicitiam G. J. Vossii, Jos. Scaligeri, Dom. Baudii, Danielisque Heinsii, pervenit; at divini exemplo ingenii multo illustrior, quod adolescens, & observationes suas eruditis, & conjecturas suas Jos. Scaligero adeo probavit, ut eruditionis hujus princeps in orâ codicum suorum eas consignare non dubitaret. Qui cum intelli-
get,

ret, annotationibus, quas in Horatium ediderat adolescens, doctorum conciliatam esse benevolentiam, eas constituit augere. Cæpto tamen destitit, aliis districtus negotiis, quæ apud Ordines Fœderati Belgii, Regis Sueciæ causa curabat. Itineribus inde, huc illuc susceptis, præpedito sex Variarum Lectionum libros, inter ipsos fere itinerum labores conficere vix vacavit. Otium tandem Hagæ Comitum naclûs, instituit quidem quatuor libros Lectionum Venusinarum scribere, sed, cum id minus diuturnum esset, parum elaborati operis ab excessu ejus inventum. Quicquid tamen reliqui erat, Daniel Heinsius, heres ex asse scriptus, accepit, promiseruntque Heinssiorum uterque, edituros, quicquid possiderent. Fidem neuter liberavit. Daniel, aliis distractus curis, Lectiones, in liturariis jacentes, ne composuit quidem. Easdem manu sua ex schedis Avunculi cum concinnaret Nicolaus, consilium occupavit fatum. Ita vero Amplissimi Gæssii, & Nobilissimus Carolus Crucius, Reipublicæ Leidensis Senator, hereditatem Heinssianarum opum adierunt. Beneque factum Rutgersianis, cum ad Crucium pervenissent. Nam Burmanno fratri uterino aperuit reconditos doctrinæ thesauros, quo ex Heinssianis seligeret, quæ in lucem emitti literarum interesset. At Burmanno maximæ fuit curæ, quemadmodum Lectiones Venusinæ in vulgus primæ exirent. Has norat septuaginta jam annis scriniorum custodia teneri, promissas toties, & toties ab eruditis exoptatas. Has omnibus omnino interpretibus Horatii explicandi solertia præferendas putabat. Nec vero nescius erat, quam male audiant, qui potuissent quidem Heinssii junioris beneficio Lectiones has edere, sed inepte eas excerpserunt, (ad editionem Horatii Schrevelianam A. 1670 respicimus) sui que labe judicii Rutgersianæ gloriam memoriæ prope contaminarunt. Has igitur, quoad extiterunt, integras, & diligenter descriptas, unoque & triginta capitibus comprehensas, divulgavit primus. Quisquis legit, is fatebitur nimirum, Rutgersium Horatio plurimum, nec parum depravatis aliorum scriptorum libris, industria sua profuisse. Vel ipsum primæ Odes initium interpunctione quadam restituere cœpit. Quam qui neglexerunt antehac, non ceperunt, quantum apud Venusinum vatem inter agricolam navum parvoque beatum, & divitem, interesset. *Exilem domum Plutonianam*, quam pars enarratorum jejuni-
us excusarunt, pars audacius mutarunt, non per commune animarum
recepta-

receptaculum, sed, quo exiguo claudimur mortui, per sepulcrum Tibullo, lapidibus antiquis, Petronio, Glossariis, & aliunde explicavit. Commonstravit porro imitandi studium, quo Græcos Horatius, speciatimque Alcæum expresserit, idque commonstravit ita, ut Alcæum ibi emendarit, ubi neque Hadrianus Junius, neque Isaac Casaubonus, vulnus sanarunt. Nec parum ei debet Horatius, contra Cæsarem Scaligerum, qui aridas frondes *Hebro* dedicatas noluerat, ita defensus, ut non tam cum Hadr. Turnebo, Lavinoque Torrentio excusetur, quam Ebro in *Eurum* mutato, laudetur. Jam scite quoque contra omnes, quotquot evolvit Rutgerius, interpretes contendit, *pullam ficum* non esse, quemadmodum velint multi, nigram, hoc est, maturam, sed sobolem e matre succrescentem. Quorsum Catonem Plinium, Horatium ipsum (quem, illustri Claudii Puteani exemplo, ex Horatio solet interpretari) glossasque affert, & ficum hanc Indicam non magis e Theophrasto Plinioque describit, quam subiecta exprimit imagine, quæ ficum cum pullis, singulari naturæ miraculo ex hac sponte nascentibus, depingit. Pari diligentia Horatii iudicium, in præstantibus Poëtis, in utramque partem cognoscendis, sagax accuratumque, a Cæsaris Josephique, Scaligerorum, atque Hadriani Turnebi, reprehensione vindicat, ideamque consentientibus Senecæ, Q. Curtii, atque Aristotelis sententiis tuetur. Cetera in præsens nihil nos moramur, quibus satius fuerit, quædam e Rutgerio edi specimen, unde reliqua in alios scriptores merita pro parte constare possint. Est quidam Ciceronis locus, qui continetur Epistolarum ad Pomponium Atticum lib. V. Epistola XI: *apud Patronem & reliquos barones te in maxima gratia posui* &c. qui uno *Baronum* verbo tot tantorumque Virorum conatus tantopere elusit, ut contendere auserit Rutgerius, hoc demum in omnibus Ciceronis literis impeditiorem inveniri nullum. Primus, quem quidem sciat Rutgerius, Victorius *Baronum* vocem comprobavit. Victorio assensus est longo intervallo Elias Vinetus, cum eoque fatuos intellexit. Accessit his Dionysius Lambinus, nisi quod, Turnebo auctore, Varones eandem in sententiam scribendos putarit. Nec repugnavit Simeo Bosius. Nec minus Manutius Barones legit quidem, nec tamen, ut alibi, fatuos, sed a Barone, muliere quadam apud Suidam philosopha, velut mulierculas, effoeminatumque Epicureorum genus, interpretatus est. Hunc

adversus Fr. Junius, antiqui Glossarii auctoritate fultus, Barones viros fortes, atque a perturbationibus invictos, duxit exponendos. Andreas autem Alciatus Barones asseclas Patronis philosophi apparitoresque appellavit. Alii multo ineptius, ipsos Principes intellexerunt. Sebastianus demum Corradus καὶ ῥῆγες legit. Quorum alius alio magis ineptit Rutgerio, rem expedit nemo. Legit igitur non Barones, sed *Patrones*, quos urbanissime dici putat Patronis sodales, ejusdemque familiae placita amplexos, figura quadam, Juvenalis, Horatiique, & aliorum veterum exemplis contrita. Venimus ad illum Taciti locum, qui extat Annali quarto, cujusque emendandi spem Lipsius abiecit: *neque aliud probis quam ex matrimonio solatium: esse in civitate, Germanici conjugem ac liberos recipere dignaretur.* At Rutgerius interpunctione quadam, levique emendatione restituit ita: *Ex matrimonio solatium esse. In orbitate Germanici conjugem ac liberos recipere dignaretur.* Præterimus tres reliquos, eodem in Tacito correctos, nec commemoramus illum, qui Thucydideo imitandi genere ab intempestiva virorum, cetera doctissimorum, emendatione asseritur, neque illos demum, qui in C. Nepote, Gellio, Suetonio, Plauto, Ovidio, & passim, castigantur. Potius ad Clarissimum Burmannum revertamur. Hic nempe perelegantibus his commentationibus Eclogas quasdam sive Excerpta, ex aliis ejusdem Rutgerii notis delibata, subjunxit. Pollicitus etiam est Valerium Flaccum Nicolai Heinsii notis illustratum. Plura quoque alia ex Heinsianis reliquiis exquiret prometque, siquidem rescierit, eruditis conatus suos non displicere. Quos quidem credat velimus, omnibus, qui literis consultum cupiunt, probatum iri, siquidem ad eos perferantur vel Heinsianæ, vel aliorum lucubrationes, ex Heinsianis scriniis elatæ, quarum plurimas haud dubie expetunt omnes, & primo quoque tempore videre, legere, complecti optant.

VITA DI DON PIETRO GIRON, DUCA D'
OSSUNA &c.

id est:

VITA

*VITA PETRI GIRONIS DUCIS DE OSSUNA, PROREGIS**Regni Neapolitani & Sicilia, regnante Philippo III.**Auctore GREGORIO LETI.*

Amstelodami, apud G. Gallet, 1699. 12. Alph. I, plag. 20.

Qui plurimis variisque scriptis Historicis & Politicis rem literariam ditavit Vir celeberrimus *Gregorius Leti*, præter cætera in vitis Principum illustriumque Virorum perscribendis singularem industriam fere sine exemplo posuit. Extant ab illo luculenter compositæ vitæ *Philippi II Regis Hispaniarum, Elisabethæ Regina Angliæ, Sixti V Pontificis, Oliverii Cromwelli, Domina Olympia, & Ducis Valentini seu Casaris Borgiæ*. His accedit vita *Petri Gironis Ducis Ossunæ*, quæ jam prodit, & Cardinalis *Ægidii Albornossi*, quam prælo paratam habet: ut in universum octo vitas illustriores elaboraverit πολυγραφήτατος Autor, quot vix alius quisquam perficiendas aut publicandas suscepit. Distribuit hoc opus in tres partes, & unamquamq; partem in totidem libros. Et primo quidem primæ partis libro generatim exponit mores & instituta Hispanorum, aulæ regnique statum, & Hispaniæ regiones præcipuas; quæ fundamenti loco vitæ hujus descriptioni subternenda judicavit Autor. Altero libro domus Gironiæ antiquitatem a prima origine repetit, ejusque successionem & incrementa usq; ad hunc ipsum Ducem persequitur. Docet vero, Gironiam domum esse ramum e Gifneria, clara jam seculo decimo stirpe, propullulantem, & Rodericum Gifnerium, Alfonsi VI Regis Castellæ generum, cum socero e Maurorum manibus erepto in memoriam hujus rei limbum regiæ vestis præsecuisset, quem Hispani *Giron* vocant, inde sibi posterisque novum hoc cognomen invenisse. Ex eo tempore Gironios inter Procures Castellæ meritis, opibus & dignitatibus effloruisse commemorat, & inde usque a Ferdinandi Catholici ævo Majores nostri Ducis nominatim exequitur; Petrum maxime Gironium, avum nostri Ducis & primum Ducem Ossunæ, eundemque Pro Regem Neapolitanum paulo prolixius enarrans. Tertio libro accedit ad Ducis nostri ortum & nativitatem, ejusque educationem & studia ab incubulis ad adultam ætatem persequitur. Cum vero pater hujus Ducis *Johannes Telecius Giro* admodum adolescens, annos sedecim na-

tus cum Anna Maria e domo Velasca, 15 annorum virgine, nuptias contraxisset, & in familia adhuc paterna ageret, cum hic filius illi anno 1579 nasceretur: omnem hujus educandi curam eo magis in se suscepit avus, quod pater ejus animo esset omissiore & a rebus gerendis alieno. Animadvertens vero, infantem esse ingenio austeriore, eadem, simulac a materno lacte depulsus est (mater enim suis illum uberibus per 30 menses aluit) educando adhibuit mulierem nobilem florenti ætate, & corporis specie, tum urbani festivique sermonis, quo puerum paulo tristiores excitaret, & ad hilaritatem traduceret. Eodem consilio illi jam disciplinæ capaci admotus est præceptor Andreas Savonius, Arlotti Plebani Veneti facetissimi hominis familiaris quondam & discipulus, qui ridendo ludendoque elementa literarum Nostro tradidit, eumque in finem delegit Erasmi Roterodami colloquia multis salibus referta, e quibus Latinæ linguæ usum & facultatem discipulus hauriret. Ex hac disciplina & consuetudine contraxisse dicitur eam ridendi jocandique facilitatem, cui per omnem deinde vitam non satis potuerit moderari, quin in scurrilem dicacitatem nonnunquam fuerit prolapsus. Ulterius vero est hoc præceptore Neapoli apud avum illic Pro-Regem, quo cum reversus in Hispaniam in Academiam Salmanticensem missus est, ubi Geographiæ, Mathesi & Architecturæ dedit operam, & in classis Hispanicæ adversus Elisabetham Anglicam A. 1588 missæ interitum odam publice recitavit, atque imprimi curavit. Exacto ibi sesquianno domum revocatus, & curæ nobilis ephori commissus, cum in aliis studiis & exercitiis suo loco & ordine dignis, tum in primis in Historia plurimum industriæ posuit, eoque majores in ea progressus fecit, quo tenaciore erat memoria, quæ sine ullo repetitionis adminiculo cuncta sibi credita fideliter retinebat. In his dum versatur studiis, excurrit quodque in Franciam, & libris historicis & mathematicis onustus rediens, deinde Portugalliam invisit, (cujus regni notitiam Autor hic inserit, supra libro primo inter Hispaniæ provincias omissam.) Hinc iterum Franciam adiit in comitatu Legatorum pacis Vervinensis firmandæ causâ ad Regem Galliæ missorum, & redux animum adjecit ad nuptias, uxoremque duxit Catharinam e domo Ribera, Ferdinandi Henriquezi de Ribera Ducis Alcalæ filiam, mox vero patre amisso Ducis Ossunæ nomen & titulum tertius suscepit; in quo tertius hic liber desinit. Parte secunda

da pergit ad publicam Ducis vitam, quam a Flandrica expeditione inchoavit. Cum enim per malevolorum artes aditus illi ad honores in aula redderetur difficilior, comitatu pro dignitate instructo in Flandriam ad Archiducem Albertum militatum abiit, iter per Galliam faciens, & cum Comite Stabuli Castellæ Regem Henricum IV veneratus, cum hic caput operire a Rege juberetur, nec Noster dubitavit, quamvis injussus caput operire. Quod ægre ferentes Principes Regii sanguinis, qui apertis capitibus apparebant, a Rege impetrarunt, ut & illis jus esset tegendi caput, quoties Legatus aut alius eminentioris dignitatis Regem tecto capite alloqueretur. Delatus in Belgium Osfinius in obsidione Ostendana aliisque expeditionibus ita se gessit, ut & ab Ambrosio Spinola supremo exercituum Duce opera ejus magnificeret, & ab Archiduce Alberto consiliis bellicis adhiberetur. Etsi vero per sex annos non sine gloria militaverat: poenituit tamen cum hujus consilii, quod procul a patria tantum temporis sine fructu contrivisset, facultatibus exhaustus, & corpore quoque mutilus, (qui in oppugnatione Grollæ pollicem dextræ amiserat) neglectis interim occasionibus domi emergendi. Redire ergo statuit in Hispaniam, præsertim quod de induciis inter Hispanos Belgasque Fœderatos ageretur, & honorificentissimis elogiis dimissus, atque efficacissimis literis commendatitiis ab Archiduce Alberto ejusque conjuge Isabella Clara instructus, simulac in aulam reversus esset, inter Comites cubicularios Regis receptus, & Curia, quæ de regni Portugallici rationibus consultabat, adscriptus est. Neque tamen non aliis gravioribus de salute totius Monarchiæ deliberationibus adhibitus, inter cetera suavit, ne induciarum tractatus cum Belgis Fœderatis abrumperetur, licet hi pro liberis populis agnoscendi forent. Dissuasit vero magnopere, ne Mauri tota Hispania ejicerentur, & periculum a tribunali Inquisitionis sibi ea propter intentatum gravi oratione discussit. Quibus aliisque documentis cum solidam prudentiam rerumque usum Consilio Regio approbasset, Pro Rex Sicilia anno 1611 dictus est & constitutus. Priusquam vero iniret magistratum, diligenter ea omnia meditatus, quibus tanti honoris nominisq; mensurâ impleret, & majora quadam in regni salutem animo agitans, quam quæ ab Antecessoribus essent præstita; a Rege facile impetravit, ut salarium, quod Pro Reges accipiebant, sibi duplicaretur, & pro bis mille solidis seu ducatis, quater

mille in singulos menses præberentur. Adita ergo cum imperio Sicilia (cujus hic descriptionem Autor interponit) duo maxime sibi proposuit, quibus insigne beneficium afferret Siculis, & Magistratus sui memoriam redderet immortalem. Cum enim intelligeret, & domi turbari tranquillitatem Reipublicæ sceleribus & maleficiis, quæ passim & impune perpetrabantur; & foris piratarum Turcicorum incursionibus, qui quotannis oram maritimam deprædabantur: purgandam facinorosis hominibus provinciam, & piratas armis repellendos statuit. Edictum ergo proposuit, quo, quæ negligentia priorum Pro-Regum invaluerant, vitia & delicta, severe prohibuit: secundum quod, cum jus incorrupte diceret, & non magis in tenuiores quam potentiores animadverteret, brevi quietem & securitatem toti provincie præstitit. Quanquam in levioribus delictis facilem ac indulgentem se præbuit, sæpe etiam pro ingenii sui urbanitate inexpectatas facetasque sententias tulit, quibus calumniis actorum occurrit, & strictum jus æquitate mitigavit. Quarum sententiarum memoria & alias in scriptis animisque hominum viget, & exempla non pauca per hoc opus dispersa sunt. Veluti cum juberet eum, qui alterum accusabat stupri violenti in filiam admissi, gladium in vaginam quam instabili manu gerebat, recondere; quod cum accusator negaret fieri posse, quod manus vaginam tenens vacillaret: non magis verosimile esse pronunciavit Pro-Rex, mulieri invitæ vitium esse oblatum. Revocata justitia, singularem suscepit rei maritimæ curam & ipsam a Pro-Regibus neglectam & valde prolapsam, conductisque navarchis peritissimis classem ornatissimam instruxit: cujus auxilio non arcuit modo piratas Turcicos a litoribus Siciliæ, sed & Turcica classe victa & profligata, magnas prædas ex oris Turcicis egit. Quo factum ut nomen ejus magna esset gloria, & a populo Siculo, quamvis tributis exhausto, amaretur & coleretur. Quare cum Regis jussu, exacto Præfecturæ suæ triennio, Neapolitano regno imponeretur: non dubitavit, priusquam provincia decederet, Panormi celebrare Ordinum regni comitia, quorum decretis amplissime laudatus Neapolim trajecit. In hoc regno (cujus conditio & status hic ab Autore delineatur) gubernando eandem viam institit, deditque operam, ut justitiæ pacisque strenuus assertor haberetur. Copias vero eo majores terra marique conscripsit, quo ampliores erant præ Siculo hujus regni opes & facultates; & classe

classe sua non solum Turcas, sed & Venetos infestavit, in quos singulari odio ferebatur, eosque imperio maris Adriatici exuere tentabat. In quod eo acrius incubuit, quod in alterum triennium magistratus illi prorogatus esset. Neque enim dubitavit cum Legato ad Venetos Hispano Alfonso de Cueva, & Petro Toletano Gubernatore Mediolanensi, famosam illam A. 1618 conpirationem vel conflare, vel omni ope fovere & juvare, qua nomen Venetum excindere parabant. Extat inter opera Abbatis Sancti Regalis hujus conpirationis historia Gallice perscripta, etiam Autori nostro ab elegantia laudata, sed cujus veritatem nonnullis in locis in dubium revocat & emendat. De ipsa conjuratione Autoris nostri hoc est judicium, quamvis illa non fuisset mature detecta, in ipso tamen opere successu fuisse carituram. At Pro-Rex noster adeo persuasus erat rem successuram, ut de ea quasi peracta & feliciter perpetrata ad aulam literas daret. Quod & reliqui autores conjurationis fecere, dum suam quisque in hoc consilio reperiendo & exequendo operam venditare, & laudem ac præmium primus referre cupit. Unde Ossunius ex irrito rei conatu eo plus pudoris & indignationis cepit, quo certiore de exitu felici spem animo conceperat. Neque non adversus hic casus ad evertendum Ossunium plurimum contulisse visus est. Factum enim artibus Venetorum, & odio Nobilitatis Neapolitanæ, quam plebis gratiam captans a se alienaverat, ut multa de eo sinistra in aulam perscriberentur, & in suspicionem regni affectatiis adduceretur. Sentiens ergo aversum a se aulæ animum, Regi se per literas purgavit, & omnium Ordinum benevolentiam colligere studuit, præcipue ordinis sacri, & in his Jesuitarum, quos plus vice simplici offenderat. Verum ea re non diminuta suspicio, sed aucta, præsertim quod ipso festo trium Regum anno 1620 coronam regni in regio thesauro reconditam, inspectantibus multis proceribus, veluti per ludum jocumque capiti suo imposuisset. Quam quidem admonitus a Principe Bisiniano, eam non nisi caput Regis decere, statim deposuit. Aula tamen re comperta Cardinali Borgia mandata dedit, ut Roma se Neapolim sine mora conferret, regnique illius administrationem capefferet. Ab hoc ergo invitatus & præter opinionem, nondum elapso magistratus sui triennio, potestate spoliatus in Hispaniam recessit, ingentibus quidem divitiis ipse instructus, regnum vero relinquens immenso ære alieno obrutum. Uxo-

rem

rem vero cum filio breviori via per mare præmisit, qui aditum sibi ad regios administratos pararent, eorumque animos donis placarent: ipse per Galliam terrestri itinere paulo serius Madritum adveniens, a Rege omnibusque purpuratis clementer comiterque exceptus est, & non sine spe redeundi Neapolim, summo splendore vixit, donec Regis Philippi III morte omnia subverterentur. Amoto enim Duce de Uzeda, qui post patrem Ducem Lermæum, primum gradum honoris & potentia in aula tenuerat, idemque socer erat Johannis filii Ducis Osunii, & in ejus locum a Rege juvene Philippo IV evecto Comite Olivario, quem Dux noster dièterius quibusdam pupugerat, in custodiam sub ipsa novi regni auspiciis abreptus est, in qua per tres annos detentus, & pendente judicio nec absolutus, nec condemnatus, A. 1624 d. 25 Sept. decessit. Filium habuit unicum Johannem Telesium Gironem, qui & ipse Siciliam pro Rege gubernavit, & in illo magistratu obiit, relicto itidem unico filio Caspare Tellesio Girone, qui ex duplici conjugio & opibus & utriusque sexus prole auctus, anno 1694 moriens duos filios reliquit, Franciscum hodie Ducem Osunæ, & Josephum. Præter hæc vero, quorum summa capita attigimus, hæc Vita distincta est multis non solum digressionibus ad docendum vel oblectandum lectorem accommodatis, sed etiam acute dictis, facetiis, & amoribus, aliisque ad interiorem Ducis Osunii vitam pertinentibus, quæ ex diario Thomæ cujusdam, familiaribus Ducis ministeriis inde a teneris usque ad ejus obitum adhibito, Autor se didicisse refert.

DEUX DISSERTATIONS DE RAYMOND VIEUSSENS
Medecin de la Faculté de Montpellier.

i. e.

RAYMUNDI VIEUSSENS, MEDICI MONSPELIENSIS, DISSERTATIONES DUE, quarum altera de salis acidi e sanguine extractione, altera vero de quantitatis principiorum ejus sensibilem proportionem agit.

Montis Pessuli, apud Honoratum Pech, 1698. in 8. plag. 12.

Quam de sanguine humano in *Actis superiori* anno p 459 recensuimus, quamque Illustris etiam Societas Regia Anglicana *Philosophicis*

*phicis Transactis N. 241. p. 224. integram inseruit, Epistolam, vix Nobilissimus Autor ad celebrem quoque Facultatem Medicam Lipsiensem ac ad alia Collegia incluta exaraverat, cum aliquis Professorum Monspeliensium (quem D. Petrum Cbirac ferunt, e Dissertatione de f-
lorum structura, in Act. Supplem. T. 2. p. 435. recensita haud ignotum) adversarius prodiret, atque in tribus literis spiritum acidum e sanguine destillandi rationem sibi attribuens, non modo Autorem plagii diversi argueret, sed & acidi e sanguine a Nostro descriptam extractionem, ac proportionem particularum sanguinis ab eodem inventam, dubiis variis lacefferet. Ast quemadmodum plagii reatum in peculiari jam scripto, ad nos tamen cum literis Adversarii nondum perlato, Autor a se suisque libris studuit avertere: ita reliquas quoque objectiones in praesentibus Dissertationibus cum in modum refellere voluit, ut e contrario in prima harum extractionem acidi spiritus e massa sanguinea & utilem & exactam evinceret, acidarumque particularum nonnullas ab aliarum nexu in sanguine liberas ostenderet; in altera vero alteram itidem inventionem, qua proportionem sensibilibus sanguinis principiorum detexit, cum proficuum, tum possibilem comprobaret. In prima nempe dissertatione acidi e sanguine extractio primum multi edocetur usus, utpote vel Recentiorum iis, qui contra rationem & Hippocratis auctoritatem omne acidum massae sanguineae denegant, per experientiam redarguendis; vel ipsi sali fixo sanguinis, e quo acidum destillatur, non mere alcalino, sed salso, textura nihilominus & proprietatibus a sale communi sive marino multum diverso, declarando; vel potissimum differentiis temperamentorum corporis humeri explanandis, apprime inserviens. Deinde vero cum a morbis salia non tam immutari soleant, quam exaltari, destillatio acidi e sanguinis etiam aegrotantium sale fixo ab omni defenditur labe, modo eadem cum bolo rite praeparata, i. e. acido prius accurate spoliata, fuerit adornata. Praeter quas tamen particulas acidas alcalinis combinatas ac sal fixum salsum efformantes, aliae demum extra harum consortium in massa sanguinea tum volatiliores, tum fixiores, monstrantur, quod non solum urina humana, veluti sanguinis excrementum, majorem rubedinem tincturis florum malvae & heliotropii conciliet recens red dita, quam per aliquot horas aeri exposita; sed & quod dicta urina nunc inspissata, nunc ab aqua affusa iterum diluta, colorem ista-*

rum tincturarum in rubicundum acidorum adinstar vertat. Quominus autem moleculæ istiusmodi acidæ per destillationem ex urina vel sanguine obtineantur, causa in arctiorem ipsarum rejicitur unionem, qua destillandum inter a copiosioribus particulis alcalicis, fixis & volatilibus, absorbeantur; prout spiritus acidi e sanguinis bubali sale fixo rite proliciti exemplo eorum omnino scrupulus evellitur, qui acidum sanguinis sali communi assumpto unice ferunt acceptum. Hinc in *secunda Dissertatione*, ut de utilitate planius constet, quam inventæ particularum sanguinis proportio in Theoria & Praxi pariat Medica, doctrina temperamentorum corporis humani partim Medico perquam utilis & necessaria, partim ipsi proportioni corpusculorum sanguinis innixa, in quantum temperamentum sanguinis non nisi in determinata principiorum ejus sensibilibus proportionem quoad quantitatem & qualitatem consistat, totius vero corporis temperamentum a temperie sanguinis dependeat, fusius explicatur. Sed ne possibilitas sensibilibus ejusmodi in sanguine corpusculorum proportionem, non tam geometricam, quam physicam, detegendi ac determinandi posthac vocetur in dubium, ad multos denique Viros Experientissimos provocatur, qui phlegma, spiritum ruffum, oleum nigricans, sal volatile, sal fixum & terram, post multos labores, e sanguine humano in pondere æquali cum tota destillata portione, adeoque sine sensibili particularum dispendio, ipsi viderint atque examinarint extracta. Quamvis enim præfractæ haud negetur, insensibiles forsan nonnullas particulas, sive spirituosas & nitro-aereas, sive alias, vehementia ignis in auras secessisse, tales tamen eo minus videntur attendi, quo earum vel minima habeatur quantitas, vel jactura etiam aliis similibus ab igne ipso resarciatur.

ANALECTA PHILOLOGICO - CRITICO - HISTORICA,
opera THOMÆ CRENIL.

Amstelodami, apud Thomam Myl, 1699. in 8. Alphab. 1. plag. 13.

*EJUSDEM MUSEUM PHILOLOGICUM ET
Historicum.*

Lugd.

Lugd. Batav. apud Abrahamum van der Mûn, 1699. 8.

Alphab. I. plag. 9.

Praeter novem, quos vocat, fasciculos varias Dissertationes Historico-Critico-Philologicas complectentes (& ejus quidem istas generis, quales illæ sunt, quas, cum primum fasciculum A. 1691 recensere-mus, in Actis nostris p. 336 nominavimus,) Fasces etiam peculiare & ab istis diversos hinc ab A. 1697 evulgavit doctissimus Crenius, hosque jam ad ternarium numerum perduxit, & in illos Ægidii imprimis Strauchii, Christiani Chemnitii, atque aliorum Dissertationes rario-res constipavit, quin & in tertio integros aliorum libros, ut pote Christophori Helvici Vindicationem potissimorum locorum Veteris, itidemque Andreae Schotti Adagialia Sacra Novi Testamenti repetiit, ac fasces de cætero singulos in fontispicio præfationibus suis sat prolixis, textum vero ipsum notis subinde interspersis, calcemque copiosis Indicibus solerter exornavit. Neque tamen in his acquiescendum sibi ratus, pro indefessa sua industria duas etiam has, quarum titulos junctim modo exhibuimus, hoc ipso anno addidit collectiones, ad eundem ferme scopum collimantes. Analecta enim, quæ dicit, Philo-logico-Critico-Historica duodecim opuscula continent, quæ seorsim olim evulgata fuerunt, Thomæ utpote Hayne *linguarum cognationem*, seu de linguis in genere & variarum linguarum harmonia Dissertatio-nem, Londini A. 1663 editam; Merici Casauboni de *verborum usu & ac-curate eorum cognitionis utilitate* diatriben; Christophori Crinesii Par-tem priorē Disputationis de *confusione linguarum*, Wittebergæ A. 1610 ventilatæ; Abrahami Gibelii de *genuina λεξιλογια φίας Chaldaæ constitutione* theses Wittebergæ itidem propositas; Laur. Fabricii *Reliquias Syras* in eadem Academia A. 1613 primum in lucem publicam emissas; Henrici Kippingii *Exercitationem de lingua primæva*; aliasq; ejusdem duas de *lingua Hellenistica* & de *characteribus novis*; Pauli Slevogti Dissertationem, unico exemplo maximum *lingua Hellenistica usum in Interpretatione Scripturæ* ostendentem; Petri Holmii de *primævo ac authentico characterē literarum Veteris Testamenti* in Regia Academia Carolina A. 1669, deque *scriptura seu scriptione* A. 1670, actandem de *sermone* A. 1675 habitas. Præterea una Josephi Scali-geri & quatuor Marci Zuerii Boxhornii epistolæ de *litteris Hebraeorum*,

divisionibus vocum, Celia & Sudario, ac Persicis quibusdam vocabulis differentes accedunt, operique integro proluxa de *Angelorum lingua* Dissertatio Crenium autorem agnoscens præfigitur. Museum deinceps (quo titulo insignire Collectori placuit volumen alterum,) Philologicum & Historicum, post præfationem in vocis עִיִּשׁ El. XIII. 22. occurrentis significationem inquirentem, primo loco sistit Isaaci Casauboni de *Satyrica Græcorum Poëti & Romanorum Satyra* libros duos, (cujus & quatuor epistolæ, duæ puta ad Scipionem Gentilem, totidemque ad Janum Rutgerium perscriptæ & nondum hætenus editæ p. 357. in apricum producuntur, de quibus tamen, cum singulare quid haud referant, ulterius heic quicquam dicere non attinet :) quos excipit *Cyclops Euripidis Latinitate donata a Q. Septimio Florentino Christiano*. Hinc inscriptio vetus dedicationem fundi continens, ab *Herode Rege factam*, comparet, prout eam Isaacus Casaubonus recensuit & notis illustravit. Porro ὀλυμπικὸς ἄγων Dissertatione Historico-Chronologica ab Ægidio Strauchio A. 1661 descriptus sistitur, ac denique Jo. Lehmanni Schediasma de *Serapide, Ægyptiorum Deo maximo*, annectitur.

FRANCISCI ARIOSTI DE OLEO MONTIS ZIBINII SEU

Petroleo Agri Mutinensis Libellus &c.

Mutinæ, typis Ant. Capponi, 1698. in 12. plag. 5.

Nudius tertius ad nos Illustris Magliabechii beneficio libellus hic pervenit, jam quidem A. 1460 ab Auctore suo compositus, ast A. 1690 demum e tenebris in lucem a Viro Clarissimo, Oligero Jacobæo, Professore Regio Hafniensi protractus, Hafniæque typis Jo. Phil. Eokenhorf excusus. Cum enim Oleum e montibus effluens, quod ex India Orientali a pluribus annis ad nos transmitti consuevit, & in officinas pharmaceuticas receptum *olei terra* nomine censetur, haud dissimile Jacobæus observasset Petroleo illi, quod ex monte Zibinio in Mutinensi Italiæ tractu destillat, rem gratam se facturum putavit Orbi Erudito, si non inelegans Francisci Ariosti, Icti quondam Ferrariensis, de Petroleo Mutinensi opusculum publici juris faceret, Viro Inclyto, quem supra laudavimus, Antonio Magliabechio dedicatum. Tantum vero abest, ut spe sua excederit, ut ab Italis ipsis, quibus Fran-

cisc;

cisci Ariosti nomen (nam Ludovicus quidem Ariostus ; Poeta clarissimus , exteris etiam innotuit) ignotum hactenus fuerat , a vide exceptus libellus fuerit , dignusque a Clarissimo Viro , Bernardino Ramazzino , Professore Mutinensi habitus , quem recudi Mutinæ , quod Hafniensis editio rara admodum in Italia esset , curaret , adjecta insuper Epistola præsentem scaturiginum illarum statum exponente . Ac de ipso quidem Ariosti opusculo , quod doctorum virorum manibus dudum versatur , & Historias imprimis Medicas , quibus mira Petrolei illius in curandis varii generis morbis virtus comprobatur , continet , non est ut plura dicamus . Ex Ramazzini vero Epistola ut pauca delibemus , non erit invidiæ . Gratulatus nempe is tum Mutinensibus Petrolei fontibus de præcone Ariosto , tum Ariosto ipsi de patrono in tam remotis regionibus Jacobæo , memorat , in Estensi Bibliotheca non solum exemplar manuscriptum Ariosti hujus de Petroleo opusculi , quod cum editione Hafniensi contulerit , sed & alia ejusdem Auctoris scripta , Dialogum nempe de Divina Providentia , Sermonem de Purificatione B. Virginis , & Epistolam ad Sixtum IV Pontificem de rebus summo in Pontificatu suo agendis reperiri . Refert porro , ut scaturigines hæc ad duodecim millia passuum Apenninum versus Mutina distantes ipse inviserit , inque valle montes interjacente rupem præruptam , ne herbula quidem aut fruticeti alicujus feracem , ex cujus ventre scaturigines Petrolei erumpant , invenerit . In ea per scalam in saxo insculptam ad gradus viginti quatuor , satis commodum ad parvam scrobem descensum esse narrat , quæ aquam candicantem contineat , illique Petroleum innatare , una cum aqua ex vicina rima defluens . Ut accensa lucerna exactius cuncta perlustraret , permissum sibi a fontium custodibus non fuisse , metuentibus ne Petroleo Naphtæ ad instar flammam forte concipiente , totus subterraneus locus incendio corripere . Odorem vero gravillimum ingratumque has Petrolei scaptenfulas ad integrum fere stadium exhalare , ut verosimile sit , cum odoris potius suavitatem Ariostus olim deprædicarit , oleosum hunc laticem a prisca sui bonitate paululum descivisse , tamen vim medicam minime exuerit . Bis in hebdomade Petroleum colligi , & qualibet vice ex fonte primario sex libras , plus minus , educi . Tacemus quæ de Chymico processu , quo Petroleum generetur , docuimus Ramazzinus conjectat , peragi rem omnem arbitratus vi igni-

um

um subterraneorum, qui in rupis ventre, tanquam in furno chymico bituminosam materiam, qua solum istud luxuriat, fundant & colliquant, quæ postmodum una cum aqua sub olei forma per rimam in scrobem, velut in Recipiens, desluat. Nec attingimus, quæ de tractu illo Mutinensis agri, ignibus subterraneis referto, flammæque ac saxa subinde non sine fragore eructante, præsentientibus per aliquot dies jumentis, ut pascua etiam proxima averterentur, memorat. Solummodo, quæ tentata Petrolei illius destillatione observaverit, ipsius Ramazzini verbis subjiciemus. *Destillationem, inquit, ego quoque institui, ac liquor exivit, cui aliquid majoris perspicuitatis accessit, sed non parum nativi odoris decessit, exiguo magmate flavi coloris in fundo relicto. Petroleum sic destillatum igne accensum flammam quidem minus fuliginosam, sed magis languidam edere visum est. Quare Petroleo, mentis Festini saltem, nihil perfectionis per destillationem accedere, facile crediderim, cum a Natura, viribus Arti non datis, satis elaboratum videretur. Fragmenta laterum ignitorum in Petroleum conjeci, ut ex illis Petroleum laterinum elicerem; liquorem ruffum obtinui, qui nihil fere genuini odoris referret. Hujusmodi occasione expertus sum, an ignis lateres plus aqua absorberent quam Petrolei, ac factò per exactissimam bilancem examine, plus aqua quam Petrolei bibisse compertum est. Destillatio quoque facta ex æquis portionibus Aquæ fortis & Petrolei. Indiscriminatim visa sunt ascendere Petroleum & Aquæ fortis; in Recipiente tamen ab invicem separabantur, innatante Petroleo, ac immutato non parùm illius tum colore tum sapore, quare Olei Amygd. am. indolem referebat. Magma in fundo collectum est atricoloris ad instar picis, in quo nihil Eleætrici deprehendi. In hac destillatione multum Petrolei absumptum est, æq. tota fere Aquæ fortis recuperata est.*

SEX. POMPEI FESTI ET MAR. VERRII FLACCI
de Verborum Significatione Libri XX.

Amstelodami, sumptibus Huguetanorum, 1699. in 4. maj.
Alph. 4. plag. 2.

ANni jam lapsi sunt octodecim, ex quo Vir celeberrimus Andreas Dacerius, in usum Serenissimi Delphini, hosce de Verborum Significatione Scriptores notis suis & emendationibus illustratos Parisiis edidit;

edidit; ceu pluribus a nobis in Actis A. 1682, pag. 174 seqq. fuit expōsitum. Eadem editio repetita nuper Amstelodami fuit, nec sine augmento tamen, ut vel eo nomine indicanda hoc loco Benevolo Lectori fuerit. Nimirum cum Dacerius quidem suis notis Josephi etiam Scaligeri selectas notas nonnullas admiscuisset, recentissimæ hujus editionis curatoribus visum fuit, notas Scaligeri, necejus tantum, sed & Antonii Augustini, nec non Fulvii Ursini integras exhibere; Fragmento etiam Festi & schedis cum notulis Fulvii Ursini subjunctis.

LIBRI NOVI.

Johannis Wallis Operum Mathematicorum Volumen III. Accedunt Epistola nonnullæ rem Mathematicam spectantes, & Opuscula quædam Miscellanea. Oxonia e Theatro Sheldoniano, 1699. fol.

Numismata Pontificum Romanorum, quæ a tempore Martini V usque ad annum 1699, vel auctoritate publica, vel privato genio in lucem prodire, explicata, ac multiplici eruditione sacra & prophana illustrata a P. Philippo Bonanni S. J. Roma typis Dom. Ant. Herculis, 1699. fol.

Job. Cunradi Sostmanni Jus Summi Imperantis circa Abba Decessoris. Ultrajecti apud Ant. Schouten, 1699. 8.

Voyages de Francois Bernier, Docteur en Medecine de la Faculté de Montpellier. A Amsterdam chez Paul Marret, 1699. 12.

The History of the Works of the Learned: Or, an Impartial Account of Books lately printed in all parts of Europe. With a Particular Relation of the State of Learning in each Country. Done by Several Hands. London, printed for H. Rhodes, T. Bennet &c. 1699. 4.

Fables and Storyes Moralized. Bein a Second Part of the Fables of Æsop, and other eminent Mythologists. By Sir Roger L' Estrange. London for R. Sare, 1699. fol.

The Lives and Characters of the English Dramatick Poets: First begun by Mr. Langbain, improv'd and continued down to this time, by a Careful Hand: London printed for Nick, Cox and W. Turner, 1699. 8.

A Mo-

A Modest Defence of the Clergy of the Church of England, against the false suggestions and unjust prejudices of the present Age. London, printed for John Nutt, 1699. 4.

A Discours upon the Form and Manner of Making, Ordaining and Consecrating Bishops, Priests and Deacons, according to the Order of the Church of England. By Thomas Comber. London for R. Clavell, 1699. 8.

Job. Frid. Hornii Architectonica de Civitate, notis illustrata a Simone Kuchenbecker. Lugd. Bat. apud Corn. Boutensteyn, 1699. 8.

Georgii Hornii Introductio in Historiam Universalem, aucta ab Hieronymo Dicelio. Lipsia apud Job. Herb. Klos, 1699. 12.

Dialogues Posthumes du Sieur de la Bruyère sur le Quietisme. A Paris, chez Charles Osmont, 1699. 12.

Parrhasiana, ou Pensées diverses sur des matieres de Critique, d'Histoire, de Morale & de Politique. Avec la Defense de divers Ouvrages de Mr. L. C. par Theodore Parrhasie. A Amsterdam chez les Heretiers d'Antoine Schelte, 1699. 8.

Les Plans & les Descriptions de deux des plus belles maisons de campagne de Plin le Consul, avec des Remarques sur tous ses bâtimens, & une Dissertation touchant l'Architecture Antique & Gothique. Par Mr. Felibien des Aaux. A Paris, chez Florentin & Pierre de Laulne, 1699. 8.

Histoire, ou Antiquitez de l'Etat Monastique & Religieux. A Paris, chez Francois André Pralard, 1699. 12.

Traitez Historiques sur la Grace & la Predestination. Avec un Memorial de Lanuza présenté à Paul V, & le Traité d'un Abbé contre Abaillard. Par l'Abbé de St. Julien. A Sens, chez Louis Prusserot, 1699.

Nicolai Vallerii, Ostrogothia Sueci, Tentamina Physico-Chymica circa Aquas Thermales Aquisgranenses. Lugd. Bat. apud Corn. Boutensteyn, 1699. 8.

De Eruditione comparanda in Humanioribus &c. Tractatus Joach. Camerarii, Job. Fungeri, Arn. Clapmarii, Christoph. Coleri, Job. Caselii, Iyn. Hallielis, Ægidii a Lancken, Job. Andr. Bossi &c. Thomas Crenius conlegit &c. Lugduni Bat. apud Abrab. de Swarte & H. Teering, 1699. 4.

* * * * *

ACTA ERUDITORUM

Publicata Lipsia

Calendis Septembris, Anno M DC XCIX.

*R. P. NATALIS ALEXANDRI, ORDINIS FRATRUM PRÆ-
dicatorum, Historia Ecclesiastica Veteris Novique Testamenti, & in loca
ejusdem insignia Dissertationes Historica, Chronologica, Critica & Do-
gmatica, in octo divisa tomos, ante quidem per partes,
nunc autem conjunctim & accuratius edita.*

Parisiis, apud Antonium Dezallier, 1699. fol.

Alphab. 64.

FRequentissima olim fuit in Actis hisce nostris mentio Natalis Alexandri, occasionem quidem subministrante Historia, quam composuit, utriusque Testamenti Ecclesiastica. Quemadmodum enim hanc Eruditissimus Autor in pluribus voluminibus diversis temporibus sigillatim quondam edidit: ita anno statim primo, tertio dehinc & quarto, sexto etiam ac septimo Actorum nostrorum ea memoravimus; nec primus Supplementorum tomus mentione ejusdem caret, integram quippe Veteris Testamenti Historiam Ecclesiasticam a Natali representatam in nucleo exhibens. Quin & hic ipse annus memoriam illius nobis refricuit, posteaquam Maxime Reverendi Veielii Isagogen in solertissimi Autoris opus universum, mense superiori Julio p. 320 adumbrandam nobis summus. Hac autem vice circa novam illius editionem versabimur, quandoquidem tot volumina minora in octo tomos majores constipata nunc accepimus, e quibus duo priores Historiam Veteris Testamenti complectuntur, tertius tria a Christo nato proxime quæ effluxerunt secula, quartus seculum quartum, quintus sequentia quatuor usque ad octavum, sextus nonum ad duodecimum usq; , septimus decimum tertium cum

Ccc

decimo

decimo quarto, & octavus denique secula decimum quintum, decimumque sextum continet.

Antequam vero ad indicandas reliquas mutationes, omissiones item & accessiones in hac nova editione obvias pergamus, operæ nos facturos esse censemus pretium, si ex octo priorum a nativitate Christi seculorum historia nonnulla carptim delibemus. Ejus namque delineatio a Natali Alexandro edita cum Actorum nostrorum initium anteverterit, non potuimus non a nono demum seculo auspicia recensitionum nostrarum capere; unde istum defectum nunc, postquam opus integrum auctius prodiit, qualiquali modo resarciri, haud incongruum existimamus. Seculo proinde primo describendo intentus, Christi ante omnia genealogiam, nativitatem, baptismum, prædicationem, passionem, resurrectionem & ascensionem considerat. Hinc Matthiæ & septem Ecclesiæ Diaconorum electionem, primam Evangelii prædicationem, Petri & Pauli gesta ac mortis genus enarrat, pauca de Pontificibus, qui isto tempore Romanam rexerint Ecclesiam, deque istius seculi persecutionibus commentatus. Ex hæreticis Simonem imprimis Magum introducit, ac postea Menandrum, Saturninum, Basilidem, Cerinthum, Ebionem & Nicolaitas allegat. E monumentis ad istud ævum referri solitis, scripta Christi supposititia nominat, librosque Novi Testamenti canonicos scriptis, quæ Apostolorum nomen falso præ se ferant, opponit. Nec dicere omittit de liturgiis Petro, Jacobo, Matthæo & Marco tribui suctis, de actis Pauli & Theclæ, quæ una cum epistolis aliquot ad Senecam & decantata illa ad Laodicenses spuriiis annumerat; nec mitius de Barnabæ epistola deque libro Pastoris judicium fert. Primam vero Clementis ad Corinthios epistolam pro genuina agnoscit; at vicissim reliquas ejus nomen in fronte gerentes, libros item Recognitionum cæterosque Clementi tributos rejicit. Epistolam Polycarpi & Philippenses, & encyclicam Ecclesiæ Smyrnenfis de Polycarpi martyrio approbat. Areopagitæ Dionysio libros suos vindicat. Ignatianas epistolas genuinas a spuriiis segregat. Octo libros Sibyllinos ex parte, sed non æque Sibyllarum carmina conficta censet, Mercurioque Trismegisto Pimandrum abjudicat. Pleraque autem horum, posteaquam ante breviter recensuit, integris mox dissertationibus persequitur, quas inter & una est de Symbolo Apostolico, id quod omnino ab Apostolis traditum

ditum fuisse contendit; alia Petrum Romam venisse probat; alibi peculiaribus dissertationibus de fidei propagatione in Hispania Galli-
aque agit, inque ultima Mariæ Magdalenzæ, Lazari & Marthæ in Gal-
lias appulsum pro certo venditat. Ad seculum secundum progressus,
hæreses cum primis tunc exortas, autoresque ecclesiasticos, qui tum in-
claruere, designat, & in dissertationibus Synopsi Historiæ subjunctis,
præter alia liberationem Trajani ex inferno tanquam commentitiam
explodit; Montanistarum & Catholicorum jejunia sibi invicem op-
ponit, Joannem Dallæum, parem utrorumque conditionem statuen-
tem refutare conatus; controversiam, quæ hoc seculo circa celebra-
tionem Paschatos emerfit, late recenset; nævos in S. Justino, Irenæo,
Clemente Alexandrino, aut merito notatos, aut præter rem iisdem affi-
ctos, dissertationibus tribus, sed una, ast ea tamen sat proluxa, doctri-
nam Tertulliani examinat. Seorsim quoque de versione septuaginta-
viri disserit, & quibusdam interjectis, traditionum non scriptarum
necessitatem & auctoritatem adversus Rivetum & Dallæum tueri niti-
tur. Præcipuæ seculi tertii dissertationes versantur circa fidem Ze-
phirini, Romani Pontificis; circa Libellaticos; disciplinam pœniten-
tiæ; controversiam circa hæreticos rebaptizandos; mores, fidem at-
que defensores Origenis, materiasque ad tempora hæc spectantes alias.
Seculo quarto Historiam imprimis Donatistarum illustrat, inque
commentationem de Concilio Nicæno multum operæ impendit,
Constantinum Magnum non Romæ, sed Nicomediæ baptizatum asse-
rit, donationem ejusdem explodit, perpetuam Deiparæ virginitatem
contra Helvidium, Jovinianum & Bonosum, sanctæ itidem virginita-
tis meritum adversus Jovinianum vindicat. In Historia seculi quinti,
& ejusdem Synopsi, Pelagianorum imprimis errores late considerat,
Synodosque, quibus ansam hi suppeditarint, recenset, nec constitui-
ones Imperatorum, atque debellations sanctorum & eruditorum vi-
rorum adversus eos susceptas indicare omittit. Inde ad Semi-Pelagia-
nos pergens, eadem utitur industria, parilique studio Prædestinatio-
nam, Eutychianam, Nestorianam & reliquas hæreses persequitur. Ad
Scriptores Ecclesiasticos delatus, Augustini præ cæteris prolixè memi-
nit, & ejus pseudepigrapha enumerat. Inter dissertationes prima os-
tendit, quod Diospolitana Synodus, etsi decepta, Pelagium absolve-
rit, sed ejus tamen hæresin damnarit. Tertia Zosimum Celestii hære-

sin approbasse negat. Septima Concilium Ephesinum contemplatur. Octava epistolas, anathematismos & reliqua S. Cyrilli scripta penitus ab errorum Apollinaris labe aliena pronunciat, atque adeo perperam ea ab Orientalibus hæreseos in simulata fuisse dicit. In decima octava de Zenonis Henotico suam hanc sententiam aperit, quod, etsi nullam hæresin aperte contineret, merito tamen a piis quibusdam rejectum fuerit. In sequenti decima nona Acacium, ut a fide haud alienum, justis tamen de causis a Romanis Pontificibus damnatum sistit. Vigesima quinta dissertatio in eo tota est, ut contra Vigilantium & alios venerationem reliquiarum Sanctorumque cultum & invocationem statuminet, ac Joannis præsertim Dallæi libros de religioso cultus objecto, in quantum illi istis adversantur, refutet. Seculi sexti Synopsis præter memoratu digniora alia, multas etiam Synodos multaque Concilia describit, & causam trium Capitulorum uberius declarat; prout & in peculiari dissertatione, quæ quarta est ad præsens seculum spectantium, eadem merito damnata fuisse innuit. Post Symmachi causam Romanæ Synodo subjectam contemplatur; Scythas monachos ab Eutychiana hæresi absolvit; in Synodi quintæ œcumenicæ convocationem, præsidem, auctoritatem inquirat; tandemque Aphthartodocetas atque Agnœetas sigillatim perstringit. E dissertationibus septimum illustrantibus seculum, secundam statim nominamus, quæ Honorium in sexta Synodo œcumenica juste damnatum probat, ut nascentis Monothelismi Monothelitarumque fautorem, licet eum ab hæresi excusari tam vere quam pie fateatur. Quarta Wambam, Gothorum Regem, a Concilio Toletano XII exautoratum negat. Quinta, sexta & septima Monothelitarum, Mahometanam & Paulicianorum hæresin convellit. Ut magnam Historiæ Ecclesiasticæ seculi octavi partem conficit iconoclastarum hæresis: ita hinc occasionem mutuatur Noster, usum cultumque imaginum proluxa satis dissertatione adversus varias, & Dallæanas maxime, impugnationes asserendi. Ante tamen in dissertatione secunda de translatione Regni Francorum a Childerico Rege ad Pipinum, Majorem Domus, agit, & nec Zachariæ, nec Stephani III Romanorum Pontificum auctoritate regnum istud translatum contendit.

Jam quod ad mutationes in nova hac editione factas attinet, levior fortassis illa est, quando ad seculum primum in peculiari dissertatione

tatione fidem Nicolai, unius e septem Diaconis, contemplatur, de qua tamen in editione prima ad articulum septimum capitis decimi, ubi de Nicolaitarum erroribus sermo, disseruerat. Seculo duodecimo, incertum qua de causa, instituta est ordinis inversio, dum dissertatio de Concilio Lateranensi tertio, quæ prior olim fuerat, posterior facta est illa, quæ agit de contentione inter Ecclesiæ Romanæ Cardinales & Gallicanos Præsules, exorta in Concilio Rhemenfi A. 1148, occasione Symboli contra Gilb. Porretani errores ab istis editi. Notatu magis dignum hoc in loco illud est, quod appendicem de Canone XLVII Concilii Carthaginensis tertii de libris canonicis, quam in priori editione seculo quarto subjunxerat, a sede sua nunc dimovit, & de libris ejuscemodi ad Vetus Testamentum pertinentibus in V. T. Historia, de libris autem Novo Testamento vindicandis seculo statim a C. N. primo latius dispexit.

Accessionum maxima pars constat peculiaribus, quæ ipse vocat, scholiis, quibus ansam dedit indiculus censurarum variarum, quæ ab anonymis quibusdam Religiosis contra isthoc ejus opus susceptæ fuerunt. Istum sibi ab Eminentissimo quodam Cardinali oblatum testatur, inque eo multa sibi monet tribui, a verbis plerumque suis & mente prorsus aliena; multa per se innoxia, quæ historice duntaxat tradiderit, acerbis persæpe criminationibus impeti, quasi asserta essent ut dogmata inconcussa fide ab omnibus tenenda; multa sibi affingi queritur, ac si iis autoritatem sedis Apostolicæ impugnasset, quam ob rem justæ defensionis gratia scholia hæc singulis capitibus, dissertationibus, quæstionibus & articulis, in quibus aliqua notarunt Censores, subjunxit.

Equidem in Historia Veteris Testamenti scholiorum istorum met pauca sunt, & in his plerumque tantum allegat Autor Patrum aut aliorum Scriptorum sententias, idem, quod ipse ante dixerat, confirmantes. Interdum typos passim obvios evolvit. Jam applicationes subjicit ad praxin Christianismi facientes. Modo mysticas textuum Biblicorum interpretationes tradit. Inter potissima tamen eorum, quæ ex acroamaticis ab ipso addita sunt, istud forsan retuleris, quod pag. 27 tomi I non assentitur iis, qui Moysen Angelorum creationem eam ob causam non commemorasse dicunt, ne Judæi ad idololatriam jam satis propensi Angelos ut Numina colerent. Nihil enim magis

conducere potuisse respondet ad divinos Angelis honores haud deferendos, quam eorum creationem. Potius itaque eam ob causam heic siluisse Moſen innuit, quod aſpectabilis duntaxat mundi creationem ſcribere inſtituiſſet.

Aſt inſigniora ſunt, quæ Novi Teſtamenti eccleſiaſticam hiſtoriam locupletare deprehenduntur, ſcholia, e quibus aliqua huc referemus, & talia præſertim, ubi ne latum quidem unguem a priſtina ſententia diſcedendum ſibi venire contendit. Ita v. g. Tom. III ad nummum Herodis Antipæ, tempus nativitatæ Chriſti, quod ipſe determinarat, confirmantem provocat p. 74. Cur Patrum plerorumque ſententiam de morte Chriſti ſub duorum Geminorum Conſulatu haud amplexus fuerit, declarat p. 84. Recte ſe dixiſſe profitetur, quod Epiſcoporum autoritas ſit immediate a Deo p. 117, & quod Petrus ex imprudentia peccarit, factoque ſuo gentibus ſcandalum dederit, p. 139. Anacletum a Cleto diſtinctum non eſſe, adhuc ſe credere affirmat p. 156. Epiſtolas decretales Romanorum Pontificum ad Siricium uſque apocryphas eſſe, novis teſtimoniis probat p. 218. Merito ſe de aſſumptione B. Virginis in cœlos dubitaſſe monet p. 301. Recte etiam ſe docuiſſe ait, quod abſtinendum ſit ab uxoribus prægnantibus, p. 307. quod ſummi Pontifices in quæſtionibus facti poſſint decipi, p. 331. quod non ſit hæreſis, ſi quis animas & Angelos corpus habere dixerit, p. 393. quod Parochorum ordo ſit de Jure divino, p. 576. quod offula Judæ a Chriſto porrecta panis eucharifticus non fuerit, p. 719. quod tribus ſeculis prioribus nullum in Eccleſia imaginum uſum, aut certe admodum rarum, deprehendere licuerit, p. 744. Tomo IV denuo defendit, Clericos, quod tributa haud ſolvant, minime ex Jure Divino, ſed ex Imperatorum pietate & munificentia habere, p. 5. non cenſendam ſententiam erroneam, quæ Paulum perhibeat vixiſſe in conjugio, p. 99. comœdias eſſe illicitas, p. 103. hymnum, *Te Deum laudamus*, Ambroſii non eſſe, p. 156. S. Hieronymum non fuiſſe Cardinalem, p. 172. Imperatorem Epiſcoporum ſententias in Conciliis promulgatas autoritate ſua confirmari, p. 187. Conſtantinum Romæ non eſſe baptizatum, p. 307. Lege veteri Synedrium cauſas & delicta ſummi Pontificis cognoviſſe, p. 609. diſſertationem denique, qua morales reſtriſtiones impugnat, adverſus anonymum æquivocationes defendentem vindicat p. 622. In ſcholiis Tomi V adhuc aſſerit, Zoſimum errorem facti

facti in Celestii & Pelagii causa commisisse p. 42. Reges Galliarum, ex quo Christiani facti fuerint, habuisse potestatem convocandi Concilia nationalia, p. 198. Episcopos respectu Papae vocandos Coepiscopos, p. 390. Dissertationem de Honorii in sexta Synodo oecumenica damnatione legitima, quam maximam partem expungendam esse, Censores dixerant, defendit p. 615. seq. In Tomi VI scholiis ulterius affirmat, Sergium III nequissimum fuisse Papam p. 27. Johannem quoque XII pessimam egisse vitam, mortemque eum pessimam mansisse, p. 32. Papae non promitti obedientiam a Gallis absolute, sed secundum Canones. p. 18. Donationes Papae factas esse non a Constantino, sed a Galliarum Regibus p. 184. Dissertationem de translatione Imperii a Graecis ad Francos praeter rem a censoribus expungendam postulari innuit p. 217. seq. Joannem VIII indignum Romano Pontifice facinus edidisse, rescindendo Praedecessorum & oecumenicae Synodi decreta, p. 275. contendit. Tomo VII persistit in ea opinione, quod Parisiensis Facultas habeat jus doctrinalis judicii, p. 92. quod S. Thomas Aquinas nunquam Casini monachus extiterit, p. 143. quod Sanctius II Lusitaniae Rex regno prorsus ineptum & cucullo quam diadema digniorem se gesserit, p. 309. Tomo VIII, quicquid censoribus videatur secus, statuit, Sixtum IV pessimo exemplo suos ditasse, spoliando Ecclesiam, p. 24. Sacramentum non adorari, sed Christum, p. 158. Trithemium ob Steganographiam in Magiae suspicionem immerito fuisse vocatum, p. 207. Savonarolam non incongrue virum beatae memoriae & Prophetam appellari, p. 276. Regios Judices non censeri mittere falcem in messem alienam, cum causas profanas Ecclesiasticorum virorum judicent, p. 707.

Etsi vero in his pluribusque similibus a sententia sua se dimoveri nequaquam passus fuerit, non aequae tamen constans nobis videtur in condemnandis Joanne Tanquerello & Florentio Jacobo. Istud enim caput, in quo hos olim haereticis eam ob causam accensuerat, quod Romano Pontifici supremam rerum omnium spiritualium pariter & temporalium potestatem tribuere haud dubitarint, in hac secunda editione omisit; unde sane vanos nos augures non fuisse colligimus, quando in Actis nostris A. 1687. p. 438. Romanae Curiae assertum istud parum ad palatum fore, in antecessum diximus.

Non est tamen, cur quis repetita huic editioni scholia modo, quae

quæ diximus, accessisse existimet. Immixti namque passim sunt libelli & tractatus singulares seorsim antea a Natali Alexandro evulgati, quorum referas Apologeticam & Anti Criticam adversus Claudium Frassenium Dissertationem, Parisiis A. 1682 editam, & a nobis quoque in Actis istius anni mense Decembri recensitam, quæ una cum ista, unde litis materiam Frassenius desumfit, trigesimam nonam & quadragesimam seculo IV constituit. Parilem in modum Dissertationes de divina Episcoporum super Presbyteros eminentia adversus Blondellum, & de sacrorum Ministrorum cœlibatu, Parisiis 1678 impressæ, una cum appendice de Chorepiscopis, seculo IV inferuntur. Quæ dudum Eruditis innotuit concepta adversus Waldenses, Albigenes & Wiclefianos in Calvinianis redivivos de Sacramentali Confessione Disputatio, locum suum nunc tomo VII p. 597. seq. sortita est. Huic tomo subnectuntur quoque duo opuscula A. 1680. vulgata, unum, cui titulus: Collatio Dominicani cum F. Minore de titulo Præceptoris S. Thomæ ex elogio Alexandri Halensis expungendo, alterumque, quod Panegyricus audit Thomæ Aquinati dictus.

Denique & istud a nobis silentio haud est prætereundum, quod novam plane & typis nunquam antea impressam Dissertationem eisdem huic tomo septimo Autor inseruerit, directam adversus Quietistas, in quibus Beguardorum errores novam quasi vitam adeptos dicit. Ea fini octo propositiones format, quarum prima est: *homo in vita presenti secundum legem communem tantum ac talem perfectionis gradum consequi non potest, ut reddatur impeccabilis & amplius proficere non valeat.* Secunda: *Nullus est in hac vita perfectionis status, in quo iusti jejunare & orare, bonaque spiritualia, remissionem peccatorum, gratiam perseverantiæ, vitam æternam, &c. desiderare & supplices petere a Deo non debeant.* Tertia: *Iusti spiritualesque Viri, in quocunque perfectionis gradu constituti supponantur, Ecclesia præcepta servare tenentur, & Pastoribus ac Præpositis obedire, non solum in his, quæ disciplinam exteriorem, verum etiam in iis, quæ directionem interioris animarum suarum spectant.* Quarta: *Homo non potest ita finalem beatitudinem secundum omnem gradum perfectionis in presenti assequi, ut eam in vita beata obtinebit.* Quinta: *Nulla natura intellectualis creata in se ipsa naturaliter beata est: anima vero indiget lumine gloriæ ad Deum videndum & eo beate fruendum.* Sexta: *Ad Christiani hominis per-*
fectio-

fectionem pertinet exercere se in actibus virtutum. Septima: *Asserere fornicationem aliosve carnales actus non esse peccata, cum graviter tentatur exercens, hæreticum est.* Octava: *Asserere, cogitationem de Christo Jesu & ejus mysteriis omnemque erga ipsa devotionem a contemplatione excludi, hæresis est.* Harum propositionum quamlibet e domesticis primum Theologiæ suæ principiis probatam dat; post thesin cuique contrariam in Beguardis olim damnatam, a Quietistis nihilosecius resuscitatam fuisse innuit, eamque operose refutat. Quinimo & latus Archi-Episcopi Cameracensis hodierni, ubi ubi potest, haud obscure pungit, & idcirco antagonistis ejus, quos magno alibi numero nominavimus, accenseri utique meretur.

GEOGRAPHIÆ VETERIS SCRIPTORES GRÆCI MINORES.

Cum interpretatione Latina, Dissertationibus, ac Annotationibus. Vol. I.

Oxonix e Theatro Sheldoniano, 1698. 8. Alphab. 2.

GAVISUS est Vir in primis magnus, Isaacus Casaubonus, vehementerq; lætatus quondam illis Davidis Hœschelii literis, quibus renunciabatur, fore proxime, ut minora quædam veteris Geographiæ monimenta, Græcis tradita literis, in vulgus ederentur. Neque id injuria. Intellexit enim summæ Vir doctrinæ, quanti ad Historiæ cognitionem intersit, veteres evolvi Geographos, quamque multa in Scriptoribus antiquis sine regionum, locorumque, ac fluviorum notitia ne intelligantur quidem, aut perperam explicentur, & quantus elegantis doctrinæ fructus ex iis capiat libris, qui non magis terrarum situm, quam ingenia gentium moresque, memoriæ prodant. Hortatus igitur est Hœschelium, urgeret propositum, atque existimaret, hac futurum industria, ut superioribus, quæ ab eo acceperit, beneficiis magnus meritorum cumulus adjiciatur. Nec vero cœpto prius destitit Hœschelius, quam Marcianum Heraeleotam, Scylacem Caryadensem, Artemidorum Ephesium, Dicæarchum Messenium, Isidorumq; Characenum conjunctim Augustæ Vindellicorum A. c. 15. 16. Græce edidisset. At quantopere putamus gavisurum fuisse doctissimum hunc Isaacum, si ad nostra reservatus tempora, illum vidisset laborem, quem non postremum Britanniarum ornamentum, *Johannes*

Hudson, superiore anno suscepit. Neque enim illa contentus fama, quam nova scitaque Thucydidis recognitione nomini peperit suo, id quoque opus, eruditissimo cuique optatissimum, moliri coepit, quod nonnulli, veteris Geographiæ peritissimi, promiserunt quidē antehac, sed nondum confecerunt, aliis fortasse occupationibus distracti, fatove occupati. Nimirum constituit Geographorum Græcorum scripta, eademque minora, sparsa passim ac disiecta, undique conquirere, aliorumque vel enarrationibus uberioribus, vel notis brevioribus, suis etiam intextis, emendare partim, partim explanare. Verum institutum, laudis plenissimum, nec molestia, nec tædio vacavit. Nam Vir CL. neque aliorum, qui ejusdem forte operis periculum fecerunt, schedas oculis usurpavit, nec per literas exorare potuit lucubrationes L. Holstenii, aut Isaaci Vossii commentarium, quo Hannonem & Scylacem fertur illustrasse. Reliquum adeo erat, ut sine illo apparatu ad opus hoc aggrediretur, ab iis tantum præsiidiis instructus, quæ ad manum essent. Neque eo secius propositum tenuit, opusque adornandum in tria partiri volumina decrevit. Amicis igitur in consilium adhibitis, scriniisque suis excussis, optime se facturum ratus est, si præcipuos Περίπλων Scriptores hoc, quod manu tenemus, primo complecteretur. Idemque illud digessit ita, ut suum cuique scriptori locum tribuerit pro ratione ætatis, qua floruisse eum crediderat, quo ad majus ei lumen prætulerunt exquisitæ Dissertationes, quarum copiam ei fecit insignis rei Chronologicæ disceptator, Henricus Dodwellus. Quas quidem in ipso primi voluminis aditu collocavit Hudsonus, quum omnium interesse videretur, ante, quam ipsi legantur scriptores, has legi, quæ de ætate illorum scriptisque diligenter, nec vulgari quadam ratione exponant. Atque id quidem causæ est, quam obrem stet nobis, Dissertationes tam præclaras in aliud differre tempus, quo a nobis cum cura capitulatimque recenseantur. Proxime, suo quemque loco, Geographos constituit Vir CL. primumque Hannonem. Eundem superiori seculo in lucem protulit Sigismundus Gelenius Basileæ A. c. l. d. l. c. XXXII, atq; aliquot post annis Latine conversum, & annotationum specimine illustratum, cum Jo. Leonis Africa edidit Conradus Gesnerus, demumque A. c. l. d. l. c. LXXIV. recudendum curavit Abrah. Berkelius, subtextis Bocharti animadversionibus, quas ex secunda parte Geographiæ Sacræ mutuatus est. Hannoni subje-

subjecit Scylacem. Quem quidem A. clō Iōc Augustæ Vindelicorum cum aliis, quæ diximus, Geographorum scriptis edidit Dav. Hoeschellius; interpretatus autem est, suisque castigationibus juvenis admodum illustravit Is. Vossius Amstelodami A. clō Iōc. XXXIX, demumq; celeberrimus Gronovius refinxit, & pluribus locis scite castigatum dedit Lugduni Bat. A. clō Iōc. XCVII. Scylaci subjunxit Agatarchidem, ex Photii Bibliotheca descriptum, atque a Laurentio Rhodomanno versum in Latinum. Cognoverat enim, illius Excerpta apud Photium longe auctiora extare, quam in editione Henr. Stephani, quæ Lut. Parisiorum A. clō Iō. LVII prodiit, aut in altera ejusdem ibid. A. clō Iō. XCIV adornata, aut in Oxoniensi, quā cum interpretatione A. clō Iō. XCVII accuravit Brettus. Agatarchidi subdidit Arriani Periplum Ponti Euxini, itemque alterum maris Erythræi, eidem vulgo attributum. Quorum utrumque, a Gelenio quondam pariter cum Hannone in lucem editum, cum interpretatione, multisque enarrationum accessionibus, Lugduni A. clō Iō. LXXVI ad prelum revocavit Guil. Stuckius, ab eoque Nic. Blancardus Amstel. clō Iōc. LXXXIII, cui fuit curæ, recognoscere Stuckii interpretationem, aliquot locis paulo negligentior. Periplo maris Erythræi ob argumenti similitudinem adjunxit Nearchi Paraplum, ex Arriani Indicis delibatum, & Bodlejani codicis manu exarati ope sæpius emendatum, atque a Bonaventura Vulcanio versum. Nearchi postposuit Marcianum Heracleotam, ab Hoeschelio una cum Scylace, atq; aliis divulgatum illum quidem, sed temporum corruptelis depravatum, nec diligenter superioris interpretis conatu expressum. Hunc igitur & castigare, & interpretari denuo instituit, cumque idem præter duos priores libros, quibus Ptolemæi vestigiis institit, Artemidori Ephesii, & Menippi Pergameni epitomen comprehendat, eundem cumulavit horum scriptorum fragmentis, quæ ex variis Scriptoribus decerpit. Extremum attulit Anonymi Periplum Ponti Euxini, ab Isaaco Vossio e bibliotheca Salmasiana cum annotatis editum, & Scylaci subjunctum, nuperque a CL. Gronovio cum Scylace recensitum. His ita constitutis, operam dedit, ut Scriptoris cujusque contextum ad emendatissimi codicis exemplum exigeret; ea tamen judicii libertate, ut nonnunquam lectionem ejectam restitueret, & male affectæ integriorem sufficeret, reliquarumque editionum varietates, ibidem atque alibi passim obvias, subinde indicaret. Cumque stricturas breviusculas ad imam cujusvis paginae

partem subjecerit, tum observationes Hoeschelii, Vossii, Bocharti, Palmerii, Gronovii, ampliores in unum collegit corpus, iisdemque interseruit notas Gesneri, Stuckii, Blancardi selectas, ac quicquid de summo usui scriptoribus ornamentoque futurum, aut observavit ipsemet, aut ab aliis observatum esse comperit legendo. Concinnatis ad extremum indicibus, brevique Omissorum & Corrigendorum Appendice adjecta, volumini huic ultimam imposuit manum. Illud autem Lectorem rogat Vir CL. ut sibi faciat indicium, si quod forte opusculum, Geographiæ hujus rationibus innexum, quod quidem nondum in vulgus emanarit, in bibliothecarum pluteis scriniisve meminerit asservari. Quibus quidem precibus omnes, nisi nos fallunt omnia, vota conjungunt sua, qui egregium CL. Hudsonis institutum comprobant, & quod apparatur opus, sua metiuntur utilitate, eoque reliquas ejusdem partes & lautissime instrui volunt, & cupidissime expectant.

**DE LAPIDIBUS, PODAGRA ET CHIRAGRA IN HUMANO
Corpore productis. Auctore JO. BAPTISTA CONTULO,
Bononiensi Philosophia ac Medicina
Doctore.**


Romæ, apud Bernabo, 1699. in 4. Plag. 10. Fig. Tab. 10.

Tab. VI.

Quam Nobilissimus Autor de calculorum & arthritidis generatione ac curatione foveat sententiam, in Actis superiori jamdum anno strictim indigitavimus, cum Brevis ipsius Instructio Medica de Glutine Italico conscripta sermone, atque hic etiam denuo annexa, esset recensenda. Ne repetendo itaque nunc eandem actum agamus, e præsentis scripto, specialius cumprimis tum calculorum in diversis corporis nostri partibus, ipsisque vesicæ quoque vulneribus ac steatomate cruris productorum exempla enumerante, tum methodum docente, qua vesicæ calculis, sive marmoreis, sive mucosis, argillofis & saponaceis in principio debeat succurri, unicam figurarum Tabulam, cutis quæ structuram illustrat, nobisque VI est, una cum Autoris Observationibus nonnullis, e cadaverum sectione petitis, liceat transcribere. Nempe quemadmodum Berlingerus Gipseus, Professor quondam Bononiensis, in cerebro ægri, præternaturali capitis figura dotati

TAB. VI. ad A. 1699. pag. 396.

Tabula de Cute externa, interna, et pediculis microscopio
inspectis in recenter mortuis.



tati, ac ex continua demum cephalalgia denati, pinealem glandulam totam petrosam, magnitudine nucem avellanam adæquantem annotavit, tri incisam: ita Noster in gibba dextra pulmonum adolescentis, a fixo pectoris dolore pertinaci consumti, calculum marmoreum striatum, ovi columbini speciem præ se ferentem, cum alio in lobis illis prope arteriam asperam hærente, deprehendit; in æramentorum autem fusore quinquagenario, qui de capitis & ventriculi doloribus, inappetentia febrique continuis fuerat conquestus, laterem quasi perdurum & excoctum in ventriculi fundo prope pylorum observavit. Neque negligenda, quæ anno elapso in Eminentissimi Cardinalis Franzoni, anno ætatis octogesimo sexto defuncti, tam thorace; quam abdomine apertis, fuere detecta: ibi enim pulmones parvæ molis prorsus putridi; hic vero ren dexter multo minor ac flaccidior sinistro; in sinistri tamen ureteris extremitate prope vesicam duo calculi, magnitudine & pondere olivarum osculis respondentes, sed inæquales ac fere triangulares, tandem præter utramque arteriam cruralem, cartilagineo-ossæam, in vesica tres calculi perquam scabri, alter rotundus, reliqui autem ferme semilunares, omnes sibi invicem combinati ac interiori vesicæ membranæ stricte agglutinati, cum prioribus libræ unius pondus attingentes, comparuerunt.

DESCRIPTIO QUINQUE PARIUM MUSCULORUM, DIVERSIS capitis motibus super primam & secundam cervicis vertebra[m] insertientium, nec non duorum ligamentorum, vel caput cum prima vertebra, vel hanc cum secunda connectentium &c. a Dn. Dupré Chirurgo Xenodochii Parisiensis, quod Hotel Dieu vocant, edita, & in Transactis Philosophicis Anglicanis N. 251. i. e. mense Aprilis anni præsentis, a Guilielmo Cowpero cum Epicrisi recensita. Ex Anglico sermone in Latinum translata.

TRACTatum hunc parvum in Gallia nuper typis exscriptum Autor ad Listerum misit, qui mecum eum communicavit. Autor ipse magnifice de eodem videtur sentire, dum obvia talia organa hætenus Anatomicos latuisse miratur hisq; inventis æmulationem in iis, qui arti suæ addicti sunt, egregie incitatum iri sperat, ceu quæ & palmaria sibi fuerit ratio, cur Chirurgis Xenodochii Hotel-Dieu illum inscripserit.

Ad ipsam transversi processus prima cervicis vertebra radicem, musculus (inquit) utrinque oritur quatuor lineas (tertiam pollicis partem) latus, qui oblique ad interiora pergens in parvum ac levem quandam sinum ovalem, processui styloidi antèrius insculptum, implantatur, ac in Figura prima delineatus Franator (Rengorgeur) capitis obliquus appellatur.

Par hocce musculorum in *Myotomia mea Reformatà* A. 1694 divulgata p. 126, sub titulo *rectorum internorum minorum* descripsi, quod ad situm rectum vergant *rectis majoribus* subjecti, atque *rectorum minorum* posteriorum antagonistæ existant. Ab usu *annuentes* poterunt dici, cum caput antrorsum recta nutent. Alter eorum in situ in *Tractatus mei citati* Fig. 3. i. meæque *Appendicis ad Anatomiam Corporis Humani* Fig. 8. H. & Fig. 25. i. exprimitur.

A transverso processu (inquit,) prima cervicis vertebra crassus musculus carneus emergit, digitum circiter latus, qui perpendiculariter ascendens sub processu styloide inter hunc & processum mastoideum inferitur, atque Franatoris capitis recti nomine insignitur.

Hoc non minus, ac antecedens musculorum par, tredecim abhinc annis in corpore humano detexi, tuncque temporis D. Brown, Capitaneo *Wine* honoratissimo meo amico præsentè, monstravi; verum primarios Myographos evolvens mox deprehendi, ultimum istud par post *Galenum* ab *Oribasio* ex parte commemoratum, & satis exactè a *Fallopio* subsequentibus descriptum fuisse verbis: *Ultimo in loco notandi sunt Musculi duo admodum parvi, qui a processu transverso primæ vertebra orti valde graciles ascendunt ad caput, & in illud inferuntur prope mammillarem processum.* Idem in *Tractatu* superius allegato p. 127. Fig. 3. k. describuntur ac depinguntur.

Tertium musculorum par *Franatorum posteriorum* titulo a Dn. *Dupré* indigitatum, neutiquam (juxta ipsius descriptionem) ab iis, de quibus Autores communiter *obliquorum superiorum* nomine agunt, videtur differre.

Quartum par, cujus meminit, *Rectorum minorum* videtur portio. Hi (inquit,) *musculorum obliquorum majorum & minorum existunt auxiliarii*; id quod tamen erroneum censeo, cum musculi hi in diversis capitis motibus super primam & secundam vertebra adhibeantur, ideoque unum musculorum par utriusque adjutor esse nequeat.

queat. Recte observat, tertium hoc & quartum musculorum par in omnibus subjectis haud reperiri, a *rectis* videlicet *minoribus*, ut conjicio, distinctum. Certe si musculos multiplicare licet, prout in variis appareant subjectis, Myologia perfecta nunquam valebit obtineri, quia in corporibus nonnullis distincti haud raro reperiuntur muscoli, quibus tamen alia destituuntur, quemadmodum in *Rhomboide*, *Psoas*, *Elevatore Scapule*, multisque aliis sæpe annotatum fuit.

Ultimum musculorum par, ab Autore nostro memoratum, a medio processuum transversorum secundæ vertebrae proficiscitur, tenue ac breve, in radices sub transversis processibus vertebrae primæ desinens. Quos musculos ab usu *Flexores vertebrae primæ super secundam* appellat.

Cum occasio nuper daretur partes has in puero, quamvis multum emaciato indagandi, carneas detegere poteram fibras musculos ejusmodi referentes, & quidem non solum inter processus transversos primæ & secundæ vertebrae, sed & duarum vicinarum, quin ex mea conjectura simili quoque ratione proximarum; tempus tamen investigationi ulterius insistere haud permittebat.

Quomodocunque autem res se habeat, difficulter mihi persuadere valeo, a musculis istis primam vertebrae super secundam posse flecti. Motionis ejusmodi in dictis vertebrae difficultas promte cuilibet patebit, qui modum, quo invicem articulantur, volet examinare. Constat namque, processus duos planos harum vertebrae horizontaliter inter se adaptari, adeoque aptos unice esse, qui in alterutrum latus, interveniente axe sive processu odontoide vertebrae secundæ, moveantur. Mihi potius iidem muscoli *obliquos inferiores* videntur juvare, sed cum exiles admodum existant, usum tantum habent in capite demittendo seu leniter in alterutrum latus inclinando, in quantum alteruter se contrahens processum transversum vertebrae primæ perpendiculariter ad secundam adducit, v. g. quando caput demittendo moerorem exprimimus. Musculi transversis processibus reliquarum vertebrae cervicis interjecti, superiori pariter vertebrae lateraliter commovendæ inserviunt.

Capitis motus super primam vertebrae ex articulationis ejus modo adeo manifestus, ut summo opere mirari subeat, cur plerique modernorum Anatomicorum (observante Dn. Dupré) caput tantummodo super secundam moveri asserant.

Pri-

Primum duorum ligamentorum a Dn. Dupré descriptum, inter primam & secundam vertebra in medio & anteriùs locatur. Hoc nulla ratione ab eo discrepare videtur, quod Galenus, Vesalius, & tantum non omnes descripserunt, quale & anteriùs reliquas inter vertebra deprehenditur.

Alterum ligamentum (inquit,) longitudine digitum & crassitie calamum anserinum aduans, supra medium protensi ossis occipitis, & superiorem, mediam atque anteriorem partem vertebra prima connectitur. Deficiente (pergit,) hoc ligamento, Aponeurosis occipitis os cum vertebra colligans, hic loci robustior ac crassior observatur. In quo pariter tantam discrepantiam a descriptione, quam plerique Scriptorum de ligamentis hujus partis exhibuere, non video, ut inventum novum mereatur dici; satis quippe evidenter anterior hujus ligamenti pars in medio omnem quamcunque reliquam ejus portionem multum crassitie excedit.

Tab. VII. Figura I. Dn. Dupré, partem inferiorem ossis occipitis, una cum tribus superioribus vertebra cervicis, anteriùs lustratam exhibet.

A. Processus mastoideus. 2. Protensio ossis occipitis. 3. Foramen ossis occipitis, per quod medulla spinalis descendit.

4. Prima vertebra cervicis. 5. Secunda. 6. Tertia. 7. Musculus, quem *Frenatorem* capitis posteriorem vocat. Hunc pro parte reputo *Obliqui superioris*, prout apparebit, si descriptio ipsius cum ea conferatur, quam in *Myotomia Reformat* a p. 120. Fig. 3. b. suppeditavi.

8. Musculus, *Frenatoris* capitis *recti* nomine apud Dn. Dupré veniens, quem a situ *rectum lateralem* appellavi. A *Fallopio* describitur, ac in *Figura* ultimum citata adk exprimitur.

9. Musculus, quem *Frenatorem* capitis *obliquum* dicit, ego autem *annuentem* & *rectum internum minorem* ibid. p. 126. Fig. 3. i. vocavi. Hic æque ac præcedens musculus in *Appendice* mea ad *Anatomiam Corporis Humani* Fig. 8. & Fig. 25. delineatur.

10. Musculus, quem *Flexorem primæ vertebra* super secundam appellat.

11. Ligamentum, cujus pars superior ossis occipitis protensioni, altera vero extremitas superiori parti vertebra primæ alligatur;

TAB. VII. ad A. 1699. pag. 400.

Fig. 2.




Fig. 1.




Fig. 3.





Fig. 4.



tur; hoc portio videtur ejus, quod *Vesalius l. 2. c. 30.* descripsit ac delineavit.

12. Alterum ligamentum breve anterius inter omnes reliquas vertebrae vulgo observatum.

Fig. 2. Dn. Dupré partem ossis occipitis, cum duabus prioribus vertebrae cervicis, a tergo spectatam repræsentat.

1. Pars interior ossis occipitis. 2. Musculi *recti minores*. 3. 3. Quartum musculorum par, a Dn. Dupré indigitatum & pro *auxiliariis obliquorum majorum & minorum* reputatum; qui *rectorum minorum* mihi videntur portio. 4. 5. Prima & secunda vertebra cervicis.

A. processus mammillaris.

Quæ tamen Figuræ cum minus habeantur exactæ, commodum visum fuit, duas eorundem ossium in simili situ Figuras addere, ad vivum delineatas, non solum ut musculi superius recensiti, sed & nonnulli alii, a Dn. Dupré in partium harum dissectione forsan detegendi ac pro novis itidem inventis venditendi, eo melius explanentur.

Fig. 3. partem superficiem externam in cranii basi sistit, cum partibus anterioribus cunctarum cervicis vertebrarum. NB. Lineæ, quæ punctis notantur, progressum musculorum in ossibus innuunt.

AA & c. Pars basis cranii. BB. Duo processus mammillares. CC, Processus styloidei.

D. Protensio ossis occipitis. E. Pars foraminis, per quod medulla spinalis descendit.

a a. Portiones duorum processuum condyliiformium ossis occipitis, qui a vertebra prima recipiuntur.

1. 2. 3. Partes anteriores septem vertebrarum cervicis. bb. Processus transversus vertebrae primæ.

c c. Earum perforationes, quas trunci arteriarum & venarum vertebrarum transeunt.

d d. Processus transversus vertebrae secundæ. e. f. g. h. i. reliquarum vertebrarum cervicis processus transversus.

k k. Partes processuum obliquorum ascenduntium & descenduntium pone transversos.

ll. & c. Foramina inter vertebrae propter egressum nervorum

E e e

rum

rum a medulla spinali.

FF. - - Musculi *annuentes* a Dn. Dupré *Franatores obliqui* dicti.

GG. - - *Recti laterales* ab eodem *Franatores recti* vocati. H

H. - - Musculi, quos *Flexores vertebræ primæ* super secundam nominat, ego autem usum potius in demittendo capite præbere existimo, a processibus transversis vertebræ secundæ emergentes, ac oblique antrosum ad primam ascendentes.

I. - - *Obliquus superior*, quem Dn. Dupré *Franatorem posteriorem* vocat.

Fig. 4. Ossium in præcedenti Figura exhibitorum partes posteriores ostendit cum lineis æque ac antea punctatis.

A. Os occipitis. BB. Portio suturæ Lambdoideæ. CC. Ea ossis occipitis portio, ubi *Splenius*, *Complexus* ac reliqui musculi capitis terminantur. DD. Processus mastoidei.

EE. Portio processuum styloformium. 1. 2. 3. Partes posteriores omnium vertebrarum cervicis.

FF. Musculi *recti minores*. GG. - - Musculi, quos Dn. Dupré auxilios obliquorum majorum & minorum asserit, ego autem proportionem modo nominatorum *rectorum minorum* habeo, in cunctis haud corporibus ut distincti occurrentes.

HH. - - - *Recti laterales* a Fallopio memorati.

II. - - - Musculi exiles inter processus transversos primæ & secundæ vertebræ cervicis locati.

i. - - - Alius musculus exilis priori similis, inter secundam & tertiam vertebram situs.

KK &c. Quatuor musculorum paria, quos *Interspinales colli* appello in *Myotomia Reformatâ* descriptos &c.

HISTOIRE DE L' EGLISE DEPUIS JESUS CHRIST JUS-
qu' à present &c. par Mr. BASNAGE, Tom. I.

id est.

HISTORIA ECCLESIAE A NATO CHRISTO AD HOC US-
que tempus: auctore JACOBO BANAGIO. Tomus I.

Roterodami apud R. Leers, 1699. fol. Constat universum opus

13 Alphabetis & plagulis 17.

Quam doctrinæ & eruditionis laudem Vir Celeberrimus Jacobus Banagius ante aliquot annos ab omnibus retulit, cum in
con-

conspetu totius Ecclesiæ, Protestantium causam contra Jacobum Benignum Bossuetum, Meldensium Episcopum celeberrimum, doctrinæ variationem Protestantibus exprobrantem, masculè feliciterque defenderet; eam insigni hocce & splendido opere egregie auctum iri, nulli plane dubitamus. Istius autem certaminis, quod cum Bossueto illi subeundum fuit, statim in limine injicit mentionem, exemplisque plurimis evincit, variationes sententiarum, quas de doctrinæ quibusdam capitibus Doctores foveant, si Ecclesiæ fraudi essent, aut ex iis colligi posset, eam Ecclesiam, in qua deprehenduntur, non esse veram, & de ipsa antiqua Ecclesia, & multo magis de Romana, longe facilius hoc comprobari posse. Esse tamen variationes non unius generis, idque Bossueto non esse observatum porro docet, indeque nec de omnibus uno eodemque judicandum modo, multo minus ex istis, quæ in Ecclesia Protestantium forte se offerunt, quæ leviores tamen sint, nec ad fundamentum doctrinæ cœlestis pertineant, colligendum, quod a veritate aberraverint. Atque hæc licet ita se habeant, non tamen diffitetur, historiam variationum a Bossueto conscriptam dedisse sibi occasionem, opus istud præclarum, quod nunc orbi erudito exponitur, conscribendi. Cum enim ille contra Albigeneses & Valdenses, ceu Protestantium progenitores, prolixè & copiose declamaverit, operæ seduxisse pretium, Ecclesiæ, & qua illa semper personuit, doctrinæ successionem, justa serie, a prima origine ad nostra usque tempora deducere. Idque ea ratione pertractandum sibi sumpsit, ut quatuor partibus opus universum absolvatur, quarum prima historiam regiminis Ecclesiastici, tum generatim, tum in singulis diœcesibus illustrioribus, Alexandrina, Antiochena, Africana, Gallicana, Constantinopolitana, atque Romana exhibeat: altera historiam præcipuorum dogmatum, de canone Scripturæ, de traditionibus, de octo conciliis œcumenicis, de justificatione, de gratia, atque de eucharistia listat: tertia vero, quæ de adoratione sacramentorum, de cultu Angelorum, Mariæ Virginis, Sanctorum, reliquiarum, imaginum memoratu digna occurrunt, recenscat: quarta denique historiam Albigensum, successionemque Ecclesiæ ad nostra usque tempora referat. Non dissimulat, jam multas historiæ hujus partes sigillatim a viris doctis fuisse pertractatas, quin lucubrationibus præstantissimis summorum virorum, Blondelli, Albertini, Dallæi, Larroquani, Stillingfleeti, Dodwelli, Spanhemii, aliorumque se mirifice adjutum fuisse, gratus pro-

fitetur : aut vel hoc nomine, quod in unum corpus coire jufferit, quæ dispersa hætenus erant atque disjecta, non ingratum multis hunc laborem fore, non sine ratione sperat.

Regiminis itaque Ecclesiastici historiam exhibiturus, primo de Ecclesiæ origine ejusque regimine generatim, de Episcoporum, Metropolitanorum & Patriarcharum constitutione, eorumque potestate & juribus præcipit. Prima regiminis Ecclesiastici origo incerta dubiaque illi videtur, nec in Scriptura Sacra Episcopos atque Presbyteros ita distingui, ut non unam eandemque utrorumque fuisse dignitatem, existimare possis. Hammondum hic notat, ad eruendam Episcoporum originem, verba quæ in Actis Apostolorum Cap. II. 25. de Juda leguntur, eum abiisse in suum locum, ita interpretantem, ut non ad Judam, sed ad Matthiam Apostolum in Judæ locum electum, ea referat, sensumque esse contendat, admotum esse Matthiam Episcopatum, per mortem Judæ vacuo. Quam explicationem nimis subtilem vocat, fundamentoque destitui pronuntiat. Inter Patres Ecclesiæ Clementem Romanum atque Hieronymum favere Presbyterianis docet, licet Hieronymus non satis sibi constare videatur. Eusebii magnam prima fronte hic videri auctoritatem, dum non tantum seriem atque nomina omnium Episcoporum Hierosolymitanorum refert, sed innuere quoque videtur, quod ipsius Ecclesiæ Hierosolymitanæ Catalogos viderit. Ast in hanc demum sententiam aliquem ingredi posse dicit, qui tantum Valesii versionem consuluerit, ipsum Eusebium hoc non affirmare. Nec vero hoc esse ulla ratione simile, cum nullius Ecclesiæ Catalogi magis confusione ac erroribus laborent, quam isti Hierosolymitanæ, ut adeo pro genuinis haberi nequeant. Certe si ipsa exempla primaria inspexisset Eusebius, accuratiorum catalogum eum exhibiturum fuisse, dubio carere putat. Constare autem, quod Eusebius tantum consuluerit Hypotyposes Clementis, non Alexandrini, sed alterius cujusdam. Sed quod ad rem ipsam attinet, regiminis Ecclesiastici formam a Judaicis accepisse Christianos, porro doctissimus Banagius ostendit. Judæos suæ gentis ritus plurimos in Ecclesiam Christianam intulisse, pro certo habet. Hinc & Presbyterorum eandem apud Judæos fuisse conditionem, ac apud Christianos. Eadem utrobique eos quoque gavisos fuisse potestate. Synagogarum autem Præfectos cum Episcopis Christianorum omnino esse comparandos.

randos. His ita comprobatis, porro docet, in singulis urbibus olim constitutos fuisse Episcopos, nec ullam tam exiguam fuisse, quæ non suum habuerit Antistitem. Nec enim veteres Christianos id egisse, ut ambitioni ac avaritiæ Episcoporum consuleretur; quod tum factum, cum non nisi in urbibus majoribus constituti Episcopi, pluresque unius regimini subiectæ sunt provinciæ, autumat. Quin in primitiva Ecclesia non semper unum, sed duos pluresve in una urbe fuisse Episcopos contendit. Certe eos, qui Apostolos pro Episcopis habeant, negare non posse, Romæ uno tempore duos Episcopos fuisse, Paulum atque Petrum, cum utrumque ibi vixisse, & martyrii coronam retulisse constat. In Ecclesia Hierosolymitana itidem plures uno eodemque tempore Episcopos fuisse, vel ex maxima Episcoporum Hierosolymitanorum multitudine, quæ in Catalogis eorum apud Eusebium conspiciatur, recte colligi. Namque Blondelli conjecturam, ideo numerum horum Antistitum auctum tantopere esse, quod provecæ ætatis viri ad hanc dignitatem ibi evecti fuerint, quorum unus morte sua mox alteri fecerit locum, ideo non approbat, quod in reliquis itidem Ecclesiis seniores Episcopali muneri admoti fuerint, & in illis nihilo secius tanta non inveniatur Episcoporum multitudo, quam in Hierosolymitana. Sed hoc ipso tamen nec Hammondo suffragatur, contendenti duas Hierosolymis fuisse Ecclesias, unam ex Judæis, alteram ex Ethnicis collectam, quarum quælibet suum habuerit Episcopum. Namque huic opinioni diserte refragari Eusebium, asserentem, omnes Episcopos, qui ad Hadrianum usque Ecclesiæ Hierosolymitanæ præfuerunt, natione fuisse Judæos; ut nunc ceteras rationes, quibus eam sententiam impugnatur, taceamus. Ast Alexandria unum tantum Episcopum fuisse concedit, refellitque Abrahamum Echellensem, duodecim uno eodemque tempore huic Ecclesiæ præfuisse affirmantem. Philippis & Ephesi plures uno tempore fuisse, extra dubium positum putat, quæque Hammondus hic opponit, paucis diluit. Observat quoque, in more positum fuisse veteribus, vivente adhuc Episcopo successorem ei designare, si res Ecclesiæ istud poscerent: indeque originem Coadjutorum derivat. Cujus quidem instituti primum exemplum in Alexandro Cappadociæ Episcopo, sed postea cum Narcisso Ecclesiam Hierosolymitanam regente, reperiri affirmat. Quæ de Chorepiscopis differit, in compendio nobis exhibent,

bent, quæ alii prolixè de iis sunt commentati. Eorum originem ad ipsos Apostolos, fretus auctoritate Clementis Romani, refert. Et si enim in concilio Ancyrano & Neocæsariensi, nominis hujus primum facta sit mentio, errare tamen magnopere, qui inde concludant, circa annum 270 demum ortos eos fuisse; quæ & Morini fuit sententia, qui ideo Nostro vapulat. Interim Chorepiscopos Pastorum munere fuisse functos, jureque in ordinem sacrum alios recipiendi fuisse gavissos, contendit. Ultra quartum quoque seculum hanc dignitatem in Ecclesia fuisse in usu observat, non obstantibus quorundam conciliorum, eam abrogantium, decretis. Hæc & alia prolixè edisserit, eodemque modo de parochiis Episcoporum, eorumque diœcesibus, functionibus quoque & jurisdictione disputat. Metropolitanorum originem ab Ethnicis repetit. In quo dum versatur, Hierarchiam quandam Ethnicis receptam fuisse, a qua Christianorum Hierarchia non procul recedat, instituta comparatione evincit. Namque & apud eos in qualibet urbe sacrificulis superiorem quendam sive Pontificem præfuisse, qui rursus illi, ad quem sacrorum cura in tota provincia spectavit, fuerit subjectus. Et ad horum quidem exemplum Metropolitanos in Ecclesia Christiana fuisse constitutos. Illis autem, qui ad Apostolos Metropolitanorum institutionem referunt, neutiquam suffragatur: refellitque argumenta, quibus doctissimi viri, Usserius, Hammondus, Marca, Morinus, Beveregius, Pagius, hanc sententiam confirmare aggressi sunt. Inter alia nonnulli eorum ex eo, quod Petrus Apostolus Epistolam suam scripsit ad fideles dispersos per provincias Ponti, Galatiæ, Cappadociæ, Bithyniæ, collegerunt, constituisse eum, in regimine Ecclesiæ eandem sequendâ esse distributionem provinciarum, quam in Imperii administratione adhibuerunt Romani. Ad quod respondet Banagius, si hoc Apostolo constitutum fuisset, nullam se videre rationem, cur non Episcopis Ephesinæ, Nicomædiensis, aliarumque Ecclesiarum potius inscripserit Epistolam, cum & hi Metropolitanæ fuerint. Sed ex his, cujusmodi cetera sint, intelligitur. Philippis, Philadelphiæ, & Thyatiræ Ecclesias Metropolitanas fuisse, negat, finitque hanc tractationem, postquam trium primorum seculorum traditionem sub examen revocavit, subnectendo quædam de juribus ac privilegiis Metropolitanorum. Ad Patriarchas hinc delatus, statim cum Morino, Allatio, aliisque congreditur, asserentes a Petro

Petro tres Patriarchas fuisse constitutos, Alexandrinum pro Ecclesiis Africanis, Antiochenum pro Asiaticis, Romanum pro Europæis, inq; eo receptam Geographis orbis divisionem eum fuisse secutum. Ast nihil omnino, quod momentum trahat, hosce Auctores pro sua sententia asserre, Banagius docet. Namque niti eos Decretalibus ejusmodi, quæ omnium consensu ac confessione spuria sint ac supposititiæ, aut uti testimoniis Pontificum, qui multis post Patriarchatum erectionem annis vixerint, & quibus adeo nulla probandi vis insit, quippe qui secundum morem sententiamque sui temporis de ejusmodi rebus loqui consueverint. Deinde ex plerisque Auctorum Ecclesiasticorum testimoniis, quæ magno numero afferantur, nihil aliud colligi quam Petrum & Romæ & Antiochiæ fuisse. Quod si vel maxime concedatur, non tamen statim inde sequi, quod Patriarchatus ibi instituerit. Inepte quoque provocari ait ad illos, qui de magnitudine urbium Patriarchalium verba fecerunt: cum iterum non nisi per ambages, & infirmo plane concludendi genere inde elici queat, ideo hasce urbes a Petro delectas fuisse, ut Patriarchis sedem præberent. Multa id genus alia contra Patriarchalem in Ecclesia dignitatem Auctor doctissimus in medium affert, tandemque concludit, gradatim Patriarchas ad istud fastigium emeruisse, quod postea in Ecclesia obtinuerunt, deque privilegiis eorundem atque functionibus itidem nonnulla subnectit.

Inter Ecclesias Patriarchales, de quibus sigillatim Auctor agit, primum locum tribuit Alexandrinæ. Eam a Marco Evangelista conditam fundatamque fuisse, plerique Hierarchiæ defensores autumant. Qui tamen Nostro fundamento destituti videntur. Eusebium enim talia commemorantem famæ incertæ inniti. Hanc autem successu temporis per traditionem in certam veritatem evaluisse, cui refragari multi nefas ducant. Accedere autem, quod quæ de itinere Marci Alexandriam suscepto referuntur, aut aperte falsa sint, aut per rationes Chronologicas, quod Auctor ostendit, ita impedita, ut sententiæ istius patroni nullo modo hæc inter se conciliare valeant. Dum in hisce occupatur, Therapeutarum illi quoque injicienda fuit mentio, quos Christianos fuisse diserte negat. Atque de origine quidem hujus Ecclesiæ postquam hæc & alia disputavit, de regiminis Ecclesiastici a Marco constituti forma, deque diocesi Patriarchæ Alexandrini sollicitus est. Observat autem, Ecclesiam Alexandrinam in plures parochias

chias fuisse divisam admodum exiguas, quarum cuilibet Presbyter aliquis præfuerit. Diœcesin autem Episcopi Alexandrini primo quidem urbis mœniis fuisse circumscriptam, mox autem hosce Præsules imperii sui Ecclesiastici limites longius latiusque protulisse. Æthiopiam autem huic Patriarchæ subjectam fuisse negat, refellitque Morinum secus sentientem. Sed nec Africam ei subfuisse docet, ut ut constet, Alexandrini Præsulis maiorem amplioremque olim fuisse diœcesin quam Romani. Inter Episcopos Alexandrinos, primum, de quo certi quid & indubitati affirmari queat, esse Demetrium, quem lites, quæ cum Origene illi intercesserunt, reddiderint celeberrimum. Demetrium istum non aliam ob causam maximo odio persecutum fuisse Origenem, Banagius asserit, quam quod excellens Origenis ingenium, doctrina singulari excultum, invidiæ Demetrii eum objiceret. Ast Origenem dum laudat, innocentiam simul ejus vindicat ab eorum inculpationibus, qui idolo eum thus obtulisse asserunt, ne stuprum Æthiopis cujusdam pati cogeretur. Hos inter & Huetius est, qui Epiphaniî fretus auctoritate, hac de re non dubitat. Nostro autem in ceterorum scriptorum fide dignorum silentio, Epiphaniî auctoritas hic tanti non videtur, ut ea unice standum sit. Cum enim constet, Epiphanium Origenem magno odio fuisse persecutum, facile eum adduci potuisse, ut aliorum narrationibus quantumvis frivolis fidem adhiberet, aut ipse quoque tale quid fingeret, autumat. Certe sententiam, quam Demetrius contra Origenem pronunciavit, injustam fuisse, Banagio extra dubium positum videtur. Sed reliquos Alexandrinæ Ecclesiæ Præsules dum ordine refert, deque illorum fatibus exponit, gravissima subinde Historiæ Ecclesiasticæ capita attingit. Quis vero hac de re dubitaret, cum de Dionysio Alexandrino, Alexandro, Athanasio, Theophilo, Cyrillo, ceterisque quorum nomina nemini, nisi qui hospitem plane ex veterum monumentis retulerunt animum, ignota sunt, ex instituti quod sequitur lege, prolixè illi dicendum fuerit; ne dicamus, quod schismatis Meletiani, & Arrianismi Historia, hic non potuerit sicco ab eo præteriri pede.

Alexandrinum Patriarcham excipit Antiochenus. Antiochia, quæ huic sedem præbuit, Orientis metropolis dici solet. Quo nomine Orientis Syriam solum designari, Banagius contendit. Esse quidem nonnullos, qui Orientis limites latiores, amplioresque constituant.

stuant, quod Lactantius referat, Diocletianum in Oriente fuisse, cum in milites Christianos favire inciperet; at cum in bello contra Persas mox in Mesopotamia, mox alibi fuerit commoratus, nihil ob- stare, quo minus A. 295 Antiochiæ degere potuerit, ut adeo ibi quoque Orientis voce Syria tantum designetur. De origine autem Antioche- næ Ecclesiæ verba faciens, diserte negat, eam a Petro fuisse fundatam. Constare namq; ait ex Actis Apostolorum, post mortem Stephani, non- nullos per cladem Christianis Hierosolymitanis illatam, dispersos Antiochiam delatos, prima Christianæ religionis semina ibi sparsisse, quorum nomina ignorentur: tum demum Barnabam & postea Pau- lum Antiochiam concessisse, ut Ecclesiam ibi jam constitutam con- firmarent, eosque sine dubio regimen quoque Ecclesiasticum ibi in- troduxisse: hisce demum peractis Petrum Antiochiam venisse, ibique a Paulo fuisse reprehensum. Quæ omnia rem palam evincere putat, ut nulla Patrum quantumvis magna auctoritas secus sentientibus pro- sit. Primum autem Antiochenæ Ecclesiæ Episcopum Evodium fu- isse autumat, eumque solum huic Ecclesiæ præfuisse, contra Baronium, a duobus Episcopis tum hanc Ecclesiam administratam fuisse asseren- tem, evincit. De diœcesi quoque hujus Ecclesiæ non omnes idem sentire autumat: hoc tamen pro certo habet & explorato, Asiam u- niversam imperio Antiocheni Patriarchæ non fuisse subjectam; Igna- tii autem diœcesin urbis mœniis fuisse circumscriptam: de cujus vita rebusque dum verba facit, Epistolam ejus ad Romanos, & Acta Mar- tyrii ejus a Ruinartho luci publicæ exposita sub examen revocat. Inter ceteros autem Antiochenæ Ecclesiæ Præsules celebris quoque est Ba- bylas, a quo Philippum Arabem Imperatorem, quod Gordiani filium interemisset, excommunicatum & templi ingressu prohibitum, Chry- sostomus auctor est, quem multi recentiorum sequuntur. At falli Chrysoctomum, Banagius citra ambages pronuntiat. Nimis credu- lum huncce fuisse Præsulem ait, cui facile fama & rumor aliquis im- posuerit. Interim cum semel aliquid pro certo arripuerat, inquit, verbis magnificis id exornare didicerat, ut nemini non verissimum ef- se, quod dicebat, persuaderet. Ipsum autem Chrysoctomum figmen- ti hujus vanitatem prodere, quod nomen Imperatoris ignoret, cui tale quid a Babylo contigerit. Quod si nunc porro, quæ de conciliis An- tiochiæ habitis, de Paulo Samosateno, de Meletio & schismate Mele-

tiano, ceterisque Patriarchis Antiochenis, prolixè & erudite disputat, saltem eundo per summa capita, indicare vellemus, instituti nostri nobis plane migrandi essent limites. Proinde ad alia progredimur.

Africanam Ecclesiam ab Apostolis non esse fundatam constat, & ipsi hoc, ut Banagius observat, fatentur Africani, hoc ipso, eodem iudice, ceteris cordatiores, qui ut Apostolorum successores videntur, figmentis & mendaciis Ecclesiarum suarum consulere dignitati & antiquitati non erubescant. Originem autem Christianismi in Africa obscuram atque incertam esse pronuntiat: eosque qui aut Petrum Africanis doctrinam cœlestem annuntiasse, aut alium quendam Roma in Africam missum, ut hoc ibi officio fungeretur, contendunt, in magno versari errore non dubitat. Cum primis hic Auctori res est cum Emanuele a Schelstraten, quem omnes ingenii eo contulisse vires constat, ut Romanorum Pontificum in Africanas Ecclesias imperium stabiliret: itaque ab iis & doctrinam cœlestem in Africam usque propagatam fuisse autumat, provocatque, ut plerique Romanensium solent, ad Augustinum, exerte asserentem, quod Roma illis Evangelii doctrinam impertiverit. Quod ipsum Banagius ita diluit, ut parum ingenue verba Augustini ab iis afferri conqueratur. Alloqui enim hunc Præsulem Episcopum Carthaginiensem, asserereque, quod Donatistarum facile carere queat communione, eo quod cum Ecclesia Romana, reliquoque orbe, unde Evangelium transiverit in Africam, ei communio intercedat. Omittere ergo eos verba, *reliquoque orbe*, ut propagata in Africa religionis Christianæ gloria ad Romanum Pontificem redeat. Ceterum Carthaginiensem Episcopum Præmitem Africae fuisse docet, ita ut licet tres fuerint in Africa Primates, juxta numerum provinciarum, in quas regiminis civilis causa Africa distributa erat, Africae scilicet Proconsularis, Numidiae & Mauritaniae, ceteri tamen Carthaginiensem ceu principem & caput Episcoporum fuerint venerati: quemadmodum & in regimine civili Proconsul in ceteras provincias omnes imperium obtinuerit. Fuisse quoque horum Episcoporum Carthaginiensium insignem auctoritatem, demonstrat. Namque eos convocasse Concilia nationalia, Episcopos Africae in ordinem sacrum recepisse, novos Episcopatus constituisse, aliisque privilegiis fuisse gaviolos, Quod vero Romano Pontifici fuerint subje-

ti,

Ati, denuo contra Schellstratum probat, ad Tertullianum, Augustinum, Innocentium I. aliosque Pontifices provocantem. Quod ut refellat Noster, observat primo, Patrum ac Pontificum testimonia rem hanc non conficere, cum nemini fas sit in propria causa testimonium dicere. Deinde manifestum esse, Episcopos Carthaginienses jura ac privilegia Patriarchalia habuisse. Ast, inquit, his si fuere gavisi, sedi Romanæ non potuerunt esse subiecti. Differit hinc de Primatibus, qui singulis provinciis præfuerunt, hisque enumeratis ad Cyprianum se convertit, controversiamque de baptismo Hæreticorum enarrat. Occasio hic Auctori se offert locum insignem Cypriani explicandi, quo Decium Imperatorem Cornelii Romani Pontificis æmulum vocasse videtur. Id quod maximopere ad dignitatem ac auctoritatem Romanorum Pontificum augendam pertinere contendit Albaspinæus, ut nihil temere præclarius hanc ad rem ex omni antiquitate afferri queat. Banagius contra, rejecta Salmasii emendatione, observat, a Pamelio vocem adjectam, quæ nec in codicibus MStis, nec in præstantioribus editionibus reperiatur, ut Imperatorem Pontificis æmulum faceret. Hisce velut in transitu delibatis, historiam de baptismo Hæreticorum prosequitur: quæque cum Donatistis, itemque cum Pelagianis in Africa gesta sunt, accurate edisserit, nec prætermittit, quæ a Vandalis perpeffa est Ecclesia Africana, & ita porro quæ in ea usque ad Saracenorum adventum, a quibus deleta penitus atque everfa fuit, memoratu digna contigerunt, iusta serie ordineque enarrat.

Restat nunc in prima hujus operis parte Historia Ecclesiæ Gallicanæ, Constantinopolitanæ & Italicarum, præsertim Romanæ; sed cum ex hæcenus allatis intelligi facile queat, quam tractandi rationem in his Auctor doctissimus teneat, & alia insuper non levioris momenti sese nobis offerant, hisce diutius non immorabimur. Ex Romanæ Ecclesiæ historia hoc unicum addimus, quod de Johanna Papissa, ex ordinis, quem sibi præscripsit, lege differens, nihil definiat de historiæ hujus veritate, asserta ab aliis, ab aliis in dubium vocata, sed recensitis dissentientium argumentis, judicium lectoris arbitrio committat.

Finita autem ista de Ecclesiæ regimine translatione, ad historiam dogmatum, quibus Ecclesia Christiana ad seculum XI usque personuit, progreditur. Primum hic locum tenet doctrina de Scriptura S. ejusque Canone, Certum hic exploratumque Auctori est, Apo-

stolos divinitus inspiratos ad scribendum se contulisse. Unicuique tamen certam se dedisse occasionem, quæ ut hocce munus scribendi susciperet, eum impulerit. Et Matthæum quidem ob dispersionem fidelium, in quam per furorem Judæorum conjiciebantur, permotum fuisse, ut historiam Christi servatoris litterarum monumentis consignaret. Metuendum enim ei fuisse, ne ita disjecti, doctoreque destituti, veritatis jacturam facerent. Græcane an Ebræa lingua scripserit, non definit. Sufficit illi affirmantium, negantiumque recensuisse argumenta. Ast Marcum Latina lingua scripsisse negat, exemplaque Evangelii ejus, quæ Venetiis & Pragæ ostenduntur, pro suspectis habet. De ceteris Novi Testamenti libris eodem modo multa observat, quæ lectu non sunt indigna. Nos autem paucis ea solum indicabimus, quæ contra Dodvvelum virum doctissimum Banagius disputat. Hujus sententiam ita refert, quod asserat, scripta Apostolorum & Evangelistarum latuisse in obscuro, & Christianis primitivæ Ecclesiæ plane fuisse incognita, usque ad tempora Trajani Imperatoris. Hoc enim victricia arma per Parthos circumferente, libros hosce a viris sacris scriptos itidem per Orientis regiones longe lateque propagatos fuisse. Lucam itaque Evangelistam, nec Matthæi, nec Marci Evangelium vidisse. Atque hinc evenisse, ut a ceteris dissentiat, iisque interdum contradicat. Præterea nec Clementem Romanum, nec Ignatium, nec Barnabam ad Evangelia unquam provocasse; saltem non posse dijudicari, si provocasse videantur, num Matthæi, an alterius cujusdam verba referant. Eosdem Apocryphos pariter ac Canonicos Auctores promiscue citare; quod documento sit, ab iis non satis a veris scriptoribus historiæ Evangelicæ, spurios & parum genuinos fuisse discretos, quod sub Trajano demum factum sit. Justinum Martyrem enim atque Irenæum primos fuisse, qui Evangelia in notitiam Ecclesiæ deduxerint. Ex quibus omnibus Dodvvelus, ut Banagius refert, colligit, Canonem Novi Testamenti per traditionem quorundam ætate conspicuorum, qui testati sint hæc scripta ab Apostolis esse profecta, fuisse constitutum, idque tempore Trajani Imperatoris. Hæc omnia, quantumvis ingeniose excogitata esse Noster non diffiteatur, neutiquam tamen ei se probant: sed ut ostendat, quam lubrico innitantur fundamento, duo sibi demonstranda sumpsit, primo, Evangelia ista cognita sæpiusque allegata fuisse a veteribus ante

tem -

tempora Trajani; deinde, ne sub Trajano quidem jam Canonem Scripturæ fixum determinatumque fuisse. Ceterum observat, per sententiam Dodvvelli fidem Scriptorum sacrorum facile in dubium vocari posse. Namque si profano homini tale quid persuadeatur, haud difficulter eum in eam ingredi posse sententiam, occultasse Evangelistas atque Apostolos ideo tam diu scripta sua, quod metuissent, ne si statim in lucem emitterentur, redarguerentur convincerenturque falsi, aut erroris, ab illis, quæ oculis suis, quæ gesta erant, usurpaverant, proque testibus fide dignis adeo erant habendi. Præterea, quod Scriptores sacri non voluerint latitare sua scripta, ex fine, quem quisque eorum sibi propositum habuerit, constare. Matthæum namque ideo Historiam suam scripsisse, ut Christiani per hostium furorem dispersi doctrinæ fideique haberent regulam. Quo fine excidisset, si voluisset Evangelium suum occultari. Ex Justino quoque observat, jam inde a temporibus Apostolorum receptum fuisse, ut diebus dominicis illorum scripta in Ecclesiis prælegerentur. Unde rursus sequi, illa non potuisse latitare in obscuro. Verba Lucæ, *quandoquidem aggressi sunt multi narrationem contexere compertarum apud nos rerum*, eundem & ab Eusebio de Evangeliiis supposititiis explicari; ast perperam, cum certum sit, eo tempore, quo Lucas scripsit, Evangelium nullum ab Hæreticis fuisse suppositum. Idque inde probat, quia falsi doctores, qui in Ecclesia Corinthiaca errores spargebant, hoc nomine a Paulo, quod Evangelia spuria finxerint, non sint reprehensi. Quin nec Simoni Mago, Gnosticorum patri, tale quid unquam fuisse objectum. Ebionitas demum hoc nomine male audire, quod libris spuriiis fucum facere aliis, religioni sibi non duxerint; ast eos Evangelia Matthæi, Marci & Lucæ recepisse, constare ex Mario Mercatore, & quæ sunt id genus alia. Quod autem ad locum istum Lucæ attinet, cum tum de Christianis quibusdam, verisque fidelibus, qui historiam rerum a Christo gestarum contexere ausi sint, tum & de Matthæo atque Marco intelligi posse contendit. Multo magis autem de Johanne manifestum esse, quod reliquorum Evangelistarum libros viderit. Diserte namque hoc testari Eusebium, qui referat, eos a Johanne fuisse comprobatos. Quin eundem Auctorem diserte affirmare, hos libros jam omnibus Christianis fuisse cognitos. Denique nec illud admittit, quod Ignatius, Barnabas, Clemens & Polycarpus Evangelia nunquam cita-

rint. Contrarium enim prolatis ex Ignatii & Barnabæ Epistolis exemplis demonstrat, quin & ex Epistolis Polycarpi & Clementis. Tandem addit, ipsis Hæreticis, Cerintho atque Ebioni, Evangelia ista non fuisse ignota, indeque concludit, ea multo minus Orthodoxis ignota esse potuisse. Et hæc quidem contra Dodwellum disputat. De Canonis autem Scripturæ constitutione dum porro est sollicitus, in tribus prioribus seculis Canonem N. T. definitum rite determinatumque esse, negat: quin unamquamque Ecclesiam hoc sibi sumpsisse, ut quosdam libros approbaret, alios rejiceret. Occasio hinc illi enascitur, de Epistola ad Ebræos, & Apocalypsi Johannis prolixius differendi. Illam ab Occidentalibus, hanc maxime ab Orientalibus Ecclesiis rejectam fuisse, observat. Negat quoque, in Concilio Nicæno Canonem N. T. constitutum esse, Baroniumque refellit, & ex Hieronymi verbis, ad quem Baronius provocaverat, tale quid colligi non posse, demonstrat. Potuisse enim Patres hujus concilii, librum quendam allegando, hoc ipso demonstrare, illum pro divinitus inspirato haberi: attamen inde nullo modo sequi, eos hac in re aliquid definivisse. Proinde in concilio demum Laodicensi hoc negotium confectum, Baronius autumat. Baronium quidem asserere, antiquius esse hoc concilium Nicæno: sed cum constet, in eo damnatos fuisse discipulos Photini, errorem Baronii esse manifestum. Censorem Baronii doctissimum, Pagium, sub Joviano demum, aut statim post ejus mortem, celebratum esse hoc concilium, asserere refert, & quidem a Theodosio Episcopo Philadelphensi, qui Arrianismo fuerit imbutus. Id quod Noster negat, tum aliis, tum hac cum primis ratione inductus, quod in hoc concilio damnati sint Photiniani, quod non facile a Præsidente Arriano expectandum sit. De Canone V. T. plane eodem modo, eundo per singula secula disserit, Patrumque & veteris Ecclesiæ de eo sententias affert.

Historiam Scripturæ Sacræ ejusque Canonis excipit historia versuum & traditionum, & hanc historia octo conciliorum œcumenicorum. Gravissima historiæ Ecclesiasticæ capita ab Auctore pertractari, quivis, etiam qui librum non vidit, conjectura facile assequi poterit, præsertim cum Auctori in more positum sit, cuncta accurate & summa diligentia excutere. Quantumvis tamen egregia sint, quæ hic Lectoribus se offerunt, instituti tamen nostri memores ad alia properamus.

Ni.

Nimirum post conciliorum generalium historiam, amplissimum campum ingreditur, historiamque gratiæ & justificationis, & qui cum ea connexus est, Pelagianismi per duos libros persequitur. Et initio quidem observat, Patres trium priorum seculorum doctrinam de gratia & justificatione subtiliter non tractasse, easque quæstiones, quæ sequiori ætate Ecclesiam Christianam traxere in partes, maximam partem iis fuisse ignotas. Theophilum e. g. Antiochenum, admodum confuse de hominis ante lapsum spectati immortalitate sententiam suam exposuisse, dum negaverit, eum mortalem conditum, quæ deinceps Pelagianorum fuerit sententia, simul tamen & immortalem eum per naturam fuisse, inficiatus sit, quod hoc soli Deo sit proprium. Quo ipso inter immortalitatem & æternitatem non satis accurate distinxerit. Peccatum originale admisisse Ecclesiam, negasse tamen illud Clementem Alexandrinum. Nec de satisfactione omnes idem sensisse; præsertim Origenis crassos & non ferendos hic fuisse errores. Communem tamen fuisse doctrinam, qua veritas satisfactionis egregie stabiliebatur, & ad omnes omnino homines, nemine excepto, fructus mortis Christi atque redemptionis extendebantur. Hinc & Ignatius de gratia Dei universali ea usurpasse verba, quæ Christus de proviceria Numinis pronuntiavit, quod Deus oriri faciat Solem suum super bonos æque atque malos. Porro de justificatione hominis per fidem. Patres trium priorum seculorum consentientem veritati fuisse opinionem. Eius tamen in eo errasse plurimos, quod rationi humanæ atque philosophiæ plus quam decebat tribuerint, asseruerintque, ejus beneficio ad æternam homines pervenire posse felicitatem, multosque etiam veterum Philosophorum pervenisse. Quem errorem in Justino, Origene, aliisque Auctor notat. Quemadmodum autem Patres hujus ætatis necessitatem gratiæ prævenientis omnino admiserint ita contra alienos fuisse a sententiæ Scholasticorum, ad repellendas tentationes, actionesque bonas edendas gratiam requirunt. Quod autem ad conversionem hominis attinet, nonnullos quidem omnia gratiæ dedisse, alios contra voluntati vires gratiæ resistendi tribuisse. Nec eos sibi constituisse in gratia concilianda cum libertate. Cujus quidem inconstantia & contradictionis hanc causam esse Auctor arbitratur, quod viris hisce cum diversi generis hæreticis fuerit pugnandum, Etenim dum sententiæ, quam defendenda.

dam susceperant, acriter insistebant, ultra limites haud raro provehebantur, idemque illis contingebat, quoties cum alio hæretico, oppositam sententiam tuente, descendebant in arenam. Et ita quidem sententiam Patrum trium priorum seculorum de gravissimis fidei capitibus Auctor delineavit. Hos nunc excipiunt Patres quarti seculi, & qui usque ad ortum Pelagianismi vixerunt. Ex hisce nonnullos peccatum originale fuisse inficiatos, docet. Redargui hujus erroris a Garnerio Diodorum Tarsensem, Theodorum Mopsuestenum, Basilium, Chrysostomum, Hilarium, Ambrosium. Sed nonnullos ex hisce perperam. Nec satis recte eos hic sibi consulere, qui Julianum sequuntur, cum ejus verbis hic non sit adhibenda fides. De Theodoro Mopsuesteno tamen & Chrysostomo rem manifestam esse putat, eosque adeo Pelagii fuisse antecessores, asserere non dubitat. Docet quoque, nonnullos ex ceremoniis quibusdam, ea ætate in Ecclesia receptis, veram ejus sententiam de peccato originali colligere, uti ex baptismo infantum; quam in rem prolixius inquirat. Ceterum Latinæ pariter ac Græcæ Ecclesiæ Patres plerosque peccatum originale agnovisse, demonstrat: potuisseque Augustinum, qui ex Græcis quosdam pro sua sententia contra Pelagium attulit, longe plures laudare, si eorundem habuisset notitiam. Pelagium contra perperam egisse, dum Ecclesiæ Latinæ Doctores a suis stare partibus asserere ausus est. Nec hæc sufficiunt ad hujus ætatis Patrum sententiam explicandam, sed eundo per singulas partes, quæ de diversis gradibus gratiæ, quam Deus peccatoribus impertit, de gratia universali, de gratia præveniente, & cooperante, de sufficiente & efficaci, de libero arbitrio, de effectibus gratiæ, de justificatione per fidem, de imperfectione & meritis bonorum operum senserint, docuerint, disceptaverint, operose & summo studio recenset. Atque ita demum ad historiam Pelagii accedit, paucisque de ipso Pelagio præmissis, dogmata ejus de peccato originali, de viribus hominum ad exercendam virtutem, ceteraque ordine recenset. Inter adversarios autem Pelagii, cum præter Hieronymum, maxime emineat Augustinus, in genuina ejus de hisce doctrinæ cœlestis capitibus sententia accurate repræsentanda, tanto diligentius elaborandum sibi censuit Auctor, quanto acrius de ea ad nostram ætatem usque, inter viros eruditos fuerit disceptatum. Nobis nunc non licet, quæ hac de re affert, commemorare, cum paucis ver-

bis

his, perque compendium, ut instituti nostri leges requirunt, hoc fieri nequeat: interim prætermittendam non duximus observationem, quæ caput hocce finit. Nimirum Norisium Cardinalem Emin. atq; Garnerium, in plerisque capitibus, quæ uterque a se demum inventa aut excogitata existimaverit, plane consentire: quod omnino Banagio mirum videtur, cum eodem fere tempore uterque de hoc argumento scripserit, longissimis quoq; intervallis a se invicem remoti, ut unum ab altero ista edoctum fuisse dici nequeat. Utrumque Anianum discipulum Pelagii detexisse, qui & Usserio & ceteris viris doctis plane fuerit incognitus: utrumque Theodorum Mopsuestenum Pelagianis annumerare, quod primum a se factum existimet Norisius: utrumq; in lucem protulisse Rufini retractationem, aut confessionem fidei, quæ satis orthodoxa videatur: utrumque observasse, ante concilium Diospolitanum Hierosolymis institutam fuisse congregationem, in qua male habitus sit Orosius, quæ vulgo inter commenta referatur: utrumque denique docuisse, dialogum Hieronymi contra Pelagianos compositum fuisse ante concilium Diospolitanum, quod perperam negaverit Baronius. Finit hanc historiæ Pelagianæ partem, differendo de decretis conciliorum & mandatis Imperatorum, quibus Pelagianismus rejectus atque condemnatus sit. Jam hisce expositis inceptam semel telam pertexit, & historiæ Gratia ac Justificationis, ipsiusque adeo Pelagianismi & Semipelagianismi ab A. 426 usque ad seculum undecimum justa serie deducit. Multa quoque hic observatu dignissima se offerunt, at ipsa ubertas ac copia rerum pulcherrimarum nos deterret. Proinde filum nostræ narrationis hic abrumpimus, & Tomum II alia vice exhibebimus.

OSSERVAZIONI ISTORICHE SOPRA ALCUNI MEDAGLIONI Antichi.

i. e.

OBSERVATIONES HISTORICÆ IN QUÆDAM MAXIMI moduli Numismata.

Romæ, typis D. Ant. Herculis, 1698. in 4. chartæ augustæ.
Constat Alph. 2. plag. 14. multisq; figuris æneis.

Ggg

Harum

Præfat:

HArum in numismata vetera observationum, Serenissimo Magno Hetruriæ Duci dicatarum, Autor est doctissimus Abbas *Philippus Buonarota*, ex clarissima illa familia genus ducens, quæ duobus maxime decoribus illustrata est, altero Pictore & Sculptore incomparabili, altero Poeta in lingua patria & Antiquario celebri, utroque cliente Serenissimæ Domus Medicæ, instaurandis provehendisque bonis artibus natæ. Sunt vero numismata his observationibus exposita majoris formæ seu moduli, de prompta e Museo Eminentissimi Cardinalis Casparis de Carpineâ, quibus perpetua fere series Imperatorum, inde usque ab Hadriano ad Constantinum M. exhibetur. Quæ cum ari incidisset Scalptor, & 37 tabulis comprehensa luci publicæ sistere constituisset: ut illis explicationem adderet, non invitus se adduci passus est Autor, qui longo usu multa in his deprehenderat, quæ primo intuitu ne doctis quidem peritisque patere poterant. Agnoscit vero, multa esse in studio rei nummariæ incerta, merisque sæpe conjecturis niti expositionem symbolorum & imaginum, quæ arbitrio pictorum sculptorumque sæpe mutantur, aut singulare aliquod factum nullis literis proditum respiciant, aut ab occultis mysteriis petita sint: quamvis non neget, quædam in hac arte satis esse certa & inter doctos explorata. Atque hæc quidem uti secutus est, & recepit: ita in illis nil se temere affirmare, nec incerta pro certis lectori obtrudere affirmat. Neque id derogare præstantiæ hujus studii quicquam censet, quin potius cum mentem in veritate investiganda reddat circumspiciendam, & a temeraria assensione cohibeat, id ipsum ponendum esse judicat in reliquis hujus studii utilitatibus, quæ inde in historiam sacram & civilem, chronologiam, geographiam, literas & omne genus eruditionis redundant. Præterea recenset, quæ in eodem illustri Museo asserventur antiquitatis monumenta, e marmore, gemmis, lapidibus, vitro, chrystallo, ære aliove metallo, & demum ex ebore, quæ eo rariores, quo difficilius integra ætatem ferunt. Horum figuris cum hoc opus distinctum sit atque exornatum: Autor & generatim horum omnium artificium & usum, in quem a veteribus conficta sint, docet, & speciatim insigniora nonnulla cum in præfatione explicat, tum in fine operis speciosum triumphum Bacchi erudite luculenterque exponit. Est is triumphus insculptus gemmæ, ea prorsus magnitudine, quæ hic
ære

ære expressa est. Spectantur in eo duo Centauri, quorum alter facem, Tab. VIII. alter thyrsū tenet: ex altero latere duæ apparent Centauræ, altera tibi-
 bias inflans, altera tympanum pulsans. Hi Centauri juncti sunt currui, in
 quo Bacchus stat erectus, dextra cantharum, sinistra thyrsū gerens, cui
 a sinistris adstat Ceres, spicas & papaver sinistra ostentans; a dextris cer-
 nitur Genius, folium manibus elatis gerens. Sub Centauris in terra ja-
 cet ex una parte cista mystica, ex altera vas ingens cum patera seu phi-
 ala. Singulorum mythologiam Autor exequitur, de *Centauris* pri-
 mum observans, eos Soli, Herculi, Æsculapio, sed omnium frequen-
 tissime Baccho tribui, seu quod ab eo fuerint domiti, seu quod vino
 fuerint delectati, (ex quo bellum eorum cum Lapithis) seu potius, quod
 Bacchus, teste Sarisberienſi, a Chirone Centauro fuerit educatus.
Centauras in aliis quoque monumentis, & speciatim in nummo Julię
 Augustæ, apud Seguinum extare monet; eas vero tanquam debiliores
 ex regula Circensium in medio collocari debuisse, quod tunc in trium-
 phis forte negligi potuerit. *Facem* accensam in manu sinistra Cen-
 tauri in orgiis festisque Bacchi gestari solitam, non tam quod Bac-
 chum eundem crederent ac Solem, quam quod noctu ista festa cele-
 brarentur. *Cornu*, quod alter Centaurus sinistra præfert, pro pocu-
 lo primi mortales utebantur, nec id posterioribus seculis desitum, præ-
 fertim inter eos, qui αἶμασι pocula exhaurire consueverant. *Thyr-*
sus in altera Centauri manu, hasta est Bacchi & Bacchantium, *cujus*
micra hedera lambente protegitur, ut ait Macrobius. Nomen vero
 Thyrsi proprie pertinet ad caput seu fastigium hastæ obvolutum, quod
 plerumque ex meris hederæ foliis contexebatur, quibus nullum telum
 tüberat. Ob quam similitudinem & pinus nomen thyrsi habebat,
 alioqui Baccho sacrata, & hasta ferro crassiori & rotundo prætexta,
 quod non dissimilis esset thyrso, dicebatur *Θυρσόλογχος*. *Tympa-*
num porro, quod in Centauræ manu cernitur, instrumentum est or-
 biculare, extensa pelle obductum, cui nonnunquam tintinnabula
 erant appensa, idque in Bacchi festis orgiisque resonabat. *Tibias* por-
 ro, quas altera Centaura inflat, e mysteriis magnæ Matris Deum ad
 Bacchi sacra translatas putat Phornutus, quod plerisque in locis vinde-
 miæ tiliarum cantu perstrepebant. Denique humeris Centaurarum
 inhæret consuetum Baccharum indumentum, videlicet, pelle tene-
 rorum cervorum, damarumque, quas *Nebridas* vocant, aut capra-

rum, aut pantherarum, in quibus maculæ vel stellas referunt, sicuti Bacchus Solem, vel racemos. Bacchus ipse stat erectus in curru, ne vino succumbere videatur, quod divinitatem non decet. Figuram ejus hi versus Sidonii exprimunt:

*Canibarnus & thyrsus dextra levaque feruntur,
Nec regi: exertos sed tangit palla lacertos.*

Juvenis vero apparet imberbis, capillo flavo, qua forma frequentius pingitur, seu quod ignis non senescit, a Baccho, hoc est, Sole profectus: seu quod ebrietas nunquam matura est. Quanquam & omnem ætatis formam recipit, imitatus Solem, qui omnes anni tempestates ætati humanæ respondentes producit. Nudus quoque sistitur, quod vinum mores & cogitata cujusque renudet. Sæpe tamen vestitus barbatusque conspicitur. Ad latus ejus consistit Ceres, cum spica & papavere. Utriusque enim usum mortales docuit, siquidem & ex specie quadam papaveris panis conficitur. Hæc dextra Bacchum amplectitur, ut intelligatur utriusque conjunctio vitæ tuendæ necessaria. Unde & utrique conjunctim cultus exhibitus, cum apud Ægyptios Osiridi & Isidi, qui iidem sunt ac Bacchus & Ceres, & inter Græcos, qui nec a sacris Eleusiniis Cereri dicatis Bacchum excludebant. Et si vero Iacchus ille mysteriorum Eleusiniarum Jovis & Proserpinæ filius habebatur, a Titanibus occisus: in Bacchum tamen Thebanum Semeles filium sic transnigrasse credebatur, ut uterque idem esset & corporis specie & animi dotibus. Non de fore vero Autor suspicatur, qui mulierem ad latus Bacchi Proserpinam interpretentur, cui eadem symbola convenient, parque cum Baccho intercedat necessitudo, ut in uno sæpe templo tribus illis, Baccho, Cereri & Proserpinæ statux sint positæ, & huic *Libera* cognomen sit inditum, quod soror Bacchi sit habita. Nonnullos vero putat in illa muliere Bacchi amicam agnituros, quam in triumpho ducat, præsertim quod *Cupido* videatur, qui currum præcedit volans. Autor vero censet hunc potius unum esse ex *Gentis*, qui Diis veluti pueri ministrique adjungi solent; folium vero manibus explicatum, comparatum esse muscis abigendis. De coronis ederae cum alii jam occupaverint dicere, paucis monet, ederam a Baccho sociisque forte ascitam esse, quod inculto illo ævo deessent plantæ elegantiores: retentam postea religione quadam, ut in cæteris Bacchantes delicias luxumque cupidissime sequerentur. *Cista mystica*, quæ Centauri pedibus

dibus subjacet, in pompis sacris gestata, continebat varia a Gentilibus studiose celata, sed a Clemente Alexandrino in Protreptico prodita. Hæc initiati in mysteriis depromebant, & certis carminibus recitatis in cistam reponebant. *Serpens* cistæ incubans Jovem indicabat, qui sub hac figura e Proserpina Bacchum genuerat: quanquam & amuleti vicem præstabant serpentes, quos etiam quasi vino amicos & hederæ, ad instar coronæ capite vel manu præferebant. Postremo vas illud ingens, si ansis instructum esset, cantharus videri posset: sicuti patera rotunda, larga & plana phiala haberi potest, quam clypeum Bacchi metaphorice dici, Aristoteles autor est. Plura vero vasa Baccho dicata, & ab eodem in expeditione Indica circumvecta, quibus Indos ad ebrietatem adduceret, Nonnus in Dionysiæis occinit. Verum satis de Bacchi triumpho.

Accedimus ad numismata, quibus dilucidandis hoc opus perscriptum est. Ex iis ad *Hadrianum* Imp. spectant septem, ad puerum ab eo adoptatum & consecratum *Antoninum* tria, ad *Antoninum Pium* sex, ad *M. Antoninum* & *L. Aurelium Verum* Divos Fratres octo, ad *Commodum* duodecim, ad *Septimium Severum*, *Caracallam* & *Getam* duodecim, ad *Macrinum* duo, ad *Severum Alexandrum* tria, ad *Maximinum* duo, ad *Gordianum* octo, ad *Philippos* patrem & filium, illiusque conjugem *Otaciliam Severam* quatuor, ad *Decium* quatuor, ad *Trebonianum* unum, ad *Gallum* & *Volusianum* unum, ad *Valerianum* duo, ad *Gallienum* quatuor, ad *Corneliam Saloninam* Aug. & *Saloninum* Cæsarem duo, ad *Postumum* duo, ad *Aurelium* unum, quod tamen Autor (detrita enim est inscriptio) Maximiani potius esse censet, ad *Probum* sex, ad *Carum*, *Carinum* & *Numerianum* quinque, ad *Diocletianum* sex, ad *Maximianum* septem, ad *Galerium* duo, ad *Constantinum M.* quatuor, in quibus duo Constantinopolim habent inscriptam, ad *Decentium* Cæsarem unum. His subjiciuntur numismata partim excavata, ut pyxidem referre videantur, partim ex mera lamina quæ constant, nec publica autoritate videntur percussa, partim in varios usus perforata, partim ad oram circumcisa, partim utrinque prominentia, ut axis vicem præstare possint. Denique agmen claudunt numismata quædam in superioribus prætermissa & suis locis addenda, velut in *Antoninum*, in *Crispinam* Aug. *Julianam* Augustam, *Caracallam* & *Gordianum*. Observationes, quibus hæc numismata illustrantur, mul-

- ta reconditaque eruditione sunt refertæ: ex quibus ut pauca delibemus, (neque enim singula persequi instituti nostri fert ratio) ad nummum secundum Hadriani, in quo Victoria bigam agit, belli Judaici tempora & periodos exponit Autor, quod unum ab Hadriano revera gestum esse docet. Ad tertium Hadriani numisma, quod clypei formam gerit, disquirat, cur & quando clypei Heroibus fuerint dicati: & priscis temporibus non nisi clypeos hostibus creptos in templis suspensos esse, posthæc, cum hos ipsos, in quibus imagines Virorum illustrium conspiciebant, exolescente cladis memoria, veneratione prosequerentur, Viris bene meritis seu demortuis seu vivis similes clypeos fuisse dedicatos commemorat. In quinto Hadriani nummo cum extet templum decem columnis statuisque ornatum, id esse Romæ Venerisque templum, instauratis Palilibus ab Hadriano conditum, ejusque architectum, qui errores quosdam in Hadriani sciagraphia notaverat, ab eo fuisse occisum, & qui fuerint isti errores, erudite docet.
- p. 30. Nummus secundus in honorem Antinoi a Tharsensibus percussus facit, ut, qui Tharsum ornaverint extulerintque Imperatores; quis metropolim provinciæ fecerit (quod Hadrianum fecisse suspicatur, Dionemque Chrysostomum eam vocantem μητρόπολιν ἐξ ἀρχῆς, emendat, & legit μητρόπολιν ἐπαρχίας;) Cydni fluminis eam alluentis quæ fuerit amœnitas, & quo cultu fluvios prosecuti fuerint Gentiles, differat. In tertio Antinoi nummo id novum & a prisca religione alienum observat, quod idem & *Heros* dicatur, & *novus Apollo*. Heroes enim medium ordinem inter Deos homines obtinent, iisque tribuunt inferlas ἐναγίζεσσι, Diis vero sacrificant, θύεσσι. Hoc discrimen posteriori ævo crescente adulatione neglectum, etiam hoc exemplo apparet. Ex nummo tertio Antonini Pii demonstrat annum victoriæ de Mauris partæ, quem Capitolinus silet, videlicet 913 U. C. & 160 N. Chr. utpote qui respondet XXIII Trib. Pot. in numismate notato. In nummo Faustina, quam Cyziceni Proserpinæ specie repræsentant, similibus exemplis ostendit, sub imaginibus Deorum ipsos Principes fuisse expressos, Proserpinam vero Cyzici eximie cultam fuisse docet.
- p. 86. Nummum L. Veri a Magnetibus percussum, & in averfa parte Dianæ Leucophrynes effigie signatum, ad Magnesium, quæ ad Mœandrum est, pertinere ostendit, utpote in qua ædes Dianæ fuerit structuræ artificio Ephesium templum vincens; reliqua quoque hujus urbis ornamen-

namenta & fata exponit. Qui factum sit, ut Commodus nunc Marci, nunc Lucii prænominē uteretur, ad nummum hujus Imp. secundum disputat, & Lucium vocatum esse usque ad annum III Trib. pot. hinc modo Marcum, modo Lucium, postremo non nisi Lucium appellatum esse observat, in L. Veri sine dubio memoriam, quem imitari magis quam patrem studuerit, imo a quo forte fuerit adoptatus. In nummo Caracallæ triumphum explicat, qui illic exhibetur, & quod subscriptum est, B. ΝΕΩΚΟΡΟΙ, nullo quamvis præeunte exponit, *Bis Neocori*, non quod duplici vice isto munere sint perfuncti, sed quod uno decreto honos is fuerit geminatus. In altero Caracallæ nummo *Alexandrina Pythiæ* ludos fuisse docet, in honorem Caracallæ a Communi Thracum institutos: recepto jam more, ut ludos Diis dicatos ad Imp. transferrent. De cætero *Alexandri* cognomen, quod Caracalla sibi ascivit, vix unquam in nummis occurrit, non magis ac *Magni*, quod demum ab illius obitu in nummis legitur, & cum Divo conjungitur. Numisma Getæ Cæsaris in averſa parte sistit templum, & in eo simulachrum Jovis Labradeni cum hasta & securi, a Mileſiis, quorum hic nummus est, sub hac figura cultum. Cur vero non cum sceptro, nec cum fulmine, sed cum securi & hasta sit effectus Jupiter, e Plutarcho docet Autor, & ab illa securi Lydica voce Jovem esse dictum *Labradeum*, & ab illo ornatu *militarem*. Antiquitatis vero notam in templo & simulachro esse monet, quod hoc desinat in Hermam seu statuam Mercurialem. In primo Macrini nummo caput Imper. imberbe apparet, in aliis barbatum, idque inde factum esse tradit Autor, quod Macrinus imperio potitus ad imitationem M. Antonini Philosophi se componere cœperit, quem tamen non nisi barba, incessu, sermone expresseſſerit, a reliquis ejus virtutibus prorsus alienus. In nummo Maximini tres puellas in averſa parte cum libra & cornu copix conspicuas, addita inscriptione, *Aequitas Augusti*, monetam eamque triplicem, auri, argenti, æris referre, singularumque ornatus unicuique generi monetæ convenire ostendit. Ad nummum Constantini M. primum, in quo caput Imper. corona laureata, eaque gemmis distincta ornatum apparet observat, hunc Imp. invexisse hunc morem, ut & perpetuum diadema gestaverit, & unionibus gemmisque illud insigniverit; quod cum priores Imp. aliquando tentassent, id illis vitio verum & effeminato luxui tributum esse: Constantinum tamen reli-

p. 103.

p. 154.

p. 160.

p. 167.

p. 211.

p. 220.

p. 246.

p. 386.

religione potius ductum coronam gestasse, quam mater Helena e terra sancta illi transmiserat Dominicas crucis ferro inter gemmas coruscantem. Eundem Imperatorem dictum esse Victorem, non in elogii, sed prænominis vim & modum, epigraphæ nummi: VICT. CONSTANTINUS AUG. ostendit. Plura, neque ea minus elegantia, facile afferri poterant: verum ea quisque ex ipso fonte jucundius hauriet.

THE LIVES AND CHARACTERS OF THE ENGLISH DRAMATICK Poets.

i. c.

*VITÆ ET CHARACTERES POETARUM DRAMATICORUM
Anglorum, primo per Langbainium editi, nunc ad hæc usque
tempora producti.*

Londini apud N. Cox & W. Turner, 1699. in 8. plag. 15.

IN tanta antiquitatis jactura inter alia non parum dolemus, quod perierint nobis excellentissimi Vitarum scriptores. Etsi enim, ut de Philosophis dicamus, supersint etiamnum Diogenis Laertii, Philostrati, Jamblichi, Hesychii, Eunapii vitæ, tamen & periere nobis auctores longe nobiliores, & hi adeo parum sibi constant non raro, ut vix unus Philostratus in vita Apollonii Tyanæi implevisse satis videatur & Βιογράφον nomen. De Poetis vero antiquis prope nihil nobis, nisi ex Lexicographis, vel Locorum Communium compilatoribus nonnullis constat. Optime quidem speciatim Dramaticis post Aristotelem & Callimachum consuluerat Aristophanes, nobilis Grammaticus, consignando Διδασκαλίας, quibus catalogum & chronologiam omnium dramatum a Poetis factorum complexus est; verum & hoc opus intercidit. Interim laudandi illorum hoc ævo conatus sunt, qui vel dramatum a suæ nationis hominibus editorum numerum incunt, vel vitas auctorum atque characteres apte describunt, quorū illud inter Italos Leo Allatius in opere posthumo *Dramaturgia* dicto, quod septem indicibus Italico quidem idiomate comprehenditur, impressum *Roma* A. 1666, utrumque vero ante complures annos apud Anglos *Langbainius*, ejusque nunc continuator *Carolus Gildon* præstiterunt. Quanquam enim, quod ad Anglos attinet, duo alij quoque, *Winstanley* & *Phillips*, de poetis nonnulla ediderunt, tamen hi & veteres poetæ & cujuscunque generis recentiores complexi simul sunt

sunt & in recensendis dramaticis parciore habentur. Unus, quod sciamus, *Langbainius*, etsi successu non plane prospero, solos Theatri scriptores aggressus est; & quantum de auctoribus Dramatum, quorum catalogum exhibet satis spissum, expiscari potuit, ita in unum volumen congestit, ut odio subinde in quosdam abreptus, & appositis sæpiusculè exemplis male selectis, in Poesi tum Comica tum Tragica mediocriter versatus videri queat. Quæ cuncta cum observaret *Carolus Gilden*, ut librum ad pretium paulo tenuius reduceret, tum ut suo loco supplere aptius posset, quæ desiderabantur, exempla illa inaptiora omisit, Poetas item, quibus non optime voluit *Langbainius*, vindicavit, aliorum vero, quos supra modum laudaverat, sphalmata minime dissimulavit. Sufficere hæc forsitan poterant, ut de instituto continuatoris Lectori benevolo constaret. Verum quoniam juvat quoque ex ipso libro aliquid delibare, colligemus fœminarum nomina, quæ dramate apud Anglos excelluisse feruntur. Inter has vero agmen merito ducit *Aphara Behn*, quæ Astræ nomine apud Poetas venit, orta Cantuarii, cujus præter septendecim dramata excellentissima, existant etiam poemata alia, in quibus est, quod obiter monemus, quo fatum Ducis Rochestriæ, Poetæ incomparabilis, acerbissime lamentatur. Puella dicitur pulchritudine excelluisse, maturior vero ætate non suum tantummodo sexum superasse in poesi, sed & maximam partem sexus præstantioris. Amarunt viventem, parentarunt mortuæ omnes. Sepulcrum vero ejus est in claustris Abbatiae Westmonasteriensis sub marmore, cui Anglice inscriptum est in hunc ferme sensum:

Ingenio superare suo quæ cuncta valebat,

Ingenio mortem vincere non potuit.

Jungimus, quæ illam ætate paululum antecessit, sed poematis gloria longe inferior est, *Isabarinam Philips*, natam in Walliæ quodam traflu. Unde si quis detur Helicon, in Wallia illum esse, Comes de Orery asseverat in carmine, quod hujus fœminæ poematibus præmitti meminimus, beatamque prædicat provinciam, a qua Rex titulum habeat, & in qua vivat *Orinda*. Hoc enim illi nomen faciunt poetæ, ut *Astræ* nomen *Behniæ*, quorsum adludunt fere omnes, quorum plausus *Astræ* poematibus præmittuntur, bene Angliæ ominantium, ex jactura *Orinda* tam feliciter reparata. Quanquam itaque laude sua,

Hhh

quam

quam plena manu congesſerunt *Orrerius Comes*, *Cowleus*, alique præſtantiffimi Poetæ, fraudanda nec hæc eſt, nolumus tamen cum Auctore contendere, cui *Orinda* noſtræ poemata *Aſtreæ* illis longe frigidi-ora videntur. Tragœdias duas *Cornelii* in ſuam linguam ex Gallica feliciter ſatis tranſtulit, *Horatium* & *Pompejum*, quarum hæc tamen majori cum plauſu acta fuit. Ut omittamus Franciſcam *Boorbby* & *Elifabetham Carew*, quarum illa ſub Carolo II, hæc ſub *Elifabetha* vixit, utramque unius tantum partus matrem: non poſſumus non meminifſe *Margaretæ* Duciffæ Novi Caſtelli, quam novimus famæ, quoad vixit, fuiſſe cupidiffimam. Ea quidem, ſi minus aliis operibus, philoſophicis, orationibus, epiftolis, quæ aliquot volumina complent, Vita tamen mariti *Wilhelmi*, in qua adeo nihil diſſimulavit, ut aliarum quoque fœminarum falſa fuerit amantem, cetera ſibi fidum, immortalem famam videtur promeruiſſe. Dramata ſcripſit, ſi ſingula volumina computaveris, viginti ſex, quibus ſæpius ſubjecta leguntur carmina ab ejusdem ingenii marito compoſita. Sed & memoranda hic eſt alia fœmina genere non minus, quam favore, quo poetas, ſpecialim *Samuelem Danielem*, præceptorem ſuum proſequebatur, eminentiſſima, *Maria* Comitiffa de *Pembrock*, ſoror *Philippi Sidney*, cui is *Arædiam* ſuam inſcripſerat. Ea unica fertur *Gildono* fœmina, quæ vere faverit poetis; verum tragœdiam ejus *Antonium* tantâ laude dignam negat, quanta illam ornat *Langbainius*, paulo nimis ſemper favens generi & nobilitati. Superſunt tres fœminæ de gloria theatri hodie maxime inter ſe certantes, in quibus enarrandis ſequemur ordinem Auctoris, qui in illis tanto accuratiorem operam præſtitit, quod poſt *Langbainii* demum obitum inclaruerunt. Prima Auctori eſt *Delarivier Manly*, *Rogerii Manleii* viri de republica & literis meritiſſimi, filia doctiſſima: quippe tantum valuit ingenio, ut in tragœdia, quam ſcripſit, regulas *Ariſtotelis* exactiſſime videatur obſervafſe, comoedia vero, quam pariter ſcripſit unicam, propitium magis, quam quod a vulgi plauſu obtinuit, fatum promereatur. Scripſiſſe eadem dicitur & alios libros teſto nomine, quos adeo recensere Auctor dubitat. Plures fœtus edidit editque quotidie *Maria Pix*, poetria nobiliſſima, ſive ſocco, ſive cothurno incedere placeat. Commendatur denique ob formam æque ac prudentiam plane ſingularem *Cæſarina Trotter*, parentibus *Scotis*, ſed in *Anglia* nata. Ea non con-

versatur tantum aliis jucunde, sed & de rebus abstrusissimis prorsusque Metaphysicis egregie ratiocinatur. Tragœdias vero haud ita pridem edidit duas, quarum altera nemini displicuit, altera etiam in admirationem rapuit spectatores, atque non vulgi tantum, sed & severiorum judicum plausus obtinuit. In utraque illius castitas non minus, atque suavitas animi excellentioris abunde apparet; & si quid desideretur in illis sublimius, id non inde esse dicitur, quod ingenium muliebre, pertingere eo non potuerit, sed quod sublimi ea in materia locus esset nullus.

JAC. B. *QUADRATURA ZONARUM CYCLOIDALIUM*
demonstrata. Vid. Tab. IV, m. Jul. 1699.

OMnia, quæ circa quadraturas spatiorum cycloidalium inveniri possunt, una Cycloidis proprietate dudum detecta nituntur, & ex ea tam aperte fluunt, ut Viri celeberrimi Hugenus & Leibnitius, qui duo ejus segmenta quadrarunt, non potuissent non pari facilitate cætera omnia segmenta & sectores quadrabiles reperire, si animum intendere voluissent.

Cum enim, ut vulgo notum, BL æquetur arcui circulari AL, & spatium externum ABN segmento circulari ALI, poterit proprietatis hujus ope spatium cycloïdicum quodvis imaginabile eo reduci, ut non nisi figuræ rectilineæ & segmenta quædam circularia habeantur; idcirco, ut spatium fiat quadrabile, illi tantum termini, qui ex segmentis circularibus constant, mutuo se destruere sunt fingendi & nihilo æquales ponendi (quod fundamentum solutionis est) e qua deinde suppositione quantitates assumptæ facile determinantur. Quæritur ex. gr. quantæ sint assumendæ rectæ HK, HI (fig. 2 & 4) ut Zona IKDB quadraturam admittat: Pono HA = a, HK = x, HI = z, KM = p, IL = q, AM vel DM = s, AL vel BL = r; erunt sectores AHM = $\frac{1}{2}as$, & AHL = $\frac{1}{2}ar$; adeoque segmenta AKM (ADO) = AHM - KHM = $\frac{1}{2}as - \frac{1}{2}px$, & AIL (ABN) = AHL - IHL = $\frac{1}{2}ar - \frac{1}{2}qz$: Sed segmentum cycloïdicum AKD - KO = ADO - KO = AKM = AK in KM + MD = AKM - AK in KM + AM = AKM = a - x in p + s = $\frac{1}{2}as + \frac{1}{2}px - ap - \frac{1}{2}px + \frac{1}{2}as - xs$; & pariter segmentum alterum AIB = aq - $\frac{1}{2}qz + \frac{1}{2}ar$

Hhh 2

$\frac{1}{2}at - zt$; ac proinde Zona IKDB = AIB — AKD = $aq - \frac{1}{2}qz$ — $ap + \frac{1}{2}px + \frac{1}{2}at - zt - \frac{1}{2}as + xs$, ubi liquet, quatuor priora membra denotare figuras mere rectilineas, solasque quantitates reliquas, quas ingrediuntur t & / impedire, quo minus Zona sit quadrabilis: facio ergo has æquales nihilo, ut sit $\frac{1}{2}at - zt - \frac{1}{2}as + xs = 0$, ubi si posuero t habere ad s rationem quamcunque (numeri tamen ad numerum, ut uno arcu dato alter geometricè construi possit) semper habebo æquationem, quæ, literis t & eliminatis, relationem ipsius z

ad x patefaciet; nempe, si $t = 2s$ fiet $z = \frac{a + 2x}{4}$; si $t = 3s$, habe-

tur $z = \frac{2a + 2x}{6}$; si $t = 4s$, erit $z = \frac{3a + 2x}{8}$, & sic perpetuo in

in eadem progressionē. Cumque etiam ex data recta HK, sinu nempe complementi arcus AM, pervulgata analysi reperiri possit sinus complementi arcus dupli, tripli, quadrupli &c. poterit adhuc z in aliis terminis inveniri; np. si $t = 2s$, erit $z = \frac{2xx - aa}{a}$; si $t = 3s$, z

$= \frac{4x^2 - 3aa}{aa}$; si $t = 4s$, $z = \frac{8x^2 - 8aax + aa}{a^2}$ &c. qui valores cum superioribus singuli cum singulis collati novas porro æquationes subministrabunt, per quas ipsa quoque x seu HK determinabitur.

Atque ad eundem modum infinita alia spatia quadrabilia detegi possunt. Sic reperiri potest ex. gr. sector quadrabilis DAB rectis AB, AD comprehensus, vel Zona BDM L, arcu cycloidali BD & circulari LM intercepta, quæ quidem perpetuo sectoris dupla est. Existente namque HK seu $x = \frac{1}{8}a + \frac{1}{8}\sqrt{33}$, vel $x = a\sqrt{\frac{5}{6}}$, vel $32x^4 - 32aaxx - a^2x + 4a^4 = 0$; &c. & assumpto arcu AL vel duplo, vel triplo, vel quadruplo &c. ipsius AM, erit subinde sector BAD = $\triangle HAL - \triangle HAM$, & Zona differentiarum Triangulorum dupla.

Methodum verò tam Facilem haud alia fini pandere volui, quam ut frater exemplo meo ad paria præstanda incitatus, mei quoque Problematis Isoperimetrici promissam analysin tandem aliquando nobis impertiat.

RACEMATIONIS ET FLORUM SPARSIONIS TOTIUS CORPORIS JURIS CIVILIS TOMUS PRIMUS. Autore & per 50 circiter annos collectore JOH. FRID. POLMAN, Nobili Drentino & jam pridem Seniore Senatorum Emdensium.

Groningæ, apud Gisb. & Joh. Lens, 1699 in fol. Alph. 8. pl. 21.

INter præcipua eruditionis adminicula dubio procul est, selectior Excerptorum apparatus. Uti autem eorum in quavis disciplina sua est utilitas: ita in studio Juris ea longe maxima videtur, cum nulla fere disciplina officium memoriæ magis quam Legalis desideret, adeoque magnopere enitendum sit, ut quod memoriæ viribus effici non potest, solerti calamo suppleatur. Licet vero illud maximum usum nobis afferat, quod proprio ingenio ac sudore paravimus, adeo ut celebris ille Excerptorum præco & architectus, Drexelius, non immerito existimet, notas proprias, notas optimas esse, ac unicam excerptorum paginam, proprio labore scriptam, magis usui esse, quam alias centum, quas diligentia obtulerit aliena, cum nostra nobis & magis sapiant, ut suaviora, & magis prosint, ut notiora: attamen nec labori alieno omnis abjudicanda erit utilitas, imo si quis perpenderit vitæ humanæ brevitatem, & quod non vivamus ut unice excerpamus, sed ut potius excerptis utamur, is ei etiam pretium maximum statuendum esse, eosque qui in usum aliorum excerpunt, ac sui laboris fructum per mille & amplius Lectores velut dispensant, summas mereri gratias, jure meritoque existimabit. Atque has ab iis, qui jura Romana colunt, deberi Generosissimo Autori nostro, æqui rerum arbitri sine dubio putabunt, dum in eorum usum racemationem & florum sparsionem totius juris civilis molitur, ac laudabilis laboris Tomum primum jam exhibuit. Quantum enim emolumenti inde sperare liceat, celeberrimus Pagenstecherus in epistola Operi præfixa summatim edocuit: *Utilissimas, inquit, has tuas lucubrationes censeo, non Academicis tantum, sed & aliis, imprimis in foro versantibus, advocatis, respondentibus, consulentibus, judicantibus. Ex hoc Amaltheæ cornu isti Hercules sibi necessaria comparabunt.* De cætero modestia Nostri est, quod nihil nisi racemationem & florum sparsionem polliceatur: justam enim & optimam heic imminere messem, tot annorum jam elapsum, collectio,

continuataq; Nostri industria facile innuunt, tam insigne autem opus, quod solis Institutionibus dicatum, primo loco comparet, penitus persuadet. Rem ipsam quod attinet, propositum est Autori, si Deus siverit, nullam legem, imo nullum juris civilis paragraphum sine dote transmittere, quod nec Bartolus, Baldus, P. Castrensis, Angeli, Socini, Curtii, Raphaelles, Jason, nec ullus e Neotericis præsumere aut præstare hætenus sustinuerunt. In hoc igitur Tomo primo, propositi memor, singulis Institutionum paragraphis lucem affundit, non solum Autores plures citando, sed & proprias explicationes suggerendo: ubique autem se utile dulci miscuisse, ut propemodum cum illo Plautino, *jocos ego ridiculos vendo, agite licemini*, dicere possit, in præfatione fateatur, secutus Alciatum, eo nomine ab ejus discipulo Tessauro laudatum, nec non, judicio Erasmi, facetissimum Udalricum Zasium. Id quoque in laudato præloquio addit, se non solam theoriam, sed & praxin usumque hodiernum, præsertim Ostfrisiæ, suis ubique locis retulisse, ac plura e veteribus, Bartolis & Baldis, quam neotericis decerpisse. Hæc in genere nobilissimi laboris delineatio est. Specialia juxta totius Operis seriem dare nobis non licet, cum tot annotationum, vario ac multiplici argumento distinctarum, summa, brevissimis licet verbis concepta, in justum tractatum facile excrecere possit, adeoque brevitati instituti nostri non conveniant. Quamobrem ex floribus, quos Noster sparsit, in usum narium delicatarum, odoratum aliquem contextuisse fasciculum nunc sufficiet.

Circa inscriptionem Proœmii Institutionum, prolixam quæstionis de vi & requisitis instrumenti publici explicationem ex Bartolo aliisque Noster indicat, plura de titulis Magnatum, occasione titulorum Justiniani, commemorans. Quæ ad accuratam definitionis tutelæ §. 1. I. de tutel. propositæ expositionem pertinent, eorum index sat luculentus exstat pag. 66. Quomodo singulari Antonii Matthæi sententiæ, qua adoptionem ab extraneo factam jus patrium quoque constituere contenditur, occurrendum sit, docetur p. 56. Quod autem patri vi patriæ potestatis in Frisia Orientali etiam competat in bonis liberorum adventitiis usufructus, peculiari observatione deducitur ad tit. 12. lib. 1. p. 63. Ob numerum liberorum excusationem a tutela adhuc in Ostfrisia admitti, proprio suo exemplo demonstrat Noster pag. 82. referens sententiam, qua in Judicio Appellationis ob probatum

batum s. liberorum numerum, a necessitate suscipiendi tutelam oblatam fuerit absolutus: id etiam per occasionem adjiciens, quod ex una uxore, adhuc viva & fidissima vitæ socia, cum ista scriberet, sex filiorum & sex filiarum, ad instar magni Tiraquelli, fuerit pater, cum semper pro virili caverit, ne sequeretur mœchas, concessa quum Venere uti posset, nec utique posthac alia calere velit fœmina. Controversiam Theologicam de gratia universali legere licet ad §. 2. I. de suspect. tutor. pag. 90. Per tutorem *fidelem*, intelligi sincerum, non præcise Romano Catholicum, ad §. ult. de suspect. tutor. annotatum reperitur pag. 92. Eorum qui immodestius se erga Tribonianum gerunt, ei, que temulentiam, quando forte non satis ad ipsorum gustum scripsit, imputant, exempla & censura habetur ad §. 2. I. de servit. p. 123. Heredem cum beneficio inventarii adire non posse hereditatem, si alius defuncto sanguine junctus, sine illo pure adire velit, notatur §. 6. I. de H. Q. & D. p. 204. Rebhانيus fracidarum tricarum (etymologiarum) indagator eximius salutatur ad §. 5. I. de hered. quæ ab intest. p. 241. ac jus repræsentationis Enchusæ ne quidem in linea recta descendentium locum habere, ibidem docetur. Pro declaranda successione legitima, aliquot observationes Eppii hætenus ineditæ subjiciuntur p. 256. Theologum quendam, qui in familiari & convivali colloquio Justinianum, dum in §. fin. I. de grad. cognat. *veritatem oculata magis fide, quam per aures animis hominum insigi* docet, S. Scripturæ, auditum visui præferenti, & fidem ex auditu esse statuenti, contradicere existimaverat, refellit Noster p. 281. De famoso illo casu uno, in quo is, qui possidet, nihilominus actoris partes sustinere dicitur §. 2. I. de action. agit. Plura quoque annotata reperiuntur ad d. §. pag. 395 De divisione bonorum hereditariorum inter duos vel plures fratres, observationem Eppii peculiarem Noster adducit p. 42. Eodem commentandi genere idem illustravit titulos Pandectarum de verborum significatione & regulis Juris. Ad l. 2. de R. J. pag. 508. peculiari responso explicat, an heredes administratoris possint super ratiociniis conveniri, si per actorem steterit, quo minus, ipso administratore vivo, redderentur rationes? quod quidem Cephalus Consil. 8. simpliciter negavit. Ad l. 127. de R. J. p. 550. producit prolixam disquisitionem ex disputatione inaugurali Bœckelmanni, ejusque Apologia contra prætenti Parrhesii Philalethi satyram, de sacerdotali benedictione, utrum

scili.

scilicet illa ad essentiam matrimonii, an ejus saltem solennitatem pertineat? Aliorum eadem est ratio. Tandem huic primo Tomo adjecit etiam Consultissimus Autor, Observationum ac Præjudiciorum in Dicasterio Ostfrisco pronunciatorum, atque ab H. Conringio J. U. D. & Dicasterii Vice-Præside conscriptorum opus, duabus partibus constans, quarum prior 90, posterior 256 observationes continet, in quibus omnibus quæstiones juris non proletriæ deciduntur, quod uno ac altero exemplo illustrabimus. In part. 1. Observ. 3. explicatur restitutio minoris contra minorem. Observ. 5. generalis exceptio contra Academias, qua scilicet partes ad Academias v. gr. Germanicas & Belgicas acta transmitti nolunt, rejicitur. Observ. 15. de agnitione & diffensione jurata manus tertii satagit. Observ. 34. exempla ob manifestam nullitatem non publicarum ad consilium Facultatis Juridicæ conceptarum sententiarum recenset. Observ. 45. docet, quod emtor, qui, usque dum pretium fuerit solutum, dominium in re vendita sibi reservavit, si pretium postea non solvatur, Salvianum interdictum intentare nequeat, Observ. 50. de cumulanda sorte & usuris ad hoc, ut summa fiat appellabilis, agit. Observ. 88. disquirat, an subsellia templorum retrahi queant. In part. 2. observ. 2. de bona fide in præscriptione actionum personalium agitur. Observ. 12. circulus, qui aliquando in puncto prælationis contingat, exhibetur. Observ. 15. forum Quæstorum competens explicatur. Observ. 27. quatenus interdictum Salvianum pupillis contra tutores competat, ostenditur. Observ. 57. de juramento universitati delato: Observ. 90. de juramentis Menonitarum disceptatur. Sed ista tetigisse sufficiat. Coronidis loco prolixum erratorum & omissorum syllabum ad exemplum Gisberti Vætii Theologi, nec non Andreæ Alciati aliorumque Istorum, in usum Lectorum, Noster attexuit. Id reticendum non videtur, quod Clarissimus Autor, ne a primi hujus tomi, quem, ut ait, promulsidis instar delicato seculo propriis sumptibus committere periclitatus est, emtione, auctioris editionis futuræ vel spe vel metu emturientes absterreantur, se nunquam hunc tomum deinceps alia forma esse editurum, sed, si omnino addendum quid videatur, singulari & separato volumine id emissurum, sancte in præfatione promittat.

* * * * *

ACTA ERUDITORUM

Publicata Lipsiæ

Calendis Octobris, Anno M DC XCIX.

HISTOIRE DE L' EGLISE, PAR MR. BASNAGE &c.
Tome II.

i. e.

*HISTORIA ECCLESIAE A NATO CHRISTO AD HOC US-
que tempus: auctore JACOBO BANAGIO.
Tomus II.*

Roterodami apud R. Leers, 1699. fol.
Constat universum opus 13 Alphab. & plag. 17.

Promissorum memores, alterum nunc Tomum egregii operis, quo Banagius Ecclesiæ, dogmatumque præcipuorum, quibus Christiana religio absolvitur, Historiam complexus est, nunc exhibemus. Statim autem se nobis offert sanctissimum fidei nostræ caput, quod uti amoris mutui inter Christianos argumentum certissimum esse debebat, ita non temere aliud gravioribus certaminibus, odiisque diuturnioribus occasionem præbuit. Eucharistiam sacram innuimus, cujus historiam per omnia secula ordine, justaque serie Banagius deducit. Et primo quidem observat, circa sensum verborum institutionis in partes abire Doctores, aliis literalem urgentibus, aliis pro metaphorico pugnantis. Refellit hic præcipue Arnaldum, qui in libro peculiari, perpetuam Ecclesiæ Romanæ fidem, contra Claudium, celeberrimum Ecclesiæ Reformatæ Doctorem, ita adstruere conatus est, ut in capite quoque præsentis Romanenses a veteri non descivisse Ecclesiæ, asserere sustineat. Banagius argumentis ejus breviter confutatis, & Apostolos in sensu me-

taphorico hæc verba intellexisse asserit, & primitivam quoque trium priorum seculorum Ecclesiam eodem modo ea accepisse. Quod ut evincat, primo Ethnicorum Judæorumque, qui hac ætate vixerunt, de Christianorum Eucharistia sententiam exponit. Nimirum cum cetera Christianorum dogmata Judæis pariter ac Ethnicis notissima fuerint, nullam se videre rationem ait, cur hoc fuerit ignotum, siquidem Christiani veteres docuissent, in sacramento Eucharistiæ ipsum corpus ac sanguinem Christi distribui. Ast si notum fuisset illud, inquit, etiam fuissent refutaturi, cum non minus & illorum religioni & rationis quoque captui hoc repugnaret, comedere illud quod adoramus, quam cetera religionis Christianæ capita, in quibus refellendis adeo defudarunt. Ergo, cum illud non refutarint, nec veteres Christianos ejusmodi quid docuisse concludit. Tantum vero abesse, ut de tali dogmate refutando solliciti fuerint Ethnicici, ut potius ad calumnias & obtreccionem hi se receperint, infantum cades, & impuros concubitus illis exprobrando. Patres autem, Justinum Martyrem, Tertullianum, atque Eusebium, hanc calumniam ita fuisse amolitos, ut ea omnia diserte negaverint, quæ sibi objiciebantur. Ast si verba institutionis in sensu litterali accepissent, infert Autor, hoc saltem fateri debuissent, quod carne humana, nempe Christi, vescerentur, simulque quo pacto hoc fieret, explicare, non autem diserte negare, quod nullo modo carnem humanam comederent. Porro cum rursus Christiani impugnaverint placita Ethnicorum, variaque absurda & a ratione abhorrentia illis objecerint, Ethnicici autem, ut se rite defenderent, pariaque referrent paribus, similia, quæ itidem rationi plane contraria videbantur, ex Christianorum religione collegerint, Christiano quoque πολυθεῖστα exprobranti reposuerint, ex Christianorum disciplina Deum habere filium, qui itidem Deus sit, adeoque & eos plures uno adorare Deos, nihil facilius iis futurum fuisse, quam hoc ipsum dogma Christianis regerere, siquidem præsentiam realem Christi in S. Coena admisissent. Ast nunquam hoc fecisse Ethnicos. Refert hic locum Tertulliani, quem causæ suæ mirifice favere putat. Disputare namque eum ait contra Academicos, sensuum certitudinem in dubium vocantes, & inter alia a ratione plane aliena, quæ hinc sequantur, hoc quoque afferre, quod, si sensus fallant, *Christus quoque potuerit falli circa saporem vini, quod consecraveris in recordationem sanguinis*

guinis sui, Primo hic observat, Tertullianum cum Philosophis agentem, non tamen sibi religioni ducere, de hoc mysterio erga illos verba facere. Deinde cum dicat, Christum consecrasse vinum in memoriam sanguinis sui, omnem transubstantiationem hic unico velut ictu prosterni contendit. Neque tantum ad sensuum judicium hic provocare Tertullianum, sed insuper asserere, illud quod accepit Christus, ut inter discipulos distribueret, fuisse vinum, nec Christum circa saporem ejus fuisse deceptum. Sed alia quoque hinc colligit ad suam sententiam stabiliendam, a nobis nunc prætermittenda. Ab Ethnicis autem ad Judæos transit, asseritque nec iis mysteria Christianæ religionis fuisse ignota. Probat hoc inter alia ex dialogo Justin Martyris cum Tryphone Judæo, in quo ille cum Judæo differens, citra ambages sententiam Christianorum de sacramento Eucharistiæ exposuerit. Cum autem Judæi tanto studio corraserint ac convecnaverint omnia, quibus Christianorum dogmata singula impugnarent, rursus inde concludit, eos hoc mysterium silentio ita prætermitturos non fuisse, siquidem inter Christianorum veterum dogmata hoc quoque fuisset. Ethnicis, atque Judæis, Hæreticos primitivæ Ecclesiæ adjungit. Namque & Gnosticos, & Cerinthum, & Ebionitas & alios realem præsentiam corporis Christi in sacra Cœna non credidisse, nec tamen Orthodoxis hoc dogma ceu errorem objecisse ait, quod tamen itidem eos non fuisse intermissuros existimat, si hi tale quid docuissent asseruissentque. Nec asserit saltem illud, sed probare quoque annititur, inque eo dum occupatur, multa de hisce hæreticis erudite observat. Ultimo loco autem disputat, an in veteri Ecclesia hæretici fuerint, qui S. Eucharistiam plane rejecerint. Asserere quidem Ignatium, quod nonnulli fuerint, qui ab Eucharistia S. atque precibus se prorsus abstinerint. Ast cum ex reliquis hujus ætatis Scriptoribus neminem sibi suffragantem habeat, ejus hic tantum stare autoritate, minime consultum ducit. Equidem Pearsonium, ut Ignatio succurrat, provocare ad testimonium Polycarpi, qui dicat, eum qui neget, Christum venisse in carnem, esse Anti-Christum, & statim exhortetur suos, ut fugiant Hæreticos, & precibus atque jejunio, contra quosvis insultus se muniant. Etenim cum post preces atque jejunia S. Eucharistia usi sint Christiani, concludere inde Pearsonium, hoc sibi velle Polycarpum, Eucharistia utendum esse, adeoque fugiendos Hæreticos, qui e-

jus usum damnant. Lubricos hosce atq; incertos sequelarum anfractus in Pearsonio plane rejicit Banagius, atq; eos vel inde corruiere docet, quod neutiquam post jejunium, sed post agapas potius Eucharistia usi sint veteres Christiani. Ceterum cum Arnaldus, quo cum præcipue Autori nostro res est, ad Romanæ Ecclesiæ sententiam confirmandam, ad silentium Patrum de sensu metaphorico provocarit, Banagius contra urget silentium Patrum de sensu literali. Quin Origenem, monuisse suos, ne in sensu proprio verba institutionis acciperent, probare annititur. Nec vero tantum de sensu litterali eos nihil dixisse autumat, sed diserte quoque docuisse, in sensu metaphorico hæc verba intelligenda esse. Id quod probat notissimo Tertulliani effato, verba, *hoc est Corpus meum*, explicantis ita, *hoc est figura Corporis mei*. Cumque sibi silentium Justinii obstare adhuc videat de sensu metaphorico, demonstrat hoc Reformatis fraudi esse non posse, cum ceteri Doctores abunde præstiterint, quod prætermiserit Justinus, verbaque institutionis diserte metaphorice intelligenda esse, docuerint. Atque hæc quidem ad doctrinam veteris Ecclesiæ de hoc Sacramento pertinent. De ritibus hoc subjungit, Agapas, ut vocantur, ab Ethnicis ad Christianos fluxisse, ex sententia Salmasii. Post cœnam quoque eos S. Eucharistia usos esse, fallique Bonam Cardinalem secus hic existimantem. Cetera ex his facile intelliguntur. Ita ergo postquam S. Eucharistiæ historiam per tria priora secula explicavit, ad quartum quintumque seculum progreditur, & iisdem, quæ in antecedentibus presserat, vestigiis insistens, Ethnicorum, Judæorum, Hæreticorum, præsertim Manichæorum, Arrianorum, Nestorianorum, præsentiam realem negantium, nec tamen sententiam contrariam in Orthodoxis reprehendentium silentio, sententiam suam confirmat comprobatque. Quod autem generatim de ceteris Hæreticis affirmaverat Banagius, hoc speciatim de Synusiastis sibi demonstrandum sumsit. Quo nomine eos omnes complectitur, qui naturas in Christo confundebant, Apollinarem, Polemium, Eutychem, eorumque affectas atque discipulos. Hos omnes transubstantiationem non admisisse pronuntiat, eo quod cum illorum de naturarum confusione sententia consistere nullo modo possit. Orthodoxos contra, interque eos primum Chrysostomum, ut horum errores profligarent, argumentum deprompsisse a Sacra Eucharistia, sed ita ut liquido ostenderent, transub-

substantiationem & præsentiam realem inter sua dogmata locum non habere. Chrysostomi hanc esse sententiam: panem ante consecrationem panem quidem vocari, consecratum autem carnem Domini dici, etsi *natura panis* remaneat, nec tamen exinde duo Christo corpora tribui, sed unum tantum, quod est Filii Dei, eum retinere: eodemque modo naturam divinam unitam corpori, unum tamen filium Dei, unamque constituere personam. Extat luculentum hoc testimonium in Epistola ad Cæsarium, hætenus quidem pro suspecta habita, sed postquam ab ipso Autore, qui a Bigotio eam acceperit, publicæ luci exposita fuerit, pro genuina ab eruditissimis, ut refert, agnita, ut Harduinus quoque ad effati hujus vim eludendam, aliam sibi viam ingrediendam censuerit. Hunc namque asserere ausum esse, Chrysostomum transubstantiationem hoc dicto stabilire potius, tantum abesse ut eam evertat. Namque dum dicat, naturam panis remanere, proprietates externas panis eum intelligere: nec infrequens esse, ut Græci pariter ac Latini Patres *natura* voce ita utantur. Ast hoc ita capi posse, id quidem est quod Autor negat, qui nihil eorum prætermittit, quæ ad refellendam Harduini sententiam pertinere arbitratus fuit. Hoc labore defunctus, materiam Eucharisticam sæculi IV & V considerat, deque oblationibus usque azymorum in Eucharistia multa erudite disserit. Contendit namque, jam Apostolos ipsos non azymis, sed pane fermentato in S. Cœnæ administratione usos esse, idque in IV & V adhuc sæculo obtinuisse probat, testimonio Epiphaniæ & Innocentii I Romani Episcopi, quorum ille Ebionitis seu crimen atque errorem objiciat, quod azymis utantur: hic autem panem fermentatum more ea ætate recepto ad Ecclesias miserit. Quin azymorum ne apud sexti quidem sæculi Patres injici mentionem ait, idque agnovisse Mabillonium, qui septimo demum sæculo Isidorum Hispalensem eorum meminisse affirmet, utut ex argumentis, quibus hoc probet, minime sequatur. Addit hic quoque morem aquam cum vino commiscendi, & alia cum hisce connexa. Quibus rite expositis, ex ipsis Patrum his sæculis viventium scriptis, eorum de Eucharistia sententiam eruit, & primo velut per compendium & summatim eorum doctrinam proponit, deinde de comparatione Baptismi & S. Cœnæ a Patribus instituta verba facit; hinc quo pacto verba institutionis explicaverint, edisserit. Nec hæc tamen illi sufficiunt, sed num Patres isti

- testimonio sensuum fidem in hoc Sacramento derogaverint? num crediderint, Christi corpus simul esse posse in pluribus locis? an existimaverint, accidentia existere posse sine subjecto? disquirat: aliarumque adhuc quaestionum ad Eucharistiam pertinentium discussionem subjungit. Ultimo loco de ritibus differit, circa Sacrae Coenae administrationem ea aetate receptis, interque alia observat, tempus certum huic negotio in veteri Ecclesia non fuisse destinatum, & in quibusdam Ecclesiis diebus solum Dominicis, in aliis quoque diebus aliis per hebdomadam, Eucharistiae sacramentum frequentatum fuisse. Docet quoque, licet Presbyterorum fuerit symbola Eucharistica distribuere, interdum tamen & Diaconos hoc munere functos fuisse, Harduinumque secus iterum sentientem ex instituto refellit. Sed mittimus cetera, lectu non injucunda, nec quae de seculo VI, VII, VIII affertur, commemorabimus, cum quam & in his rationem teneat Autor, ex dictis intelligi haud difficulter possit. Summa huc redit, quod in tribus hisce seculis a doctrina veteris Ecclesiae nondum fuerit discessum, idemque quod Patres hujus aetatis nec transubstantiationem, nec praesentiam realem corporis ac sanguinis Christi in Sacra Coena admiserint; nisi quod seculo demum octavo Johannes Damascenus hic innovare aliquid coeperit, qua de re deinceps dicemus. De sexto seculo cum verba facit, Africanae Ecclesiae sententiam hac de re paulo accuratius sibi explicandam sumsit, statimque ab initio laudat Petrum de Marca, quod concesserit, asserueritque discrete, primitivae Ecclesiae Doctores, speciatim Africanos docuisse, in sacramento S. Coenae panem post consecrationem, verum manere panem. Atque hoc quidem est, quod porro probat Banagius, quod docuerint, post consecrationem verum panem, verumque vinum accipi, itemque quod crediderint, panem esse signum corporis, idque Facundi testimonio comprobatur, simulque quae Sirmondus ac Harduinus ad vim ejus infringendam attulerunt, diluit. Sed his aliisque non immorabimur, cum graviora adsint, quae nos ad se vocant. Etenim, postquam Autor demonstravit, per octo secula eandem fuisse Ecclesiae de Sacramento Eucharistiae doctrinam, quo pacto seculo demum nono ab ea discessum fuerit, ostendere aggreditur. Fuisse quidem & sub initium istius seculi receptam hanc Ecclesiae sententiam, quae nec transubstantiationem, nec praesentiam realem corporis & sanguinis Christi admittit, exemplo Ahytonis Episcopi

pi Basileensis, Theodulphi Aurelianensis, Caroli M. Ludovici Pii, Agobardi Lugdunensis, aliorumque comprobare annititur, quorum de Eucharistiæ Sacramento edisserit sententiam. Ast Paschasium demum Radbertum *præsentiæ carnalem*, uti loquitur, corporis Christi docere incepisse, primumque adeo esse transubstantiationis inventorem. Licet enim & in Orientali Ecclesia seculo præcedenti a primitiva Ecclesia in hoc capite descitum sit, Paschasii tamen sententiam diversam esse a doctrina Orientalium, quippe qui autore Johanne Damasceno unionem hypostaticam panis cum corpore Christi per modum augmenti cujusdam admiserint. Paschasii autem sententiam mox tam avide arreptam fuisse ait, ut tantum non universam Ecclesiam Occidentalem, paucis exceptis, errore suo infecerit: quin ita eam invaluisse, ut vel duobus præterlapsis seculis primitivæ Ecclesiæ doctrina penitus fere fuerit obfuscata. Id vero cum primis observatu dignum ducit, quod eodem tempore, eodemque modo, insignis mutatio in doctrina de Gratia quoque contigerit, Semi-Pelagianismo in Ecclesiam introducto, proscripta sensim sententia atque doctrina Augustini. Hoc cum eo pertineat, ut eo facilius admittatur, insignem istam in doctrina de S. Cœna mutationem, tam subito, nec quoquam fere animadvertente, contingere potuisse, quod forte, si aliis exemplis idem doceri non posset, superaret fidem, operæ pretium duxit, instituta utriusque mutationis comparatione, prolixius hoc ediffere. Nimirum cum hætenus Augustini doctrinam Orthodoxi omnes secuti fuissent, ita ut circa sæculi octavi finem, anathematis fulmine Semi-Pelagianismum percuteret Romanus Pontifex, Carolusque M. & istius præceptor Alcuinus Augustini doctrinam amplecterentur, nihilosecius seculo nono scenam tam subito mutatam fuisse, ut in Godeschalco, ex mente Augustini de prædestinatione docentem, certatim omnes irruerent, eumque condemnarent. Et nihilosecius ea ratione hoc factum fuisse, ut qui hoc animadverteret, vix esset, cum ne unus quidem nominari possit, qui Semi-Pelagianismum palam fuerit professus. Eodem itaque modo, subito quidem, sed ut nemo hoc animadverteret, errorem de transubstantiatione in Ecclesiam Christianam fuisse introductum. Quin ab iisdem quoque autoribus utrumque errorem, in utraque Ecclesia, tum Orientali, tum Occidentali fuisse profectum. In Orientali enim Ecclesia Johannem Damascenum.

Semi-

Semi-Pelagianismum egregie promovisse, eundemque unionem panis cum corpore Christi asseruisse. In Occidentali Paschasium Radbertum, non tantum transubstantiationem excogitasse, sed inter adversarios Godeschalci vel primum occupasse locum. Eundem amicum fuisse intimum Hincmari Rhemensis, & in ejus gratiam Semi-Pelagianismi causam defendendam suscepisse; quemadmodum Hincmarus contra in Paschasii sententiam de transubstantiatione concesserit. Utrumque, Paschasium & Hincmarum, eosdem quoque habuisse adversarios, quos inter emineat Ratramnus, qui contra Paschasium in doctrina de S. Cœna, contra Hincmarum de prædestinatione scripserit. Hinc istum Jansenistis mox laudari, mox vituperari: laudari quidem in doctrina de gratia & prædestinatione, vituperari in doctrina de S. Cœna, quippe in qua eundem adhuc cum Romana Ecclesia foveant errorem. Hincmarum tamen plures asseclas atque defensores habuisse quam Paschasium, autumat; quin fuisse nonnullos ex discipulis atque sectatoribus Hincmari, qui doctrinam Paschasii impugnarint, quos inter emineant Johannes Scotus Erigena, Amalarius, atque Rabanus. Documentum certissimum hinc capi ait, doctrinam quandam oppido falsam esse, si ab amicis pariter ac inimicis impetatur, refellaturve. Dissimilia itaque licet utriusque, & Paschasii, & Hincmari doctrina experta fuerit fata, mox tamen eandem utriusque fuisse felicitatem, ut superatis difficultatibus omnibus, frustra contra nitentibus veritatis defensoribus, eorum sententia longe lateque Ecclesiam velut inundaverit: a Scholasticis autem oppressa penitus atque submersa veritate, & Pelagianismus, & transubstantiationis inventum, ad supremum erroris fastigium perductum fuerit. Hæc velut in transitu de ortu & progressu hujus sententiæ postquam Autor disseruit, de ipso Paschasio sollicitus est, & primo quidem dum in patriam ejus inquit, notat errorem Trithemii & Chronici manuscripti monasterii Corbeiensis, Paschasium huncce cum Paschasio Diacono Romano, qui trecentis antea annis vixerit, confundentium. Multa alia ex vita ejus memoratu digna refert, quæ nos prætermittimus, hoc saltem subjungentes, quod de doctrina ejus observavit. Docuisse namque eum inquit, post consecrationem symbola non amplius esse panem & vinum, sed corpus & sanguinem Christi, sed simul tamen quasdam fovisse opiniones, in quibus a decretis Ecclesiæ Romanæ plane dis-

cedat. Namque non tantum eum vocem sacramenti a *secreto* aut *consecratione* derivasse, sacramentumque ita dici autumasse, quod Spiritus S. aliquid secreti atque absconditi in utentibus sacramento operetur, sed duo etiam tantum admisisse sacramenta, Baptismi & S. Coenae; itemque asseruisse, quod Spiritus S. corpus ac sanguinem Christi in S. Coena creet, quemadmodum caro Christi in utero B. Virginis Mariae fuerit creata: quam quidem creationem a transubstantiatione maximopere differre Autor contendit. Interdum quoque Paschasium non satis sibi constare, asserereque, panem atq; vinum adhuc remanere in S. Coena, corpusque Christi in hoc sacramento non nisi a fidelibus accipi: contendere quoque eum, quod Laici aequae ac Clerici sanguinem Christi bibere debeant; ut cetera crudite ab Autore hic observata, sicco nunc praetereamus pede. Operae tamen fuerit pretium, ex iis, quae de controversia hujus a Paschasio primum excitatae ratione porro refert, nonnulla commemorare. Etenim cum Romanensium inter sit, non concedere, quod seculo demum nono ortum sit transubstantiationis dogma, & vero negare nequeant, de Eucharistia multa fuisse eo tempore disputata, Meldensis quidem Episcopus affirmare non dubitavit, de praesentia reali corporis & sanguinis Christi nullam tum fuisse litem, ac Orientalem Occidentalemq; Ecclesiam in ea asserenda, amica consensione inter se conspirasse, sed de eo solum fuisse disputatum, num corpus Christi in S. Coena praesens, idem sit, quod fuit in utero beatae Virginis Mariae? hoc nonnullos affirmasse, alios autem negasse: deinde nonnullos asseruisse, Christi corpus in sacra Coena esse quidem praesens esse, sed sub figura simul, atque quodam invisibili tegumentum atque mysterium adesse; quod cum alii concedere nollent, rursus in controversias atque lites eos exarsisse. Et hoc quidem est, quod Autor sibi ex instituto confutandum sumsit, qui prolatis ipsius Paschasio verbis, non de fictis istis a Meldensium Praefule controversiis, sed de reali corporis & sanguinis Christi praesentia, tum concertatum fuisse. Simulque ex ipso Paschasio probat, ejus sententiam pro nova & inaudita tum fuisse habitam. Rursus tamen alio modo rebus Romanensium hic consulere studet Arnaldus, Namque primo vivente Paschasio ei nullum se opposuisse, & cum jam triginta anni post sententiam ejus scripto propalatam effluxissent, obscuros quosdam homines ei se opposuisse; eum praeterea nec in Concilio,

nec a Romano Pontifice fuisse damnatum; quæ omnia documento sint, doctrinam Paschasii non fuisse novam, sed eam ipsam, qua Ecclesia semper personuisset. Quæ Banagius ita diluit, ut primo ex rationibus chronologicis erroris convincat Arnaldum, demonstratque triginta annos non effluxisse, priusquàm aliquis ejus sententiæ contradiceret: ut tamen concedat, per aliquot annos delituisse velut hoc scriptum Paschasii, nec adversarium fuisse nactum; quod mirandum non sit, cum per bella intestina Ludovici Pii ejusque filiorum, turbata fuerit regni Francici quies, & quod ex Westphalia liber non tam cito in notitiam reliquorum Episcoporum pervenire potuerit. Deinde & quod de silentio Pontificum, Conciliorum, Episcoporumque objecerat Arnaldus, sub examen revocat, tandemque concludit, hoc suæ non magis quam Romanensium sententiæ obstare, cum ab his nec adversarii Paschasii damnati sint: dein manifestum esse, Galliæ Episcopos quosdam acriter satis Paschasio se opposuisse, ut quoque ex Corbeiensi monasterio, in quo Abbatis munereungebatur, excedere coactus sit. De anonymis autem, qui Paschasii sententiam ea ætate refutarunt, deinceps ex instituto differit. Ceterum nonnulli Romanensium peculiarem hic finxerunt sectam Stercorariorum, in qua debellanda Paschasius occupatus fuerit. Banagius autem inter commenta hanc sectam refert, probatque per ludibrium hoc nomen Orthodoxis a transubstantiationis fautoribus datum fuisse. Etenim admissio transubstantiationis dogmate, non poterant non multæ inde oriri quæstiones ineptæ atque otiosæ, de accidentibus post transubstantiationem in pane & vino reliquis, inter quas & hæc erat, an quas mutas per commestionem cibus vulgaris subit, iisdem quoque corpus Christi sit obnoxius? In qua explicanda licet Scholastici non unam ingressi fuerint viam, impugnatores tamen transubstantiationis, quæ ex hac doctrina fluebant *ἀποκα* nunquam non illis objecisse, Banagius docet, & ita Stercorariorum ab iisdem retulisse nomen. Observat porro, Guitmundum Archiepiscopum Aversanum, acerrimumque transubstantiationis defensorem, primum Stercoranismi meminisse: & num recte Amalario, Rabano, Heribaldo, Ratramno, aliisque objiciatur, disquirat. Sed de reliquis quoque seculi noni ac decimi scriptoribus differit, & in illorum de S. Cœna sententiam inquirat, & de Liturgiis, variisque ritibus, & ceremoniis in S. Cœnæ administratione usita-

usitatis, multa observatu digna in medium affert. Nec legisse quoque quenquam poenitebit, quæ de adoratione Eucharistiæ in libro sequenti exponit, dum eundo per omnia secula, a prima Ecclesiæ origine, ad seculum usque duodecimum, historiam adorationis hujus sacramenti justa serie deducit. Namque seculo duodecimo demum Ecclesiam Romanâ ad hunc superstitionis gradum pervenisse, sicut seculo sequenti decimo tertio festum in honorem hujus sacramenti institutum sit, Auctori manifestum & extra dubium positum videtur. Sed hic nunc quidem, ne in nimiam molem vasti operis recensensus extrescat, filum abrumpimus, quæ supersunt, mense proximo enarraturi.

*NICOLAI RAYEI, E SOCIETATE JESU THEOLOGI, Responsio ad Memoriale, in quo F. Sebastianus a S. Paulo, Ordinis Veterum Carmelitarum, adversus Acta Sanctorum & personam
- R. P. Danielis Papebrochii accusationes
suas reiterat.*

Antverpiæ, apud viduam H. Thieullier, 1699. 4. plag. 18 $\frac{1}{2}$.

Quotnam & quæ lites motæ fuerint a Patribus Carmelitis Danieli Papebrochio, Ordinis eorum originem inde ab Eliæ temporibus esse derivandam neganti, plus vice simplici in Actis hisce nostris memoravimus. Pertasi vero tandem illi disputationum, aut quacunque forsan ratione alia adducti, imponendum utrique parti silentium a Summo Pontifice postularunt. Prior etenim Carmelitani Ordinis Generalis, P. de Villalobos, sub initium anni superioris 1698, peti- tum istud nomine sociorum ad Innocentium XII Romæ detulit: hinc a Concilii Tridentini Congregatione mandatum ea de re d. 8 Martii decretum, post ab Eminentiſſimis Cardinalibus in hunc finem deputatis formatum, inque eadem Congregatione d. 26 Aprilis comprobatum, ac tandem d. 25 Novembris a Pontifice Maximo publicatum fuit; quamvis, ut videri queat, minime ad palatum eorum, qui primitus id edi flagitaverant. Cum enim nullum aliud silentium imponat, quam quod super quaestione de Ordinis Carmelitani primæ- va institutione ac successione ab Eliâ atq; Elisæo Prophetis tenendum sit, integrum sibi, isto non obstante, Papebrochius cum asseclis existi-

mat, accusationes adversariorum ab illo themate alienas imposterum non minus, atque haftenus, refellere. Quemadmodum proinde disquisitioni de primæva Ordinis Carmelitici origine ultimam velut manum imposuit, edita d. 17 Septembris anni superioris, non veræ, quam sacer ille Ordo jaçet, originis ac successionis brevi adumbratione; ita silentium a Summo Pontifice tunc adhuc injungendum sancte se servare velle pollicitus est; quanquam adversarios ab illo tempore, quo interdictum de scriptis hoc in certamine non amplius edendis petierint, tractatus plures & grandiores, autorum suorum, & ipsius etiam Generalis de Villalobos, nominibus insignitos, Nola, Antverpiæ, Lovanii nihilosecius vulgasse, ac ipsos insuper omnem concordiae sancienda occasione miris modis intervertisse, conqueratur. Ast, ut ad alias objectiones, arcem rei haud invadentes, posthac tacere se nolle palam innueret, potestatem liberâ concessit Collegarum suorum uni, R. P. Nicolao Rayæo, ut Responsionem, quam titulus modo insinuatus Benevolo Lectori nominavit, adornaret: ipse enim quo minus eandem consignaret literis, oculorum se debilitate, qua nec scribere nunc sua manu, nec legere quicquam valeat, impeditum fuisse, per amanuensem nos edocuit. Nimirum R. P. Sebastianus a S. Paulo Exhibitionem errorum a Papebrochio admissorum edidisse olim haud contentus, novo insuper, quod vocavit, Memoriali accusationes suas reiterare, quodque hæc in Responsionibus a Papebrochio Exhibitioni isti oppositis, & a nobis suo loco latius recensitis, satis dilutæ nequaquam fuerint, asserere sustinuit. Idem ergo Rayæus, quem in Actis nostris anni superioris p. 534 Præambulorum Exhibitioni modo dictæ præfixorum Examen Juridico - Theologicum suscepisse diximus, causam Papebrochii jam denuo tuetur: quanquam prolixum adeo laborem exantlare necessum minime habuerit, cum e viginti quinque articulis, quorum apologiam, adversario quondam sic postulante, Papebrochius texerat, duos solum priores ille attigerit, refutationem eorum, quæ ad objectiones cæteras hic reposuerit, proxime daturum se pollicitus, ut ut reapse exultimans, fore, ut per decretum de servando utrinque silentio labore illo imposterum supersedere non citra honestissimæ obedientiæ speciem valeret. Hanc sane mentem Rayæus expressis ipsi verbis tribuit, ac de cætero, quam firmo adhuc talo Papebrochii responsiones nitantur, evictum dare allaborat, Capita ve-

ro, circa quæ in opere præfenti controvertitur, & quorum veritas a Rayæo adstruitur, hæc sunt: quod Papebrochius de paupertate Christi, B. Virginis & Josephi merito dubitarit: quod recte docuerit, Christum diutius, quam annis 33, inter mortales vixisse; imagines Christi & matris ejusdem Virginis, fidelium duntaxat credulitate, minime quidem fraudulenta, interim tamen nec idoneo satis argumento fulta, Lucæ Evangelistæ pictori tribui; recte ambigi, an ulla unquam fuerit Veronica, matrona pia; illuminationem Tobiae, utpote quæ Verbi incarnationem præcesserit, parum apte Jesu Christo tribui; non omnia, quæ de inventione S. Crucis circumferantur, scripta genuinis accensenda esse; Petrum annis modo quindecim Romæ sedisse; Acta S. Sylvestri parum genuina esse; donationis Constantini M. instrumentum, quod vulgo appelletur, authenticum, explodendum venire; jus eligendi Imperatorem per septem Germaniæ Principes, non profuere a constitutione quadam Apostolica; Nicolaum I Papam errasse, recipiendo & approbando Acta Concilii Sinuesiani; Felicem V absque culpa suscepisse Papatum contra Eugenium IV: quod Papebrochius nunquam Summos Pontifices erroris in materia religionis arguerit; quod nihil sedi Apostolicæ parum decorum scripserit; quod nusquam Joachimi Abbatis libros ut ab omni errore alienos laudarit; ut minutiora quædam alia silentio prætereamus.

*EFFECTUS SINGULARES LENTIS OPTICÆ
ad Telescopia, per D. T.*

Quemadmodum multo jam tempore satis superque mihi perspecta fuerunt rationes, quibus scientia naturalis insigniter promoveri potest: ita obtinendo huic fini, inter alia complura, vel maxime necessarium arbitratus sum, Opticæ ad longe altiorem perfectionis gradum, atque hæcenus obtinuit, evehere.

Postquam vero animum operæ huic intentius applicavi, quantumvis magnis laboribus, quantiscunque etiam sumptuum & temporis impendiis, parum effici posse, prima fronte mihi videbatur: difficultatibus hic obviis adeo implexis, ut pene pro insuperabilibus censi mererentur. Veruntamen dignitas utilitasque hujus negotii, nihil hic intentatum relinquere, impensissime persuadebat.

Hanc vero operis molem aggressuro, in limine statim nova plane vitrorum fabrica opus erat: cum ejus magnitudinis & crassifici, quæ hic requirebantur, vitra, flatu, sueto scilicet hætenus officinis vitrariis medio, parari nequaquam possint. Successit tamen coeptum hoc, post plurium annorum indefessa studia, adeo feliciter, ut opera nostra ejusmodi jam vitra conficiantur, quibus gemina neque Venetiæ, neque Lutetia, nec ullus alius terrarum locus hucusque dedere: de quibus, quorum alia ad 100, 200 quin 300 libras pendent, jam antehac Actorum anno 1696 p. 345 seqq. sub rubrica, *Singularis & nova artis vitriaria Emendatio*, disseruimus. Ab illo tempore alia pro speculis vitra, septem pedes longa, quinque lata, & pollicem crassa confecimus: inque promptu nobis est, adhuc longe majora, diversaque alia insignis momenti & usus, de quibus aliquando pluribus, construere. Horum omnium veritatem certitudinemque edoctus Potentissimus Rex Poloniarum, Dominus noster Clementissimus, sub auspiciis Serenissimi Vicarii Electoralis, Principis Furstenbergii, prope Dresdam, Electoratus Saxonici metropolim, officinam vitriariam extrui curavit, quæ omnibus numeris absoluta, quibuscunq; & quantumcunque magnis vitris parandis examullim sufficit.

Superata hac difficultate, restabat altera, priore illa non levior. Cum enim grandibus ejusmodi vitris ad usus opticos præparandis, nullæ vires humanæ pares essent, excogitanda erat machina, cujus ope ea ad quamvis formam, planam, convexam, concavam, componi possent; quæ pari facilitate vitra tereret, lavigaret, poliret, quas operationes diversis alias rationibus absolvi notum est; & quæ denique (cum constet, summæ accuratæ figuram hic requiri) eadem ad leges exquisitissimæ exactitudinis perficeret. Hujusmodi machinam, aquæ motu versatilem, jam eousque perfectionis adduxi, ut in hoc genere nihil simplicius consummatiusque excogitari posse, omnino sim persuasus. Atque ut fidem hujus rei peritis faciam, speciminis loco, de perspicillo certo quædam proferam, quale hucusque non extitit, beneficioque hujus machinæ confectum est.

Vitri quidem ad idem destinati diameter ab initio duorum pedum erat; sed postquam casu quodam noxam passum est, magnitudine tamen adhuc pedem Rhenanum excedit. Ex eo lens convexa elaborata est 32 pedum, exactissimæ perfectionis: nec difficili

faciliori opera ex eodem vitro plano-convexum 64 pedum construi potuisset.

Rerum opticarum gnaris, sed quorsum tantæ magnitudinis lentes, incertis (cum notum sit, objectivis tubospecillorum exiguam aperturam relinqui) præjudicium, quod magno Optices damno hactenus invaluit, brevibus tollendum est: uberiores enim hujus argumenti tractationem alibi, ubi de cavendis corrigendisque magni ponderis præjudiciis opticeis aliis dicendi locus erit, daturus sum.

Et possem hic quidem indicare, aliis atque aliis lentibus ocularibus adhibitis, aperturas etiam objectivi majores majoresque, citra offuscias colorum iridis, usurpari posse; verum majoris momenti res pandenda est. Tam grandium enim lentium beneficio 1. unica tantum lente, citra ullum oculare, nobis opus est: id quod insignem facilitatem tam terrestribus quam cœlestibus observationibus conciliat; utcunque telescopia immensæ sint longitudinis (ut ut interim integrum sit, ubi libuerit, ocularibus etiam uti.) 2. Tuborum adminiculo, at longe alia & nova ratione, atque Illustris *Hugenius in Astroscopia*, sua ostendit, liberamur. Non obstantibus enim vel potentissimis radiis Solaribus, objectum inter & oculum transeuntibus, idem illud distincte & perspicue conspici potest; sive cum, sive (quod commodius faciliusque obtinetur) sine oculari. 3. Objecta multo clarius, atque hactenus contigit, percipiuntur; multoque clarius trans objectivum, quam nudo oculo: adeo ut ea cœlo etiam maxime nubilo, & adulto vespere, admodum lucida appareant. 4. Uno oculi obtutu, supra quam credi potest, amplissimus campus obtinetur. 5. Non necesse est oculum immotum figere, sed eodem ultro citroque, invariata tamen distantia, ad intervallum notabile discurrere licet. 6. Vitri vitia interna, quæ poliendo tolli nequeunt, v. c. bullæ, undulæ &c. nihil efficiunt; magnitudine lentis eadem ita corrigente, ut inter id, aliaque, quæ defectibus ejusmodi non laborant, nihil discriminis compareat. Ut adeo eadem hac memorata lente, ex distantia sesquimilliaris Germanici, citra ullum oculare aut tubum, integrum oppidum distinctissime cernere potuerim; Solis meridiani radiis, inter oculum objectumque trajectis, nihil quicquam impredientibus. Pari ratione nocte concubia Saturnum cum suo annulo, Jovem satellitibus stipatum

tum, faciemque & maculas, etiam minutissimas, nascentis Lunæ clarissime observavi.

Lens dicta ex intervallo 32 pedum intensum calorem spargit, qui manibus sufferri nequit: ut adeo, si primam magnitudinem duorum pedum retinisset, neutiquam dubitem, ob tantam imaginis Solaris multiplicationem, eximiam vim causticam habituram fuisse; sed de his alibi. Haftenus vero relata attento lectori insignes has Lentes, & machinam, cujus ope adornantur, etiam etiamque, opinor, commendabunt: cum manuum auxilio nihil horum effici, atque adeo Dioptrice ad tantam perfectionem haftenus perducere nequiverit: quæ quousque, postquam jam vitra, quantacunque etiam hic desiderantur, & lentes tanti radii, qui omnem fidem excedat, parari possunt, in posterum pomœria sua prolatura sit, sagaciores haut difficulter conjectabunt.

COMMENTARIUS IN CONCORDIAM EVANGELICAM, ET

Apparatus Chronologicus & Geographicus. Autore

BERNARDO LAMY, Oratorii D. J.

Presbytero.

Parisiis, apud Jo. Anisson, 1699. 4. chart. aug. Alphab. 6.

NE scriptis solum philosophicis & mathematicis, quorum plura haftenus vulgavit, sed theologicis etiam ac sacris nomen sibi famamque acquireret Eruditissimus Autor, in opere hoc, splendido sane inque duos tomos diviso, strenue elaboravit. Equidem viam quasi æternæ eodem adhuc voluit libris in posterum maturiore ætate edendis aliis, quibus se demonstraturum dicit, Christum esse vere naturam Deum, Filium Dei & Patri consubstantialem; prout & orthodoxam de tribus in Deo personis fidem propugnare sigillatim constituit. Non potuit ergo, quin vitam Domini nostri Jesu Christi, sive historiam Evangelicam eorum, quæ ille gesserit & disseruerit, excuteret: hanc enim confirmatam orthodoxo de sanctissima Trinitate dogmati fidem omnium aptissime præstruere posse arbitratur. Sed cum apud Evangelistas historia vitæ Christi sua velut membra sparsa ac divulsa habeat, facile cognovit, non licere ex illis unum conflare corpus, nisi ista colligantur & uni formæ reddantur, suis nempe temporibus, quibus quidque dictum gestumve fuerit. Hinc de Harmonia seu Con-

cor-

cordia Evangelistarum cogitare cœpit, in qua demonstranda plures sane, quos longa serie recenset, & nunc & olim occupatos fuisse fateatur, sed a nemine tamen eorum rem omnem ita confectam deprehendi innuit, ut faciliiori methodo & aptiori viæ nemo amplius insistere valeat. Se namque istam adinvenisse testatur, dum in tomo primo, nova librorum partitione, capitumq; lemmatibus, Evangelia non parum illustravit, nullum cujusquam Evangelistæ verbum omiserit, sed omnem tamen confusionem ita quoque evitarit, ut ubivis liqueat in iis, quæ narrentur, an hi verba eadem an diversa usurparint, quæ unus referat, quæ alter prætermittat, & quæ cujusq; propria sint? Eam ob rem in peculiari columna harmoniam continuo Evangelistarum sermone per partes singulas contexit, sed insertis tamen ipsi textui hinc inde signis atque notis, e quonam Evangelistarum deprompta quæque sint, indicantibus. Lucam nempe litera L & Joannem litera J designat. Matthæo & Marco aliam nominis eorum literam addidit, ita ut Mt Matthæum, & Mc Marcum, M vero utrumque indigitet. Ut tamen & unusquisque solus legi posset, ad latus statim in columnis aliis verba singulorum haud interrupta collocavit, sedulo interim prospiciens, ut ne frequentes illas lacunas admitteret, quæ hiulcas faciunt harmonias alias, in quibus aliquot columnæ toties vacuæ sunt, quoties eadem historia non pariter ab Evangelistis omnibus tractatur. Sed & hoc potissimum discrimine differat a cæteris præsens, quam concinnavit Auctor, Harmonia, quod Matthæum & Johannem, oculatos testes, sequatur. Marcum etenim & Lucam ut e numero discipulorum Christi non fuisse sibi penitus persuadet: ita rerum gestarum ordinem adeo accuratum & concinnum apud hos non æque, ac apud istos, reperiri autumat. Universam itaque Harmoniam Evangelicam in libros quinque, ac horum singulos in plura rursus capita dispescuit. Primo libro vitam Christi ab ejus ortu ad baptismum usque persequitur. Librum secundum a præconio Johannis inchoat, inque primo Paschate post baptismum Christi finit. Tertiū a primo usque ad secundum Pascha; quartus ab hoc ad Christi usque passionem, & quintus denique a die, quo ovans Hierosolymam ingressus est Salvator, ad ejus usque ascensionem in cœlum protrahitur.

Neque tamen existimandum est, ac si nudam heic proponat Harmoniam suam Auctor solertissimus, quin crebrioribus potius Com-

mentariis eandem passim vestivit & ornavit ; sed hos non singulis paginis , ut aliqui sueverunt , subjecit, aut versiculis quoque singulis annexuit, nimium quippe turbatum iri lectionem isto pacto intercisam ratus ; verum capitibus demum integris subjungere eosdem maluit, Quemadmodum autem & harmoniam & textum Evangelistæ cujuslibet Latinis vulgatæ versionis verbis exhibet : ita hanc in Commentariis plerumque approbat & vindicat, ac imprimis, quia autor ejus non minus, atque ejusdem corrector B. Hieronymus, vetustioribus & melioribus codicibus Græcis usi fuerint, non dimittendam statim eam arbitratur, si quando ab hodierna lectione textus sacri Græca discedat. Interim ubi liquere agnoscit, non aliter olim lectum in fonte Græco, quam nunc legatur, nec sermonem tamen Latinum ambiguitate carere intelligit, lucem huic ex origine Græca accersere nequitquam omittit. Insuper de genuina hujus istiusve loci interpretatione sollicitum se gerit, omnem, si quæ occurrat, *ἐναντιοφάνειαν* dispellit, totumque orationis nexum & seriem, vim item atque ordinem rationum paraphrastice explanat. Proprietatem sermonis Evangelici sæpius ex idiotismis linguæ sanctæ deducendam venire innuit. Nam licet ille Græcis constet vocibus, omnesque Evangelistæ, præter unum, quem excipit, Matthæum, Græce scripserint ; Hebræum nihilocius sermonem adeo redolere istum dicit, ut multum erraret, qui Evangelistas interpretari vellet ex sermone Attico, vel alio, qui purus fuerit Græcismus ; indeque, cum Judæorum loquendi consuetudo dignoscatur e frequenti lectione Septuaginta Interpretum, Philonis & Josephi, ex horum scribendi ratione lites dirimit, si quæ circa phraseologiam Evangelii moveantur. Præterea cum ad mores, ritus, opiniones, & ad cætera, quæ Judæis propria sunt, Evangelistæ ubique alludent, eaque, tanquam nota, supponant, idcirco & in his e monumentis idoneis apte declarandis sollicitum se gerit, Philonem & Josephum modo nominatos, imo eos etiam, qui serius, sed non pluribus annis post eversum Templum, veteres majorum suorum ritus exposuerunt, in subsidium adhibens. Natæ ipsi proin non raro sunt prolixiores paulo dissertationes atque annotationes, quarum suo quamque loco inseruit, ac erit forsitan ab instituto nostro minime alienum, earum aliquot speciminis in vicem hoc in loco allegare. Genealogiam Christi secundum Matthæum & secundum Lucam ad Lib. I. cap. 6 & 7. pro-

prolixè indagat. Sub libri secundi initium de voce *λέγος* ex instituto differit, eaque antiquis etiam scriptoribus æternam Dei sapientiam notari, veteresque Judæos eandem notionem habuisse *ל'ג'ס*, quæ observetur in scriptis Christianorum multis & liquidis, Philonis testimoniis constare asserit, ac Socinianos primordium Joannæi Evangelii aut penitus confictum aut obscuro sermone compositum esse comminiscens, refutat. Ad libri ejusdem caput 18 Orationem Dominicam fusius exponit. Mulierem peccatricem erectam, non provolutam genibus, rigasse lacrymis & tersisse suis capillis Christi pedes cap. 36 contendit, figuramque ejus in hoc labore occupatæ æri incisam sistit. Lib. III c. 19 de forma voluminum, quorum usus fuerit in Synagogis, differit. Cap. 26 Herodiadarum stemma sistit. Lib. IV c. 36 Lazarum defunctum vinctis pedibus conspiciendum præbet, miraculumque appellat, quod ille vinculis his minime obstantibus ad vocem Christi statim e sepulcro prodierit. Libro quinto dissertationem de Paschate Judæorum præmittit. Cap. 11 phylacteriorum formam, & cap. 15 lampades tempore deductionis sponsæ in domum, sponsi præferri solitas repræsentat. Cap. 21 ichnographia ædium summi Pontificis apparet. Nec brevis nimium est, quam capiti 33 addit, de cruce dissertatio, in qua varia commemorat, quæ ad materiam, formam, cæteraque crucifixionis adjuncta pertinent. Pro appendice prioris tomi præter varia paralipomena dissertationem de unica Magdalena dat, inque ea mulierem peccatricem, Mariam Magdalenam, e qua septem ejecta dæmonia, Mariamque sororem Marthæ & Lazari, unam & eandem esse contendit, & nihil magis incertum, imo falsum, videri sibi affirmat, quam quod vulgo asseratur, mulierem in civitate peccatricem nobile fuisse scortum, quin isto potius nomine generatim intelligi mulierem, quæ non inceserit in omnibus mandatis legis, plurimaque eorum neglexerit. Ob istam enim negligentiam, mulierem quæcumque, licet nullo turpi facinore foedatam, more loquendi recepto, peccatricem nuncupari solitam fuisse probat.

Labore hoc defunctus, ad Apparatum Chronologicum pergit atque Geographicum, nisi fortean hunc tomum isti præponere Introductionis in locum volueris. Hujus vero frontispicium præfatione sicco a nobis pede haud prætereunda exornat, qua veritatem Evangelii demonstrare totus allaborat. Codicem nimirum Evango-

lii non esse supposititium, sed autoritate præditum, qui autorem Deum habeat & scriptores eos, quorum nomina præferat, adversus quoscunque istam autoritatem impugnantes evincere sic nititur, ut probationis genere cuivis horum aptissimo utatur. Judæis etenim demonstrat, omnia Prophetarum vaticinia in Jesum convenire, & huic vindicari posse, quæcunque de Messia suo sibi polliceantur. Literatis, & qui scripta vetusta quælibet solícite evolverunt, eandem veritatem ita persuadet, ut Evangelistas nulli rei adversari ostendat, cujus de veritate certo aliquo antiquitatis monumento constet. Ruiles denique, & ortum suum, quæque ante ipsos natos agerentur, plane ignorantes, ad notiones hominibus innatas, morumque regulas naturales & placita saniorum Philosophorum ablegat, Evangelicasque leges his penitus conformes esse, quin Evangelium ipsam esse rationem hominis scripto manifestatam, cum Jesus sit ratio & sapientia, commonstrat. Mox, quid sit Evangelium, explanat, idque bonum nuntium adventus Jesu Christi, plenitudinem veteris legis, medicinam mentis, novum fœdus Deum inter & homines sancitum appellat. Matthæum, Marcum, Lucam & Johannem esse ipsos illos, qui Evangelia quatuor consignarint, & primum quidem Hebraice, sed reliquos Græce scripsisse; annum vero, quo quisque opus divinum perfecit, incertum, etiam post plurimas contentiones, remanere innuit.

Ast minime perfectam fore Domini nostri historiam existimans, nisi cum pateat Lectori, quam quisque vitæ actus certam temporis mensuram habeat, & constet non solum, quo ordine cuncta Christus dixerit & fecerit, sed & quo intervallo, quo anno, quo mense, qua die & hora, ideo & accuratam diligentiam huc Noster contulit, ut complurium gestorum ejus hebdomades & cujusq; hebdomadis dies distinctius designaret; quorsum facit Apparatus, quem appellat, Chronologicus. Eam ob rem ante omnia de principiis Chronologiæ disserit, deque Epochis & Epocharum initiis, de parallelismo temporum in Republica civili exactorum, de Cæsaribus Augusto & Tiberio, de regno Herodis & filiorum ejus; isto namque pacto tempora ortus vitæ & obitus Christi tanto felicius constitui posse arbitratus. Singulis vero his late admodum discussis, ac pro fundamento quasi præstructis, in postremo capite Calendarium Judaicum cum Romano conjungit pro istis annis, quibus Christus baptizatus inivit cursum Evangelicæ

geicæ prædicationis suæ, actus est in crucem & resurrexit. Ibi notat, qua die mensium nostrorum fecerit & dixerit, quæ in Evangelio leguntur, quamnam horum annorum partem consumserit docendo, miracula patrando, tum secedendo ab hominum turba, ut privatim discipulos suos doctrina, quam prædicaturi essent, imbueret, aut ut solus orationi vacaret. Quamvis autem plures in hoc catalogo paginae appareant vacuæ, eas tamen non inutiles esse confidit, siquidem tempora Domini indicent, quæ vacua queant censeri ab omni opere, quod notum Evangelistæ fecerint. Imo & istud haud diffitetur, quod ignota nobis sint tempora plurimorum actuum, quos tamen certis mensibus adscripserit, quia ordo, quo referantur, admoneat, contigisse ea fieri intra hos temporis limites, quos haud futilibus innixus conjecturis in Chronologico apparatu determinaverit.

Quod superest, cum optimus Salvator nihil moliretur sine summa sapientia, nec unquam pedem moveret, locum aliquem deserens in alium abiturus, nisi ratio illum eo deduceret, utique & situm locorum, ubi Christus vixit, oravit, sermones habuit, & tot tantaque edidit miracula, per vestigandum sibi Autor noster duxit, atque eapropter Chronologico Geographicum Apparatum subnexuit. In hoc non novam modo Judææ & totius terræ Israel descriptionem in tabella Geographica, uberius dehinc quoad divisiones suas per aliquot capita dilucidata suppeditat, sed regiones quoque singulas, utpote urbem Iericho, locum ubi Johannes baptizavit, lacum Asphaltitem, urbem Bethlechem, Samariam, Scythopolin, Herodis Antipæ ditionem, Galilæam, Decapolin, tetrachiam Philippi, perlustrat; omnium vero maxime in urbis Hierosolymitanæ & Templi ibidem extructi delineatione occupatum sese gerit.

Cæterum, quod primo statim loco monendum fuerat, Lectorem nostrum ignorare nolumus, aliqua eorum, quæ in opere hoc continentur, jam olim diversis temporibus sigillatim edita fuisse. Harmoniam namque sive concordiam quatuor Evangelistarum in forma minima (12^o.) ante hoc decennium Parisiis vulgavit Autor; controversiam vero de Judæorum Paschate antiquo non minus, ac de ultimo, quod Christus ante mortem suam celebravit, editis A. 1692, 93, & 95 aliquot tractatibus Gallicis idem persecutus est. Sed cum nullam horum mentionem in Actis nostris antea fuisse factam recordemur,

& cuncta insuper alio nunc ordine, verbisq; etiam ac idiomate partim alio appareant, paulo uberius ut operis totius faciem adumbraremus, nostrarum esse partium existimavimus.

PARRHASIANA. OUI PENSÉES DIVERSES SUR DE
Matières de Critique &c.

i. e.

COGITATA VARIA SUPER ARGUMENTIS CRITICIS, HISTORICIS, MORALIBUS & POLITICIS; nec non Defensio librorum a JO. CLERICO editorum, Autore Theodoro Parrhasio.

Amstelodami, apud hæredes Jo. Schelte, 1699. 8. Alph. 1. pl. 6.

ABiit jam fere in seculi nostri morem, ut quæ argute, lepide, aut cordate, a viris doctrina litterisque præstantibus dicta sunt, colligantur, publicæque exponantur luci. Scaligeriana, Perroniana, Sorberiana, Menagiana & id genus alia, hoc testantur satis superque, quorum exemplo comprobatum est, delectari hodie multos ejusmodi librorum lectione, in quibus ordinis nexusque & justæ tractationis defectum, rerum compensat varietas. Vir itaque doctissimus, qui sub nomine Parrhasii latere voluit, ab ipso forte Jo. Clerico haud alius, simili scribendi genere usus, quæ de litteris humanioribus aliisque doctrinæ solidioris partibus in mentem venerant, proferre, & indicatis novis, quibus hodie præstantissimæ artium liberalium passim deformantur, rem litterariam promovere secum constituit. Idque dum in hocce libro efficit, in varia quidem, eaque gravissima argumenta excurrit, sed quæ de iis differit, accuratiori ordine studioque explicata sunt, quam in reliquis hujus commatis libris fieri assolet. Liberius quædam hic a se dicta esse non diffitetur, aut neminem temere in malam hoc interpretaturum partem putat, cum quod religioni aut bonis moribus adversum sit, nihil asseruerit, vitiorum autem quæ in eruditis notat, a veteribus, non modernis scriptoribus repetierit exempla; ut adeo nemo tela hæc in se directæ esse existimare, indeque occasionem cum Auctore expostulandi arripere possit.

Primo loco de Poetis verba facit. Veterum Poetarum Graecorum

corum Latinorumque lectionem ex hoc capite suadet, quod multa doctrinæ moralis ac civilis capita, concinna elegantique dictione expressa exhibeant, & grandi quoque sublimique dictione vim imaginandi excitent, habitumque similitudine mentis cogitata exprimendi, diligens eorum lectio inducat. Verum recenset & incommoda, quæ ex Poetarum tum veterum tum recentiorum lectione proveniunt. Namque primo falsis conceptibus abundare scripta Poetarum; quibus si in errorem non inducantur lectores, fiat tamen, ut sensim vis ista recte & accurate ratiocinandi obscuretur. Deinde & stilum lectione Poetarum quandoque corrumpi ait, cum qui illa delectantur, etiam cum in prosa dicendum est, sublime illud, quod Poetis familiare est, dicendi genus confectentur, habereque in plerisque locum illud Quintiliani: *a corruptissimo quoque Poetarum figuras seu translationes mutuamur, tum demum ingeniosi scilicet, si ad intelligendos nos opus sit ingenio.* Quæ cum ita sint, habere tamen Poetas, quo placeant lectoribus, eorumque animos sibi concilient, quin fascinent, quodammodo, ut, quæ ridicula forent & absurda, si ab alio quam Poeta dicerentur, pulchra tamen & admiratione digna censeantur, si in carmine legantur. Sic, ut ex pluribus, quæ affert exemplis, unicum seligamus, cum Virgilius ventorum sedem hunc in modum describit:

Hic vasto Rex Æolus antro

Luflantes ventos tempestatesque sonoras

Imperio premit, ac vinclis & carcere frenat;

tam hoc ridiculum & a ratione alienum esse dicit, ut nihil temere magis ab ea alienum aut dici aut cogitari potuisset. Et nihilo secius vix ullum ex lectoribus esse, qui hoc animadvertat, aut sibi persuadeat: adeo elegantia verborum ornatuque rhetorico illorum mentes fascinari. Afferre tamen rursus Poësin hoc incommodum, quod ob metri leges non semper dicere possint quæ velint, aut debeant, sed quæ leges istæ permittant. Hinc ordinem verborum contra sermonis indolem illis esse immutandum; hinc epitheta superflua, aut a re aliena, subinde esse addenda; hinc omittendas voces, quibus ceteroquin accurate & eleganter rem exprimere potuissent, & quæ id genus alia sunt. Ab hisce autem, quæ artem ipsam urgent, incommodis, ad Poetarum vitia transit. Non suffragatur Scaligero, sibi aliisque persuadere co-

nanti

nanti, Poetarum gentem ab adulatione plane alienam esse, cum Virgilio, Horatii, Ovidii, Statii, Martialis, vitia æque ac virtutes Imperatorum Romanorum, indigna prorsus ac plusquam servili adulatione, laudibus prosequentium exemplo, rem secus se habere, demonstrari possit. Sed nec Horatio adstipulatur, avaritiæ immunes esse Poetas contenditis:

Vatis avarus

Non temere est animus.

In contrarium enim Pindari atque Simonidis exemplum affert. Sed cetera quoque, quæ idem Horatius, libri primi epistola secunda, ad commendandos Poetas excogitaverat, ordine Parrhasius noster refellit. Cumque etiam a Philippo Imperatore constitutum sit, ut privilegiis quibus ceterarum artium liberalium professores gaudebant, carerent Poetæ; in rationem hujus rei inquirens, perspectum fuisse Imperatoribus ait, quod nulla ex Poetica arte in rempublicam redundet utilitas: & si redundet, referatque reipublicæ, non deesse qui carmen pandere juxta artis leges possint, Grammaticorum tamen olim hoc quoque fuisse munus, ut poeticam artem juventutem edocerent. Huic cum obstare videatur illud, quod a plerisque asseritur, Poetarum scripta huc maxime comperata fuisse, ut rationem fugiendi prava, vitiaque exuendi, sectandi contra virtutem, aliis monstrarent, hoc iterum pluribus rationibus suffultus, in dubium vocat. Probat videlicet tum Epicis, tum Comicis non tam hoc constitutum fuisse, ut erudirent alios, quam ut delectarent. Atque quod ad Epicos attinet, tum Homeri, tum Virgilii exemplo suam sententiam confirmat. Esse nonnullos observat, qui ut evincant, Homerum docendi, non delectandi gratia Iliadis præclarissimum opus composuisse, contendant constitutum illi fuisse, velut exemplo quodam demonstrare, quam noxia sit discordia inter eos qui rerum summæ præfunt, & quantum contra ad rempublicam conservandam commodum adferat illorum concordia: & ita eum Græcos, ea ætate per dissensione ac intestinas controversias se ipsos in præceps dantes, flectere ad saniora voluisse consilia. Non abnuat Parrhasius, in hunc sensum explicari posse Homerum: *ast inde nondum evictum esse ait, quod istud illi constitutum fuerit, cum eadem facilitate, si cui liberet ἀλλὰ γοῦν, alia quoque dogmata tum moralia, tum civilia quamplurima ex eo elici possint.* Idque exemplis

plis quibusdam demonstrat : similique prorsus ratione de Odyssæa Homeri, & Virgilii *Æneide* differit.

Quæ de vera falsaque eloquentia differit, tum quæ ad inventionem, tum quæ ad dispositionem, tum quæ ad elocutionem, tum denique quæ ad pronuntiationem attinent, brevitatis studio præterimus.

Eloquentiam excipit Historia, ad quam rite scribendam qui animû adjicit, cum juxta Parrhasium, & accurate ea edoctum esse oportet, quæ aliis narrare audet, affectuum quoque, quibus impelli possit ad dissimulandam veritatem, immunem, & facultate quoque accurate mentis cogitata exprimendi præditum, iis denique artibus scientiisque instructum, quibus imbutum esse decet, qui de eventibus negotiorum memorabilium, ipsisque hominibus, qui scenam omnem instruunt, recte pronuntiare cupit. Si quis historiam sui temporis scribere aggrediatur, cum aut ea consignare litteris, quibus ipsemet interfuerit, aut quæ ab aliis acceperit. In illis falli eum equidem non posse, sed ita pauca admodum, inquit, ab uno homine scribi possent, brevissq; omnino futura esset historia. In hisce, in magno versari Historicum periculo, ne fallatur, cum plures esse causæ queant, cur illi, qui rebus etiam interfuerunt, non ita tamen ut gestæ sunt, narrare aut velint, aut possint. Probat hoc exemplo commentariorum Julii Cæsaris, quippe de quibus Pollio Asinius apud Suetonium asserat, eos parum diligenter, parumque integra veritate compositos esse, cum pleraque, quæ per alios erant gesta, temere crediderit, & quæ per se, vel consulto, vel memoria lapsus, perperâ ediderit. Quæ incommoda ut evitentur, nihil aliud superesse, quam ut historiam scripturus plurimos interrogando in veritatem inquirat, nec unius partis, sed & alterius testes audiat, acta deniq; publica, & quæ ab utraq; parte publicæ luci exponuntur scripta, colligat, eaque quam diligentissime inter se conferat atque contendat. Contingere tamen, ut illi, qui omnibus rebus affatim instructi sunt, nihilo secius per supinam quandam negligentiam a veritate aberrant, asserit, idque comprobatur exemplo Victorii Siri, qui scripserit modernum Galliæ Regem mense Septembri Parisiis natum esse, cum tamen utrumque falsum esse constet. De illis Historicis, qui de rebus exponunt, quibus aut ipsi non interfuerunt, aut de quibus consulere eos qui interfuerunt, non possunt, identidem pronuntiat, illorum officium esse, ut summa diligentia ex monumentis fide dignis colligant,

quæ ad veritatem proxime accedere putent. Qua de re dum differit, disquirat simul, an Historicus provocare semper ad auctores debeat, ex quibus sua deprompsit? & haud obscure illorum, qui hoc affirmant, sententiæ accedit. Et hæc de prima Historici virtute. Alteram dum explicat, prolixè demonstrat, quod Historicus fere ἀπαθής esse debeat, amorisque ac odii expers, & a spe præmiorum ac metu pœnæ æque remotus. Proponit hic in exemplum ex veteribus Polybium, ex recentioribus Hugonem Grotium. Hunc namque injuriarum a Mauricio Principe Nassovico acceptarum immemorem, quæ fortiter atque præclare ab eo gesta erant, non minori diligentia studioque enarrasse, quam ceteros Historicos, quos idem argumentum occupaverit, nec quicquam de eo memoriæ prodidisse, quod animum iratum vel minimo indicio demonstrare possit. Nec affectus tamen tantum, sed præjudicatas quoque subinde obflare opiniones docet, quo minus Historicus veritati, ita ut deceat, litet. Idque cum in civili Historia ita se habeat, tum maxime in Ecclesiastica quoque longe frequentissimum esse; cum plerique, qui ad eam accedant, vehementissimo erga eos, quos pro hæreticis reputant, flagrent odio, in magno quoque metu versentur, ne ipsi hæreticis annumerentur ab aliis, si quid forte dicant asserantque, quod aut suæ, quam sequantur, parti parum honorificum sit, aut hæreticorum causam meliorem reddere videatur. Quod postquam luculento Sozomeni testimonio comprobavit, ad stilum, quo uti Historicus debeat, accedit. Commendat autem hic iterum planum illud ac simplex dicendi genus, quippe quod ad erudiendum de rebus gestis lectorem maxime sit accommodatum: adeoque nec Quintiliano, nec Ciceroni, secus hic sentientibus, suffragatur. Puritatem tamen in eo requirit, cum hæc veritati historiæ non adversetur. Obscuritatem illos facile evitare ait, qui planum istud æc simplex dicendi genus sectantur, quod cum Thucydidi & Tacito non placuerit, mirum non esse, quod ob obscuritatem male audiant. Notat quoque Hugonem Grotium, atque Dionysium Vossium, quod dum Tacitum imitandum sibi proposuerint, idem admiserint vitium. Placet Auctori in Historico brevitæ, sed talis, quæ non pariat obscuritatem. Non languere Sallustium dicit, licet a brevitate Taciti procul absit, nec quicquam, quo minus perspicuus & clarus sit, illi obstare, quam dictionem antiquatam, & audaciores translationes. Fami-

ani Stradae stilum Poetam magis decere quam Historicum; eundem tamen, si superflua demantur, & quae parum Latine ab eo dicta sunt, commenduntur, multam lectori afferre delectationem. Quod autem ad facultatem rite de negotiis judicandi attinet, qua cum primis Historicum instructum esse decet, observat Parrhasius, cum Historicus iudicis personam sustineat inter gentes, non minus moribus quam opinionibus diversas, ejus officium esse, ut de religione, de virtutibus & vitiis, de justitia & injustitia, eam animo concipiat sententiam, per quam non ad unam magis quam ad alteram accedere partem videatur, & quae ab omnibus rationis ductum sequentibus, non possit non admitti. Peccasse contra hanc legem praeter alios Famianum Stradam ait, quippe qui suum erga religionem Ecclesiae Romanensis affectum studiumque haud semel prodiderit, atque abreptus sit eo usque, ut quae forte Hispanis feliciter ac ex animi sententia evenerunt, statim pro argumento favoris, quo Romanensium religionem prosequatur Numen, venditaverit, contra quae Protestantibus sive prospere sive minus prospere evenerint, ea omnia iratum haereticis Numen, juxta Stradam declaraverint. Laudat contra Thuanum, quod æquissimo animo erga eos etiam fuerit, qui aliam, quam ipse, sequebantur religionem: censuramque Lipsii ineptam de Historia Thuani perstringit. Quid justum aut injustum sit, nemini qui ratione uti velit, obscurum esse posse, idemque clarius adhuc ex religionis Christianae scitis patere. Nihilo secius plerosque Historicos, hic eorum, quae ratio & revelatio docent, tam parum memores esse Auctor docet, ut eos laudibus in cœlum evehant, qui ob facinora injustissima atro erant notandi lapillo; quod exemplo Caroli V comprobatur. Praeterea cum ratio clarissime doceat, quod in una gente justum est, in altera quoque pro justo habendum esse, nihil tamen frequentius esse apud Historicos, quam ut, quod in una laudatur, vituperetur in alia. Si Mahumedani, inquit, Christianos expellerent, aut durius quid in istos statuerent, eo quod Muhamedis se submittere legibus nollent, barbaram eorum crudelitatem damnarent omnes: at cum eodem modo Ximenes Cardinalis atque Reges Hispanici contra Mauros se gessissent, maximis laudibus digni censebantur. Ut autem ita contra moralis doctrinae praecepta Historici peccent; ita & civilis leges eos non minus violare, ostendit. Constare namque apud omnes, hanc demum regiminis rationem laudandam,

votisque expetendam esse, quæ ad totius populi salutem ac felicitatem est comparata: contra, quæ ad unius hominis commoda promovenda, aut cupiditates explendas spectat, prope abesse a Tyrannide. Ast hoc paucissimis Historicorum recentiorum persuasum est, juxta Parrhasium, quippe qui demonstrent suis adulationibus, Machiavelli doctrinam plurimos quidem verbis detestari, reipsa comprobare. Præstare hac in re multum Historicos veteres recentioribus, quippe qui tyrannidem vocent citra ambages eam rerum administrationem, quæ oppressa populi libertate, ad unius hominis arbitrium instituitur. In eo tamen rursus habere recentiores quo se præferant veteribus, quod juris gentium ac naturalis disciplina, auctore cum primis Hugone Grotio, diligentius exculta, certa illis & firma fundamenta subministret, quibus, quæ de bellorum justitia aut injustitia dicenda sunt, superstrui queant.

Auditur passim eruditorum querela, ruere in præceps litterarum humaniorum studia, nec nostram amplius ætatem tales proferre viros, tam in hoc litterarum genere præstantes, quales in Josepho Scaligero, Justo Lipsio, Isaaco Casaubono ceterisque venerata est superior ætas. Idque ita se habere cum experientia quoque doceat, Parrhasius operæ pretium duxit, in hujus rei inquirere causas. Quas dum ordine recenset, ipsos illos, quos nominavimus, harum litterarum Antistites, culpa non vacare autumat, eo quod planiorem ad harum litterarum intimos recessus nobis non fecerint viam, quod tamen facile præstare potuissent, si auctores veteres notis concinnis, & quæ obscura in illis occurrunt, citra ambages explicantibus, edidissent. Voluisse quidem eos, qui auctores cum notis variorum ediderunt, huic malo subvenire; ast hæc quoque editiones plerumque abundare superfluis, deficere in necessariis, pronuntiat. Idem & alia adhuc desiderat, in plerisque auctorum editionibus, quæ in usum Delphini prodierunt. Rectius in auctoribus edendis illos versatos fuisse, qui integras virorum doctorem notas adjecerunt: ast hoc sibi displicere, non dissimulat, quod non omnes simul textui ipsi subjiciantur. In Græcorum auctorum versionibus hoc desiderat, quod pleræque paraphrases potius sint, quam versiones, nonnullæ etiam sensum auctoris sæpius pervertant. Versionem Polybii, itemque Tacticorum Æneæ, & Characterum Theophrasti, ab Isaaco Casaubono adornatam, præ ceteris

ris laudat, rectiusque eum & sibi & aliis consulturum fuisse dicit, si quod in refutando Baronio non adeo felici successu consumpserit tempus, aliis quoque auctoribus Græcis transferendis in Latinum impendisset. Ceterum quod tantum pretium hisce studiis hodie non statuatur, quantum superiori ætate statutum sit, ex eo quoque provenire monet, quod harum litterarum cultores, ultra quam par sit, hæc studia laudent. Si enim hac ratione quidam inducantur, ut ad veterum lectionem animum adjungant, nec tamen ea in iis deprehendant, quorum harum artium magistri spem fecerant, non posse non horum animos tedium aliquod subire, ex quo deinceps contemptus ipsarum litterarum sequatur. Mores tamen quoque illorum, qui his sacris operantur, illepidos sane sæpe & parum humanos, multum his studiis nocere, ostendit. Quibus omnibus denique & hanc causam addit, quod qui gentium fata dispenſent, rerum Domini, non eo favore harum litterarum cultores prosequantur, quo olim; idque apud eos, qui Machiavelli disciplinam sequuntur, aut quibus alias ob causas lux per litteras diffusa ingrata est atque invisa, secus esse non posse, demonstrat.

Ceterum ut litterarium non idem semper fatum est, ita nec rerum publicarum atq; regnorum. Constat namq; alias efflorescere, alias decrescere atque imminui, donec plane destruantur. In causas itaque decrementorum inquirens Parrhasius, id apud omnes constare putat, eam rempublicam felicem esse dicendam, quæ & civium multitudine abundet, & opibus floreat, ut exactiõibus vexare populum, & ad summam redigere paupertatem, non necesse sit, & denique in qua, qui reipublicæ negotia tractant, ad statum ejus conservandum, amica concordia conspirant. Si quæ itaque respublica sit, quæ civium laboret paucitate, aut opum & pecuniæ defectu, aut discordia illorum, qui saluti publicæ invigilare debent, eam minime pro felici reputandam, sed præcipiti gradu ad ruinam ferri, concludit. Quæ omnia pluribus edisserit, simulque Belgium Fœderatum in exemplum reipublicæ bene & accurate constitutæ proponit. Sed cum hæc in Politicorum libellis passim obvia sint, iis non immorabimur. Digreditur tandem, post hæc & alia nonnulla, Auctor ad illud, quod præcipue in hoc opere illi constitutum fuisse videtur, & de studiis librisque Clarissimi Viri Johannis Clerici, uberius exponit, Recenset hic lites, quæ Viro huic

cum aliis intercedunt: quas cognoscere cum non omnium forte intersit, & nostrum quoque non sit, vel ipso Autore iudice & severo satis admonitore, ea recensere, quibus viri docti se invicem proscindunt, convitia, aut ad posteritatem transmittere, lubentes ea prætermittimus. Unicum addimus, Tomi XI Bibliothecæ Universalis auctorem, non Joannem Clericum, sed J. C. de La Crose esse. Quod vel ideo monendum hic publice fuit, ut illi, qui forte per errorem tomum istum Clerico tribuerunt, cum graviora habeant quæ agant, scribendis Retractationum libris possint supersedere,

THE LIFE OF THE LEARNED SIR THOMAS
SMITH, Kt. &c.

i. c.

VITA VIRI DOCTISSIMI THOMÆ SMITHI, EQUITIS AURATI, JURIS CIVILIS DOCTORIS, REGIS EDUARDI VI ac REGINÆ ELISABETHÆ PRIMÆ STATUS SECRETARII; IN QUÀ VARIA ILLIUS TEMPORIS EXPLICANTUR, QUÆ AD LITTERAS, RELIGIONEM, REGNIQUE STATUM SPECTANT.

Londini apud A. Roper & R. Basset, 1698. 8. Alph. 1. plag. 3.

- I**Nter Anglos, qui Smithorum nomine clari atque insignes fuerunt, non ultimum locum obtinet Thomas Smith, cujus Vitam heic exhibemus. Ortus ille est in Essexiæ Comitatu in oppido Walden A. C. 1512, nobili genere. Cum domi religione Reformata imbutus, & optimis artibus innutritus fuisset, A. C. 1526, ut majores in studiis progressus faceret, Cantabrigiam missus est, ubi in Collegium Reginæ cooptatus (in quo & Erasmus antea commoratus fuerat,) ita se gessit, ut Rex Henricus VIII ipsum, & Joh. Cheke, qui postea studiis Eduardi Principis præfuit, primumque duas Chrysostomi Homilias e M. S. publicavit, scholasticos suos, pro temporum istorum consuetudine, esse voluerit; quo factum est, ut Noster stipendio aliquo adjutus ad studia magis inflammaretur. Igitur A. C. 1531 in numerum Sociorum Collegii adscriptus, & sequenti anno delectus fuit, qui Græcas litteras publice doceret. Quod cum strenue ageret, quasdam vocales atque diphthongos pessime vulgo pronunciari, & *i, η, υ, ei, oi, ui* per

per *ἰῶτα* perperam exprimi animadvertit. Itaque cum Chekio, socio suo, de tollendo errore isto novaq; pronuntiatione introducenda consilium iniit; sed variis de causis, & imprimis ob horridulum sonum, rem dubitanter agebant, usq; dum visis Terentiani & Erasmi scriptis de litteris & syllabis, animosius negotiū tractarent, ipseq; Smithus in lectionibus publicis adsuefacere novæ pronuntiationi auditores sensim annisus, privatim amicis mentem suam plane explicaret, omnesque ad novum illum pronuntiandi modum excitaret. Interea nova ipsi Oratoris Academici dignitas accesserat, quam cum per tempus aliquod egregie ornasset, exterās nationes adire constituit, ut studia doctrinæ ulterius proveheret, linguasque & gentium consuetudines addisceret. Abiit ergo A. C. 1539, ætatis 27, in Galliam, Aureliæque consuetudine usus Christophori Landrini, qui tum Græcarum Latinarumq; litterarum fama admodum florebat, ad novam illam pronuntiationem tantis rationibus cum perduxit, ut ipse eam valde probaverit semperque ab eo tempore retinuerit. Parisiis præter Strazellium, Professore Græcæ Linguae Regium, cum quo de eadem re disceptabat, eruditum quendam Græcum adiit, cognoscendi cupidus, quæ pronuntiandi consuetudo in ipsa Græcia obtineret. Ast ille insolitum loquendi modum vix dum perceperat, cum mente commotus, Erasmus hominem ineptum adpellaret, quod ille Belga tam vaste deductas voces atque absonas diphthongos in Græciam inferre ausus fuisset. E Gallia in Italiam profectus, ad legum studia se transtulit, & adsumpto Doctoris titulo aulæ se paravit. In Angliam redux factus, Cantabrigiæ A. C. 1542 Doctoris dignitatem iterum cum Regii Professoris Juris munere obtinuit; cumque omni doctrinæ genere ceteris excelleret, Goodricus, Episcopus Elyensis & ipse vir doctus, cum sibi Cancellarium elegit. Hoc modo vitam degens, haud otio atque desidia indulgit, sed publicis commodis inserviens partim generis atq; ingenii præstantia insignes juvenes privatim diligenter instruxit, partim Anglicæ linguæ expoliendæ operâ impendit. Qua de causa librum de recta linguam Anglicam scribendi & pronuntiandi ratione edidit, in quo viginti novem litteras constituens, novendecim Romanas, quatuor Græcas, sex reliquas Anglicas seu Saxonicas fecit, quinque vocalibus in decem mutatis, atque in longas brevesque divisus, uti et tabula, quæ appendici Num. II adjuncta est, clarius adparet.

Graviss

p. 14.

p. 16.

p. 20.

p. 21.

p. 23.

p. 24.

p. 25.

p. 27.

p. 28.

- p. 29. Gravis iterum contentio tunc inter aliquos de Græca pronuntiatione orta erat, quam cum intellexisset Gardinerus, Episcopus & Academiae Cancellarius, novum istum eloquendi modum ab iis maxime propugnari videns, qui in religione novis rebus studere credebantur, edicto sanxit, ne quis illo posthac uteretur, sed ut omnes pristinum morem retinerent. Chekius, qui tum Græcam linguam publice profitebatur, Gardinerum a mente sua abducere, summa ope, sed frustra tentabat: ergo Smithus habito eadem de re cum Episcopo sermone, epistolam longam sed eruditionis plenam de hoc argumento ad eum scripsit, quam deinde Legatus in Gallia per Robertum Stephanum A. C. 1568. una cum libello de lingua Anglica, imprimi curavit, inscriptam: *De rebus & emendata lingua Græca pronuntiatione*. Cum ergo tam clare in Academia noster exsplendesceret, & omnia ad litterarum religionisq; utilitatem referret, a Duce Sommersetensi, qui post obitum Henrici VIII, Eduardo VI nondum adulta ætate, summam rerum administrabat, in familiam adscitus, magna apud ipsum gratia floruit. Non enim tantum libellorum supplicum Magistri munus adeptus est, sed & postea stanni fodinis, Collegio Etonensi, & Ecclesiæ Cathedrali Carisleni præfectus, Ducique a Secretis esse iussus, tandem Equestrem dignitatem consecutus est. Illo tempore primam uxorem duxit, quæ cum absque liberis obiisset, secundam sibi adiunxit, quam superstitem reliquit. A. C. 1548 Bruxellas ad Imperatoris Concilium Legatus mittebatur, partim ut sollicitaret, ne Gallis, qui tunc in Scotia erant potentissimi, Belgicos portus intrare liceret, partim ut militem in istis partibus conduceret. Post reditum in patriam, cum varia regni ac religionis imprimis negotia summo studio procurasset, Dux Sommersetensis Nobilium odio cunctis honoribus exutus, in turrin Londinensem deductus est, quo Smithus ipsum secutus Secretarii munus ad tempus amisisse videtur. In id vero restitutus A. C. 1551, cum Northamptoniæ Marchione in Galliam abiit, qui Legatus missus erat, ut ordinis Periscelidis insignia ad Regem perferret, & inter ejus majorem natu filiam & Eduardum Regem nuptiis conciliaret. Et hætenus quidem fortuna satis prospera usus esse Smithus videbatur, sed post Eduardi obitum, cum Maria ad imperium accessisset, plane illa conversa est. Cunctis enim dignitatibus spoliatus, centum librarum summam singulis annis, qua se sustentaret, accepit;
- cete.

ceterum regno excedere prohibitus & privatam vitam agere coactus, quam fere omnem litterarum studio ac contemplatione traduxit. Accidit tunc memorabile ac insuetum, ut quamquam ipse a Pontificis partibus alienus esset, indulgentias tamen consecutus fuerit. Cum enim quidam Guilielmus Smythwik magna pecunia sibi eas parasset, ista conditione, ut liberum sibi esset quinque alios amicos eligere, qui cum uxoribus atque liberis pariter iisdem gauderent, inter alios & Smithum nostrum dignum iudicavit, cui istud beneficium deferret. Hoc ipsi sine dubio difficillimis istis temporibus valde præsidio fuit; quanquam & Gardineri tacitus favor, quem virtute sibi comparaverat, non parum adjumenti ipsi attulisse videatur. Quin ipse Bonerus, qui veteri odio adversus eum flagrabat, utpote in quem olim Regis nomine Smithus inquisiverat, dissimulata ira, nihil calamitatis ipsi struxit. Ita nullum virtutis suæ publicum theatrum videns, regni que miferiis, totque ob religionem combustorum cineribus ingemiscens, tandem tamen ex istis malis feliciter iterum emerfit. Elisabetha enim Regni clavo adnota, in aulam revocatus, tum patriæ, tum fidei laboranti succurrit, fuitque inter eos, qui tunc in renovanda Eduardi liturgia occupati erant. Multi tunc multa de Reginæ matrimonio loquebantur, sua sentibus id Reginæ aliis, aliis contra dissuadentibus. Dedit hoc Smitho occasionem ut quasdam orationes conscriberet, in quibus tres colloqui inter se fingebat, quorum primus Agamus nomine, contra Reginæ matrimonium declamat, alter Philoxenus nuptias cum peregrino conjungere suadet, tertius Axenius cum Anglo matrimonium incundum esse adfirmat, veluti ex ipsis orationibus appendici additis cernere licet. A. C. 1562 Legationem in Galliam obiit, ut Caletum repeteret, & cum Condæco Principe contra Gallos, si forte bellum conflaretur, societatem iniret; quo tempore multa ipsi obrectationes atque contentiones cum Throgmorton, socio legato, intercessere. Interea Hieronymus Osorio Lusitanus stylo elegantissimo epistolam ad Elisabetham scripserat, qua ipsam ad Pontificiam fidem reducere conabatur, quaque Ecclesiæ Anglicanæ multos errores objecerat. Quæ cum mox in Gallia Latine & Gallice, itemque Antwerpia Anglice, sub nomine Margaritæ Principis esset impressa, e re sua esse censabant Angli, ut eidem responderetur. Datum id negotii Gualtero Haddono, qui etiam id ad finem A. 1563 perduxit, scripta epistola,

N n

quæ

p. 60.

p. 61.

p. 65.

p. 72.

p. 77.

p. 78.

p. 85.

p. 100.

- quæ in opusculis illius ab Hatcherio Cantabrigiæ publicatis, simul edita est. Quoniam autem Oforii libellus in Gallia prodierat, Cecilius Reginae Secretarius, ut responsio & ibi lucem adspiceret, conveniens putabat; ideo illam ad Smithum misit, ut curam illius gereret, qui & illam non tantum castigavit, ut tam Smithi quam Haddoni labor videri posset, sed & A. 1564 propriis sumptibus imprimi curavit. Contra hunc libellum quidam Emanuel Dalmuda, Episcopus, Oforii defensionem postea suscepit, qua nihil ineptius se unquam vidisse Haddonus professus est. Thomas autem Wylson Reginae Legatus e Lusitania cum rediret, ipsius Oforii defensionem tribus libris contra Haddonium constantem, secum attulit, contra quam cum Haddonus Apologia scribenda, quam Sebastiano Regi dedicare volebat, se accingeret, morte præventus rem perficere non potuit; quo sine dubio factum est, ut Haddonus cum Oforii libros legisset & argumentorum vim cum admirabili eloquentia conjunctam sensisset, ex mœrore morbum contraxisse dictus fuerit, qui & vitæ illius finem attulerit; ut in vita Oforii, operibus ejus Romæ A. 1592 ab Hieronymo Oforio nepote editis addita, traditur. Absolvit tamen Haddoni inchoatum laborem Joh. Fox A. 1573, cujus scriptum dein in Anglicam quoque linguam a Jacobo Bellio translatum, A. 1581 prodiit. A. C. 1564 inita cum Gallicis pace, Smithus in Gallia remanens confecit librum de Republica Anglorum, in quo ostendit, in quibus Angliæ respublica a Gallica, Italica, Hispanica, Germanica cunctisque aliis, quæ jus Romanum sequuntur, differat; qui tamen libellus ante A. 1621 impressus fuisse haud videtur. Postquam itaque diu in Gallia constitisset, Parisiis Petro Ramo Philosopho, & Ludovico Regio familiariter usus, tandem anno 1566 domum rediit; sed vix annus decurrerat, cum iterum eo ablegaretur, ut secundum ultimæ pacis condiciones aut Caletum aut summam 1500000 librarum reciperet. Postquam rediisset A. 1568, per tempus aliquod privatam fere vitam duxit, donec A. 1570 in concilium Reginae admitteretur. Otio cum frueretur, in Tusculano suo ad Chemiam animum adplicavit, cui cum multum laboris, pecuniæ atque temporis impendisset, spe tamen sua tandem defraudatus est. A. 1571 iterum legationem in Galliam suscepit, & contra Hispaniæ potentiam fœdus cum Rege iniit, cumque tunc quidem temporis Elisabetha a nuptiis cum Alenзонio Duce Galliarum Regis fratre non abhorreret, rem illam

illam, sæpius cum matre Regia sermonibus habitis, diligenter procuravit; sed non longo post tempore Regina aliam plane mentem induerat, maximo cum Smithi dolore, qui prævidebat, quantum emolumentum & Regno & Reginæ illud matrimonium adferre posset. His rebus in Gallia intentus, hunc suæ industriæ fructum tulit, ut ordinis Periscellidis Cancellarius constitueretur, & A. C. 1572 in Angliam redux, Reginæ iterum a secretis esse iussus est, quem locum sub Eduardo ante 24 annos tenuerat. Parisienses nuptiæ hujus anni mense Augusto celebratæ fuerunt, quas non dici potest quam graviter in variis ad Walsinghamum in Gallia Legatum litteris fuerit lamentatus. Anno hoc 1572 Smithus sub ductu filii sui, qui tamen, ut De Larrey Tom. 2. Historiæ Angliæ, Scotiæ & Hiberniæ p. 243 narrat, extra torum ipsi natus erat, coloniam in Hiberniam misit, ut Ardam in parte Australi Ultoniæ sitam, (cujus tabula p. 176 exhibetur) atque sibi suisque hæredibus a Regina litteris & sigillo publico concessam occuparet, atque homines istos barbaros ac fere sylvestres humanitate aliqua imbueret. Filius eo profectus, postquā rem satis prospere gessisset, tandem a barbaro quodam occisus est, paterq; nihilominus illius colonix ad mortem usque curam gessit. Vacavit interim curis publicis, quanquam jam tum profitebatur, se tam animo quam corpore languescere; quem languorem augeri sæpe dicebat Reginæ quadam in consiliis exequendis hæsitazione, de qua sæpe erga amicos conquerebatur. Cumque tunc in Hibernia res valde inclinarent, sæpius sollicitavit Reginam, ut Essexiæ Comitem, qui ab inimicis, quos in aula habebat, & imprimis Leicestriæ Comite, in rebus gerendis impediabatur, pecunia sublevaret. Tali modo cum ipsum negotiorum & muneris publici curæ implicatum atq; obstrictum tenerent, in morbum A. C. 1576 incidit, qui sequenti anno finem vitæ ejus fecit. Cum vero lentus esset morbus atq; diuturnior, scripta a se olim in juventute perquisivit, inter quæ tamen librum, quem sub Eduardo de valore Romanæ monetæ ad Anglicum reductæ composuerat, non invenit, sed tandem ab amico recuperavit. Meminit illius Camdenus in Hist. Elisab. eumque exactum commentarium, dignumque qui publicetur adpellat. Auctor hujus Vitæ, cum frustra librum quæsisset, quædam ex ipsius Smithi chartis excerpfit, atque in appendicem n. V. retulit. Tandem medicorum tædio captus, in ædes suas Montaulenses se contulit, ubi morbo demum consum-

P. 147.

P. 156.

P. 159.

P. 176.

P. 184.

P. 186.

P. 198.

- p. 201. sumptus A. 1577 d. 12 Augusti, anno ætatis 65 placide decessit. Auctor vitæ hujus postquam testamentum ipsius exposuit, quo fratris filium constituit heredem, dotes & mores ejus iterum persequitur, atque nihil prætermittit, quod ad imaginem vitæ ejus exprimendam pertinet. Laudat ipsum quod nec Physicæ, nec Chemiæ, nec Geometriæ, nec Arithmeticæ, nec Astronomiæ fuerit imperitus, diligenterque observaverit A. C. 1572 novam in Cassiopæa stellam, de qua in epistola quadam ad Walsinghamum scribat, multum inter se differre Anglos atque Gallos in assignando isti stellæ loco, his nempe illam in 29 gradu Piscium, illis in 7 gradu Tauri collocantibus. In Politica porro, Historia, Eloquentia, & Architectonica valde eruditus dicitur, præterque libros de Republica Anglorum, deque recta scribendi & pronunciandi tum Græcam tum Anglicam linguam ratione, a quibusdam auctor traditur libri nuper modo impressi de auctoritate & forma habendi Comitia regni, quibus accedunt de matrimonio Reginæ orationes, de moneta Romanorum liber, variorumque ejus epistolæ, quæ libro Anglico, qui perfectus Legatus inscribitur, jam sunt in vulgus editæ.
- p. 215. Hæc sunt, quæ ex vitæ hujus expositione decerpere placuit. Appendix quæ adjecta est, sex constat capitibus. Primum diploma continet, quo insignia Smithi confirmata atque aucta fuerunt; deinde tabula litterarum Anglicarum sequitur, cujus supra mentionem fecimus; tertio orationes de Reginæ matrimonio succedunt, quarto petitio exhibetur Thomæ Smithi ad Carolum II pro Ardæ restauratione in Hibernia; quinto numismatum tabulæ ad Anglicum exemplar reductorum occurrunt, & sexto tandem catalogus quidam librorum, quos A. C. 1566 possedit Smithus, annectitur.

A JOURNEY TO PARIS IN THE YEAR 1698
by Dr. MARTIN LISTER.

sive

*ITER PARISIENSE ANNO M. DC. XCVIII. INSTITUTUM
a D. MARTINO LISTER.*

Londini apud Jacobum Tonson, 1699. in 8. Constat 16 plagul.

Quam.

Quamvis ea imprimis Itineraria, quæ regionum longe diffitarum & plurimis inaccessarum situm, urbes, incolas aliaque notatu digna enarrant, summa cum voluptate legantur; attamen & his, quæ vicina & sæpissime peragrata regna accuratius describunt, pretium suum statui debere existimavit Autor solertissimus, multisque egregiis operibus maxime inclytus. Hinc cum anno superiore quarta vice in Galliam profectus esset, committere non voluit, ut ab ullo otii male impensi accusaretur. Quapropter singula, quæ Parisiorum urbs memoranda offerebat, diligenter annotavit, ac in publicam lucem modo emisit. Et profecto inficiandum minime est, illum per totum libelli hujus contextum ita non modo se gessisse, popularibus suis ut placeret, quam fecerat Lutetiæ *περίηγησις*, sed etiam varia antiquitatis rerumque naturalium indagatoribus non inutilia sparsim inseruisse, quo & apud illos gratiam iniret. Hujus ordinis notabilia p. 50. auspiciatur, ubi Museum celeberrimi Boudelotii describendum suscipit, qua occasione duas icunculas ex ære affabre factas, Deum sc. Crepitum Ægyptiacum corona radiata & Priapum tiara Phrygia conspicuum laudat. E marmoribus antiquissimum illud Parioque simile, quod Nointellus olim Athenis apportavit, & 177 nomina virorum illustrium Erechtheidis tribus Atticæ, qui uno anno quinque diversis in præliis militantes occubuerunt, tribus columnis disposita exhibet, & Zenobiæ effigiem corona radiata insignem commendat. Postea in Collegio Claromontano Jansenii literas autographas, ut & Prophetas Græce Eusebii manu exaratos, atque in eadem forte classe cum Bibliis Hebraicis Bononiensibus, quæ ab Esdra scripta perhibentur, locandos, se vidisse affirmat. In reliquas deinde Bibliothecas, quas Lutetia numerosissimas ostentat, delatus, ubivis rariora atque advenis monstrari solita, haud proletaria industria observavit. Imprimis autem, quandoquidem medicam artem profiteatur, operose excussit ea, quæ ad Anatomicen, Botanicen ac Physiologiam pertinent; quorsum retuleris quæ p. 62 de Vespeto Canadensi maximo, p. 65 & 68 de Circulatione sanguinis in Embryone, ac præcipue de Foramine ovali, & p. 80 seqq. de stupenda Magnetis virtute adducit. Prolixam quoque operam impendit p. 146 seqq. examinando cibo potuique Parisiensem, miraturque eur genti cætera sobriæ Theæ & Caffæ usus tantopere arrideat, tandemque ex peculiari Dei providentia fi-

eri innuit, quo increfcens hominum numerus ceu lenta tabe fenfim ab-
 fumeretur. Maxime erroneam eſſe eorum opinionem ait, qui potu
 Theæ ac Ciocolatæ famem provocari autumant, fanioſioremque viven-
 di rationem conſtituiſſe Romanis, quibus poſt paſtum demum Theam
 & Ciocolatam bibere, propriisq; manibus conficere volupe fuerit; id
 quod ex Ciceronis verbis in quadam Epiſtola ad Atticum, *l meſcen*
agebat, evinci poſſe credit. Hortorum ubi mentionem injicit, Regi-
 um Botanicum ob ſtupendam herbarum plantarumque notitiam
 extollit, ibidemque Jaſminum Aſoricum flore albo viridarii Regis
 Luſitaniæ, Marum Cortuſii, Caryophyllum Creticum arboſcen-
 tem, Smilacem fructu nigro aliaque ſibi viſa enumerat, atque hac me-
 thodo etiam in reliquis procedit. Ubivis autem ingenui & pruden-
 tis rerum æſtimatoris partes tuetur, ac ſingulorum humanitatem at-
 que officia condignis præconiis exornat,

PRINCIPIA JURIS CANONICI, QUÆ TAM PER LECTI-
ones publicas, quam privata collegia, in alma Epifcopo-Ducali Univerſi-
tate Herbipolenſi propoſuit, ac poſtea publica luci expoſuit PHILIP-

PUS BRAUN, Holſtadianus Franco, SS. Theologia

& Juris utriusque Doct̃or, Protonota-
rius Apoſtolicus &c.

Norimbergæ apud J. Chr. Lochnerum, 1698, in 4. Alph. 5. pl. 2r.

DUplex in univerſum Jurisprudentiæ Sacræ videtur eſſe facies. Ali-
 ter enim illa omnino ſe habet, ſi juxta hypotheſes Papales excola-
 tur; aliter vero, ſi ſecundum principia Proteſtantium tradatur. Nam
 ut alia taceamus, illo reſpectu non alia illa proponit decreta, quam
 quæ ultimato a Pontifice Romano ſuam ſortiuntur efficaciam: aſt
 hoc reſpectu, negata ſacra illa Monarchia univerſali, tales illa incul-
 cat leges, quæ ab Imperio Civili in uſum propriæ cujuſvis Reipubli-
 cæ lætæ aut approbatæ ſunt. Ex hoc fundamentali diſcrimine fit, ut
 ea, quæ a Proteſtantiſtis de jure Sacrorum traduntur, apud Romano-
 Catholicos ſine uſu ſint, imo ne quidem ab iis, ne ſcilicet, ut ipſi cauſan-
 tur, hæreticæ pravitatis contagio intauti inficiantur, indiftincte legi
 debeant; nec e contrario placita Romano-Catholicorum, in territo-
 riis Proteſtantium, alicujus autoritatis, vel magni uſus eſſe ſoleant.

Inte-

Interim studia Protestantium sunt libera, nemoque a lectione scripto-
rum Romanensium, sacri cujusdam tribunalis terrore abigitur, imo
iis non tantum licitum est scripta adversariorum legere, sed & his ani-
mum percoluisse utile. Itaque doctissimum Juris Canonici Com-
pendium vel Systema potius, a Summe Reverendo atque Consultissi-
mo Autore nostro concinnatum, uti Romano-Catholicæ religionis
assectis exoptatissimum, ita nec Protestantibus ingratum, utrisque
vero, diversa licet ratione, utile erit. Composuit illud Noster *juxta se-
riem Decretalium*. Sic tribus verbis totius operis summam exhibui-
mus, nihilque amplius nobis agendum jam est, quam ut uno atque al-
tero specimine laboris genium Lectori ostendamus. In præmio
docet, Jus Canonicum pro scopo habere justitiam Christianam, &
consequenter temporalem ac æternam felicitatem, cumq; quoad ob-
jectum, seu actiones humanas, & finem aliquo modo convenient lau-
datum Jus Canonicum ac aliæ disciplinæ, ideo omne discrimen sic bre-
viter Noster eloquitur: *Actio hominis prout naturalis vitalis est, Phi-
losophiæ; prout moralis, honesta & ad felicitatem naturalem tendens, E-
thicæ; prout supernaturalis & ad æternam beatitudinem absolute ordina-
ta, foroque interno subijcitur, Theologiæ; prout externa & politica justitia
bonum communis, temporalem felicitatem spectantis attingit, Juri
Civili; prout per potestatem ecclesiasticam ad publicam Ecclesiæ salutem,
æternamque beatitudinem directæ aut dirigibilis est, Juri Canonico adnu-
meratur*. In l. 1. tit. 2. censet Noster, de stilo Curie Romanæ, Con-
stitutiones Pontificias statim vim obligandi per totum mundum ob-
tinere quam primum illæ in aula Campi Floræ, Cancellaria Apostoli-
ca & ad valvas Basilicæ SS. Petri & Pauli publicatæ sint, licet ista obli-
gandi vis, ob probabilem subditorum ignorantiam, non ubique sta-
tum se exserat: ulterius, Pontificem ad edendam constitutionem non
indigere consensu Cardinalium, licet ex decencia hunc requirere so-
leat. jus convocandi Concilium esse penes Pontificem, ac Imperato-
res, si quando Concilia convocasse legantur, id fecisse non auctoritate
Imperatoria, sed Pontificia; hinc etiam Pontificem esse supra Con-
cilia, nec obstare Concilium Constantiense & Basileense, quæ in con-
trarium afferri soleant, cum non fuerint approbata vel universalia,
imo secundum etiam a Leone X revocatum. In lib. 5 tit. 7 Hæreti-
cos Noster considerat. Est autem ex ejus sententia *Hæreticus, qui*
post

post susceptam semel fidem, cum pertinacia tuetur errorem contra fidem catholicam. Tales hæretici, si actu externo hæresin prodant (nam mentales pure excipiuntur) variis coercentur pœnis, ut (1) excommunicatione (quæ etiam manet illos, qui scientes legunt, retinent, imprimunt aut defendunt librum hæretici, hæresin continentem, aut de religione tractantem; quod tamen in Germania adeo receptum non esse, Noster ait, quin liceat legere Medicos, Juristas, Historicos, in quibus una vel plures hæreses obiter admixtæ contineantur; hinc regulam octavam indicis librorum prohibitorum, in his partibus non ita stricte observari.) (2) infamia juris, (3) privatione facultatis testandi & habilitatis in testamento instituendi, nec non (4) ademptione bonorum aliorumque jurium. Sed has duas posteriores pœnas in Germania locum non invenire, ob conventiones religiosas, Noster addit, privationem tamen beneficiorum adhuc hodie ex ipso Instrum. Pac. art. 5. §. 15. procedere existimans; quamvis hoc argumentum a Protestantibus retorqueri queat, cum Reservato Ecclesiastico ad æqualitatem reducto, Præsules & Canonici Protestantes, ad Papatum deficientes, beneficiis suis quoque excidant d. art. 5. §. 14. His subnexuit Noster, quæ circa religionem in Germania transacta fuerunt per Instrumentum Pacis Osnabrugo-Westphalicum, ubi inter alia censet, legatum opimum ea conditione, *sic catholicus fiat*, relictum, non aliter valere, quam si impleatur conditio, cum religionis mutatio post Instrumentum Pacis pro turpi haberi non possit, quamvis spe lucri religionem mutare, turpe & Simoniacum utique, adeoque adjecta conditio detrahenda videatur. Præterea indolet infelici bonorum ecclesiasticorum divisioni, & ad profanos etiam usus, contra piorum fundatorum intentiones, applicationi; cui Innocentius X quidem solenniter contradixerit, sed non fuerit exauditus pro sua reverentia, timendumque sit, ne post binam cum Acatholicis jam peractam divisionem, tertia subsequatur, reliqua penitus absorbens.

GOTTFREDI ANTONII JCTI CELEBERRIMI JUS FEUDALE, succinctis additamentis, ex novissimis feudorum interpretibus

auctum, opera & studio JOH. SAMUELIS STRYKII

J. U. D. Prof. Publ. Ordinarius in Academ.

Fridericiana Halensi,

Halæ

Halæ Magdeburgicæ apud J. Frid. Zeitlerum & H. G. Muffelinum,
A. 1699 in 4. Alphab. 2. plagul. 7.

Qui doctas aliorum meditationes conservant, ac in usum rei literariæ magis efformant expoliuntque, non minorem laudem merentur, quam qui proprio Marte utiles ingenii felici fœtus proferrunt, cum eadem utrinque utilitas & intendatur & obtineatur. Atque hoc nomine nobis nunc commendandus venit Consultissimus Strykius, magni Patris Filius æmulus, qui nomini & functioni suæ satisfactorius, ac eadem opera Generosam Nobilemque Pubem in palæstra disputatoria exerciturus, Celeberrimi Jcti, Gothofredi Antonii, Jus Feudale recudi curavit, illudque succinctis additamentis auxit, quæ uncinulis inclusa brevem Antoniani Operis continent explicationem, Lectoremque ad probatos Scriptores insuper remittunt. Præter hæc utilissimo labore adjecit Noster indicem textuum juris feudalis ab Antonio explicatorum, quem Tabor, qui Antonio impense delectatus fuit, olim confecerat, nec non notitiam Autorum Feudalium ordine alphabetico dispositam, ac tandem indicem materiarum in hoc opere contentarum,

*WILHELMI LYSERI, DOCTORIS ET PROFESSORIS THEO-
logi in Academia Wittenbergenfi, Systema Thetico-Exegeticum, ex variis
MSS. diligenter collatis primum nunc editum a JO. GEORGIO
NEUMANNO, S.S. Theol. D. & P. P. Accedunt in-
dices locupletissimi.*

Wittenbergæ apud Jo. Guil. Meyerum & Godofredum Zimmermann, 1699. 4.

Constat Alph. 10. pl. 16.

PROdit tandem hic liber post dimidii seculi decursum, si ab anno, qui fatalis B. Autori obtigit, calculum ponere lubeat. Obiit enim Wilhelmus Lyserus S. Theol. D. ejusdemque in Academia Wittenbergenfi Professor, Ecclesiæ ingenuæ Misenensis Decanus, & Alumnorum Electoralium nec non Schulenburgicorum Ephorus p. m. faſces Academicos tunc gerens, Wittebergæ VI Idus Februar. A. C. 1649. Multis quidem piorum votis Systema hoc fuerat post præma-
tura

tura celeberrimi Theologi fata expetitur, eorum præsertim, qui doctrina ejusdem publica usi, scholas Wittebergenses frequentaverant seduli. Ast votis suis exciderunt vel inviti, & hæredibus prope indignati, quod foetum hunc suo parente dignissimum paterentur intermori. Moverant hæc eruditorum desideria B. D. Christianum Lyserum & ἐν αἰσίοις Polycarpi Theologi Lipsiensis filium & alterius Polycarpi & μαναρίης Theologorum Saxoniorum Primarii nepotem, Pastorem Primarium Ecclesiæ Sangerhusanæ, ejusdemque ac vicinarum Superintendentem, nepotem e fratre & discipulum genuinum B. Wilhelmi Lyseri, ut iis satisfactorius de eruendo e tenebris scripto immortalitate dignissimo, annis abhinc triginta, & quod excurrat, serio cogitaret. Ast subita Viri optimi ac plane præceps mors, (vix enim XLIX ætatis annum fuerat ingressus, cum V Nonas Octobris A. O. R. 1671 apoplexia scorbutica correptus decederet) sanctos hosce labores intervertit, cum propediem prelo essent subjiciendi. Passus igitur est D. Christiani Lyseri frater germanus Fridericus Gulielmus, Ecclesiæ Metropolitanæ & Cathedralis apud Magdeburgenses Protomystra, qui (quod obiter notamus, correcturi simul errorem Ephemeridum, quæ Superintendentes Lipsienses enarrant, & ordine inverso disputationem de regimine Spiritus S. d. 21 Junii A. 1622 habitam ad 4 Septembr. natalem vero Friderici Gulielmi Lyseri, qui in illum ipsum diem incidit, ad d. 21 Junii referunt) eundem cum modo nominato fratre suo, exemplo forte rarissimo, biennio ante habuit natalem, scilicet diem Mosis, sive prid. Non. Septembr. hanc sibi ab hæredibus provinciam imponi, ut laborem illum daret confectum, & in publicam emitteret lucem. Quamvis autem haud ægre hoc oneris in se susceperit, tantum tamen otii a negotiis Ecclesiasticis, quibus vacare debuit, ipsi superesse non potuit ut ceptam telam rite pertexeret. Filio igitur suo tunc Lipsiæ hærenti, Polycarpo, Ordinis Philosophici tunc Assessori, S. Theologiæ hoc tempore Doctori, ac Dioceseos Wunstorfensis Superintendenti celeberrimo, hoc dedit negotii, ut exemplum Systematis, quod ex ore B. Lyseri exceptum antea dictus ex fratre nepos Christianus sua manu exaraverat, a fratre suo & se ipso multo labore emendatum, suas etiam operas conferente D. Jacobo Tenzelio Theologo Arnstadiensi b. m. absolveret, & plene ac plane limatum evulgaret. Cum vero neque is ipse, ad capes-

sendum

sendum munus Ecclesiasticum mox evocatus, monitis paternis posset sufficere, tandem post moras diuturniores, feliciter hoc quicquid est operis consummavit Theologus hodie Wittebergenſis Lyſerianæ ſtirpi affinitatis jure innexus, Vir Maxime Reverendus D. Johannes Georgius Neumannus. Poſtquam enim exemplar illud, plurimorum Theologorum ope ἀντογράφως correctum, D. Polycarpus Lyſerus e Bibliotheca ſua dono miſerat, varia inſuper MSS. aliunde erant allata, nulli pepercit moleſtiæ, dum tot ac tantis voluminibus inter ſe invicem ſedulo collatis, a mendarum portentis, quantum quidem fieri poterat, liberum orbi erudito ſiſteretur. Non autem ſine graviffima cauſa Syſtematis Thetico Exegetici titulo liber comparet inſignitus. Etenim univerſam Theologiam hoc ordine tradidit Auctor, ut dicta ſedes doctrinarum complexa ex univerſo codice ſacro utriuſque fœderis, quæ centuriis abſolvuntur quatuor, ſeligeret, ſelecta, licet plerumque brevius, explicaret, & vim argumentorum in iis ductu Spiritus S. propinatorum inde præcipue erueret. Methodum Theologorum multis dudum probatam ſectatus, totum opus in tres partes, Theologiam ſpecialiter ſic dictam, Anthropologiam ſacram, & Chriſtologiam diſpeſcit, ita quidem, ut unicuique illarum ſectionum præmi-um, de Theologia ſcilicet, Anthropologia & Chriſtologia in genere præmittat, ipſas vero ſectiones in capita plura diviſas, capita ſingula in momenta diverſa diſtincta exhibeat, cujuſvis vero momenti ſummam paucis verbis expreſſam memoriæ ſublevandæ ergo proponat, nec non per uberioſiorem *συναγραφήν*, quid uniuſcujuſque dicti occaſione ediſſeratur, delineet. Poſſemus ex ipſo opere aliqua ſpeciminis loco adducere, quæ illud ipſum benevolo lectori magis commendarent. Sed cum prolixioris, atque inſtituti noſtri fert ratio, hoc ſtudii atque laboris foret, unam ſaltim aſſertionem, quæ novitatis ſpeciem habere videtur, ex libro illo dabimus decerptam, æquitati aliorum judicium de ea relinquentes. Comprobat ſcilicet B. Auctor ſententiam D. Ambroſii, quæ rem cœleſtem baptiſmi aquam eſſe, quæ e latere Chriſti crucifixi promanavit, ivit aſſertum, & cur hanc ceu commodiſſimam accipere malit quam alias, pluribus oſtendit. Revocat doctrinam hanc in primis ad inſtitutionem primam Joh. I. 33, ubi ſolius aquæ fit mentio, & niſi res cœleſtis eidem eſſet incluſa, non differre baptiſmum Johannis a Levitico obſervat. Addit, baptiſmum

dici lavacrum aquæ in verbo Eph. V, 26, & verbum ad formam spectare, aquam adeo integram continere materiam existimat. Provo-
cat ad consensum plerorumque verba Johannis, quando Christus in a-
qua venire dicitur 1. Joh. V, 6, de baptismo exponentium, non sine caus-
sa miraculosa aquæ in morte Christi separationem factam, & tam di-
ligenter annotatam esse Joh. XIX. 34. 35, neque tamen alium respectum
ad illam, quam in baptismo, ex Scripturis monstrari posse innuens. Ur-
get conformitatem inter rem terrenam & cœlestem, quæ in reliquis
sacramentis inveniatur, & etiam in baptismo videatur exigenda; ut
qualis est inter panem & corpus in comedendo, inter sanguinem & vi-
num in bibendo, talis quoq; stante hoc asserto sit inter aquam & aquam
in ablundo. Solvit porro objectionem, quod in promulgatione bap-
tismi res illa cœlestis non inveniatur, & neque rem terrenam ita clavis
& disertis verbis, ut in Cœnæ institutione proferri ait, sed verbo actio-
nem sacramentalem denotanti includi; pariter itaque & rem cœle-
stem, ipsa specie quasi cum re terrena convenientem, ea notari, & for-
mam verbis, in nomine Patris, Filii & Spiritus S. indicari per suadetur.
Præterea nec reliquas sententias suis carere difficultatibus ostendit.
Verba ipsa Autoris adscribemus. Si res, inquit, cœlestis asseratur verbum
„esse, Sacramentum tantum per modum verbi concionalis ageret, nec
„infantibus res ista cœlestis videtur convenire; tum & verbum institu-
„tionis ad causam efficientem, applicationis ad formam, promissionis
„ad finem pertinet. Si statuatur Christi sanguis, iisdem argumentis
„pro aqua Christi pugnari poterit. Si Spiritus S. ex Joh. III. 5, Christus
„in re cœlesti Sacramenti Novi Testam. non ita distincte invenietur.
„Si S. S. Trinitas, non ita commode Sacramentalis unio (quando ea-
„dem immediate consideratur) inveniri posse videtur. Sin median-
„te humanitate Christi id fieri dicatur, quod & ipsa Novi Testam. ra-
„tio requirit, illa aquam istam ex Christi latere profluentem etiam
„continet, sicque ratione hujus ipsius institutionis & fructus, non
„tantum meritorie, sed etiam, ut Filii Dei secundum humanitatem pars
„integralis, substantialiter, & ratione præsentis actionis, sacramenta-
„liter adesse negari non poterit. Ipsa interim tota adoranda Trias,
„ut causa efficiens; & ratione pronuntiationis ut forma; & ratione
„gratiæ ac fructus per peculiarem singularum personarum erga ba-
„ptizandum operationem, omnino semper hic consideranda erit.

Opus

Opus ipsum subjecti indices I. capitum & articulorum, II. universum summarii conspectum exhibens, III. dictorum Scripturæ, e quibus capita Systematis deducta sunt, IV. dictorum Scripturæ S. quæ per occasionem explicantur, illustrantur aut vindicantur, V. rerum & verborum, satis copiosi non poterunt non piis lectoribus approbare amplius, si insuper e Præfatione Editoris celeberrimi ad Lectorem didicerit, privatis aliquando horis istas acroases duodecim Theologiæ Cultoribus esse instillatas, qui quidem omnes postea ad gradum Doctoris exemplo perquam memorabili sunt evecti, & ex iis nominatos D. Johannem Benedictum Carpzovium seniore, D. Johannem Meisnerum, D. Johannem Fridericum Kœnigium, D. Johannem Olearium, Viros de Ecclesia per scripta plnrima immortaliter meritos conspexerit. Neque dubium est, quin suo fructu editio plurimum ἀνεδόταιν, quorum spem facit Præfatio, nequaquam sit caritura.

ERNESTI SALOMONIS CYPRIANI DE ECCLESIA Subterranea Liber.

Helmstadii apud Georg. Wolffg. Hammium, 1699. 4. plag. II.

DE Ecclesia Subterranea dum agere instituit peculiari hoc libro *Doctissimus Auctor*, commemorat jam ante Servatoris nostri tempora, persecutionum æstu furente, in speluncis delituisse Judæos, ex Ebr. XI. 38. 1. Sam. XIII. 7. & Josepho Antiq. Jud. XIV. 37. 1. & de Bello Jud. I. 12. aliisque: neque tamen, quod Elias speluncas tales incoluerit, ideo evincere posse Carmelitas affirmat, hunc Prophetam esse ordinis Carmelitarum fundatorem. Probat porro, novi fœderis Ascetas haud paucos inhabitasse cavernas, etiam cum Ecclesia pridem efflourisset libertate, quorum ratio ac vitæ genus recte initum non possit non laudem promereri. Potiorem tamen sibi nunc esse sermonem docet de iis, qui in cryptas non sponte secesserint, sed terræ sese infodere hostium sævitia sint compulsi, tametsi ipsi gentiles eorum probitatem agnoverint. Has itaque cryptas paullo accuratius consideraturus, non negat quidem, Hierosolymis multas tales fuisse, haud facile obvias, quæ securitatem præstiterint tempore calamitatis; sed tamen quod illæ vel aquæ ductibus, vel recipiendis hominum sordibus inserviant,

rint, cum quibusdam videatur; ad cryptas Romanas potius transit, quas primum ævo Neronis, qui persecutus primus fuit Christianos, frequentatas fuisse probabile sit, easque tum aliorum tum Joh. Theodori Sprengeri verbis ita describit, quod sint *loca subterranea Romæ concava, quæ tota fere, quanta quanta sit, tales cavernas habeat, ubi innocua simplicitas Christianorum tempore persecutionis sapius latitare, docuerit, sacramenta administrarit, & sepulchras suas habuerit*. Equidem jam dudum ex istis locis gentiles argillam & arenam ad ædificanda sua amphitheatra effodi curaverant; sed inde commodum hoc accidit Christianis latibula quærentibus, qui has cryptas postmodum in labyrinthi modum construxerunt, ne gentiles ad ea loca, ubi congregati erant fideles, possent pertingere, & sic quoque confirmarunt, ne imminens terra rueret ipsis nocitura, obscuras tamen simul & plerumque angustas. In his igitur cryptis sacris suis vacarunt Christiani, egeruntque suos conventus, etsi incertum sit, quo signo fuerint convocati: nisi forte velimus statuere, nullo diei tempore eas vacuas fuisse. Cumque concedat *Auctor*, hosce conventus hyannis ac sacramentorum administratione condecoratos esse, neque de lucernis, quibus usi sint martyres, dubium movere cuiquam velit, negat tamen, altaria & picturas sculpturasque adhuc in iis visendas, vel ipso Athanasio Kircherō fatente, antiquitatis Christianæ esse monumenta, sed seculorum potius recentium opera esse contendit, de numero Martyrum adhuc aliqua edisserens. Propius deinde ad cryptas Romanas accedit, & describit adeo *Cæmeterium Vaticanum*, quod ita sanctum esse ait, ut, jubente hac Inscriptione, non liceat mulieribus nisi semel in anno illud ingredi:

HUC MULIERIBUS INGRESSE NON LICET
NISI UNO DIE LUNÆ
POST PENTECOSTEM
QUO VICISSIM VIRI INGRESSE
PROHIBENTUR QUI SECUS FAXINT
ANATHEMA SUNTO.

Hoc excipit *Crypta Calepodii* in via Aurelia, *SS. Processi & Martiniani, Pontiani, Cæmeterium Callisti Papæ & Martyris, Catacumba, & Crypta seu Arenarium Eusebii Presbyteri, Marcelli Diaconi, & sociorum*; qua occasione tradit, etiam pueris barbarie gentium occisis posita

posita fuisse Epitaphia. Sequuntur porro *Crypta in via Latina*, tum *Cameterium Restituti*, & plura tandem paulo obscuriora. Inde ad *Cryptas intra Urbem* accedit, primamque eas inter nominat, quæ olim fuit *ad Ursam Pileatum*. Commemorat porro Thermas Trajanas, Diocletianas, & Domitianas, in quibus fideles olim cultus divini gratia confluisse vetus traditio sit; monetque illam præcipue imaginem in cryptis adhuc reperiundam a Christianis revera ortum trahere, quæ Christum pastoris habitu repræsentet; simul tamen admittens etiam Christum sub Agni forma, itemque coronas, Græcas quoque litteras α & ω , ac Monogramma Christi, columbarum denique imagines, gallos gallinaceos, pisces, anchoras, arborumque figuras. Quin usque adeo etiam cautus in admittendis Inscriptionibus sepulchrorum est, ut nec probare quidem omnes velit, sed neque tamen omnes rejicere temerario ausu. His adeo pertractatis, ad alias cryptas transit, videlicet ad eam in Melita, quæ *gratia S. Pauli* appellatur, & ad *Suessionensem*, circa quam de Marcello apostasie suæ rationem reddente etiam prolixè disputat.

Tandem missis Cryptis Romanis ad *Græcas* progreditur & *Kijovienses*, quas Johannes Herbinus peculiari libro descripsit, & ad superstitiones priscorum *Gentilium*, ac *Ægyptiacas*; & concludit denique, Cryptas Romanas multos gentilium tumulos continere, sed negat simul, facinorosorum cadavera in eas delata esse.

SAPIENTIA VETERUM

i. c.

DICTA ILLUSTRIORA SEPTEM GRÆCIÆ SAPIENTUM

Dissertationibus aliquot Academicis explicata a JO. FRANCISCO BUDDEO P. P.

Hala Magdeburgica, literis Christiani Henckelii, 1699. 4. pl. 14.

EXTant passim veterum Sapientum effata litterarum monumentis consignata, quibus gravissima doctrinæ moralis atque civilis capita complexi sunt, simulque & se ipsos & alios ad virtutis studium exhortari soliti fuerunt. Ut autem septem istorum, qui præ ceteris apud Græcos ob sapientiam fuere celebrati, magna omni tempore fuit auctoritas, ita non defuerunt, qui horum effata, a Diogene Laertio, Stobæo

hæc aliisque ad nostra usque tempora transmissa, subinde repeterent & commentationibus suis illustrarent. Quos inter Joachimus Camerarius & Philippus Beroaldus eminent. Horum exemplum imitatus harum dissertationum celeberrimus Auctor, idemque Collega noster solertissimus, quæ apud Diogenem Laërtium extant horum septem Sapientum dicta illustriora in ordinem redegit, & ad certa capita revocavit, obscuriora illustravit, & quem præbere usum in morali pariter ac civili doctrina possint, morali hac commentatione demonstravit. Ad ipsos quoque subinde, unde Græcorum Philosophi sua hausisse vulgo creduntur, respexit fontes, & quod horum quoque septem Sapientum nonnulli multa ab Ebræis, Ægyptiisque in morali doctrina acceperint, comprobatum dedit. Præcipue autem de Solone hoc demonstravit, cujus ideo quoque leges, quas Atheniensibus tulit, peculiari dissertatione cum legibus Ebræorum contulit, & præcipua capita, in quibus utraque convenire inter se & prorsus conspirare existimavit, edisseruit.

LIBRI NOVI.

- S. Eusebii Hieronymi Operum Tomus II. Studio & labore Domni Joannis Martianay. Parisiis apud Jo. de Nully, 1699. fol.*
- Dissertation Preliminare, ou Prolegomenes sur la Bible. Par Louis Ellies du Pin. A Paris, chez A. Pralard, 1699. 8.*
- Sebastiani Le Roux Concordia quatuor Evangelistarum. Parisiis apud P. Aubouyn 1699. 8.*
- Dissertationes Historica, Critica, Chronologica in Sacram Scripturam Veteris Testamenti. Authore D. Matthæo Petitdidier, Tulli Leucorum. Prostant Parisiis apud P. Emery, 1699. 4.*
- Les Anecdotes de Pologne. Ou Memoires secrets du Regne de Jean Sobieski III du nom. A Paris, chez P. Aubouyn & Clouzier, 1699. 12.*
- Histoire de Henry II dernier Duc de Montmorency. A Paris, chez Jean Guignard, 1699. 12.*
- Histoire de Chanoines. Ou Recherches Historiques Critiques sur l'Ordre Canonique. A Paris, chez Charles Osmond, 1699. 12.*
- Histoire, ou Antiquitez de l'Etat Monastique & Religieux, par le R. P. Claude Delle. A Paris, chez F. A. Pralard, 1699. 12.*

* * * * *

ACTA ERUDITORUM

Publicata Lipsiæ

'Calendis Novembris, Anno M DC XCIX.'

HISTOIRE DE L' EGLISE PAR MR. BASNAGE.

i. e.

*HISTORIA ECCLESIAE A NATO CHRISTO AD HOC
usque tempus: auctore JACOBO BAN-
GIO. Tomus II.*

Roterodami apud R. Leers, 1699. fol.

Constat universum opus 13 Alph. & plag. 17.

Absolvemus tandem recensum Operis hujus, & postquam de prioribus illius libris, tum mense Septembri p. 402 seqq. tum Octobri p. 433 seqq. prolixius quam pro consuetudine nostra diximus, nunc ad eos, qui supersunt, progrediemur. Libro nimirum XVIII Historiam de L. XVIII. cultu Sanctorum & Reliquiarum a prima Ecclesiae origine usque ad seculum quintum diligentissimus Auctor pertexit. Ubi dum inter alia de sepultura Martyrum verba facit, Catacubarum quoque in-jicit mentionem. Meatus hosce subterraneos dum describit, nomen quidem septimo post Christum natum seculo demum ortum innuit. Rem ipsam autem Romanis tribuit, & quidem ethnica superstitione adhuc imbutis; cum multas rationes obstare putet, quo minus Christianos potuerint habere conditores. Namque Neapoli ac Syracusis largiores amplioresque Catacumbas conspici, quam Romæ. Jam vero Syracusis ea ætate non fuisse tantam Christianorum multitudi-nem, quæ extruendo tam splendido operi sufficeret. Sed vero per
Ppp aliquot

aliquot milliaria hosce meatus subterraneos porrigi demonstrat: indeque rursus argumentum capit, a Christianis eos extrui non potuisse. Nam quem, inquit, in finem opus tam immensi laboris, nec minorum sumptuum extruxissent? Addit porro, quantumvis ingens statuatur Christianorum numerus, non obstantibus suppliciis dirissimis, quibus tum vexabantur, non tamen ab iis tantum opus perfici potuisse. Quin potius urnas sepulchrales & ossium receptacula, aliaque vasa, ethnicismi hæc monumenta, quæ in his catacumbis reperiuntur, evincere clarissime putat. Nummos quoque Imperatorum, & eorum quidem, qui acerrimo odio persecuti sint Christianos, ut Diocletiani, itidem ibi repertos, novum hujus rei præbere documentum. Plures alias adhuc addit rationes, ad suam sententiam confirmandam stabiliendamque, ex quibus unicam adhuc delibare juvat. Conspici namque observat in his catacumbis imaginem Orphei, cantus suavitatem aves bestiasque post se trahentis. Quæ licet vestigia Ethnicismi luculentissima exhibeat, Aringhum tamen ea nondum adduci potuisse, ut crederet, a Christianis has catacumbas non fuisse constructas. Hunc enim in ea versari sententia, Orpheum ideo in his locis conspici, quod is typus Christi fuerit, qui itidem doctrinæ suæ efficacia gentes post se traxerit, & quemadmodum Orpheus rejecta tandem Deorum multitudine, filio suo Musæo inculcaverit, unicum tantum esse Deum, ita Christianos veteres hoc exemplo Ethnicos erroris, ob πολυθεῖαν, convincere voluisse. Quam quidem Aringhi sententiam a moribus & genio veterum Christianorum abhorrire, pronunciat Banagius. In rationes autem, quibus Romanenses catacumbas istas veteribus Christianis vendicant, inquirens, docet monogramma, quo nomen Christi exprimi solet, non semper Christianismi argumentum, aut indicium præbere. Namque & apud Romanos servis has litteras inditas fuisse, ad nomen aut officium designandum. Quin & in nummis tum Regum Ægyptiorum, tum quorundam Imperatorum Romanorum idem conspici docet. Ad catacumbas autem dum revertitur, porro demonstrat, si vel maxime concedatur, Christianorum eas fuisse, frustra tamen ex iis reliquias Martyrum peti, cum hæreticorum æque ac schismaticorum corpora ibi sepulta fuerint, ac orthodoxorum. Id quod non tantum asserit, sed argumentis non contemnendis probat. Quin & Judæos in iis fuisse sepultos docet: quorum

rum sepulchra per certa signa a sepulchris Christianorum fuisse discreta Bosius quidem atque Holstenius contendunt, sed perperam, Hæc similiaque dum porro edisserit, mentionem quoque facit controversiæ, quæ doctissimo Mabillonio, præcipitantiam atque abusum gravissimum Ecclesiæ Romanæ, ossa in his catacumbis reperta pro reliquiis Sanctorum venditantis notanti, cum Anonymo quodam, qui epistolæ Mabillonii hac de re editæ, & a nobis mensis hujus anni Martio p. 107 seqq. recensitæ, responsionem opposuit, intercedit. In eo a Mabillonio Banagius dissentit, quod ille sibi persuadere nequeat, ab Ethnicis has catacumbas originem trahere, quod huic certum & extra controversiam positum videtur. Ast quod Mabillonius porro docet, quantamcunque curam Pontifex & Cardinales, quorum hoc munus est, ingenuinis reliquiis a spuris discernendis adhibeant, non tamen certi quid hac de re definire possent, cum signa illa & documenta, ex quibus reliquias dijudicent, fallere eos queant, Banagius maxime probat. Rursus tamen, quod objectum Mabillonio ab adversario ejus fuit, quod censura ista, qua in reliquiarum abusum animadvertenterat Mabillonius, ipsam Ecclesiam Romanam feriat, id ejusmodi esse censet Banagius, ut quo pacto hoc declinare valeat, non videat. Et hisce quidem, quæ de Martyrum sepultura dicere constituerat, ita explicatis, de laudibus, quibus Martyres prosecuti sunt primitivæ Ecclesiæ Christiani, multa disserit, & de veris quoque, falsis ac fictis Martyribus quædam subjungit. Laudat hic iterum Mabillonii dissertationem de cultu Sanctorum ignotorum, asseritque, si Mabillonius regulis, quas ad veros Sanctos a falsis & fictis dignoscendos proposuit, insistere, summamque in hoc litterarum genere eruditionem, qua floreat, eo conferre voluisset, facile eum ostendere potuisse ingentem Sanctorum multitudinem, quam Ecclesia Romana veneretur, fictis falsisque Sanctis esse annumerandam. Interim eandem viam Banagius ingressus, multos Martyres ex hoc catalogo ejicit. Sic septem priores Episcopos, qui Ecclesiæ Romanæ præfuerunt, Dionysium item Arcopagitam, qui pro Franciæ Apostolo habetur, fictis ac imaginariis Martyribus annumerat. Sed multos alios in hunc censum refert, ipsamque Catharinam, frustra nitente contra Baronio, omnemque movente lapidem, ut historiam Catharinæ cum Eusebio conciliet. Post Martyres, Sancti quoque alii adorantur in Ecclesia Ro-

manensi. De hisce ergo longe aliam in primitiva ecclesia, usque ad annum trecentimum quinquagesimum, Christianorum fuisse opinionem, quam hodie Romanensium est, Banagius demonstrare nititur. In quam disputationem dum ingreditur, statim ab initio Dyptichorum illi injicienda fuit mentio. Cardinalem Bonam non tantum horum originem ad ipsos Apostolos referre observat, sed ex his etiam *ἀποστόλων* ac canonisationem Sanctorum derivare. In utroque ab eo dissentit. Namque quod ad originem Dyptichorum attinet, Hegesippum demum eorum auctorem fuisse circa annum Christi 170 docet. Tum enim in eo illum fuisse, ut catalogum Episcoporum in diversis urbibus, per quas iter faciebat, concinnaret, simulque consilium illis dedisse, confectis Dyptichis nomina & memoriam Episcoporum conservandi. Bonam quidem Cardinalem provocare ad locum, quendam Chrysostomi, quem in hoc auctore se non deprehendisse Noster profitetur. Interim potuisse fieri ait, ut Chrysostomus ab Apostolis institutum crederet, cujus ipse originem ignorabat; præsertim cum frequens admodum ea ætate esset, consuetudinum, quarum ignorabatur origo, Apostolos venditare auctores. Quod autem ad Episcoporum canonisationem Dypticha non spectarint, ex eo probat, quod Episcoporum tum viventium, tum mortuorum nomina in ea fuerint relata, & quod qualibet Ecclesia omnium Episcoporum suorum nomina iis inseruerit. Omnes autem Episcopos per solennem *ἀποθέωσιν* in numerum Sanctorum fuisse receptos, credibile non esse pronunciat. Quod si ob hæresin, aut crimen aliquod aliud, exutus Episcopali dignitate fuisset, nec nomen ejus Dyptichis fuisse inscriptum: idem deletum in iis, erasumque fuisse, si post mortem demum crimen aut hæresis innotuisset. Qua de re licet lites interdum ortæ sint, hastamen nunquam eo pertinuisse, num aliquis in numerum Sanctorum referendus, an ex eo excludendus esset, contra eundem Cardinalem Bonam contendit. Concludit itaque, Ecclesiam quamvis suorum Episcoporum nomina Dyptichis inscripsisse, ut de illorum iusta successione constaret; interdum & peregrinorum Episcoporum nomina iisdem fuisse inserta, ut communionis, quæ inter Ecclesias Patriarchales intercederet, documentum ita præberetur. Quod ut porro evincat, latissimum campum ingreditur, & quid Ecclesia primitiva de virtutibus Sanctorum dum vivebant, de iis quæ post mortem illo-

rum

rum consecuta sint, de statu gloriæ in quem fuerint translati, & denique de honoribus quibus illorum memoria colenda sit, decrevit, prolixè edidit. Eodem modo quo historiam cultus Martyrum & Sanctorum exposuit, de cultu quoque B. Virginis Mariæ, & postea de cultu Angelorum disserit, & tandem de reliquiis Christi, Mariæ & Apostolorum aliquid subnectit. Atque de Mariæ quidem Virginis cultu dum disserit, Ecclesiæque primitivæ de eo sententiam, a sententia Romanensis Ecclesiæ procul abeuntem, exponit, inter alia Jolium quoque notat, qui persuadere orbi conatus fuit, Gallicanam Ecclesiam ceteris Romanæ Sedi addictis, esse moderatiorem, probatque rem secus se habere, exemplo duorum præstantissimorum Galliæ Oratorum, eas laudes in B. Mariam Virginem curpulantium, quas alii quam Deo tribuere nefas sit. De Angelorum autem cultu ac adoratione verba faciens, initio disquirat, qui factum, ut cum pauci ex Angelis adorentur apud Romanenses, tam infinita contra Sanctorum multitudo apud eos isto honore gaudeat? nullamque aliam hujus rei se invenire posse rationem profitetur, quam quod Sanctorum adoratio crassioribus hominum conceptibus magis sit accommodata, quippe qui & ipsi inter homines vixerint, corporeque fuerint vestiti, cum Angeli contra materiæ omnis corporeæ expertes, & ab hominum consortio procul remoti, objectum crassioribus hominum cogitationibus accommodatum, non præbeant. Bellarmino autem asserenti, a Judæis hoc accepisse Christianos, ut religioso cultu venerentur Angelos, non magis assentit, quam Petavio, contendenti Apostolum Paulum Colossenses adhortantem: *nemo vos supplantet in modestia Angelorumque cultu sibi placens*, I philosophorum solum veterum atque Hæreticorum superstitionem circa Angelorum adorationem, non autem Christianorum cultum, quo Angelos prosecuti sint, reprehendere. Et enim si Christianis licuisset colere Angelos, modo ea hoc non fecissent ratione, qua Philosophi ac Hæretici eos venerabantur, Apostolus, inquit, accuratius eos edocere debuisset hoc discrimen, quod inter illorum ac Philosophorum Hæreticorumque cultum intercederet. Ast vero Apostolum neutiquam illum hic indicare discrimen, sed omnem plane Angelorum cultum diserte & citra ambages rejicere. Præterea cum Philosophi veteres de Angelis eorumque cultu talia docuerint, quæ cum Romanensis Ecclesiæ moribus atque sententia plane conveniant, frustra Petavium huc confugere inde colligit. Quod ut de-

L. XIX. XX.
XXI.

monstret, ex Apulejo docet, juxta Philosophorum sententiam Angelos spatium inter cœlum & terram interjacens incolere, hominumque preces & merita ad Deos, ac Deorum munera ad homines deferre, eosdem juxta Platonis doctrinam fundere oracula, denuntiare futura, miraculaque edere. Adjunxisse quoque Philosophos unicuique mortalium suum Angelum, custodem corporis, actionum arbitrum, testem cogitationum: quin integris gentibus atque urbibus eos Angelos custodes præfecisse: eosdemque extructis templis, institutis diebus festis, fuisque ad eos precibus coluisse; quæ omnia in Romanensi Ecclesia eodem modo se habere, contendit. Sed cetera, quæ de Angelorum cultu primitivæ Ecclesiæ Christianis ignoto erudite tradit, mittimus: & id saltem addimus, Auctorem, postquam ab ipsis Ecclesiæ incunabilis historiam cultus Martyrum, Sanctorum, B. Virginis Mariæ, & Angelorum reliquiarumque, usque ad annum 350 deduxit, eodem modo ab anno 350 ad 431, & iterum ab anno 431 usque ad finem seculi quinti, & denique a seculo sexto usque ad undecimum juxta serie prosecui. Difficile est, ex tanta rerum copia & tam vario doctrinæ, quo hæc tractatio abundat, apparatu quod præ cæteris placeat seligere. Ne tamen omnino nihil ex amplissimo isto uberrimoque campo decerpisse videamur, pauca saltem delibabimus. Qui Angelorum cultum seculo quarto & circa initium quinti approbaverint, se non deprehendisse ait, excepto solo Ambrosio, qui dicat, rogandos Angelos a nobis esse, qui nostræ custodiæ causa a Deo nobis sint adjecti. Contra, quamplurimos hac ætate cultui ac adorationi Angelorum adversari, ut Augustinum, Gregorium Nazianzenum¹, Chrysostomum aliosque: quin in Concilio Laodicensi damnatum fuisse Angelorum cultum, cujus decretum refert cum commentario Theodreti, Baronii contra commentarium rejicit atque refellit. Sanctorum cultui occasionem præbuisse venerationem reliquiarum docet, huic nimiam venerationem, qua Martyres Christiani veteres prosequabantur. Originem hujus rei ad seculum IV refert, simulque observat, Angelorum cultum circa finem demum hujus seculi, adeoque post cultum Sanctorum, originem cepisse. Interim illis non suffragatur, qui testimonio Hieronymi freti, Constantinum M. reliquias Sanctorum Andreæ, Lucæ & Timothei Constantinopolin transtulisse autumant. Namque aut Hieronymum ipsum per errorem pro Constan-

stantio Constantini M. filio ipsum Constantinum posuisse, aut locum potius vitio scribæ corruptum esse, cum ipse Hieronymus in Chronico suo diserte de Constantio referat, quod Andreæ reliquias Constantinopolin transfulerit. Atque eo hoc esse verosimilius contendit, quod Constantius Arrianorum placitis imbutus fuerit, qui rebus creatis cultum religiosum denegare non potuerint, eo quod Christum quoque, nudum licet sua opinione hominem, nihilosecius adoraverint. Præter alias causas, superstitionem foeminarum multum ad reliquiarum atque Martyrum venerationem ac cultum contulisse ait, quin primum exemplum cultus religiosi reliquiis Sanctorum exhibiti in veteri Ecclesia præbuisse Lucillam, reprehensam ideo a Cœciliano Archi-Diacono Ecclesiæ Carthagenensis. De qua dum more suo paulo accuratius disquirat, Albaspinæum pariter ac Balduinum refellit, quod de ea refertur eo detorquere conantes, ne tum demum reliquiarum cultum in Ecclesia ortum esse inde intelligatur. Ceterum quod asseruerat, quarto demum seculo invecitā hanc superstitionem in Ecclesiam fuisse, ex eo porro demonstrat, quod hujus seculi Patres tam multa passim hac de re disserant, cum in prioribus contra seculis nemo cultus istius injecerit mentionem. Basilium primum esse, qui de invocatione Martyrum verba fecerit, monet. Epistolam tamen Basilii ducentesimam quintam, in qua citra ambages Sanctorum cultum comprobet, cum Ludovico Elia du Pin pro spuria & supposititia habet. Gregorii Nysseni preces ad Theodorum, nihil aliud quam apostrophē esse contendit, quo patet & Gregorius Nazianzenus ad familiam suam & ad Constantium orationem suam converterit. Idem pronunciat de precibus Basilii & Athanasii, & hujus quidem orationem pro Cypriano pro supposititia habet. Ambrosium tamen cultum Sanctorum promovisse non dissimulat, quin quod intercessionem quoque Sanctorum pro viventibus admiserit, productis testimoniis luculentis comprobat. Atque hinc, cujusmodi reliqua sint, intelligitur. Saltem id indicandum adhuc censuimus, quod fictos quoque ac imaginarios Sanctos per singula secula indicet; & uti superstitionis, quæ Romanam Ecclesiam circa Sanctorum, Reliquiarum, Angelorum & B. Virginis Mariæ cultum afflavit, originem & incrementa demonstrat: ita nec veritatis testes, qui omni tempore erroribus indies crescentibus se opposuerint, prætermittit. De incertis falsisque Sanctis

Etis, quos refert, nihil dicemus; saltem hoc prætermittere non possumus, cum illis annumerare Sanctos Semipelagianos, Honoratum, Maximum, Caprasium aliosque. Namque hos omnino inter Semipelagianos referendos esse, contra Norisium Cardinalem contendit. Ast quod ad eos attinet, qui se nascenti primum errori opposuerint, quarto quintoque seculo tales fuisse, nemo forte mirabitur. Et sane Augustinum improbasse quidem Sanctorum cultum, tolerasse tamen; quin Concilii Carthaginienſis Patres non ausos esse obviam ire huic errori, licet eum agnoscerent, Banagius docet. Præ ceteris autem Vigilantium seculo IV Reliquiarum & Sanctorum cultui se opposuisse constat, cujus cum Hieronymo hac de re controversiam accurate edisserit. Ex quinti seculi Scriptoribus Leonem primum, Episcopum Romanum sistit, cujus hanc sententiam refert, tum demum recte coli viros sanctos, si eos imitemur. Asterium quoque docet verbum Dei prætulisse intercessioni Sanctorum. Cyrillum pronuntiasse, honore ac veneratione Sanctos citra controversiam dignos esse, ast cultu religioso eos non esse prosequendos. Quin Doctorum quinti seculi non tot pro Sanctorum cultu suffragia reperiri, quam quarti seculi, observat: ejusque rei non aliam esse causam putat, quam quod istud seculum tot præstantes Oratores non tulerit, quam antecedens, quo Chrysostomus, Basiliius, Nazianzenus vixerint, animosque auditorum suorum ad Sanctorum venerationem inflammaverint. Sexto seculo Jobium vixisse observat, qui ne nomine quidem *Sancti* homines insigniri voluerit, cum solus Deus eo dignus sit, quippe cujus sanctitas perfecta sit & omnibus numeris absoluta: si homines eodem insigniantur, semper tamen cogitandum esse, si cum Deo conferantur, impuros eos esse atque profanos. Gregorium primum Episcopum Romanum intercessioni quidem & deprecationi Sanctorum multum tribuisse fatetur, ast quod existimarit, adorandos quoque Sanctos & cultu religioso prosequendos esse, plane abnuvit. Ad seculum VII progressus, negat in Concilio Trullano cultum Sanctorum sancitum esse: præ ceteris autem Isidorum Hispalensem contra hunc errorem strenue pugnasſe; eandemque fuisse sententiam Juliani Episcopi Toletani. Seculo IIX omnes eos qui imaginum cultum impugnaverint, improbasſe quoque cultum Sanctorum. Leonem Isauricum hic præ ceteris laudat, a Sanctorum ac reliquiarum cultu plane

plane alienum. Nec Constantinum Copronymum Imperatorem prætermittit, cumque non ignoret, quanto apud imaginum cultores odio iste laboret, & quam inique de eo plerique pronuntiare soleant, operæ pretium duxit in ejus sententiam paulo accuratius inquirere. Leonem Constantini hujus filium itidem puriori doctrinæ addictum fuisse comprobat, eamque sub ejus præsidio triumphasse, donec per Irenes Imperatricis favorem erga Iconolatras, aliam Ecclesia Orientalis indueret faciem. In Occidente tamen Carolum M. superstitioni restitisse, imaginumque non minus ac Sanctorum improbasse adorationem. Seculo denique nono & decimo Orientis Imperatores pro veritate stetit; legem quoque conditam, ne quis nisi per solum Deum juraret. Disputatum quoque tum hac de re fuisse in Hispania: sed Agobardum Lugdunensem Episcopum seculi sui superstitionem mascule redarguisse. Nec prætermittit hic Claudium Taurinensem, quin sententiam ejus de universa religione Christiana uberius edisserit, & quam strenue imaginum, reliquiarum, crucis ac Sanctorum cultui se opposuerit, prolixè & erudite explicat. Finit tandem tertiam hanc partem Historia imaginum, eadem diligentia & studio, quod in præcedentibus adhibuerat, pertractata. Possemus & hic multa memoratu non indigna ex Autore afferre, sed cum instituti nostri hoc non permittant leges, sufficiat indicasse, cum tres historiæ hujus periodos constituere. Prima periodus sistit ea tempora, quibus apud Christianos ne vestigium quidem imaginis cujusdam Autor deprehendere potuit. Fatetur, in hac periodo non alio se uti potuisse argumenti genere, quam quod negativum in scholis appellant, & quod præcipue a silentio Scriptorum fide dignorum delimitur. Quoties enim de ritibus moribusque nondum introductis aut receptis eorumque origine sermo sit, huic demum probandi modo unice locum esse relictum. Hinc altera periodus originem ac progressum imaginum, earumque cultus, ab initio quinti usque ad finem seculi septimi exhibet. Denique in ultima periodo certamina & controversiæ in Ecclesia usque ad seculum undecimum de imaginum cultu agitata recensentur. Quibus rite enarrandis duos libros, vigesimum & vigesimum primum, Autor destinavit.

Superest adhuc pars quarta hujus operis, historiam Albigen-
sium, Valdensium, Ecclesiæque Bohemicæ, itemque historiam dogma-

L. XXII.
XXIII.

L. XXIV-
XXVII.

Qq9

tum

tum Ecclesiæ tum Protestantium, tum Romanensium, explicans: sed cum eam jam antea sub titulo, *Histoire de la Religion des Eglises Reformées*, ab Autore doctissimo edita, Episcopoq; Meldensi opposita, & hic saltem repetita, a nobis autem A. 1690 mense Aug. p. 322, & mense Sept. p. 472, ut & Octobr. p. 517 enarrata sit, hic pedem figimus.

HISTOIRE DE L' EDIT DE L' EMPEREUR DE LA
Chine, en faveur de la Religion Chrestienne &c.

hoc est;

HISTORIA EDICTI IMPERATORIS SINENSIS, IN GRATIAM Religionis Christianæ. Accessit Commentatio super honoribus, quos Sinenses Confucio & defunctis exhibent. Auctore P. CAROLO LE GOBIEN, Societatis Jesu.

Parisiis apud Joannem Anisson &c. A. 1698, 12. plag. 16.

Edicti hujus historiam qualemcunque jam in Actis A. 1697, mense Novembri, pag. 491 seqq. exhibuimus. Nunc cum præsens ad nos liber pervenerit, resque ipsa memoria posterorum sit dignissima, non gravabimur eandem narrationem paulo uberius & explicatius prosecui; tametsi idem præstari quoque a nobis potuisset, cum P. Ludovici Le Comte de statu præsentis Chinæ commentarios, in linguam Germanicam nuper conversos, mense *Augusto superioris anni* pag. 375. seq. recenseremus, nisi tum copia rerum libello isto comprehensarum in aliis argumentis nos detinuisset.

P. I.

Itaque postquam *Gobienus* noster in præfatione *Opusculi*, præcipua quatuor sectarum, in quas universa Sinensium natio hodie divisa est, scita succincte recensuisset: a primordiis religionis Christianæ historiam suam orditur. Hanc, utut primis Ecclesiæ Christi sæculis apud Sinenses floruisse pro certo habeat, succedentibus temporibus adeo intercidisse refert, ut cum medio superioris sæculi *Franciscus Xaverius* convertendis Sinensibus animum primum applicaret, ne minimum ejus vestigium in amplissimo imperio superfuerit. Ipso vero *Xaverio* in itinere, & prope sub ipsum in Sinam introitum, defuncto, destinatum opus plures Societatis ejus Patres, ab anno 1587 exsequi

exsequi aggressi sunt, interq; eos *Matthaus Riccius* cum aliquot sociis; nec improspere successu. Sinenses enim, ex circumfusarum sibi undique gentium, utique barbararum, genio ceteras universim nationes cultu, ingenio, moribus destitutas arbitrati, eaque propter commercia cum exteris promiscue hactenus dedignati, ne scilicet ex mutua cum peregrinis consuetudine peregrinis etiam vitiis sensim confuescerent: cum advenas Missionarios istos eximiis virtutibus suis profundam eruditionem conjunctam habere, exiguoque temporis tractu linguæ & scientiarum Sinensium exactam notitiam sibi comparasse; quin imo celebratissimos Doctorum suorum multum antecellere cernerent; pristino supercilio posito, hospites hos auscultare, venerari, scitis Christianæ religionis capi, Evangelioque credere cœpere, Renascentis hujus Ecclesiæ Sinensis brevi mirabiles fuere progressus, ipsis etiam Philosophis & regni Mandarinis, seu Officialibus, fidem Christianam amplexis. Sed secunda hæc initia mox anno 1615 funesta excepit persecutio, qua Missionarii in carceres conjecti, relegati, Christiani tormentis subjecti, templa eorum eversa, & cœtus fidelium dispersi sunt. Eoque tunc immanitatis Gentilium processit furor, ut Christianos omnium scelerum, ipsis pridem a Paganis obsectorum, adusque etiam infanticidia, reos peregerint. Brevi autem tempestas hæc detonuit, Christianisque, detectis persecutorum imposturis, pristina rediere halcyonia: quæ eousq; duravere, donec anno 1664 Paganos, crebris nationalium suorum conversionibus irritatos, nova incessit libido, religionem Christianam pessum dandi. Abusi tunc sunt Christianorum adversarii Imperatoris hodie regnantis tenera ætate, & vicaria quatuor supremorum Ministrorum, penes quos summa rei erat, regni administratione: autoreque & incitatore quodam *Tamquam-sieno*, veteratore nequissimo, resuscitatis contra Missionarios pristinis calumniis, conquisitis etiam novis, excitato denique in odium eorum grandi numero Sinensium, eo rem perduxere, ut passim e templis suis expellerentur, & catenis onerati *Pekini* & *Cantoni* in carcere per decem menses detinerentur. Præcipue hic turbo afflixit *P. Adamum Schall* (qui antehac Imperatoris *Chunchi*, sed tunc temporis defuncti, gratia polluerat, & ab eo tribunali mathematico, quod *Pekini* floret, præfectus erat) quod ipse religionis negotia strenue tueretur, & caput atque protector ejusdem haberetur. Dejectus itaque

P. 5.

P. 7.

P. 8.

est bonus senex dignitatibus, vinculis constrictus, & indignis modis habitus; tandemque sententia in eum lata, ut supplicio in reos læsæ Majestatis usitato, frustillatim concideretur. Singulari tamen providentiæ divinæ argumento, scena derepente immutata, in impium accusatorē mox mortis sententia pronunciata fuit; cujus executionem quidem potentia amicorum scelerati hominis inhibuit, scelera tamen illius divina vindicta horribili morbo, quo miserrime periit, dignissime ultæ est. Quanquam vero in pristinam libertatem restitutus esset *Schallius*, *Rituum* tamen *Curia* (una ex supremis regni, cujus curæ religionis & publicarum ceremoniarum negotia demandata sunt) inde ab initio religioni Christianæ infensa, ab Imperatore adhuc juvene edictum extorsit, quo quidem præconibus Evangelii, quantum ad ipsos, reditus ad templa, & privatus religionis cultus permittebatur; interdicta tamen Evangelii prædicatione, subditi simul, statutis pœnis severissimis, ab amplexu fidei Christianæ, omnibusq; religionis exercitiis prohibebantur.

p. 10.

Non obstante vero edicto isthoc, Christianismus ab eo tempore latissima pace cœpit frui, & per omnes Imperii provincias incrementa capere insignia; favore potissimum P. *Ferdinandi Verbieft*, quem virtutibus suis, & singulari eruditione in aula sibi comparaverat. Successerat hic demortuo *Schallio* in Præfectura Tribunalis Mathematici, & gratiam Imperatoris ita propriam sibi fecerat, ut ab omnibus Mandarinis aulæq; primoribus suspiceretur. Omnis ipsi fuit cura in proferenda religione, & persecutionum incendiis mature restringendis, quæ in provinciis contra Christianos identidem excitabantur. Cæterum apertis iterum templis, fideles illuc libere commeabant, divinis officiis vacabant, sacramentis utebantur, frequentibusque hinc inde Gentilium conversionibus, numero quotidie crescebant; ipso etiam Imperatore Præcones Evangelii solícite protegente. Tam prosperis Christianorum rebus invidia Proregis Chekiaensis intercessit, qui præcipuis suæ provinciæ Mandarinis adjutus, novis machinis religionem publice oppugnare adortus est. Molitiones ipsius atque artes nequissimas, quibus ipse cum diversis aëclis Patrem *Intorcettam* Jesuitam, Ecclesiæ in *Hamtchion*, memoratæ provinciæ metropoli, Antistitem impetiit, edicta ipsius in dictum Patrem & religionem injuria, interdicta adversus fidei Christianæ professio-

nem

nem, actionesque *Intorcetta* intentatae, prolixiora sunt, quam ut sigillatim recenseri possint. Eorum autem violentia adactus est *Intorcetta*, Patres Societatis suae, *Pekini* in Aula degentes, implorare, ut ipsorum intercessione apud Imperatorem tyrannis compesceretur. Erat inter hos P. *Joannes Franciscus Gerbillonius* (titulo Regii Mathematici, cum aliis quatuor Patribus, *Fontaney*, *le Comte*, *Bouvet*, & *Visdelou*, a Rege Galliae anno 1685 in Siam, inde in Sinas missus) Imperatori ob praestita in negotio pacificationis cum Russis, de quo postea, officia, studia mathematica, candorem animi, aliasque virtutes longe charissimus; sed cum haec agerentur, in comitatu Principis, alumnum hunc suum secum in expeditionibus circumducere soliti, & tunc temporis venationis obeunda causa in Tartariam profecti, peregre absens. Huic per literas *Intorcetta* & religionis causam commendabat P. *Gadrianus*, Jesuitarum in Sina Superior, summeque obtestabatur, ut pro eo, quo apud Principem polleret, favore torrentem hunc, toti Ecclesiae ruinam minitantem, sisteret. His perlectis, *Gerbillonius* rem detulit Principi *Sofano*, Imperatricis avunculo, summis imperii muneribus functo, & Imperatori inter primos Consiliarios: qui *Gerbillonium* arctissima sibi familiaritate junctum (comes enim ipsi Plenipotentiaro Imperatoris, ad negotia pacis Russicae datus, consiliis suis, & prompta inter utramque gente dissidentem opera, tanti patroni amicitiam obnoxiam sibi fecerat) bono animo esse jussit; curaturum enim se, ut Prorex *Cheki* amensis, sibi pluribus nominibus devinctus, contra legem Dei temere commissa emendaret. Nec mora: simul ac *Pekinum* rediit, per literas eundem hortatus est, ut cum *Intorcetta* in gratiam rediret, & injurias religioni illatas resarciret: idemque, cum Prorex cunctaretur, iterum ac instantius urgit. Sed nihil profecit apud contumacem: qui quidem missum posthac *Intorcettam* fecit, eumque Ecclesiae suae permisit; sed truculento edicto in alia Christianorum templa, horumque nomen profectos indigenas de novo deservit.

Cum itaque Patres Proregem omnes suasiones *Sofani* insuper habere cernerent, ultimis consiliis animum applicuere, querelasque suas junctim ad Imperatorem deferre constituerunt; re tamen prius cum *Sofano* communicata, qui Proregi, ob contemptum habitas literas suas, infensus, se quoque pro virili partibus ipsorum accessurum

a. p. 13 ad 75.

p. 77.

p. 72.

p. 81.

p. 106.

pollicitus est; fidemque suam tam strenue exsolvit, ut tanti negotii successus ipsi in solidum debeatur.

P. 108.

Divino itaque Numine implorato, die 21 Dec. anni 1691, Patres Pekini commorantes, *Thomas Peregra* Lusitanus, *Antonius Thomas* Belga, *Gerbillionius* & *Joachimus Bouvetus* Galli, quos duos Imperator penes se in Aula habebat, conjunctim eundem adiere. Imperator, ut tanto liberius sensa sua exponere possent, per Cubicularium suum *Chao*, cujus ministerio ad ipsos uti solebat, petitionem eorum, cognovit, qua, præmisso recensu gestorum in *Hamtchéou*, cæterarumque

P. 109.

que Proregis molitionum, revocationem pristinorum edictorum Imperatoriorum, religionis Christianæ exercitiis adversorum, & libertatem prædicandi amplectendiq; Evangelium, cum pro verbi præconibus, tum pro subditis universis per totum imperium sollicitabant.

P. III.

P. 116

Imperator acceptis a *Chao* relatis, primo quidem non usquequaque favorabile responsum dedit; iteratis tamen Patrum precibus expugnatus, arbitrio illorum decernendum reliquit, consultiusne causæ suæ putarent, supplicibus libellis rem porro persequi; an primo Principis responso, quo se persecutionem Chekiamensem occultis mandatis inhibiturum promiserat, acquiescere. Patres e vestigio prius amplexati, actis Imperatori gratiis supplices rogabant, ut causæ suæ patrocinaretur, nec judicio Curiae Rituum se totum permitteret, cujus decretis acquiescendi causam utique non haberent. Imperator festinam Patrum sententiam non parum miratus, significare eis jussit, ut tanti momenti negotium curatius perpenderent. Verum hi citra moram concepto libello causam religionis exposuere, seque paratos professi sunt, quibuscunque objectionibus, quæ contra eam stringi possent, diluendis. Eo perlecto Princeps, aliquo temporis spatio interjecto, *Gerbillionio* & *Bouveto* sollicitantibus respondit, supplicationis formulam commovendis animis minus idoneam esse, nec Mandarinis Sinenses, ut postulatis annuerent, adducturam; examinaturum se eandem denuo, & quid sibi videretur, significaturum. Vigilia deinde trium Regum, interprete *Chao* renunciavit Patribus, supplices literas non satis valentibus argumentis expressas esse; momenta enim ab excellentia Christianismi capta, nihil ponderis habitura apud Sinenses, tam longo tempore contra eundem animatos: alio opus esse schemate, quod rationibus Sinensium magis conveniat, quos rerum ad se nihil atti-

P. 120.

attinentium nulla prope cura tangat: autorem ergo esse suam Majestatem, ut alias & quidem Tartarico idiomate adornent urgentiores, & magis ad gustum nationis compositas: cui etiam consulto, per *Bouvetum* & *Gerbillionium*, linguæ hujus callentissimos, extemplo morem gessere. Imperator receptis literis novis, negotii hujus curam per aliquod tempus abjecit, aut saltem abjecisse videri voluit; donec appetentibus novi anni solennibus, quæ Sinensibus præcipua sunt, & vacatione a negotiis & judiciis publicis per tres ut plurimum septimanas celebrantur, a Patribus, moram impatienter ferentibus, denuo interPELLARETUR. Remisit vero ipsis literas, sed propria sua manu non tam correctas, quam penitus in aliam formam transmutatas, facta simul potestate, ut probe attenderent, si quid forte deesset, quod insertum cuperent, & postridie ad se referrent. Postero mane convento Principe, actisque eidem cumulatissime gratiis, facile obtinere, ut postero die, qui Purificationi Virginis Deiparæ sacer erat, libellum Principi solenniter offerrent; quod & deinceps per manus Patrum Pereyræ & Antonii Thomæ, Vice Præsidentum collegii mathematici Pekinensis factum est. Operæ pretium foret, eundem integrum huc transcribere, ut tanti Principis sensa, catamq; mentem, indolem etiam gentis Sinicæ, & qua ratione eandem religioni Christianæ quam rectissime conciliari posse sagacissimus Princeps judicavit, B. L. intelligere posset: nisi *Autorem* nostrum diversis mox idiomatibus proditurum (& nostro Germanorum quidem operas jamdum exercet typographicas) certo nobis polliceremur, ejusque adeo gratiam interpretibus relinquendam censeremus.

p. 125.

p. 127.

Dictum autem libellum Imperator, secundum morem Aulæ, Tribunali *Colarum* (Concilium status, primumque Tribunalium sic appellatur) & biduo post supremæ Rituum Curiae cognoscendum transmissit: quod posterius tamen, feriis novi anni incidentibus, suam de eodem sententiam ferre tum non potuit. Utcunque autem interea, durantibus feriis, Patres solliciti essent, de Consiliariis causæ suæ conciliandis, primariis eorum aliquot non obscure partes religionis tueri se velle testantibus; Princeps *Sofanus* etiam, Proregis Chekiamensis pertinacia offensus, delegatum ab hoc, purgandi sui causa missum, asperrime excepisset, nec patronum ejus ullo responso dignatus esset: reclusis tamen Tribunalibus, secus negotium cessit, ac Patres opinabantur.

p. 137.

p. 143.

- bantur. Rituum enim Curia, instituta deliberatione, primo anceps consilii pependit, Imperatoris hinc erga Christianos propensione, illinc avito in religionem odio, Assessores in partes trahente; prævalente tandem odio, in hanc sententiam concessit: *Templum in urbe Hamtchéou, aliasque hinc inde in imperio extructa, instaurare, quo tunc forent, relinquenda; solisque Europæis liberum precum & cultus divini exercitium in iisdem concedendum esse; quam Imperator sua deinde auctoritate confirmavit.*
- p. 147.
- p. 154. Hoc eventum perculsi Patres, ad cubicularium *Cbao* denuo confugere, & lamentabili oratione in sinum ejus deposito dolore suo, tergiversantem, & indignationem Principis veritum, tandem compulere, ut eidem luctum ipsorum quam expressissime exponeret: quo officio eodem die, Imperatore *Pekinum*, ex suburbano quodam prædio, quo animi relaxandi causa diverterat, reverso, ex fide defunctus est. Imperator præsentibus aulae officiis, obstinationem *Sinenſium*, adversus postulata Patrum detestatus, *Cbao* in mandatis dedit, ut hos suis verbis solaretur; se enim curaturum, ut desiderio ipsorum satisfiat. Re postmodum cum Principe *Sofano* communicata, cum hic causam religionis strenue & plus quam a pagano expectari poterat, perorasset, tandem decrevit, Curia Rituum revocandam esse modo latam sententiam, novamque in gratiam Patrum ferendam. Hunc in finem *Sofano* imperavit, ut senatoribus Curia & *Colais* injuriam, quam Europæis facerent, ob oculos poneret, eorumque animos ad mitiorem sententiam disponderet; cui obtinenda nihil, denique inquit, tibi prætere opus est, quam ut qua mihi modo dixisti, apud ipsos bona fide repetas. Proximissime id in se recepit *Sofanus*, & ibo, inquit, ipsisque confidenter loquar, quando nihil quicquam metuo; nec bonam causam defendentem oratio deficiet.
- p. 163.
- p. 168.
- p. 170. Eodem ipso die peculiarem gratiam *Gerbillionio* & *Bouvetto*
- p. 171. facturus Imperator, elogium eorum, in grandi tabula descriptum, in musco suspendi curavit, quo mathematicis operis vacare consueverant: posteroque die, quid in gratiam ipsorum sibi constitutum esset per *Cbao* in aula exponi voluit; quodque, ne quid impedimenti aut contradictionis instituto suo posset intercedere, solis Tartaris Consiliariis, exclusis *Sinenſibus* (de quorum iniquiori animo parum sibi promittebat) committere decreverit.

Sofanus

Sofanus interea partium suarum omni studio satagere contendit; primariis Senatoribus super hac re prius sigillatim conventis. In ipsa deinde Rituum Curia, consessuque *Colaorum*, tanto fervore, vi & eloquentia, tantisque argumentorum momentis causam hanc egit, ut omnes, etiam pervicacissimos, in suam sententiam pertraxerit. Omnes unanimi consensu statuere, solidam libertatem prædicandi Evangelium Missionariis, subditis vero idem amplexandi & profitendi, indulgendam esse: citraque moram se junctim accinxere concipiendæ hujus formulæ Edicto, quod Imperatori postea offerretur.

P. 179.

Imperator accepto per *Sofanum* rei ex voto suo gestæ nuncio, mutata de excludendis Consiliariis Sinensibus sententia, in pleno *Colaorum* & Curia Rituum conventu negotium expediri peculiari mandato jussit; in quo diserte testatus est, legem Dei summa cum injuria tanquam sectam perniciosam & erroneam traduci, & hoc nomine prohiberi. Coacto hoc Senatu, in præsentia *Sofani*, discussis omnibus hujus causæ argumentis, in sequentis formulæ Edictum, quod auctoritate Principis postea in legem publicam Imperii abiit, concessum est.

P. 180.

P. 181.

Ego, vester subditus *Coupatai*, primarius Præses Curia supremæ Rituum, & caput plurium aliorum Tribunalium, Majestati Vestræ cum debita veneratione libellum hunc offero, jussu Vestræ Majestatis subjectissime exsecuturus. Consilium inivimus, ego meique Assessores, super negotio, quod a Majestate Vestra nobis commissum est: comperimusque, Europæos hos vastam mariam trajecisse, & ab extremis terræ oris advenisse, allectos summa Vestra sapientia, & incomparabili illa virtute, quæ populos universos demulcet, eosque in officio suo retinet. Præfati sunt illi hoc tempore Astronomiæ & Tribunali Mathematico. Idem sollicito studio se applicuere conficiendis machinis bellicis, quarum usus fuit in novissimis bellis civilibus. Quo tempore una cum Legatis nostris pangenda pax cum Moscovitis Nipchou missi sunt, medium ipsi invenere negotio illi feliciter conficiendo. Denique ingentibus officiis præstitis de Imperio optime sunt meriti. Nunquam tuncque Europæi, qui in provinciis commorantur, delati sunt alicujus facinoris, aut turbarum excitatarum. Doctrina quam profitentur, non est prava, nec apta ad seducendum populum, aut concitandos tumultus. Permittitur promiscue omnibus frequentare templa Lamas, Hochan & Taosè; interdicitur vero

P. 183.

R r r

accessus

accessus ad templa Europæorum, qui nihil adversus leges committunt: id quod rationi non videtur convenire. Æquum ergo est, ut omnia templa in Imperio eo in statu, in quo antea constituta erant, relinquantur, & universim omnibus permittatur, ut eadem frequentent, Deumque adorent; nec ulli posthac eam ob causam quisquam molestus sit. Exspectamus mandatum Vestra Majestatis, ut Edictum hoc per totum Imperium executioni mandetur. Actum per Ministros in Senatu, tertia die secunda Luna, trigesimo primo anno imperii Cam-hi; hoc est, vigesimo Martii anni 1692.

P. 210.

Simul atque Imperator Edictum hoc confirmavit (quod factum die perendino) Tribunal Rituum idem Proregibus provinciarum transmisit, ut consuetis ceremoniis in omnibus locis ipsorum jurisdictioni subjectis, hoc est pro tribunalibus pene 2000 publicari curarent. Tenor præcepti sequens fuit: *Proreges provinciarum, recipite hoc Edictum Imperiale subjectissime; & quam primum ad manus vestras pervenerit, idem cum attentione perlegite, observate, nec quicquam, quominus exactissime executioni mandetur, omittite: curate ejus exempla describi, eademque ad omnes urbium rectores mittite, nosque eorum, quæ a vobis gesta sunt, certiores reddite.*

Ceterum quo Christianorum applausu Edictum hoc per totum Imperium exceptum sit, quemque effectum, in convertendis plurimis Sinensium, etiam Mandarinis non infimi ordinis, habuerit, B. L. ex ipso *Autore* cognosceat.

Quod vero pacificationem, Sinenses inter & Moscovitas, cujus supra meminimus, attinet, ex *Autore* nostro historiam ejus memorasse non abs re erit. Nimirum inter seculi hujus res admiratione dignissimas jure optimo censendæ sunt, tam amplæ Orientem versus provinciæ citra ullum belli strepitum, aut vim armorum, a Moscis acquisitæ. Nunciantibus enim ex Sina Jesuitis Gallis, quos Rex anno 1685 eo ablegarat, bellum Sinensibus cum Moscis intercedere, missisque ad utriusque Imperii confinia Plenipotentariis, utrinque de pace componenda agi; instar prodigii vix creditum, interque paradoxa Geographica habitum, inter has gentes de finibus invicem contendere; utut res sit omnium verissima.

Vergente enim seculo proxime lapso, quidam ex Siberiensibus martium Zibellarum venatoribus consilium iniere, de petenda Russia,

sia, ibique exponendis pellibus Zibellinis. Has cum longe præstantiores hætenus prostantibus Mosci cernerent, advenas hos amice habitos, donisque oneratos, non solum ad commercia ulteriora invitarunt; sed & consortio cum ipsis quæsito, nonnullos eo venatum, terrasq; illas exploratum miserunt. Hi ibidem nec oppida, nec pagos, nec fixas habitationes, sed palantes tantum hominum greges (*bordas*) ex adverso copiam pretiosorum horum animalculorum ingentem, lucrosamque venationem offendentes, rem Principis sui notitia dignam rati, negotium detulere Ducis *Theodori* affini, rerum summam tunc tenenti, *Borisio* (*Boris Goudeno*) qui jam tum consilia agitans de occupando Principatu, tanti rem æstimavit, ut missis in Siberiam legatis, gentis amicitiam ambiret, eamque ad fœdus ineundum invitaret. Hi abductis secum in Russiam quibusdam hujus nationis præcipuis, ii sive optime habitis, incautis nullique cum hominibus exteris hucusque commercio assuetis, & per ipsos toti deinceps genti, facile persuasere, ut potestati imperioque Russorum Monarchæ se submitteret, valida illius protectione in posterum fruitura. Atque sic Russis, cum novis his civibus permixtis, occasio nata percurrendi pro lubitu vastam illam Tartariam, cujus hucusque solum nomen innotuerat. Successu itaque temporis, ingentibus fluminibus detectis, ad eorum litora, citra ullam Tartarorum, sylvas & tesqua contermina incolentium, contradictionem, castella erexere. Eaque ratione, gradu ab Occidente in Orientem indices promoti, cursuque simul Meridiem versus parumper flexo, securitatisque suæ extructis per intervalla penes fluvios & fauces montium castellis & oppidis, tandem ad Oceanum usq; Orientalem, & fines Tartarorum Orientalium (*Mancheous* se appellant) qui Sinensi Imperio novissimè positi sunt, penetrarunt.

Hi vero exteram ignotamque gentem in solo suo impune ca-
 stella excitare minime ferentes, cum hospitibus suis, nec ipsis possessione, quam vacuum adiverant, sponte cedere volentibus, postquam verbis diu disceptassent, ad arma denique versi sunt, Russorumque fortalitium, ipsorum intra fines extructum, bina vice solo æquarunt. Russis idem tertium longe munitius restaurantibus, com meatuque & armis sufficienter instruentibus, Tartari cum Sinensibus locum omni vi oppugnare; Moscovitis machinarum bellicarum ope strenue se tuerentibus. Post varias Martis vicissitudines, partibus utrinque belli mo-

p. 202.

p. 204.

lestiarum pertæsis (Sinenses enim consuetudo mollis & desidiosæ vitæ, cui & Tartari in Sina degentes jam assueverant, revocabat; Russis vero grave erat, exercitum in dissitis adeo regionibus, sumtibus immanibus alere) Russi misso *Pekinum* legato, de pace cum Sinensibus ineunda egere. Oblatam hanc occasionem pronissime amplexatus Sinensium Imperator, anno insequenti 1688 Plenipotentiariorum suos, magnifica pompa, & insigni plus decem millium comitatu, qui ab omnibus necessariis instructissimus, exercitus speciem verius præbebat, quam legationis, *Selinguan*, oppidum Russorum limitaneum, *Pekino* 450 milliaribus distans, conficiendo pacis negotio ablegavit.

p. 206.

Principes hujus legationis, sæpius memoratus *Sofanus*, cum alio quodam Imperatoris avunculo, jussu Principis secum habebant Patres *Gerbillionum* & *Pereyram*, quorum scilicet ministerio uti possent, si linguæ Latinæ commercio cum Russis opus foret: qui ut tanto Russis essent acceptiores, ad dignitatem Mandarinorum tertii ordinis, cum aliis honorum prærogativis evecti erant; Legatis etiam in mandatis datum, ut nihil quicquam, nisi communicato cum ipsis consilio, decernerent. Jam autem hæc legatio ad 300 milliaria processerat, cum ulteriori progressui, a Tartaris *Mongousis* & *Elutbensibus*, bello inter se implicitis, quod via per eos facienda erat, mora injecta est. His transitum tantæ multitudini armatæ negantibus, Sinensibus vero viribus suis non ita confisis, ut vi viam quærere auderent; hi multa cum suorum jactura, & post mille ærumnas, domum reversi sunt. Negotio insequentem annum ea ratione conjecto, convenit utrinque, ut *Nipchou*, quod munimentum Russorum est, 300 a *Pekino* milliaribus aliquantum versus Orientem distans, Legati coirent. Post varios ibi congressus & colloquia nihil actum est; partibus utrinque æque obstinatis, & uti moribus, sic & animis toto cælo inter se dissidentibus, ita ut divisis ab invicem legationibus, & in sua utrinque castra se recipientibus, prope ad arma ventum esset: nisi *Gerbillionio* & *Pereyra*, ut sibi solis res permitteretur, contendentibus, seque summa ope curaturos, ut Russi negotia pacis abrupta redintegrarent, & pax obtineretur, spondentibus, Tartari tandem annuissent, ut *Gerbillionio*, qui jam sæpius in castris Russorum fuerat, solus eo iret, & huic fini obtinendo fortunam suam periclitaretur. Hic conventis Russis, dierum aliquot con-

confortio eousq; apud ipsos profecit, ut posita pervicacia, salutaribus hujus Patris consiliis animum adverterent. Orientabat ille Nationi quaestui dedita commerciorum divitias, quas ex amica Sina acquisituri essent, totius Orientis opes imperio suo inveſturi: inculcata simul necessitate pacis, ut ejus beneficio provinciae Tartaricae occupata retineri firmarique possent; quas utique ob immanem a Russia distantiam, invito Imperatore Sinensi, & forte tota imperii sui mole Russis incubituro, tueri nequeant. His similibusque suasionibus reluctantes flexit, ut nulla inani disputatione super uno alterove munimento in desertis locis extructo, in conditiones a Sinensibus propositas consentirent, easque, juramento utrinque in templo caſtri *Nipchou* d. 3 Sept. anni 1689 firmatas, ratas haberent. Atque haec de praecipuo, quod Auctor tractandum suscepit, argumento dicta suffecerint. De Apologia Jesuitarum circa cultum Confucii alibi dicemus.

JOHANNIS VOET, JCTI ET ANTECESSORIS IN ACADE-
mia Lugduno-Batava, Commentarius ad Pandectas, in quo prater Roma-
ni Juris principia ac controversias illustriores, Jus etiam bodier-
num & praecipua fori quaestiones excutiuntur. Pars prior conti-
nens duos & viginti libros priores.

Lugduni Batavorum apud Johannem Verbessell, 1698. in fol,
 Alphab. II. plag. 14.

Scripsit Consultissimus Autor ante annos octodecim, & quod ex-
 currit, Compendium Juris, juxta seriem Pandectarum, in quo cum
 id sibi negotii datum crediderit, ut verbis paucis multa complectere-
 tur, hinc istam brevitatem luculenti cujusdam commentarii ubertate
 velut pensare, ac ejus primam partem, viginti duos Pandectarum li-
 bros complectentem, nunc in lucem emittere voluit; ex cujus quanti-
 tate, totius Operis, propediem ceu spem Noster in praefatione facit,
 complendi prolixitatem, ac simul laborum exantlatorum magni-
 tudinem, Lectores agnoscent, ac utrumque grata mente dubio pro-
 cul venerabuntur. Primo quidem Consultissimo Autori visum fue-
 rat, suis se numeris adstringere, ac peculiari proprioque ordine Com-
 mentarium hunc adornare, sed cum ille sibi quidem, non vero aliis
 perinde fuerit notus, hinc mutato consilio, vulgatam Pandectarum

seriem, nulli vel mediocriter in Jurisprudencia versato ignotam, in eodem concinnando sequi maluit, ut ita quisque in sede propria inveniret, quæ tum certa, tum controversa ad istam juris partem pertinent. Quod si tamen nec notissimo hoc ordine aliquando quærentibus satis prospectum sit, ideo locupletiozem indicem, subsidio investigantibus futurum, tædiosa industria Noster composuit. Rem ipsam quod attinet, ita in singulorum Titulorum enarratione versatus ille est, ut præmissis tum Romani tum hodierni juris principiis ac regulis, sæpe per suas rationes expositis, subjunxerit notabiliores plerasque factorum species, in legibus occurrentes, aut extra legum Romanarum tabulas usum in foro præbentes, & eas quidem, quæ parum ambigæ, paucis assertas, dubias vero magisque controversas, disquisitione pleniorè adhibita, suis rationibus stabilitas, a difficultatibus ac objectionibus liberatas, conciliatis Jætorum responsis aut Principum placitis, quorum videbatur pugna esse; additis insuper non aliena sed propria fide Autoribus, iisque selectioribus, ac magna ex parte, probatæ eruditionis recentioribus. Præterea Illustris Autor Romanæ Jurisprudentiæ explanationem, cum hodierni Juris tractatione sociandam censuit: quicquid etiam alii in contrarium sentiant, quibus vel sordet, quicquid ex jure Quiritum, tersum licet nitidumque promitur, vel quos offendit, quod post explicatam civilem Romanorum sapientiam, spinosa fori dubia addantur; quasi minus commoda theoriæ cum praxi mixtura esset, nec utraque satis apte in una posset sede morari. Dum etiam Compendii olim concinnati vestigia in hoc pleniorè Commentario Noster passim fere legit, hinc, cum dies diem doceat, subinde candide confessus est, quod in uno atque altero loco olim scripta sibi nunc displiceant. Nam uti illorum odit socordiam, qui quicquid ab alio recte vel perperam dictum inveniunt, obsequio deformi cæcoque velut impetu amplectuntur: ita nec propriarum opinionum ante conceptarum adeo tenacem aut veneratorem se esse fatetur, quin errata corrigere, ac in melius reformare, laudi ducat, ac ingenui esse existimet; cum errare humanum, sed in errore cum contumacia perseverare jam monitum meliusq; edoctum, & inanibus ludibriis effugia quærere, bruti magis quam hominis, insani quam sapientis sit. Denique cum in hoc scriptionis genere Jætum egerit Noster, præ cæteris ea, quæ juris ac consuetudinis sunt, & forenssem redolent disciplinam, explicare

care pensculatius & ex professo tractare ipsi propositum fuit. Cætera, quæ ad antiquitates spectant, quorumque tenues tantum in nostro juris corpore, plures in fragmentis veterum apparent reliquæ, summo tantum digito tetigit, subjunctis illorum nominibus, qui circa hæc luculenter ac præclare operam navarunt; ut quisque ex iis velut fontibus ultra hauriret, quibus aut proficere se aut delectari posse putet, ubi gravibus Jurisprudentiæ præceptis, difficilibus & impeditis praxeos controversiis fatigatam mentem reficere, & per amœniora humaniorum latifundia, varietate sua tædium discutientia, spatium visum fuerit. Quæ vero in hac & mox secutura altera parte, tandem præstiterit Noster; quæ ab aliis intacta, indicta aut minus recte concepta, circa Juris Romani difficiliora observaverit, explicuerit, illustraverit; quid circa juris hodierni abstrusiora velut ænigmata solvenda contulerit; quomodo vetera novis rationibus firmaverit aut reprobaverit, distinctionibus sæpe rem planiorem fecerit, ab aliis judicari dicique mavult, quam inani propriæ laudis deprædicatione sibi ipsi adblandiri, multaque sibi arrogare jactantia nulli profutura. Superest nunc, ut habitata totius Operis generaliter delineato, in præcedentium illustrationem quædam exempla, prout succurrent, adjiciamus. In Titulo de Justitia & Jure, post adductam legum necessitatem, primoque præcipuos legum apud gentes autores nominatos, ad Jus Romanum transit Noster, cujus usum licet subsidiarium solum esse fateatur, ejus tamen accuratam scientiam nec hodie inutilem, testimonio Ariæ Pinelli & Eguinarii Baronis præcipue suffultus, censet. Inde Jurisprudentiam Romanam merito *divinarum atque humanarum rerum notitiam, justæ atque injusti scientiam, vel artem boni & æqui, veramque, non simulatam philosophiam* dici ostendit, ac ad Justitiam, ejus finem, progressus, recte eam a Jctis *constantem & perpetuam voluntatem jussu cuique tribuendi*, vocari amplius contendit, ideo quod non tam ex eventu ipsaque tributione ejus, quod cuique debitum, quam potius ex voluntate ipsa atq; proposito, justitiæ actus dijudicari, justosq; aut injustos dici conveniat. Post hæc divisionem justitiæ in commutativam & distributivam tradit, ab eaq; Grotianam, qua in explettricem & attributricem illa discernitur, non longe recedere putat. Cum autem in nuda justitiæ contemplatione Jctos hærare ac confenescere haut oporteat, sed ab iis potius exigatur, ut leges applicando & justitiæ studeant, & alios

alios ad idem studium excitent, hinc Nostro enata est occasio de legibus differendi. Primo igitur considerat jus naturale, cujus fundamentum ipsi neque convenientia & disconvenientia cum natura rationali ac sociali per lapsum non depravata, juxta sententiam Grotii, nec socialitas, quod visum est Pufendorffio, sed potius jus Dei Creatoris, potentis quidem, sed & pariter benigni ac summe benefici in suas creaturas, est. Hinc enim fluit obligatio ad Deum colendum, se ipsum conservandum, socialitatem erga alios exercendam, imo etiam genus humanum propagandum. De cætero jus naturæ immutabile est in thesi, mutabile tamen in hypothesi. Hinc licet in universum vetet homicidia, latronis tamen, vim inferentis, cædem permittit, ac sceleratorum jubet supplicia, quin &, cum multa jus naturale suaserit quidem, at non præceperit, nec vetuerit iis contraria, consequens fuit, justis causis urgentibus a tali suasionem jure recedi. Postea ad jus Gentium progreditur. Primævum ei nihil aliud est, quam jus naturale hominum, a Gentibus receptum; secundarium vero dicitur, quod non tam ex rationis luce exortum, quam potius ratiocinatione legitima collectum est, & accommodatum non tam incorruptæ naturæ bonitati, quam depravatæ necessitatibus, adeoque *quod usu & humanis necessitatibus exigentibus gentes sibi constituerunt.* Quod tamen non ita accipiendum esse Noster monet, quasi aliquod jus Gentium esset, omnes quæ tales obligans, omnes populos in publicis inter Gentes commerciis devinciens, sed quæcunque juri Gentium secundario adscribuntur, non alio sensu a Gentibus constituta dici posse docet, quam quia id, quod multiplicato generi humano per ratiocinium videbatur utile, paulatim nunc hujus, nunc illius populi usu, & ita tandem Gentium plerarumque, comprobatur sit, nulla de cætero universali obligatione gentes adstringente: ut adeo jus gentium secundarium tandem nihil aliud sit, quam licitus Gentium usus ex ratiociniis utilitatum profectus. Ex. gr. suadebat utilitas commercia: hinc a gentibus instituta sunt, & primo quidem permutatione fere constabant, sed sollicitantibus utilitatis regulis, emptio, locatio aliiq; contractus secuti sunt: quod si usus Gentium rectæ rationis dictamini repugnet, illum non jus Gentium, sed pessimam potius morum humani generis corruptelam, dicendum esse, Noster addit. Tandem ad jus civile pergit, illudque, velut rem satis planam, breviter definit ac distinguit, quod vel tale sit

origine

origine, vel sola comprobatione. In titulo de Constitutionibus Principum, sub peculiari rubrica, luculentam de Statutis Noster exhibet, commentationem, argumenti hujus tum utilitate, tum difficultate ad eam instituendam commotus. Primo igitur supponit, statutorum nomine non tantum intelligi leges inferiorum Magistratuum, sed & superiorum Principum ac Populorum majestate prædicatorum jura, si-ve expressa voluntate sancita, si-ve moribus inducta, veluti Germanorum, Anglorum, Gallorum, Hollandorum, Ultrajectinorum aliorumque similium, atque adeo leges omnes gentium omnium, solo Romano civili canonicoque jure excepto, quin & sententias ac decreta judicum circa personas singulares, dum v. gr. prodigi infames declarantur. Postea nobilissimam illam statutorum divisionem, qua quædam *personalia*, quæ de qualitate personæ, v. gr. an sit civis, nobilis, integre exstimationis, nec ne, disponunt; alia *realia*, quæ rem principaliter afficiunt, ut jura succedendi ab intestato; quædam denique *mixta*, quæ neque de personis, neque de rebus principaliter disponunt, sed actuum a personis circa res gerendorum, si-ve judicialium si-ve extrajudicialium, formam, modum, ordinem, solennia definiunt, esse perhibentur, pluribus explicat. Inprimis vero, istis explicatis, de vi & efficacia statutorum satagit, data regula, quod *ultra statuentis territorium statuta propria vi valere nequeant*; cujus veritatem quoad statuta realia, circa quæ vulgo etiam consentiunt, personalia, quod communiter haut volunt, & mixta, ex natura imperii eleganter & prolixè deducit, rationibus quæ ob stare videbantur, dextre resolutis. Licet autem statuta propria virtute in aliena territoria haut penetrent, sæpe tamen gentes de jure suo aliquid remittere, ac alteram alterius decreta mutua comitate probare solere, Noster amplius admonet, utque de hoc exacte judicium ferri queat, ostendit, quod a statutis realibus Magistratus cujusque loci circa immobilia, ne latum quidem unguem ex comitate recedere, sed suo mordicus juri inhaerere soleat, ut inde, *in mobilia non alia quam loci situs lege regi*, tralatitium sit: at quoad mobilia, rigorem juris laxari docet, sic ut ex comitate profecta regula, praxi universali invaluerit, *mobilia in dubio regi lege loci, in quo eorum domicus domicilium fovet ubique illa vere exstiterint.* Atque hoc ipsum etiam de statutis mixtis asserit: hinc testamenta juxta solennia loci, in quo quis mortuus est, condita, ubique tam quoad bona mobi-

lia quam immobilia valere, Jstorum Belgarum, Germanorum, Hispanorum & Gallorum testimonio comprobatur; id contra Mynfingerum & Grassum asserens, quod actus, qui spretis illius loci, in quo gestus est, solennibus, juxta statuta domicilii vel rei sitæ celebratus sit, utique in loco domicilii vel rei sitæ valere debeat. De statutis vero personarum libus, in quantum scilicet extra territorium, ex quadam comitate operentur, nec ne, nihil generaliter pronunciari posse, sed id potius ex sede cujusque materię propria, circumstantiis accurate expensis, repetendum esse Noster arbitratur. Cum autem officia humanitatis inter gentes liberas sat debiles habere soleant effectus, nisi certis illa adstringantur regulis, hinc etiam intuitu statutorum sæpe conventiones expressas vel tacitas a diversis civitatibus iniri, ulterius Noster ostendit. His ad liquidum deductis, id deinde sibi excutiendum sumit, an & quousque per pacta & conventiones privatis permissum sit, a statutorum recedere dispositione? Summa eo redit: statutis utilitatem publicam respicientibus actu privato non posse derogari; bene vero iis, quæ privata concernant commoda, dummodo simpliciter saltem aliquid disponant, nihil vero prohibeant; nam nec ab horum nexibus privatos se liberare posse. Solent autem a statutis, quibus derogari potest, aliquando tacita voluntate privati recedere, dum statuto contrario actiones suas attemperant: ubi quidem in dubio quemvis domicilii sui statutis in agendo se conformare voluisse, præsumendum esse, atque hinc v. gr. communionem bonorum, quæ in loco domicilii contrahentium nuptias ex statuto viget, ad omnia bona sese porrigere, etiam in iis locis sita, ubi statutaria bonorum omnium communio ignota est, Noster docet. Quod si vero nihil omnino gestum ab aliquo sit, tum tacitæ voluntatis, statutis domicilii sese conformaturæ, præsumtio cessat: hinc si quis intestatus moriatur, bonis per diversa loca dispersis, is non censetur juxta statuta domicilii sui heredes ad successionem vocasse, sed pro vario potius rerum immobilium situ, alios atque alios sortitur heredes. Quæ vero de statutorum interpretatione, eorum condendorum potestate, abrogatione, aliisque dici poterant, ea Noster heic consulto præterit, cum vel ex doctrina legum generali, vel propria materię, quam statutum respicit, sede ea possint debeatque repeti. In titulo de conditione causa data causa non secuta, docet Consultissimus Autor, quod hæc actio occasione contractuum in
nomi

nominatorum, qui a datione incipiunt (non vero quibus facta originem præstant, nec occasione causæ præteritæ, aut futuræ quidem sed in mente retentæ) nascatur, ac ex quasi contractu, innominatos comitante descendat, atque adeo eo tendat, ut causa, quam dans intendebat, non secuta, datum restituatur. Solet autem causa non sequi, vel ob cessationem accipientis, vel ob pœnitentiam dantis. Utroque casu actioni nostræ locus est, nec tamen indistincte; de quo specialius satagit Noster, id adjiciens, moribus nostris ex capite pœnitentiæ, conditionem hanc amplius institui non posse, cum hodie contractus innominati, a datione incipientes, pœnitentiam haut recipiant, in quantum nunc ex nudo pacto serio prolato, utcunque per traditionem, haut confirmato, actio detur ad implenda ea, quæ pacto placuerunt, sicut & ipsa conventio de dando, ut vicissim detur, firmitatem habeat, ac actionem ad dandum producat: in cæteris vero dispositionem juris Romani quoad hanc actionem, firmam illibatamque manere. In titulo de conditione triticaria, probat Noster, quoad nomen actionis, conjecturam Hotomanni existimantis, illud exinde fluxisse, quod olim Magistratus provinciales ex Sctis provincialibus certam imposuerint tritici quantitatem, ad certa loca deferendam, vel pro tritico pecuniam, si nimis dissita essent loca collationi tritici destinata: cumque illa denunciatio conferendi, *condictio triticaria* diceretur, ac plerumque eveniret, ut pro tritico pecuniam seu æstimationem persolverent provinciales, hinc paulatim fluxerit, ut quoties loco rei debitæ pretium ejus seu æstimatio petenda esset, actio illa *condictio triticaria* appellaretur. Rem ipsam vero quod attinet, putat conditionem hanc esse actionem personalem, qua rei cujusvis corporalis, mobilis vel immobilis, aut incorporalis, quomodocunque ex contractu vel delicto debitæ, æstimationem præstandam esse contenditur. Ex quo porro deducit, actionem hanc subsidiariam esse, ac modo in locum actionis bonæ fidei, modo stricti juris, surrogari, adeoque pro casuum varietate, utriusque indolem assumere. In primis vero implicatam faciendæ æstimationis controversiam, quæ iis, qui subtilitates Romanas curiosius investigare solent, crucem figere solet, occasione hujus actionis, Noster evolvit, his fere regulis omnem istam rem completens: si principaliter rei æstimatio in obligationem sit deducta, respici tempus natæ obligationis, tam in contractibus bonæ fidei, quam stri-

Et iuris: si vero res principaliter obligatione comprehensa sit, in stricti iuris actionibus, fieri æstimationem rei, qualis a tempore moræ, usque ad litem contestatæ tempus fuerit maxima, sed in bonæ fidei iudiciis æstimandæ rei facultatem, usque ad tempus rei iudicatæ extendi. Locum porro incundæ æstimationis, si specialiter contractu definitus non sit, in strictis iudiciis esse illum, ubi res petitur, sed in bonæ fidei actionibus, ubi contractus celebratus est, vel res petitur arbitrio actoris. Atque ex his speciminibus eruditi Lectores doctissimas Nostri commentationes reliquas non difficulter dijudicabunt. Nam per omnes ire libros, singulorumque titulorum heic conferre summam, id vero nimis prolixum, nec cum instituto nostro facile conciliandum fuerit.

THOMÆ CRENI ANIMADVERSIONUM PHILOLOGICARUM & HISTORICARUM Pars quinta.

Lugd. Batav. apud Abrahamum de Swart, 1699. 8. Plagulæ 17½.

ANtiquum, sed cum laude, obtinet Eruditissimus Crenius, quando in nova hac Animadversionum suarum parte eodem, quo in quatuor antecedentibus, more modoque, plurima accumulatur, quæ multæ ipsi lectionis industriæque haud vulgaris gloriam conciliant. Non possumus proin & nos, quin officio nostro hic itidem fungamur, & quid in libello hoc juxta virtutis potius quam molis quantitatem æstimando contineatur, benevolum Lectorem nostrum edoceamus.

Auspiciis sumit a commemorandis variis Autorum optimorum editionibus, quaque ratione quidam de L. Annæo Seneca Tragico, de C. Julio Cæsare, Phædro, Petronioque Arbitro bene mereri studuerint, a pag. 1 ad 37 prolixè indicat, ac dum Petronii mentionem facit, Fragmentum ejus, a celeberrimo Polyhistore, Reinésio, A. 1666 editum, denuo se vulgaturum, & scholia, quæ manu sua Reinésius allevit, quæque numerum priorum ad dimidium fere augent, additurum pollicetur.

Pergit hinc ad diversa diversorum de doctissimis aliquot Viris judicia. Joannem quippe Calvinum a styli, quo usus fuerit, Latini elegantia commendat, & ad Hottingeri effatum provocat, quod vel tres præfationes, Calvini puta in Institutiones suas, Thuani in Histori-

storiam, & Casauboni in Polybium, omnem ferme Latinitatem exhauriant, formandique styli exemplum præbeant, p. 37. seqq. In Frid. Sylburgii laudem, p. 104. seqq. plurima affert. Quid de Mich. Nostradamo Eruditi sentiant, p. 114. seqq. exponit Autor. Censuras in Paulum Jovium latas p. 163. in medium adducit. Quod Jo. Piscatoris Commentarii passim aureo quasi poculo venenum propinent, p. 173 Jo. Winckelmanni verbis edocet. Unde R. Salomo Isaacides spurium cognomen Jarchi acceperit, cum Acolutho p. 186. disquirat. De Ernesto Sonero, Philosophiæ & Medicinæ Doctore & in Academia Altdorfina Professore p. 243. seqq. multa non ubivis obvia disserit, rnitiusque de eo judicat, quam ut Socinianis eundem annumerare velit. Nec notum forsitan omnibus est, quod ex Richterianis epistolis p. 204. testatur, libros Grotianos de Jure Belli & Pacis e dictantis primum ore excepisse, & post in ordinem redegisse Theodorum Gräwinckelium.

De paupertate, virtutis atque eruditionis indivulsa haut raro comite, non eleganter minus ac prolixè a p. 125 ad 149 agit, inque censum literatorum, qui cum paupertate quondam configere necessum habuerint, refert Pomponium imprimis Latum, Isaacum Casaubonum, Guil. Xylandrum, Josephum Scaligerum, Lilius Gregorium Gyraldum, Janum Parrhasium, Henricum Cornelium Agrippam, Conr. Gesnerum, Richardum Crocum, Richardum Paccum, Dominicum Baudium, & alios.

Utut librorum suorum dedicationibus præmia sibi quærere Eruditorum plurimi soleant, plerumque tamen spem inde conceptam inanem esse, querelis non unis, testimonioque præ cæteris Erasmi Roterodamensis, p. 40 seqq. probatum dat.

Quam propensus in Papistas fuerit Hugo Grotius p. 83, Isaacus Casaubonus p. 78, & Jo. Camero, p. 93. demonstrat, atque ex instituto de nonnullorum conatibus Syncretisticis, utpote Phil. Melancthonis, p. 73, Theophili Bracheti Milleterii, p. 82, Jacobi Masenii, p. 77, Georgii Calixti, p. 86. commentatur.

De Scriptoribus aliquot pseudonymis p. 180 seqq. non proleteria cum studiosis harum elegantiarum communicat. Jo. de la Casa carmen in laudes Sodomiae scriptum utique adhuc extare, p. 224 seqq. contendit. Muretum Veneri deditissimum, ac proinde vivi-

comburio aliquando proximum fuisse, p. 102. ostendit; quamvis elegia peculiari p. 222 seqq. repetita, mala, quæ ex Venere enascantur, persecutus fuerit. Lepidum est, quod p. 227. memorat, quendam Clericum Regularem S. Pauli Barnabitam, Florentinum Schilling, in concione funebri illustri A. 1651 habita asserere, Adamum non esse natum, quippe qui ex Evæ costa factus fuerit.

Ex Epistolis Eruditorum hætenus ineditis, quarum copia Lectores suos nec heic fraudare voluit, tres cum primis nominamus, unam videlicet Conradi Rittershusii ad Christophorum Raphelengium, qua huic notas suas in Boëtii libros de consolatione Philosophiæ offert, p. 25; alteram Petri Cunæi ad Willebrordum Snellium, in qua de anno Jubilæo veterum Hebræorum disputat, p. 158; ac tertiam Erasmi Roterodamensis, qua hic post alia styli acerbiter Lutherum imputat, eundemque propterea acculat, p. 238.

NICOLAI FATII DUILLIERII R. S. S. LINEÆ BREVISSIMI
descensus Investigatio Geometrica duplex cui addita est Investigatio
Geometrica solidi rotundi, in quo minima
fiat resistentia.

Londini apud Joh. Taylor, 1699. 4. pag. 24.

NArratur primum, quomodo a Dn. Jo. Bernoullio propositum fuerit problema *linea brevissimi descensus*, & Geometræ ad ejus solutionem invitati, nonnulli etiam ob solutionem deinde datam a Dn. Leibnitio laudati; qui cum honorificam etiam quorundam aliorum mentionem fecisset, non dubitans, quin si animum ad problema appulissent, solvere potuissent, Dn. Autor id ita accipit, quasi alios omnes excluderet; idque in suam injuriam interpretatur, querens se nec specialibus literis invitatum, nec inter eos nominatum, qui problemati essent pares. Nos vero, inquit, *si qua invitatione, si digni visi fuissetus literis, quamvis inter tot egregios candidatos innominati, nec adhuc in eorum numerum relati, quos SOLOS (ita scilicet accipit Dn. Autor) tanto problemati pares CL. Leibnitius pronunciat, utique nostras dudum exhibuissetus solutiones. Neque enim causa erat, cur antiquum morem nostrum Problemata omnia in vulgus jacta prættereundi mutaremus. Sed cum videamus, silentium nostrum in nosmet ipsos veri, quid hac in re*
præ-

praestiterit, exponemus. pag. 4. Ait autem (ibid.) idem se scriptum edere, quod nuper (id est, ut in margine interpretatur, mense Julio 1698) chartæ commiserit, ante visa *Acta Eruditorum Anni 1697.*

Methodus prior *Autoris* in investigatione *Curva brevissimi descensus* hæc est, ut quærat arcum circuli osculantis, seu, ut ipse vocat, radium arcus infinite parvi curvæ quæsitæ, nempe in qua tempus descensus inter duo puncta etiam infinite vicina sit minimum. Reducitque rem ad problema tale: Invenire lineam cujus punctum semper sit intra rectam datam (nempe hic horizontalem, a qua fit initium descensus) quantum centrum circuli osculantis, seu centrum curvæ dinis quæ est in illo puncto, est super eandem rectam. Et quanquam id problema per se videri possit solutu adhuc satis difficile, quia tamen *Hugenius* invenerat, hanc esse proprietatem cycloidis, hinc Dn. *Autor* ostendit, Cycloidem esse lineam quæsitam. Si quis tamen ideo solutionem imperfectam contenderet, quatenus ignorari poterat, hanc esse cycloidis proprietatem, ei reponit Dn. *Autor* p. 97, facilem ab ea regressum sibi esse ad alias Cycloidis proprietates.

Methodus posterior in eo consistit, ut pro arcu circulari minimo quærat duas rectas, tria arcus puncta connectentes, quarum summa temporis descensus sit minima, quod in elementaribus eodem reddit; unde & idem prodit, quod paulo ante. Dicit etiam p. 12, se ante annum unum alterumve eandem, quam Dn. *Joh. Bernoullius*, ideam habuisse, juxta doctrinam refractionum pro *Curva brevissimi descensus*. Calculum quidem se non instituisse, licet facillimum, sed tamen statim vidisse, Tangentem curvæ ubique dari, quod utique sufficiat ad solutionem.

Sequitur alterum problema, quod huc redit: Invenire figuram solidi rotundi, cui a liquido, in quo movetur, minimum resistatur. Id solvisse Dn. *Newtonum*, sed constructionem dedisse, quæ solutionem quærenti lucem nullam præferat. Dn. *Hugenium* id problema A. 1690, 1691 frustra tentasse. Dn. *Autor* rursus ex conditione problematis quærit centrum arcus infinite parvi, seu radium circuli osculantis, eadem fere methodo, ut ante, calculo tamen non paulo prolixiore, unde tandem p. 16 ducere se ait constructionem, quam ad usum mechanicorum vult esse aptissimam. Sit r radius circuli osculantis, x ordinata, r constans, ratio inter p , s , t , ea quæ elementorum curvæ,

curvæ, abscissæ, ordinatæ; fore $u = \frac{3p^2x}{11} - \frac{px}{5}$. Hac sua

ait (p. 17) perplexiorem esse *Newtonianam*, eandem tamen utrique prodire curvam. Addit deinde, in modum postscripti, se brevis otii spatium nactum invenisse curvæ puncta ex Logarithmis vel Hyperbolicæ arcæ quadratura, quod ducitur ex proprietate *Newtoniana*. Subjicit p. 22: *Quamvis ista curva quibusdam erroribus in navium constructione vitandis inservire possit, tamen aliam omnino figuram adhibere oportere mihi compertum est. Sed hac ulterius prosequi non est animus. Sufficiat dixisse, multa adhuc vulgo incognita remanere, quibus si in apertum prodirent, ipsa rei nautica facies plurimum mutaretur, magno regionum quarundam commodo, maximo periculo aliarum, quas tamen salvas precamur.* Postremo refutat Dn. S, quem ait summæ laudis æmulum difficillimum problema præmature aggressum in *Philos. Transact.* n. 246, infelicissimo eventu Curvam brevissimi descensus tractasse.

Cæterum Dn. Autor passim queritur de more problemata in publicum proponendi. Ejusmodi (inquit p. 5.) *problemata, quamvis a me non semel soluta, verbi gratia circa Catenariam, Velariam, harumque linearum identitatem, Curvam descensus æquabilis &c. magnopere semper aversatus sum, neque solutiones meas publicis scriptis unquam dignatus sum exponere. Quid enim aliud, inquit, proponendis ejusmodi problematis affectari videretur (nisi hic mos inter cordatos etiam invaluisse) præter existimationis supremam dignitatem? Quam modestioribus facile præripiant, quicumque sibi ipsis inventa difficiliora Theoremata sub problematum forma Mathematicis proponant. Quasi vero manus darent, quicumque in arenam e vestigio descendere nolentes, intra præstitutum tempus problema non solvissent; Problema cui solvendo autor opportunum otium nactus fuerit, cui tractando multos annos forsitan insudaverit; Quod elegerit ipse, quod amaverit, ac ardentiori studio prosecutus fuerit, cui enodando facilem viam cognatis studiis sibi paraverit, quod denique ignotum pluribus eruditis per annos aut menses integros in Actis quibusdam extraneis delitescat; aut si ad ipsos etiam perveniat, non ita paratos corripit ad propria studia deferenda, ut quam ocysime ad sublimes ac difficiles alienasque cogitationes desistant. Quo etiam dato, etsi calculus, ut sape fit, pro voto succedat, certe non omnes eadem*

dem id in publicum promulgandi premuntur libidine &c. &c. Hæc cum Dn. Autor non dubitaverit dicere in quosdam egregios Viros, per quos problematum insignium propositiones & solutiones Actis nostris sunt insertæ, non accipiet in malam partem, si quæ defensionis gratia Vir Celeberrimus Jo. Bernoulli reposuit, & in Actis nostris publicari voluit, subjecerimus.

EXCERPTA EX LITERIS DN. JOH. BERNOULLII
Groningæ 7 Augusti 1699 datis.

ACcepi duas plagulas priores libelli a Dn. *Fatio Duillerio* editi, & non potui satis mirari modum scribendi, quo est usus. Queritur me non dignatum ipsi exemplar problematis transmittere, sed facilis responsio est, me nec teneri mittere talia ad singulos, nec divinaſſe ubi ille degat: & Dn. *Newtono* exemplaria miſiſſe, non ut eum ad certamen provocarem; ut ipse *Duillerius* rem interpretatur, sed ut aliis quoque res innotesceret. Dum me tanquam minus modestum accusat, videtur sub umbra modestiæ voluisse efficere, ut credamus, *se quoque, si qua invitatione dignus visus fuisset, literis suas dudum solutiones fuisse exhibiturum*; quasi scilicet, si modo se applicare dignatus fuisset, mox mysterium fuisset detecturus. Interim nobis non dicit, quanto tempore frustra insudaverit, quantum laborem hanc in rem impenderit. Nempe antequam de libello *Fatiano* aliquid rescivissem, didici a Viro fide digno, qui nuper venit ex Anglia, Dn. *Duillerium*, cum amico etiam in Anglia extraneo, ante duos circiter annos magna contentione problemati huic, cujus notitia mature ad ipsum pervenerat, sese accinxisse, & ambos certatim in eo laborasse. Amicum illum primum destitisse re infecta; & *Duillerium*, postquam diu satis frustra insudasset, etiam abjecisse arma. Tandem tamen hunc multo post resumisse problema desperatum, eique acriter & tenaciter inhaerisse. An autem absolvisset, relator ignorabat. Certe, si modestia impedit, quo minus quis sua inventa publici juris faciat, nemo aliquid in publicam utilitatem edere poterit, nisi immodestus esse velit. Quod si vero nomen exprimere jactantiæ esse dicat, quidni & ipse suas problematum difficiliorum *curva catenaria, velaria, isochrona &c.* enotationes &c. methodosque, quas diu possidere se dicit, publico bono promulgat, suppresso suo nomine? Quantum ad ipsas,

quas edidit, solutiones, hujusmodi problemata nostro more tractata nullum aut perbreve calculum requisiverunt, aut ex sola contemplatione infinite parvorum, adhibita quadam dexteritate, fluxerunt. Calculi vero quos instituit, admodum sunt perplexi, quos ut examinarem, a me impetrare non potui. Problema *Curvæ solidi minima resistentiæ* vocat magis arduæ disquisitionis, quam problema *celerrimi descensus*; sed tale fuit *Duillerio* forte, qui genuinam solvendi methodum non habebat. Hoc enim problema tantæ facilitatis deprehendo, ut ad ejus solutionem nullo prorsus calculo fuerit mihi opus: nam charta & calamo destitutus, & in lecto decumbens, solius imaginationis ope plenarie id solvi.

TAB. IX.

Fig. I.

Esto curva quæ sita B F N (*Figura I*) quæ ex revolutione sua circa B M describat solidum in quod minima fiat resistentiæ, si moveatur secundum plagam ipsius axis B M. Elementa applicatarum N M concipiantur divisa in partes æquales N R, R P: sint N L, L F duo elementa curvæ respondentia elementis N R, R P: producat R L ad O, ita ut L O infinite parvum sit respectu R L. Ductis N O, F O erit ex natura *minimi* resistentiæ in zonam ex conversione elementi curvæ N L F (quod ut duas lineolas rectas N L, L F considero) factam æqualis resistentiæ in zonam ex conversione lineolarum N O, O F, adeoque resistentiæ zonæ N L — resist. zonæ N O = resistentiæ zonæ F O — resist. zonæ F L. Jam vero assumpta hypothese communi, qua & Nevvtonus utitur p. 325 seqq. nimirum resistentiæ obliquam in N L esse ad resistentiæ directam in N R, ut NR^2 ad NL^2 , exprimentur resistentiæ elementorum curvæ, ex gr. ipsius N L per NR^3 : NL^2 adeoque resistentiæ zonæ N L per M N. NR^3 : NL^2 . Hinc igitur $(MN.NR^3:NL^2) - (MN.NR^3:NO^2) = (MR.RP^3:FO^2) - (MR.RP^3:FL^2)$. Sunt autem O T, L S differentia ipsarum N O, N L, & L F, O F, harum respectu incomparabiles, ideoque $MN.NR^3:NL^2) - (MN.NR^3:NO^2)$ tantundem quod $2MN.NR^3.TO:NO^3$; & $(MR.RP^3:FO^2) - (MR.RP^3:FL^2)$ tantundem quod $2MR.RP^3.LS:FO^3$. Hoc igitur illi est æquale. Et divisus per $2NR^3$ & $2RP^3$ (quæ per hyp. sunt æqualia) provenit $MN.TO:NO^3 = MR.LS:FO^3$. Ut autem T O, L S, incomparabiles cum reliquis eliminemus, observo quod propter triangula similia $NO:RO::LO:TO$, adeoque $TO = RO$.

RO. LO: NO. Et ob eandem rationem LS = VF. LO: FO. Substitutis itaque hisce valoribus loco TO & LS, & divisus per communem LO, habebimus æquationem elementis constantem MN. RO: NO⁴ = MR. VF: FO⁴ affectam suis respective applicatis. Unde concludo curvam quæsitam BFN ejus esse naturæ, ut suppositis elementis applicatarum æqualibus, applicata quævis multiplicata per respondens elementum abscissæ, & divisa per biquadratum elementi respondentis curvæ, producat quantitatem constanti æqualem. Quæ ergo constans servata lege homogeneorum sumatur ad libitum. Hinc si BM vocetur x ; MN, y , NR, RP, &c. dy ; RO, dx ; NO ($\sqrt{dx^2 + dy^2}$) ds ; fiet $y dx : ds^4 =$ huic assumptæ quantitati constanti & homogeneæ $a : dx^3$; quæ reducta dat hanc æquationem differentialem primi gradus $y dy^3 dx = a ds^4$, quæ curvæ quæsitæ naturam exprimit. Ubi notandum, proprietatem hujus curvæ a Dn. Newtono sine analysi & sine demonstratione traditam p. 327, si resolvatur in æquationem, eandem omnino dare quam hic inveni. Miror profecto Duillierium suam simpliciorē, hanc vero perplexiorem dicentem; cum tamen hæc illam exhibeat facile, non vero vice versa, nisi summa cum difficultate; quam ipse sane non facile superabit, id est non facile a cognita proprietate radii osculantis ad proprietatem tangentis ascendet; cum tamen contra nullo labore ex proprietate tangentis proprietas radii osculantis innotescat.

Cum tamen maxima adhuc difficultas supersit, ut constructio ex proprietate seu æquatione jam inventa eliciatur; ecce eam satis elegantem, quæ tantum supponit logarithmos: Nempe ad axem CE (*Figur. 2*) describantur duæ curvæ, una algebraica DAH, altera transcendens IK, hac lege, ut posita abscissa CE, m ; applicata illius EH sit $(m^3 : aa) + 2m + (aa : m)$ applicata vero hujus EK sit $(3m^4 : 4a^3) + (mm : a) - lm$ (posito $l m$ significare log. ipsius m) erunt KE, EH, coordinatæ curvæ quæsitæ. Ad quam igitur construendam aliud nihil opus est, quam ut ad CM, applicatis parallelam, tanquam ad axem ducatur & producat perpendicularis KM in N, ita ut MN sit = EH; puncta enim N erunt in curva quæsitæ BN, quæ nempe circa CM conversa producit solidum, in quod si moveatur secundum plagam axis CM, fluidum faciat resistantiam minimam Q. E. F. Et curvæ æquatio transcendens exponentialis erit

TAB. IX.
Fig. 2.

$$m^4 a^{11} l a - a^3 m^4 + 4 a a m m - 4 a^3 x,$$

Ubi $l a$ significat logarithmum ipsius a .

Ex P. S. ejusdem.

Dum posteriore hasce lineas scribo, Tuas secundas literas cum adjunctis lchedis accipio. Percurrens obiter ultimam plagulam scripti *Duillerii* reperiō constructionem, quæ cum mea nonnihil affinitatis habere videtur. Sed eam exanimare jam non licet; certus saltem sum, quod eam non invenisset ex sua solutione, nisi *Newtoniana* proprietate adjutus, quod patuisset, si methodum, qua ad eam pervenit, adjecisset. Cæterum vides quam brevi tempore, quam promte hæc omnia expedierim. Triduum enim est, quod tuas priores cum chartis *Faria* is, quæ hisce meis ansam dederunt, accepi. Miror vero operam ingentem quam *Fatiu* huic problemati impendit, non tantum describendo in ampliori ut vocat charta, sed & calculando integram Tabulam. Ut jam ipsi propria verba reddi possint. Nam *vestigio in arenam descendi*, et si *problema* fuerit, cui *solvendo autor opportunum otium natus fuit*, cui *tractando diu insudavit*, quod *amavit & ardentiori studio prosecutus fuit*, quod *mibi hactenus ignotum in libro delituit*. Id me interim paratum corripuit, quamvis ideo propria studia non deseruerim: quod & ipse potuisset facere, si adeo, ut asserit ipse, methodos nostras in potestate habuisset.

**EPISTOLÆ ANATOMICÆ PROBLEMATICÆ X, XI, ET XII,
ad Virum Clarissimum FREDERICUM RUYSCHIIUM, M. D.**

Anatomia ac Botanices Professore, una cum totidem hujus Responſionibus.

Amstelædami, apud Jo. Wolters, 1697, 1698, 1699. in 4. plag. 7.

Cum Figurarum Tabula 5.

EQuidem tres, quas hic sistimus Epistolas Anatomicas, totidem distinctis prodierunt annis: placuit tamen eas æque conjungere, ac in ipsarum recensione ad Celeberrimi cumprimis *Ruyſchii*, quibus stipantur, *Responſiones* attendere, cum ad istum modum superiores pariter Epistolæ novem in *Actis* A. 1696 p. 270, & A. 1697. p. 14 & 384 a nobis fuerint exhibitæ. Laudatus nempe *Ruyſchius* in *Responſione decima*, ad D. *Keerwolff* remissa, cordis humani auriculas nova sua & inaudita

auditaart eprius expansas & in naturalem statum reductas exacte delineans, alia in sinistra, in dextra alia, alia denique in utraque observat auricula. In sacculo quippe membranoso venæ pulmonalis, continuam cum auricula sinistra cavitatem efformante, non duas tantum solenni Autorum more, sed quatuor indigitat trunco; in venæ autem cavæ membranosa expansione, auriculæ cordis dextræ continuata, præter copiosas arteriolas, venam coronariam e fundo dictæ auriculæ exortam ac partim per ipsam auriculam dextram, partim vero & potissimum per substantiam cordis disseminatam repræsentat, in ejusdem auriculæ dextræ cavitate columnas carneas semilunares ostendens, quomodo hæ ab auricula hinc inde nonnihil distent, & alias obliquas fibras brevissimas emittant. Sed ad utramque cordis spectat auriculam, quando pro subjectorum diversitate, insignem earundem discrepantiam figuris adjectis patefacit, simulque magnitudine etiam ipsas variare, ac mucronem interdum auriculæ sinistra non deorsum vergere, sed ad superiora erigi, advertit. Hinc in *undecimo Responso*, ad *L. Wolffium* dato, dum accuratissimus Autor de tunicis & glandulis intestinorum sollicitus est, cum Anatomicorum quidem nonnullis villosam tunicam intuitu vasorum sanguiferorum, per illam disperforum & a se depictorum, pro quarta & nerveæ contra distincta venditat, glandulosam nihilominus esse dicendam ideo negat, quod glandulæ in ea reperiundæ, tum solitariae, tum sociæ, non ab ipsa, sed a tunica potius nervea, cum qua stricte cohærent, aut, si majoris, a vasis sanguifluis ortum ducant, in quantum cunctis arteriolis infarctis omnes simul glandulæ istæ infarciuntur. Eaque propter, quia glandulæ dictæ adinstar lienis corpusculorum rotundorum, de quibus in *Responsione quarta* actum, non nisi vasorum protractiones succosæ ac molles habeantur, recto fere tramite sine notabili flexura decurrentes intestinorumque cavitatem humedantes, neutiquam vero in modum verarum glandularum corpuscula sint per se subsistentia, vasculis & involucri proprio instructa, haud alio posthac easdem quam spuriarum titulo dignatur. Sicuti autem materia ceracea rubicunda in arterias mesentericas fortius adacta, spurias hasce intestinorum glandulas, veluti subtilissimas, nonnunquam sine colore replet, ac per repletas ad ipsam intestinorum cavitatem penetrat; ita per eandem viam in plethora pariter vel sanguinis vehementiori motu aliquando mul-

tum cruorem sine prægresso intestinorum ulcere & sine dolore excerni posse autumat, licet potiore partem filius aquosi laticis, qui a catharticiis propinatis vel in diarrhæa evacuari solet, ab intestinorum una poris derivet. De cætero situm ejusmodi glandularum spuriarum per totum intestinorum tractum determinaturus, solitarias solum in crassis & integra Bauhini valvula, in tenuibus autem & solitarias, & gregales reperiri, speciatim vero in jejuno sporadicæ glandulas spurias, tam inter rugas sive valvulas conniventes, a tunica potissimum villosæ duplicatura resultantes, quam in illis ipsis locari affirmat. Quæ in balænæ primum, postea in humana detexit mamma, tunc recenserebimus, quando propalabuntur. Nunc ad *Responsionem duodecimam* pergamus, in qua Autor Nobil. nostri D. *Firmulleri* desiderio satisfacturus, nonnulla de cerebro, cerebello, plexu choroideo, medulla oblongata & nervis communicat observata. Prælibatis videlicet iis, quæ cerebrum disseccandi methodum vulgatam, Varolianam, Sylvianam & Willisianam, itemque quorundam Anatomicorum substantiam cerebri demonstrandi, sed eam valde invertentem, modum concernunt, ante omnia rationem edocet, qua ipsemet molliori huic visceri aliquam prius firmitatem soleat conciliare, ut de interiori ejus textura evidenter constet. Vasa siquidem sanguifera ubi dexterrime & ad naturalem distensionem materia ceracea duriori replevit, lympham copiosam e tubulis cerebri modeste excussit, ac portionem cerebri ita præparati in liquore convenienti suspendit, corticalem cerebri substantiam e meris vasis sanguiferis diversimode combinatis perspicue apparere contextam (quod & *Ridleyum* ex *Leewenhoeckii* observatione asseruisse, in *Actis* A. 1696. p. 203. notavimus,) commemorat, in *Tabula IX*, quæ Autori decima quarta est, nitide depictam. Usus tamen succosis istis vasorum sanguineorum extremitatibus, quæ protractæ fibris sive tractibus medullaribus respondere, videantur, haud diversum a glandulis assignat. Tum cerebellum & plexum choroideum nova sua methodo examinans, superficiem cerebelli in innumeras particulas diversarum figurarum angularium, pia matre ubiq; succinctas ac magnitudine caput aciculæ vix adæquantes, ad substantiam usque tantummodo medullarem subdivisam innuit, plexum autem choroideum, extra cerebrum etiam protensum, e nullis in statu naturali glandulis, nec e vasis lymphaticis ullis, sed ex meris
itidem

AB IX.
Fig. 3.

ad A. 1699. p. 519.

Fig. 5.




Fig. 7.



itidem vasculis sanguineis, præsertim arteriosis, motu serpentino repentibus ac propter gyrulos anfractuosa glandulas mentientibus, piæque matris portione coherentibus monstrat coagmentatum. Hydatides namque sæpe in plexu choroideo obvias non nisi vascula esse sanguinea sero turgida, neque ab arteriis ejusdem succosis & limpidis, raro, si unquam, rubicundo sanguine refertis, absimili ratione, ac a spuris intestinorum glandulis, laticem istum aquosum secerni, qui a venulis revehendus in ventriculis cerebri atque cerebelli occurrit, quique ob venulas obstructas redundans, & in recens natis versus spinalem medullam in dorsi vertebrarum processus spinosos descendens, singularem tumoris speciem, spinæ bifidæ nomine vulgo insignitam, constituit. Porro in protuberantia annulari, præter externos medullares tractus transversos, alios internos rectos, densissima serie sub exterioribus secundum longitudinem exporrectos, ac pyramidalia corpora cum olivaribus non solum in medullæ oblongatæ inferiori parte, sed & superiori a latere calami scriptorii, annotat, in Fig. 5. adumbrata. Nervorum denique a medulla spinali prodeuntium uti numerum incertum & exortus rationem ab ea diversam, qua alia medulla oblongata emergunt; ita eosdem nervos spinales, in corpore humano non minus ac in brutis, piæ matris productionem existere filamentosam adstruit, rete mirabile arteriosum apponens, ubi cerebri humani basin cum decem nervorum paribus multisque arteriarum ramificationibus exacte delineari curavit. Antequam vero ad Figurarum explicationem accedat, *Johannis Jacobi Rau* Epistolam de Inventoribus septi scroti ad se nuper exaratam censoria notat virgula, quod privati sermones in ea divulgentur, atque Autores tantummodo nominentur de septo scroti verba facientes, nequaquam vero clare demonstretur, in quaestionem quod venit, Autoribus istis veram septi illius constitutionem ac methodum accurate hanc demonstrandi & delineandi omnino innotuisse.

Explicatio Tabulæ IX.

Figura III *portionem corticalis substantiæ Cerebri representat, in liquore visam, & ad vivum depictam. In ea observandum*

1. *Ramulos arteriosos extimos adeo esse subriles, ut non nisi oculis armatis, sensus incurrant, & ceracea materia repleti, tomenti speciem præ se ferant, Vid, lit. A.*

TAB IX.
Fig. 3.

2.

2. *Observandum, particulas diversæ formæ lit. B. notatas, nihil aliud esse, quam extrema Arteriolarum succosa, quæ quamvis continuatæ sint Arteriarum, tamen ob molliorem sibi invicem ita sunt appositæ, ut peculiare quid esse mentiantur.*

TAB. IX.

Fig. 4.

Figura IV portionem Cerebri exhibet, pariter in liquore visam & inversam, ut filum sericeum, a quo dependet, firmitus objectum contineret.

A Ramus Arteriæ carotidis.

B. Corticalis Cerebri substantia.

C. C. Medullaris Cerebri substantia.

Fig. 5.

Figura V Substantiam Cerebri corticalem demonstrat, in liquore visam, ablatis extremitatibus succosis.

Fig. 6.

Figura VI portionem Medullæ oblongatæ indigitat supinæ parte visam, idque ex infante.

A. Protuberantiæ, Corpora olivaria dictæ.

B. Protuberantiæ, corpora pyramidalia dictæ.

C. Sulcus dictis corporibus interstitus.

D. Corpus globosum.

E. Portiones crurum Medullæ oblongatæ.

F. Medullæ oblongatæ extremitas.

Fig. 7.

Figura VII Protuberantias, quæ Calamo Scriptorio adstita sunt, exhibet, quæ non minus quam præcedentes corpora pyramidalia & olivaria dici possent, idque ex infante.

**NUMISMATA PONTIFICUM ROMANORUM, QUÆ A TEM-
pore Martini V usque ad annum 1699, vel autoritate publica vel privato
genio in lucem prodire, explicata ac multiplici eruditione sacra &
profana illustrata a P. PHILIPPO BONANNI**

Soc. Jesu.

Romæ ex typographia D. A. Herculis, 1699. fol.

Constat alphabetis circiter 10, & figurarum ænearum Alph. 2. pl. 7.

Imperatorum Romanorum Numismata multi olim nuperque, ac velut certatim, collegerunt, ærique incisa commentariis illustrarunt: ast qui Romanorum Pontificum numis, quorum tamen, non veterum quidem,

quidem, sed intra tria proxima secula cuforum, festiva copia est, par-
rem operam industriamque impenderint, fuere haecenus perpauci.
Equidem qui res gestas Pontificum literis consignarunt, Ciacconius,
Oldoinus, Palatius, alique, eorum etiam numismata operibus suis, ut
dictis fidem facerent, sparsim inseruerunt; qua in re celeberrimi in-
primis Palatii diligentia, in Gestis Pontificum Romanorum A. 1687 &
sequentibus editis, ac a nobis in Actis A. 1691 pag. 310 seqq. recensitis
enituit: ast qui iusto studio & ex professo argumentum hoc tractarit,
unicus hucusque fuit Claudius Molinetus, Canonicus, dum vive-
ret (nam anno jam 1687 diem obiit) Regularis Congregationis Gal-
licanae, & Bibliothecae S. Genovefae Parisiensis Praefectus, Vir aliis et-
iam scriptis, & illustri inprimis splendidoque opere, quo Museum
Bibliothecae S. Genovefae accuratissime, sed Gallico idiomate descri-
psit, Parisiis A. 1692 edito, & apud Ant. Dezallier prostante, clarissi-
mus. Is enim indignatus, ne quidem unum, etiam Romae, id dedisse
decori Sedis Romanae, ut Pontificum numismata illustraret vindica-
retque ab oblivione; rem tandem aggressus est, & conquisitis unde-
cunque & accurato ordine dispositis Pontificum numis, ac a Viris rei
nummariae peritissimis, Bizoto, Vaillantio, Carcavio aliisque adjutus,
*Historiam Summorum Pontificum a Martino V ad Innocentium XI per
eorum numismata ab A. 1417 ad A. 1678 composuit*, ac Lutetiae Parisio-
rum A. 1679 publicavit. Tametsi vero magno cum applausu exce-
ptum opus fuerit, non existimandum tamen, omnibus illud numeris
absolutum fuisse, aut absolvi prima molitione potuisse, quin relin-
querentur, in quibus aliorum elaboraret industria. Nam nec omnia
omnino Pontificum numismata ad Molinetum pervenerant; neque
ea illi, ut qui Romam nunquam ipse inviserat, fuit antiquitatum mo-
numentorumque Romanorum notitia, quin in explicandis nummis
subinde hallucinaretur; & ipsa explicatio, pro amplitudine argumen-
ti, videri potuit hic illic tenuior. Itaque bonum factum, quod idem
opus Vir Clarissimus P. Philippus Bonanni Soc. Jesu nuper, amicorum
obsecutus votis, aggressus est, cui & plura numismata comparandi, &
singula curatius explicandi, simulque antiquos ritus, quorum in iis
vestigia deprehenduntur, uberius illustrandi, tanto major facul-
tas fuit, quod Romae degens perlustrare monumenta publica posset
ipse, & quicquid scitu notatuque dignum in aedificiis, in inscriptioni-
bus,

bus, in archivis reconditum esset, eruere & in usus suos conferre. Ex quo factum, ut non solum numismatum numerus longe major in præfenti opere occurrat, adjectis etiam, quæ Innocentii XI, Alexandri VIII, & Innocentii XII auspiciis fuere cusa, sed & opus ipsum mole plus quinque illud, quod Molineto debemus, superet: quod præterea, adjectis quinque accuratis indicibus, Lectorum usui magis est accommodatum.

Atque hæc ad scopum doctissimi Auctoris, & quid ex luculentis his commentariis polliceri sibi Lector possit, intelligendum dicta suffecerint. Non gravabimur tamen numismata nonnulla hic recensere, speciminis saltem loco, ut quantum illustrandæ & conservandæ rerum gestarum historiæ monumenta hæcce conferant, cuivis appareat. Notum est, in Concilio Florentino concordiam qualemcunque & unionem inter Græcam & Romanam Ecclesiam, ipso Græcorum Imperatore Joanne Palæologo præfente, fuisse initam. In rei memoriam cusum numisma fuit, cujus prima facie Eugenius IV Pontifex exhibetur, sacerdotali infula tectus, palliumque cruce signatum indutus: in averfa parte effigies D. Petri, & ante eam in genua procumbentes, hinc Joannes Palæologus Imperator, inde Armenorum Legatus sistuntur. Inscriptio utramque numi faciem occupans hæc est: SUB. EUGENIO. PAPA. IIII. ANNO. XRI. MCCCCXLI. UNITI. SUNT. GRAECI. ARMENI. IN. SINODO. FLORENTINA. CUM. SEDE. APOSTOLICA. Inter Clementis VII, patria Florentini, gente Medicæi, numos unus comparet, quo Pontifex sub imagine Josephi fratres in gratiam recipientis repræfentatur, cum inscriptione: EGO. SUM. JOSEPH. FRATER. VESTER. Cum nulla in eo temporis nota compareat, in diversas conjecturas itum est. Luckius enim cusum A. 1527 putat, in memoriam fœderis a Clemente cum Gallo, Anglo, Venetis & Francisco Sfortia, adversus Carolum V Cæsarem initi. Molineto visum, innui Clementem civibus Romanis, qui ab eo ad Cæsarem defecerant, ignoscentem. Ast Noster existimat, notari potius clementiam Pontificis erga Florentinos, qui gentiles ejus Medicæos urbe ejecerant, sed Caroli V Cæsaris armis coerciti, receptis Medicæis & Alexandro Pontificis nepote Principe dicto, veniam meruerunt. Nec indignum, quod memoretur, aliud Clementis numisma, D. Petrum repræfentans, ductu Angeli e carcere, cui inclusus ab Hero-

Herode fuerat, egredientem, circumscriptis verbis: MISIT. D. ANG. SUUM. ET. LIBERAVIT. ME. quo. Papæ fugam ex Adriani arce, A. 1527 elusis custodibus factam innui, extra dubium esse videtur. Foederis adversus Turcas A. 1571 inter Papam Pium V, Regem Hispaniæ Philippum II, & Rempublicam Venetam initi memoria conservata est numismate, quo Pontifex, Philippus Rex, & Dux Venetus adstant, subiectis cuique insignibus, agno Pontifici, aquila Philippo, & Veneto Duci leone, cum inscriptione: FOEDERIS. IN. TURCAS. SANCTIO. Plura vero cusa sunt, postquam eodem anno Foederatorum classis duce Joanne Austriaco decantatissimam illam ad Echinades victoriam navalem a Turcis reportasset. Eorum unum præter triremes dispersas demersasque, Deum ostendit fulmina e cælo in Turcas jaculantem, Angelumque cum cruce e Pontificia navi terrorem Turcarum classi incutientem, cum lemmate ex Exod. XV. 6. DEXTERA. TUA. DOMINE. PERCUSSIT. INIMICUM. 1571. In alio Pontificiam classem contra Turcas dimicantem, Angelo in aere prælium dirigente, videmus expressam, cum inscriptione ex Psalm. CXVII. 16: DEXTERA. DOMINI. FECIT. VIRTUTEM. In eundem sensum in alio quoque classis exhibetur, Deo e nubibus prospiciente, addita ex ejusdem Psalmi versu 23 inscriptione: A. DOMINO. FACTUM. EST. ISTUD. 1571. Eodem Molinetus numisma retulerat, quo Pius V genuflexus gratiasque Deo agens sistitur, adumbrato simul leviter prælio aliquo, cum lemmate ex cantico B. Mariæ Virginis: FECIT. POTENTIAM. IN. BRACHIO. SUO. DISPERSIT. SUPERBOS. Ast cum non maritimum, sed terrestre in numo prælium designetur, & ex postica parte pateat, cusum anno V Pontificatus Pii, adeoque ante pugnam ad Echinades fuisse, rectius Noster censet, numismate hoc memoriam designatam cladis, quæ in Gallia A. 1569 ad Jarnacum, & iterum eodem anno ad Monconturium, Hugonotis fuit illata. Inter numismata Gregorii XIII non dubitavit Auctor referre illud, quo famosam illam lanienam Parisiensem Pontifex approbavit, Angelum representans, sinistra crucem præferentem, dextera gladium, eoque in Hugonotas depugnantem, cum inscriptione: HUGONOTORUM. STRAGES. 1572: quod quidem ipsorum Romano-Catholicorum haud pauci mallent nunquam adspexisse lucem, facinus illud toto potius pectore detestati. Nec numisma tantum Noster exhibet, sed

memorat etiam, ut Pontifex eadem in Vaticana Aula a Georgio Vafaro, velut vindicata Religionis monumentum, coloribus describi jussit, & Flavium Cardinalem Urfinum Legatum a Latere in Galliam destinaverit, Carolum Regem, ut fortiter cœptis inisteret, admoniturum. Sed ad alia transeamus. Cum decennio post, Gregorius XIII Calendarium novum promulgasset, in hujus rei memoriam numisma cufum fuit, in quo tum caput Arietis florum semicorolla exornatum, tum Draconem in orbem circumvolutum, caudamque suam ore complexum conspicias, inscripto lemmate: ANNO. RESTITUTO. MDLXXXII. Ubi capite Arietis anni principium, cum scilicet Sol Arietis signum ingreditur, floribus vernum tempus, Draconis figura perpetuas annorum revolutiones notari, dubio caret. Missi a Gregorio XIV, sub ductu nepotis sui Sfondrati, Ligistis adversus Henricum IV Gallia Regem exercitus subsidiarii memoriam servat numus, in quo Pontifex vexillum militare nepoti solenniter committens, eumque cum benedictione dimittens repræsentatur, cum inscriptione: DEXTERA. DOMINI. FACIAT. VIRTUTEM. 1591. Cum pax A. 1598 inter Henricum IV Gallia & Philippum III Hispania Reges Vervini, conciliante nomine Pontificis Clementis VIII Alexandro Cardinale Mediceo coaluisset, cufum fuit numisma, quo duo Reges dexterarum jungunt, ex quibus frumenti spica oritur, adscriptis verbis: PAX. REIPUBLICAE. CHRISTIANAE. Quemadmodum & A. 1601, cum inter Regem Gallia & Sabaudia Ducem, interventu per nepotem Cardinalem Aldobrandinum Clementis VIII, de Marchionatu Saluciarum convenisset, numisma vulgatum est, figura Pacis crucem gestantis faceque scuta comburentis insignitum, addito lemmate: PAX. ET. SALUS. A. DOMINO. MDCI. Quo ex recentissimis addidisse numismata pro speciminis modulo suffecerit, Alexandri VIII alterum, alterum hodieq; regnantis Innocentii XII. Illud memoriae cufum est novae insignisque bibliothecae Ottobonianæ, quæ in ædibus Eminentissimi Cardinalis Petri Ottoboni, sub præfectura Doctissimi Abbatis Blanchini custoditur, auspiciis Pontificis constitutæ, quo Bibliotheca exhibetur, inque ejus medio mundi globus, cui aquila biceps insistit, gentilitium insigne; cum lemmate ex Proverb. III, 19: SAPIENTIA. FUNDAVIT. STABILIVIT. PRUDENTIA. Hoc munificentia Pontificis erga egenos memoriae posteritatis consecratur, quo expressum conspicitur Pontificium apud Basilicam Lateran-

nen-

nensem Palatium, quod a Sixto V extractum, Innocentius XII pauperum invalidorum hospitium esse jussit, egenisque perpetuo addixit. Inscripta numismati leguntur verba ex Isa. LVIII, v. 7: EGENOS. VAGOSQUE. INDUC. IN. DOMUM. TUAM.

Cæterum servata in his Pontificum numis inter aliaprehenditur memoria eorum, qui in Sanctorum ordinem fuere relati seu canonizati, velut Nicolai Tolentinatis, ab Eugenio IV; Didaci Hispani, a Sixto V; Franciscæ nobilis matronæ Romanæ, & Caroli Borromei, a Paulo V; Ignatii Loyolæ, Francisci Xaverii, Philippi Nerii, Isidori & Theresiæ, a Gregorio XV; Andreæ e Corsinorum familia orti, & Elisabethæ Reginæ Lusitaniæ, ab Urbano VIII: ut recentiora exempla prætermittamus. Nec exiguus numerorum se numerus offert, quibus Jubilæorum solennitas notatur. Circa quam advertit inter alia Auctor, ceremoniam qua Pontifex portam sanctam reserat & claudit, primum in Jubilæo ab Alexandro VI A. 1500 celebrato cœpisse; nec ullam ejus memoriam ante hoc tempus uspiam occurrere. Tametsi enim numus etiam extet Nicolao V adscriptus, in quo porta sancta expressa est, & inscripta verba leguntur: RESERAVIT. ET. CLAUSIT. ANNO. IOB. MCDL; hunc tamen monet proximis elapsis annis primo fabrefactum, & ad libitum efformatum, eoque spurium esse. At genuinus utiq; Alexandri numus est, qui tali effigie & inscriptione in memoriam Jubilæi A. 1500 cusus est. Quod attinet Jubilæum A. 1550 peractum, videas numisma plane idem quum a Paulo III, tum a Julio III vulgatum, frontem exhibens Basilicæ Vaticanæ, subscriptis verbis PETRO. APOST. PRINC. supra vero positis verbis AN. JOBILAEI. M. D. L. Nimirum Paulus III Jubilæi quod instabat, celebrandi desiderio flagrans, cum quæ ad solennitatem illam requirebantur, appararet, jamque Jubilæum indixisset, numisma hoc in antecessum cudi jussit, duobus etiam aliis ad eundem finem, ad instantem nempe annum sanctum pie celebrandam, publicatis, quibus porta sancta insculpta erat, cum lemmate consueto: JUSTI. INTRABUNT. PER. EAM. Verum quominus destinata perficeret, mors intercessit. Nec enim, quem in priore exprimi curaverat, quinquagesimum annum attigit Pontifex, die 18 Nov. A. 1549 extinctus. Itaque a successore ejus Julio III idem numisma repetitum fuit, cum solennia a Paulo III apparata exequeretur. Porro in numismatibus

Pontificum crebra deprehenduntur eorundem elogia, tum ob virtutes alias, tum ob studium exornandæ publicis operibus Urbi impensum. Ex quo factum, ut præter numismata ipsa huc spectantia, alia etiam, quam plurima publicorum ædificiorum ichnographica ac scenographica monumenta æri eleganter incisa, & magnificentiâ Summorum Pontificum testantia, Operi huic inserenda curiosus Auctor censuerit.

Unum superest, de quo Lector Benevolus admonendus est, in præsentī opere istos quidem numos, qui speciatim ad fabricam Templi Vaticani pertinent, & peculiari iustoque commentario, velut Prodrōmo, a nobis jam mense Aprili A. 1698 pag. 204 - 212 prolixè satis recensito, pridem ab Auctore nostro fuerunt illustrati, iterum exhiberi, addita etiam brevi explicatione; at vero, quæ de ipsa fabrica dicta ibidem uberius fuerant, hic omitti. Ut adeo Prodrōmus etiam iste comparandus illi sit, qui opus integrum possidere desiderat.

L' ISTORIA DELLA VOLGAR POESIA &c.

i. c.

HISTORIA POESEOS HETRUSCIS VERNACULÆ, SCRIPTA

a JOANNE MARIO CRESCIMBENO, in Academia Arcadum

Alphesibeo Cario dicto, Custode Arcadiæ.

Romæ, apud Chracas, 1698. 4. Alph. 2. plag. 9.

ERuditissimum laborem in libros plures dispersit est Clarissimus Auctor, in quorum primo originem & statum Poeseos Hetruscæ, in secundo brevia Poetarum elogia & iudicia de iis repræsentat; tertio specimen Poetarum lib. II recensitorum exhibet; in quarto serie alphabeti Poetas vita functos & præ cæteris memoria dignos sistit; quinto commemorantur commentationes variæ vel ipsorum auctorum, vel aliorum in poemata Hetrusca; sexto demum ac ultimo exequitur scriptores Artis Poeticæ, quique de variis carminum Hetruscorum generibus egerunt. Esse vero Nostrum Societatis Arcadum membrum, vel ex titulo libri & additis in frontispicio ejus Societatis insignibus discas, cujus leges in elegantissimis Jani Vincentii Gravinæ opusculis (vid. Acta A. 1697, p. 74 seqq.) pag. 191. reperimus. In præfatione ad Lectorem sub nomine Typographi ipse doctissimus Auctor tria de Poetis Hetruscis volumina se possidere testatur. Lib. I. p. 2 - 7. disputat contra Allatium, qui primum Poeseos vernaculæ auctorem facit

facit Ciullum: ipse in ea versatus sententia, non posse certum auctorem designari, nisi forte ex *Provincia* natales ejus arcessendi, quippe ubi jam A. 1100 sub Guilielmo VIII Aquitaniæ Duce floruerit. P. 13. versus *Leoninos* circa A. 1032 coepisse tradit, & his quidem Noster originem Rythmorum Italicorum adscribit. P. 17, 18 varia carminum genera leguntur, ubi imprimis pag. 19, 20 multa de *Sonulis* seu Sonettis annotat. P. 58 memoratur *Bernardinus Rota*, Poeta superiori sæculo clarus, auctor Eclogarum Piscatoriarum. P. 76 discimus, Poeseos Italicæ ad pedes Latinos exactæ auctorem sæculo superiori fuisse *Claudium Ptolemaum*, qui circa A. 1539 floruerit. Lib. II, p. 84 elogium invenies *Guidonis Aretini*, auctoris poeseos nitidioris, qui vixit circa A. 1250; pag. 86 illustratur vita *Dantis*, pag. 81 *Petrarchæ*, pag. 93 *Bojardi*, pag. 95 *Joannis Pici Mirandulani*, pag. 96 *Sannazarii* A. 1458, d. 28. Jul. nati, cujus natalem *Academia Arcadum*, quæ ex ipsius *Arcadia* surrexit, celebrat. Recensentur porro pag. 97 *Petrus Bembus*, pag. 98 *Ludovicus Ariostus*, pag. 99 *Balthasar Castilioneus*, p. 100 *Hieronymus Fracastorius*, de quo, quod ore caruerit, cum nasceretur, leges apud *Ægidium Menagium* in *Anti-Baill. T. I.* p. 372; p. 101. seqq. *Victoria Columna*, *Ferdinandi Avali* Piscariæ Marchionis, clarissimi sæculo superiore ducis, uxor, p. 103 *Veronica Gambara*, p. 106 *Franca Marius Molza*, p. 107 *Claudius Ptolemaus*, p. 108 *Benedictus Varchius*, pag. 110 *Bernardus Tassius*, p. 117 *Speronius*, pag. 126 *Nicolaus Franciscus*, p. 127 *Jo. Hieronymus Aquaviva* Dux Atri, cujus operum editionem promittit Noster, p. 134 *Michael Angelus Buonarota*, cujus opera inedita pariter se publicaturum Auctor pollicetur, p. 136 *Annibal Carus*, p. 139 *Ludovicus Tansillus*, Poeta miles, p. 144 *Torquatus Tassius*, cum quo Poësis *Hetrusca* cecidit, & cujus primus *Amyntæ* chorus inter vernacula Italorum poemata primas fert, pag. 144 seqq. *Antonius Ongarus*, qui a via regia deflexit, quod vulgi magis plausum spectaret, quam nominis immortalitatem, pag. 148 seqq. *Jo. Baptista Marinus*, corruptor eloquentiæ ligatæ, p. 149 *Octavius Rinuccius*, pag. 150 *Baptista Guarinus* nimis floridus, cum quo extinctum, quicquid ex aуреo Poeseos sæculo supererat, p. 151 *Gabriel Chiabrera*, in *dirbyrambicis* inimitabilis, infelix in reliquis, *Sonulis* præsertim, p. 152 *Ma-phæus Barberinus* masculam sectatus poësin, p. 154 *Hieronymus Preti*, p. 155 *Fabius Chigius*, p. 157 *Antonius Brunus*, p. 159 *Fulvius Testi*,
non

non usque adeo puritatis studiosus, ibid. *Claudius Achillinus*, turgidus, p. 160 *Julius Rospigliosus*, p. 165 *Pyrrhus Schettinus* Canonicus Consentinus, inter restauratores Poeseos primo loco nominandus, denique p. 168 *Franc. Redi* centenarium Poetarum numerum explet. L. IV. p. 290 Thomas Cambiator Regiensis primus Traductionum Hetruscarum auctor, *Æneidem* Virgilii transtulisse narratur. Lib. V. p. 297 - 305 Auctor nullum, excepto *Petrarcha*, prolixius recenset, quam *Dantem*, ejusque Commentatores, Censores & Hyperaspistas addit. p. 307 - 316 *Petrarchæ*, & pag. 322 - 327 *Ariosti* Commentatores enarrat. p. 333 Tractatum de venustate Poeseos vernaculæ promittit. p. 337 persequitur lites *Annibalis Cari* & *Ludovici Castelvetri*. p. 341 - 352 *Tassi* Commentatores, p. 354 - 359 *Marini* Censores & defensores, p. 359 - 361 *Guarini* Interpretes, *Aristarchos*, *Apologistas* recenset. p. 368 *Garopolum* Poema suum de *Carolo Magno* ipsum sub censuram vocasse, ut tanto majori fama gauderet, tradit. In Appendice Lib. VI Noster de laudibus agit olim frequentatis, de quibus adis *Jo. Lucium de Regno Dalmat.* Lib. II. c. 7. p. 73 - 75, ubi observat *Tragurii*, *Spalati*, *Justinopoli* adhuc hodie cani. *Fresn. Gloss. Latin. Tom. II. 231. seqq.* De cætero doctissimo Auctori partam hoc ipso erudito labore laudem gratulamur, vitamque ac vires ad majus, quod promittit, opus, cui hoc veluti specimine proluisse videtur, apprecamur, ut vel ejus etiam laudatissimo exemplo, nationes aliæ ad vernaculam unicuique Poesin diligentius excolendam, ejusque originem & progressum enarrandum incitentur.

LIBRI NOVI.

Mischna, sive Totius Hebraeorum Juris, Rituum, Antiquitatum & Legum Oralium Systema, cum Maimonidis & Bartenora Commentariis integris & variorum Notis. Latinitate donavit ac Notis illustravit Guilielmus Surenhusius, Pars. I. Amstelædami apud G. & J. Borstium, 1698. fol. Pars II. ibidem apud eodem, 1699. fol.

Mélanges d'Histoire & de Litterature, recueillis par M. De Vigneul-Marville. A Paris, chez Augustin Besoigne, 1699. 12.

Les Oeuvres de Platon traduites en François avec des Remarques. Et la Vie de ce Philosophe, avec l'exposition de sa Philosophie. A Paris chez Jean Anisson, 1699. 12.

* * * * *

ACTA ERUDITORUM

Publicata Lipsiæ

Calendis Decembris, Anno M DC XCIX.

*S. EUSEBII HIERONYMI, STRIDONENSIS PRESBYTERI,
Operum Tomus secundus. Studio JOANNIS MARTIANAY,
Presbyteri Congregationis S. Mauri.*

Parisiis, apud Jo. de Nully, 1699. fol. Alphab. 9.

Qui primum tomum Operum Hieronymi, Bibliothecæ Divinæ titulo insignitum, & a nobis in Actis hisce A. 1695 p. 98 seqq. late recensitum, evulgavit Doctissimus Martianaus, acrem nuper nactus fuit adversarium in quodam Richardi Simonii nepote, qui in libello aut epistola potius e Simonii Commentariis excerpta, & Colonix sub hac inscriptione, *Critique du Livre publié par les Moines Benedictins de la Congregation de S. Maur sous le titre de BIBLIOTHEQUE DIVINE DE S. JEROME*, hoc ipso anno impressa, modis omnibus ostendere annititur, frustra Hieronymo attribui, quæcunque in isto tomo contineantur. Quod quidem quomodo laturus sit celeberrimus Editor, imposterum fortean dilucidius constabit. Nobis in delineando tomo Hieronymianorum Operum secundo, qui lucem nunc aspexit, occupatis esse impræsentiarum licet, cujus faciem nosse, non injucundum Lectoribus nostris, uti opinamur, futurum est.

Edito nimirum jam utriusque Testamenti sacro contextui libros Commentariorum in Legem & Prophetas subnectendos, & hos, quicquid secus visum fuerit aliis, epistolis beati Patris moralibus præponendos esse existimavit. Sed cum ejusdem liber unus de nominibus Hebraicis, alterque de situ & nominibus locorum Hebraicorum, generales velut Commentarii in omnem Scripturam sacram nuncupa-

ri mereantur, Etymologicus quidem alter, & alter Geographicus, hinc eos primo statim loco collocat. Mox tamen duo hæc opuscula excipiunt Quæstiones Hebraicæ in Genesin, quas solas reperire se potuisse testatur, quamvis aliarum in cæteros libros sacros Hieronymus ipse sæpius meminerit. Deinceps, cum partes modo nonnullas plurimorum divinorum voluminum ab eodem expositas teneamus, Epistolas omnes Criticas a Genesi usque ad librum Ecclesiastæ in unum collectas, & juxta ordinem librorum dispositas sistit, ut adeo, quantum fieri potuit, integram commentariorum Hieronymi seriem in hac editione invenire possimus. Singula vero opuscula ex fide plurimorum codicum vetustissimorum se emendasse, tantamque se in hoc negotio diligentiam adhibuisse scribit, ut dicere haud vereatur, Hieronymum ipsum propria quasi manu correxisse & restituisse in hac editione, quodcunque in veteribus libris antea delcriptis corruptum fuerat. Nullam quippe tutiorem esse posse & magis Hieronymianam restitutionis librorum viam atque methodum, quam Autorem ex Autore castigare, eumque mutua exemplarium veterum ac novorum contentione facta, ad primigeniam integritatem revocare. Cui industriæ cum & altera accesserit, collatio scilicet quamplurium Hieronymi locorum similium, quibus invicem illustrentur sæpius sententiæ, ac variantes codicum lectiones in unam genuinam concilientur, nihil desiderari posse, quod ad perfectam textus cujusque emendationem & restitutionem necessarium arbitreris. Multas quoque ad res perutilem, imo & pernecessariam esse notitiam chronologiæ operum Hieronymi deprehendens, quandoquidem vir sanctissimus diversa vel contraria diverso tempore scripserit, ætateque major plurima, quæ juvenis ediderat, mutarit, idcirco in eam indagandam haud mediocrem operam impendit. Libros videlicet Hebraicorum nominum & locorum, ac quæstionum Hebraicarum in Genesin, conditos eodem tempore fuisse existimat, iisque annum 388 aut circiter assignat. Epistolam, quæ sequitur, ad Damasum Papam A. 384, ad Evangelum 398, primam ad Fabiolam A. 396, vel 397, alteramque vix ante A. 400, ad Dardanum 414, & Vitalem Presbyterum 395, ad Sunniam & Fretelam 405, cunctas ad Marcellam & Paulam Romanam 384, ad Principiam 398, ad Cyprianum post A. 389, Commentarios ad Ecclesiasten A. 388 vel 389, Translationem Homiliarum Origenis in Canticum Cantico-

rum

rum A. 383 vel circiter, epistolam denique ad Rufinum Romanum post A. 398. conceptam demonstrat. Atque hæc singula, quæ breviter hactenus indicavimus, prolixiori stylo prosequitur Martianæus in præfixis tomo huic prolegomenis; ubi & istud agit, ut eruditionem Hieronymi evehat, eamque contra Criticorum quorundam, & Simonii imprimis, objectiones vindicet.

More autem suo singulis propemodum paginis notas aliquas subjecit Editor, inque iis jam varias diversorum textuum lectiones, jam hujus illiusve dicti interpretationes, jam alia passim notavit & recensuit. Ast spatium multo amplius occupant Præfationes sive Commentationes, quas tractatibus his addidit, & e quibus summa quædam capita huc transferre operæ pretium existimamus. Quemadmodum nempe libri de nominibus Hebraicis tres simul Scriptores fuisse innuit, Philonem Judæum, qui nomina Hebraica Veteris Testamenti Græce fuerit interpretatus; Origenem, qui omissa a Philone, utpote Judæo, suppleverit, nominaque Hebraica Novi Testamenti addiderit; tandemque Hieronymum, qui plurima emendarit ad fidem Hebræorum fontium, quæ in Philonis aut Origenis exemplaribus Græcis depravata jacuerint: ita, quod alias non facile dictu apparuit, quænam sint Philonis, quæ Origenis, quæ Hieronymi in isto libro, distinctius ostendit, & post allata quædam MSta antiquiora, in quibus Lexica Græca nominum Hebraicorum reperit, eruditionem Hieronymi in rebus Hebraicis laudat, librumque istum nominum ab utilitate sua pluribus commendat. Circa librum de situ & nominibus locorum Hebraicorum, Bonfreriana subinde diligentia gratum se uti voluisse innuit, cumque istum librum ex Græco Eusebii textu sic transtulerit in idioma Latinum Hieronymus, ut literarum alphabeti ordinem in nominibus Hebraicis rite collocandis sermoni Latino accommodarit, utut ab Eusebio Græcus usurpatus fuerit, ideo nec ipse Eusebio Hieronymum, sed huic potius istum accommodare, Græcarumque literarum ordinem ad Latinum revocare voluit. Insuper Græce nescientibus indicaturus, quænam ab Hieronymo addita sint ad Eusebium Græcum additamenta, illa in Latino contextu uncinis inclusit, nota tamen istas omisit, ubi ea ex absentia Græci contextus in altera pagina clare satis a quolibet internosci possunt. Plura etiam, quæ in Bonfrerianæ editione typographorum imperitia corruperat, notavit, restituit & supplevit. Libro isti subjunxit Geographicam tabulam ex

operibus Hieronymi concinnatam, e qua facili negotio internoscatur illa terra sancta, quæ tempore Eusebii & Hieronymi viculis, castellis urbiumque nominibus recentioribus, haud parum discrepavit in superficie ab ea, quam Josua victori populo distribuit. Libro Quæstionum Hebraicarum in Genesin notas prolixiores subjecit, inque istis ea loca examinat, in quibus vitium admisisse, aut imperitiam suam prodidisse Hieronymum, statuunt recentiores Critici. Sigillatim vero, quid circa translata ab eo verba Gen. I. 2. II. 8. III. 6. 17. VI. 14. XIII. 14. monitum a nonnullis deprehenderit, allegat, & Hieronymum, quantum potest, tuetur. Quod Epistolas Criticas spectat, sive eas, quæ ad explanationem Veteris Testamenti pertinent, monendum hoc in loco ducimus, quod eandem illam ad Sunniam & Fretelam, quam in prodromo Divi Hieronymi jam A. 1690 edidit, hic repetere haud fuerit dedignatus. Ad commentarium in Ecclesiasten eandem attulit diligentiam, quam ad superiorem Quæstionum Hebraicarum librum. Istum etenim non minus, atque hunc Richardum maxime Simonium observationibus suis criticis impugnat, quæ tamen inertes ex se & male sanas ac Hieronymo iniquissimas appellat, eaque de causa adeas strictim refellendas teneri sese opinatur. Duas Origenis homilias in Canticum Canticorum ab Hieronymo latinitate donatas posteaquam exhibuit, Origenis Hexaplorum partem non minimam subjungit. Nam cum eorum hodie nec volumina, nec partes, nec saltem laciniae aliquæ superstites inveniantur in manuscriptis aut editis libris, magnum istud damnum resarcire toto cogitare coepit animo, cum occurrentes haberet in suscepta operum Hieronymianorum editione & Hebraici contextus, & Græcarum versionum, e quibus Hexapla constabant, recitationes frequentissimas. Sane quicquid nunc restitui potest Hexaplorum, totum illud ab Hieronymo mutandum venire censet, quippe qui non solum propriam nobis ediderit sacrorum Bibliorum translationem, sed veterum quoque Græcorum Interpretum sapissime recordatus, ingentem verborum ac versuum Scripturæ copiam suo ordine in Hexaplis positam & descriptam subministraverit. Quamobrem cum multa huc pertinentia excerpisset ex Hebraicis Quæstionibus in librum Geneseos, plurima quoque ex epistolis criticis & ex commentario in Ecclesiasten, integrum tandem volumen Hebraicorum locorum denovo revolvit, & ex eodem Syl-

Syl-

Sylvam nominum priorum, quæ tanquam appellativa Aquila, Symmachus & Theodotion interpretantur, in Hexaplorum excerpta suo ordine digessit. Græcas interim voces nonnullas Græce reposuit, ut ut Latine tantum apud Hieronymum legantur. Ubi vero omnes interpretationes Græcas diversas recitatas invenit, excepta illa, quæ est Theodotionis, persuasum sibi habuit, in ipsis sententiis Theodotionem non discessisse a LXX Interpretibus, e quorum proin columna defectum illum supplevit, sed ea tamen supplendi licentia & in Theodotione & maxime in Aquila & Symmacho rarissime ab usum se fuisse profiteretur, ne pro Græcis interpretationibus conjecturas suas subdole vendicaret.

Atque hætenus memoratum a nobis est, quid circa ea opera clarissimus Martianæus in hoc tomo præstiterit, quibus nomen Operum Hieronymi genuinorum deberi statuit. Jam igitur & eorum mentio injicienda, quæ supposititiis accenset. Hæc in peculiarem constipavit appendicem, sed eam iterum nonnisi expositiones aliquot librorum sacrorum comprehendentem. Harum vero sex sunt, utpote epistola de decem tentationibus populi Israel in deserto; in Canticum Deborah commentarius; in libros Regum, itidemque in Paralipomenon libros quæstiones Hebraicæ; in librum Jobi interlinearis Philippi expositio; tandemque in Psalmos Davidis prologus, commentarius & epistolæ. Opuscula duo priora, quorū alterum jam olim editum, alterum hucusque ineditum dicit, pro genuinis agnoscit fœtibus antiquissimi illius Scriptoris Hebræi, de quo plura dixerit in prolegomenis ad Bibliothecam Divinam, (Conf. Acta nostra cit. loc. p. 109.) & cui quæstiones quoque Hebraicas in libros Regum & Paralipomenon, Hieronymo vulgo, sed male, tribui solitas adscribit. Interlinearem in librum Jobi expositionem Philippo Presbytero tribuit, discipulo Hieronymi insignique ejus auditori & amico, eidem illi, cui debeatur commentarius in Jobum, a Jo. Sichardo Basileæ A. 1527 editus, & e quo commentaria etiam in Jobum, quæ nomine Hieronymi circumferantur, tota fere, paucis detractis & additis, confecta sint. Præsentem vero expositionem interlinearem hætenus ineditam pronunciat, & eam breviorē esse dicit in multis, quam sint commentaria modo nominata, in paucis autem aliquando prolixiorē, maxime ad finem operis, ubi quædam addita legantur, quæ in editis non reperi-

rire liceat. Producit vero illam e codice manuscripto, contextum sacrum libri Jobi literis majusculis sive uncialibus, expositionem vero interlinearem minutis literis Longobardicis scriptam sitente, unde illum codicem nongentos ante annos exaratum fuisse, sibi penitus persuadet. Hieronymum commentarios in universum Psalterium confecisse unquam negat, quippe cum disertis ipse verbis inficietur, in Psalmum 8 & 8; se scripsisse, quorum tamen uterq; in Breviario, quod nunc subjungit, illustretur cum cæteris & eodem modo explicetur. Quid? quod stylus & character dictionis falsum ubique Hieronymum coarguat, hominemque referat haud indoctum quidem, sed qui stamina atque subtegmina & licia præparata apud Origenem, Hilarium, Anonymum, Hieronymum & Eucherium in suos usus converterit, pulchramque vestem confecerit, qua in Republica Christiana instar Hieronymi splenderet. Imo ne unum quidem autorem ipsius Breviarii agnoscit, sed & alterum priori associat, quem pro concionatore habet, qui in Ecclesia & congregatione Monachorum, diebus præcipue Dominicis, prælectos Psalmos stylo homiletico breviter exposuerit. Nec alium ab hoc dicendum esse arbitratur illum, qui in Psalmos tantum aliquot expositionem struxit, quam hæcenus *ἀρχιδότης* dicit, & priori illi commentario integro subnectit. Quod vero ad Præfationem in libros Psalmorum attinet, in tribus manuscriptis exemplaribus Canonis Hebraicæ veritatis, tomo primo hujus novæ operum Hieronymi editionis nuper inserti, translationem ejus Hieronymo constanter monet tribui. Ludovicum contra Ferrandum, qui eandem in fine voluminis Paraphraseos suæ in Psalterium Davidis ediderit, acceptam eam ferre ait falso illi Hieronymo, confarcinatori commentariorum in Psalmos. Verum neutri horum eam deberi, Cotelerio adstipulatus, contendit. Cujus porro fuerit, non omnino quidem constare sibi fatetur, vix tamen dubitat, quin Eusebio Cæsariensi sit adscribenda, cum hypotheses ejus huc derivatæ nobis id indicare videantur. Istum vero, qui Latinitate eam donarit, vix primis imbutum literis pronunciat.

LES ANECDOTES DE POLOGNE &c.

i. c.

ANEC-

*ANECDOTA POLONIÆ, SEU COMMENTARII ARCANI
de Regno JOANNIS III. SOBIESKI.*

Parisiis apud P. Aubouyn & Ch. Clouzier, 1699. 8. Alph. 2. pl. 6.

HIS Autor commentariis, quos inscribere illi visum est *Anecdota Poloniae*, ea maxime persequitur, quæ regnante in Polonia Johanne III, ab anno 1683, quo soluta est Viennæ obsidio, ad finem anni 1688, adversus Turcas a Polonis inprimis eorumque sociis sunt gesta: quibus passim admiscet, quæ ad rerum, personarum, locorumque, de quibus agitur, aut quorum incidit mentio, pleniorē notitiā faciunt, neque fixa ipsius fata & itinera a se hoc temporis spatio suscepta dissimulare voluit. Orditur a describenda militia Polonica, cujus genera, ordines, arma, numerum, disciplinam & virtutem sic nobis depingit, ut artis militaris scientiam non admodum in ea extollat. Laudat tamen e Proceribus Poloniae nonnullos, non minus rei bellicæ usu quam virtute præstantes, & in his nominatim Jablonofskium Palatinum Russiae & supremum exercitus Polonici Ducem, Konskium Palatinum Kioviae reique tormentariae Præfectum summum, Lubomirskium Principem & Equitem tum Cæsari militantem. His, quæ sequentibus lucem accenderent, præmissis, accedit ad bellum Turcicum anno 1683 magnæ vi Cæsari illatum, in cuius apparatu Turcas septem vel octo annos consumpsisse refert, cum magnus Visirius Cara Mustapha, insistens vestigiis antecessoris Cuproli, vastâ consilia foveret animo, & per expugnationem Viennæ aditum sibi ad Italiam aut Rhenum aperire niteretur. Eum ergo, relictis aliis omnibus, ad Viennam oppugnandam accessisse, peditatu Cæsareani exercitus a Lotharingo opportune firmatam. Cujus obsidionis successum & eventa Michaelē Abassi Transsylvaniæ Principem, qui in castris Turcarum versabatur, literis Latinis, iisque elegantissimis nec ævo Augusto indignis, ad Regem Poloniae perscripsisse, quas quo minus Autor hic publicaret, Regem ipsum obtinuisse ait. Tökelius quoque occulte ad Regem respexisse, & in eo sibi præsidium adversus fortunæ vices quaesivisse dicitur. Cæterum nec obsessos in urbe propugnanda, nec obsessores in ea oppugnanda, summam vim vel artem adhibuisse putat; hos vero de industria obsidionem protraxisse, ne, si assultu urbs caperetur,

retur, ingentes thesauri in ea relictī militi prædæ cederent. Hinc factum, ut Rex Poloniæ, cum Electoribus Principibusque Imperii ad liberandam Viennam advolantibus, tempestive copias Turcarum castris admove, urbemque in faucibus hostis prope hærentem magna felicitate & gloria liberare potuerit. Quod divinum magis quam humanum fuisse opus, & a Visirio, si mens illi non læva, nec fastuosa securitate occæcata fuisset, claustris montium viarumque infestis & præclusis, facile prohiberi potuisse Autor monet, qui & ominibus ac prodigiis, ut & Patris Marci Aviani ore, victoriam prædictam & significatam fuisse testatur. Errare vero tam illos, qui obsidionem sine prælio solutam, quam qui ingentem utrinque stragem editam fuisse scribant, autor *αὐτοπτης* affirmat. Quod vero idem narrat, Imperatorem cum Rege Poloniæ in campis congressum, nullum fecisse verbum, nec humanitati Regis respondisse, imo ne filium Regis salutatione fuisse dignatum: id in narratione Viennæ obsessæ & liberatæ, quæ in recenti re gesta prodiit, & Isthuanfii historiæ subjecta hodie legitur, longe aliter proditum est, atque Imperatorem & priorem Regi egisse gratias, & per quadrantem horæ cum eo collocutum, & Regis filium ad manus osculum admisisse, relatum legimus. Polonum vero ab hoc cum Cæsare congressu statim movisse castra, & successu lætum ad persequendum hostem in Hungariam perrexisse: cum vero insciis Germanis, quos noluerit habere victoriæ & gloriæ socios, ad interceptiendum Barcanum esset progressus, nec opinantem a firma Turcarum manu fuisse circumventum, & cum suis in fugam actum vitæ discrimen adiisse; sed postridie, cum totus exercitus Christianus in aciem prodisset, ignominiam acceptam parta insigni de Turcis victoria fuisse deletam: cujus fructus Strigonium fuit, post brevem oppugnationem deditum & in fidem acceptum. Inter hæc Autor, quem *Daleracium* Nobilem Gallum & Reginæ Poloniæ familiarem, ex hoc negotio epistolisque operi subjunctis cognoscimus, a Rege Poloniæ ad Reginam cum literis missus, a Turcis capitur, & Neuheuselium abducitur: ubi Turcis nimis grande lytrum pro eo exigentibus, per tredecim menses in captivitate hæsit, donec permutatione cum Turcis captivis facta libertatem recuperavit. Quo tempore mores, ritus & instituta Turcarum perspexit, quæ sic recenset, ut non dubitet inter optime moratas gentes referre Turcas, si sordida avaritia & fœdum pæderastias vitium

vitium abesset. Præterea reditum exercitus Polonici per Hungariam superiorem in patriam exponit, & nisi Tökelius Regis captans gratiam ab hostili insectatione sibi temperasset, vix incolumem exercitum in Poloniam redire potuisse iudicat. Quod ipsum a Turcis animadversum in causa fuit, cur sequenti anno Tökeliū in vincula conjicerent: quamquam cum & copiæ Tökeli & urbes Hungariæ, quæ in fide illius fuerant, ad Cæsareanos deficerent, errore deprehenso eum mox libertati reddiderint. In expeditione anni 1684, Budam a Cæsareanis irritò conatu oppugnatam, a Rege vero Polonico castella quædam circa Caminecium, & imprimis Jaslovicum captum refert; Tartaros vero in insidias protractos quo minus Rex invaderet, invidiam Ducum in Regem obstitisse Autor putat. Regem ergo nulla memorabili re gesta ab exercitu recessisse, in cuius Aulam illo ipso tempore Autor ex captivitate redierit, ibiq; Viros quosdam insignes offenderit vel publice missos, vel privato nomine illic hærentes; in quibus a summis ingenii dotibus laudatur e Societate Jesuitica P. Vota, gente Sabaudus. Marchionem vero Bethunii, qui sub idem tempus ex Gallia redierat, nullo altiore consilio, quod Germani suspicabantur, sed ob privatam cum Regia domo necessitudinem eo venisse affirmat. Ad expeditionem anni 1685 priusquam pergat, quæ comitiis Polonicis Warsaviam indictis acta sint, exponit; quibus se cum aliis nonnullis civitate seu indigenatu, quem vocant, regni donatum esse memorat; quamquam sacramento fidem suam Regi regnoque obligare noluerit, indignum se ratus, cum natus esset Gallus, in alterius Principis quam Regis sui jurare verba. Scito post comitia habito, multum annitente Bethunio, decretum esse, ut Magnus Regni Cancellarius in Galliam iret Legatus, honesto quidem obtentu, ut auxilia in Turcas rogaret, revera, ut de injuria Vitrio Legato Gallico in Polonia illata Regi Galliæ satisfaceret. Ad res gestas illius anni quod attinet, paucis attingit Autor & Venetorum in Peloponneso, & Cæsareanorum in Hungaria progressus, a quibus Turcas ad Strigonium fusos, & Neuheufelium expugnatum meminimus. Regem vero Poloniæ noluisse expeditionem obire, non quod a Gallica factione fuerit revocatus, sed quod apparatus bellicus tarde tenuiterq; expeditus, nullam rei bene gerendæ facultatem polliceretur: idque eventu fuisse comprobatum, cum Duces exercituum transmissi Borysthene in Bucovinas progressi & a Tar-

taris circumfusi ægre se ex illis angustiis expedirent, parumque abesset, quin eandem sortem atque Romani olim in saltu Caudino subirent. Inter hæc Autor in Galliam missus, ut Reginae Poloniæ afferret aquas Burbonenses, itineris, quod per Germaniam eundo redeundoque tenuit, singulas stationes locorumque distantias accurate signat, & si quid memoratu dignum observavit, annotat. Pari diligentia describit iter Italicum, quod sequenti anno 1686 confecit Papæ nuntium perferens foederis cum Mosco in Turcas icti. Quin multo est prolixior in memorabilibus Italiæ consignandis, quam in Germanicis fuerat. Speciatim de hortis procerum in agro Romano & Tiburtino sic judicat, eos amœnitate, quæ naturæ debetur, esse admirandos; quæ vero ab arte & industria proficiuntur opera, habere quidem delectationis aliquid, nihil autem ejus magnificentia, qua in Gallia horti non modo Regis sed & privatorum sint conspiciendi. Ad Papam Innocentium XI admissus, ejus & corporis & animi imaginem nobis sistit, multasque in eo virtutes agnoscit, licet in eo ferre non possit animum a Gallicis partibus alienum. Donatus ab eo discessit indulgentiis in centum annos in articulo mortis, quibus & ipse & cognati ejus in gradum decimum, & decem, quos vellet, amici fruerentur. *Redit hinc ad expeditionem anni 1686, qua dum Cæsaream Budam iterum aggrediuntur & expugnant, Regem quoque tradit a Papa & Foederatis sollicitatum, stimulisque gloriæ excitatum, ut deleret adversam de se opinionem ex prioris anni otio natam, serio se accinxisse ad bellum juxta vi persequendum, & ornatiore, quam ad Viennam duxerat, exercitu in Walachiam progressum, spe certa fore, ut Regulus illius terræ copiis secum junctis in fidem ipsius se dederet. Quo nusquam apparente, Regem occupata Walachiæ metropoli Jassio, ad fines Tartariæ accessisse: in quos ab ipsis longe lateque exustos cum penetrare non posset, eum trajecto rursus Prutho flumine, viam sibi ad Danubium aperire voluisse, sed progressum ad Mohilium, h. e. tumulum sepulchralem prope Falxinum, cum regionem ulteriorem exercitui minime perviam cognosceret, exercitum, quem Tartari in ejus vestigiis hærentes assidue carpebant, ægre in regnum reduxisse, tantæque expeditionis nullum nec fructum nec gratiam retulisse, cum & Papa in creandis Cardinalibus nullam haberet rationem commendationis regiæ, & Episcopum Bellovacensem, (qui postea Cardinalis Furbinus est dictus) candidatum*

Re-

Regis præteriret: quanquam ut offensam molliret, Radzieu-kium Regis cognatum Episcopum Warmiensem, & Abbatem Denhofium Regis in Aula Romana Legatum purpura donarit. Hic vero Autor in regionum situ notando, quod & alibi facit, est diligens, & Tartariæ minoris Walachiaëque Geographicam descriptionem affert, qua errores in recentissimis mappis obvios emendat; sicuti in historia Autorem *Mahometi exauctorati* sæpe corrigit. Sub finem expeditionis narrat, Regem cum Jacobo filio ad latus (quod nunquam nec antea nec postea factum observatur) in throno sedentem excepisse legationem Moscoviticam, & cum ea foedus conclusisse, quo provinciæ Czernichoviensis, Severiensis & Smolenscensis, a Moscis per inducias possessæ, illis in perpetuum fuere cessæ. Sequenti anno 1687, cum Autor iterum in Galliam esset missus ad petendas aquas Burbonenses, Regina his non expectatis, ad thermas Hirsbergenses in Silesiam se contulit, cui nomine Cæsaris a Barone Jorouiskio obsequia fuere præstita. Sed cum Rex absentiam conjugis non ferens, ad illam scribi curasset, se minus recte valere, illa thermarum usu abrupto, ad Regem festinatis itineribus properavit. Res vero bellicæ illius anni, quæ, quantum ad Cæsareanos & Venetos, fuere clarissimæ, ac Turcico Imperio pene fatales, in Polonia rediere ad Caminecium, ductu regii Principis Jacobi, per paucos dies ignibus injectis infestatum. Unde Autor hic operam consumit in describendis locis & regionibus, per quas Aula vel exercitus Polonicus transit: ex quibus cognoscuntur opes & possessiones multorum nobilium familiarum, & in his Regis ipsius, quas a matre relictas in Russia tenebat amplissimas, non nihil tamen imminutas, cum mater, filio nato majore Marco a Cosaccis capto & cæso, in minorem, postea Regem, minus prona, opulentum Dominicanis monasterium fundasset. Urbis parum munitæ *Podabitz*, quam Rex, cum adhuc esset Dux exercitus, adversus ingentem Cosaccorum vim conservarat, Autor mentionem faciens, simul indicat, Regem plurima confecisse pecunia, quæ fama ejus virtuti adscripserit. Expeditione hujus anni peracta, Aulam in Russiam redeuntem pari modo Autor per singula loca prosequitur, & in his natalem Regis locum castrum *Olesko* describit. Deprehendit quoque passim in arcibus prædiisque Nobilium præscæ magnificentiaë vestigia, & splendorem Polonica nobilitatis Romanæ magnitudini fuisse æmulum observat. Johannem Zamoiskium,

magnum illum regni & Cancellarium & Ducem, cum imensos sumtus fastigio suo pares faceret, annua centena aureorum millia in thesauris reposituisse: ejus vero filio duodecies centena librarum millia, quos annuos percipiebat reditus, vix in sumtus dimidii anni suffecisse. In conviviis Procerum inter cætera fercula sæpe illatam fuisse secundis mensis patinam aureis nummis & inter convivas distribuendis refertam, sed ab obitu Uladislai IV, regno bellis Cosaccicis, Moscicis, Suecicis lacerato & exhausto, valde attritam Nobilitatem fuisse. Hinc progressus Autor ad res anni 1688, primum attingit comitia Grodni in Lithuania sub anni illius principium indicta, & inter multas contentiones & in Regem ipsum criminationes (quibus is graviter responderit) infeliciter tandem abrupta. Multa hic affert Autor de rebus Lithuanicis, terræ situ & dotibus, populi moribus, forma Reip. Procerum studiis & factionibus, in quibus olim eminuisse ait gentem Paziorum Regi adversam, contra quam Rex excitaverit domum Sapieham eo potentia evectam, ut plus in Lithuania quam Rex ipse posset, ejusque gentis caput Dux exercitus jam tum spem regni conceperit. Neque tamen Regem illa domo uti æquiore quam olim Pazia, & de frangenda ejus potentia inivisse consilia. Inter hæc cum magnus regni Cancellarius Wielopolskius fato fuisset functus, Autor & pompam funebrem Polonorum illustrium describit, & elogium defuncti reddit; qui cum esset consiliis cum Cardinale Radzieuskio conjunctus, hujus quoque vitam breviter texit, aitque ejus exemplo Episcopos Poloniae purpuræ splendore captos, in curiam Romanam majore studio ferri. Unde factum judicat, ut Episcopus Posnaniensis, quo zelum suum Papæ approbaret, nobilem Lituanum ob Atheismi crimen comburi fecerit; cujus non alia fuerint indicia, quam quod nobilis ille argumenta Alstedii pro existentia Dei inverterit, & singulis in margine libri adscripserit: *Ergo non est Deus*. Rigorem ergo istum non Regi modo, sed & Papæ displicuisse. Hoc ipso anno Autor tertium missus in Galliam, ut P. Angelum Capuccinum medicinæ faciendæ peritia celebrem ad Reginam adduceret, admodum indigne fert, sibi diplomate Cæsareo munito in reditu Viennæ manus fuisse injectas, ex suspicione, quod argentum rebellibus Hungariæ apportaret. Res gestas hujus anni & inprimis Belgradum ductu Electoris Bavarie expugnatum commemorans, non negat, Turcas ex Europa pelli potuisse nisi

nisi Gallus Imperii fines invadens Cæsaris vires distraxisset. Cujus quidem rei culpam in Cæsarem confert, qui bellum in Gallos meditat-
 tus fuerit, ab ipsis jure occupatum: quod omni carens verisimilitu-
 dine, hominis Galli in Regem suum studio condonandum est. Utri-
 que tomo subjiciuntur nonnullæ epistolæ & acta, partim Latino, par-
 tim Gallico sermone perscripta, quæ illustrandæ firmandæque histo-
 riæ inserviunt.

HYDROPHYLACIUM NOVUM.

seu

*DISCURSUS DE AQUIS SALUBRIBUS MINERALIBUS VE-
 re novus. Authore JO. JACOBO FRANCISCO VICARIO, Phi-
 los. & Medicina Doctore, ac in Universitate Fribur-
 gensi Professore Publico.*

Ulma Suevorum, apud Laurentium Kronigerum & Hæredes
 Gœbelii, 1699. in 8. pl. 18.

Biennium est, ex quo *Cl. Autor* Institutiones Medicas sive *Basin Me-
 dicinae universæ* in lucem emisit; novum sequitur *Hydrophylacium*
 præfens, multo tamen tempore ante Basin illam elaboratum, utpote
 ea potissimum comprehendens, quæ Autor, Physicum A. 1686 Veld-
 kirchii agens, circa superioris Rhætiæ aquas minerales observavit, in
tres digesta Sectiones. In *prima* harum *theoretica*, quemadmodum
 aqua mineralis asseritur salutaris, quæ ex mineris sive cryptis terræ
 profiliens cum aliqua subterranea ita participat intime minera, ut labe-
 factatam hominis sanitatem rite adhibita in melius alterare valeat:
 sic omni medicatæ aquæ, sive potabili, sive balneabili, sive frigidæ, si-
 ve calidæ, subtilior æque seu spirituosæ, ac crassior magisque corporea
 substantia inesse propugnatur. Spirituosæ portio ipsius spiritus uni-
 versalis subterranei acidi innuitur soboles, in quantum hic ab igne sub-
 terraneo expirans, atque aquæ sive vaporosis aliis humoribus in forni-
 cibus terræ associatus, metalla & mineralia varie dissolvendo, varias
 quoque fontium ejusmodi medicamentorum differentesque species pro-
 ducat. Crassiora vero contenta, mineralibus reliquis non sine ratio-
 ne rejectis, vel in acidulis ab aliquo metallo in vitriolum redactæ, vel

a sulphure in thermis, ab igne alias subterraneo incalcescentibus, prolixius derivantur, adeoque solæ vitriolaceæ & sulphureæ aquæ nobilium & vere medicatarum titulo dignæ, at sedimenta, quæ ab aquis nonnullis nunc rubra, nunc lactea, nunc sub alia forma deponuntur, non nisi magisteria ab aeris accessu, vel ob spiritus etiam volatilis secessum, præcipitata, reputantur. Hinc in *altera sectione*, quæ *parascevasctica* inscribitur, ubi de diversis modis, quibus minerales aquæ examinari soleant, v. g. per destillationem, evaporationem, ponderationem, putrefactionem, & præcipitationem, latum fuit iudicium, edocetur uberior, quæ circumstantiæ quoad tempus, locum &c. attendi, quaque ratione modi antea recensiti rite conjungi, ac sedimenta cumprimis, vel sponte, vel arte præcipitata, fundi, fusaque per solutiones, capellationes, &c. explorari debeant, quo penitior aquarum, tam vitriolicarum quam sulphurearum, harumque vel frigidarum, vel calidarum, item ex vitriolo & sulphure mixtarum, acquiratur cognitio. E multis autem ejusmodi aquis fons Tschagunenensis in exemplum proponitur, ut pateat, quomodo vitriolicæ ejus venæ indagatæ fuerint. Primo namq;, cum examen dicti fontis institueretur, cælum sudum extitisse ac sereneum, adeoque aquam nulla ferina inquinatam; secundo, in superiori loco duplicem comparuisse venam, sulphuream unam, alteram vero vitriolaceam, fontemq; colliculo & duobus amnibus stipatum; tertio, aquam frigidam profluxisse ex cunctis venis limpidissimam ac omnino diaphanam; quarto, terra herbosa quidem tegi colliculum, at sicca, superiori autem tegmine paulisper remoto, sabulum subesse silicibus minoribus intermixtum; quinto, aquam vitro exceptam odorem acidulum exhalasse, vix autem notabili acore linguam titillasse, ac ultra mensuram haustam appetitum stimulasse; sexto, ad fontis scaturiginem bolarem quandam terram rubram sive ex flavo rubellam copiosissime subsedisse, aquam vero, nec piscium vitæ protrahendæ, nec ciceribus emolliendis accommodatam, lac coagulasse; septimo, in aquæ ad præscriptam methodum ponderatæ uncia qualibet, duo fere grana mineralium delituisse; octavo, ab aqua ad normam veterum destillata merum phlegma insipidum, a nullo alio liquore alterabile, prodiisse, capite mortuo pariter insipido relicto; nono, evaporatam eandem aquam crystallos minimas cuspidales & insipidas exhibuisse, quæ nec cum alcali, nec cum acido ebullierint, ab acido tamen spiritu sine

sine strepitu dissolutæ; ultimo, ab oleo tartari per deliquium & spiritu urinæ, neutiquam vero ab acidis spiritibus, neque a nitri, salis communis & aluminis solutionibus, turbatam aquam fuisse, cum descensu coaguli quasi albi æqualis illi, quod pari prorsus modo ex vitriolo albo consuevit præcipitari. Tandem in *sectione tertia practica*, dum genuinus mineralium aquarum, potabilium & balneabilium, latissime exponitur usus, partim in genere modus extricatur, quo utriusque generis aquæ videantur operari, partim morbi in specie enumerantur, in quibus, dicta & cautelis probe observatis, quæ ante, in & post earundem usum jubentur attendi, egregie conferant. Nempe ex potabilibus aquis, uti maxime acidularum earum, quæ de vitriolo martis participant, in cacochymia pariter biliosa sive acido volatili oleoso, atque melancholica seu acido fixiori, morbisque inde dependentibus, laudantur: ita in genere laudatæ acidulæ martiales in affectibus ab acido, tam in ventriculo, nunc hujus fermentum acidum spirituosum sive sal esurinum augendo & appetitum excitando, nunc quicquillas mucosas attenuando tonumque roborando, quam extra ventriculum, ratione martialis portionis in duodeno ab alcali bilis præcipitatæ, omne acidum in intestinis obvium destruendo, destructique excretionem per alvum vel urinam promovendo, in biliosis autem morbis bilem diluendo eamque viscidam incidendo, & sic inertem bilem corrigendo & fluidiorem reddendo, vires perhibentur exerere. Speciatim in catarrhis calidis, nonnullis phthiseos speciebus, agrypnia, capitis affectibus per consensum, ictero, chlorosi, colica, præsertim convulsiva, hydrope, calculo, gonorrhœa, lepra, fluore albo, malo hypochondriaco, vitiis mensium, lumbricis, sterilitate, febribus intermittentibus, dysenteria benigna, arthritide & affectibus cutaneis, usus acidularum, aliquando calefaciendarum, deprædicatur & subinde exemplis confirmatur proficuus, etiam per modum balnei in paresi ex colica & febribus, vel in scorbuto oris per modum gargarismi, adhibitus. Thermarum autem postquam differentia ab aliis balneis declarata, & emolumentum insigne ex eo commendatum fuit, quod in cacochymia pituitosa, humores crassiores fluxiles efficiant, impedimenta amoveant, stagnationem auferant, transpirationemque promoveant, in serosa vero serositatem superfluam extirpent, ac in cutaneis affectibus abstergant, exsiccant, invertant & glutinent; specialius in hemi- & para-

para plegia, mulierum sterilitate, mensibus deficientibus vel nimis, fluore albo, calculo, ischuria, incontinentia urinæ, corpulentia nimia, scabie & ulceribus antiquis, multum prodesse thermas, adversus Lamwerdium adstruitur.

ECLIPSIS SOLIS, ANNO M. DC XCIX, D. $\frac{13}{2}$ SEPT.
observata Norinbergæ, a JOANNE PHILIPPO
WURZELBAUR.

Norinbergæ, typis Jo. Andr. Endteri filiorum, fol. plag. 2.
 formæ majoris, cum iconismo $\frac{1}{2}$ plag.


EX diversis, quæ ad manus nostras pervenerunt, memorabilis hujus Eclipsos observationibus, Clarissimi *Wurzelbaueri* præcipue B. L. communicamus: quod eadem, cum typis extet publicis elegantissime descripta delineatque; tum commentariolo instructa sit, seriem observationis, & momenta inde deducta continente; æquinoctia etiam labentis hujus anni quam diligentissime observata exhibeat. Quorum observationes studiose dextreque ab Astrorum consultis institui, publici nunc vel maxime interest, postquã abrogata, communi Statuum Imperii Protestantium consensu, forma Calendarii Juliana hæcenus recepta, de mediis mature sed consulto dispiciendum est, quibus annuæ temporum Tabulæ motibus Luminarium cœlestium, in quo ardui hujus instituti cardo unice vertitur, deinceps examussum & perpetuo concilientur.

TAB. .X.

Typo Eclipsos ex *Autoris* Schediasmate, quod Regiæ Scientiarum Academiæ Parisinæ (quam in arctius secum commercium adscivisse *Autorem* nostrum, *eidem* oppido gratulamur) inscripsit, huc translato, jungimus Tabulam, ordinem & quantitatem Phasium, cum temporibus horologii oscillatorii, singulis phasibus correspondentibus, & cum sciaterico horizontali exacto, singula minuta referente, altitudinibusque Solis solícite captis, accurate conspirantibus, exponentem; cui adeo tuto fidem habere poterit, qui Eclipsin hanc sive ad suos sive aliorum calculos examinare, e re sua existimabit.

Ordo

TAB. X. ad A. 1699.
pag. 544.



T/

<i>Ordo Phasum.</i>	<i>Quantitas.</i>	<i>Tempora Horologii Oscillatorii.</i>
Num.	Dig. min.	H. M. S.
Initium.	- - -	VIII. 57 14
I	0 52	IX 3 26
2	1 32	8 23
3	2 28	14 14
4	3 19	19 40
5	4 8	24 57
6	5 15	31 57
7	5 50	35 2
8	6 26	38 43
9	6 53	40 36
10	7 20	43 47
11	7 56	50 39
12	8 30	55 9
13	9 23	X. 1 44
14	9 53	5 46
15	10 24	10 34
16	10 38	14 37
17	10 45	17 54
18	10 45	22 29
19	10 12	27 31
20.	9 49	30 10

<i>Ordo Phasium.</i>	<i>Quantitas.</i>	<i>Tempora Horologii Oscillatorii</i>
Num.	Dig. min.	H. M. S.
21	9 21	X. 33 11
22	8 52	35 53
23	8 30	38 46
24	7 38	42 42
25	7 14	46 7
26	6 33	49 42
27	6 6	53 22
28	5 27	56 37
29	5 9	XI. 0 0
30	4 33	4 24
31	3 57	8 16
32	3 13	13 3
33	2 41	18 3
34	2 11	21 37
35	1 32	25 38
36	1 2	28 27
Finis	0 0	33 56

Notavit porro *Autor*, a phasi octava ad duodecimam usque, opacam Lunæ peripheriam a parte meridionali aliquantillum asperam, circa cornu autem septentrionale ad quartam fere segmenti partem laviolem: dum autem cornua Eclipseos horizonti fere parallela existerent, ante & post phasin decimam quintam, extremitatem periphe-

ripheriæ Lunaribus gibbosæ deorsum nonnihil illuminatam & croceo quasi colore tinctam: stellas tamen, aura liceta nubilis libera conspectas nullas; nec etiam Venerem ipsam, nisi præstanti oculorum acie præditis, in aprico visam.

Disco Lunari ex plurimis magnitudinis diversæ, ad quina secunda differentibus, & ex charta spissiuscula exsectis disculis, circa & post phasin primam, nullum congruisse *Autor* memorat, nisi qui (assumpto radio Solari 16. 4.) ad radium 15. 30 fictus erat; eumque successive in tantum ampliatum fuisse, ut majores subinde fuerint applicandi; & circa phasin trigessimam sextam peripheriæ Solaris segmentum disculo non minori, quam ad radium 16. 5 descripto, respondisse: ac proinde diametrum Lunæ, circa finem Eclipsæ, Solarem si non superasse, certe æquavisse.

Huic observationi non abs re erit subjunxisse, in phasi *Autoris* 27ma, quæ est dig. 6. 6, Lunam paululum supra duas tertias peripheriæ Solaris occupasse: quod argumento est, Semidiametrum illius eo tempore æqualem fuisse Solari. Nobis Lipsiæ ad momentum umbræ, centrum Solis, ante & post summam obscuracionem, stringentis attendentibus, ob interjecta impedimenta, tam felicibus esse non licuit, ut notatis exacte peripheriarum intersectionibus, Solaris interceptæ quantitatem captare, diametriq; Lunaribus cum Solari comparacionem instituere, & utrum illa hac temporis intercapedine sensibilem mutationem passa fuerit, experiri potuerimus: utut oculorum iudicio, aliis argumentis subnixo, eadem Solari minor sit habita.

Æquinoctia hujus anni juxta *Autoris* observationes contingere,

	D	H	/	//
Vernum, Martii	9.	20.	35.	27.

Autumnale, Septembr.	12.	10.	22.	42.
----------------------	-----	-----	-----	-----

Sed juxta Tabulas *Autoris*,

Illud, - - - - -	40.	30.
------------------	-----	-----

Hoc - - - - -	32.	52.
---------------	-----	-----

Præter hanc observationem habemus & binas alias Clarissimorum Virorum Dn. M. Godofredi Teuberi, Archidiaconi Cizensis, &

Cl. M. Jacobi Honoldi, Pastoris in pago Hervelsingen, dioceseos Ulmenfis; illam *Cize*, alteram *Hervelsinga* prope *Ulmam* Suevorum habitas, nitidissimeque expressas: quas cum pagellarum angustia integras huc transferre vetet, earum summa tantum momenta indicasse

sufficiet. Coepit autem illic Eclipsis die jam dicto hora 9. 0, desit hora 11. 35, excrevitque ad digitos 11: hic vero initium suum sumsit hora 8. 55, finit hora 11. 31: defectu maximo 10 digitorum,

Nobis Lipsiae Luna Solis discum inire deprehensa est, tempore ex altitudinibus Solis correcto, hora 9. 11, exire hora 11. 38. 30: maxima obscuratio digitorum 11. 20, quasi duravit ab hora 10.

16. 45, per 6. Obscuratis 10 digitis, aura ceteroquin defecatissima, luridam faciem induere coepit, tristioreque, quam quae caelo sereno solet esse, Sole jam jam sub Horizontem condito. Galli etiam, gallinacei, haecenus admodum canori, tanquam silentio imposito, & veluti cubitum ituri, conticuere omnes; nec nisi redintegrata eousque Solis luce ad pristinum vigorem & cantum rediere: praeter Venerem autem nullam stellam aliam iis, qui coeli faciem sub dio tunc lustrant, hic visam accepimus.

INDEX AUCTORUM

quorum Libri aut Inventa hoc volumine recensentur.

I. Libri Theologici & ad Historiam Ecclesiasticam spectantes.

Alexandri (Natalis) Historia Ecclesiastica Veteris Novique Testamenti.	385
Anonymi Teda Salomonis, b. e. Canticum Canticorum.	75
Ano-	Ano-

INDEX AUCTORUM.

549

- Anonymi Theologi Lovaniensis Epistola, concernens Episcopi Meldensis sententiam de Charitate.* 20
- - *Epistola concernens Additamentum Archiepiscopi Parisiensis ad Instructionem suam Pastoralem.* 22
- - *Epistola, qua comprobatur, Archiepiscopum Cameracensem inique ab Episcopo Meldensi accusari.* 24
- Athanasii Opera omnia Grace & Latine. 193
- Banagii (Jacobi) Historia Ecclesiae a nato Christo ad hoc usque tempus. 402. 433. 481
- Benedictinorum Monachorum Congregationis S. Mauri Opera S. Athanasii. 193
- Bonjour (Guillemi) Exercitatio in Monumenta Coptica seu Aegyptiaca Bibliotheca Vaticana. 232
- Bossueti (Jac. Benigni) Episcopi Meldensis Relatio de Quietismo. 132
- - *Animadversiones in Responsum Arch. Cameracensis ad Relationem de Quietismo.* 145
- Bynæi (Antonii) de Morte Jesu Christi liber III. 119
- Cave (Guillemi) Scriptorum Ecclesiasticorum Historia Literaria. 153
- Clerici (Johannis) SS. Patrum qui temporibus Apostolicis floruerunt Opera, a L. B. Cotelero olim edita, nunc variis accessionibus & notulis aucta. 1
- - *Animadversiones in Henr. Hammondi Annotationes in Novum Testamentum.* 5
- - *Harmonia Evangelica.* 273
- - *Parrhasiana.* 454
- Cotelerii (Jo. Baptiste) Opera SS. Patrum, qui temporibus Apostolicis floruerunt. 1
- Cypriani (Cæcili) de Vanitate idolorum Liber, recensitus & illustratus a Christophoro Cellario. 246
- Doucín (Ludovici) Historia Nestorianismi. 166
- Durrîi (Jo. Conradi) Compendium Theologiae Moralis. 64
- Eusebii Romani. Vide Jo. Mabillonii. 1
- Fabricii (Johannu) Amœnitates Theologicae. 284
- Felcis (M. Minucii) Octavius, recensitus & illustratus a Christophoro Cellario. 246.

- De Fenelon-Salignac Archiepiscopi Cameracensis Responsio ad Relationem Episcopi Meldensis de Quietismo. 139
- Gatakeri (Thoma) Opera Critica. 63
- Gery (Roberti) Appendix ad Gu. Cave Historiam Literariam Partem II. 153
- Grabii (Jo. Ernesti) Spicilegium SS. Patrum, ut & Hæreticorum Seculi post Christum natum Primi. 256
- Gürtleri (Nicolai) Vorum Typico-Prophecticarum Explicatio. 106
- Du Hamel Institutiones Biblicæ. 48
- Hammondi (Henrici) Annotationes in Novum Testamentum. 5
- S. Hieronymi Operum tomus II. 529
- Hillieri (Matthæi) Tractatus de Gemmis duodecim in Pectorali Pontificis Hebræorum. 278
- Ittigii (Thoma) Bibliotheca Patrum Apostolicorum. Præmissa est Dissertatio de Patribus Apostolicis. 41
- Junckeri (Christiani) Vita D. Martini Lutheri & Successuum Evangelicæ Reformationis Historia nummis illustrata. 300
- Kidderi (Richardi) Episcopi Bathoniensis & Wellensis Demonstratio Messie, qua veritas Religionis Christianæ contra Judæos potissimum defenditur. 241
- Lamy (Bernardi) Commentarius in Concordiam Evangelicam, & Apparatus Chronologicus & Geographicus. 448
- Ligtfooti (Joannis) Opera posthuma. 103
- A Limborch (Philippi) Defensio contra Joannem Vander Wayen. 93
- Lœscheri (Caspari) Consensus orthodoxus in loco de Christo. 60
- Lyseri (Wilhelmi) Systema Thetico-Exegeticum. 473
- Mabillonii (Joannis) Epistola de Cultu Sanctorum ignotorum. 107
- De Malvenda (Petri) & aliorum Epistole Conc. Trid. concernentes. 261
- Marraccii (Ludovici) Alcorani Textus universus, ex Arabico idioma te in Latinum translatus, appositis unicuique capiti Notis atque Refutatione. 246
- Martianay (Joannis) Tomus II Operum S. Hieronymi. 529
- De Montfaucon (Bernardi) Opera S. Athanasii. 193. 599
- Muratorii (Ludovici Antonii) Anecdota ex Ambrosiana Bibliotheca codicibus nunc primum eruta, Notis ac Disquisitionibus aucta. 304

INDEX AUCTORUM. 551

Rayæi (Nicolai) *Responsio ad Memoriale F. Sebastiani a S. Paulo, adversus Acta Sanctorum & personam P. Dan. Papebrochii.* 443

Schmidt (Jo. Andrea) *Compendium Theologia Dogmatica.* 287

Sturmii (Jo. Christophori) *de Deo in Creaturis corporeis & per ipsas jussu & voluntate sua primava hodiernum omnia operante.* 208

Teate (Faithful) *Ter Tria. Seu Doctrina de Tribus Divinitatis Personis: tribus Gratia donis, Fide, Spe & Charitate &c.* 38

De Vargâs (Francisci) *& aliorum Epistola; Concilium Tridentinum concernentes.* 261

Le Vassor (Michaelis) *Epistola Franc. de Vargas & aliorum ex Hispanico sermone in Gallicum translata & Notis illustrata.* 261

Veielii (Elia) *Dissertatio Isagogica in Natalis Alexandri Selecta Historia Ecclesiastica capita.* 320

II. Libri Juridici.

Antonii (Gottfredi) *Jus Feudale, succinctis additamentis auctum a Jo. Sam. Strykiu.* 472

Bœckelmanni (Jo. Friderici) *Synopsis Juris Publici Imperii Rom. Germanici.* 69

Braun (Philippi) *Principia Juris Canonici.* 470

Cocceji (Henrici) *Hypomnemata Juris ad seriem Imp. Justiniani.* 68

Leiseri (Gothofredi Christiani) *Jus Georgicum, sive Tractatus de Prædiis.* 270

Pagenstecheri (Alex. Arnoldi) *Jus Publicum Imperii Rom. Germanici Bœckelmannianum.* 69

Pfessingeri (Jo. Friderici) *Institutiones Juris Publici Rom. Germ. Vi- triariana perpetuis Notis aucta.* 361

Polman (Jo. Friderici) *Racemationis & Florum Sparsionis totius Corporis Juris Civilis Tomus I.* 429

Ringleri (Jo. Philippi) *de Domaniis Germaniæ Libri III.* 81

Schilter (Joannis) *Jurisprudentia totius tam Romana quam Germanica privata Legitima Elementa.* 30

Slu.

Sluteri (Matthaei) <i>Tractatus Historico - Juridicus de Rebus Immobili- bus & praecipue Aedificiis Hamburgensibus.</i>	77
Starnhorst (Gustavi Caroli) <i>Conciliatio Decisionum Mevianarum appa- renter contrariarum continuata.</i>	271
Strykii (Samuelis) <i>Tractatus de Dissensu Sponsalitis &c. variis Prajudi- ciis ac Collegiorum Responsis confirmatus.</i>	308
Vitriarii (Philippi Reinbardi) <i>Institutiones Juris Publici Rom. Germ. perpetuis Notis aucta a Jo. Fr. Pfessfingero.</i>	361
Voet (Joannis) <i>Commentarius ad Pandectas.</i>	501
Wenckeri (Jacobi) <i>Tractatus de Pfalburgeris, Usburgeris & Gleven- burgeris.</i>	32
Ziegleri (Casparis) <i>Decisiones XXXI.</i>	165

III. Medici ac Physici.

Ariostii (Francisci) <i>de Oleo montis Zibinii seu Petroleo agri Mutinensis libellus.</i>	380
Contuli (Jo. Baptista) <i>de Lapidibus, Podagra & Chiragra in humano corpore productis.</i>	396
Covvper (Gulielmi) <i>Anatomia Corporis Humani.</i>	49
- - - <i>Epicrisis in Dn. Dupré Descriptionem quinque parium musculorum &c.</i>	397
Dampier (Georgii) <i>Remedium contra morsum animantium rabido- rum.</i>	111
Dupré <i>Description quinque parium musculorum, diversis capitis moti- bus super primam & secundam cervicis vertebra in servi- entium &c.</i>	397.
Floyer (Joannis) <i>Tractatus de Asthmate.</i>	350.
Hermanni (Pauli) <i>Paradisus Batavius.</i>	237
Luidii (Eduardi) <i>Lithophylacii Britannici Ichnographia.</i>	333
Musitani (Caroli) <i>Chirurgia Theoretico-Practica.</i>	72
Pitt (Christophori) <i>Observatio de motu stomachi peristaltico.</i>	112
Riedlini (Pieri) <i>Linearum Medicarum Annus IV.</i>	283
Ruysschii (Frederici) <i>Epistole Anatomica Problematica X, XI, XII.</i>	116
Vicarii (Jo. Jac. Francisci) <i>Hydrophylacium novum, seu Discursus de Aquis salubribus mineralibus.</i>	541
	Vicussens

INDEX AUCTORUM.

553

Vicussens (Raymundi) Dissertationes de salis acidi & sanguine extractione, & de quantitatis principiorum ejus sensibilibus proportionibus.

376

IV. Mathematici.

Anonymi Animadversio ad Davidis Gregorii Schediasma de Catenaria.

87

- - Observationes Sinenses.

112

- - Civis Atlantici Epistola.

176

Bernoulli (Jacobi) Circinus Proportionum nauticus scala loxodromica instructus.

91

- - Quadratura Zonarum Cycloidalium demonstrata.

427

Bernoulli (Johannis) Cycloidis primariae Segmenta innumera Quadraturam recipientia, &c.

316

- - Epistola.

513

Duillerii (Nicolai Fasii) Linea brevissimi descensus, nec non Solidi rotundi, in quo minima fiat resistentia, Investigatio Geometrica.

510

De La Hire Detectio & Observatio Cometae mense Sept. 1698.

181

Hospitalii Marchionis Methodus inveniendi Solidi rotundi, in quod, secundum axem motum, minor fiat a reside fluido resistentia, quam in quodvis aliud ejusdem longitudinis & latitudinis.

354

De Tschirnhaus Effectus singulares Lentis opticae ad Telescopia.

445

Wurzelbaur (Jo. Philippi) Eclipsis Solis, A. 1699 d. $\frac{1}{2}$ Septembris observata.

544

V. Historici & Geographici.

Anonymi Vita Thomae Smithi.

462

Bartholini (Alberti) de Danorum scriptis liber.

206

Bonanni (Philippi) Numismata Pontificum Romanorum explicata ac illustrata.

520

Buonarotæ (Philippi) Observationes Historicae in quadam maximi moduli Numismata.

417

Aaaa

De

- De Cermenate (*Jobannis*) *Historia de situ, origine & cultoribus Ambrosiana urbis &c* 305
- Crenii (*Thomæ*) *Animadversionum Historicarum & Philologicarum Pars IV. Pars V.* 85. 508
- - *Analeſta Philologico-Critico Historica.* 378
- - *Museum Philologicum & Historicum.* 378
- Crescimbeni (*Jo. Marii*) *Historia Poeseos Hetruscis vernacula.* 526
- Daleracii *Anecdota Polonia, seu Commentarii arcani de Regno Johannis III Sobieskii.* 535
- Dodvvelli (*Henrici*) *Annales Vellejani, Quintilianei, Statiani.* 114.
- Gildon (*Caroli*) *Vita & Characteres Poetarum Dramaticorum.* 424
- Le Gobien (*Caroli*) *Historia Edicti Imperatoris Sinenſis in gratiam Religionis Christiana.* 490
- Gratiani (*Joannis*) *Gesta Francisci Mauroceni Peloponnesiaci.* 97
- Hudson (*Jobannis*) *Geographia Veteris Scriptores Græci minores. Cum Interpretatione Latina, Dissertationibus & Annotationibus. Vol. I.* 193
- Josephi (*Joannis*) a S. Teresa *Historia bellorum in Regno Brasilia inter Regem Portugallia & Rempublicam Hollandicam gestorum.* 293
- Junckeri (*Christiani*) *Vita D. Martini Lutheri nummis illustrata.* 300
- Langbainii *Vita & characteres Poetarum Dramaticorum Anglorum.* 424
- Leti (*Gregorii*) *Vita Petri Gironis Ducis de Ossuna.* 371
- Lister (*Martini*) *Iter Parisiense.* 468
- Ludlovii (*Edmundi*) *Commentarii Memoriales Anglicani.* 188
- A Mellen (*Jacobi*) *Series Regum Hungariae e nummis aureis collecta & descripta.* 266
- Möller (*Joannis*) *Bibliotheca Septentrionis Eruditi.* 204
- Muratorii (*Ludov. Ant.*) *Anecdota ex Ambrosiana Bibliotheca nunc primum eruta, Notisque ac Disquisitionibus aucta.* 304
- Paulini (*Christiani Francisci*) *Rerum & Antiquitatum Germanicarum Syntagma.* 183
- - *Historia Isenacensis.* 183
- Perralti *Elogia virorum hoc seculo in Gallia illustrium* 313
- Schefferi

INDEX AUCTORUM.

Schefferi (Joannis) Suecia Literata.	555
Visselbeccii (Petri) Chronicon Huxariense.	206
	184

VI. Philologici & Miscellanei alii.

Bernardi (Eduardi) Catalogi Librorum manuscriptorum Anglia & Hibernie in unum collecti.	225
Buddei (Jo. Francisci) Dicta illustriora Septem Gracia Sapientum explicata.	479
Crenii (Thoma) Animadversionum Historicarum & Philologicarum Pars IV.	85
- - Pars V.	508
- - Analeſta Philologico-Critico-Historica.	378
- - Museum Philologicum & Historicum.	378
Cypriani (Ernesti Salomonis) de Ecclesia Subterranea Liber.	477
Fabretti (Raphaelis) Inscriptionum Antiquarum, qua in adibus paternis asservantur, Explicatio & Additamentum.	337
Festi (S. Pompeji) de Verborum Significatione Libri XX.	382
Gatakeri (Thoma) Opera Critica.	63
Gryphii (Christiani) Sylva Poetica.	59
Q. Horatius Flaccus, cum J. Rutgersii Lectionibus Venusinis, Cura Petri Burmanni.	367
Locke (Joannis) Litera ad Eduardum Episcopum Vigornienſem, quibus loca quadam libri sui de Mente Humana vindicat.	12
- - Responsio ad Epistolam Episcopi Vigornienſis.	19
Meelfuhreſi (Rodolphi Martini) Accessiones ad Almelouenii Bibliothecam promissam & latentem.	359
Morhofii (Dan. Georgii) Dissertationes Academicae & Epistolicae.	289
Ormeſii (Magni Danielis) Compendium Rhetoricum.	286
Parrhaſii (Jo. Clerici) Cogitata varia super argumentis Criticis, Historicis, Moralibus & Politicis; nec non Defensio librorum a Jo. Clerico editorum.	454
Parthenii (Nicolai) Gianettaſii Autumni Surrentini.	329
Rutgersii (Jani) Lectiones Venusinae.	367
Stillingfleet (Eduardi) Episcopi Vigornienſis Responsio ad literas Jo. Locke de Mente Humana.	12. 19

Sturmii (Jo. Christophori) de Deo in creaturis corporeis & per ipsas beatum omnino operante. 208

Theocriti Quæ extant, cum Græcis Scholiis, Notis & Indicibus. 236

Wenckeri (Jacobi) Tractatus de Pfalburgeris, Usbergeris & Glevenburgeris. 32

INDEX RERUM NOTABILIORUM in hoc Volumine obviarum.

- | | |
|---|---|
| A batissis Protestantibus facultas nubendi asserta. 365 | Adoptio ab extraneo facta num jus patrium quoque constituat? 430 |
| Al dias Babylonius, nugivendus 44 | Ægyptiaca Vaticana Bibliotheca monumenta. 232. sqq. |
| Abgari & Christi amabæ Epistola num genuina? 257 | Aer humidus Asthmaticis noxius. 353 |
| In Abortu impediendo vires Aëritis 283 | Ætitis vires in abortu impediendo. 283 |
| Acidie sanguine extractio. 377 | Africanæ Ecclesiæ origo & fata. 410. sq. |
| Acidorum virtus Antiasthmatica. 354 | Agendi vis insita quo sensu creaturis corporeis possit tribui? 216 sqq. |
| Acidulæ vitriolo imprægnata. 541 | Agnellus ex cane natus. 185 |
| quomodo operentur? 543 | Albaspineus notatus. 411 |
| quibus morbis conferant? 543 | Alcoranus ex Arabico sermone in Latinum translatus & refutatus. 247 |
| quomodo usurpando? 543 | - - num luci publicæ inter Christianos exponi sine periculo possit? 249 |
| per medium balnei in parisi ex colica & febribus intermittentibus salutare. 543 | Alexander ab Alexandro notatus. 341. 346 |
| Acromiæ fixatio. 54 | In |
| Acta Pauli & Thecla Græce exhibitæ. 258 | |

INDEX RERUM

557

<i>In Alexandri (Natalis) Historiam</i>	<i>Catalogi.</i>	225
<i>Ecclesiasticam censura. 320. sq.</i>	- - <i>Dramaticorum Poetarum</i>	
<i>Alexandrina Ecclesia num a Mar-</i>	<i>characteres.</i>	424
<i>co Evang: lista fundata? 407</i>	<i>Anglicæ lingue reformatio.</i>	463
<i>Alexandrinorum Episcoporum</i>	<i>In Ani procidentia quænam tunica</i>	
<i>Diæcesis quam late olim patue-</i>	<i>intestini recti laxetur?</i>	53
<i>rit? 408</i>	<i>Ani prolapsi sphacelus curatus.</i>	53
<i>Allantoidea tunica in fœtu hu-</i>	<i>Anima Universalis nulla.</i>	209
<i>mano nulla.</i>	<i>Animæ immaterialitas probata.</i>	16
<i>Allatius notatus.</i>	<i>Animalium spirituum existentia</i>	
<i>Ambrosii num sit hymnus: Te</i>	<i>in dubium vocata.</i>	50
<i>Deum laudamus? 390</i>	- - <i>comparatio cum spiritibus</i>	
<i>Amnii vascula sanguinea.</i>	<i>vegetabilium inflamma-</i>	
<i>Amor Dei purus citra intuitum</i>	<i>bilibus.</i>	352
<i>commodi nostri affectus. 20. sqq.</i>	<i>Annularis Protuberantia fibris</i>	
	<i>longitudinalibus & transversis</i>	
	<i>constat.</i>	519
<i>Anacleti Epistole spurie.</i>	<i>Antepilepticus pulvis.</i>	284
<i>Anacletus & Cletus idem.</i>	<i>Antepileptica virtus verbena.</i>	284
<i>S. Andreæ reliquie a quo Constan-</i>	<i>Antinephritica vis fructus Cynos-</i>	
<i>tinopolin fuerint translate? 487</i>	<i>bati.</i>	284
<i>Andreas Samosatensis Episcopus</i>	<i>Antipestilentielle remedium.</i>	74
<i>num orthodoxus fuerit? 170</i>	<i>Antiochia quo sensu Orientis me-</i>	
<i>Aneurismatis in arteria frontali</i>	<i>tropolis fuerit dicta? 408</i>	
<i>curatio.</i>	<i>Antiochenæ Ecclesiæ origo, dæce-</i>	
<i>Angelis corpus tribuere, num hæ-</i>	<i>sis, Prasules.</i>	409
<i>refis? 390</i>	<i>Apostolici Patres editi a Johanne</i>	
<i>Angelorum creationem cur Moses</i>	<i>Baptista Cotilerio.</i>	I
<i>non commemoraverit? 389</i>	- - - <i>a Thoma Ittigio.</i>	41
- - <i>cur tam pauci apud Ro-</i>	<i>Apostolorum & Evangelistarum</i>	
<i>manenses adorentur? 485</i>	<i>scripta quando legi publice in</i>	
- - <i>cultus improbatus.</i>	<i>Ecclesiis ceperint? 412</i>	
- - <i>quando ceperit? 486</i>	<i>Aqua, quæ e latere Christi crucifixi</i>	
<i>Angliæ motuum civilium histori-</i>	<i>emanavit, res celsis Baptismi.</i>	
<i>a.</i>		475. sq.
- - <i>librorum manuscriptorum</i>		

Aaaa 3

Aquæ

Aquæ minerales quam saluta-
res? 541

- - medicata quotuplices? 542

- - quomodo examinan-
da? 542

Argentinenſis Civitatis privile-
gium de Ulſburgeris recipiendis,
35

Ab Armoniâ Salis Spiritu ex-
crescentia carnis coercetur. 74

Arnaldi (Antonii) elogium. 326

- - refutatio. 433-442

Arterioſum rete mirabile in homi-
ne aſſertum. 519

Contra Arthritidem præſervant
fonticuli. 284

Sub Aſcia dedicare, quid in In-
ſcriptionibus? 343

Aſthmatis flatulendi, vulgo humi-
di, ſymptomata. 350. 351

- - natura. 352

- - cauſa proxima & remota.
352. ſqq.

- - curatio in paroxyſmo &
extra eum. 353. ſqq.

S. Athanaſii Operum codices ma-
nuſcripti & editiones variae. 194

- - Stylus qualis? 195

- - Vita. 196. ſqq. 201

- - Opera recens vulgata. 201

- - Symbolum. 203

Ob Atheiſmi ſuſpicionem combu-
ſtus Nobilis Polonus. 540

Atrophia a receptaculo chyli con-
ſtipato. 52

Auguſtanæ Confeſſionis Carolo

V exhibitæ Hiſtoria.

301

Auricularum cordis humani non
ſemper eadem facies. 517

Azymorum in S. Cœna uſus. 437

Bacchi Triumphus gemma in-
ſculptus, illuſtratus. 419

ſqq.

Bacchanalium apud Romanos li-
centia. 345

Bachiarîi Apologia. 305

Badeslebienſis Congregationis
Chronicon. 187

Balneum aquæ dulcis Mercurium
intra corpus ſuſceptum elicit. 283

Balaſami aſſenici deſcriptio & vires.

73

Balaſamus Balaſamorum. 74

Baluzii Epistoſa de vita Jo. Bapt.
Corelerii. 3

Baptiſmi res cœleſtis qua? 475. ſq.

Barberini (Franciſci) in colligendis
Inſcriptionibus antiquis ſtudi-
um. 339

Barlaeus notatus. 297

Barnabæ epistoſa ſpuria. 46

Baronius notatus. 169. 170. 409.
414. 417

Bartholini (Alberti) libri de Da-
norum ſcriptis deſectus ſuppleri.
206. ſqq.

Batavorum in Braſilia fata. 295.
ſqq.

Bayeri Uranometriæ notata. 182

Belli inter Turcas & Venetos Hi-
ſtoria. 97. ſqq.
inter

- - inter Batavos & Lusitanos in Brasilia Historia. 293. sqq.
- - inter Turcas & Venetos Historia. 97. sqq.
- Bernardi (Eduardi) in colligendo Manuscriptorum Anglia catalogo studium. 226
- Berullii (Petri) elogium. 325
- Bibliothecæ Bodlejane historia. 230. sqq.
- Bidloo notatus. 54
- Bignon (Hieronymi) elogium. 327
- Bivarius notatus. 44. 45
- Blondellus notatus. 405
- Böckelmanni (Joh. Frid.) studia & munera. 71
- Bodlejanæ Bibliothecæ historia & augmenta. 230. 232
- Bodleji (Thomæ) Vita. 228. sqq.
- Bona Cardinalis refutatus. 484
- Borealiū gentium in literas merita. 205
- Bossueti (Jac. Benigni) Episcopi Meldensis cum Archiepiscopo Cameracensi contentiones. 132. sqq.
- Brasilienſis inter Lusitanos & Batavos belli Historia. 293. sqq.
- Braxandijus quale apud Hamburgeses? 78. sqq.
- Bronchialis vena in subclavium ramum terminatur. 51
- Bubonum pestilencia quomodo dignoscenda? 73
- Burmannus Spinossismi unde spectus? 93. sqq.
- Byzantinæ Historiæ Scriptorum nova editio promissa. 336
- Adavera cremandi & humanandi mos iisdem temporibus receptus. 341
- Cæciliæ Commentarii Hispanici in Apocalypsin D. Joannis explosi. 44
- Cæsarius Arelatenſis Episcopus num Pelagianismi recte accusatur? 155
- Caffè & Thea usus reſectus. 469. sq.
- Calculi humoribus nonnullis inclusi, opus naturæ. 73
- - in diverſis corporis partibus. 396. sqq.
- Calculorum differentia. 396
- Calvaria notabilia vasorum vestigia impressa. 54
- Cambriae Etymologicum Geographicum promissum. 335
- Cameli, cum proli indulgent, dies a cibo & potu abſtinent. 332
- Cameracensis Archiepiscopi doctrina defenſa. 20. 22. 24. 139. sqq.
- - impugnata & damnata. 132. sqq. 146. 139
- Cameronis vita ac fata. 87
- Carnus (Joh. Petri) acute dictum. 326
- Cancerosis

- Cancrosis ulceribus suffimigium
 cinnabaris medetur. 74
 Canon Novi Testamenti quando
 constitutus? 41. 44
 Canonici juris systema. 470
 Canonizati num omnes censer
 debeant, quorum nomina Dy-
 pricbis inserta leguntur? 484
 Canticum Canticorum illustra-
 tum. 75
 Capitis musculorum novorum de-
 scriptio. 398
 - - motus supra primam cer-
 vicis vertebra. 399
 Capitula tria quas turbas in Ec-
 clesia dederint? 173. 175
 Capitulationem in Imperio R. G.
 concipiendi jus Electoribus vin-
 dicatum. 70
 Caracalla num Juliam matrem u-
 xoris loco habuerit? 349
 Caracallæ nummi illustrati. 423
 Carbones humoribus nonnullis in-
 clusi, opus natura. 73
 Caries vertebrarum nonnullarum
 dorfi. 54
 Carmelitarum cum Jesuitis lites.
 443. sqq.
 Carnis excrementia a spiritu salis
 armoniaci cœrcetur. 74
 Carolo L. Angliæ iniquus scriptor
 Edmundus Ludlovius. 189
 Carpinæi Cardinalis Museum. 418
 Carthagineſium Episcopinum Ju-
 ra Patriarchalia. 410. sqq.
 - - - num Pontificibus Ro-
 manis fuerint subje-
 812 410. sqq.
 Cassiodorus emendatus. 173
 Catacombæ Romana. 478
 - - - num Christianos ha-
 buerint conditores? 481
 In Catacombis Romanis quæ re-
 periuntur corpora, num omnia
 Sanctorum sint? 108. sqq.
 In Cataractæ depositione quam
 circum & locum observan-
 da? 51
 Catenariæ demonstratio Gregoria-
 na impugnata. 87. sqq.
 Cave (Guilielmi) Vindicia. 154.
 sqq.
 Causticum indolens. 74
 Celsus (Julius) auctor vitæ Julii
 Caesaris, scriptor recentior. 118
 Centauri cur inprimis Baccho
 tribuantur? 419
 Cephalalgia ex glandula pineali
 petrosa. 397
 Cerebelli quoad superficiem con-
 formatio. 518
 Cerebri meninx intermedia. 54
 - - ventriculorum lymphæ o-
 rigo. 519
 Cereris cum Baccho necessitudo. 420
 Cerevisiaræ rei apud Hamburgen-
 ses jura & consuetudines. 78.
 199.
 Chalcedonensis

INDEX RERUM.

561

Chalcedonensis Synodi historia.	173	Christianismi in Sina origo & progressus.	<u>490</u>
Chalcidis obsidio irrita.	102	De Christo sententia Augustana	
Chorda umbilicalis tubulis succiferis destituta.	55	Confessionis Theologorum conciliata.	<u>60</u> sqq.
Chorepiscoporum origo.	<u>406</u>	- - honesta Mahumedanorum	
Choroidei plexus conformatio & usus.	<u>519</u>	judicia.	252. sqq.
Choroideus plexus nervorum expers.	<u>54</u>	Christus num parabolis suas saepe ex Rabbiorum ore attulerit?	8
- - glandularum & vasorum lymphaticorum expers.	<u>519</u>	- - num secundum humanam naturam possit dici Deus?	<u>61</u>
Christi officium mediatorium quando ceperit?	<u>61</u>	- - cujus criminis apud Pilatum fuerit accusatus?	<u>120</u> , <u>123</u>
- - caro num sit vivifica?	<u>62</u>	- - cur veste candida ab Herode fuerit indutus?	<u>121</u>
- - natura humana num adoranda?	<u>62</u>	- - quali chlamyde indutus fuerit?	<u>122</u>
- - intercessio num ultra seculi consummationem extendenda?	<u>62</u>	- - non hora sexta, sed tertia traditus, ut crucifigetur.	<u>124</u>
- - crucifixio quomodo peracta?	<u>125</u>	- - vinum myrrhatum bibere cur recusaverit?	<u>126</u>
- - tunica inconsutilis.	<u>127</u> sq.	Chronologia Historia Evangelica.	<u>452</u>
- - genealogia asserta.	<u>245</u> <u>450</u>	Chrysostomus notatus.	<u>409</u>
- - nativitatis & mortis annus.	278. 390. <u>445</u>	- - Pelagianismi reus.	<u>416</u>
- - paupertas dubia.	<u>445</u>	- - num dogma de Transsubstantiatione agnoverit?	<u>437</u>
Christianæ religionis veritas contra Judæos asserta.	<u>241</u> sqq.	A Chyli receptaculo constipato Atrophica.	<u>52</u>
- - Hierarchia comparatio cum Hierarchia Ethnicorum.	<u>406</u>	Cicero illustratus.	<u>369</u>
		Cinnabaris suffumigium ulceribus canerosis medetur.	<u>74</u>
		B bbb	Cir.

- Circinus nauticus, ejusque constructio.* 91. *sqq.*
Circularis peripheria rectificatio. 178
Circuli quadratura quomodo perfici possit? 178
Cista mystica Gentilium. 420
Claudii Taurinensis zelus adversus imaginum cultum. 489
Clemens Malala memoratus quis? 158
Clementis Romani Epistola a manu aliena interpolata. 4. 46
- - - scripta genuina & supposititia. 259
Clementis VII Rom. Pont. numismata. 523
Clericorum Jure Divino a tributis immunes? 390
Clericus (Joannes) Eusebium Arianis accensens, refutatus. 162
Clypei Heroibus dicati. 422
Coadjutorum in Episcopatibus origo. 405
Cœlestii studium pro Pelagianismo stabiliendo. 172
De S. Cœna que fuerit Patrum primitiva Ecclesia sententia? 434. *sqq.*
Coli ligamentum cur fibris carneis gaudeat? 53
Columbaria quid? 340
Cometæ observatio. 181
Commodiani ætas. 118. *sq.*
Commodus Imperator cur nunc Marci, nunc Lucii prænomine usus? 423
Concilii Chalcedonensis historia. 173
- - Ephesini historia. 169. *sqq.*
- - Vaticanici historia. 174. *sqq.*
- - Tridentini historia epistolis illustrata. 261. *sqq.*
Conciliorum quæ auctoritas? 176. 390. 471
Condictio causa data causa non secuta. 506
- - trititaria. 507
Condictitia lex quæ fuerit? 32
Constantini M. numismata. 423
Constantinus M. num Roma fuerit baptizatus? 390
Constantinopolitani Concilii II historia & auctoritas. 174. *sq.*
Contemplatio Mysticorum sub examen vocata. 27
Coptica Vaticana Bibliotheca monumenta. 232. *sqq.*
Coptorum lingua num eadem cum Ægyptiaca? 235
Corbejenfis Historia. 185. 187
Cordis vena coronaria exortus & progressus. 517
- - auricula dextra columnarum conformatio. 517
- - auricularum non semper eadem facies. 517
De Corona ferrea Mediolanensi Disquisitio. 308
Coronariæ cordis vena exortus & progressus. 517
Corvinorum in Hungaria insignis gentilitium, corvus. 267
Co-

INDEX RERUM

553

Cotelerii (Jo. Baptista) vita. 1	numera quadrabilia. 316
sqq.	sqq.
Cranii periostrum quid? 50	- - - sectores quadrabiles. 319
- - - & meningis dura fungus	- - - historia. 316
excindendus. 50	Cynosbati fructus via antinephri-
Creaturæ materiales num poten-	rica. 284
tiis vere ætævis gaudeant? 208	Cypriani plures. 156
sqq. 216 . sqq.	Cyprianus emendatus. 411
Creditoribus filiorum hypotheca-	Cyrilli cum Nestorio controversia. 168 sqq.
riis præferendi legatarii ex te-	Cysticæ radices, vascula mera san-
stamenti adscendentium. 167	guifera. 55
- - - filiorum hypothecariis	D æmones in sepulchris habi-
posterioribus in feudo	tantes. 7
præferuntur patris	Danielis de quatuor bestiis visio 235
creditors chirogra-	- - - LXX hebdomades ad novos
pharii. 166	calculos revocata. 235
Crescentii Cardinalis gesta in Con-	Danorum scripta. 206
cilio Tridentino. 264 . sq.	Decretales Pontificum Epistola
Cretam urbem num honeste Mau-	ad Siricium usque apocrypha. 290
rocenus Turcis dediderit? 99 . sqq.	Defunctorum cadavera creman-
Crucifixio Christi quomodo pera-	di aut humandi mos promiscu-
cta? 125 . sqq.	us. 341
Cujacius emendatus. 31	Ex Dei natura omnia emanasse,
Curatorem num pater filio mayo-	Spinosisimi fundamentum. 94
renni nec furioso dare queat? 165	sq.
Curvæ paraboloidis cubicalis re-	Dei existentia diversimode proba-
ctificatio. 178	ta. 16
- - - brevissimi descensus demon-	- - - concursus ad actiones crea-
stratio. 511	turarum qualis? 212
Curvarum rectificatio per metho-	sqq.
dum Tangentium Hugonianam	- - - posse, velle, agere, efficere,
possibilis. 177	res eadem. 214
Cuticulæ structura. 50 . 396	Bbbb 2
Cycloidalis Zonæ quadratura. 320 . 427	Deus
Cycloidis primaria segmenta in-	

- Deus num sine intuitu nostri com-
modi amari possit ac debeat? 20
- Demetrii Alexandrini Episcopi li-
res cum Origene. 408
- Dentis radicem investiens mem-
branula quomodo detegatur? 54
- In Diabete unguentum Comitissa
salubre. 284
- Diaphragmatis vasa lymphatica. 57
- Diarrhoea sanguinolenta quomodo
contingat? 518
- In Diarrhoea quod evacuatur fe-
rum, unde? 518
- Dio Chrysostomus emendatus. 412
- Divortium quando licitum? 313.
- 315
- Dolvellus refutatus. 412
- Domaniorum Germaniarum. 81.
- 599.
- - - num alienatio conce-
datur? 83
- Domitiana questionum eadem quae
inventa? 32
- Dorsi vertebrarum nonnullarum
caries. 54
- Dotalitii respectu num vidua nobi-
lis in concursu creditorum pri-
vilegio praelationis gaudeat? 6
- Ductus thoracici humani figura. 58
- - salivæ calculus. 50
- Ductuum excretoriorum origo. 55
- Dupré emendatus. 398. 400
- Dyptichorum origo & usus. 484
- Echellensis (Abrahamus) no-
tatus. 404
- Ecclesia subterranea. 477
- Ecclesiastici regiminis origo. 404
- Ecclesiasticorum Scriptorum hi-
storia. 153. sqq.
- Eclipsis Solis A. 1699. d. $\frac{11}{2}$ Sept. 544. sqq.
- Edessena schola seminarium Ne-
storianorum. 173
- Educationis quanta vis? 372
- Electores in Imperio R. G. vin-
dicatum ius Capitalationem
conficiendi. 70
- Elisabethæ Angliæ Regina de ma-
trimonio ineundo diversa consi-
lia. 465. sq.
- Eloquentia in tacendo. 290
- Emancipatione num hodie quoq;
caput diminutio minima fiat? 69
- Emplastrum ad strumas. 74
- - - ad rupturas. 74
- Enthusiasmus Poeticus. 289
- Ephesini concilii historia. 169. sqq.
- Epiphanius notatus. 408
- In Episcopatibus num bona mensæ
possint alienari? 83. sq.
- Episcopi num respectu Papæ recte
dicantur Coepiscopi? 391
- - olim in singulis urbibus. 404
- - olim in una urbe plures. 404
- Episcopo-

- Episcoporum auctoritas immedie a Deo. [390](#)
- - Divina super Presbyteros eminentia. [392](#)
- Epistolæ doctorem virorum in lucem protractæ. 86. [106](#)
- - Francisci de Vargas aliorumque de Concilio Tridentino. [262](#)
- Equites singulares qui Romanus? [344](#)
- Equitis D. Marci dignitas Maurocena Gentis hereditaria. [101](#)
- Erasmi Roterodami studia & scripta. [87](#)
- Erysipelatis remedium promptum. [73](#)
- Evangelia sacra a Judæorum objectionibus vindicata. [243](#)
- - quatuor istis auctoribus, quorum nomen præferunt, asserta. [278. 452](#)
- - non multis annis postquam conscripta fuerant, in Ecclesiis lecta. [278. 412.](#) [399.](#)
- Evangelica Harmonia Jo. Clerici. [273](#)
- - Bern. Lamy. [448](#)
- Evangelii veritas evicta. [451. 39.](#)
- - chronologia. [452](#)
- Evangelistæ quibus temporibus Evangelia sua scripserint? [234](#)
- Evangelium XII apostolorum num scriptis ecclesiasticis ascensendum? [257](#)
- De Eucharistia Sacra contentio num historia. [434](#)
- In Eucharistia num ipsum corpus & sanguis Christi distribuantur? [433. 399.](#)
- Eucharistiam Sacram num qui olim Hæretici rejecerint? [435](#)
- Eusebius Casariensis num Ariæus fuerit? [162. 39.](#)
- Excommunicatio locustarum. [271](#)
- Excrecentia carnis a spiritu sancto armoniaci coercetur. [74](#)
- Excretoriorum ductuum adumbratio. [55](#)
- - glandularum subligualium in homine terminatio. [58](#)
- F**ax accensa cur in festis Bacchi gestari solita? [419](#)
- In Febribus intermittentibus præsentia Acidula per modum balnei. [543](#)
- - malignis num purgantia inveniant locum? [283](#)
- Febris asthmatica unde? [352](#)
- Felix V num recte Pontificatum adversus Eugenium IV suscepit? [445](#)
- Fellis inter folliculum & porum hepaticum nulla anastomoses. [52](#)
- Feronia Dea quæ? [346](#)
- Feudalibus successoribus, deficiente allodio, præstanda impensæ funebres in exequiis vasalli defuncti. [165](#)
- Feudalis Juris systema. [473](#)
- Bbbb 3 Fibre

- Fibrae carnea ligamenti coli. 53
 - - circa nasales haud circulares. 54
 Figlinarum usus. 346. sq.
 Fistulam lachrymalem curandi methodus. 51
 Fistulosi ulceris in femore curatio. 53
 Flatulentiae primarum viarum causa. 353
 Foeminae poesi excellentes. 425
 In Foetu usus thymi. 51
 Fonticuli ab arthritide praeservant. 284
 Fontis Tschagunenensis examen. 542
 Friderici III Electoris Saxoniae pietas. 301
 Fungus cranii & meningis durae excindendus. 50
 Gangraenae remedium probatum. 23
 Garnerii consensus cum Cardinali Norisio in Historia Pelagiani-smi. 417
 Gemmae in pectorali Pontificis Hebraeorum. 578. sqq.
 Genesii Historia Byzantina manuscripta. 159
 Genii quid? 341
 Gentilitiorum apud Romanos nominum index. 348
 Gentium Jus num omnes gentes obliget? 504
 Geographiae Veteris Scriptores Graeciores. 392
 Gironis (Petri) Ducis d' Ossuna Vita. 371. sqq.
 Ex Glandula pineali petrosa cephalalgia. 397
 Glandularum mucilaginosarum intra spinas vertebrae usus. 50
 - - thyroidearum usus in fetu. 51
 - - mucilaginosarum conformatio ratione canaliculorum excretoriorum. 35
 - - lumbarium vasa lymphatica. 56. sq.
 - - pulmonibus subiectarum vasa lymphatica. 57
 - - sublingualium ductus excretorii quomodo in homine terminentur? 58
 - - intestinorum conformatio, situs & usus. 517. 518
 - - subclaviarum vasa lymphatica. 85
 Glandulae pudendi muliebri. 33
 - - lumbarae. 56
 - - subclaviae. 58
 - - salivales maxilla inferioris. 58
 - - cutis miliares cum vasculis excretoriis depictae. 396
 - - intestinorum cur spuria dicenda? 517
 - - solitariae in valvula coli. 518
 - - valvularum conniventium in intestino jejunum. 518
 - - in plexu choroideo nulla. 518
 Glandulosa num sit tunica intestinorum? 57
 Glevenburgi in Germania qui? 36
 De

INDEX RERUM

567

- De Gnosticis paradoxa* Henr. 472
Hammondi relationes. 11
Goarus notatus. 161
Gothofredus (Jacobus) corre-
ctus. 349
Græcam inter & Romanam Ec-
clesiam unio in Concilio Floren-
sino inita. 521
De Gratia qua fuerit sententia Pa-
trum? 415. sqq.
- - doctrina quam subito olim
mutata? 439
Gratiæ abundantia mira a Guyo-
nia iactata. 133
De Græcæ lingua pronuntiatione
contentiones. 462. sqq.
Gratiæ septem Sapientum dicta
illustriora. 479
Gregorii XIII Rom. Pont. plausus
ob eadem Hugonotis in nuptiis
Parisiensibus illatam. 523. sq.
Grotii in condenda Historia dexte-
ritas. 458
Grotius notatus. 125
Gruterus emendatus. 350
Guyonia femina Quietismi su-
specta. 132. sqq. 140 9sq.
H Addoni (Gualteri) cum Hie-
ronymo Osorio controversia.
465. sq.
Hadriani Imperatoris numisma-
ta. 422
Hæredes administratoris quate-
nus conveniri possint? 431
Hæres num semper cum beneficio
inventarii hereditatem adire
possit? 431
- Hæreticorum pœna.* 472
Hamburgensium jura ac statuta
circa res immobiles & præcipue
adificia. 77. sqq.
Hammondi Commentarii in N. T.
a Jo. Clerico correcti. 6
Hammondus notatus. 404. 405
Harduinus refutatus. 437. sq.
Harmonia Evangelica Jo. Clerici.
273
Bern. Lamy. 448
De Hebraicis Nominibus libri vete-
ris auctores Philo Judæus, Ori-
genes, Hieronymus. 531
Hebræo Scriptura S. textui num
puncta sint coarva? 286
Helvidiorum stirps. 343
Henricus VIII Imperatorum ex
venenata hostia obierit? 309
Hedera cur inter Bacchi symbola
ascita? 420
Hepaticum inter porum & follicu-
lum fellis nulla anastomoses. 52
Herodes quid cum Christo egerit?
128
Herodianus explicatus. 349
Hetruscæ Pœseos historia 526
Hexapla Origenis restituta. 532
Hierarchia Christiana cum Etbni-
ca comparata. 408
S. Hieronymi operibus multa lux
allata. 530. sqq.
- - Operum Chronologia. 530.
- - in Scripturam S. commen-
tarii genuini partim,
partim

<i>partim suppositiui.</i>		Hollandorum in Brasilia cum	
	531. 533.	Lusitanis belli Historia. 293. sqq.	
Hildefianum Chronicon.	186	Holstenius (Lucas) refutatus.	
Hincmari Rbemensis dogmata.			350
	440	Honorius Papanum a sexta Sy-	
Historia Scriptorum Ecclesiastico-		nodo œcumenica iuste fuerit	
rum.	153.	damnatus?	388. 39
- - Isenacensis.	183	Horatius illustratus.	367. sqq.
- - Huxaria, urbis.	184	Hugenianæ Methodi Tangentium	
- - motuum civilium Angliæ.		præstantia.	177
	188. sqq.	Humeri fractura singularis.	54
- - Regum Hungaria per eo-		Hungariæ Regum series e nummis	
rum numismata.	266	aureis collecta.	266
- belli in Brasilia inter Lusti-		Hulli (Joannis) vaticinium.	301
tanos & Hollandos gesti.		Huxariæ urbis historia.	184
	293. sqq.	Hydatides quid?	519
- - virorum hoc seculo in Gal-		<u>Hydrophobia</u> ex osculatione canis	
lia illustrium.	323	rabidi.	74
- - Romanorum Imperatorum		Hydropis fons.	52
per eorum numismata.		Hypothecæ quomodo apud Ham-	
	418. sqq.	burgenses judicialiter constitu-	
- - Romanorum Pontificum		antur?	80
per eorum numismata.	520.	Jansenistis quatenus probetur	
	sqq.	Ratramnus?	440
- - Johannis III Sobieskii, Re-		Ideæ in Deo decreta ejus praver-	
gis Polonia.	535. sqq.	rentes, quales?	94. sqq.
- - belli Turcas inter & Polo-		Idearum natura & varietas.	13
nos postremum gesti.	535.	Jeannini (Petri) elogium.	327
	sqq.	Jejuniorum quatuor tempora.	307
- - belli Turcas inter & Vene-		Jesuitæ Mandarin.	500
tos postremum gesti.	97.	Jesuitarum in propagando per Si-	
	sqq.	nam Christianismo studium.	491.
Historici recentiores cum antiquis			sqq.
comparati.	460	- - dexteritas in pace Moscos	
Hodius (Humpfredus), refuta-		inter & Sinenses concili-	
tus.	157. sqq.	anda.	500
			5,

- S. Ignatii Epistola non omnes ejusdem auctoritatis.* [47](#)
- - *cordi dissecto num nomen Jesu aureis literis inscriptum fuerit deprehensum?* [47](#)
- Imaginabile & intelligibile distincta.* [218](#)
- Imaginum cultus defensio.* [388](#)
- - *impugnatus.* [489](#)
- Indulgentiarum extensio mira.* [465.538](#)
- Inflammationum remedium promptum.* [73](#)
- Inguinalium glandularum vasa lymphatica.* [56. sq.](#)
- Innocentii XII. R. P. Bulla, qua liber de vita interiore damnatur.* [148. seq.](#)
- Inscriptiones antiquae Fabretti.* [337. sqq.](#)
- Insulae, ad eas aliae non contiguae.* [131](#)
- Intelligibile & imaginabile distincta.* [218](#)
- Intestina externe obliniens humiditas unde?* [52](#)
- Intestini recti quanam tunica in procidentia ani laxetur?* [53](#)
- - *jejuni valvularum conniventium conformatio & glandula.* [518](#)
- Intestinorum tenuium coalescentia praeternaturalis.* [52](#)
- - *tunica villosa admittitur, glandulosa negatur.* [517](#)
- - *glandularum conformatio, situs, usus.* [517.518](#)
- - *glandulae cur spuriae dicenda?* [517](#)
- Joannes Antiochenus Nestorii affecta.* [167.170](#)
- - *VIII Rom. Pont. notatus.* [391](#)
- Joannis III Sobieskii Poloniarum Regis Historia.* [555. sqq.](#)
- Josephus Arimathei Epistola spuria.* [43](#)
- Jovialis Satellitis immersio observata.* [112](#)
- Isenacensis Historia.* [183](#)
- Jubilaei celebrandi spes Paulo III Pontifici interventu mortis erepta, cuius licet jam in antecessum numismatibus.* [525](#)
- In Jubilaeis Romana Ecclesia quando coeperit ceremonia portam sanctam referandi & claudendi?* [525](#)
- Jubilaeorum Evangelicorum historia.* [303](#)
- - *in Romana Ecclesia solennitas numismatibus expressa.* [524](#)
- Judaeorum adversus Christianam religionem obiecta refutata.* [241. sqq.](#)
- - *cur tam difficilis ad religionem Christianam conversio?* [242](#)
- Apud Judaeos qua fuerit tempore Christi ratio suppliciorum capitalium?* [120](#)

- Ex Judaica Ecclesia ritus multi in
 Christianam transcripti. [404](#)
 Julia, Caracalla Imperatoris ma-
 ter, cur Jocaſta appellata? [349](#)
 Juris Romani Hypomnemata. 68
 - - - Institutiones Justinia-
 nea illustrata. [429](#)
 - - - [ſqq.](#)
 Juris Publici Imperii Rom. Germa-
 nici Synopſis. [96](#)
 - - Feudalis Systema. [473](#)
 Jurisdictione generatim conceſſa
 num & criminalis conceſſa cen-
 ſeri debeat? [273](#)
 Jurisprudentiæ Romanae & Ger-
 manicae elementa. [30](#)
 Jus Romanum in Germania non ni-
 ſi ſubſidiarium. [31](#)
 - - Georgicum. 270. [ſqq.](#)
 - - Natura quid? 504
 - - Gentium quale? 504
 Juſtinianus Imperator §. 25. Inſt.
 de Aſſion. illustratus. [31. ſq.](#)
 - - - in quibus reprehenden-
 dum? [174](#)
 Juvenalis ætas. [117](#)
L Abbeus notatus. [44](#)
 Lactea vaſa ſecundi generis. [57](#)
 Lacteorum vaſorum primi gene-
 ris duplex exortus. 52
 Lamzverdius notatus. 544
 Lapidum varia genera. 333
 Laryngis vulnus una cum vaſis ſau-
 ciatus ſanatum. [74](#)
 Lazuli lapidis vires. 283
 Legatarii ex teſtamenti aſcenden-
 tium præferendi creditoribus ſi-
 liorum hypothecarius. [160](#)
 Lentis Optice effectus ſingulares
 ad Teleſcopia. [445. ſqq.](#)
 Lentium opticarum ingentium
 parandarum difficultates. 446
 Lepra ſine pruritu. [73](#)
 Lichen cinereus terreſtris, remedi-
 um adverſus morbum rabido-
 rum animantium. 111
 Lienis uſus. 52
 Lightfootus notatus. [124](#)
 Ligorius notatus. [347](#)
 A Limborch (Philippus) a ſuſpi-
 cione Spinofiſmi liberatus. 93 [ſqq.](#)
 Linea. vide Catenaria, Curva.
 Lini ſcripta ſpuria. [43](#)
 Lipſius notatus. [342](#)
 Lithophytorum origo. 335
 Lochiorum fluxus nimius & le-
 thalis unde? 53
 Lockii (Joannis) controverſia
 cum Eduardo Stillingfleeto E-
 piſcopo Vigornienſi. 12. [ſqq.](#)
 Loxodromica ſcala in tabulis loga-
 rithmorum, ejusque ratio. [91](#)
 Lucae Evangeliſta num recte tri-
 buantur imagines Chriſti & B.
 Virginis? [445](#)
 Ludlovius (Edmundus) Parla-
 mento Angliæ adverſus Caro-
 lum I Regem addiſtus. 189
 Luis Venerea contagium brutis
 communicabile. [74](#)
 - - - antidotum. 74
 Lum-

INDEX RERUM 571

Lumbares glandulae.	56	Machinae cujusdam actiones comparatae cum actionibus creaturarum corporearum.	216
Lumbaris receptaculi humani figura.	56. sq.	Mahumetanos convincendi commodissima methodus.	251
Lupus notatus.	169	Mahumetis inepta Alcorani elogia.	250. 252
Lusciniae epitaphium.	344	Maimonidis operum nova editio promissa.	336
Lusitanorum in Brasilia belli cum Batavis historia.	293	Malalae chronographi aet.	157. sq.
Lustrationes gentilium unde?	7	Malpighius notatus.	180
Lutheranorum Theologorum sententia in doctrina de Christo conciliata.	61	Manes quid?	324
Lutheri (Martini) vita numismatibus illustrata.	300. sqq.	Manichaeorum dogmata.	306
- - testamentum autographum.	302	Manuscriptorum Angliae & Hiberniae catalogi.	225
- - matrimonium defensum.	302	De Marca (Petri) Elogium.	325
Lymphae ventriculorum cerebri origo.	519	Maria Magdalena eadem cum Maria Martha & Lazari sorore.	451
Lymphatica vasa glandularum lumbarium & inguinalium.	56.	Mariae Magdalena, Lazari & Martha in Galliam appulsus adfectus.	387
- - - - diaphragmatis.	57	B. Mariae Virginis in caelos assumptio dubia.	390
- - partium inferiorum.	57	- - - - cultus qualis in prima Ecclesia?	485
- - glandularum pulmonibus subjectarum.	57	Martialis Lemovicensis, non Graecus sed Latinus scriptor.	44
- - thymi.	58	Martyres fidei.	483
- - glandularum subclaviarum.	58	Martyrii signa in cimiteriis Romanis.	347. sq. 482
Lymphaticorum vasorum ortus.	55	Materia prima mere passiva.	210.
Lyseri, Theologi Saxonici.	473. sqq.	- - - - secunda virtutem Divinam motricem semper supponit.	213
M abillonius correctus.	349	Cccc 2	3d
- - - - de cultu Sanctorum ignotorum quam bene senserit?	483		

- Ad Matrimonii essentiam num
spelet Sacerdotalis benedictio?* 432
- Matrimonium quibus ex causis
solvi possit?* 313
- - - quando ipso jure nullum?* 313. *sqq.*
- Matthiæ Corvini Hungariæ Regis
Numismata illustrata.* 268
- Mauitii Nassovii Principis gesta in
Brasilia.* 294. *sqq.*
- Maurocenæ apud Venetos gentis
major natu semper Eques D.
Marci.* 101
- Mauroceni (Francisci) Pelopon-
nesiaci res gesta.* 97. *sqq.*
- Mauroceno (Francisco) Pelopon-
nesiaci cognomen decretum, ere-
ctaque vixit ærea statua.* 101
- Mechanismus corporum Intelli-
gentiæ cujusdam Spiritualis in-
digens.* 210
- De Mediolanensi corona ferrea
Disquisitio.* 308
- Mediolanensis urbis Historia.* 305
- Medullæ oblongatæ corpora py-
ramidalia & olivaria tam in in-
feriori quam superiori parte.* 519
- Meliceridibus subgenibus cur Mo-
nachii obnoxii?* 73
- Menii (Justi) primi Isenacensium
Superintendentis vita.* 184
- Meningis dura fungus excinden-
dus.* 50
- - vasa præter modum cras-
sa.* 54
- Meninx cerebri intermedia.* 54
- Mercurius intra corpus susceptus
quomodo possit elici?* 283
- Melliæ demonstratio.* 241. *sqq.*
- Methodus Hugeniæ Tangenti-
um.* 177
- - - inveniendi Solidi ro-
tundi, in quod minor
fiat a reside fluido resi-
stentia &c. 354. 511. 514.*
- Metropolitanorum in Ecclesia o-
rigo.* 406
- Mevianarum Decisionum concilia-
tio.* 271. *sqq.*
- Miliaris glandula cum vasculis ex-
cretoriis depicta.* 396
- Mindenfe Chronicon.* 185
- Minerales aqua medicata quotur-
plices?* 542
- - - quomodo exploranda?* 542
- Mineralium foliorum origo.* 335
- Molesworth refutatus.* 104. *sqq.*
- Molinetus emendatus.* 523
- Monogramma quo nomen Chri-
sti exprimi solet, num semper
Christianismi indicium præbeat?* 482
- Moralis Theologiæ Systematica ori-
go & progressus.* 65. *sqq.*
- Morhofii (Danielis Georgii) Vi-
ta.* 291
- Morinus refutatus.* 406. 408
- Moscorum imperium versus Ori-
entem mire extensum.* 498. *sqq.*
- - cum Sinensibus bellum &
pax.* 499. *sqq.*
- Motus*

INDEX RERUM

573

- Motus nonnisi a Divina virtute
premanat. [213. sqq.](#)
- Mucilaginosarum glandularum
intra spina vertebrae usus. [50](#)
- - - conformatio ratione cana-
liculorum excretoriorum. [53](#)
- Mucum secernit peritoneum. [52](#)
- Muretus Veneri deditissimus. [509](#)
- Musculorum capitis novorum de-
scriptio. [398](#)
- Museum Cardinalis Carpinei. [418](#)
- Mutinensis agri Petroleum. [380](#)
- Myrrhatum vinum Christo obla-
tum, quale? [126](#)
- Mysticæ Theologie fata. [65. sqq.](#)
- Mysticorum amor Dei purus vin-
dicatus. [20. sqq.](#) [139. sqq.](#)
- - - contemplatio qualis? [27](#)
- **N**ardinus notatus. [344. 346](#)
Circa Nasi alas fibra carnea
baud circularis. [54](#)
- Natura quid? [18](#)
- Naturæ Definitio Aristotelica. [210](#)
- Naturam rerum universam non
esse nisi unicum Ens, Spinoza
falsa sententia. [94](#)
- Nauticus Circinus ejusque con-
structio. [91. sqq.](#)
- Nervorum structura. [50](#)
- - - spinalium conformatio. [519](#)
- - - experti plexus choroi-
deus, [54](#)
- Nestorianismi Historia. [166. sqq.](#)
- Nicodemi Evangelium nullius au-
thoritatis. [43](#)
- Nicolai V Rom. Pont. error. [445](#)
- Nobiles immediate Imperatori &
Imperio subiecti jus suffragii in
Comitiis prætendunt. [366](#)
- Numburgensium Prasulum histo-
ria. [186](#)
- Numismata illustrata. [185. 418](#)
- - Regum Hungaria. [266](#)
- - - vitam Lutheri illustrantia.
[300. sqq.](#)
- - Summorum Pontificum. [520. sqq.](#)
- O**ctoviri qui olim Romanie? [345](#)
- Odorum natura & differentia. [353](#)
- Oleum montis Zibinii. [380](#)
- Omentum praternaturaliter con-
stitutum. [52](#)
- Ομοῦτις in Mystero S. Trinita-
tis vocem cur tam agre Eusebius
admiserit? [164](#)
- Opticæ lentis effectus singulares ad
telescopia. [445. sqq.](#)
- Opticarum lentium ingentium pa-
randarum difficultates. [446](#)
- Orientis nomine saepe sola Syria
censetur. [408](#)
- Origenes vindicatus. [408](#)
- - notatus. [415](#)
- Orosii (Hieronymi) Epistola ad
Elisabetham Anglia Reginam
refutata. [465. sqq.](#)
- Cccc 3 De

- De Offuna Ducis, Petri Gironis, vita. 371. *sqq.*
 Ottbergenſis virginum canobii hiſtoria. 186
 Ottobonianæ Bibliotheca conſtitutio. 424
 Oudinus (Caſimirus) notatus. 154
- P**Agius notatus. 414
 Papebrochius (Daniel) vindicatus. 443 *sqq.*
 De Papia iudicium. 45
 Paraboloidis Curva cubicalis reſtiſicatio. 178
 Paradoxa Theologica. 285. *sq.*
 Paralyſeos partium inferiorum cauſa. 54
 In Pareſi ex colica profunt acidula per modum balnei. 543
 Pariſienſe iter Martini Liſteri. 468
 Pariſienſi Sorbonæ juſ doctrinalis iudicii aſſertum. 391
 Paſcalis (Blaiſi) machina Arithmetica. 329
 De Paſchate in prima Eccleſia controverſia. 387
 In Paſchatos feſto facinoroſum aliquem dimittendi mos apud Ju-
 daeos unde? 122
 Paſchaſius primus dogmatis de tranſubſtantiatione inventor. 439 *sqq.*
 Pater in S. Trinitate quo ſenſu major dici poſſit Filio? 163
 Patres Apoſtolici editi a J. B. Coſtelerio. 1. *sqq.*
- - - a Th. Ittigio. 41
 Patria poteſtas in Friſia uſumfru-
 ctum in bonis liberorum adven-
 titium complectitur. 430
 Patriarchæ tres num a Petro fue-
 rint inſtituti? 407
 Patronorum nimium in clientes ſtudium hic quandoq; noxium. 230
 Panli III Rom. Pont. inſtitutum celebrandi Jubilæum morte im-
 pedicum, cuiſ licet jam in me-
 moriam Jubilæi numismatibus. 525
 Paulus num in conjugio vixit? 390
 Pearsonius notatus. 435
 Pekini longitudo & latitudo ex obſervationibus Aſtronomici. 112*
- Pelagianiſmi origo & progreſſus. 415 *sqq.*
 Pelagianorum in Concilio Ephēſi-
 noſata. 172
 Peliffon (Pauli) Elogium. 328
 Perioſtium cranii. 50
 Peripheriæ circularis reſtiſicatio. 178
 Περίπλων ſcriptores. 393. *sqq.*
 Peritonæum mucum ſecernens. 52
 Pernionum remedium promptum. 73
 Perſona quid? 18
 Perſonales in Theologia propoſitio-
 nes ſintne uſitata, an inuſitata? 62
 Petavius notatus. 485
 Petro-

INDEX RERUM

575

- Petroleum agri Mutinensis. 380
 Petronii Fragmentorum cum uberioribus Reinesii notis editio promissa. 508
 Petrus num tres Patriarchatus constituerit? 409
 - - quindecim tantum annis Roma fuit. 445
 Pfalburgeri in Germania qui? 33
 Phalangarii in Italia. 330
 Philo Rhetor & Philosophus idem cum Philone Carpasia Episcopo. 161
 Photii Lexicon Græcum manuscriptum. 161
 Pignora judicialia persequendi qua ratio apud Hamburgenses obtineat? 80
 Pilati gesta cum Christo. 120. sqq.
 Pili tumoribus quandoque inclusi, opus adstruuntur Natura. 73
 Pinguedinis nimia medela. 284
 Placcii (Vincentii) opus de Scrip-
 toribus anonymis & Pseudonymis absolutum. 336
 Placenta uterina glandulis desti-
 tuitur. 55
 Cum Placentæ uterina vasis com-
 municatio vasorum uteri. 35
 Plantarum plus centum icones &
 descriptiones. 237
 - - characteres unde desumen-
 di? 238
 Cum Pleura cur frequenter cuba-
 reant pulmones? 52
 Plexus choroidæus nervorum ex-
 pers. 54. 518
 - - - vasis lymphaticis ca-
 ret. 518
 Plicæ etiam mares obnoxii. 284
 Pliniani Laurentini situs. 350
 Poenæ privata quatenus habeant
 locum? 69
 Poetarum Anglorum vitæ & cha-
 racteres. 424
 Poeticæ Sylvæ Christiani Gryphii. 59
 Poeseos Hetrusca Historia. 526. sqq.
 Poesi celebres famina Angli. 425
 Poetarum lectio quatenus com-
 mendanda? 455
 - - vitia. 455. sqq.
 Polonicæ pristina magnificentie
 documenta. 539. sqq.
 Polonorum cum Turcis postremi
 belli Historia. 535. sqq.
 S. Polycarpus num in prima ætate
 gentilis fuerit? 47
 - - quam scripta composue-
 rit? 47. 156
 Pondera nostræ ætatis cum anti-
 quis collata. 347
 Pontifex maximus Habraorum
 quas gemmas in pectorali gesse-
 rit? 278. sqq.
 - - Romanus num sine consen-
 su Cardinalium edere con-
 stituciones queat? 471
 - - - num sit supra Conci-
 lia? 471
 Pontonis jus concessum quousq; se
 extendat? 166
 Pontifi.

- Pontificis Romani quæ fuerit in
Concilio Ephesino auctoritas? 171
- Pontificum Romanorum numi-
smata illustrata. 520
- Portam sanctam in Jubilæis rese-
randi & claudendi ritus quan-
do Roma caperit? 525
- De Prædiis tractatus. 270
- Prætoriarum cohortes ab Augusto in-
stituta. 342
- Problema inveniendi Solidi rotun-
di, in quod minor fiat a reside
fluidi resistentia &c. 354. 511. 514
- Procidens ani curatio a sphæce.
lo. 53
- In Procidentiâ ani quanam tui-
ca intestini recti laxetur? 53
- Procopii Gazæi Commentarius in
Heptateuchum & Canticum præ-
lo paratus. 157
- Propheticarum vocum expositio.
106
- Protuberantia annularis fibris
longitudinalibus & transversis
constat. 519
- In Psalmos Davidis Expositiones
S. Athanasii nuper demum vul-
gata. 202
- Pulmo adulti sed morbidus corpo-
ris aqua baud innatans. 51
- Pulmonalis vena quatuor trunci.
577
- Pulmones cur cum pleura fre-
quenter cohereant? 52
- Pulmonum calculus, 397
- Puncta num textui Hebræo sine
coava? 286
- Purgantia aliquando in febribus
malignis salutaria. 283
- Q**uadratura spatiorum quorum-
cunque per Methodum Tangen-
tium Hugonianam possibilis. 177
- - - Circuli quomodo per-
fici possit? 178
- - - zona cycloidalis. 320.
- 47
- Quadratus explicatus. 45
- Quietismi descriptio. 132. 599.
- - - refutatio. 391
- Quinta essentia catholicum mor-
borum remedium. 190
- Quintiliani (Marci Fabii) ar-
ta, munera, scripta. 115. 599.
- - - factum non est Dialogus
de claris oratoribus. 116
- R**abbinis num Christus para-
bolas suas fuerit mutuatus? 8
- Rabidorum contra animantium
morsum remedium. 111
- Radices cystica quid? 54
- Rectificatio Curvarum per metho-
dum tangentium Hugonianam
possibilis. 177
- - - Curva paraboloidis cubi-
calis. 178
- - - circularis peripheria. 178
- Reformationis Evangelica in Ger-
mania memoria nummi ser-
vata. 300. 599.
- Reinc-

INDEX RERUM

577

- Reinesius notatus. [340.](#) [345.](#) [346.](#)
348
- Ob Renem laxiorem urina facu-
lenta excretio. 53
- Relegationem num Magistratus
inferior in multam pecuniari-
am possit convertere? [166](#)
- Religionis Christiana in Sinensi
imperio diversa fata. [401. sqq.](#)
- Repraesentationis ius Enchusa lo-
cum non habet. 431
- Rete mirabile arteriosum in ho-
mine adstructum. 519
- Rigaltius notatus. [44.](#) [118. sq.](#)
- Romanæ catacomba. [478](#)
- Romanorum Imperatorum Histo-
ria per eorum numismata. [418.](#)
[sqq.](#)
- - Pontificum Historia per
eorum numismata. 520.
[sqq.](#)
- Romanum Jus in Germania non
nisi subsidarium. [31](#)
- Ad Rupturas emplastrum. [74](#)
- Rutgerii (Jani) elogium. [267](#)
- Ryswicensis pacis instrumentum.
[366](#)
- In Sacramento Eucharistia num
ipsum corpus & sanguis Chri-
sti distribuatur? [433 sqq.](#)
- Dn. De Salignac-Fenelon Archi-
Ep. Cameracensis doctrina ac-
fensa. [20. sqq.](#) [139. sqq.](#)
- - - refutata & damnata.
[132. sqq.](#) [146. sqq.](#)
- Salis armoniaci spiritus excrescen-
tiam carnis coercet. [74](#)
- - - acidi e sanguine extractio.
[376](#)
- Salivalis ductus calculus. 58
- Salivales glandula maxilla inferi-
oris cum sublingualibus. 58
- Sancti num omnes censendi, quo-
rum nomina Dypticis inserta
leguntur? [484](#)
- Sanctorum incognitorum cultus
improbatus. [107. sqq.](#)
- - cultus quando coeperit?
[486. sqq.](#)
- Sanctuarium quid? [306](#)
- Sanguinis sal acidum. 376
- - - principiorum sensibili-
um proportio. [377](#)
- Sanmarthani (Scavola) elogium.
328
- Sapientum septem Gracie dicta il-
lustriora. [479](#)
- Satellitæ Jovialis immersio obser-
vata. 112
- Saturnus unde fingatur filios devo-
rassè? [330](#)
- Savonarola, Propbeta. 391
- Ad Scabiem unguentum. 73
- Ad Scirrhum linimentum. [73](#)
- Schall (Adami) in Sina fata di-
versa. 491. [sq.](#)
- A Schelstraten (Emanuel) refu-
tatus. [40. 411](#)
- Scholasticorum de concursu Dei
ad creaturarum actiones do-
ctrina. 212
- Dddd In

In Scorbuto oris acidula per modum gargarismi profunt. 593

S. Scripturæ dicta illustrata.

II. Sam.	XXIII.	<u>1. sqq.</u>	282
Pfalm.	XXII.	<u>17.</u>	282
Cantic.	I.	2. 5.	<u>76</u>
	II.	14.	<u>76</u>
	VII.	9.	<u>76</u> sq.
Eesai.	XXIX.	2.	282
Matth.	II.	2.	<u>9</u>
		15.	10
		23.	<u>244</u>
	III.	11.	<u>7</u>
	IV.	1.	<u>10</u>
		8.	<u>276</u>
	V.	<u>43.</u>	<u>244</u>
	IX.	<u>10.</u>	8
	X.	<u>16.</u>	8
	XI.	28.	<u>10</u>
	XVI.	<u>18.</u>	<u>10</u>
	XX.	<u>16.</u>	8
	XXIII.	35.	<u>9</u>
	XXIV.	4.	9
	XXVI.	<u>16.</u>	9
	XXVII.	35.	128
		27.	<u>244</u>
		<u>44.</u>	<u>9. 119</u>
		<u>47.</u>	130
		52.	131
		54.	131
	XXVIII.	<u>19.</u>	<u>10</u>
Marc.	XIII.	34.	<u>254</u>
	XV.	4.	<u>121</u>
		<u>23.</u>	<u>126</u>

Luc.	I.	1.	<u>413</u>
		20.	<u>275</u>
Joh.	I.	33.	<u>475</u>
	III.	2.	<u>275</u>
	XIII.	<u>27.</u>	<u>106</u>
	XVIII.	<u>28.</u>	119
		31.	<u>120</u>
		38.	<u>120</u>
	XIX.	5.	<u>123</u>
		13.	124
		<u>14.</u>	<u>124. 276</u>
		<u>19.</u>	<u>127</u>
		<u>23.</u>	127
		<u>29.</u>	130
		34. 35.	476
Act.	II.	25.	<u>404</u>
	VII.	<u>16.</u>	<u>244</u>
Eph.	V.	<u>26.</u>	<u>476</u>
II. Theſſal.	II.	3.	12
I. Joh.	V.	<u>6.</u>	<u>476</u>
Apocal.	XVI.	<u>20.</u>	131
	XXI.	12. sqq.	<u>281</u>

Semi-Pelagianismus occulte inſtauratus. 439. sqq.

Septentrionalium Bibliotheca & eruditio. 204. sqq.

Sepulchri tormentum ex mente Mahomedanorum. 255

Servitutis uſus num ſub Chriſtianis penitus deſerit? 306

Serum quod in diarrhæa vel a cathartico evacuari ſolet; unde? 518

Seviri Auguſtales Romanis ſui? 345

Siberia

INDEX RERUM.

579

- Siberia quomodo Rufforum impe-
rio accesserit? [498. sq.](#)
- Simon (Richardus) refutatus. [532](#)
- Sinenfis Imperatoris Edictum in
gratiam Religionis Christiana. [490. sqq.](#)
- Sinensium cum Moscis bellum &
pax. [499. sqq.](#)
- Singulares Equites qui Romanis?
[344.](#)
- Siri (Victorius) notatus. [457](#)
- Smithi (Thoma) Vita. [463. sqq.](#)
- Solis Eclipsis A. 1699. d. $\frac{11}{2}$ Sept. [544](#)
- Sonerus (Ernestus) num Socinia-
nus accensendus? [509](#)
- Spartianus refutatus. [349](#)
- Spatorum quorumcunque qua-
dratura per methodum tangen-
tium Hugonianam possibilis.
[177](#)
- Spina bifida unde? [519](#)
- Intra Spinæ vertebrae usus glan-
dularum mucilaginosarum. [50](#)
- Spinalium nervorum conforma-
tio. [519](#)
- Spinosissimi πῶτον ψεύδος. [94](#)
- Spiritualis substantia qualis in no-
bis idea? [15](#)
- Spiritus vegetabilium inflamma-
biles quid? [352](#)
- Spirituum animalium existentia
in dubium vocata. [50](#)
- Sponius notatus. [344](#) [346](#)
- Sponsalia num indissolubilia? [309](#)
[sqq.](#)
- + quomodo pena aliqua mu-
nienda? [309](#)
- - de presenti & futuro quo-
modo differant? [309](#)
- - ad exemplum aliorum pa-
torum judicanda. [311](#)
- - si cum pluribus fuerint con-
tracta, quamam prevale-
ant? [312](#)
- Statii (P. Papinii) atas & scripta.
[117](#)
- Statius explicatus. [332](#)
- Statutorum diversa genera. [505](#)
- A Statutorum dispositione quate-
nus per conventiones privatas
possit recedi? [506. sq.](#)
- Stercorariorum secta conficta.
[442](#)
- Stertor in asthmate unde? [352](#)
- Stillingfleeti (Eduardi) contro-
versia cum Jo. Lockio. 12. [sqq.](#)
- Stipulari tertio num moribus no-
stris liceat? [69](#)
- Stipulationes in Germania non
sunt receptæ. [31](#)
- Stomachi motus peristalticus. [113](#)
- Strada (Famianus) notatus. [459](#)
- Ad Strumas unguentum. [74](#)
- Studiofi alios haeredes non habentis
hereditas num fisco, an Aca-
demie cedat? [69](#)
- Stultorum festum olim in Ecclesiis
quibusdam celebrari solitum. [186](#)

D d d d 2

Stupri

Stupri violenti accusatio lepide elusa.	374	subtiliora quam in aliis glandulis.	53
Subclaviæ glandula.	58	Theodoretus num fuerit orthodoxus?	173
Substantia mere passiva num detur?	223	Theodorus Mopsuestenus Nestorianismi pater.	167. 168. 173. 416. 417
Substantiæ quænam idea? 12 sqq.		Theologica Paradoxa.	285. sq.
Suecorum scripta.	206	Theologiæ Moralis systematica origo & progressus.	65
Sylvius (Æneas) num ante Pontificatum statuerit, Papam Concilio generali subesse?	306	- - Dogmatica compendium.	287
Symbolum Apostolicum Apostolis vindicatum.	386	- - Systema.	473
Synedrium apud Judæos de summi Pontificis delictis cognovit.	390	Theophilus Malala memoratus, quis?	158. sq.
T Acitus explicatus.	342. 370	Thermæ quomodo operentur?	543.
Tangentium methodi Hugoniana præstantia.	177	- - quibus morbis medeantur?	544
Tarfus Cæsar quis?	234	Theræ potus pinguescit.	284
Tenebræ tempore passionis Christi obortæ num extra Judæam extensa fuerint?	129	- - improbatus.	469. sq.
Tertulliani auctoritate destructa doctrina de Transubstantiatione.	434. 436	Theonis nova editio promissa.	342
Testamenti inofficiosi querela num hereditatis petitionem contineat?	69	Therapeutæ qui?	43. 407
Testamenti Novi Canon quando constitutus?	412. sqq.	Thomas Aquinas num Casini montis Monachus fuerit?	391
Testamenta XII Prophetarum, liber apocryphus V. T.	259	Thoracici ductus humani figura exacta.	57
Testamentum Novum cum notis Hammondi & Clerici.	5. sqq.	Thymi usus in fœtu.	51
Testiculorum vasa sanguifera		Thyroidæarum glandularum usus in fœtu.	52
		Thyrus Baccho sacer.	419
		Tituli quid Antiquarii?	340
		Toëckelii in nupero bello Turcico fata.	537
		Transub-	

INDEX RERUM

581

Transubstantiatio in S. Cœnæ pri-
mitiva Ecclesia ignota. [434](#).
sqq.

Tribonianus vindicatus. [431](#)

Tridentini Concilii historia pro-
tractis in lucem epistolis illustra-
ta. [261](#).sqq.

Tridentinum Concilium num a
Gallu per contemptum Conven-
tus dictum? [265](#)

De S. Trinitate doctrina Anglico
carmine exposita. [38](#)

In S. Trinitate quo sensu Filius
minor Patre dici queat? [163](#)

Trithemius a Magia suspitione li-
beratus. [391](#)

- - notatus. [440](#)

Triumphus Bacchi gemma inscul-
ptus, explicatus. [419](#).sqq.

Tumor maxilla inferioris ad mu-
sculum masseterem quomodo in-
cidendus? [51](#)

Tunica Christi inconsutilis, qua-
lis? [127](#).sq.

Tunica allantoidea in fœtu huma-
no nulla. [55](#)

- - intestinorum villosa ad-
mittitur, glandulosa nega-
tur. [517](#)

Turcarum clades ad Echinades
numismatibus [representata](#). [523](#)

Turcas inter & Venetos belli Hi-
storia. [97](#).sqq.

- - inter & Polonos belli Hi-
storia. [535](#).sqq.

A Tutela excusatio ob numerum
liberorum. [430](#)

Tutor fidelis quis? [431](#)

VAlvularum conniventium in
intestino jejuno conformatio
& glandule. [518](#)

Vasa. Vascula. Vide Lactea,
Lymphatica, Pulmones, Ute-
rus, Pleura.

Vena bronchialis in subclavium
ramum terminatur. [51](#)

Venæ pulmonaris quatuor trunci.
[577](#)

Venæsectio neglecta mortem ac-
celerans. [3](#)

Veneræ luis antidotum. [47](#)

- - - contagium brutis ani-
mantibus communica-
bile. [74](#)

In Venetos conspiratio A. 1618.
[375](#)

Venetos inter & Turcas belli Hi-
storia. [79](#).sqq.

Venia ætatis qua formula Princi-
pibus Germaniæ concedatur?
[365](#)

Ventriculi vulnera non omnia le-
thalia. [52](#)

- - - calculus. [397](#)

Verulamius notatus. [180](#)

Vesicæ calculus. [397](#)

Victimariorum olim apud Roma-
nos collegium. [346](#)

Viennæ obsessæ & liberatæ historia.
[535](#)

Vigilum cohortes apud Romanos
olim quæ? [343](#)

Virgilius notatus. [455](#)

Vis agendi insita quo sensu crea-
turis corporeis tribui possit?
[216](#).sqq.

Visci

Visci generatio , germinatio & propagatio.	179	Uteri vasorum cum vasis placenta uterina communicatio.	53
Ulceribus cancrosis suffimigium cinnabaris medetur	74	Uterinae placenta glandulis destituta.	55
Umbilicalis chorda tubulis succiferis destituitur.	55	Vulnera ventriculi non omnia lethalia.	52
Unguentum ad scabiem.	73	Vulnus laryngis una cum vasis sauciatis sanatum.	74
- - - ad ulcera omnis generis.	74		
Voluntatis Divina efficacia.	215.	WHartonus notatus.	156
	sqq.		
Vossius (Jo. Gerbardus) emendatus.	346	Zosimus Papa num errorem in Celestii & Pelagii causa commiserit?	391
Uranometria Bayeri notata.	182		
Usburgeri in Germania qui?	33.		
	35		



